

近代中國史料叢刊第十四輯
沈雲龍主編

郵傳部奏議類編·續編

郵傳部編

文海出版社印行

中華民國五十六年十一月臺初版

近代中國史料叢刊 第十四輯

線裝十四冊
定價新台幣四千四百元正

主編者：沈雲龍

發行人：李振華

出版者：文海出版社
臺北縣永和鎮中興街99巷8號

郵政劃撥戶第二七八四號
電話九二一二六五九號

印刷者：美明美術印刷廠

臺北市康定路二〇二號

經銷者：全省各大書局

版權所有

內政部登記證內版臺業字第〇八〇〇號

郵傳部奏議類編

參議廳編
覈科編輯

W488/15

總

務

例言

- 一 是編彙輯本部奏議以備修纂政要根據
- 一 編次酌分五類曰總務曰船政曰路政曰電政曰郵政每類中各以年月先後爲序
- 一 凡關係二政或三政者分門互見
- 一 會奏之件均依事寔分類隸入
- 一 事關重要應守秘密者存目不印
- 一 此編起光緒三十二年九月訖光緒三十四年十二月嗣後按年彙刻

編纂科謹識

郵傳部奏議類編目錄

總務 光緒三十二年九月迄三十三年十二月

請飭鑄印信並先刊木質關防摺

奏報開用關防日期摺

揀員請補署丞參摺

請調用京外各員摺

開用新鑄印信片

奏遷移公所日期摺

奏派督辦電政楊文駿接充上海實業學堂監督片

預保丞參並調員差遣摺

請 旨調鄭孝胥等二員來部片

奏調陸軍部郎中李焜瀛歸部補用片

郵傳部奏議類編目錄

總務

參議廳編纂科

請飭各國駐使考察四科留學生送部差遣片

遵 旨甄擇司員摺

請將胡國瑛革去頂戴片

請撥民政部公所改作本部衙署摺

奏調各部人員暫行留部差委片

遵 旨擬議本部官制事宜摺 附清單

預保丞參摺 附清單

請 旨飭鑄本部廳司印信摺

奏請酌給本部堂司各員月支公費片

請頒給圖書集成摺

請 簡放丞參摺

奏陳本部開缺右丞陳昭常右參議施肇基服官行能片

遵 旨核定本部月支數目摺附清單

奏留陳應濤等七員歸部補用片

恭謝 天恩賞頒公費摺

奏留改用本部僉事等官摺

王鴻統請免迴避片

奏明錄事升途片

調補各部實缺人員陳毅等四員摺

禮王等奏驗放庚耆等六員摺附清單

署理右侍郎郭謝 恩摺

恭王等驗放龍建章等二員摺附清單

奏留潤璋等歸部補用摺

奏留度支部主事蔣尊律按官補用片

新建衙署遷移日期摺

新授參議呈請開缺應行簡員補授摺

奏派湖北存記道宋育仁總辦圖書通譯處片

擬聘大員接充高等實業學堂監督摺

續行調到人員留部分別補用摺

本部開缺左參議張元濟謝恩據情代奏摺

本部各廳司開用新印日期摺

本部錄事已領外職憑照請以到部日作為到省日期片

道員宋育仁馮元鼎請開去原派各差咨回原省片

遴員遞署承參各缺摺

擬設交通銀行摺

附清單

遴選交通銀行總協理片

奏留調部游學畢業各員摺

奏派交通銀行總稽查等差片

請鑄頒圖書通譯局關防片

邊員試署僉事各缺摺附清單


恭繳 硃筆摺

請頒給學堂圖書集成摺

實業學堂教習李聯珪請免扣資俸片

奏留趙毓煊陳壽彭以上事補用片

調鄭守欽孫筠到部片



請飭鑄印信並先刊木質關防摺

奏為請

旨飭鑄臣部印信並先刊木質關防候

旨遵行恭摺仰祈

聖鑒事竊臣等奉

命補授郵傳部尚書侍郎擬暫行設立公所到任視事惟臣部係

屬創設辦理一切事宜須有印信方足以昭信守應請

旨飭下禮部鑄造頒發如蒙

俞允即由臣部行知禮部遵照辦理至印信未經頒到以前擬由

臣部先行刊刻木質關防文曰郵傳部之關防以資應用除

將開用關防日期另行奏報外所有請

旨飭鑄印信並刊用木質關防緣由理合恭摺具陳伏乞

郵傳部奏請鑄印信

總務 請鑄印信

一 參 奏 鑄 印 信

皇太后

皇上聖鑒謹

奏

光緒三十二年九月二十四日奉

旨依議欽此

奏報開用關防日期摺

奏爲恭報開用關防日期恭摺仰祈

聖鑒事竊臣部前於本年九月二十四日奏請

飭鑄臣部印信並先刊木質關防一摺本日奉

旨依議欽此欽遵在案臣等當即飭員趕刻木質關防一顆已於

九月二十五日敬謹開用以重部務除俟禮部鑄就印信由

臣部派員請領再行奏報外所有開用關防日期緣由理合

先行繕摺奏

聞伏乞

皇太后

皇上聖鑒謹

奏

光緒三十二年十月初五日奉

旨知道了欽此

揀員請補署丞參摺

奏爲揀員擬請補署丞參各缺請

旨簡放恭摺仰祈

聖鑒事竊臣部係屬新設前經釐定官制王大臣等擬仿照外務部農工商部學部民政部規制設立左右丞各一缺左右參議各一缺業經奏明在案查新設左右丞參各缺有總核各司事務之責承上啓下責任殷繁非得品行端方才具練達且平日講求航業路政電學郵務之員不足以膺斯任臣部詳加遴選查有前署奉錦山海關道直隸

存記道陳昭常警敏開通才猷卓越現充京張鐵路總辦一切均爲妥協擬請補授右丞二品銜內閣侍讀學士那晉通達治體諳練老成前經出使德國大臣蔭昌奏調出洋頗能究心

時務擬請補授左參議

存記道施肇基熟諳西學性行淑均曾隨考察政治大臣出洋頗稱得力現充京漢全路總辦措置裕如查該員係臣紹怡遠房族弟之女婿不在迴避之列擬請試署右參議以上三員臣等深知其才品均堪勝任當茲

朝廷破格用人之際適值臣部經營創始之時細目宏綱百端待理正宜藉資羣策相與贊助有成合無仰懇

天恩

准予補署以重職守至左丞一員容俟慎選得人再由臣等奏明簡授所有擬請補署右丞左右參議各缺緣由理合恭摺具奏伏乞

皇太后

皇上聖鑒訓示謹

奏

光緒三十二年十月二十八日奉

旨留欽此

請調用京外各員摺

奏爲部務殷繁擬請調用京外各員以備器使而重職司恭摺
仰祈

聖鑒事竊維熙庶績責毗治之得人論辨官材乃行政之樞要
況事關創始既無成式之可循治屬維新尤係環球之觀聽
查近百年來歐美列強莫不汲汲於交通組織之完全以爲
利權擴張之進境其於各項應用人材造就既多講求有素
是以人存政舉措置裕如今

朝廷銳意振興際茲釐定官制之初特舉郵路輪電四大政悉
總隸於部期事權之專一俾責任之有歸所有司法行政
宜統顧而兼籌細目宏綱貴有條而不紊苟措理稍形叢脞
不惟騰笑外人且慮有虧政體臣等前因部務緊要佐治需

人業經揀員補署丞參奏奉

諭旨 在案茲值開辦伊始百務叢集分猷效職宜有專司自非選
集衆材藉資委任恐不足以理繁劇而裨政要伏查近日新
立各部均各先後奏調京外各項人員量才器使所請俱蒙
俞允_臣部造端宏大事理複雜且於外交內治關涉尤多則立法
用人尤不得不博采周諮冀收羣策羣力之效_臣等再三審
慎公同商榷查有翰林院編修關冕鈞李稷勳庶吉士林步
隨章稜吏部主事龍建章候補主事覺羅同林學習主事傅
增濬禮部候補郎中宗室占鼈陸軍部候補郎中顧彥龍候
補員外郎保衡覺羅耆昌學習主事關廣麟唐庚法部郎中
陳毅員外郎王儀通學習主事王鴻銑農工商部員外郎柏
銳候補員外郎孫寶瑄宗室庚耆學習員外郎銅林候補主

事章華陳士芑宗室文灃學部候補主事楊宗稷大理寺學
習寺丞福兆候補郎中楊鏗夔分部即補主事唐德萱候選
筆帖式覺羅嵩秀直隸候補知府馮元鼎候選知府金恭壽
分省候補知縣譚祖任陸長葆共三十二員俱各通達政體
堪以調用合無仰懇

天恩俯念臣部事務繁重需才孔亟

飭下各部院暨各省督撫將該員等調歸臣部差遣一俟奉

旨允准即由臣等移咨各衙門遵行至奏調各員應請援照學部

及前巡警部成案暫無庸開去各衙門差缺遇有陞轉仍因

其舊俟臣部奏補實任之後再行照例辦理此外尙有應調

人員統由臣等隨時訪察陸續奏請或仿照外務部及商部

辦法調員考試以備任使所有臣部開辦擬請調用京外各

員緣山謹繕摺具陳伏乞

皇太后

皇上聖鑒謹

奏

光緒三十二年十一月初八日奉

旨依議欽此

開用新鑄印信片

再准禮部咨送新鑄_臣部印信一顆文曰郵傳部印即於正月二十六日敬謹開用所有_臣部前刊木質關防應即自行銷燬除通咨查照外謹附片陳明伏乞

聖鑒謹

奏

光緒三十三年正月二十七日奉

旨知道了欽此

The image shows a large rectangular frame with several vertical lines inside, creating a grid-like structure. The lines are thin and evenly spaced. The frame is mostly empty, with some minor noise or artifacts visible, particularly on the right side where there is a small dark shape and a horizontal tick mark.

奏遷移公所日期摺

奏爲 臣部公所遷移日期恭摺具陳仰祈

聖鑒事竊於上年十月准外務部知照商明義國公使將佔用之
理藩院舊署交回即經派員接收並暫作爲 臣部公所開辦
之始部務尙簡嗣以各項鐵路相繼歸併事較繁劇該處房
屋不敷公用 臣等互相商榷應即另行賃屋俾資辦公茲經
賃定東華門外燈市口房屋一所視理藩院舊署屋宇較多
現在尙敷應用即於本月二十五日遷入公所辦事惟 臣部
衙門亟需建設將來如遇有騰出之衙門公所各項房屋堪
以撥給之處應行奏明請

旨辦理其理藩院舊署距前門東西兩車站甚近該處地段適中
應即將郵政總局遷入以便接遞當經飭令總稅務司遵照

辦理除通行知照外所有臣部公所遷移日期緣由理合恭摺具陳伏乞

皇太后

皇上聖鑒謹

奏

光緒三十三年二月二十八日奉

旨依議欽此

奏派督辦電政楊文駿接充上海實業學堂監督片

再據上海高等實業學堂監督現任農工商部右侍郎臣楊士琦咨稱光緒三十三年二月十八日本部具奏上海高等實業學堂擬劃歸郵傳部管理一摺同日奉

上諭知道了欽此查學堂爲育才要政監督有管轄之權現既改歸郵傳部管理自應派員赴滬接辦以專責成而資鈐束等因前來臣等伏查上海高等實業學堂係由南洋公學改設其經費向歸輪電兩局籌撥今既由農工商部奏交臣部管理所有該學堂監督應由臣等遴派委員赴滬接辦惟該學堂向未有另派監督由會辦電政大臣就近兼充藉省經費茲擬仍派督辦電政事務記名道楊文駿接充上海高等實業學堂監督以符向章而一事權謹附片陳請伏乞

聖鑒訓示謹

奏

光緒三十三年二月十八日奉

旨依議欽此

預保承參並調員差遺摺

奏爲遵

旨預保堪任承參人員酌派行走並調員差遺恭摺仰祈

聖鑒事光緒三十三年二月初九日奉

上諭各衙門承參前經降旨飭令該堂官於試驗得力人員出具切實考語預行保薦乃各部有奏請先派行走者有聲明缺員徑行開單請簡者雖非指明奏補辦理究未能一律嗣後仍著懷遵前旨預行保薦聽候記名由軍機處記名請簡以昭鄭重欽此欽遵在案查_臣部創設伊始百端待理舉凡輪路郵電諸務皆爲立國之本源富強之至計自非贊助有人難期收效且_臣部承參各缺自右丞陳昭常等開缺後僅有左參議那晉一員其左右丞並右參議三缺尙未續請

簡補現擬籌辦一切尤苦無提綱絜領之員以資佐理應遵

旨預保冀備

簡拔臣等於夙所稔知暨平日任使得力人員內詳細考求認真
遴擇查有候補四品京堂鄭孝胥才識宏通任事果決外務
部候補員外郎張元濟深諳交涉精究時務以上兩員志節
清亮學問淹博言論丰采中外推重徵諸聞見實爲特出之
才又查有

賞還二品頂戴前四品卿銜廣西補用道魏瀚品詣純正中西兼
通閱歷最深資望尤洽前在福建會辦船政收回製造實權
經緯過人誤被謗議衆論冤之嗣經臣春煊調赴廣東襄辦
洋務及總辦製造局水魚雷船廠等事籌畫設施悉中窾要
且於輪路諸學極爲講求又奏調雲南差委廣東補用道姚

紹書隨_臣春煊辦事有年才具操守卓然可信以上四員擬懇

恩准一併調部又直隸候補道馮元鼎分省補用道李稷勳先經調部_臣重意留心考察均屬才識開敏辦事認真當此整理部務之時丞參儲才宜亟擬以鄭孝晉張元濟二員派在丞參上行走姚紹書馮元鼎李稷勳三員派在參議上行走俟數月後詳加察驗再行分別請

旨記名簡補魏瀚一員並請派在丞參上行走一俟著有成績再懇

恩施開復量加擢用又度支部行走法政科進士分省補用道陳錦濤識卓思精覃心計學奏調雲南差委廣西補用知府高鳳岐器識閎深學術純粹雲南差委廣東補用知府胡道源

品節超邁條理

州知州丁平淵

驗有素擬懇一

俞允俟奉

旨後再由臣部分別

旨預保丞參酌派行

皇太后

皇上聖鑒訓示謹

奏

光緒三十三年

旨留中欽此

請 旨調鄭孝胥等二員來部片

再臣部應辦諸務或須亟爲擴充或多牽於交涉措置之得失動爲大局興替所關臣春煊材輕任重衰病侵尋夙夜籌維每虞阻越深期贊理部務必得廉明公正才望素孚之選現擬保堪任承參之鄭孝胥張元濟二員皆優於匡濟淡於榮利臣上年就醫滬上常相過從每與商榷時事莫不慷慨激昂殷心

君國若令襄理部務擘畫必有可稱並可留爲他日大用之地惟該兩員志節高尚遇有微辟每不輕就擬懇

特旨調令來部在承參上行走俾該員等馳驅感激上報聖明而臣等亦得收贊助之效以裨部務出自

逾格恩施謹附片具陳伏乞

聖鑒訓示謹

奏

光緒三十三年三月二十八日奉

旨留中欽此

奏調陸軍部郎中李焜瀛歸部補用片

再道員用陸軍部職方司郎中李焜瀛敦篤謹飭品學兼優前歲隨同考察政治大臣出洋經歷數國遇事講求嗣經出使英國大臣外務部右侍郎汪大燮奏留英國使館已歷三載該郎中李焜瀛爲故協辦大學士李鴻藻之子與胞弟度支部郎中李焜瀛同志出洋專心考查力求上進實爲部員中不可多得之才臣部初行擬立非諳習列國情形難期得力汪大燮現已補外務部右侍郎行將回華合無仰懇

天恩准將李焜瀛調歸部補用俾資臂助洵於公事有益是否有當恭候

訓示遵行謹

奏

光緒三十三年三月二十八日奉

旨留中欽此

請飭各國駐使考察四科留學生送部差遺片

再臣部創辦伊始所轄四政或爲科學之專門或有管理之新法自非出洋留學多年深造有得之士斷難勝任快檢查外務部

奏定儲才館章程以游學畢業生爲上選各部調用人員亦多取材於外洋學生臣部需才孔亟自應倣照辦理擬請

飭下外務部行咨各國駐使悉心考察如留學生所習科學與臣部四政相關確有心得足備器使者由該使臣查驗畢業文憑出具切實考語咨送回國歸臣部差遣以資臂助如果試驗得力再當分別程度高下或留部補用或酌派差使冀收集思廣益之效如蒙

俞允即由臣部咨行外務部遵照辦理伏乞

郵傳部奏議願編

總務

請飭各駐使考察留學生送部

十四

參議院編譯科

聖鑒謹

奏

光緒三十三年四月十九日奉

旨依議欽此

遵 旨甄擇司員摺

奏爲遵

旨甄擇司員恭摺仰祈

聖鑒事光緒三十二年十一月二十九日欽奉

上諭方今時局艱難朝廷宵旰憂勞日求振作爾大小臣工應如何破除積習共矢公忠乃聞郵傳部尙書張百熙侍郎唐紹儀到部以來時有意見任用人員亦不免瞻徇情面屢招物議殊負委任本應將該尙書侍郎立予罷斥轉得置身事外姑從寬免張百熙唐紹儀着傳旨嚴行申飭該部丞參及所調司員着該尙書侍郎等認真甄擇分別去留一切應辦事宜並責成公同商酌妥籌經理儘再稍參私臆貽誤公事定惟該尙書侍郎等是問欽此伏念臣部本係新設急切需人創辦之初博加採

訪一時薦牘紛至誠不免稍涉冒濫人言嘖嘖不盡無因所
調各員原擬到部後察其才識品行堪以委用者再行分別
去留時以尙未分司且該員等到部時日亦復無多未足考
成尙待審察是以未經覆奏張百熙旋以久病出缺唐紹怡
現已改缺臣等到任方新無所用其迴護先後詳加考查實
不乏學識通達材器可造之員餘亦多能循分供職其有當
差疎曠不知奮勉才力平庸未能得力以及聲名素劣者自
應恪遵

諭旨甄擇查有奏保知州翁廉原工部候補員外郎恩培均請咨
回吏部無庸在臣部當差法政科舉人田書年被控有案劣
迹昭著應請

旨即行革職以示懲警此外各員應由臣等隨時考其才能察其

勤惰其學識優長者按照新設各部院之例陸續奏留補用
其不能勝任者即咨回原衙門行走決不姑容所有違
旨甄擇司員緣由理合恭摺具陳伏乞

皇太后

皇上聖鑒訓示謹

奏

光緒三十三年五月二十九日奉

旨依議欽此

請將胡國瑛革去頂戴片

再臣部書記委員州同職銜胡國瑛前於光緒二十七年三月間因在北城地面訛詐商民擄人勒贖經該城御史兵科給事中唐椿森查實正在究辦該職員胡國瑛膽敢糾率惡黨馮小愷等至唐椿森寓所毀門直入扭捆而出自保安寺街拖至長椿寺跌足摔擗凌辱百端道路聚觀駭爲向所未見臣等隨在巡視中城任內聞信督率員弁親往將唐椿森追回胡國瑛等亦即拿獲會同五城擬請全權大臣盡法懲治嗣以當時管理地面之權尙未十分完備不能如法辦理僅予重杖監禁暫行完案京城士夫談及此事至今尙爲切齒臣等到任後察知胡國瑛現充臣部委員巨惡刑餘儼列仕版近在臣部當差並訪查得該員到署以來極不安分實屬

估惡不悛亟應遵

旨嚴行甄別擬請將州同職銜胡國瑛革去頂戴發往天津習藝
所充當工作三年期滿察看情形是否改悔再行酌辦以示
薄懲庶免在京逗遛滋生事端是否有當謹附片具陳伏乞
聖鑒謹

奏

光緒三十三年五月二十九日奉

旨依議欽此

請撥民政部公所改作本部衙署摺

奏爲請撥民政部公用處所改作郵傳部衙署恭摺會陳仰祈
聖鑒事竊郵傳部自上年九月設立以來已八閱月暫行租賃民
房作爲公所辦事因房屋狹隘布置殊難迭經遷移均未合
用現在官制將次議定即須會同具奏急應分司職掌凡鐵
路輪船電報郵政事務殷繁租賃民房自非經久之計且不
敷辦公之用遍選城內各處驟難得適中相宜之地茲查西
長安街路北向有儀愼親王舊第一所前蒙

恩賞作鑾儀衛衙署其西偏空閒房院撥歸民政部公用於上年
九月由民政部會同鑾儀衛奏准在案臣等詳加查勘該處
房舍雖稍加修葺以經費未充一切書籍陳設尙未備具且
地基不甚寬廣若撥歸郵傳部改建衙署現時尚堪敷用又

地近前三門與車站及所轄各處人員來往較便最爲相宜
開辦之始足資辦公將來按照新設官制添設各局所仍須
酌量展拓查該處鄰右羣房餘地尙多再行添購數處逐漸
擴充可臻完備臣等咨商面商意見均屬相同合無仰懇
天恩俯准將民政部前請公用處所全部撥歸郵傳部改建衙署
以資辦公是否有當謹恭摺會陳伏乞

皇太后

皇上聖鑒訓示再此摺係郵傳部主稿會同民政部辦理合併聲
明謹

奏

光緒三十三年六月初五日奉

旨依議欽此

奏調各部人員暫行留部差委片

再臣部開辦方新百端待理近日釐定官制詳擬職掌先行分司試辦任事在在需人必須熟諳部務條理精密之員庶資佐理前商部設立之初借調外務部司員辦理開部一切事宜臣部擬援照成案於臣璧曾任商部度支部二署中遴選數員並於各部中遴選二員暫行調來臣部隨同辦事查有農工商部郎中胡祥鏞趙從蕃唐浩鎮員外郎力鈞主事王曾綬六保阮惟和夏仁虎梁用弧度支部員外郎管象頤張茂炯蔣尊稜吏部員外郎陳應濤陸軍部主事何啓椿堪以酌調仍飭該員等分班輪值以期兼顧俟一二箇月後規畫就緒即令仍歸原衙門當差如須酌留二三員改歸臣部補用屆時再行奏明辦理謹附片具陳伏乞

聖鑒謹

奏

光緒三十三年六月初十日奉

旨知道了欽此

遵 旨擬議本部官制事宜摺

奏爲遵

旨擬議郵傳部官制事宜繕具清單恭摺仰祈

聖鑒事光緒三十二年九月二十日內閣奉

上諭欽奉

諭旨輪船鐵路電綫郵政應設專司著名爲郵傳部原擬各部院衙

門職掌事宜及員司各缺仍著各該堂官自行覈議悉心妥籌會

同軍機大臣奏明辦理此次酌定損益原爲立憲始基實行預備

如有未盡合宜之處仍著體察情形隨時修改循序漸進以臻妥

善等因欽此等受任以後昕夕籌維博訪詳求期於適用查各

國官制其交通一部或領八局或領五局或領四局或領三

局英法則專轄郵電德比則兼轄鐵路惟日本之遞信省始

統轄鐵道商船郵便電信四政之全臣等深維今昔之情勢
熟審中外之機宜斷不敢稍涉鋪張致形疎闊亦不敢苟安
簡漏有礙推行謹就愚慮所籌擬定臣部員缺爲我

皇太后

皇上縷晰陳之竊維全部之綱領必有總匯之機關茲謹遵官制
通則清單設承政參議兩廳若機要若考績若會計均屬於
承政廳以左右丞領之若法制若覈稿若檢查均屬於參議
廳以左右參議領之兩廳各置僉事二員七品小京官二員
分設五司曰船政司掌全國船政凡輪船應行考覈調查及
籌畫擴充並審議船律各項事件曰路政司掌全國路政凡
鐵路應行考覈調查及籌畫擴充並審議路律曰電政司掌
全國電政凡電政應行考覈調查及籌畫擴充並審議電律

各項事件曰郵政司掌全國郵政凡郵政應行考覈調查及籌畫擴充並審議郵律各項事件曰庶務司掌部內各雜項事件爲四司所不能賅者綜計臣部共置左右丞各一員左右參議各一員僉事四員郎中十員員外郎十二員主事二十四員七品小京官十四員按照原奏各部官制通則擬設八九品錄事不定額缺伏思立部之初首以綜覈名實爲亟如果缺多事簡自應懸缺待補將來推擴日廣綜節日繁員缺如有不敷仍應隨時續請增置期於職修事舉無濫無關船路電郵四政均係專門之學應有專科之書擬設圖書館一區分咨各國出使大臣購寄各種圖書度焉並設講習所俾合部人員得於暇時研究以資練習其餘應行附設之考工通譯各局所統由臣等體察情形陸續籌辦此外尙應仿

照農工商部之例酌設顧問官議員凡於四政素有經驗及
著有名譽之京外官員紳商由臣部慎選奏派令隨時往來
調查報告藉廣詢謀而備採擇郵傳所司職事無一不附麗
於輿地更無一不關係於工商就今規畫固以釐定部制爲
急圖而造就人才尤以增設學堂工廠爲要務庶幾機器料
件不至仰給於鄰邦而建築駕駛製造管理之人員亦免借
材於異域凡此皆必宜擴張事似緩而實急也至臣部關涉
各部之權限容俟會商畫定另行具奏以上各項事宜均由
臣等公同商酌悉心核議意見相同謹繕清單恭呈

御覽嗣後倘有未盡合宜之處自應恪遵

諭旨隨時奏明修改俾臻妥善所有議定郵傳部官制緣由謹恭

摺具

奏伏乞

皇太后

皇上聖鑒訓示再此摺係郵傳部主稿會同軍機處辦理合併聲

明謹

奏

光緒三十三年六月二十三日奉

旨依議欽此

謹將酌擬郵傳部職掌員缺章程繕具清單恭呈

御覽

第一條

郵傳部管理全國輪船鐵路電綫郵政事務凡京外官商輪船鐵路各公司廠局及電局郵局並關涉本部各學堂皆有統轄考核之責

第二條

郵傳部擬設承政廳參議廳凡二廳擬設船政司路政司電政司郵政司庶務司凡五司

第三條

承政廳任一部總匯之事擬設左右丞各一員以領之凡承辦機密考核各司籌核經費典守部庫各項事件皆屬焉設

僉事二員秩正五品七品小京官二員將來各項擴充事務
漸繁再於各司內選員分任

第四條

參議廳任一部謀議之事擬設左右參議各一員以領之凡
考訂章程覆核文稿檢査事例及提議交議決議各項事件
皆屬焉設僉事二員七品小京官二員將來各項擴充事務
漸繁再於各司內選員分任

第五條

船政司置郎中二員員外郎二員主事四員七品小京官二
員掌全國船政舉內港外海各江航業所有測量沙綫推廣
埠頭建設各項公司營開廠務以及審議運貨保險檢查燈
臺浮標各事凡有關於船政者胥掌焉

第六條

路政司置郎中二員員外郎三員主事六員七品小京官二員掌全國路政所有規畫路線釐定軌制籌還借款提倡商辦並工程購料通運行車以及推廣電車各事宜凡有關路政者皆掌焉

第七條

電政司置郎中二員員外郎三員主事六員七品小京官二員掌全國電政舉官局商局之則例海綫路綫之規章萬國電政聯盟之條款下至城市所敷設之電話電燈各事凡有關於電政者皆掌焉

第八條

郵政司置郎中二員員外郎二員主事四員七品小京官二

員掌全國郵政舉一切郵遞方法郵便匯兌郵便包裹郵票
款式郵盟條約各事凡有關於郵政者皆掌焉

第九條

庶務司置郎中二員員外郎二員主事四員七品小京官二
員掌承辦各司員升遷調補監用典守堂印收發文件電報
並署內會計營造購辦及不屬於各司之一切雜項事件皆
掌焉

第十條

以上五條所掌事件範圍甚廣條目尤繁所有各司辦事細
章應由部核定分科分所酌添司員經理以專責成

第十一條

擬照原奏各部通則設八九品錄事繕寫文件料理雜務由

部酌量委用不定額缺咨行吏部存案並設額外繕寫錄事不列品級其辦事獎勵各章程均仿照外務部農工商部之例辦理

第十二條

擬仿照農工商部之例設一二三四等顧問官一等視承二等視參議三等視郎中四等視主事不作爲缺額凡京外著名學官員紳商及於輪路電郵四項素有經驗者均由部慎選奏派以備諮詢顧問官於此四項有所建議亦可隨時函呈部用資採擇

第十三條

擬仿照農工商部之例設議員從前鐵路事隸商部曾經由部奏明揀派熟悉路務之員分在各路作爲議員令其逐事

擬設考工局置測繪員一二等藝師一二等藝士各員其藝師藝士均以得有專科畢業文憑者由臣部考驗選擇分別奏補委用一時難得此項人才應俟查有合格之員再行酌定

第十七條

擬設通譯局置繙譯編輯各員掌繙譯臣部與各國交涉文牘合同章程帳冊並編纂譯述各國有關係輪路電郵四項專科書籍現在暫由參議廳經理將來擴充以後事務殷繁再行設局

第十八條

本部所轄除上海實業學堂外擬擇地設立鐵路商船電報各學堂而以車務工廠船務工廠電務工廠附焉俾各堂學

生皆得就地實驗而各廠藝師藝士亦得隨時證明學理至郵政學堂亦擬另行建設由郵部延訪人才籌畫經費隨時舉辦

第十九條

郵傳部所轄四司俱係專門與他部人員不同所有應用各員及議置各缺擬請援照外務部農工商部奏准成案辦理不歸籤選以收因職任材之效

第二十條

郵傳部實缺人員每屆京察保列一等既奉滿截取並保送各項差缺均請按照各部通例辦理

第二十一條

部外各局與本部關係至重應分設總理協理總辦幫辦總

副監督由臣部酌量事體擬定階級再行奏派

以上各條爲現擬事例辦法嗣後如有應行增修刪改之處

由臣等公同商酌妥協隨時會同軍機大臣奏明請

旨辦理

The image shows a large, empty table with 10 columns. The table is oriented vertically on the page. On the right side of the table, there is a small rectangular tab or handle. The table is otherwise blank, with no text or data inside the cells.

預保承參摺

奏爲遵

旨豫保堪勝郵傳部承參及復加察驗各員聽候

記名簡用恭摺仰祈

聖鑒事光緒三十三年二月初九日奉

上諭各衙門丞參前經降旨飭令該堂官於試驗得力人員出具切實考語豫行保薦乃各部有奏請先派行走者有聲明員缺徑行開單請簡者雖非指名奏補辦理究未能一律嗣後著懷遵前旨豫行保薦聽候記名由軍機處開單請簡以昭慎重欽此查會奏臣部章程內開設左右丞各一員任一部總匯之事左右參議各一員任一部謀議之事該員承上啓下職務殷繁必須熟悉船路電郵四政情形方足以資佐理本年三月

二十八日臣部奏請將鄭孝胥張元濟姚紹書李稷勳魏瀚
馮元鼎等六員分派在丞參上行走聲明俟數月後詳加察
驗再行分別請

旨記名簡補欽奉

諭旨允准在案臣等詳加察驗除魏瀚尙未開復現已派充廣九
鐵路總理馮元鼎現經臣部派往沿海考察輪船郵便事宜
外謹將曾經臣部保薦並此次慎加遴選共得十員出具切
實考語繕具清單恭呈

御覽擬請交軍機處

記名遇有臣部丞參缺出請

旨簡放以資任使所有遵保堪勝丞參及詳加察驗各員緣由恭
摺具陳伏乞

皇太后

皇上聖鑒謹

奏

光緒三十三年六月二十三日奉

旨留中欽此

郵傳部奏議願編

總務

預保承委

二十九 參議總編嚴科

謹將預保臣部丞參並復加察驗各員繕具清單恭呈
御覽

左參議那晉

和平細靜遇事留心臣部開辦之初即蒙

簡放參議到署迄今八月始終勤慎力任勞怨闔署人員均甚推
服允爲稱職

廣東按察使鄭孝胥

才識淵深任事果決中外古今政治得失均能洞悉源流
於輪電鐵路各事尤能考求利弊抉擇精透言皆可行現
在各事正資整頓實爲臣部不可少之才
外務部候補員外郎張元濟

深諳交涉精究時務難進易退志節卓然迭經京外保薦

郵傳部奏議類編

總務 預保丞參

三十一 參議應補數科

人才允孚衆望

丁憂候補五品京堂梁士詒

熟悉路政條理縝密論事辦事均有決斷外交應付綽有膽識現充臣部各路提調籌畫措施極爲精細該員現未服闋如蒙

簡放應請作爲署理

開缺興泉永道李經楚

心細才長羣推幹練理財之學最爲專家會計精能一時罕儼

分省補用道李穰勳

才器雅正宅心和厚講求部務不涉虛浮在署半年有餘安詳穩練

安徽布政使連甲

通達政體樸實耐勞歷任司道卓有名績辦理各新政均認真考求身體力行勤能不懈

四川候補道林貽游

精通法文人品篤實曾經周歷歐美熟習各國情形

廣東補用道姚紹書

才具開展識議明通隨同調任尙書岑春煊辦事有年稱其才具操守卓然可信在署經理一切均屬裕如

奏調郵傳部差遣升缺升用法部郎中陳毅

劬學治事思力深沈於路政尤能講求編輯成書綜理精密

請 旨飭鑄本部廳司印信摺

奏爲請

旨飭鑄 臣部新設廳司各印信恭摺仰祈

聖鑒事竊 臣部擬定官制事宜一摺於本年六月二十三日會同
軍機大臣具奏奉

旨依議欽此查 臣部現設船政路政電政郵政庶務五司自應鑄
給印信以昭信守又設承政廳參議廳事務繁劇亦應各給
印信俾資鈐用該兩廳雖由丞參分領而丞參係隨同尙書
侍郎辦事未便於部印之外別鑄三四品廳印查兩廳僉事
係正五品官擬仿民政部援照內閣典籍之例各鑄五品銅
印一顆以符體制應請

飭下禮部鑄造頒發俟奉

旨後即由臣部行知禮部遵照辦理所有請
旨飭鑄各廳司印信緣由理合恭摺具陳伏乞

皇太后

皇上聖鑒訓示謹

奏

光緒三十三年七月初三日奉

旨依議欽此

奏請酌給本部堂司各員月支公費片

再臣部奏定官制多仿照外務部農工商部章程酌設額缺業經奉

旨允准在案臣部管轄船路電郵四項事務繁賾且皆利弊所關在署辦事各員欲令砥礪廉隅必應酌給養廉使無內顧之憂庶可責以專心治事上年九月開辦以來所有丞參以次行走人員均經酌給津貼現在官制業經奏定養廉各項自應查照外務部農工商部之例分別擬議垂爲定章臣部事關創始所有營繕衙署建立局所開設學堂購置圖書資送學生派員調查及提倡商辦輪船路電各項實業諸須舉辦經費浩繁臣部所有進款僅恃鐵路餘利又須留爲路工修養及運款贖路之用前督辦鐵路大臣直隸總督袁世凱曾

經奏准在關內外鐵路餘利項下酌提二成作為該省辦公經費等公同商酌擬就路電餘利項內酌量提用樽節開支除各項用款外分別擬定堂司各員月支公費均擬按照外務部農工商部定章辦理至船路電郵四項均係專門之學其有精通中西科學人員臣部需用最殷自應特別酌予優薪以便延致此外均不得援以為例如蒙

俞允_臣等應即敬謹遵行理合附片陳請伏乞

聖鑒訓示謹

奏

光緒三十三年七月初三日奉

旨著核定月支數目再行具奏欽此

請頒給圖書集成摺

奏爲請

旨賞給石印圖書集成用資觀覽恭摺仰祈

聖鑒事竊臣等恭讀光緒二十八年十月二十九日欽奉

諭旨劉坤一等奏石印圖書集成存儲尙多請旨辦理等語著即
進呈二十部派員解京並賞給每省一部以資觀覽其餘解交
外務部收存候旨頒發欽此查臣部奏定官制擬設通譯局考
工局圖書館等項必須搜羅中外有益實業之書圖書集成
一書薈萃典籍實爲淵海是書存儲外務部尙多歷經民興
部農工商部各衙門先後奏奉

諭旨頒給臣部擬援案籲懇

天恩頒給圖書集成一部恭候

奏傳部奏請類編

總務

請頒圖書集成

三十四

命下即由臣部備文派員赴外務部請發敬謹收藏俾得率同在
部各員講習考求藉擴見聞而資考證所有援案請
旨賞給圖書集成緣由理合恭摺具陳伏乞

皇太后

皇上聖鑒訓示謹

奏

光緒三十三年七月初三日奉

旨依議欽此

請簡放丞參摺

奏爲請

旨簡放臣部丞參各員恭摺仰祈

聖鑒事竊臣部奏定官制內開設左右丞各一員左右參議各一員前經臣等遵

旨將堪勝人員開列名單預行保薦聽候

記名錄用於六月二十三日具奏奉

旨留中欽此臣部官制業經奏定條目規則漸次釐定就緒實行在卽佐理需人現惟左參議那晉一員自上年設部之初即蒙

簡放在署最久尙有左丞右丞右參議三缺未經補授有人應如何錄用之處請

旨迅賜備放以重職守所有請

簡丞參各員緣由理合恭摺具陳伏乞

皇太后

皇上聖鑒訓示謹

奏

光緒三十三年七月初三日奉

上諭郵傳部右丞著那晉補授左參議著張元濟補授右參議著

李履勳補授欽此

奏陳本部開缺右丞
再臣部開缺右丞陳
久即被論去職一時
林部屬改官道員經
戴鴻慈保舉使才兩
迭經直隸河南廣西

蒙

持旨交軍機處存記三署
國大學堂專門學生
署湖廣督臣端方派
張之洞派充收回粵
特賞進士是該二員服官

以候補道員新科進士超擢三四品京秩爲人指目致列彈章若就原奏所列多端卽立予罷斥亦不爲過乃蒙

恩僅予開缺撤署仰見

聖朝愛惜人才之至意實寓激勵於裁抑之中現陳昭常業經東三省督臣徐世昌調赴奉天前經商部奏充鐵路議員臣部仍應照章加札派充以備諮訪施肇基現充鐵路監督該二員本非淪棄不敢伏乞

恩施惟應將其資歷據實

上聞以釋羣疑而符公論蓋臣等既責望其効力卽不能不愛惜其聲名所冀

聖明之世無屈抑之才於激勸羣倫不無補益謹附片陳明伏乞

聖鑒謹

奏

光緒三十三年七月初三日奉

旨知道了欽此

遵 旨核定本部月支數目摺

奏爲遵

旨核定月支數目恭摺仰祈

聖鑒事本月初三日臣部具奏擬議署中公費一片奉

旨著核定月支數目再行具奏欽此伏查農工商部養廉經費再

經奏定均仿照外務部新章辦理臣部擬即援照核給凡奏

定官制相同者照數開支不同者比照酌定現擬各司員缺

陸續酌補海缺無濫其船政郵政兩司目前事務較簡擬暫

扣留俟四政併舉之時再行陸續請補茲就目前核計養廉

公費並各項雜費每月約用銀二萬兩嗣後額缺補滿每月

約用銀二萬七千餘兩除營繕衙署建立局所開設學堂補

助商辦各學堂資助學生出洋游學經費派員調查輪路郵

電事務購置圖書及提倡商辦輪船路電各項隨時分別專案奏明辦理外謹將核擬月支數目繕具清單恭呈

御覽如蒙

俞允臣部即當欽遵辦理自七月爲始一律支給援照直隸總督酌提關內外鐵路餘利作爲該省經費成案就鐵路電報餘利項下撙節開支並援照農工商部辦過成案每屆年終核總開具簡明清單奏銷免其造冊其開部以後至本年六月以前暫給丞參以下津貼及署中公費應行截數作爲另案報銷以昭核實臣等力圖撙節不敢少涉虛糜以仰副朝廷振興庶政實事求是之至意所有遵旨核定月支數目緣由謹恭摺具陳伏乞

皇太后

皇上聖鑒訓示謹

奏

光緒三十三年七月十三日奉

旨知道了欽此

郵傳部奏議類編

總務

核定本郵月支數目

三十九

參議院

謹將擬擬部月支數目開具清單恭呈

御覽

計開

尙書年支銀一萬兩

左右侍郎每員年支銀八千兩

左右丞每員年支銀五千兩

左右參議每員年支銀四千兩

丞參上行走每員年支銀三千六百兩

郎中十員每員年支銀三千六百兩

員外郎十二員每員年支銀三千二百兩

主事二十四員每員年支銀二千四百兩

候補司員約計六十員每員年支銀六百兩

以上養廉數目均農工商部現行章程仿照外務部辦理

臣

部奏定官制所擬與農工商部仿照外務部成案相符若
照奏定官制額數核計年支銀二十二萬餘兩今擬暫行
扣留各員缺未補以前約計年支十六萬餘兩

僉事四員每員年支銀三千六百兩

七品小京官十四員每員年支銀八百兩

候補七品小京官每員年支銀三百六十兩

八品錄事每員年支銀三百兩

九品錄事每員年支銀二百七十兩

額外錄事每員年支銀二百四十兩

以上六項僉事秩正五品擬比照郎中七品小京官擬比照
原商部之司務八品以次錄事擬比照農工商部之供事

惟查供事係輪班當差每月得十五日錄事係全月當差自應照全月支給如錄事另有兼差未能全月到署者薪水亦照農工商部供事之例支給六項共約計年支銀三萬八千餘兩此外各項雜費約計年支銀三萬餘兩統計現在每月約支銀二萬兩嗣後額缺補滿每月約支銀二萬七千兩

This image shows a blank ledger page with 10 vertical columns. The columns are separated by vertical lines, and there is a horizontal line near the top, likely for a header. A small tab is visible on the right edge of the page.

奏留陳應濤等七員歸部補用片

再前經_臣等奏明暫調吏部員外郎陳應濤等來部辦理部務並聲明俟規畫就緒即令仍歸原衙門當差如需酌留改歸_臣部補用屆時再行奏明辦理奉

旨知道了欽此欽遵在案旋經各該部分飭各員來部現已一月有餘甚屬得力自應留於_臣部藉資臂助所有吏部員外郎陳應濤陸軍部主事何啓椿農工商部郎中唐浩鎮主事阮惟和夏仁虎梁用弧六保等七員擬請均留_臣部按照原班補用至所調度支部員外郎管象頤主事張茂炯蔣尊稜等三員前經該部奏明未便留於_臣部擬俟經手案卷辦齊後再行酌量辦理合附片陳明伏乞

聖鑒訓示謹

奏

光緒三十三年七月十三日奉

旨依議欽此

恭謝 天恩賞頒公費摺

奏為恭謝

天恩仰祈

聖鑒事本月十三日臣部具奏月支公費一摺奉

旨知道了欽此伏念臣部職掌郵傳事當創始舟車人力通海外

之九州地水火風備域中之四大需材較衆籌款維艱茲蒙

渥沛恩施

賞頒公費聞

命之下欽感莫名臣惟有朝夕論思日月省試師周禮大法小廉

之訓率屬端在整躬體

聖朝重祿勸士之

恩施惠必須速下以期仰答

郵傳部奏請類編

總務

頒賞公費謝恩

四十三參陳應編原科

高厚鴻慈於萬一所有臣等感激下忱謹率同閫署官員等叩謝
天恩伏乞

皇太后

皇上聖鑒謹

奏

光緒三十三年七月十四日奉

旨知道了欽此

奏留改用本部僉事等官摺

奏為調部各員擬請留部分別補用恭摺仰祈

聖鑒事竊查商部於光緒三十年五月間奏准司員補缺章程內
 開調部之候補候選道府州縣各員其未經借補者酌量奏
 留差委或改作候補郎中員外郎主事仍留原官原銜在任
 候選等因歷經遵辦在案臣部前因辦事需人於奏調各員
 外復經隨時咨調差委該員等到部以來均能勤慎從公自
 應擇其尤為得力者奏留候補以昭激勸查有學部候補主
 事楊宗稷陸軍部候補員外郎保衡候補主事關廣麟原工
 部候補員外郎庚耆孫寶瑄候補主事宗室文灃章華學習
 主事陳士芭以上八員均擬請留部以原官候補直隸候補
 道尹家楣擬請留部以僉事候補丁憂候選道羅惇誦擬請

郵傳部奏請願編錄 能務 奏留並改官各員

四十四 參議廳編錄

留部俟服闋後以郎中候補候選知府金恭壽擬請留部以
員外郎候補分省通判賀良禔候選通判葉恭綽分省知縣
譚祖任候選知縣許沐鏞均擬請留部以主事候補以上七
員均請按照農工商部補缺章程仍留原官原銜俟補缺後
在任候選如蒙

俞允即由臣部飭取各員詳細履歷咨送吏部查核並分咨遵照
辦理此外調到各員容臣等再加考驗是否得力隨時分別
奏留所有調部各員擬留臣部補用緣由理合恭摺具陳伏
乞

皇太后

皇上聖鑒訓示謹

奏

光緒三十三年七月二十三日奉
旨依議欽此

郵傳部奏議類編

總務

奏留並改官各員

四十五
參議廳編譯科

王鴻統請免迴避片

再法部主事王鴻統前經臣部奏調來部當差現因與臣部左丞郭曾炳係屬姻親遵例呈請迴避等情前來查農工商部主事祝惺元與會計司員外郎祝瀛元係同胞兄弟經該部奏明免其迴避於光緒三十一年四月二十二日奉

旨依議欽此欽遵在案該主事王鴻統自臣部開辦以來襄理電政事宜甚爲得力合無仰懇

天恩俯念臣部創辦伊始臂助需人准照祝惺元成案將法部主事王鴻統免其迴避留於臣部仍按原班補用出自

鴻施逾格理合附片具陳伏乞

聖鑒訓示謹

奏

光緒三十三年七月二十三日奉

旨毋庸迴避欽此

奏明錄事升途片

再臣部綜理船路電郵四政案牘較繁現奏定錄事一官繕寫文件料理庶務均關重要必須文理明通人品端正乃可任用本屆應試舉貢未經錄取者俱係各省保送來京不乏可造之才當由臣部咨取禮部應試舉貢名單分期扃門餉名考試嚴密甄錄共得一百七十三人作為記名錄事依次傳到當差擇其勤奮得力諳習部務著有資勞再行酌補八九品錄事洊升七品小京官_臣等為儲備人才甄拔寒畯起見除咨吏部禮部查照外理合附片具陳伏乞

聖鑒謹

奏

光緒三十三年七月二十三日奉

旨依議欽此

調補各部實缺人員陳毅等四員摺

奏爲調部實缺人員擬補臣部員缺恭摺具陳仰祈

聖鑒事竊臣部甄擇司員一摺內聲明援照新設各部院之例陸續奏留補用於本年五月二十九日具奏奉

旨依議欽此又臣部擬議官制事宜一摺於六月二十三日會同軍機大臣具奏奉

旨依議欽此臣等自應欽遵辦理查大理院奏補員缺摺內聲明所調各員核其底缺品級相符者酌行奏補邀免帶領引見等因於五月初八日具奏奉

旨著照所請吏部知道欽此欽遵在案臣部所調各員內有曾任各部實缺者自應先行遵案奏補以重職守查有法部參議廳會辦會計司郎中陳毅擬調補臣部參議廳僉事內閣郎

補侍讀借補農工商部庶務司主事阮惟和擬仍借補臣部
路政司主事吏部無論題選咨留即補員外郎文選司主事
龍建章擬調補臣部電政司主事度支部山西司主事迴避
吏部主事同林擬調補臣部庶務司主事以上四員核其底
缺與現補之缺品級相符擬照大理院奏定成案邀免帶領
引

見龍建章係吏部無論題選咨留即補員外郎應留員外郎原班
遇缺即補至所調京外候補候選各項人員業經奏留應由
臣等悉心考驗另行酌量擬補以昭慎重除將各該員詳細
履歷咨送吏部查核並分咨各部查照外所有調補各部實
缺人員緣由理合恭摺具陳伏乞

皇上聖鑒訓示謹

奏

光緒三十三年七月三十日奉

旨依議欽此

郵傳部奏議類編

總務

調補各部實缺人員

四十九

參議廳編纂科

禮王等奏驗放庚耆等六員摺

奏爲驗放各項人員奏明請

旨事光緒三十三年八月初一日臣等奉

命派赴內閣驗看驗放各項人員先經郵傳部將是日應行驗放之員開單移送內閣在案臣等公同驗看得該部擬補電政司員外郎宗室庚耆擬補庶務司員外郎陳應濤擬補路政司主事何啓椿擬補路政司主事梁用弧擬補庶務司主事夏仁虎擬借補電政司七品小京官譚祖任等六員均堪准其補授員外郎主事七品小京官等缺謹將該員等職名履歷並該部原加考語繕具清單恭呈

御覽是否有當伏乞

皇太后

皇上聖鑒訓示謹

奏

光緒三十三年八月初二日奉

旨依議欽此

謹將應行驗放擬補員外郎等缺人員職名履歷繕具清單
恭呈

御覽

計開

擬補電政司員外郎一缺

庚耆正藍旗四品宗室頭品廕生年三十三歲花翎三品銜
由原工部候補員外郎奏調到部光緒三十三年七月二十
三日奏留以本部員外郎候補奉

旨依議欽此該員才識通達辦事詳明今擬補電政司員外郎缺
查該員係原任理藩院尙書松森之次子現任理藩部尙書
壽耆之弟

擬補庶務司員外郎一缺

郵傳部奏議類編

總務

驗放庚耆等六員

五十一

參議廳編數科

陳應濤福建進士年四十一歲由吏部候補員外郎奏調到部光緒三十三年七月十三日奏留本部按照原班補用奉旨依議欽此該員心細才長辦事幹練今擬補庶務司員外郎缺

擬補路政司主事一缺

何啓椿福建進士年三十八歲由陸軍部儘先候補主事奏調到部光緒三十三年七月十三日奏留本部按照原班補用奉

旨依議欽此該員才識俱優辦事精細今擬補路政司主事缺

擬補路政司主事一缺

梁用弧廣東進士年三十九歲由農工商部候補主事奏調到部光緒三十三年七月十三日奏留本部按照原班補用奉

旨依議欽此該員學識明通辦事縝密今擬補路政司主事缺
擬補庶務司主事一缺

夏仁虎江蘇舉人年三十四歲由農工商部候補主事奏調
到部光緒三十三年七月十三日奏留本部按照原班補用
奉

旨依議欽此該員年強才裕辦事勤能今擬補庶務司主事缺
擬借補電政司七品小京官一缺

譚祖任廣東優貢年三十歲由分省補用知縣奏調到部光
緒三十三年七月二十三日奏留本部以主事候補奉
旨依議欽此該員樸實耐勞辦事詳審今擬借補電政司七品小
京官缺仍留主事原班候補

署理右侍郎郭謝 恩摺

奏爲叩謝

天恩恭摺仰祈

聖鑒事本月初三日內閣奉

上諭郵傳部右侍郎著郭曾炘署理欽此伏念臣郵署從公甫經

一月媿涓埃之未報每早夜以難安茲乃渥荷

溫綸權襄右乘自

天聞

命俯地增慙臣惟有益勵愚誠殫思職守道形上而藝形下欣值

五洲文軌之大同人惟舊而器惟新勉襄

聖代交通之要政以期仰答

高厚鴻慈於萬一所有微臣感激下忱理合恭摺叩謝

天恩伏乞

皇太后

皇上聖鑒謹

奏

光緒三十三年八月初四日奉

旨知道了欽此

恭王等驗放龍建章等二員摺

奏爲驗放各項人員奏明請

旨事光緒三十三年八月初十日臣等奉

命派赴內閣驗看驗放各項人員先經郵傳部將應行驗放之員
開單移送內閣在案臣等公同驗看得該部擬補電政司員
外郎龍建章擬借補路政司七品小京官葉恭綽二員均堪
准其補授謹將該員等職名履歷並該部考語繕單恭呈
御覽是否有當伏乞

皇太后

皇上聖鑒訓示謹

奏

光緒三十三年八月十一日奉

旨依議欽此

謹將應行驗放擬補員外郎等缺人員職名履歷繕具清單

恭呈

御覽

計開

擬補電政司員外郎一缺

龍建章廣東進士年三十六歲由吏部無論題選咨留即補員外郎文選司主事奏調到部光緒三十三年七月三十日具奏調補電政司主事並聲明該員係吏部無論題選咨留即補員外郎應留員外郎遇缺即補本日奉

旨依議欽此該員才優識卓辦事精審今擬補電政司員外郎缺擬借補路政司七品小京官一缺

葉恭綽廣東廩貢生年二十七歲由候選通判札調到部光

緒三十三年七月二十三日奏留本部以主事候補奉

旨依議欽此該員年富力強辦事幹練今擬借補路政司七品小
京官缺仍留主事原班候補

奏留潤璋等歸部補用摺

奏爲調部各員擬請留部分別補用恭摺仰祈

聖鑒事竊臣部於本年七月二十三日奏留調部各員摺內聲明
此外調到各員容臣等再加考驗是否得力分別奏留一節
奉

旨依議欽此欽遵在案臣等悉心考核所有調到各員其辦公勤
慎者尙屬不少自應酌量奏留以昭激勸查有

東陵工部員外郎潤璋知府用在任候補直隸州知州順天通州知

州畢承緝均擬請以本部員外郎候補原大理寺學習寺丞

福兆候選主事鄭誠分部主事唐德萱均擬請以本部主事

候補內閣中書黃嵩齡蔡傳奎均請援照商部成案作爲候

補主事一體酌量補用知縣用候選鹽大使王守爵擬請以

本部七品小京官候補其原係外官者俟補缺後仍留原官
原銜在任候選如蒙

俞允即由臣部飭取各員詳細履歷咨送吏部查核並分咨遵照
辦理其餘調到各員仍由臣等隨時考查分別奏留所有調
部各員擬留臣部補用緣由理合恭摺具陳伏乞

皇太后

皇上聖鑒訓示謹

奏

光緒三十三年八月十三日奉

旨依議欽此

奏留度支部主事蔣尊緯按官補用片

再臣部於本年六月間奏調度支部主事蔣尊緯到部差遣聲明俟一二箇月後再行酌留補用嗣經該部以事務殷繁勢難分任奏明在案惟臣部創設伊始需才孔亟復請咨商度支部擬將該員奏留以資任使已據該部覆准查該員調部以來辦事尙屬得力擬請改留臣部仍照原班補用理合附片陳明伏乞

聖鑒謹

奏

光緒三十三年八月十三日奉

旨依議欽此

新建衙署遷移日期摺

奏爲 臣部新建衙署遷移日期恭摺具陳仰祈

聖鑒事竊 臣部開辦以來衙署尙未修建先後借用理藩院舊署及租賃燈市口民房暫立公所嗣因房屋狹隘請將西長安街路北鑾儀衛衙署西偏民政部公用房屋一所撥歸 臣部改建衙署並聲明所撥之地尙不敷用應再行添購興修等因當於本年六月初五日會同民政部具奏奉

旨依議欽此欽遵在案 臣部與民政部公同核計該房先經民政部改修前後用過銀三萬九千八百兩此項銀兩擬由鐵路餘利項下陸續撥還當即遴派司員先將堂司辦公處所加修合式房屋規模粗具並於該處鄰右羣房酌量添購庶足以敷布置所有續行購地修房諸款俟辦有頭緒彙案開單

奏報現擇於本月二十八日先行遷入俾資辦公所有臣部
新建衙署遷移日期緣由理合恭摺具陳伏乞

皇太后

皇上聖鑒訓示謹

奏

光緒三十三年八月二十三日奉

旨知道了欽此

新授參議呈請開缺應行 簡員補授摺

奏爲新授參議呈請開缺應行

簡員補授恭摺仰祈

聖鑒事據 臣部左參議張元濟呈稱七月初三日奉

上諭郵傳部左參議著張元濟補授欽此跪誦之餘莫名驚悚伏
念元濟備員外部隕越時虞去歲呈請備資出洋藉擴聞見
行抵上海猝嬰腦疾正在就醫調理渥承

恩命不次超遷悚懼交并恐難報稱兼之輪路郵電諸政夙未講
求疾疚在躬尤虞貽誤竊惟量而後入之義深懷信斯未能
之懷伏乞代奏開缺等情前來查該員就醫上海病尙未痊
自是實在情形合無仰懇

天恩准其開缺俾資調理如蒙

俞允其臣部左參議一缺應請

旨簡放以重職守謹恭摺具陳伏乞

皇太后

皇上聖鑒謹

奏

光緒三十三年九月初四日奉

上諭郵傳部左參議著蔡乃煌補授欽此

奏派湖北存記道宋育仁總辦圖書通譯處片

再臣部會同軍機大臣奏定本部官制清單聲明擬設圖書館通譯局兩處業經奉

旨允准在案現在選入新署規模粗備亟應購置東西圖籍藉爲研究四政之資茲擬暫於署內共設圖書通譯處一區先立基礎分咨出使大臣調取各國船路郵電規則章程酌派能員分類繙譯並遴選通才以總其成查有湖北存記道宋育仁留心新政稽覈精詳擬請派爲該處總辦並派充臣部二等顧問官一俟局面擴充再當分設館局以符原奏謹附片具陳伏乞

聖鑒謹

奏

光緒三十三年九月初四日奉

旨依議欽此

擬聘大員接充高等實業學堂監督摺

奏為擬聘大員接充高等實業學堂監督恭摺仰祈

聖鑒事竊查上海高等實業學堂原歸農工商部管理由會辦電

政大臣就近兼充監督嗣於本年二月間奏准劃歸臣部管

理當經臣部查照成案奏派辦理電政存記道楊文駿接充

本為節省經費起見現在電政事務殷繁楊文駿力難兼顧

該學堂係南洋公學改設規模宏大現當培植人材之際尤

在講明實學勿涉歧趨須有名望素著品學兼優之員常川

駐堂督率辦理方足以收實效而杜流弊查有丁憂前農工

商部左侍郎唐文治學術純正任事懇誠堪以聘請接充監

督如蒙

俞允即由臣部咨行欽遵辦理所有擬聘大員接充高等實業學

郵傳部奏請類編

總務

聘員接充高等實業學堂監督

六十一參錄題編原科

堂監督緣由理合恭摺具陳伏乞

皇太后

皇上聖鑒訓示謹

奏

光緒三十三年九月初八日奉

旨依議欽此

續行調到人員留部分別補用摺

奏爲調部各員續請留部分別補用恭摺仰祈

聖鑒事竊_臣部於本年七月二十三日八月十三日奏留調部各員摺內迭經聲明此外調到各員容_臣等再加考驗是否得力分別奏留一節均奉

旨依議欽此欽遵在案比月以來_臣等悉心考核所有調到各員其辦公勤慎堪資得力者尙屬不少自應酌量奏留以昭激勸查有候選道何葆麟擬請以本部僉事候補法部無論題選咨留遇缺即補郎中光裕江蘇試用道文蘇湖北試用道蘇興均擬請以本部郎中候補其原係外官者俟補缺後仍留原官原銜在任候選如蒙

諭允即由_臣部飭取各員詳細履歷咨送吏部查核並分咨遵照

辦理其餘調到各員仍由臣等謹遵前奏隨時考查分別奏
留所有臣部調到各員續請留部補用緣由理合恭摺具陳
伏乞

皇太后

皇上聖鑒訓示謹

奏

光緒三十三年十月初四日奉

旨依議欽此

本部開缺左參議張元濟謝 恩據情代奏摺
奏爲據情代奏叩謝

天恩仰祈

聖鑒事據 臣部開缺左參議張元濟呈稱元濟懇請代奏開缺九月初四日經部奏准飭知在案逖聆之下感悚莫名伏念元濟古越寒儒秋官末秩調移外部正抱涓埃莫答之慙驟列卿曹更深隕越時虞之戒祇以就醫滬上未能供職京師復蒙垂念屏軀代爲奏准開缺俾資調理雖居草野仍沐

榮施惟有策勵時加勉爲鄉善冀以下孚衆望者即以上答

鴻恩所有感激下忱理合呈請代奏等情前來謹恭摺據情代奏叩謝

天恩伏乞

皇太后

皇上聖鑒謹

奏

光緒三十三年十月初四日奉

旨知道了欽此

奏

光緒三十三年十月十七日奉

旨知道了欽此

本部錄事已領外職憑照請以到部日作爲到省日期片
再臣部奏設錄事係咨取禮部應試未取之舉貢分期屆試
共得一百三十七人記名依次傳到俟著有資勞再行酌補
八九品錄事洊升七品小京官本年七月間業經奏奉
諭旨允准並分咨吏禮兩部查照在案惟此項舉貢出身之錄事
先經禮部列入二三等咨送吏部錄用外職間有已領到省
執照者現在傳到各員未能赴省當差擬請將該錄事所領
執照分別咨繳即以到部之日作爲到省日期並請援照臣
部各司員由外官改補仍留外職候選之例將來錄事咨補
八九品實缺仍留本職作爲候選以卹寒酸而免向隅恭候
命下欽遵分咨辦理理合附片具陳伏乞

聖鑒訓示謹

奏

光緒三十三年十月十七日奉

旨依議欽此

道員宋育仁馮元鼎請開去原派各差咨回原省片

再臣部管轄輪路電郵四政均關緊要所調各員自應隨時甄擇查有丞參上行走直隸候補道馮元鼎資望尙輕於部務未甚諳練二等顧問官湖北候補道宋育仁現有別項差使難以兼顧以上二員既屬不能得力未便遷就應請開去臣部原派各差宋育仁並請銷去二等顧問官均咨回原省以重部務恭候

命下臣部分別欽遵咨照辦理謹附片具陳伏乞
聖鑒訓示謹

奏

光緒三十三年十月二十七日奉

旨依議欽此

遴員遞署承參各缺摺

奏爲援案遴員遞署臣部承參各缺以專責成恭摺仰祈

聖鑒事本年八月初二日內閣奉

上諭于式枚著充出使法國考察憲政大臣欽此臣曾忻蒙

恩派署右侍郎所遺左丞一缺查農工商部升任右丞紹英奉

命出差曾經派員遞署臣部承參各員有承上啓下之責職掌綦

繁自應援案辦理查有臣部右丞那晉遇事留心不辭勞瘁

擬請署理臣部左丞遞遺右丞一缺查有臣部左參議蔡乃

煌籌畫精詳勤能不懈擬請署理臣部右丞遞遺左參議一

缺查有臣部右參議李稷勳品端學粹辦事安詳擬請署理

臣部左參議遞遺右參議一缺查有

記名承參四川建昌道李經楚才長心細理財精能擬請署理臣

部右參議以專責成恭俟

命下欽遵辦理所有援案遴員遞署丞參各缺緣由理合恭摺具

陳伏乞

皇太后

皇上聖鑒訓示謹

奏

光緒三十三年十月二十七日奉

旨依議欽此

擬設交通銀行摺

奏爲擬設交通銀行藉以縮合輪路電郵四政收回利權恭摺
仰祈

聖鑒事竊臣部所管輪路電郵四政總以振興實業挽回利權爲
宗旨即如借款所辦各路存放款項向由匯豐道勝華比等
行分儲各立界限此盈彼絀不能互相挹注且由歐匯華由
華匯歐又不能自爲匯劃坐受各銀行取利而鎊虧之折耗
猶其顯者也京外各商埠外國銀行合羣競進度支部雖設
銀行勢力尙難悉敵自應聯合官商廣設銀行以爲中央銀
行之助臣部所管四政可興之利甚多設欲籌借資本無抵
押者不足取信有抵押者復恐難行現擬贖回京漢鐵路需
款尤鉅議辦債票股票必須有總匯之區專司出納該路尙

未贖回若由路局出票核與合同不符未贖路之先所出債票股票須由銀行擔任否則所有應辦事宜與部直接微獨無此政體且不能消息銀市機關諸多窒碍查東西各國無論官商營業准設銀行於通都大邑多至百數十處但遵守中央銀行所定之法律與中央銀行並行不悖國內銀行愈多交通愈普國事民事均受其益近據各埠股實華商以路電各款多由洋商銀行操縱迭請規仿日本興業銀行集資設立以期利不外溢核其辦法尙合機宜擬由_臣部附入股本設立銀行官商合辦股本銀五百萬兩招募商股六成先由_臣部認股四成以應開辦之用名曰交通銀行將輪路電郵各局向由洋商銀行存款者改由該行經理就_臣部各項散款合而統計以握其經畫之權一切經營悉照各國普通

商業銀行辦法兼采奏准之中國通商銀行四川濟川源銀行及咨准之浙江鐵路興業銀行各規則與中央銀行性質截然不同援照商業各銀行銀號通例兌出銀圓銀兩紙幣以資週轉一俟度支部頒發銀行鈔票準備金章程及銀行法律即與京外各埠商業銀行一律遵守將來擴充郵政凡郵便匯兌郵便儲金實爲部專責及聯絡海外華僑遞信匯兌諸事調度較靈愈足以堅人信故輪路電郵郵四者互爲交通而必資銀行爲之樞紐即中央銀行劃一全國幣制得鐵路車站電報郵政各局所爲之經理匯兌儲金使國幣通行內地而鄉曲沿用生銀之習亦可漸次改良交通銀行之設外足以收各國銀行之利權內足以厚中央銀行之勢力是輪路電郵寔受交通便利之益而交通便利固不僅輪路

電郵實受其益已也臣等謹就各國普通商業銀行章程擇其合於本國程度者酌擬三十八條繕具清單恭呈

御覽恭候

命下即由臣部分別咨照迅速籌辦於四政實有裨益所有擬設交通銀行緣由理合恭摺具呈伏乞

皇太后

皇上聖鑒訓示謹

奏

光緒三十三年十一月初四日奉

旨依議欽此

謹將擬設交通銀行章程繕具清單恭呈

御覽

計開

宗旨

一 交通銀行純用商業銀行性質由郵傳部附股設立官股

四成商股六成一切均照奏定商律辦理

二 該行藉以利便交通振興輪路電郵四政

三 度支部定有銀行鈔幣準備金章程施行各銀行時該行

一律遵守

四 度支部定有銀行法律施行各銀行時該行一律遵守

特別營業

五 該行爲京漢贛路時總司一切存款匯款消息鎊價預買

佛郎克等事

六贖路債票股票章程俟奏定後由該行經理收發

七輪路電郵各局所存儲匯兌揭借等事該行任之此係指郵傳部直接管理之各局而言商辦各局願歸該行經理與否任聽其便

八先就鐵路所經省分設立總分行各海岸陸續增設所有準備金額即以度支部國幣及通用現銀爲准

尋常營業

九該行收入輪路電郵款項即與尋常商業貿易一律看待
十總行設在北京鐵路可通之天津上海漢口廈門鎮江廣州六處先立分行或與殷實商號訂立合同作爲代辦必須因地制宜隨時酌定以後各商埠路線漸通續行添設

分行及代辦行

十一該行設立以後將來體察情形擬在外埠外國設立分行或覓殷實華僑代辦

十二凡官紳商民人等有在銀行入股及存放款項應按照外國銀行通行規則辦法妥爲收存營運不能問其款之所從來且款項既存行內即有保護之責無論該款有何關係轉轍之事非持存款憑券不得用官力向銀行強迫閱帳查辦致使銀行信用稍有損碍

十三該行係官商合辦之業凡各部省各地方官雖因公事若無抵押的款不得違章挪借致失國民信用

十四該行專理存放款項買賣荒金荒銀匯兌劃撥公司款項折收未滿期票及代人收存緊要物件其餘未及詳列

之款以及各項禁令均照中外商業銀行章程辦理
十五該行開辦之初凡辦事人員各有應盡義務款項出入
各有交代責任但貿易之道頭緒紛繁須立一定規則方
足以資遵守其詳細規則由總理協理擬議呈核頒發各
分行一律遵行

十六該行所集官商股本定爲常年官息六釐半年結算一
次年終結帳一次先分官息如有餘利彙結得有寔在數
目除公積花紅外餘按入股之遲早均分

十七該行擬仿照京外銀號及各國銀行印刷通行銀紙分
一百元五十元十元五元一元五種並仿照各銀號印出
該埠市面習慣通用平色各種銀票以及各項票據惟不
得出國幣紙票俟度支部禁止各埠銀行出票實行後該

行所出通行票紙即當照章收回與各埠銀行一律辦理
權限

十八以北京爲總行行內特設總管理處派總理一人協理
一人專管總分行事另派管理鐵路人員爲幫理使款目
互相關顧不至有所牽掣

十九總行分行均定派總理一人酌派副辦一人專理一行
事務與總理協理權限不同

二十總理協理均聽郵傳部堂官命令

二十一該行總理協理總辦副辦各員必須有專門財政學
出洋考察財政學或曾在銀行充當職事及曾辦銀行著
有成效者其分行總辦副辦先由總管理處遴選預備額
數呈核由最大股東於核定員內公舉

二十二該行總辦副辦係有辦事全權另由部派出總稽查一員隨時赴行專司稽查之任此員與總理協理均有稽查各行之責如前往各該行時總辦副辦應將帳目現銀及貿易情形呈出查核

二十三各行總辦副辦由總管理處遴選預備額數呈部核定再由股東按照商律於核定人員內公舉總管理處遴選之員應照第二十一條辦理公舉既定由總理等與之訂立合同取具押櫃銀兩妥實商號保單先行試用仍責成該總理等隨時分赴考察一切出入款項及帳目要件均須過目如有不能勝任者准該總理等隨時呈請照章另舉更換

二十四該行總辦等員一經選定訂立合同後即作為能遵

守該行條例之據所有應得利權即應給予罰約亦應遵守

二十五該行每季詳造營業資財切實報告送呈郵傳部查核年終結帳轉咨度支部查核郵傳部並可隨時調查該行各帳此外各項貿易事業公家決不預

二十六總行中重要事件進出鉅款總辦副辦與總理協理詳細商酌其與各行有關係者並須預先電商辦理此外各項貿易總辦與副辦會同酌辦由司帳逐款登帳如有司帳未經登帳款目該行不能承認各行應照章保險如遇有兵險意外之事及因兵險意外牽涉之事須預先妥爲設法補救如實有不及防範意外之事應由總辦副辦查明核結其或有因公虧損資本息銀亦應預先籌畫商

量補救先以公積銀彌補俟查明確再行核實結算
二十七行內辦事人等不能兼爲他人管理生意並不得自
開支店其原有之自己貿易俱准照常開設惟不得以其
字號出名在銀行借款如他人在銀行借款亦不得以其
字號作保現銀交易匯兌不在此例

股章

二十八該行先備資本銀五百萬兩分爲五萬股每股庫平
足銀一百兩由郵傳部籌款認購二萬股其餘三萬股無
論官紳商民人等均准購買俟貿易擴充之時再行陸續
添招五萬股隨時由辦事人及大股東等議定呈准施行
二十九該行照有限公司辦法股分以外不再向股東添取
銀錢即有虧欠與股東無涉惟添招股分之時先儘舊股

東承受如舊股東不買方可另招新股

三十凡認買股分券者均先繳足四分之一其餘俟該行貿易應用之時再行報告分次收取惟購買此項股分券者必須書明姓名籍貫註冊以本國人爲斷外國人不得購買其原有股分者亦不得轉售及抵押與外國暨入外國籍之人

三十一該行分次續取股本之時均於兩月以前普行報告股東若屆時未將續交各款交到者須俟其補交時令於應交數目外增加十分之一若再逾兩月之久仍未交到即將其股發賣由其已交本銀內除淨所罰加一之款及因發賣所需一切費用如有盈餘交還原主倘或不足仍向原股東追繳其股東處在外省或外洋者可再展期兩

月照此辦理

三十二該行既爲官商合辦有限公司則官股商股本無歧異所有未經限滿以前股本銀兩不能隨時提用亦不得藉詞挪借如商股東欲將股票賣給或讓與他人須由原主函知該行核准再行通知本人將賣給或讓與之契據兩造簽名畫押連股票送至該行登註股分總冊並由該行人員於後面格內簽字畫押此外有執持股票來行自稱股東者該行均不承認惟認曾經註冊者爲寔在股東

三十三該行營業伊始拆息銷路未暢亦無須資本過多商股一時如未足數聽人自購俟布置就緒續行招足

三十四該行執事各員每月須有大會議一次議辦一切要事如有特別會議另行知照總管理處辦理

三十五股東會議到場有全數之半其所持股分有全股之半並該行執事人到及一半者即可議定否則改期再議若不能如上所限而在場股東以爲事在可行者已居多數可以暫時議決至業經公會議定諸事未經赴議之人不得退有後言查農工商部奏定商律內公私會議章程極爲詳細凡該行未經詳列者一切均可查照該章程辦理

三十六郵傳部既認二萬股即爲最大股東可以選派總理協理由股東公舉董事四人爲稽核總管理處事務之員會議時總理爲議長如遇一事可否各半者議長有判決之權總理如有事故以協理代之又各行設監事二人由股東公舉監察本行一切事務毋庸常川駐行此外司帳

等員均由總辦延訂

三十七董事非有百股以上監事非有四十股以上不得當
其選舉董事選舉後須呈明郵傳部再行任事監事徑由
股東公舉

三十八以上章程定後尙須隨時修改並酌擬詳細辦法但
與原定章程宗旨不甚懸殊者均可刊刻通行

遴選交通銀行總協理片

再交通銀行之設事務殷繁應先遴派委員早爲籌辦查有署臣部右參議四川建昌道李經楚精明幹練長於理財於銀行事宜講求有素經驗尤深堪以派充總理調部差遣山西候補道周克昌會計精能商情允洽曾在四川創辦濬川源官商銀行著有成效堪以派充協理此項銀行爲縮合輪路電郵并供商業之週轉自宜體察商情相機因應辦事規則尤以按照商業力除官場習氣爲第一要義始足以振興商業而挽利權如蒙

俞允由臣等檄飭該員等迅速籌設俾臻妥善理合附片具奏伏乞

聖鑒訓示謹

郵傳部奏請願隔

總務 派交通銀行總協理

七十六 參議廳編纂科

奏

光緒三十三年十一月初四日奉

旨依議欽此

奏留調部游學畢業各員摺

奏爲調部各員擬請留部差委恭摺仰祈

聖鑒事竊臣部前因辦事需人於奏補奏留各員外復經隨時筭
調游學畢業人員先後到部當差臣部所管輪路電郵四政
自應酌留專門畢業之員以供任使查有商科進士陸夢熊
法科進士程明超法科舉人林蔚章農科舉人譚天池工科
舉人李宣威吳炷靈到部以來均能留心公事所習專門各
學堪資研究以上六員均擬請留部在司員上行走如蒙
俞允即由臣部飭取各員詳細履歷分咨立案仍由臣等隨時考
驗如果當差勤奮實在得力再行分別奏請以臣部各項司
員酌量錄用所有調部各員奏請留部差委緣由理合恭摺
具陳伏乞

皇太后

皇上聖鑒謹

奏

光緒三十三年十一月初八日奉

旨依議欽此

奏派交通銀行總稽查等差片

再臣部於本月初四日奏請設立交通銀行並奏派總協理各摺片均經奉

旨允准分別咨行在案原奏清單內稱以北京爲總行行內特設總管理處派總理協理各一人另派管理鐵路一員爲幫理使欸目互相關顧不至有所牽掣又稱由部派出總稽查一員隨時赴行專司稽查之任現在造端伊始百務叢興尤應選集衆才俾資分任查有署臣部右丞左參議蔡乃煌擬請派爲交通銀行總稽查臣部丞參上行走鐵路提調丁憂候補五品京堂梁士詒擬請派爲該銀行幫理如蒙
俞允再行分別檄飭遵照到差由臣部隨時督率丞參認真稽核俾擴利源而杜流弊冀收實效理合附片具陳伏乞

聖鑒謹

奏

光緒三十三年十一月初八日奉

旨依議欽此

請鑄頒圖書通譯局關防片

再臣部奏定本部官制清單內開應設圖書館通譯局兩處
嗣復奏明暫於署內共設圖書通譯處一區先立基礎均經
奉

旨允准在案查臣部搜羅四政各圖書及各項合同章程均須詳
細編譯擬統設圖書通譯局以資編纂應照臣部各廳司鑄
頒印信成案請由禮部鑄銅質關防一顆文曰郵傳部圖書
通譯局關防以資信守恭候

命下欽遵咨照辦理先由臣部刊刻木質關防頒發該局開用謹
附片具陳伏乞

聖鑒謹

奏

光緒三十三年十一月二十八日奉

旨依議欽此

遴員試署僉事各缺摺

奏爲遴員試署臣部各廳司員缺並繕具清單恭摺仰祈

聖鑒事竊臣部於本年七月三十日遴員請補僉事各缺並聲明所調京外候補候選各項人員業經奏留應由臣等悉心考驗另行酌量擬補等因奉

旨允准在案伏維臣部總理輪路電郵四政責重事繁必期人當其官方能收羣策羣力之效臣等於奏留在部當差各員中詳加遴選查有臣部候補僉事尹家楣候補員外郎金恭壽舉承緡候補主事關廣麟王鴻旻蔣尊禕或條理精密或辦事勤能於臣部額設未補之僉事主事各缺均屬相宜擬援學部奏請試署成案謹將該員等履歷繕具清單先行奏請試署俟考驗三月果能勝任再行奏補實缺庶於激勵人才

之中仍寓慎重名器之意所有遴員試署臣部各廳司員缺
緣由謹恭摺具陳伏乞

皇太后

皇上聖鑒訓示謹

奏

光緒三十三年十二月初八日奉

旨知道了欽此

謹將擬請試署臣部各廳司員缺銜名繕單恭呈

御覽

擬請試署臣部承政廳僉事一員

尹家楣年四十九歲湖北進士由二品頂戴直隸存記道咨
調到部光緒三十三年七月二十三日奏留臣部以僉事候
補並俟補缺後仍以原官原銜在任候選今擬請試署臣部
承政廳僉事缺

擬請借署臣部庶務司主事二員

金恭壽年四十八歲直隸廩生由候選知府奏調到部光緒
三十三年七月二十三日奏留臣部以員外郎候補仍留原
官俟補缺後在任候選今擬請借署臣部庶務司主事缺
畢承緝年五十三歲湖北監生由知府用在任候補直隸州

知州順天通州知州咨調到部光緒三十三年八月十三日
奏留臣部以員外郎候補俟補缺後仍留原官在任候選今
擬請借署臣部庶務司主事缺

擬請試署臣部路政司主事一員

關廣麟年二十六歲廣東進士由員外郎銜陸軍部遇缺即
補主事奏調到部光緒三十三年七月二十三日奏留臣部
以原官候補今擬請試署臣部路政司主事缺

擬請試署臣部電政司主事二員

王鴻銑年三十一歲福建進士由法部主事奏調到部光緒
三十三年七月二十三日奏留臣部以原班補用今擬請試
署臣部電政司主事缺

蔣尊緯年二十九歲浙江進士由員外郎銜度支部主事奏

調到部光緒三十三年八月十三日奏留臣部以原班補用
今擬請試署臣部電政司主事缺

恭繳 硃筆摺

奏爲遵繳

硃筆恭摺具陳仰祈

聖鑒事本年八月初十日臣部請以電政司主事龍建章擬補電
政司員外郎候補主事葉恭綽擬借補路政司七品小京官
經

欽派王大臣驗放是月十一日覆奏奉

硃筆圈出均著准其補授欽此欽遵在案茲遵將奏奉

硃筆恭繳

奏事處敬謹查收將來遇有

硃筆事件擬隨時咨送

奏事處恭繳以昭敬慎所有遵繳

硃筆緣由理合恭摺具陳伏乞

皇太后

皇上聖鑒謹

奏

光緒三十三年十二月十八日奉

旨知道了欽此

請頒給學堂圖書集成摺

奏爲臣部所轄各學堂援案請

旨賞給石印圖書集成以資觀覽而裨學務恭摺仰祈

聖鑒事光緒二十八年十二月二十九日軍機大臣面奉

諭旨劉坤一等奏石印圖書集成存儲尙多請旨辦理等語著即

進呈二十部派員解京並賞給每省一部發交學堂以資觀覽

其餘解交外務部收存候旨頒發欽此臣部所轄上海實業學

堂唐山路礦學堂前經責令各該監督切實整頓現在圖書

標本雖陸續購置大抵近今譯著之本於舊學適用典籍尙

未完備伏維圖書集成一書薈萃羣籍不獨國文足資考證

且於實業多所發明新理舊聞兩有裨益查農工商部高等

實業學堂及順天五城各學堂均經奏明

頒發圖書集成各一部在案茲准上海實業學堂監督前農工商部左侍郎臣唐文治唐山路礦學堂監督臣部候補郎中羅惇勳先後呈請援案奏給等因前來合無仰懇

天恩頒給圖書集成二部俾資參考恭候

命下臣部欽遵辦理所有援案請

旨頒給學堂圖書集成緣由理合恭摺具陳伏乞

皇太后

皇上聖鑒謹

奏

光緒三十三年十二月十八日奉

旨依議欽此

實業學堂教習李聯珪請免扣資俸片

再准臣部上海高等實業學堂監督前農工商部左侍郎唐文治咨稱教育以道德爲先本學堂人倫道德一科教員乏人查有法部主事李聯珪經學湛深體用兼備堪以延充教習應請奏咨准其照章免扣資俸等因查進士館章程內開嗣後奏調京員辦理學堂必須充當總理監督分教習者始准免扣資俸等語今法部主事李聯珪充當學堂教習核與定章相符如蒙

俞允即由臣部分別咨照欽遵辦理謹附片具呈伏乞

聖鑒謹

奏

光緒三十三年十二月十八日奉

旨依議欽此

奏留趙毓焄陳壽彭以主事補用片

再臣部前於奏留調部各員摺內歷經聲名此外調到各員容臣部再加考驗是否得力分別奏留等語奉

旨允准在案茲查有咨調之內閣中書趙毓焄候選知縣陳壽彭到部以來辦事勤慎尙資得力擬請援照成案留於臣部均以主事補用恭候

命下由臣部咨取該員履歷分咨辦理其餘調到各員仍由臣等隨時考查分別奏留以昭慎重謹附片陳明伏乞

聖鑒謹

奏

光緒三十三年十二月十八日奉

旨依議欽此

The image shows a large, empty table with a grid structure. It has approximately 10 vertical columns and a single horizontal header row at the top. The table is mostly blank, with some faint, illegible markings and a small black triangle on the right side. The table is enclosed in a thick black border.

調鄭守欽孫筠到部片

再臣部綜理輪路電郵四政非得有諳習專門人員不足以資佐理查有廣西候補知縣署懷遠縣知縣鄭守欽曾在法國專習路學江蘇候補知縣孫筠精通英文講求實業合無仰懇

天恩俯允將該二員先行調歸臣部差遣藉資臂助如蒙俞允即由臣部分別咨行欽遵辦理謹附片具陳伏乞聖鑒謹

奏

光緒三十三年十二月二十四日奉

旨依議欽此

郵傳部奏議類編

參議廳編
覈科編輯

總

務

郵傳部奏議類編目錄

總務 起光緒三十四年二月迄三十四年十二月

援案遴員遞署丞參摺

調部各員續請留部遵章分別辦理摺

吳炷靈李宣威請以主事候補片

請撥鑲紅旗官地建蓋交通銀行摺

派充交通銀行稽查片

遵 旨薦舉人才摺

請將袁長坤照尋常勞績改獎片

酌擬各廳司分科治事辦法請將員缺公費量子變通摺

附清單

試署期滿人員咨送內閣驗放摺

請將商科進士陸夢熊等以主事留部候補片

郵傳部奏議類編目錄

總務

四

參議院

容王等奏驗放僉事尹家楣等六員摺 附清單

容王等奏驗放郎中龍建章等六員摺 附清單

都統增祺等奏驗放員外郎同林摺 附清單

遊員試署主事各缺摺 附清單

請將姚華吳賓駒二員留部候補片

派充交通總分行總辦片

都統葛寶華等奏驗放郎中庚耆等五員摺 附清單

遊員試署員外郎各缺摺 附清單

調用京外各員擬請留部差委摺

主事姚華請仍留部當差片

上海實業學堂教員金紹基擬調部差遣片

請 旨簡放左丞摺

請將袁長坤等四員調部差遣摺

續行預保承參摺

交通銀行股本擬請先後併招片

請援案給與錄事季俸摺

恭王等奏驗放僉事龍建章等七員摺附清單

請將法部主事毓彤內閣中書周嵩堯留部差委片

請將顧準曾張鴻藻以主事員外郎補用片

奏銷自開部日起至三十三年十二月止收支經費銀數摺

附清單二件

保衡等試署期滿請補實缺摺

博公等奏驗放保衡等四員補授主事摺附清單

曾毓雋蘇輿試署期滿請補實缺摺

郵傳部奏議類編

目錄

總務

五

一參議廳編纂科

那王等奏驗放阮惟和等八員補郎中各缺摺

附清單

擬借款擴充交通要政片

附清單

禮王等奏驗放葉恭綽姚華二員擬補僉事主事各缺摺

附清單

請將周嵩堯李國熊二員以郎中留部分別補用摺

倫貝子等奏驗放關廣麟等四員擬補郎中各缺摺

附清單

署右侍郎沈因病請假摺

禮王等奏驗放員外郎梁用弧等五員摺

附清單

調部人員擬請留部分別補用摺

朱恩絨請仍以原班道員補用片

請飭鑄行在郵傳部印信摺

都統李殿林等奏驗放周嵩堯等擬借補員外郎各缺摺

附清單

遴員接充漢口交通分行總辦摺

遵設統計處擬定章程表式摺 附清單

調部人員擬請留部分別補用摺

恭報接收 集靈厝房地並開工拆卸日期摺

補遺

學部等會奏議覆御史俾壽奏請飭選派子弟分送各國學

習工藝摺


郵傳部奏議類編

目錄

總務

六

參議廳編纂科



援案遴員遞署丞參摺

奏爲援案遴員署理_臣部丞參各缺以專責成恭摺仰祈
聖鑒事竊_臣部前因左丞_臣郭曾忻蒙

恩派署右侍郎於光緒三十三年十月二十七日援照農工商部
歷辦成案奏請將所遺員缺遴員遞署奉

旨允准在案現在_臣部署右丞左參議蔡乃煌蒙

恩補授江蘇蘇松太道署右參議李經楚蒙

恩補授_臣部左參議所遺丞參各缺自應援案辦理查_臣部左丞

一缺前經奏准以右丞那晉署理現遺右丞一缺查有_臣部

右參議李稷勳堪以署理遞遺右參議一缺查有_臣部奏保

丞參參議廳僉事陳毅堪以署理各專責成恭候

命下欽遵辦理所有援案遴員署理丞參各缺緣由謹恭摺具陳

伏乞

皇太后

皇上聖鑒訓示謹

奏

光緒三十四年二月初七日奉

旨依議欽此

調部各員續請留部遵章分別辦理摺

奏為調部各員續請留部遵章分別辦理恭摺仰祈

聖鑒事竊臣部歷次奏留調部各員業經聲明此外調到各員容
等再加考驗是否得力分別奏留嗣准憲政編查館咨鈔
會奏限制京外各衙門調用人員摺內開奏調人員如原係
實缺候補者准令以原官或改以對品相當官缺分別奏補
原係學習試用者應令於奏調後接算前資扣足年限奏留
補用等語奉

旨允准在案比月以來臣等悉心考核所有調到各員其辦公勤
慎堪資得力者尙屬不少自應酌量留部以昭激勸茲查有
原工部員外郎銅林法部主事陳宗蕃接算前資均已學習
期滿擬請留於臣部仍以原官候補法部學習員外郎張仁

對傳外奏議類編卷 總務 奏留調部各員 八十九 參議廳編纂科

侃擬請留於臣部仍以員外郎學習行走直隸候補道曾毓
雋擬請留於臣部以僉事候補分省補用直隸州知州邵萬
齡擬請留於臣部以主事候補以上五員核與臣部原奏及
憲政編查館奏定章程均屬相符其原係外官者俟補缺後
仍留原官原銜在任候選恭候

命下即由臣部飭取各員詳細履歷咨送吏部查核並分咨遵照
辦理其餘調到各員臣等仍謹遵前奏隨時考查分別奏留
所有臣部調到各員遵章留部緣由謹恭摺具陳伏乞

皇太后

皇上聖鑒謹

奏

光緒三十四年二月十七日奉

旨依議欽此

郵傳部奏議類編

總務

奏留調部各員

九十

參議廳編務科

吳焯靈李宣威請以主事候補片

再臣部上年十一月初八日具奏調用專門畢業生工科舉人吳焯靈李宣威等請留臣部在司員上行走奉

旨依議欽此欽遵在案現在臣部正當整頓電政之際該員等均電學專門到差以後尙稱勤奮得力自當酌量留用以資任使所有奏留司員上行走工科舉人吳焯靈李宣威擬均請留於臣部以主事候補恭候

命下即由臣部分咨辦理再查憲政編查館會同學部奏定限制調用學生辦法摺內稱除奏調在前各員仍准各按原章辦理外其奏調在後者概令遵照此次定章等語臣部奏調吳焯靈李宣威兩員係在新定章程以前與度支部現辦成案相符合併聲明謹附片具陳伏乞

聖鑒謹

奏

光緒三十四年二月十七日奉

旨依議欽此

請撥鑲紅旗官地建蓋交通銀行摺

奏爲請撥旗地建蓋銀行恭摺仰祈

聖鑒事竊上年臣部奏設交通銀行縮合四政欸項並奏派總協理各員均奉

旨允准在案設行之初暫賃民房權宜開辦實覺不敷分布業經購定正陽門內西交民巷民地以爲建築銀行基址該民地之中間有鑲紅旗蒙漢官房共八所又空地一段臣部派員詳加履勘新購地基四至皆緊接環抱於官房若劃歸銀行修蓋最爲合宜經臣部與各該旗往復咨商據先後覆稱所有官房該兵丁承領多年均自行出資添蓋如果發給銀兩即可騰讓等語旋飭購地司員與該住房兵丁商定修房價値立據付價實屬官私兩便擬請將西交民巷鑲紅旗蒙古

官房二所計十間漢軍官房六所計十八間並空地一段永遠撥歸銀行應用恭候
命下由臣部分咨遵照辦理所有請撥旗地建蓋銀行緣由謹恭摺具陳伏乞

皇太后

皇上聖鑒謹

奏

光緒三十四年二月二十七日奉

旨依議欽此

派充交通銀行稽查片

再_臣部奏定交通銀行章程京師總行除應派總理各員外仍由部派出稽查隨時赴行專司稽查之任上年十一月經_臣等奏派署_臣部右丞左參議蔡乃煌爲該銀行總稽查奉旨允准在案本年正月二十九日蔡乃煌蒙

恩簡放蘇松太道所遺稽查差使必須究心財政之員始臻妥善查有_臣部右丞現署左丞那晉堪以派充稽查並擬派該行幫理鐵路局長梁士詒兼充稽查隨時考察商辦更資周密如蒙

俞允_臣部檄飭欽遵認真辦理謹附片具陳伏乞

聖鑒謹

奏

光緒三十四年三月初八日奉

旨依議欽此

遵 旨薦舉人才摺

奏爲遵

旨薦舉人才以備任使恭摺具陳仰祈

聖鑒事光緒三十三年九月十三日內閣奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨振興國勢必先簡拔人才朝廷側席求賢全賴內外臣工虛心訪薦著在京大學士各部院尙書侍郎都御史副都御史在外各省督撫率同藩學臬三司公同訪求詳慎甄擇不拘官階大小有無官職如確知有才堪大用及各擅專長者即行切實薦舉以備任使等因欽此

臣等跪聆之下欽佩莫名竊維時艱孔亟庶政維新必先儲幹濟之才而後有振興之效臣等公同訪求詳慎甄擇查有

廣東陸路提督秦炳直才優識卓沈毅有爲經世之學尤所
究心由舉人內閣中書歷保知府分發福建初充善後局差
使先行調查三閱月始出任事剔除積弊洞中竅竅僚佐駭
服旋補廣東高廉欽道正值土匪滋事迭次勦辦首要前經
督臣陶模奏保有案任贛臬時整飭吏治不避勞怨適值萍
醴各處土匪迭起曾奉

特旨派往勦辦駐紮數月之久於清鄉善後事宜均能力任其艱
該員兼資文武不僅以知兵見長丁憂候補五品京堂梁士
詒才大心細識力過人講求時務洞見本原官編修時雅負
物望經外務部奏保人材奉

旨以五品京堂候補歷充中藏中俄議約參贊官籌畫精詳外交
具有卓見經臣部奏保丞參充丞參上行走兼鐵路局局長

交通銀行幫理各差於路政財政尤爲綜核臣部深資贊助卓然經世之才丁憂安徽布政司連甲品端學裕器識閎深通達治體措置有方官編修時辦理八旗學堂管理得法歷任山西冀甯道山東按察司提學司福建安徽布政司考求吏治終日不倦凡僚佐以逮紳商之來謁者不時接見因得以考察吏治之賢否於地方利弊討論尤爲精詳各該省督撫無不深相倚重翰林院編修林炳章爲原任兩廣總督林則徐曾孫學識宏通議論純正英年通籍潛心有用之學現充閩省高等學堂監督工藝局總理成就多才士商推重自奉

旨禁煙以來倡設去毒局東南各省戒煙以福建最著成效論者謂該故督提議禁煙於前該編修董勸戒煙於後家學相承

世濟其美法部高等檢察長李焜瀛敦篤謹飭品學兼優前
隨考察政治大臣出洋經歷數國遇事講求旋經出使美國
大臣奏留當差專心考查於列國情形頗能諳習力求上進
實爲不可多得之才以上五員均堪大用如蒙

優加拔擢必有成績可觀以仰副

朝廷側席求賢振興國勢之至意所有遵

旨薦舉人才緣由謹恭摺具

奏伏乞

皇太后

皇上聖鑒訓示謹

奏

光緒三十四年三月十五日奉

旨吏部知道欽此

郵傳部奏議類編

總務

遊

旨薦舉人才

九十六

參議廳編纂科

請將袁長坤照尋常勞績改獎片

再據臣部鐵路總局局員候選道袁長坤呈稱光緒三十二年三月報捐道員雙月選用因辦理電報出力經前工部左侍郎臣盛宣懷會同電政大臣照異常勞績保奏由分省州同請以知州仍分省補用奉

旨交部議奏欽此旋經吏部議覆單開該員履歷內開官階底銜核與原奏清單不符據該大臣咨請更正到部查改獎人員向由原保大臣奏明改獎等因是年十二月初三日具奏奉旨依議欽此長坤業已報捐道員並經原保大臣咨請更正有案懇請奏明改獎等情到部臣部查該員前在電報局當差有年深資得力原奏係照異常列保茲擬照尋常勞績改獎由候選道請加二品銜恭候

命下由臣部欽遵咨照吏部辦理謹附片陳明伏乞
聖鑒訓示謹

奏

光緒三十四年三月十八日奉

旨依議欽此

酌擬各廳司分科治事辦法請將員缺公費量予變通摺
奏爲酌擬各廳司分科治事辦法請將前定員缺公費量予變
通恭摺仰祈

聖鑒事竊 臣部所設承政參議兩廳船政路政電政郵政庶務五
司應置各缺及應支公費前經奏明奉

旨允准在案查原定公費係按官職大小及實缺候補以爲等差
本係創始辦法現在事務漸繁自應量爲變通以期妥善 臣

等公同商酌擬參仿外務度支陸軍農工商等部現行章程

辦法所有原定之僉事郎中員外郎主事小京官等缺仍由

臣等遴選酌補任缺無濫其治事差使擬按各廳司事務之

繁簡分科辦理酌定廳長副廳長司長副司長科長科員等

差分別委充以專責成至原定之辦公經費除尙書左右侍

郎左右承左右參議承參上行走仍按照原奏照支外其餘事以次公費即改爲廳司長科長科員等辦公之用比較款項尙屬有減無增如此一轉移間於部務不無裨益謹將擬設廳司分科差使各額並應支公費數目繕具清單恭呈

御覽如蒙

俞允臣部當即欽遵辦理所擬各差仍當慎選委員陸續分別派充所擬公費自四月爲始一律按新章支給每屆年終核明總數開單奏銷至將來船路電郵四政日益擴充部務增繁如有必須添置差缺之處再臣奏明辦理所有酌擬各廳司分科治事辦法請將原定公費量予變通緣由理合恭摺具陳伏乞

皇太后

皇上聖鑒訓示謹

奏

光緒三十四年三月二十八日奉

旨依議欽此

御覽

謹將酌擬廳司各差額並應支公費數目繕具清單恭呈

計開

承政參議兩廳每廳派廳長副廳長各一員酌分二科每科派科長一員二三等科員各一員

路政電政庶務三司每司派司長副司長各一員酌分三科每科科長一員二三等科員各一員

船政郵政兩司每司派司長各一員副司長暫缺酌分兩科每科派科長一員二三等科員各一員

承值所所長一員所員二員

以上廳長副廳長司長副司長科長科員所長所員共六十六員另設額外科員額外科員上行走各差無定額

郵傳部奏議類編

總務

總司分科治事並通員缺公費

一百

參議廳編駁科

廳長副廳長司長副司長每員月支公費銀三百兩

科長每員月支公費銀二百四十兩

二等科員每員月支公費銀一百八十兩

三等科員每員月支公費銀一百二十兩

承值所所長每月支公費銀一百二十兩所員八十兩

以上廳長副廳長司長副司長科長科員所長所員六十

六員共月支銀一萬三千零六十兩年支銀十五萬六千

七百二十兩此外額外科員每員月支公費銀五十兩額


外科員上行走每員月支公費銀三十兩無定額仍照原

奏候補司員每員五十兩小京官每員三十兩不設定額

之例辦理查臣部廳司員缺額設僉事四員郎中十員員

外郎十二員主事二十四員七品小京官十四員共六十

四員原定公費僉事郎中每員年支銀三千六百兩員外郎每員年支銀三千二百兩主事每員年支銀二千四百兩七品小京官每員年支銀八百兩統共年支銀十五萬七千六百兩其候補司員每員年支銀六百兩候補七品小京官每員年支銀三百六十兩尙不在此數今擬以前項公費勻給廳長副廳長司長副司長科長科員各項有差人員年支共銀十五萬六千七百二十兩每年約可節省銀八百八十兩其額外科員及額外科員上行走開支公費擬仍照原奏所定候補司員月給五十兩小京官月給三十兩之數分別發給並無增減合併聲明



試署期滿人員咨送內閣驗放摺

奏爲司員試署期滿咨送內閣驗放恭摺仰祈

聖鑒事竊臣部於上年十二月初八日奏請將候補僉事尹家楣
試署承政廳僉事候補員外郎金恭壽畢承緝借署庶務司
主事候補主事關廣麟試署路政司主事候補主事王鴻旻
蔣尊祿試署電政司主事各缺聲明俟考驗三月果能勝任
再行奏補實缺等因奉

旨允准在案現屆三月期滿臣等隨時考察該員等均屬勤慎辦
公深資得力以之請補各缺洵堪勝任自應遵章咨送內閣
驗放候

旨補授查尹家楣一員係由二品頂戴存記直隸候補道奏留臣
部以僉事候補應請補缺後仍以道員存記並原官原銜在

任候補金恭壽一員係由候選知府奏留臣部以員外郎候
補畢承緝一員係由花翎知府用在任候補直隸州知州順
天通州知州奏留臣部以員外郎候補現該二員係借補主
事應留原班候補並以知府原官在任候選均按歷次辦過
成案陳請合併聲明所有司員試暑期滿咨送驗放緣由謹
繕摺具陳伏乞

皇太后

皇上聖鑒訓示謹

奏

光緒三十四年三月二十八日奉

旨知道了欽此

請將商科進士陸夢熊等以主事留部候補片

再查憲政編查館會同學部奏定限制調用學生辦法摺內稱除奏調在前各員仍准各按原章辦理外其奏調在後者概令遵照此次定章等語臣部上年十一月初八日具奏調用專門畢業生商科進士陸夢熊法科進士程明超法科舉人林蔚章農科舉人譚天池均請留部在司員上行走奉旨依議欽此欽遵在案現查該員等到差以來均稱勤奮得力且奏調到部係在新定章程以前自應酌量留用以資任使所有奏留司員上行走商科進士陸夢熊法科進士程明超法科舉人林蔚章農科舉人譚天池擬請按照原章均留部以主事候補恭候

命下臣部欽遵分咨辦理謹附片具陳伏乞

聖鑒訓示謹

奏

光緒三十四年三月二十八日奉

旨依議欽此

容王等奏驗放僉事尹家楣等六員摺

奏為遵

旨驗放事光緒三十四年四月初十日臣等奉

命派赴內閣驗看驗放各項人員先經郵傳部將是日應行驗放

試署期滿請補實缺各員開單移送內閣在案臣等公同驗

看得該部擬補承政廳僉事尹家楣擬借補庶務司主事金

恭壽畢承翹擬補路政司主事關廣麟擬補電政司主事王

鴻煊蔣尊稔等六員均堪准其補授謹將該員等職名履歷

並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵

傳部官缺緣由謹合詞具陳伏乞

郵傳部奏詳彙編 總務 驗放僉事尹家楣等六員 一百四十一參錄應編彙科

皇太后

皇上聖鑒訓示謹

奏

光緒三十四年四月十一日奉

旨依議欽此

謹將驗放郵傳部試署期滿請補實缺各員銜名繕具清單
恭呈

御覽

計開

擬補郵傳部承政廳僉事一員

尹家楣湖北進士年五十歲由二品頂戴存記直隸候補道
經郵傳部奏留以僉事候補光緒三十三年十二月初八日
奏署承政廳僉事該員才優識卓辦事精詳今擬補承政廳
僉事缺請仍以道員存記並原官原銜在任候選

擬請借補郵傳部庶務司主事二員

金恭壽直隸廩生年四十九歲由候選知府經郵傳部奏留
以員外郎候補光緒三十三年十二月初八日奏借署庶務

郵傳部奏議類編

總務

驗放僉事尹家楣等六員

一百五 參閱應編數科

司主事該員樸實耐勞辦事詳審今擬借補庶務司主事缺請仍留員外郎原班候補並以知府原官在任候選

畢承緇湖北監生年五十四歲由花翎知府用在任候補直隸州知州順天通州知州經郵傳部奏留以員外郎候補光緒三十三年十二月初八日奏借署庶務司主事該員心細才長辦事幹練今擬借補庶務司主事缺請仍留員外郎原班候補並以知府原官在任候選

擬請補郵傳部路政司主事一員

關廣麟廣東進士年二十七歲由員外郎銜陸軍部遇缺即補主事經郵傳部奏留以原官候補光緒三十三年十二月初八日奏署路政司主事該員學識明通辦事縝密今擬補路政司主事缺

擬請補郵傳部電政司主事二員

王鴻煥福建進士年三十二歲由法部主事經郵傳部奏留以原班補用光緒三十三年十二月初八日奏署電政司主事該員才具開展辦事敏捷今擬補電政司主事缺

蔣尊禕浙江進士年三十歲由員外郎銜度支部主事經郵傳部奏留以原班補用光緒三十三年十二月初八日奏署電政司主事該員綜覈詳明辦事切實今擬補電政司主事缺

奏

旨
驗

命
派

所

擬

擬

任

叙

御
覽

命
下

價

郵
傳
部

皇太后

皇上聖鑒訓示謹

奏

光緒三十四年四月十一日奉

旨依議欽此

御覽

謹將驗放郵傳部題升請補各員銜名繕具清單恭呈

計開

擬請補郵傳部電政司郎中一員

龍建章廣東進士年三十七歲由吏部無論題選咨留即補員外郎文選司主事光緒三十三年七月三十日經郵傳部具奏調補電政司主事八月初十日經王大臣驗放奏補電政司員外郎該員品端學裕辦事諳練今擬請補電政司郎中缺

擬請補郵傳部路政司員外郎一員

阮惟和江蘇舉人年四十二歲由內閣即補侍讀借補農工商部庶務司主事光緒三十三年七月三十日經郵傳部奏

調借補路政司主事該員心地篤實辦事勤明今擬請補路政司員外郎缺

擬請補郵傳部路政司主事二員

葉恭綽廣東廩貢生年二十八歲由候選通判經郵傳部奏留以主事候補光緒三十三年八月初十日經王大臣驗放借補路政司七品小京官仍留主事原班候補該員心精力果辦事奮勉今擬請補路政司主事缺

六保內務府正黃旗漢軍學生年三十一歲由農工商部候補主事經郵傳部奏留按照原班補用該員年富力強辦事明敏今擬請補路政司主事缺

擬請補郵傳部電政司主事二員

譚祖任廣東優貢年三十一歲由分省補用知縣經郵傳部

奏留以主事候補光緒三十三年八月初一日經王大臣驗
放借補電政司七品小京官仍留主事原班候補該員年強
才裕辦事勤能今擬請補電政司主事缺

章華湖南進士年三十三歲由原工部主事經郵傳部奏留
以原班候補該員學術純正辦事認真今擬請補電政司主
事缺

都統增祺等奏驗放員外郎同林摺

奏爲遵

旨驗放事光緒三十四年四月十五日臣等奉

命派赴內閣驗看驗放各項人員先經郵傳部將是日應行驗放
擬補郵政司員外郎同林一員開單移送內閣並聲叙該部
前經奏明郵政司事務較簡員缺擬暫扣留現在該司有應
辦事務擬先行酌補一員以專責成等語臣等公同驗看得
該部擬補郵政司員外郎同林一員堪准補授謹將該員職
名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵
傳部官缺緣由謹合詞具陳伏乞

皇太后

皇上聖鑒訓示謹

奏

光緒三十四年四月十六日奉

旨依議欽此

謹將驗放郵傳部擬升補司員職名履歷繕具清單恭呈

御覽

計開

擬升補郵傳部郵政司員外郎一員

同林正藍旗滿洲覺羅四品廕生年三十二歲由度支部山西司主事迴避吏部主事經郵傳部於光緒三十三年七月三十日具奏調補庶務司主事該員心細才長辦事幹練今擬升補郵政司員外郎缺

遊員試署主事各缺摺

奏爲遊員試署臣部員缺繕具清單恭摺仰祈

聖鑒事竊臣部於光緒三十三年七月三十日請補僉事各缺摺
內聲明所調京外候補候選各員業經奏留應由臣等悉心
考驗另酌量擬補等因復於是年十二月初八日援照學
部試署成案奏請試署廳司各缺一摺先後奉

旨允准在案臣等現於奏留各員內公同遴選宜有候補員外郎
保銜候補主事賀良樸許沐鏞黃嵩齡四員或條理精密或
辦事勤能擬請將保銜黃嵩齡二員試署電政司額設未補
之主事二缺又查臣部路政司主事阮惟和現已升補路政
司員外郎所遺路政司主事一缺擬請以賀良樸試署庶務
司主事覺羅同林現已升補郵政司員外郎所遺庶務司主

事一缺擬請以許沐鏞試署仍俟考驗三個月後果能勝任再行奏補實缺席於激勵人才之中仍寓慎重名器之意謹將該員等履歷繕具清單恭呈

御覽再此外原係資格較深及著有勞績奏留在部人員仍照章擬補勿庸試署合併聲明所有違員試署臣部員缺緣由謹恭摺具陳伏乞

皇太后

皇上聖鑒訓示謹

奏

光緒三十四年四月十九日奉

旨知道了欽此

謹將擬請試署臣部員缺銜名繕單恭呈

御覽

保衡年二十二歲正白旗滿洲正三品廕生由兵部員外郎
於光緒三十二年十一月奏調到部三十三年七月二十三
日奏留臣部以原班補用今擬請借署臣部電政司主事缺
賀良樸年四十二歲湖北增監生由四品銜分省通判筭調
到部於光緒三十三年七月二十三日奏留臣部以主事候
補今擬請試署臣部路政司主事缺
許沐鏐年四十二歲江蘇副貢由同知銜候選知縣筭調到
部於光緒三十三年七月二十三日奏留臣部以主事候補
今擬請試署臣部庶務司主事缺

黃嵩齡年三十一歲廣東舉人由內閣中書咨調到部光緒

三十三年八月十三日奏留臣部以主事候補今擬請試署
臣部電政司主事缺

請將姚華吳賓駒二員留部候補片

再臣部歷次奏留調部各員業經聲明此外調到各員容臣等再加考驗是否得力分別奏留嗣准憲政編查館咨鈔會奏限制京外各衙門調用人員摺內開奏調人員如原係實缺候補者准令以原官或改以對品及相當官缺分別奏補等語奉

旨允准在案比月以來臣等悉心考核所有調到各員其勤慎得力者自應酌量留部以昭激勵查有原工部主事學部奏准留部姚華擬請留於臣部仍以主事原班候補分省補用知府吳賓駒擬請留於臣部以員外郎候補以上二員核與臣部原奏及憲政編查館奏定章程均屬相符吳賓駒一員應請按照成案仍留知府原官俟補缺後改爲在任候選恭候

命下臣部飭取該員等履歷欽遵分咨辦理其餘調到各員仍由

臣等隨時查考分別奏留以昭慎重謹附片陳明伏乞

聖鑒訓示謹

奏

光緒三十四年四月十九日奉

旨依議欽此

派充交通總分行總辦片

再查臣部奏設交通銀行章程第十條內稱總行設在北京鐵路可通之天津上海漢口廣東等處先立分行第二十三條內稱各行總副辦由總管理處遴選呈部核定各等語現在總行業經開辦天津上海漢口廣東四處分行亦經陸續設立當飭總管理處遴選總辦旋據選得直隸州知州袁鑑等呈請核定前來臣部查所選各員均屬身家殷實精於理財於商務各有經驗自應分別遴委擬請以山東補用直隸州知州袁鑑現充北京交通總行經理兼充總辦分省補用道劉坦充天津分行總辦分部郎中李厚祜充上海分行總辦湖南候補道劉選青充漢口分行總辦廣東候補知府陳炳煌充廣東分行總辦臣等仍隨時督飭總理等前往考察

以昭周密除分別札知遵照辦理外謹附片具陳伏乞
聖鑒訓示謹

奏

光緒三十四年四月二十九日奉

旨知道了欽此

都統爲寶華等奏驗放郎中庚耆等五員摺

奏爲遵

旨驗放事光緒三十四年五月初五日臣等奉

命派赴內閣驗看驗放各項人員先經郵傳部將是日應行驗放

擬升補船政司郎中宗室庚耆擬升補庶務司郎中陳應濤

擬升補路政司員外郎關廣麟葉恭綽擬借補電政司員外

郎潤璋開單移送內閣並聲叙該部前經奏明船政司事務

較簡員缺擬暫扣留現在該司有應辦事務擬先酌補一員

以專責成等語臣等公同驗看得該部擬升補船政司郎中

宗室庚耆擬升補庶務司郎中陳應濤擬升補路政司員外

郎關廣麟葉恭綽擬借補電政司員外郎潤璋均堪准其補

授謹將該員等職名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵
傳部官缺緣由謹合詞具陳伏乞

皇太后

皇上聖鑒訓示謹

奏

光緒三十四年五月初六日奉

旨依議欽此

御覽

謹將驗放郵傳部擬補司員職名履歷繕具清單恭呈

計開

擬升補郵傳部船政司郎中一員

庚耆正藍旗四品宗室頭品廕生年三十四歲花翎三品銜
由原工部候補員外郎經郵傳部奏留以原官候補光緒三十三年八月初一日經王大臣驗放奏補電政司員外郎該員年富才長辦事奮勉今擬升補船政司郎中缺查該員係原任理藩院尙書松森之次子現任理藩部尙書壽耆之弟擬升補郵傳部庶務司郎中一員

陳應濤福建進士年四十二歲由吏部候補員外郎經郵傳部奏留按照原班補用光緒三十三年八月初一日經王大

臣驗放奏補庶務司員外郎該員樸實耐勞辦事詳審今擬

補庶務司郎中缺

擬升補郵傳部路政司員外郎二員

關廣麟廣東進士年二十七歲由員外郎銜陸軍部遇缺即
補主事經郵傳部奏留以原官候補光緒三十四年四月初
十日經王大臣驗放奏補路政司主事該員心精力果辦事
奮勉今擬升補路政司員外郎缺

葉恭綽廣東廬貢生年二十八歲由候選通判經郵傳部奏
留以主事候補光緒三十三年八月初十日經王大臣驗放
借補路政司七品小京官仍留主事原班候補三十四年四
月初十日經王大臣驗放奏補路政司主事該員幹練精明
辦事周密今擬升補路政司員外郎缺

擬借補郵傳部電政司員外郎一員

潤璋正藍旗滿洲監生年三十歲花翎四品銜由

東陵工部員外郎經郵傳部奏留以原班候補光緒三十三年十二

月十二日

國史館全書告成奏保以本部郎中遇缺即補該員綜核詳明
辦事切實今擬借補電政司員外郎缺仍留郎中在任遇缺
即補查該員係現任倉場侍郎桂春之子

遴員試署員外郎各缺摺

奏爲遴員試署臣部員缺繕具清單恭摺仰祈

聖鑒事竊臣部所調人員分別奏請補署歷次遵辦在案本年四月奏准遴員試署各缺摺內復經聲明調部各員原係資格較深及著有勞績奏留在部者照章擬補勿庸試署等語其資格較淺及所調京外候補候選各員自仍應先行試署以資歷練查臣部電政司員外郎龍建章現已升補電政司郎中電政司員外郎庚耆現已升補船政司郎中所遺電政司員外郎二缺臣等於奏留各員內公同遴選查有候補僉事曾毓雋候補郎中蘇輿辦事穩練均擬請借署電政司所遺員外郎二缺仍俟考驗三個月後果能勝任再行奏補實缺庶於激勵人才之中仍寓慎重名器之意謹將該員等履歷

繕具清單恭呈

御覽所有遺員試署臣部員缺緣由謹恭摺具陳伏乞

皇太后

皇上聖鑒訓示謹

奏


光緒三十四年五月十九日奉

旨知道了欽此

謹將擬請試署臣部員外郎二缺銜名清單恭呈

御覽

曾毓雋年三十三歲福建舉人由直隸補用道咨調到部光緒三十四年二月十七日奏留臣部以僉事候補並俟補缺後仍留原官在任候選今擬請借署臣部電政司員外郎缺蘇輿年三十二歲湖南進士由湖北試用道咨調到部光緒三十三年十月初四日奏留臣部以郎中候補並俟補缺後仍留原官在任候選今擬請借署臣部電政司員外郎缺



調用京外各員擬請留部差委摺

奏爲調用京外各員擬請留部差委恭摺仰祈

聖鑒事竊臣部統轄船路電郵四政迭經調用游學專門畢業人員相助爲理本年三月二十八日具奏所有奏留司員上行走商科進士陸夢熊法科進士程明超等擬請留部以主事候補奉

旨依議欽此欽遵在案現該二員於

廷試後擢授館職惟其學有專長經臣部派充圖書通譯局總纂等差深資得力擬請將翰林院編修程明超檢討陸夢熊仍留臣部差委又翰林院秘書郎雲書檢討王建祖學部主事熊崇志農工商部七品小京官陸家鼎分省知府張鴻藻均由臣部先後調用雲書充圖書通譯局纂修熊崇志充唐山

皇太后

路礦學堂監督王建祖張鴻藻充鐵路總局委員陸家鼎充
電報電話局委員均能出其所學裨益要公擬請一并留部
差委藉收因才器使之效如蒙
俞允即由部欽遵分咨辦理所有調用京外各員擬請留部差
委緣由理合恭摺具陳伏乞

皇上聖鑒訓示謹

奏

光緒三十四年五月二十九日奉

旨依議欽此

主事姚華請仍留部當差片

再雲貴總督臣錫良奏襄辦新政一片內開農工商部主事姚華誠篤淵懿學有根柢擬調滇襄辦新政等因本年五月初一日奉

硃批著照所請該衙門知道欽此查本年四月十九日臣部具奏原工部主事姚華請留臣部仍以主事候補本日奉

旨依議欽此欽遵在案該員姚華自到部以來派在郵政司行走勤慎從公深資得力現在正擬籌畫郵政辦事需才未便令其離署擬請仍留臣部當差以資臂助如蒙

俞允即由臣部欽遵咨照辦理謹附片具陳伏乞

聖鑒謹

奏

光緒三十四年五月二十九日奉

旨依議欽此

上海實業學堂教員金紹基擬調部差遣片

再知縣用分省縣丞金紹基前自備資斧在英國倫敦大學
校學習電學專科畢業回國本年正月由臣部派充上海高
等實業學堂電機化學科教員尙資得力擬請調歸臣部差
遣仍充該堂教員恭候

命下臣部欽遵辦理謹附片具陳伏乞

聖鑒訓示謹

奏

光緒三十四年五月二十九日奉

旨依議欽此

請 旨簡放左丞摺

奏爲請

旨簡放臣部左丞員缺以重職守恭摺仰祈

聖鑒事本月二十七日內閣奉

上諭郭曾忻著補授禮部右侍郎欽此查郭曾忻係臣部左丞前
因升署侍郎援照農工商部歷辦成案奏請以資勞最深辦
事穩練之右丞那晉接署其先後遞署所遺右參議一缺請
以預保丞參參議廳僉事陳毅署理均經奉

旨允准在案現所遺左丞一缺相應請

旨簡放以重職守而裨部務再臣部右丞係那晉左參議係李經
楚右參議係李稷勳合併聲明所有請簡左丞員缺緣由謹
恭摺具陳伏乞

皇太后

皇上聖鑒訓示謹

奏

光緒三十四年五月二十九日奉

上諭郵傳部左丞著那春轉補李經楚著補授郵傳部右丞郵傳部左參議著李稷勳轉補胡祖蔭著補授郵傳部右參議欽此

請將袁長坤等四員調部差遣摺
奏爲調用司員以備任使恭摺仰祈

聖鑒事竊臣部綜理輪路電郵四政而鐵路一項尤爲繁重必須
熟悉路政之員相助爲理乃能悉協機宜查有二品銜候選
道袁長坤鹽運使銜分發洋務省分補用知府黃致堯直隸
試用州同趙慶華候選知縣丁志蘭熟悉外交於鐵路營業
情形亦能悉心研究前經札調差遣尙稱得力擬請將袁長
坤等四員均留臣部以備任使恭候

命下山臣部分別咨照檄飭遵辦所有調員差遣緣由謹繕摺具
奏伏乞

皇太后

皇上聖鑒謹

郵傳部奏議類編

總務

袁長坤等調部

一百廿五 參議廳編纂科

奏

光緒三十四年六月初九日奉

旨依議欽此

續行預保丞參摺

奏爲遵

旨續行預保堪勝臣部丞參人員聽候

記名簡用恭摺仰祈

聖鑒事光緒三十三年二月初九日奉

上諭各衙門丞參前經降旨飭令該堂官於試驗得力人員出具切實考語預行保薦聽候記名等因欽此臣等欽遵奏保丞參那晉等聽候

記名簡用在案惟前次預保各員核計所餘無幾而臣部管轄四政事務較繁應行續薦通達治體之才以備

朝廷器使查有現署順天府府丞直隸存記道阮忠樞識量宏通體用賅備幼學治事籌畫精詳洵稱經世之選在任候選道

山西汾州府知府紹彝才識明敏樸實耐勞閱歷農曹能通計學現在山西知府任內卓有名績經農工商部保薦衆望允孚廣東候補道楊士驄才長心細幹練有爲精於理財亦諳路務現辦京奉鐵路芟除積弊洞見原委四品卿銜開缺奉錦山海關道朱恩紱才識卓犖思慮精詳奮發有爲不辭勞怨歷任江蘇繁要差缺均能措置裕如臣部電政司郎中龍建章守潔才明辦事沉毅曾充考察政治大臣參贊官周歷四國譯述甚多於中外情形頗有心得前江西廣饒九南道玉貴老成持重深諳外交在府道任內卓著政聲屢登薦牘高等檢察廳檢察長李焜瀛係原任協辦大學士李鴻藻之子敦篤謹飭品學兼優前隨考察政治大臣出使英國大臣經歷各國考察情形頗能諳習翰林院編修林炳章係原

任兩廣總督林則徐之孫英年通籍潛心有用之學出洋考察通知時事經辦本籍禁烟興學勸工各事宜均著成效湖北候補知府王孝繩心精力果爲守兼優縝密耐勞辦事極有條理以上九員李焜瀛林炳章曾經臣部保薦人才餘皆試驗得力及灼知底蘊均堪備選可否交軍機處

記名遇有臣部承參缺出請

旨擢用之處伏候

聖裁所有續行預保堪勝承參人員緣由謹恭摺具陳伏乞

皇太后

皇上聖鑒謹

奏

光緒三十四年六月十九日奉

旨留欽此

交通銀行股本擬請先後併招片

再臣部奏設交通銀行清單第二十八條內載該行先備資本銀五百萬兩分爲五萬股每股庫平足銀一百兩由郵傳部籌款認購二萬股其餘三萬股無論官商紳民人等均准購買俟貿易擴充之時再行添招五萬股等語奉

旨允准欽遵在案當即檄飭該行總理李經楚等立限招股去後茲據該行呈稱期內商股報認踴躍異常現在招股已經截止總計掛號認股之數逾額幾倍體察商情僉以折收爲憾等情前來查原奏本擬添招五百萬而商情如此踴躍爭先與其限制折收致有多認少交之憾不如先後並舉以暢振興鼓舞之機臣等公同籌議擬請併歸十萬股臣部前後認購四萬股商勻六萬股庶足以愜商情而厚資本恭候

命下即由臣等檄飭該行迅速收取善爲經營以臻妥善理合附

片具陳伏乞

聖鑒訓示謹

奏

光緒三十四年六月十九日奉

旨依議欽此

請援案給予錄事季俸摺

奏爲臣部錄事照章咨補請援案給予季俸以資鼓勵恭摺仰
祈

聖鑒事光緒三十三年六月二十三日臣部會同軍機大臣奏定
官制一摺章程第十一條內稱設八九品錄事由臣部酌量
委用不定額缺咨行吏部存案又於七月二十三日附奏本
部奏設錄事其勤奮得力諸習部務著有資勞者酌補八九
品錄事洊升七品小京官各等語均奉

旨依議欽此欽遵在案臣部整理四政事務日繁該錄事繕寫文
件料理雜務夙夜在公不無微勞足錄且多係考取各省舉
貢正途出身凡酌量咨補各員自應援案給予季俸以示激
勸查民政部法部大理院咨補錄事各員均先後奏准給俸

臣部現先咨補八品錄事十五員九品錄事十五員其餘各員隨時再行委用除照章將擬補各員銜名履歷咨送吏部查照註冊存案外合無仰懇

天恩俯准將臣部現在咨補錄事各員及續行咨補錄事各員援照民政部法部大理院成案按照品級給予俸銀俸米其係由筆帖式改補原有甲米俸銀者一律改爲俸米俸銀統歸臣部按季造冊一體支領如蒙

俞允臣部即咨行吏部度支部遵照辦理臣等仍隨時認真考察果能始終勤奮將來按其資勞照章予以升階其或始勤終怠即咨行吏部撤銷以重名器所有臣等援案請給錄事季俸緣由是否有當理合恭摺具陳伏乞

皇太后

皇上聖鑒訓示謹

奏

光緒三十四年六月十九日奉

旨依議欽此

郵傳部奏議類編

總務

請按案給錄事李休

一百三十一 參議廳編發科

恭王等奏驗放僉事龍建章等七員摺

奏爲遵

旨驗放事光緒三十四年六月二十日臣等奉

命派赴內閣驗看驗放各項人員先經郵傳部將是日應行驗放

擬調補承政廳僉事龍建章擬升補庶務司員外郎畢承綱

擬升補庶務司員外郎金恭壽擬請補路政司主事宗室文

灃擬借補承政廳七品小京官趙毓煊擬借補路政司七品

小京官唐德萱擬借補庶務司七品小京官蔡傳奎開單移

送內閣并聲明畢承綱係擬補庶務司員外郎陳應濤升補

郎中所遺之缺宗室文灃係擬補路政司主事關廣麟升補

員外郎所遺之缺其餘擬補各員均係額設未補之缺臣等

公同驗看得該部擬調補承政廳僉事龍建章擬升補庶務

司員外郎畢承緝金恭壽擬請補路政司主事宗室文灃擬借補承政廳七品小京官趙毓焄擬借補路政司七品小京官唐德壹擬借補庶務司七品小京官蔡傳奎均堪准其補授僉事員外郎主事七品小京官各缺謹將該員等職名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有_臣等驗放郵傳部官缺緣由謹合詞繕摺具陳伏乞

皇太后

皇上聖鑒訓示謹

奏

光緒三十四年六月二十一日奉

旨依議欽此

郵傳部奏議類編

總務

驗放僉事龍建章等七員

一百卅二

參議廳編纂科

謹將驗放郵傳部升調請補僉事各員銜名履歷繕具清單
恭呈

御覽

計開

擬請調補承政廳僉事一員

龍建章廣東進士年三十七歲由吏部無論題選咨留即補
員外郎文選司主事光緒三十三年七月三十日經郵傳部
具奏調補電政司主事八月初十日經王大臣驗放升補電
政司員外郎三十四年四月初十日經王大臣驗放升補電
政司郎中該員才優識卓辦事精詳今擬請調補承政廳僉
事缺

擬請升補庶務司員外郎二員

畢承緗湖北監生年五十四歲由花翎知府用在任候補直隸州知州順天通州知州經郵傳部奏留以員外郎候補光緒三十四年四月初十日經王大臣驗放借補庶務司主事該員心細才長辦事幹練今擬請升補庶務司員外郎缺仍留知府原官在任候選

金恭壽直隸廩生年四十九歲由候選知府經郵傳部奏留以員外郎候補光緒三十四年四月初十日經王大臣驗放借補庶務司主事該員樸實耐勞辦事詳審今擬請升補庶務司員外郎缺仍留知府原官在任候選

擬請補路政司主事一員

宗室文灃正紅旗頭族宗室慶恕佐領下二品廕生年三十三歲由原工部主事經郵傳部奏留以原官候補該員才具

開展辦事敏捷今擬請補路政司主事缺

擬請借補承政廳七品小京官一

趙毓焯直隸舉人年四十二歲由內閣中書經郵傳部奏留以主事補用該員幹練精明辦事周密今擬請借補承政廳七品小京官缺仍留主事原班候補

擬請借補路政司七品小京官一員

唐德萱湖南學生年二十七歲由四品銜分部遇缺即補主事經郵傳部奏留以主事候補該員才優學富辦事精明今擬請借補路政司七品小京官缺仍留主事原班候補並留原銜

擬請借補庶務司七品小京官一員

蔡傳奎湖南舉人年三十二歲由內閣中書經郵傳部奏留

作爲候補主事該員綜覈詳明辦事切實今擬請借補庶務
司七品小京官缺仍留主事原班候補

請將法部主事毓彤內閣中書周嵩堯留部差委片

再臣部奏留調部各員歷經聲明此外調到各員容再加考驗是否得力分別奏留嗣准憲政編查館咨開奏留人員原係學習者應令於奏留後接算前資扣足年限奏留補用其未經分發者應自奏調到差之日起概令當差一年後分別以原官或改以對品及相當官缺留部學習各等語奉

旨允准在案臣等悉心考核查有法部學習主事毓彤內閣中書周嵩堯調部當差尙稱得力擬請將法部學習主事毓彤內閣中書周嵩堯調歸臣部照章辦理恭候

命下臣部欽遵飭取該員等履歷咨照其餘調到各員仍由臣部隨時考查分別核辦以昭慎重謹附片具陳伏乞

聖鑒訓示謹

奏

光緒三十四年七月初三日奉

旨依議欽此

請將顧準曾張鴻藻以主事員外郎補用片

再臣部歷次奏留調部各員業經聲明此外調到各員容
等再加考驗是否得力分別奏留嗣准憲政編查館咨開各
衙門奏調人員如原係實缺候補者准令以原官或改以對
品及相當官缺分別奏補等語奉

旨允准在案臣等悉心考核所有調到各員其勤慎得力者自應
酌量留部以昭激勵查有禮部遇缺即補主事顧準曾擬請
留於臣部仍以主事原班補用陝西補用知府張鴻藻擬請
留於臣部以員外郎候補以上二員核與臣部原奏及憲政
編查館奏定章程均屬相符張鴻藻一員應請按照成案仍
留知府原官俟補缺後改爲在任候選恭候

命下臣部欽遵飭取該員履歷分咨辦理其餘調到各員仍由臣

等隨時考查分別奏留以昭慎重謹附片具陳伏乞
聖鑒訓示謹

奏

光緒三十四年七月十三日奉

旨依議欽此

奏銷自開部日起至三十三年十二月止收支經費銀數摺
 奏爲奏銷臣部光緒三十二年九月二十一開部之日起至三
 十三年十二月底止收支經費欸目銀數分繕清單恭摺仰
 祈

聖鑒事光緒三十三年七月初三日臣部具奏擬議署中公費擬
 就路電餘利項內酌量提用樽節開支奉

旨着核定月支數目再行具奏欽此於是月十三日復奏遵
 旨核定月支數目本日奉

旨知道了欽此欽遵各在案伏維臣部管轄四政事務殷繁且皆
 利弊所關在署辦事各員養廉必須酌定業經奏明援照外
 務部農工商部定章辦理就目前核計養廉公費雜費每月
 約用銀二萬兩嗣後額缺補滿每月約用銀二萬七千餘兩

自光緒三十二年九月二十一日開部之日起至三十三年六月以前暫給丞參以下津貼及署中公費應行截數作爲另案報銷自七月爲始一律遵照奏定月支數目支給由鐵路電報餘利項下撥給並援照農工商部辦過成案每年開具簡明清單奏銷免其造冊欽奉

諭旨允准欽遵在案茲將光緒三十二年九月二十一開部之日起至三十三年六月底止計收京奉鐵路餘利京平足銀四十萬六千二十一兩五錢五分又收款項暫存銀行隨時提用應得生息銀七千六百四十九兩九錢九分五釐除尙書左右侍郎未支養廉外丞參以下津貼及署中各項雜費並設立圖書通譯局等款常支共用銀五萬六千一百六十三兩三錢七分八毫又修理東長安街舊理藩院衙署房屋暫

作辦事公所復遷移燈市口租用民房以及遷移運費添購器具等款不在月支項下列爲活支共用銀八千八百一十八兩二錢四分六釐七毫並將三十三年七月起至十二月止計收欸項暫存銀行隨時提用應得生息銀六百八十七兩六錢七分五釐支給堂司養廉津貼及各項什費常支共用銀七萬七千九百二兩二錢一分二釐三毫又租用民房建造衙署及海淀小廠值日公所房屋添置器具等款不在月支項下列爲活支用銀九萬二千五百三十兩五錢三分七釐實存京平足銀一十七萬八千九百四十四兩八錢五分三釐二毫歸入下屆報銷案內核算謹繕具簡明清單二件恭呈

御覽所有開支各款常支項下均未逾奏定月支之數活支項下

亦係必須要款均經臣部督飭樽節動支委係實用實銷並無虛糜應請

旨准予開銷免造細冊以歸簡便俟臣部各政擴充司員額缺補滿再行案照奏定月支銀數樽節動支所有奏銷臣部收支經費款目銀數緣由理合恭摺具陳伏乞

皇太后

皇上聖鑒訓示謹

奏

光緒三十四年七月二十三日奉

旨知道了欽此

謹將臣部自光緒三十二年九月二十一設部之日起至三十三年六月底止遵照奏案另行報銷所有提取鐵路餘利暫給丞參以下津貼等項銀數開具簡明清單恭呈

御覽

計開

舊管

無項

新收

- 一收京奉鐵路餘利行平化實銀三十九萬七千五百九十
- 二兩五錢九分申京平足銀四十萬六千二十一兩五錢
- 五分查前項收京奉鐵路餘利行平化實銀一百五十三
- 萬四千六百九十二兩五錢九分除由日本收回奉天至

新民屯鐵路給價日金一百六十六萬元每元合銀六錢八分五釐共行平化實銀一百一十三萬七千一百兩於光緒三十三年十月初四日專案奏准外實收此數理合

聲明

一 款項暫存銀行隨時提用應得生息京平足銀七千六百四十九兩九錢九分五釐

以上共新收京平足銀四十一萬三千六百七十一兩五錢四分五釐

開除

常支項下

一 丞參司員書記生津貼共用銀四萬五百一十八兩九錢九分五

內承參津貼銀三千六百兩

司員津貼銀二萬六千五百七十八兩五錢二分二釐

書記生津貼銀一萬三百四十兩四錢七分三釐

一武弁馬差餉乾蘇拉雜役工食共用銀二千七百三十八兩四分二釐

內武弁馬差餉乾銀三百八十六兩一錢七分二釐

蘇拉雜役工食銀二千三百五十一兩八錢七分

一火食共用銀七千四兩一錢七釐

內堂司火食銀三千二百五十五兩五錢

書記生火食銀二千一百六十四兩六錢四分七釐

值日公所火食銀一百八十三兩八錢六分

中飯下飯銀一千四百兩一錢

一茶水油燭煤炭等項共用銀一千二百兩五錢六分五毫
內茶水銀六百二十三兩三錢四分五釐七毫

油燭銀一百一十兩二分五釐

煤炭銀四百六十七兩一錢三分五釐八毫

一筆墨印色紙張燻册刷印共用銀二千四百七十三兩五錢七釐五毫

內筆墨印色等項銀四百八十四兩八錢四分三釐

紙張銀一千一百六十四兩五錢六分四釐

檔册銀六百八十二兩三錢二分四釐

刷印規則告示銀一百四十一兩三錢二分六釐五毫

一圖書通譯局共用銀三百四十六兩九分九釐四毫

內購置圖書等項銀一百三十八兩二錢八分五釐四毫

圖書局各員津貼銀二百七兩八錢一分四釐

一雜項用銀一千八百八十二兩五錢六分三釐四毫

內選購中外各報章程三百五十四兩四錢七分一釐二

毫

發遞各省公文部費銀六十一兩五錢二釐四毫

支搭涼棚九座銀五百四兩七錢

鐵煤爐烟筒煤鏟等件銀一百七十七兩八錢九分二釐

購用雜項零物等件銀七百八十四兩四錢四分七釐八

毫

以上常支京平足銀五萬六千一百六十三兩三錢七

分八毫

活支項下

一暫借東長安街舊理藩院衙署作爲辦事公所共用銀一千九百三十三兩六錢一分一釐六毫

內添蓋房屋并修理門憲等銀一千七百九十一兩六錢一分一釐六毫

油飾門憲等銀六十四兩裱糊房屋五十二間用銀七十八兩

一遷移燈市口民房租作辦事公所共用銀一千八百九十七兩八錢七分六釐一毫

內房租五箇月共銀一千兩

修理各處所並油飾裱糊等項用銀八百五十三兩七錢七分六釐一毫

由舊理藩院遷至燈市口民房運費銀四十四兩一錢

一添置器具共用銀四千九百八十六兩七錢五分九釐

內保險鐵櫃一座鐵箱四個共銀四百四十二兩一錢五分

新式桌六十六張椅一百四十件共用銀一千九百五十三兩五錢七分

舊式桌一百二十八件椅二百七十件共用銀七百三十二兩四錢一分

書櫥十五座用銀一百七十二兩五分

添置各項零物器具用銀一千六百八十六兩五錢七分九釐

以上活支京平足銀八千八百一十八兩二錢四分六釐七毫

實在

存京平足銀三十四萬八千六百八十九兩九錢二分七釐五毫

謹將^臣部自光緒三十三年七月起至十二月止遵照奏案
提取餘利支給養廉等項銀數繕具簡明清單恭呈

御覽

計開

舊管

上屆存京平足銀三十四萬八千六百八十九兩九錢二
分七釐五毫

新收

一收欸項暫存銀行隨時提用應得生息京平足銀六百八
十七兩六錢七分五釐

開除

常支項下

一堂司養廉共用銀五萬三千三百六十八兩九錢二分

內尚書左右侍郎養廉銀一萬三千兩

丞參養廉銀一萬七百一十七兩七錢六分七釐

司員養廉銀二萬九千六百四十一兩一錢五分三釐

一錄事薪水等項共用銀六千九百四十四兩四錢八分七釐

內錄事薪水銀六千八百七十三兩七錢六分

招考錄事用銀六十六兩七錢二分七釐

一武弁馬差餉乾蘇拉雜役工食共用銀二千三百五十六

兩三錢六釐

內武弁馬差餉乾銀三百五十六兩三錢四分

蘇拉雜役工食銀一千九百九十九兩八錢六分六釐

一火食共用銀五千七百七十一兩六錢二分三釐

內堂司火食銀三千四百三十六兩三錢七分

錄事火食銀一千五十八兩四錢

值日公所火食銀七十九兩六錢

中飯下飯銀一千一百九十七兩二錢五分三釐

一茶水油燭煤炭等項共用銀五百七十二兩九錢二分一釐

內茶水銀三百七十九兩三分三釐

油燭銀八十九兩二錢八分六釐

煤炭銀一百四兩六錢二釐

一筆墨印色紙張檔冊刷印共用銀一千三百六十二兩二錢二分一釐

內筆墨印色銀一百四十五兩四錢五分

紙張銀八百六十九兩一錢九釐

檔冊銀一百八十八兩六錢

刷印書籍告示等項銀一百五十九兩六分二釐

一圖書通譯局共用銀三千七百四兩九分八釐

內添購圖書等銀二千一百七十二兩八錢三分五釐

購用繪圖零件銀一百五兩九錢三分

圖書局各員津貼銀一千四百二十五兩三錢三分三釐

一刷印所共用銀二千九十八兩八錢七分八釐

內購刷印機器附屬品一架打樣刷印機器一架鉛字三

千二百鎊及應用物件銀一千八百五十五兩八錢七分

六釐

膳寫生刷印生工食銀二百四十三兩二釐

一雜項共用銀一千七百二十六兩八錢五分八釐三毫

內中外各報紙銀二百八十九兩二錢一分一釐

發遞各省公文郵費銀一百八兩二錢一分六釐

捐萬國鐵路公費銀一百一十四兩一錢九分七釐

法國醫院藥資銀一百兩四錢二分七釐

鐵煤爐烟筒煤鏟等項銀三百一十五兩

購用雜項零物等件銀七百九十九兩八錢七釐三毫

以上常支京平足銀七萬七千九百二兩二錢一分二釐

三毫

活支項下

一租燈市口民房作爲辦事公所七月八月房租共用銀四

百兩

一購買西長安街民政部公用房作爲衙署價銀三萬九千八百兩

一購買衙署毗連民房三百九十三間餘地大小八段共價銀一萬九千六百九十二兩

一衙署添蓋樓房七間辦公房并走廊八十一間共用銀一萬六千九百二十五兩八錢四分五釐六毫

一修理樓房五間羣房廊一百五十四間共用銀六千六百五十三兩九錢六分一釐四毫

一由燈市口公所遷至西長安街衙署運費銀一百一十七兩九錢七分三釐

一鑿井二眼共用銀三百六十七兩五錢

一添置器具共用銀一千九百四十兩

內舊式桌一百張椅一百四十件銀五百五十三兩一錢
新式桌三十六張椅四十八件銀六百一十一兩八錢六
分

書櫥十三件銀二百五十六兩三錢五分

門窗門帘帳棚椅墊等件銀三百三十七兩九分

鋪板銀四十一兩六錢

布帳房大小三架銀一百四十兩

一購買海淀西小廠值日公所共用銀六千六百三十二兩
二錢五分七釐

內購買民房五十九間地一頃六十畝共銀五千五百兩
修理公所工料銀九百兩一錢七分

添置各項器具銀二百三十三兩八分七釐

以上活支京平足銀九萬二千五百三十兩五錢三分七釐

實在

存京平足銀一十七萬八千九百四十四兩八錢五分三釐二毫

保衡等試署期滿請補實缺摺

奏爲司員試署期滿咨送內閣驗放恭摺仰祈

聖鑒事竊臣部於本年四月十九日奏請將候補員外郎保衡借署電政司主事候補主事賀良樸試署路政司主事候補主事許沐鏞試署庶務司主事候補主事黃嵩齡試署電政司主事各缺聲明俟考驗三月果能勝任再行奏補實缺等因奉

旨允准在案現屆三月期滿臣等隨時考察該員等均屬勤謹辦公深資得力以之請補各缺洵堪勝任自應遵章咨送內閣驗放候

旨補授查保衡一員係由陸軍部員外郎奏留臣部以原班補用現該員係借補主事應留原班候補合併聲明所有司員試

署期滿咨送驗放緣由謹繕摺具陳伏乞

皇太后

皇上聖鑒訓示謹

奏

光緒三十四年八月初三日奉

旨知道了欽此

博公等奏驗放保衡等四員補授主事摺

奏爲遵

旨驗放事光緒三十四年八月初十日臣等奉

命派赴內閣驗看驗放各項人員先經郵傳部將是日應行驗放

試署期滿擬請借補電政司主事保衡擬請補路政司主事

賀良樸擬請補庶務司主事許沐鏞擬請補電政司主事黃

嵩齡開單移送內閣並聲明賀良樸係擬補路政司主事阮

惟和升補員外郎所遺之缺許沐鏞係擬補庶務司主事覺

羅同林升補郵政司員外郎所遺之缺保衡黃嵩齡二員係

補額設未補之缺臣等公同驗看得該部擬請借補電政司

主事保衡擬請補路政司主事賀良樸擬請補庶務司主事

許沐鏞擬請補電政司主事黃嵩齡均堪准其補授謹將該

員等職名履歷並該部原加考語繕具清單恭呈

御覽恭候

命下囑由郵傳部自行知照各衙門遵奉施行所有臣等驗放郵

傳部官缺緣由謹合詞具陳伏乞

皇太后

皇上聖鑒訓示謹

奏

光緒三十四年八月十一日奉

旨依議欽此

謹將驗放郵傳部試署期滿請補實缺各員銜名繕具清單
恭呈

御覽

計開

擬請借補電政司主事一員

保銜年二十二歲正白旗滿洲正三品廕生由陸軍部員外
郎經郵傳部奏留以原班補用光緒三十四年四月十九日
奏借署電政司主事該員年富力強辦事明敏今擬請借補
電政司主事缺仍留員外郎原班候補查該員係現任熱河
都統廷杰之子

擬請補路政司主事一員

賀良樸年四十二歲湖北增監由分省通判經郵傳部奏

留以主事候補光緒三十四年四月十九日奏署路政司主事該員心細才長辦事幹練今擬請補路政司主事缺

擬請補庶務司主事一員

許沐鏞年四十二歲江蘇附貢由同知銜候選知縣經郵傳部奏留以主事候補光緒三十四年四月十九日奏署庶務司主事該員心地篤實辦事勤明今擬請補庶務司主事缺

擬請補電政司主事一員

黃嵩齡年三十一歲廣東舉人由內閣中書經郵傳部奏留以主事候補光緒三十四年四月十九日奏署電政司主事該員才具開展辦事敏捷今擬請補電政司主事缺

會統雋蘇與試署期滿請補實缺摺

奏爲司員試署期滿咨送內閣驗放恭摺仰祈

聖鑒事竊臣部於本年五月十九日奏請將候補僉事會統雋候
補郎中蘇與借署電政司員外郎二缺聲明俟考驗三箇月
後果能勝任再行奏補實缺等語奉

旨允准在案現屆三月期滿臣等隨時考驗該員等尙屬勤慎辦
公尙資得力以之請補實缺洵堪勝任自應遵章咨送內閣
驗放候

旨補授查會統雋係由直隸補用道奏留臣部以僉事候補蘇與
係由湖北試用道奏留臣部以郎中候補現該員等係借補
員外郎均應照案仍留原班候補並原官在任候選合併聲
明所有司員試署期滿咨送驗放緣由謹繕摺具陳伏乞

皇太后

皇上聖鑒訓示謹

奏

光緒三十四年八月二十三日奉

旨知道了欽此

那王等奏驗放阮惟和等八員補郎中各缺摺
奏爲遵

旨驗放事光緒三十四年九月初一日臣等奉

命派赴內閣驗看驗放各項人員先經郵傳部將是日應行驗放
擬請升補路政司郎中阮惟和擬請升補電政司郎中葉恭
綽擬請升補郵政司郎中覺羅同林擬請借補船政司員外
郎光裕擬請借補電政司員外郎曾毓雋蘇興擬請借補郵
政司主事孫寶瑄擬請補庶務司主事趙毓焯開單移送內
閣並聲明葉恭綽係擬補電政司郎中龍建章調補承政廳
僉事所遺之缺曾毓雋係擬補升任電政司員外郎龍建章
所遺之缺蘇興係擬補電政司員外郎宗室庚耆升補船政
司郎中所遺之缺趙毓焯係擬補庶務司主事金恭壽升補

庶務司員外郎所遺之缺其餘各員均係補額設未補之缺再前經聲明船政郵政兩司有應辦事務各先酌補一員以專責成現該兩司事務漸繁擬隨時酌量情形陸續請補等語臣等公同驗看得該部擬請升補路政司郎中阮惟和擬請升補電政司郎中葉恭綽擬請升補郵政司郎中覺羅同林擬請借補船政司員外郎光裕擬請借補電政司員外郎曾毓雋蘇興擬請借補郵政司主事孫寶璣擬請補庶務司主事趙毓焯均堪准其補授謹將該員等職名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵傳部官缺緣由謹合詞具陳伏乞

皇太后

皇上聖鑒訓示謹

奏

光緒三十四年九月初二日奉

旨依議欽此

郵傳部奏議願編

總務

驗放郎中阮惟和等八員

一百五十二

御覽
謹將驗放郵傳部擬補郎中各員銜名履歷繕具清單恭呈

計開

擬請升補路政司郎中一員

阮惟和江蘇舉人年四十二歲由內閣即補侍讀借補農工商部主事光緒三十三年七月三十日經郵傳部奏調借補路政司主事三十四年四月初十日經王大臣驗放奏補路政司員外郎該員心地樸實辦事精練今擬請升補路政司郎中缺

擬請升補電政司郎中一員

葉恭綽廣東廬貢生年二十八歲由候選通判經郵傳部奏留以主事候補光緒三十三年八月初十日經王大臣驗放

借補路政司七品小京官三十四年四月初十日經王大臣
驗放奏補路政司主事五月初五日經王大臣驗放奏補路
政司員外郎該員綜理精密辦事周妥今擬請升補電政司
郎中缺

擬請升補郵政司郎中一員

同林正藍旗滿洲覺羅四品廕生年三十二歲由度支部山
西司主事迴避吏部主事光緒三十三年七月三十日經郵
傳部具奏調補庶務司主事三十四年四月十五日經王大
臣驗放奏補郵政司員外郎該員愜懃無華辦事切實今擬
請升補郵政司郎中缺

擬請借補船政司員外郎一員

光裕正白旗滿洲貢生年三十一歲由法部無論題選咨留

遇缺即補郎中光緒三十三年十月初四日經郵傳部奏留
以郎中候補該員年力精強辦事勤敏今擬請借補船政司
員外郎缺仍留郎中原班候補查該員係現任浙閩總督松
壽之子

擬請借補電政司員外郎二員

曾毓雋福建舉人年三十三歲由直隸候補道經郵傳部奏
留以僉事候補光緒三十四年五月十九日奏借署電政司
員外郎該員才識通達辦事詳明今擬請借補電政司員外
郎缺仍留僉事原班候補並以道員原官在任候選

蘇輿湖南進士年三十二歲由湖北試用道經郵傳部奏留
以郎中候補光緒三十四年五月十九日奏借署電政司員
外郎該員學識明通辦事縝密今擬請借補電政司員外郎

缺仍留郎中原班候補並以道員原官在任候選

擬請借補郵政司主事一員

孫寶瑄浙江廕生年四十歲由原工部候補員外郎光緒三十三年七月二十三日經郵傳部奏留按照原班補用該員謹飭持躬辦事周妥今擬請借補郵政司主事缺仍留員外郎原班候補查該員係原任戶部侍郎孫貽經之次子調任出使德國大臣孫寶琦之弟

擬請補庶務司主事一員

趙毓焄直隸舉人年四十二歲由內閣中書經郵傳部奏留以主事補用光緒三十四年六月二十日經王大臣驗放奏借補承政廳七品小京官仍留主事原班候補該員事理明達辦事勤能今擬請補庶務司主事缺

禮王等奏驗放葉恭綽姚華二員擬補僉事主事各缺摺

奏爲遵

旨驗放事光緒三十四年九月十五日臣等奉

命派赴內閣驗看驗放各項人員先經郵傳部將是日應行驗放擬請調補承政廳僉事葉恭綽擬請補船政司主事姚華開單移送內閣并聲明葉恭綽係擬補承政廳僉事尹家楣病故所遺之缺姚華係擬補額設未補之缺臣等公同驗看得該部擬請調補承政廳僉事葉恭綽擬請補船政司主事姚華均堪准其補授謹將該員等職名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵

皇太后

傳部官缺緣由謹合詞具陳伏乞

皇上聖鑒謹

奏

光緒三十四年九月十六日奉

旨依議欽此

御覽

謹將驗放郵傳部調補僉事各員銜名履歷繕具清單恭呈

計開

擬請調補承政廳僉事一員

葉恭綽廣東廉貢生年二十八歲由郵傳部路政司員外郎
光緒三十四年九月初一日經王大臣驗放奏補道政司郎

中該員心細才長辦事幹練今擬請調補承政廳僉事缺

擬請補船政司主事一員

姚華貴州進士年三十四歲由原工部候補主事光緒三十
四年四月十九日經郵傳部奏留以主事原班候補該員才
具樸誠辦事勤奮今擬請補船政司主事缺

請將周嵩堯李國熊二員以郎中留部分別補用摺

奏爲調部人員擬請留部分別補用恭摺仰祈

聖鑒事竊臣部歷次奏留調部各員業經聲明此外調到各員容
臣等再加考驗是否得力分別奏留嗣准憲政編查館咨抄
會奏限制京外各衙門調用人員摺內稱奏調人員如原係
實缺候補者准令以原官或改以對品及相當官缺分別奏
補原係學習試用者應令於奏調後接算前資扣足年限奏
留補用等語奉

旨允准在案臣等悉心考核查有內閣候補侍讀周嵩堯度支部
學習郎中李國熊經臣部前後奏調咨調到部當差尙稱得
力自應酌量留部以備任使擬請將內閣候補侍讀周嵩堯
留於臣部以郎中候補度支部學習郎中李國熊留於臣部

仍以郎中學習行走接算前資期滿再行酌量奏留補用以
上二員核與臣部原奏及憲政編查館奏定章程均屬相符
恭候

命下臣部欽遵飭取該員等履歷分咨辦理其餘調到各員仍由
臣等隨時考察分別奏留以昭慎重所有調部人員擬留臣
部補用緣由理合恭摺具陳伏乞

皇太后

皇上聖鑒訓示謹

奏

光緒三十四年九月二十四日奉

旨依議欽此

倫貝子等奏驗放關廣麟等四員擬補郎中各缺摺

奏爲遵

旨驗放事光緒三十四年九月二十五日 臣等奉

命派赴內閣驗看驗放各項人員先經郵傳部將是日應行驗放
擬請升補電政司郎中關廣麟擬請升補路政司員外郎何
啓椿擬請升補郵政司員外郎蔣尊禕擬請借補電政司七
品小京官林蔚章開單移送內閣並聲明關廣麟係擬補電
政司郎中葉恭綽調補僉事所遺之缺何啓椿係擬補路政
司員外郎阮惟和升補郎中所遺之缺蔣尊禕係擬補郵政
司員外郎覺羅同林升補郎中所遺之缺林蔚章係擬補電
政司七品小京官譚祖任升補主事所遺之缺 臣等公同驗
看得該部擬請升補電政司郎中關廣麟擬請升補路政司

員外郎何啓椿擬請升補郵政司員外郎蔣尊禕擬請借補
電政司七品小京官林蔚章均堪准其補授謹將該員等職
名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵

傳部官缺緣由謹合詞具陳伏乞

皇太后

皇上聖鑒訓示謹

奏

光緒三十四年九月二十六日奉

旨依議欽此

御覽

謹將驗放郵傳部擬補郎中各員銜名履歷繕具清單恭呈

計開

擬請升補電政司郎中一員

關廣麟廣東進士年二十七歲由郵傳部路政司主事光緒三十四年五月初五日經王大臣驗放奏補路政司員外郎該員明白穩練辦事安詳今擬請升補電政司郎中缺

擬請升補路政司員外郎一員

何啓椿福建進士年三十九歲由郵傳部補用主事光緒三十三年八月初一日經王大臣驗放奏補路政司主事該員悃愼無華辦事切實今擬請升補路政司員外郎缺

擬請升補郵政司員外郎一員

蔣尊禕浙江進士年三十歲由郵傳部補用主事光緒三十四年四月初十日經王大臣驗放奏補電政司主事該員才具開通辦事穩練今擬請升補郵政司員外郎缺

擬請借補電政司七品小京官一員

林蔚章福建舉人年二十七歲由法政科舉人光緒三十三年十一月初八日經郵傳部奏留在司員上行走三十四年三月二十八日奏留以主事候補四月

延試二十一日奉

上諭郵傳部候補主事林蔚章著以本部主事即用欽此該員年力富强辦事詳細今擬請借補電政司七品小京官缺仍留主事原班候補

署右侍郎沈因病請假摺

奏爲因病懇

恩賞假事竊臣於本月初間偶受感冒延醫調治現已經旬未見

大效據醫者云須靜養數日方能漸愈臣惟有懇

恩賞假十日趕緊調治一俟期滿即行銷假當差所有微臣因病懇

恩賞假緣由謹恭摺具陳伏乞

皇太后

皇上聖鑒謹

奏

光緒三十四年十月十四日奉

旨賞假十日欽此

禮王等奏驗放員外郎梁用弧等五員摺

奏爲遵

旨驗放事光緒三十四年十月二十日臣等奉

命派赴內閣驗看驗放各項人員先經郵傳部將是日應行驗放
擬請升補路政司員外郎梁用弧擬請補路政司主事陳宗
蕃擬請借補承政廳七品小京官譚天池擬請借補船政司
七品小京官陳壽彭擬請借補郵政司七品小京官吳桂靈
開單移送內閣並聲明梁用弧係擬補路政司員外郎關廣
麟升補電政司郎中所遺之缺陳宗蕃係擬補升任路政司
主事葉恭綽所遺之缺譚天池係擬補承政廳七品小京官
趙毓煊升補庶務司主事所遺之缺陳壽彭吳桂靈均係補
額設未補之缺臣等公同驗看得該部擬請升補路政司員

外郎梁用弧擬請補路政司主事陳宗蕃擬請借補承政廳七品小京官譚天池擬請借補船政司七品小京官陳壽彭擬請借補郵政司七品小京官吳炷靈均堪准其補授員外郎主事小京官各缺謹將該員等職名履歷並該部原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵傳部官缺緣由謹合詞具

奏伏乞

皇太后

皇上聖鑒訓示謹

奏

光緒三十四年十月二十一日奉

旨依議欽此


郵傳部奏議類編

總務

驗放員外郎梁用弧等五員

一百六十二

參議處編殿科



--	--	--	--	--	--	--	--	--	--

謹將驗放郵傳部擬補員外郎各員銜名履歷繕具清單恭
呈

御覽

計開

擬請升補路政司員外郎一員

梁用弧廣東進士年四十歲由郵傳部候補主事光緒三十三年經王大臣驗放奏補路政司主事該員心地樸實辦事精練今擬請升補路政司員外郎缺

擬請補路政司主事一員

陳宗蕃福建進士年三十一歲由刑部學習主事入進士館肄業留學日本光緒三十三年畢業十一月回法部供職應學部考試十二月初五日經王大臣驗放初六日奉

旨著准其留部以原官遇缺即補欽此三十四年二月十七日經
郵傳部奏留以原官候補該員器識穩練辦事明敏今擬請
補路政司主事缺

擬請借補承政廳七品小京官一員

譚天池廣東舉人年三十二歲由農科舉人光緒三十三年
十一月初八日經郵傳部奏留在司員上行走三十四年三
月二十八日經郵傳部奏留以主事候補該員年力富強辦
事詳細今擬請借補承政廳七品小京官缺仍留主事原班
候補

擬請借補船政司七品小京官一員

陳壽彭福建舉人年五十四歲由候選知縣光緒三十三年
十二月十八日經郵傳部奏留以主事補用該員學識明通

辦事周密今擬請借補船政司七品小京官缺仍留主事原班候補

擬請借補郵政司七品小京官一員

吳炷靈廣東舉人年二十九歲由工科舉人光緒三十三年十一月初八日經郵傳部奏留在司員上行走三十四年二月十七日經郵傳部奏留以主事補用該員年強才裕辦事勤奮今擬請借補郵政司七品小京官缺仍留主事原班候補

調部人員擬請留部分別補用摺

奏爲調部人員擬請留部分別補用恭摺仰祈

聖鑒事竊臣部歷次奏留調部各員業經聲明此外調到各員容

臣等再加考驗是否得力分別奏留嗣准憲政編查館咨鈔

會奏限制京外各衙門調用人員摺內稱奏調人員如原係

實缺候補者准令以原官或改以對品及相當官缺分別奏

補等語奉

旨允准在案臣等悉心考核所有調部人員其辦公勤慎堪資得

力者自應酌量留部以備任使查有內閣候補中書朱路擬

請留於臣部以主事候補農工商部補用七品小京官陸家

鼎擬請留於臣部仍以七品小京官候補三品銜分省補用

知府蘇玉海擬請留於臣部以主事候補花翎四品銜分省

補用同知夏既澤擬請留於臣部以七品小京官候補以上各員核與臣部原奏及憲政編查館奏定章程均屬相符其原係外官者並請按照成案仍留原官翎銜俟補缺後改爲在任候選恭候

命下臣部欽遵飭取該員等履歷分咨辦理其餘調到各員仍由臣部隨時考查分別奏留所有調部人員擬留臣部補用緣由理合恭摺具陳伏乞

皇上聖鑒訓示謹

奏

光緒三十四年十一月十四日奉

旨依議欽此

朱恩絨請仍以原班道員補用片

再粵漢鐵路贖回自辦湘省紳商以辦理需人呈請將奉錦
山海關道朱恩絨開缺優加

擢用派爲該省鐵路總理 臣部奏奉

諭旨開缺賞加四品卿銜嗣因 臣部預保丞參續行列保各在案
以該路籌辦延緩

特簡督辦大臣通籌全局與當日著重商辦情形畧有不同該道
疊任繁要才學俱優合無仰懇

天恩准將該道銷去四品卿銜以原班道員遇缺請

旨簡放仍留 臣部預保丞參之案以示鼓勵謹附片具陳伏乞
聖鑒謹

奏

光緒三十四年十一月十四日奉

旨依議欽此

請 飭鑄 行在郵傳部印信摺

奏爲請

旨飭鑄

行在郵傳部印信恭摺仰祈

聖鑒事竊 臣部印信前經請

旨飭鑄業於光緒三十三年正月二十六日敬謹開用奏明在案

惟查舊制在京各衙門皆有頒給

行在印信以備

行幸扈從隨時鈐用以資信守現在郵傳部印已奉頒給其

行在部印擬請

旨飭下禮部鑄給文曰

行在郵傳部印刻期鑄妥以便 臣部祇領備用所有擬請鑄給印

郵傳部奏議類編

總務

請鑄

行在郵傳部印

一百六十七

奏議類編原科

信緣由謹恭摺具陳伏乞

皇上聖鑒訓示謹

奏

光緒三十四年十一月二十四日奉

旨依議欽此

都統李殿林等奏驗放周嵩堯等擬借補員外郎各缺摺
奏爲遵

旨驗放事光緒三十四年十二月初一日臣等奉

命派赴內閣驗看驗放各項人員先經郵傳部將是日應行驗放

擬請借補路政司員外郎周嵩堯擬請借補路政司主事張

鴻藻擬請升補路政司主事林蔚章開單移送內閣並聲明

周嵩堯係擬補升任路政司員外郎葉恭綽所遺之缺張鴻

藻林蔚章係擬補路政司主事何啓椿梁用弧均升補員外

郎所遺之缺臣等公同驗看得該部擬請借補路政司員外

郎周嵩堯擬請借補路政司主事張鴻藻擬請升補路政司

主事林蔚章均堪准其補授謹將該員等職名履歷並該部

原加考語繕具清單恭呈

御覽恭候

命下應由郵傳部自行知照各衙門遵奉施行所有臣等驗放郵傳部官缺緣由謹恭摺具陳伏乞

皇上聖鑒訓示謹

奏

光緒三十四年十二月初二日奉

旨依議欽此

謹將驗放郵傳部擬補員外郎各員銜名履歷繕具清單恭
呈

御覽

計開

擬請借補路政司員外郎一員

周嵩堯浙江舉人年三十六歲由分發內閣中書經保薦人
才帶領引

見光緒三十四年九月初九日奉

上諭著以內閣侍讀候補欽此是月二十四日郵傳部奏留以郎
中候補十月河南賑捐案內獎加三品升銜該員學識練達
辦事精詳今擬請借補路政司員外郎缺仍留郎中原班候
補並留三品原銜

郵傳部奏請類編

總務

驗放員外郎周嵩堯等三員

一百六十九

擬請借補路政司主事一員

張鴻藻湖北舉人年三十二歲由商科舉人分省試用知府

光緒三十四年四月

廷試二等二十一日奉

上諭著以本班分省補用欽此籤分陝西七月十三日郵傳部奏

留以員外郎候補該員品端學裕辦事諳練今擬請借補路

政司主事缺仍留員外郎原班候補並留知府原官在任候

選

擬請升補路政司主事一員

林蔚章福建舉人年二十七歲由法政科舉人郵傳部候補

主事光緒三十四年四月

廷試一等二十一日奉

上諭著以本部主事即用欽此九月二十五日驗放借補電政司
七品小京官仍留主事原班候補該員通達治體辦事勤明
今擬請升補路政司主事缺

遴員接充漢口交通分行總辦摺

奏爲遴員接充漢口交通分行總辦差使恭摺具陳仰祈

聖鑒事竊臣部奏設交通銀行遵照原奏清單於鐵路可通之天

津上海廣東漢口等處先行派定總辦分往開設銀行以資

擴充所有漢口分行總辦前經

奏派候補道劉選青奉

旨允准欽遵在案茲據銀行總理等呈稱該總辦於八月初六日

病故等情到部當經派員前往暫行代理並飭該行遵章遴

選妥員接充旋據選得江蘇候補道盧洪昶身家殷實精於

理財堪勝總辦之任呈請核辦前來臣部查江蘇候補道盧

洪昶熟悉理財擬派接充漢口分行總辦如蒙

俞允欽遵檄令該道率同在事各員按照奏定營業章程協力同

心以圖公益臣等仍不時派員考察庶杜流弊所有違員接
充銀行總辦差使緣由理合恭摺具陳伏乞

皇上聖鑒謹

奏

光緒三十四年十二月初五日奉

旨依議欽此

遵設統計處擬定章程表式摺

奏爲遵設統計處擬定章程表式恭摺仰祈

聖鑒事光緒三十三年九月十六日內閣奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨本日憲政編查館奏請飭各省設立調查局各部院設立統計處各摺片統計一項宜由各部院先總其成著各部院設立統計處由該管堂官派定專員照該館所定表式詳細臚列按期咨報以備刊成統計年鑑之用等因欽此欽遵到部臣等竊維理財之經在循名以核實爲政之要貴挈領而提綱故泰西各國於統計一門視爲推行政事之準則即中國夏書禹貢洎史漢以下各書莫不分類編輯釐然悉當臣部職司四政皆有營業性質舉凡交

通之靈鈍貿易之盛衰按年工程之遠近各省局所之增加已辦者如何改良未辦者如何推廣尤必列表繪圖樹爲標準方能觸目警心力求進步以仰副

聖主勳精圖治整頓實業之至意臣等當就署中設立統計處擬訂辦事簡章由司員中遴選提調纂協修各員分司其事將四政應有之範圍分門別戶各繫以表俾已成之政得按條以究其利弊未成之政得懸格以冀其完全開辦迄今列撰表式計成二百五十餘種臣等督率司員再三研究作爲暫行試辦一俟憲政編查館核定表式再行遵照辦理以期盡善除將現成之表由臣部咨明憲政編查館查核一面刊刻表式發交臣部所轄四政各局所按表照填並飭司員就部中現有卷帙報告一律先行填注以期參觀互勸早日成書

再行續咨憲政編查館以備統計年鑑之用外應將統計處章程繕具清單謹呈

御覽恭候

命下即由 臣部欽遵辦理并擬由 臣部刊刻木質關防一顆發給統計處以昭信守所有遵設統計處緣由恭摺具陳伏乞皇上聖鑒訓示謹

奏

光緒三十四年十二月二十二日軍機大臣欽奉

諭旨郵傳部奏遵設統計處擬定章程表式並請刊木質關防摺單各一件著依議欽此

謹將 臣部訂立統計處辦事章程繕具清單恭呈

御覽

第一條 臣部統計處專司統計交通事宜綜核船路電郵四政及其餘所轄一切事務分別列表以資比較而臻完密

第二條 臣部所辦統計表擬分正附二項正表咨送憲政編查館以備刊成統計年鑑之用附表爲本部預備編輯年報之用

第三條 船路電郵四政均有專設局所管轄擬飭各該局所設統計專員遵照 臣部所頒規則將應行統計事項隨時造具報冊圖表呈送 臣部以憑計核

第四條 四政中有非 臣部專設局所管轄者擬造定表式咨行各省督撫轉飭勸業道及調查局查明照式填報 臣部

第五條 部所辦交通統計一切事件均照各局所及各省造報者據事直書分類編輯至應行准駁之處仍由該管各司局處核辦以清權限

第六條 統計處分設五科如左

總務科 掌部官制財政及附屬本部各項事務之統計

船政科 掌外江內港各輪船及航路標識各項統計

路政科 掌各路工程機械營業各項統計

電政科 掌電報電話電燈各項統計

郵政科 掌郵政局信局及銀行各項統計

第七條 統計處置司員如左

提調二員 綜理統計處一切事宜並核定稿件表式

纂修八員 將各科應辦事務分門擔任

協修八員 協同纂修分任各科應辦事務

第八條 統計處所派職員均由 臣部各司員中選擇兼任辦理以資熟手

第九條 繪圖畫表等事由 臣部圖書局測繪生兼任不設專員

第十條 臣部所辦交通統計以光緒三十三年爲始自後按年彙造

第十一條 統計處并兼辦編制事宜將 臣部則例檔案編輯成篇呈送憲政編查館以備編輯政要之用

第十二條 本章程有應行增改之處應隨時斟酌辦理

The image shows a large rectangular table with 10 empty columns. The table is oriented vertically on the page. At the bottom right corner of the table, there is a small, empty rectangular box. The rest of the table is blank.

調部人員擬請留部分別補用摺

奏爲調部人員擬請留部分別補用恭摺仰祈

聖鑒事竊臣部歷次奏留調部各員業經聲明此外調到各員容
臣等再加考驗是否得力分別奏留嗣准憲政編查館咨鈔
會奏限制京外各衙門調用人員摺內稱奏調人員如原係
實缺候補者准令以原官或改以對品及相當官缺分別奏
補原係學習試用者應令於奏調後接算前資扣足年限奏
留補用等語奉

旨允准在案臣等悉心考核所有調部人員其辦公勤慎堪資得
力者自應酌量留部以備任使查有禮部遇缺即補主事沈
秉乾法部遇缺即補主事周之楨均擬請留於臣部仍以主
事原班候補陸軍部學習員外郎傅同擬請留於臣部仍以

員外郎學習行走接算前資期滿再行酌量奏留補用以上
三員核與臣部原奏及憲政編查館奏定章程均屬相符恭
候

命下臣部欽遵飭取該員履歷分咨辦理其餘調到各員仍由臣
等隨時考查分別奏留所有調部人員擬留臣部補用緣由
理合恭摺具陳伏乞

皇上聖鑒訓示謹

奏

光緒三十四年十二月二十二日奉

旨依議欽此

恭報接收 集靈園房地並開工拆卸日期摺

奏爲恭報接收

集靈園房地并開工拆卸日期恭摺具陳仰祈

聖鑒事光緒三十四年十一月二十一日軍機大臣欽奉

諭旨昨據內閣會議奏准

監國攝政王禮節內開請於中海迤西集靈園地方修建

監國攝政王府第著郵傳部尙書陳璧等繪估承修府第工程

等因欽此 臣部欽遵知照欽天監選擇開工吉期并知照奉宸

苑擇期移交去後當准欽天監選定本月十八日爲開工拆

卸吉期明年正月二十六日爲動工興作吉期并准奉宸苑

覆稱於本月十八日移交知照前來當於是日敬謹點收計

集靈園地址東西長八十一丈有奇南北長一百零五丈有

奇樓房三所羣房四百八十餘間卽於是日擇其應行拆卸者敬謹先行開工一面督同司員飭令廠商核實繪估并趕緊豫備材料定於明年正月二十六日動工興作除俟繪具詳細圖說估定錢糧再行奏明辦理外所有接收集靈囿并開工拆卸日期緣由理合恭摺具陳伏乞

皇上聖鑒謹

奏

光緒三十四年十二月二十五日奉

旨知道了欽此

學部等會奏議覆御史俾壽奏請飭選派子弟分送各國學

習工藝摺

奏爲遵

旨會同議覆恭摺仰祈

聖鑒事本年七月初七日軍機處片交御史俾壽奏請

飭選派子弟分送各國學習工藝一片奉

旨學部農工商部郵傳部議奏欽此原奏內稱工藝爲富強之要

圖近來各省創辦學堂者頗不乏人惟工藝一科仍多未能

講求機器軍械船政電報各局委員多係未經學習或即涉

獵亦難洞達擬請

飭下學部農工商部郵傳部及各省督撫選送滿漢子弟擇其學

問優長資性穎悟者分送東西各國學習製器駕船鎗砲商

務礦務農政各專一藝庶可較有把握等語。等竊維造就人才因乎時勢欲救貧弱在圖富強欲圖富強在重實業從前_臣之洞會同前學務大臣奏陳重訂學堂章程摺內即聲明國民生計莫要於農工商實業興辦實業學堂有百利而無一弊最宜注重等語頻年以來農工商部於京師設立高等實業學堂郵傳部於上海設立高等實業學堂唐山設立路礦學堂蓋冀人才之日出而圖實業之振興_臣等夙夜孜孜已非一日惟此種專門之學皆以普通學爲始基非先於普通之算學理化博物圖畫等已具根柢者不能得門而入近來各省派往東西洋之游學生爲數亦已不少然以未經中學堂畢業普通學不完備出洋以後見夫法政專科可不必習普通學而躡等以進於是避難就易紛紛請習法政以

致實業人才愈見其少今該御史所奏工藝爲富強之要圖
選派子弟分送東西洋使各專一藝洵爲扼要之論擬如所
請自本年爲始嗣後京師及各省中學堂以上畢業之學生
擇其普通學完備外國語能直接聽講者酌送出洋學習實
業並令此後凡官費出洋學生概學習農工格致各項專科
不得改習他科又以前自費出洋之學生非入高等以上學
堂學習農工格致三科者不得改給官費其認習實業已給
官費之學生亦不准中途改習他科如此量爲限制庶幾實
業人才可以日出而富強之效可觀矣如蒙

俞允即由學部通咨京外各衙門欽遵辦理再此摺係學部主稿
會同農工商部郵傳部具奏合並聲明所有 等遵

旨會議緣由謹恭摺具陳伏乞

郵傳部奏議類編

總務補遺

會奏議選派子弟分送各國

一百七十九

參議廳編數科

皇太后

皇上聖鑒謹

奏

光緒三十四年九月二十一日奉

旨依議欽此

船

政

郵傳部奏議類編目錄

船政

起光緒三十二年十一月訖三十四年十一月

派黎國廉充本部調查員片

發議程德全奏黑龍江省購置輪船並訂購路軌摺 互見路政

遵飭招商局估驗閩廠新造江船情形摺


議覆東三省總督奏移民實邊請免輪路川資摺 互見路政

議覆御史沈潛奏疏濬運河辦法摺 互見郵政

法部等會奏議覆黑龍江遺犯實邊摺 互見路政

農工商部會奏廣東省內河設立商船總公會援案請給關

防摺



派黎國廉充本部調查員片

再東西各國於輪電路郵四大端日異月新管理章程亦極美備正擬派員調查以備參考茲據福建候補道黎國廉呈稱自願籌備資斧前往各國分條考察等因查該道籍隸粵東服官閩省曾著興泉永道於閩粵情形最爲熟悉茲據稟呈各節於航業鐵路均能研究堪以派充本部調查員前往各國商埠考察一切應令其將已有商船及應開之航路逐一詳查隨時報部以便設法保護並應聯合各公司勸設商船學校庶足以挽回利權理合附片陳明伏乞

聖鑒謹

奏

光緒三十二年十一月十八日奉

郵傳部奏議類編

郵政

派黎國廉充本部調查員

一 奏議類編郵政

旨依議欽此

奏議程德全奏黑龍江省購置輪船並訂購路軌摺

奏爲敷議具奏恭摺具陳仰祈

聖鑒事前署黑龍江將軍程德全奏江省購買輪船並訂購輕便鐵路軌一摺光緒三十三年四月初七日奉

殊批該部知道欽此欽遵由內閣鈔出到部原奏內稱江省僻處邊隅鐵路輪船實爲最要迭經派員在哈爾濱訂購小輪一艘拖船兩隻風船兩隻共需銀一萬二千餘兩又呼蘭府知府李鴻桂同知馬六舟招集商股各購輪船一艘備立航業基礎並派員與德商德茂洋行購定輕便鐵路共計銀八萬餘兩擬就甘河煤礦設法經營甘河通省之路水道則深淺不常山路則崎嶇間阻必須水陸兼籌車船接運現擬勘定路綫以便敷設分撥輪船俾資應用各等語查江省土物豐

饒礦產森林久著大陸徒以交通不便轉運維艱致使實業坐荒殊爲可惜該前署將軍擬就甘河煤礦水陸兼籌通道至省使物產有轉輸之利舟車獲修養之資二者交益用款既少收效良多洵爲江省目前之急務應即照准惟訂購輪船鐵軌各合同以及車頭材料各項物價應令開具詳細清單並將該處軌綫航路繪具簡明圖說一併咨送臣部以憑查覈至所稱用款約數係在何項動撥原奏並未聲明除由臣部知照該前署將軍咨明度支部另行核辦外所有覈議江省購買輪船鐵軌緣由理合恭摺具陳伏乞

皇太后

皇上聖鑒謹

奏

光緒三十三年五月二十九日奉
旨知道了欽此

郵傳部奏請開辦

船政

嚴議黑龍江省購費輪船訂購路軌

三

參議院編譯科

遵飭招商局估驗閩廠新造江船情形摺

奉為遵飭招商局估驗閩廠新造江船情形恭摺覆陳仰祈

聖鑒事竊臣部於光緒三十三年七月十六日准軍機處片交閩

浙總督松壽奏稱洋款期迫請

飭下北洋大臣速飭招商局派員來閩估變江船以憑得價交付

銀行等語奉

硃批郵傳部查覈辦理欽此遵即咨行署北洋大臣臣楊士驥欽

遵辦理並札飭招商局派員赴閩估驗旋准覆稱據招商局

驗得該船身式上大下小駛行欠穩不合運載客貨之用且

商局前因生意淡薄現款不敷週轉請准從緩添輪該輪估

價雖減尚須二十餘萬兩無從挪借等語並稱粵省需輪巡

洋當經會同電商旋准兩廣總督臣張人駿電覆內港緝捕

須用淺水小輪每艘價祇數萬圓該廠輪大款鉅萬難籌購
咨覆前來查閩省息借匯豐銀行銀三十萬兩係由前署督
臣崇善於光緒三十一年三月訂立合同限三年還清並以
涵江泉州銅山三處常關稅款並馬江銅幣局所得餘利作
爲抵押嗣因銅圓停鑄餘利無着始擬以船局所造江船出
售抵還借款茲經督臣松壽因還款期迫奏由臣部查覈辦
理事關洋債自應竭力代籌無如該船身式既不合商局運
貨載客暨粵省巡洋之用均不願購且商局生意淡薄挪借
無從尤未便強令買受應請毋庸置議至該省應還借款擬
請

飭下閩浙總督設法另籌妥速辦理所有違飭招商局估驗閩廠
新造江船無款認購緣由理合恭摺覆陳伏乞

145-1-001

皇太后

皇上聖鑒訓示謹

奏

光緒三十三年十一月二十八日奉

旨依議欽此


郵傳部奏議類編

船政

飭招商局估驗閩廠新造江船情形

五

參議廳編纂科



議覆東三省總督奏移民實邊請免輪路川資摺
奏爲遵

旨議覆恭摺仰祈

聖鑒事本月十一日內閣抄出東三省總督徐世昌等奏遷民實
邊請免輪路川資一摺奉

硃批郵傳部議奏欽此原奏內稱黑龍江土曠人稀近年內外臣
工條奏多以移民實塞爲言惟需款浩繁非謀節費辦法仍
無實際內地輪路四通京漢一路已與京奉軌綫相接航路
由煙台以達營口取道尤便計赴江人民以直豫皖鄂及山
東數省爲宜刻正籌畫安插經費妥商就緒即遣員赴各省
設局辦理惟輪路川資所需過巨擬俟內地設局後隨時查
有赴江人民確數即由局員分給票照先期稟明郵傳部轉

飭鐵路各總辦並招商總局驗明票照一律放行所需路價
輪船費概行豁免等語_臣等竊維移民實塞洵屬目前急切
之圖惟京奉京漢各路均係

國家借款興修指路作抵專恃行車進款以爲撥本還息之需
現在各路統計入不敷出勉爲支持不得不力求樽節且各
路合同所載免價減價辦法係專指賑糧軍械而言若議遷
民免價無論進款減收應付爲難而核與借款合同亦多窒
碍恐外人有所藉口查光緒三十一年正月間外務部會同
商部戶部議覆安徽巡撫誠勳奏請抽收輪舟火車票捐摺
內以火車擬收票捐顯與合同有碍未便遵行試辦奏奉
諭旨允准在案此次遷民免價碍於合同事同一律未便照准應
請毋庸置議至輪船免費一節_臣等悉心籌畫量力通融京

奉路局原置有輪船兩艘往來煙台天津營口將來遷民由
煙赴營或由津赴營當先飭局酌減船價以爲倡率其商局
輪船並由臣部電商署直隸總督臣楊士驤轉飭妥議茲據
電復爾年商況竭蹶勉爲其難由煙赴營船費商局擬減半
核收等情似此辦理於營業實邊均能兼顧一切辦法應俟
該省派員赴部從長酌議詳訂章程免滋流弊所有議覆緣
由謹恭摺具陳伏乞

皇太后

皇上聖鑒訓示謹

奏

光緒三十三年十一月二十八日奉

旨依議欽此

郵傳部奏議類編

船政

議復東督等奏移民實邊請免輪路川資

七

參議廳編纂科

議覆御史沈潛奏疏濬運河辦法摺

奏爲遵議疏濬運河事宜擬請分別辦理恭摺覆陳仰祈

聖鑒事光緒三十三年七月十一日准軍機處片交御史沈潛奏

開辦郵政宜疏濬運河添駛小輪一片奉

旨郵傳部議奏欽此遵即分咨查勘去後茲准署直隸督臣楊士

驤覆稱北運河自糧漕改運河身淤高若裁灣取直不獨工

大費鉅未易籌辦且恐截溜引水漫溢爲害仍於行駛小輪

無益南運河因上游河南懷慶衛輝等府借水灌田來源減

少河身淤高若欲一律開通行駛小輪無論鉅款難籌仍恐

水勢太弱難資浮送署山東撫臣吳廷斌覆稱黃河以北之

北運河前經升任撫臣楊士驤奏修由東昌至臨清九十餘

里此外幾如平陸未易規復黃河以南至江南交界之南運

河共長五百餘里全恃汶泗兩河爲一縷來源水過沙停不免淤淺現擬修濬八閘酌挑淺灘當再奏明辦理惟小輪吃水既深日行數百里閘壩啓閉諸多窒礙恐難行駛兩江督臣端方覆稱下河淮揚三廳所管境地窪水深雖有數處淺阻量予疏濬小輪往來可期便利俟估計明確再行奏辦至運河廳所管三汎河身高仰淺灘林立現擬仿照濟漕章程堵閉七閘酌加挑濬雖小輪仍難行駛於商船不無裨益與山東修濬八閘酌挑淺灘辦法相同業經彼此派員會勘各等語先後咨電前來查疏濬運河開通航路不獨郵遞便捷並可振興商業惟運河通貫數省情形不一迭據各省查覆惟江南之裏下河淮揚三廳地窪水深雖有淺灘數處酌加疏濬行駛小輪可期便利應由該督臣速飭勘估辦理山

東南運河所擬修濬八閘江南運河廳三汛所擬堵閉七閘各加挑濬雖未能行駛小輪究於商船有益現在山東撫臣業將修濬八閘需銀十二萬五千餘兩並查明舊十字河沖貫運河不加修治運河仍受其害應即一併挑濬需銀九萬兩均已奏明分別辦理俟工竣再行覈實造報其江南運河廳三汛所擬堵閉七閘亦應由該省督臣迅派妥員早日興工仍將勘明辦法詳悉奏報至直隸南北運河均見淤高山東北運河除東昌至臨清前已奏修外其餘幾如平陸據稱同時並舉籌款爲難自屬實情但聽其堙廢殊於交通有礙擬請仍由各該省督撫隨時體察情形擇要興辦如此分別辦理庶鉅款不至難籌小輪商船可冀逐漸暢行寔於郵政商務均有裨益恭候

命下臣部遵即分咨辦理所有議覆疏濬運河事宜緣由謹恭摺
具陳伏乞

皇太后

皇上聖鑒訓示再此摺因往返咨查是以覆奏稍遲合併聲明謹
奏

光緒三十四年二月初七日奉

旨依議欽此

法部等會奏議覆黑龍江遣犯實邊摺

奏爲遵

旨會議具奏事內閣鈔出東三省總督徐世昌奏請酌復遣犯舊

例藉圖實邊一摺光緒三十三年十一月十一日奉

硃批該衙門議奏欽此欽遵鈔出到部查原奏內稱遣犯一項與日本之無期流刑相彷彿尤以俄羅斯發遣之法爲最善考俄國發遣一往西比利亞一往高加索山均作無限苦工十年後始准編入農籍並無釋回之文蓋因兩處地土荒寒居人稀少即藉此爲殖民之用立法具有深心迄今黑龍江左岸凡屬俄地者屯戶較多居民櫛比其故大由於此江省幅員太廣從前邊禁未開山荒未放旗屯聚族而居平民不容雜處是以罪犯發遣到江不得不留於各城安置歷年既久廢

聚過多節經嘉慶十七年奏准將遣犯分別改發減發二十五年刑部又奏准停止發遣道光年間發遣官犯尙多常犯極少一時壅積爲之疏通嗣咸豐二年酌復舊例給披甲爲奴者八條又因新疆遣犯壅滯改發黑龍江者十三條此外情節較重應發新疆者亦酌量改發黑龍江同治四年復因遣犯過多將應發黑龍江人犯改發各省駐防及極邊足四千里充軍九年修律時特指明十八條改發極邊煙瘴凡此皆因時變通互爲消息伏念江省土地之廣人民之稀二百餘年坐棄膏腴不謀生聚今則強鄰逼處他族潛滋就黑龍江左右兩岸觀之已不免有興廢之感爲目前計舍殖民實邊殆無二策現在雖極力籌畫一時未易見功因思發遣之犯每歲當復不少邇來籌邊之策與前旣已不同似不如即

將應遣人犯擇其情節稍輕者規復舊例仍發黑龍江其家屬願隨者聽爲奴人犯改爲充當苦工五年安置人犯充當苦工一年均於到配時酌撥各地方官嚴加管束俟年滿後察其人尙安靜酌撥邊境設官處所編入農籍計口授田俾其墾種其實發煙瘴及常赦所不原應發極邊之各犯亦可一律辦理等因奏奉

諭旨著臣等議奏臣等竊惟罪人徙邊以實塞下自漢以來卽有此法明帝初詔郡國中都官犯死罪繫囚減一等屯朔方五原之邊縣永元延光間又詔詣燉煌及隴西度遼營屯宋時亦配隸登州沙門及通州海島原以邊地人稀土曠使罪囚且耕且戍以節餽餉而開利源用意至爲深遠近日泰西各國發遣之法雖有不同而如俄羅斯之西伯利亞及高加索

二區實與中國古制賂合蓋其法到配後須作苦工十年始入農籍不准釋回既陰施其拓地之謀即顯藉爲殖民之用該督等謂黑龍江左岸之屬俄地者屯戶較多未必不由於此溯查

國初定例情重各犯除流徙尙陽堡及打牲烏喇甯古塔等處外多係發黑龍江爲奴嗣因磨集過多始行分別改發減發旋又酌復舊例同治九年復將應發黑龍江者改爲實發雲貴兩廣極邊煙瘴充軍在當日經畫之苦心固係與時消息但今昔情形迥異該處之停發計已三十餘年似籌邊之方亦應量爲變通況其地強鄰逼處村落仍極空虛若徒擁數千里饒沃之區漠然不謀生聚非惟失內地自然之利抑恐啓外人窺伺之謀該督等擬請將應遣人犯擇其情節較輕

者規復舊制係爲慎重邊防起見惟查例內應發遣黑龍江等處遣犯大半係兇悍之徒按照光緒二十九年臣部議覆升任山西撫臣趙爾巽奏罪犯習藝章程內如強盜會匪棍徒搶奪等項到配尙須監禁十年再行身帶重鐐充當折磨苦工以二十年爲限即非上項致罪而爲常赦不原者亦應收所工作十年今遽責令歸農未必爲其所習且該省鬪匪未靖馬賊尙多縱羣不逞之囚徒以散處其間防範未周難保不勾結爲患矧此等案犯各直省之報部者每年並不甚多即使盡數發往仍恐於屯墾無補檢查光緒三十二年及三十三年臣部會奏戲誤擅殺並議奏秋審可矜人犯分別減爲徒流各摺均經奉

旨允准在案除徒犯尙在本地應役例不出境應毋庸議外現計

死罪減流各犯數目較多或事出無心或殺因忿激或一時爭角鬪情甚輕本與實在兇徒有間且若輩有室家者十居八九以之助興屯政洵屬相宜願或謂黑龍江所發係屬外遣擅誤可矜各犯均係隨案減流投之遠方似覺過重不知屯係實邊之計並非科罪之差古有遷平民以實邊徼者矣況其爲罪犯耶且遣軍各犯其罪尙不至死而擅誤及鬪殺之可矜者其本罪原應擬絞則以免死減流與罪不至死者較輕重尤當有辨漢時詔天下繫囚減死詣邊妻子自隨其制已古即光緒十年新疆巡撫劉錦棠奏請變通遣犯一摺亦經臣部議令將秋審免死一項充發等因似可援案辦理或又謂此項流犯新章係在本省習藝與例應發配者不同不知殺人移鄉古有正律與其長留本境或致刺戮以成仇

何如遠徙他方尙得安居而樂業且工與農同一保民要政
作工者效尙俟諸異日力農者利即在於目前事不過稍爲
轉移於本犯不費一粟一錢居然有田畝可耕室家完聚之
樂亦何憚而不出此即謂人情咸以輕去其鄉爲慮未容強
以所難或於定案時詳細詢明較爲周切至此外軍流等犯
向章雖以常赦得原與否爲發配不發配之分但常赦不原
者情罪既重自毋庸另議更張而爲常赦所原者情節較輕
其願否赴邊似亦應與擅誤各案一律核辦仍於軍流之中
略予區分以昭平允臣等公同商酌擬請嗣後遇有擅殺誤
殺鬪殺情有可矜各犯凡罪應減流者均於定案時取具確
供如有情願赴邊謀生者免其在本本地作工准即帶同妻子
發往黑龍江分置設有州縣地方編入民籍酌撥種地由官

資送其有老弱不能任事者仍按向章收所習藝尋常軍流等犯爲常赦所得原者流犯照前辦理軍犯無庸查詢即行簽發並嚴飭配所該管官於各犯到日體察情形隨時稟報倘有脫逃滋事別情即照原擬軍流應得工作年限責令充當苦工限滿安置案係免罪實邊所有該督等擬請將爲奴安置人犯分別充當苦工五年一年並常赦不原各犯一律照辦之處均毋庸議惟是籌邊大計未容操切圖功臣等擬先就京城及直隸山東山西河南案犯妥爲試辦俟數年後行之果無滯礙再行推廣各省庶該督等得以布置從容而人犯亦無擁闕之患如蒙

俞允臣部即行文該督等遵照並令安定詳細章程另行奏明再由臣部分咨直隸山東山西河南各督撫及大理院順天府

府尹一體查照辦理該督等又稱各犯所帶家屬及押解員役經過沿江沿海乘坐輪船及關內外火車均請免價以紓官力等語郵傳部查沿江沿海輪船招商一局向由商辦至京奉鐵路係借款興築上年十一月間臣部議覆遷民實邊請免輪路川資摺內奏准各路遷民免價核與借款合同不符應請毋庸置議至輪船免費一節京奉路局之輪船將來遷民由烟赴營或由津赴營當先飭局酌減船價其商局輪船並經商明減半核收等因現在該省又請將遣犯家屬押解員役乘坐輪車均行免價臣等悉心考察除乘京奉路局輪船應仍照前奏辦理外商局輪船邇年生理益形竭蹶如援照前次遷民成案飭令減收半價商局當能勉從至關內外火車免價辦法合同祇指賑糧軍械若議遣犯免價仍與

合同不符礙難照准應請責成各該省地方官自行籌款辦理如蒙

俞允應由臣部咨行該省派員赴部併案議訂船運減價章程期臻妥善抑臣等更有請者定制原貴因地而守法尤在得人就目下黑龍江情形而言誠如原奏舍殖民別無良策特恐旗屯狃於積習不令雜居胥役恣爲奸欺羣相苛剝又或本犯不樂耕作或不耐寒苦故態復萌種種情弊均所難免全在該督等督飭所屬認真經理使罪犯咸受約束而土客得以相安其所需牲畜器具及犯屬棲息之所均須逐一籌及免滋流弊再此摺係法部主稿會同修訂法律大臣暨郵傳部辦理因往返籌商是以具奏稍遲合併聲明所有遵議黑龍江遣犯實邊緣由謹恭摺具

奏請

旨

光緒三十四年六月十八日奉

旨依議欽此

郵傳部奏詳類編

郵政

會奏議覆黑龍江遺犯質處

十五

一參議廳編修科

The image shows a large rectangular frame containing a table. The table is extremely faint and its content is illegible. It appears to have multiple columns and rows, but no text or numbers can be discerned within the cells. There is a small dark square artifact on the right side of the table area.

農工商部會奏廣東省內河設立商船總公會援案請給關

防摺

奏爲廣東省內河設立商船總公會援案請給關防以資信守

恭摺仰祈

聖鑒事光緒三十三年十月間接准考察外埠商務大臣張振勳
咨據廣東內河輪渡船商等稟請籌辦商船總會公舉在籍
浙江候補知府余乾曜爲總理候選訓導歲貢生畢元禮爲
協理擬具簡章十條經廣東農工商局批准繕單咨呈察核
等情當經農工商部核准試辦六箇月並咨明兩廣督臣先
行刊給圖記暫資應用仍俟試辦期滿體察情形復部核辦
去後茲准兩廣督臣張人駿咨稱該商船總會於上年十二
月至本年五月試辦期滿尙有成效各商船向由海關驗船

司查驗每有不能接洽之處今改由善後局委船政畢業生劉義寬查驗商民悅服先後願入商船公會請領旗牌者百數十號由洋旗改掛龍旗者三十餘號基礎已定從此辦理得人當能日有起色現擬添舉坐辦文案稽查書記各員藉資辦公開具單冊咨請將總協理加札委用換給關防等語農工商部查廣東內河航業近連港澳遠達雷瓊與廣西梧州各郡航路交通商船銜接上年由輪渡兩幫發起試辦船會各船商適迫於西江緝捕一案衆志一心羣相聯絡藉以爲內固之謀是以不及一年頗著成效所舉總理余乾曜協理畢元禮既由兩廣督臣咨明試辦六箇月各無異議自應查照鎮江江西商船總公會成案由農工商部加札委用以專責成並刊發木質關防一顆文曰廣東內河商船總公會

之關防俾資信守仍由農工商部隨時飭令該總協理妥慎經理郵傳部查此項商船總會既經農工商部核准自應換給關防以符名實惟於一切行輪建埠搭客載貨各項事宜仍應隨時呈報郵傳部立案並由郵傳部頒給行輪章程以資遵守而免紛歧所有廣東內河設立商船總會援案請給關防緣由理合恭摺具陳伏乞

皇上聖鑒再此摺係農工商部主稿會同郵傳部辦理合併聲明
謹

奏

光緒三十四年十一月十四日奉

旨依議欽此

郵傳部奏議類編

107100
參議廳編
覈科編輯

略

政

郵傳部奏議類編目錄

路政 起光緒三十二年十月訖三十三年十二月

度支部會奏議覆滬甯鐵路借款摺 附

接收關內外津鎮鐵路關防摺

議覆滇蜀鐵路招股章程摺

限定鐵路行車免價減價章程片 附清單

遵議浙江鐵路支綫入城摺

接收京漢滬甯鐵路關防摺

外務部會奏廣九鐵路借款興修與中英公司訂定正合同

摺

度支部會奏遵議趙炳麟等請將廣西捐款溢額撥充路股

摺

郵傳部奏議類編目錄 路政

一 參議院編纂科

京漢行車一年期滿陳明餘利數目摺

請以京漢餘利借撥正太片

議覆肅親王籌辦蒙古鐵路摺

請將李大受顏德慶二員仍留鐵路差遣片

度支部等會奏議覆延祉等奏籌議庫倫地方情形摺

汴洛鐵路工款不敷擬續借比款摺

請頒同蒲鐵路公司關防摺

汴洛鐵路續借比款數目片

會奏議覆黑龍江省創修鐵路摺

調候補五品京堂梁士詒歸部差遣片

農工商部會奏各省商辦鐵路所用材料請照官路一律暫

行免稅摺

議覆湖廣總督張之洞奏擬備價收買商辦鐵路摺

俄國交還營口海關係稅請撥歸本部辦路片

請派大員監察粵路公舉總協理摺

京張鐵路購用物料擬請援案免稅摺

接收鐵路檔卷摺

派員查川漢路款摺

會奏派充安徽鐵路總會辦並經理全省礦務摺

奏議程德全奏黑龍江省購置輪船並訂購路軌摺

五見船政

會奏議覆陝撫曹鴻勛奏陝西鐵路宜聯豫甘兩省辦法摺

粵路選舉總協理改派龔心湛監察會場片

奏派廣東鐵路公司總協理並頒給關防摺

請刊發漢蜀騰越鐵路關防片

廣九鐵路擬派總辦並頒給關防摺

度支部等會奏議覆錫良奏籌畫滇省應辦事宜摺

密陳京漢鐵路清還洋款期限摺

奏派高而謙充京漢鐵路監督施肇基改派京奉鐵路會辦

片

遵旨籌畫全國鐵路軌綫摺

廣東新甯鐵路公司請換關防摺

嚴議御史葉沛棠奏整頓路政摺

請改派梁誠總理粵路摺

遵旨展繪籌畫全國鐵路軌綫圖摺

會奏核覆關內外鐵路第二案收支各款摺

附清單

調用鐵路專門人員摺

會奏新甯鐵路所用材料撥案請暫行免稅摺

四川川漢鐵路公司撥案請給關防摺

山奉運直米糧免收車費辦法摺

正太鐵路告成派員驗收情形摺

接收新奉鐵路及增改工程籌撥款項辦法摺

農工商部會奏核議湖北水泥廠撥案暫免釐稅分別辦理

摺

預算正太鐵路明年歲入不敷擬籌辦法摺

查明四川川漢鐵路公司出入款目並酌籌辦法摺

議覆主事杜德與條陳川漢鐵路各節片

請仍派喬樹枏爲川路駐京總理片

營口關稅餘款以三十六萬兩撥交陸軍部片

正太鐵路工竣出力洋員擬請 賞給寶星摺 附清單

京漢鐵路擬撥用官地摺

請換給廣東潮汕鐵路公司關防摺

請更正豫算正太鐵路款項數目片

派員會勘吉長鐵路摺

請留主事關廣麟仍行在部當差片

擬改鐵路提調處爲鐵路總局並派梁士詒充局長摺

各路應繳辦公經費餘款擬留作興學之用片

請刊給正太鐵路局關防摺

議覆東三省總督奏移民實邊請免輪路川資摺 互見前次

請鑄頒鐵路總局關防片

調充汴洛鐵路總辦等差人員片

請給湖南鐵路公司關防摺

擬飭湘粵鄂三省趕辦粵漢鐵路片

擬添派四川川漢鐵路公司總理摺

外務部會奏借款建造津浦鐵路合同業經畫押請派大員

督辦摺

請刊給湖南粵漢鐵路公司關防片


請鑄督辦津浦鐵路大臣關防摺

會奏議覆廣西鐵路請歸商辦並撥助官款提倡摺

附清單

年終統計官辦各路待撥要需並擬提前籌付辦法摺

附清單



接收關內外津鎮鐵路關防摺

奏爲 臣部接收關內外鐵路暨津鎮鐵路關防並辦理情形恭摺具陳仰祈

聖鑒事竊 臣部於光緒三十二年十月十二日准吏部咨直隸總督 臣袁世凱奏懇開去各項兼差以專責成而符新制一摺業經奉

旨允准在案旋於十月十四日准該督 臣將督辦山海關內外鐵路大臣關防督辦津鎮鐵路大臣關防各一顆咨送前來 臣部覆查該督 臣原奏內稱現在郵傳部已經建設電務路務均應隸屬該部等語此次該督 臣咨送督辦山海關內外鐵路大臣關防並督辦津鎮鐵路大臣關防 臣部均經接收所有山海關內外鐵路即於是日作爲接辦日期惟津鎮鐵路

尙未開辦此後一切應行辦理事件統由臣部經理以重專責再該督臣所辦電政臣部查原辦資本集有商股應俟該督臣會同會辦電政大臣臣楊士琦督同員司核清數目再行移交臣部接辦除將該督臣咨送關防二顆應由臣部咨送禮部註銷外所有臣部接收關內外鐵路津鎮鐵路關防並辦理情形緣由理合恭摺具陳伏乞

皇太后

皇上聖鑒謹

奏

光緒三十二年十月十八日奉

旨知道了欽此

議覆滇蜀鐵路招股章程摺

奏爲遵

旨議奏恭摺仰祈

聖鑒事光緒三十二年十月二十九日由軍機處鈔交雲貴總督
丁振鐸奏滇蜀鐵路集股章程遵照部咨援照川漢路章重
爲訂正一摺奉

硃批該部議奏單併發欽此欽遵鈔錄到部查原奏內稱滇蜀鐵
路前經議定集股章程奏奉

諭旨允准設立公司籌款自辦嗣又奏請併修騰越鐵路復將公
議增行各條暨附擬外埠招股章程送部查核各在案旋准
商部議覆飭將前項滇蜀鐵路章程按照川漢路章重爲更
訂並令將公議增訂股息加爲六釐認股亦准給獎及變通

售票分售處酌予津貼優先股特予報酬各條一併奏明辦理等因並將核定川漢路章改定各條鈔錄咨滇當經轉行遵照辦理自應將指示各節按照改訂遵辦惟查部文內以外埠華商股分改以元計而本省仍以兩計匯劃折算諸多窒礙應否改歸一律請飭公司集議更定等因查外埠久已銀元暢行是以華商股分改以元計滇省雖已行使龍元省外各府廳州縣仍用塊錠隨地權宜擬請仍照原定章程外埠華商股分以元計數本省以兩計數俾便招徠各等語查此等事前經商部咨駁茲據清單內開各章程如行息之增加認股之給獎售票處之津貼優先股之報酬均已按照商部所指各條重爲訂正所議尙屬周妥應請照准惟股分計數元兩各殊雖按票核收數目無難劃算而路成分利統計

究屬紛歧擬請一律改收洋元如內地行使塊錠之區均按
照洋元合訂以昭劃一所請本省以兩計數之處應請毋庸
置議除由臣部咨行該督查照辦理外所有遵議滇蜀鐵路
章程理合恭摺具陳伏乞

皇太后

皇上聖鑒謹

奏

光緒三十二年十一月十八日奉

旨依議欽此

限定鐵路行車免價減價章程片

再臣部管理鐵路其已經行車各路皆借外債造成原訂合同受虧過鉅所賴進款與旺庶此後按本還息得以漸逐清釐若行車之收數稍虧則外債之擔承愈重比年以來進款頗有起色而各部省辦公員司人等凡經由鐵路者疊經請給免票日甚一日愈積愈多以至車價不無見絀竊謂辦理鐵路宗旨須以經營商業之法行之局中者宜顧虧蝕之責成局外者勿損他人之資本官場免價舊習必須概與廓清

臣等面奉

聖訓破除情面自應欽遵辦理且各部省辦公人員率皆領有經費即使未經支領亦應由各部省發給川資似不應削鐵路本有之利增

朝廷以擔任鉅債之憂如謂公家欸項此純彼贏原可不分畛域
惟鐵路還欸不敷仍應由

國家彌補載在合同尤不能不避重就輕通盤籌畫嗣後除運
兵運賑兩項仍按照各該路合同辦理外其餘應行減免車
價各項謹擬章程五條繕具清單恭候

命下再由臣部通行知照辦理謹附片陳明伏乞

聖鑒訓示謹

奏

光緒三十二年十一月二十八日奉

旨依議欽此

謹擬鐵路免價減價章程五條繕單恭呈

御覽

一凡

欽差大臣如致祭

陵寢查辦事件專使外國閱兵巡河放賑及隨帶司員人等均一律

免價

一凡現任將軍都統督撫如在所轄境內一律免價如出所轄

境外票價車租均減半折收

一凡現任司道在所轄境內者票價車租均減半折收倘現任

司道乘車出所轄境外則仍全收車價

一凡練兵處暨各省督練處學生軍人因公來往者由練兵處

或該省督練處商由鐵路局發給憑照驗明照收半價此項

郵傳部奏議類編

路政

長江鐵路各子車免價減價章程

五

參議院編纂科

學生係曾經練兵處考驗畢業者軍人係曾經練兵處奏派
大臣編成者此外不得援以爲例

一凡查緝火車稅釐各員弁應隨時核定酌量給予免票其不
關於火車稅釐之各查緝員弁不得援以爲例

遵議浙江鐵路支綫入城摺

奏爲遵

旨議奏事光緒三十二年十一月二十三日由軍機處鈔交浙江巡撫張曾敷奏查明浙江省鐵路現定軌綫籌議情形覆陳一摺奉

硃批該部議奏欽此欽遵鈔交到部查原奏內稱浙江鐵路自設立公司以來集股估工慎重將事凡軌道之所經過業已屢改穿城填河先有是議以多不便亦即停罷茲經該公司總理四品卿銜湯壽潛等呈稱現經股東會議擬自清泰門左右分支路入城另開便門出入均由於此於上下城適中之處度地設站車行定有畧刻照派官兵守門隨時啓閉可無他慮約由幹路分支入城不過里餘可攬全城客貨之利城

站左近開闢馬路以便交通亦資養路等情業經委員履勘情形亦屬相符再三審慎知商情既難強拂門禁又不可不嚴故雖分支路入城然出入均由一門車過即閉官兵守宿輔以警察詰奸禁暴不患無方即遇多事之時亦可立時堵塞城內車站亦設空曠地方並不多撤民屋宅第分軌入城雖與穿城有別惟他省尙未試行浙省不敢不加慎重等語查支路入城另開便門以時啓閉商民既稱利便防守不致疏虞檢閱該省城巷詳圖清泰門一帶空地爲多亦無妨害居民之患現今關內外京漢兩路直達北京前門尙無窒礙該省所擬分軌入城一節情形大致相符擬即照准如蒙俞允應由臣部咨行農工商部及浙江巡撫一體遵照辦理所有遵奏浙路支綫入城緣由理合恭摺具陳伏乞

皇太后

皇上聖鑒謹

奏

光緒三十二年十二月初九日奉

旨知道了欽此


郵傳部奏議類編

路政

遵議浙江鐵路支線入城

七

參議總編駁科



接收京漢滬甯鐵路關防摺

奏爲接收京漢滬甯鐵路關防恭摺仰祈

聖鑒事竊臣紹怡奉

命辦理京漢滬甯鐵路現在奉

旨設立專部自應欽遵辦理以一事權茲於本年十二月初一日

將辦理京漢鐵路大臣辦理滬甯鐵路大臣關防各一顆咨
送到部即於是日接收查關內外京漢滬甯各路關防業經
先後移交惟該各路均係借款築造自應通盤籌畫妥慎經
理以重路政除由臣等公同酌擬辦法另行奏明請

旨辦理外所有接收京漢滬甯鐵路關防日期緣由理合恭摺具

陳伏乞

皇太后

郵傳部奏議類編

路政

接收京漢滬甯鐵路關防

八

參議廳編纂科

皇上聖鑒謹

奏

光緒三十二年十二月十九日奉

旨知道了欽此

外務部會奏廣九鐵路借款興修與中英公司訂定正合同

摺

奏爲廣九鐵路借款興修與中英公司訂定正合同恭摺具陳
仰祈

聖鑒事查光緒二十四年間總理衙門准英國使臣寶納樂函請
准英商承修由廣州省城至英租地九龍邊界一段鐵路經
總理衙門行令督辦鐵路大臣盛宣懷與英商怡和洋行議
辦旋於光緒二十五年二月間彼此簽定草合同五條咨復
備案一議定造路由廣州府城至九龍與簽定之滙甯鐵路
草約章程同二將來訂立正約仍當與嗣後商定核准之滙
甯鐵路正約章程同三嗣後議訂行車章程與粵漢鐵路相
接四草合同簽定後從速測勘五草合同先行畫押俟會商

督撫如有地方窒礙之處即行更正各等語上年英國使臣薩道義援據草約迭次催請臣部議定正合同經臣等於本年二月電知署理兩廣督臣岑春煊以此項草約雖云仿照滬甯辦法而滬甯路長費鉅廣九路短費少情形不同應查酌第二款熟權利弊派員與中英公司切實磋商以符原議嗣該署督以此路先與英公司會商各歸各辦英公司堅不允從事關粵省利害未敢過事遷就應請

旨飭下外務部侍郎唐紹怡就近與英使妥商細約行粵遵辦等情電達臣部代

奏二月二十三日奉

旨岑春煊電奏悉仍著該督派員與商妥核辦理欽此欽遵在案至四月初間准該署督將英公司代理人羅士漢蘭德先後

到省會議原送約稿暨酌核之件抄咨前來其酌改主意大
致擬照津榆鐵路辦法詎該公司代表人漢蘭德以成議在
先於該署督所擬合同底稿迄不承認由粵到京復准英使
臣照催 臣部接議當經 臣等電致該署督遴派洋務委員候
補道龔心滿候補直隸州知州胡銘槃來京顧問以期接洽
即由 臣紹怡率同龔道等與漢蘭德在 臣部會議十餘次逐
款磋商屢易其稿始得就範計訂詳細合同二十條議借英
金一百五十萬鎊照虛數九四折納年息五釐以本路作抵
押三十年爲期滿十二年半後按照列表分期還本二十五
年以前如欲於表額外多還股本每英金一百鎊加還兩鎊
半中英公司代售此項股票其股票填明價若干鎊由中國
駐英大臣與該公司商定所有建路及一切工需均由粵省

總督督飭辦理其重要職司應用稱職之中國人充當開工時即於廣州設立總局一所總理造路行車各事由總督派中國總辦一人管理佐以英國總工程司及總管帳各一人均由總督核准該公司辦事出力給予酬金三萬五千鎊兩期交付其應得各項用錢暨酬勞資費均包在內並聲明此路確係中國產業倘自本合同簽定之日起八箇月並未興工即作廢紙所載權利均不得讓給他國中國亦不另建一路以奪本路利益各等語綜核本合同大旨係限於原訂草合同按照滬甯辦法之成議祇可參酌津榆章程設法挽回扼要在用人用款等事均取決於總督不至授外人以柄並刪除餘利小票一款以期保全主權利權迭經龔道等將商議情形隨時電達岑春煊核復始行定議嗣經粵省紳商多

方辯難復與現任總督周馥往返電商准該督復稱廣九路約收回主權利權實較滬甯爲優是該督於此項合同亦無異議擬即照此訂定謹繕具清單恭呈

御覽俟奉

旨允准再行簽印即由臣部咨行兩廣總督遵照辦理並照會英國駐京使臣飭令該公司按照合同妥速開辦由廣州至廈門一段鐵路應由該省自行籌款建築業經奏明立案自不得視爲利益相同之路合併聲明所有詳訂廣九鐵路正合同緣由謹會同郵傳部合詞恭摺具陳伏乞

皇太后

皇上聖鑒訓示謹

奏

郵傳部奏議類編

路政

會奏廣九鐵路借款興修與中英公

十一

一 參議廳編纂科

可訂定合同

光緒三十二年十二月二十五日奉

旨依議欽此

度支部會奏遵議趙炳麟等請將廣西捐款溢額撥充路股摺

奏爲遵

旨議奏恭摺仰祈

聖鑒事竊福建道御史趙炳麟奏廣西財政奇絀民生奇困懇將該省溢額捐數撥充路股一摺光緒三十二年十一月二十九日奉

旨該部議奏欽此由軍機處抄交到部又護理廣西巡撫張鳴岐奏廣西實官捐款溢額懇請全數留桂藉濟急需一摺同日奉

硃批度支部知道欽此欽遵由內閣抄出前來趙炳麟原奏內稱廣西自戊戌以來督師討賊現雖大股粗平而流民失業百

倍昔時若不及早維持邊患未已非大興實業無以拯內地之民生非自修鐵路無以杜外人之口實同時並舉籌款萬難近聞廣西實官捐截止溢額數目不下二百五六十萬兩

擬請

諭令部臣將廣西溢數悉由部指撥作爲廣西鐵路國家補助股每年責成該省撫臣及鐵路總理將本息銀造冊分報度支部郵傳部察核廣西得此補助股二百餘萬加以民股數百萬貴縣至北海鐵路指日可以興工各等語張鳴岐原奏內稱廣西匪亂將及十年民間元氣凋殘已極今雖幸肅清然失業游民漏網零匪所在多有善後要政惟有振興實業推廣教育以治本緩撤防營實辦團練以治標而就本省歲入歲出經常之款計之僅供治標之費尙苦不敷何有餘力以

治本本之不治所以旋起旋滅匪亂不絕也升任撫臣林紹年有見於此是以奏請每年由部撥款百萬三年爲限以爲治本諸端仰荷

聖明廕念邊疆部臣願全大局議准撥款百萬然土藥稅六十萬係廣西歲入原有之款部撥實銀四十萬且未准撥足三年本年春深秋旱被災又千餘里零匪飢民勾結可慮湘滇均有偏災轉徙亦復無所工商素稱凋敝儲力並屬無從民間絕少蓋藏公款早經罄盡義賑既無可廣求變端更時虞竊發撫此災黎心傷神悚治標且屬無策治本更何暇圖籲懇天恩特准將溢收捐款二百四十萬以一百四十萬撥充本年所需以一百萬撥充廣西鐵路礦務墾牧專款備作治本之計各等語臣等伏查廣西荒亂之後元氣久傷前據升任撫臣

林紹年奏請由部歲撥百萬三年爲限以興辦該省善後各政當經臣部竭力籌撥計緩解賠款三十萬梧州關稅十萬統稅六十萬藥稅關稅均各如所請撥足三年賠款一層以關係緊要未能久爲墊解議緩解一年嗣臣部於議覆御史趙炳麟緩解賠款摺內奏明俟來年察看情形再行酌核辦理誠以該省兵燹之後繼以荒災善後要圖勢不容緩故雖以近日款項支絀猶不能不竭全力以赴之該省溢收捐款臣部核准之時即奏明專款存儲聽候撥用今該御史該撫均以流民失業可慮預爲久遠之計該御史請以溢收捐款悉數撥充該省鐵路股本該撫則分別治標治本請以壹百肆拾萬充本年賑需以壹百萬充鐵路礦務墾牧專款竊以善後要政固當本末兼施如果實業旣興亦可用以工代賑

之策前據升任撫臣林紹年奏明於緩解賠款內提銀拾萬
 兩由官收買礮砂於籌備災賑之中寓振興實業之意當經
 農工商部會同臣部奏准在案又該省墾務亦經該前撫奏
 明招集公司從事興墾所有錫礦亦擬招商承辦前項溢收
 捐款除經臣部奏撥陸拾萬解赴江南濟賑外自可酌量撥
 充路股以爲振興實業之倡該撫所請以百萬充鐵路礦務
 墾牧專款自應照准該御史所稱每年將本銀息銀造冊分
 報臣部及郵傳部以資察核至該撫稱本年春潦秋旱又千
 餘里大亂之餘薦饑之後災歎不必較往年爲重待賑尤覺
 較往年爲殷等語是本年該省賑需固不能無待接濟惟查
 本年各省災情以江北爲最重而臣部先後籌撥各款亦不
 下百餘萬該省荒亂之後正當經畫久遠不徒驚博施濟衆

之名今原奏請以一百四十萬爲本年賑需之處乞

飭下該撫核實樽節另行奏明核定餘存之款仍令存儲以備要
需再前項溢收捐款臣部據兩廣電報及前後造冊請獎各
案核計已逾三百五十餘萬業經臣部奏准在案今該撫稱
溢收二百四十萬自係未併東省所收之數其溢收詳細各
數應歸另案辦理所有併案議覆緣由理合恭摺具陳伏乞

皇太后

皇上聖鑒再此摺係度支部主稿會同郵傳部辦理合併聲明謹
奏

光緒三十三年正月二十三日奉

旨依議欽此

京漢行車一年期滿陳明餘利數目摺

奏爲京漢鐵路行車一年期滿謹將辦理情形暨餘利數目恭摺具陳仰祈

聖鑒事光緒三十二年十二月初一日准臣紹怡將辦理京漢鐵路大臣關防並文牘卷宗先後咨送到部業經奏報在案茲以該路行車已屆一年期滿據該監督等先將辦理情形暨餘利數目稟報前來臣部覆查京漢鐵路係分南北兩段其未經竣工以前雖按段行車而車價均係湊付工程用項既可減輕借款成本且免提交比公司二成餘利自黃河橋梁造成後南北銜接全路一律通車所收客貨車價方始作爲進款開辦之初即先力爭主權剔除積弊節省糜費招徠商賈以爲增收款項之計遞閱車價報冊逐月漸加惟上年閏

四月許州鄭州一帶山水猝發軌道屢被沖決縣亘數州縣延至六月中旬始克通車此兩月中不無短絀然綜計全年進款仍有贏餘計自西歷一千九百零六年正月一號即光緒三十一年十二月初四日起截至西歷一千九百零六年十二月三十一號即光緒三十二年十一月十六日止扣足一年所收客貨車價各項共洋銀七百二十餘萬元除全路行車經費約洋銀二百二十餘萬元外應餘洋銀約五百萬元內撥還比公司借款利息約洋銀二百三十餘萬元及提解度支部蘆保官款利息約洋銀四十萬元所餘款項應提公積一成約洋銀二十餘萬元此外均係作爲餘利計借款公司應得二成餘利約洋銀四十餘萬元實在淨得餘利約洋銀一百六十餘萬元查西歷一千九百零五年即光緒三

十一年京漢鐵路所收客貨車價各項共洋銀五百二十餘萬元兩年比較計上年增收洋銀二百萬元進款漸臻多數此後利源日濬似屬可期現經飭催將歐洲代購材料價單及全路進支帳冊迅速開寄以便詳細核算一俟清結後應將此項餘利洋銀一百六十萬元提歸 臣部另款存儲以爲接濟各項鐵路工程不敷及京漢撥本贖路之用另行請旨辦理再以上各款係未經與比公司算結零數現在先行奏報辦理情形是以祇就約數開列合併聲明所有京漢鐵路行車一年期滿辦理情形暨餘利數目緣由理合恭摺具陳伏乞

皇太后

皇上聖鑒謹

郵傳部奏議類編

路政

京漢行車一年期滿餘利數目

十六

一參議廳編纂科

奏

光緒三十三年正月二十七日奉

旨依議欽此

請以京漢餘利借撥正太片

再查正太鐵路原借法金四千萬佛郎克現在將次竣工上年十一月間迭據該路總工程司挨士巴尼報稱尙欠本年年明年借款利息及不敷工款約法金五百萬佛郎克議請續借經 臣部通盤籌畫現在佛郎價跌若續借款項轉匯來華未免虧蝕太甚京漢既有餘利以公家鐵路所得之利借撥公家鐵路不敷之本一舉兩得目前可免續借之累將來正太行車收有進款再行陸續撥還存備京漢撥本贖路之需如蒙

俞允即由 臣部欽遵辦理謹附片具陳伏乞

聖鑒訓示謹

奏

光緒三十三年正月二十七日奉

旨依議欽此

議覆肅親王籌辦蒙古鐵路摺

奏爲核議具奏恭摺仰祈

聖鑒事光緒三十二年十二月初九日農工商部咨送肅親王善耆奏籌辦蒙古鐵路一摺前准軍機處交片奉

旨該衙門知道欽此相應錄

旨鈔摺咨交郵傳部欽遵辦理等因前來查原奏內稱內地財賦之區首推江浙次則川廣然詳攷輿圖此四省河港繁密交通便利故貨物駢闐人民殷富西北諸省往往以轉運維艱貨皆委棄則鐵路不可不亟講也歐美兩洲皆屬大陸鐵路縱橫交迤密若田疇今日經營蒙古烏可再落後塵如以鐵路無此鉅款儘可擇要酌修俟開車收價又可接續擴充鐵路既通電綫郵局不謀自集倘再開鑿運河俾通小輪爲益

更當無既各等語查蒙古面積最廣誠非開鑿運道莫便交通外蒙河港紛流處處錯雜俄驛自當別爲籌畫內蒙除西盟黃河無庸置議外東盟則有遼灤兩大水儘可導作運河遼水自克什克騰旗至奉天之營口入海下流帆船頗盛上流即不聞行舟灤水自獨石口外經多倫諾爾廳至永平府入海多倫係元代上都故址灤水在當時爲都中運糧之渠此兩巨流一宜疏濬上流一宜開通故道惟事繁工鉅非倉猝可辦似應置作緩圖至修造鐵路以便運輸實爲今日經營蒙疆第一要策臣等查張庫鐵路從前本有成議該路軌綫南起宣化北訖庫倫貫內外蒙古東西之適中計程約二千四百五十里有奇實足取左右旁通之勢無事則轉輸貨物遞送文明教養兩端均有裨益有事則運兵轉餉朝發夕

至首尾策應消息靈通臣部正與度支部會商議覆延祉籌辦庫倫鐵路一摺俟京張路成時即當實力擴充展造張庫鐵路蓋以籌蒙要策首在路政所見大略相同查京張路工現在開辦一俟全路告竣如有餘利自應接展而北逕達庫倫迨張庫路成並可向北延長以達於恰克圖以期推廣路權用副

朝廷注重邊陲之至意所有核議蒙古鐵路緣由理合恭摺具陳伏乞

皇太后

皇上聖鑒謹

奏

光緒三十三年二月初八日奉

旨依議欽此

請將李大受顏德慶二員仍留鐵路差遣片

再准吏部知照軍機處片交吉林將軍達桂電奏吉省三埠同時開放奏調京外各員以資襄助一摺當於上年十二月二十六日奉

旨達桂奏請調員差委等語該衙門知道欽此欽遵鈔交到部知照前來原奏內開進士顏德慶蘆漢鐵路工程司湖北知縣李大受二員臣部查顏德慶現充京張鐵路工程司該路爲中國自辦從未假手外人現在工程未竣若調往吉林無人接替實與該路工程有礙又湖北知縣李大受現充京漢鐵路養路副總管在事八年情形熟悉茲值全路告竣亟宜裁汰洋員陸續改派華員充補以節經費而挽利權應請將顏德慶李大受二員仍留京張京漢兩路差遣俾期得力恭候

命下即由臣部咨行辦理謹附片陳請伏乞
聖鑒訓示謹

奏

光緒三十三年二月初八日奉

旨依議欽此

度支部等會奏議覆延祉等籌議庫倫地方情形摺

奏爲遵

旨議奏恭摺仰祈

聖鑒事庫倫辦事大臣延祉等奏籌議庫倫地方情形一摺光緒三十二年十二月初七日奉

硃批該部議奏欽此欽遵由軍機處抄交前來據原奏內稱圖車兩盟暨沙畢或報有礙游牧或報沙漠難耕惟後地一隅早經開墾然皆蒙民參半蒙古種者自爲養贖民人種者在旗納租庫倫今昔情形不同天時地利亦異即如庫倫北面全境與俄爲鄰昔日相安今多窺伺如謂屯墾相望設官置戍自可堅藩部之依附杜外人之覬覦無論卡倫以內東西數千里荒沙袤亘開墾不易成功即使勉強圖維將來亦覺可

慮嘗見古人於強敵迫近尙作堅壁清野之謀今若村落宛然能固守自可防邊不能守轉將資敵而且屯堡既多外人尤易混迹將來建堂設肆必致中外不分似不如留此一段空間以防其內侵之漸至於恰克圖西南地段如公那木薩賴親王抗連多爾濟各旗雖報有開墾之地但據稱民人在旗納租查其尙有捐項蒙古播種黑黍收穫自贍身家歲止一收天寒霜早尙難必穫若仿照內盟辦法不但蒙古生計實有妨碍即現在民戶亦將失業無依此項已墾地畝似不如仍聽自辦隨時察看倘能擴充再當陸續布置其餘庫倫南境戈壁地多草且不生何能種植中間一段據報若辦開墾恐礙牧場查其情形亦係實在應一律暫行緩辦但時局可慮理應預籌計惟安設張庫鐵路淘取庫倫金沙弊少利

多可以舉辦除試辦金礦業經奴才等奏請外查張庫如安鐵路不惟可通百貨而運兵轉餉均屬相宜且煤礦已經查出並送商部驗看案惟庫倫無款任辦爲難合無仰懇

天恩飭部籌議如蒙

俞允實於庫倫大有裨益臣等伏查興墾實邊本係當今要政蒙古各盟世爲北方屏蔽自應及時興辦以資控制今該大臣稱圖車兩盟暨沙畢等處或報有碍游牧或報沙漠難耕惟後地一隅早經開墾然皆蒙民參半蒙古種者自爲養贖民人種者在旗納租至恰克圖西南地段如公那木薩賴親王抗連多爾濟各旗雖有開墾之地但據稱民人在旗納租查其尙有捐項蒙古播種黑黍收穫自贖身家若仍照內盟辦法不但蒙古生計實有妨碍即民戶亦將失業等語竊地利

因人力爲轉移時會實相因而並至外盟各藩密邇鄰疆在
在悉形緊要以時會所迫而猶狃於游牧舊習不爲規畫久
遠積弱之餘何從振起

朝廷顧念藩封本期次第興屯以慎固邊守並非區區較量於押
荒升科之利所有一切章程自可變通辦理該大臣以妨碍
蒙古生計民人失業爲言誠爲過慮至引喻於堅壁清野以
爲不如留此一段空閒以防內侵之漸是不啻以庫倫以北
爲甌脫之地非所以乘時會而圖振作也惟外盟知識粗疏
亦未便操之過蹙前督理墾務大臣貽穀奏伊克昭盟各旗
陸續報墾而抗錦一旗旣允忽翻久而後定封建之區自與
察哈爾等處之向隸郡縣者情事不同自應如該大臣原奏
所稱隨時察看陸續布置至所稱安設張庫鐵路洵取庫倫

金沙兩層查庫倫開採金沙近據該大臣奏明試辦惟中有關係交涉之處應由外務部會同臣部農工商部核議具奏外張庫鐵路自係爲交通便利起見庫倫無款任辦亦係實情臣部近來用款浩繁驟難得此鉅款可供造路之用查京漢鐵路業經開辦此後應何如接續建築及以他項鐵路餘利勻撥之處郵傳部查庫倫僻在朔方強鄰密邇該大臣議修張庫鐵路不獨運兵轉餉有益防邊並可輸送文明於蒙民開化亦大有關係惟臣部現辦鐵路多係借款籌辦雖有餘利每年籌付償項全恃此以爲挹注目下實無贏餘查京張路款係由關內外餘利項下提撥展修正在開辦工竣之期當在二年以後一俟京張路成再當實力擴充趕緊籌辦爲得尺得寸之計展軌而北以督其成所有違

旨會議覆奏緣由理合恭摺具陳伏乞

皇太后

皇上聖鑒再此摺係度支部主稿會同理藩部郵傳部辦理合併

聲明謹

奏

光緒三十三年二月十四日奉

旨依議欽此

汴洛鐵路工款不敷擬續借比款摺

奏爲汴洛鐵路工款不敷擬續借比款以應工需恭摺仰祈

聖鑒事竊查汴洛鐵路原借比款計法金二千五百萬佛郎克即
英金一百萬鎊其原訂合同第二十款有借款不敷營造路
工或辦理行車可以准予比公司添借應湊之款一切照此
合同辦理等語茲據該路總工程師勒魯華迭次稟請添款
並開具詳細估單內稱鄭汴一路計長二百三十二里需用
工款八百二十萬佛郎克鄭洛一路計長二百四十里需用
工款二千二百九十六萬佛郎克又找補工程即上年雨水
冲失各項材料計需五十四萬佛郎克總共三千一百七十
萬佛郎克至於付利還本匯虧等項均不在內等語前來當
將單開各款詳細覆覈大致尙屬寔在惟估單係預算約數

但於大綱無多出入而隨時增減及意外動支均難懸揣現計原借二千五百萬佛郎克按九扣定數祇二千二百五十萬佛郎克照單數計寔不敷九百二十萬佛郎克加以借款利息由西歷一千九百零四年起至一千九百零九年止計共六年應需還息七百二十五萬佛郎克共不敷至一千六百四十五萬佛郎克至匯虧一項則漲落無定還本一層則爲時尚早目前無庸豫籌正數辦間旋據比國借款公司代表入配唐來部聲稱汴洛工款不敷連同還息等項應續借一千六百萬佛郎克該路存款將罄祇敷西四月之用爲時甚促請按照合同辦法續借款項現比京已認先借八百萬佛郎克其餘八百萬佛郎克隨後再行籌借等情當經告以中國借款時價日有起色上年滬甯鐵路續借英款亦未按

照合同九扣當議定以九五五扣交付事同一律得難照准
該代表人爭執再三允照九四計算臣部尙未核准查汴洛
合同載有款項不敷可由比公司按照原定合同撥款接濟
茲允按九四交款自係格外通融惟事關借款理應詳晰奏
明除與該代表人極力磋商再行覈減另訂章程辦理外所
有汴洛鐵路工款不敷擬請續借比款緣由謹恭摺具陳伏
乞

皇太后

臣上聖鑒訓示再臣部尙書張百熙現在因病出缺是以未經列
銜合併聲明謹

奏

光緒三十三年二月十八日奉

旨依議欽此

請頒同蒲鐵路公司關防摺

奏爲請

旨事本年正月初三日接准山西巡撫咨開山西同蒲鐵路創辦之初安排布置均關緊要已由該路總辦前甘肅布政使何福堃擇地設局預備一切但局所既設來往文移非有關防莫資信守咨請頒發關防一顆等因前來嗣准電咨內開據同蒲鐵路總辦何福堃稟稱部頒關防到晉需時公司開辦在即請刊木質關防俾資鈐用等語當由臣部電覆照准並查取該路章程以憑核辦去後茲准咨送開辦簡明章程一本除由臣部逐條詳覈辦理外查該路總辦前甘肅布政使何福堃曾由山西京官呈請商部

奏派總辦奉

旨允准在案現在同蒲鐵路開辦伊始既據先後請給關防俾資
信守擬由臣部刊刻發給文曰總辦山西同蒲鐵路有限公司
司關防其預用木質關防並飭照案繳銷所有請頒同蒲鐵
路關防緣由理合恭摺具陳伏乞

皇太后

皇上聖鑒謹

奏

光緒三十三年三月初八日奉

旨知道了欽此

汴洛鐵路續借比款數目片

再前因汴洛鐵路工款不敷擬續借比款以應工需當將磋商情形恭摺具陳奉

旨依議欽此欽遵在案 臣部迭經與比公司代表人配唐往復商議所有原索九四扣交款現與商定按九五五扣分兩次撥借計共比金一千六百萬佛郎克當經咨由外務部電致駐比出使大臣李盛鐸按照合同所載售票章程辦理謹附片陳明伏乞

聖鑒謹

奏

光緒三十三年三月初八日奉

旨知道了欽此

郵傳部奏議類編

路政

汴洛續借比款數目

廿七

奏議類編卷四

會奏議覆黑龍江省創修鐵路摺

奏爲遵

旨會議具奏仰祈

聖鑒事上年十一月二十二日准度支部片行署黑龍江將軍程德全奏江省創修鐵路藉維商務而固邊防一摺光緒三十二年二月十四日奉

殊批該部議奏欽此欽遵由軍機處鈔交到部等因前來查原摺內稱江省自東清鐵路開通以後商貨官運均仰於人擬自哈爾濱江北馬家船口北向呼蘭曲達綏化直接黑龍江城修一幹路計長一千餘里再由對青山至呼蘭由昂溪車站至省城修二枝路並由對青山枝路西逾東清鐵路過松花江與伯都訥鐵路相接省城枝路東向以接幹路如此南北

郵傳部奏議願編

路政

會奏議覆黑龍江省創修鐵路

廿八

一會奏議覆黑龍江省創修鐵路

銜接一氣呼應自靈即請指定購辦鐵軌地方以便派員往購嗣准該將軍函稱前奏修路辦法尙須酌改二端一則路綫宜改勘也查伯都訥至新民屯一段路綫距東清鐵路太近將來一滋交涉即不能挽我利權似宜由新民屯取道奉天之洮南府經札賚特旗而達齊齊哈爾再行接修愛琿一路一則先由新民屯動工興修也修路之要最宜旋修旋用而借我已有之路運輸材料尤爲便捷目前細籌此路修法似宜由內而外由南而北先從新民屯我國津榆鐵路向北接築論形勢則路軌早日聯貫論輸送則轉運藉以靈通並請郵傳部派員估修以資督飭各等語臣部查江省屏蔽東北鐵路最爲要圖而洮南地處適中北瀕洮河東通松嫩水陸交錯實足扼三省之衝視呼綏地形自更較爲重要茲值

東省商埠待開之際尤應及時籌畫以杜覬覦現京榆路軌已展至新民屯該將軍議改由新民屯首工接續興修直達愛琿南北之勢既易相聯而路成若干即收若干養路之資於辦法亦爲得勢所請指定購辦鐵軌地方一節查近年漢陽鐵政局所出之軌尙屬合用由京漢京榆轉運至江往來殊覺靈便若漢廠備辦不及可即查照京榆購軌舊章派員至滬向各洋行開標定購惟新民洮南地屬奉天又皆逼近吉林應由三省將軍等公同商酌先行聘定工程司預將路綫勘明庶幾需軌若干乃有成算在胸不至茫無依據俟籌議稍有頭緒再由臣部揀派專員前往估修以資督飭又原摺稱擬由荒價項下先提銀一百萬兩作爲股本以便開辦而資提倡並將變通通肯荒務所收官兵津貼地價銀應發

商生息永作旗人津貼者亦請移充修路之費俟鐵路告成仍將應得餘利分別津貼以期經久又函稱路線太長需款過鉅應由三省合力妥籌前奏所提荒價銀兩亦可撥出先築新屯一路以明不分畛域之義等語度支部查築路既屬要圖集股自爲急務該將軍擬提荒價銀一百萬兩作爲股本並將變通通肯荒務所收官兵津貼發商生息銀兩一併移充具見權衡緩急極力經營擬請准如所奏辦理惟借提荒價一款路成之後是否永遠入充股本抑係陸續歸還所得餘利歸入何項造報原奏未經聲叙其官兵津貼發商生息銀兩每年得息若干將來應分餘利能否適如息額及未得餘利之先此項津貼於何取給原奏亦未叙明至撥款分築新屯一節據稱路線太長需款過鉅究竟分撥款項若干

全路告成後界綫應如何劃清餘利應如何分派事關全局仍令該將軍妥議章程分晰聲覆以憑考核至所請專招華商藉保路權查與川漢皖浙等處辦法無異應即照准至招商辦法農工商部查應照奏定商律辦理並俟

命下之日由農工商部彙知各省商會籌集股款迅速興辦庶合各省商人之財力規畫一隅俾路工早日告成實於大局有益如蒙

俞允即由 臣部咨照趕速籌辦惟現在東三省已設總督該將軍從前籌畫與現在情形是否相宜應由 臣部咨行該省督 臣徐世昌會商三省巡撫妥籌咨復以憑核辦所有議覆江省創修鐵路緣由理合恭摺會陳伏乞

皇太后

郵傳部奏議類編

路政

會奏議覆黑龍江省創修鐵路

三十

參議廳編纂科

皇上聖鑒再此摺係郵傳部主稿會同度支部農工商部辦理合
併聲明謹

奏

光緒三十三年三月十八日奉

旨依議欽此

調候補五品京堂梁士詒歸部差遣片

再臣部開辦伊始諸務需人而鐵路一項極爲繁重款項出入動輒十數百萬合同條件尤非精明諳練者不能洞悉幾微稍不得人貽誤匪淺查有丁憂候補五品京堂梁士詒品端識卓材器宏深前隨新授奉天巡撫臣唐紹怡辦事多年現充京漢滬甯正太汴洛道清五處鐵路提調經理路政均協機宜於應付外交維持權利各大端尤能規畫精詳動中窺要前此唐紹怡於路政極爲熟悉亦深倚該員如左右手現唐紹怡旣已離署是該員更爲臣部不可多得之員合無仰懇

天恩俯准將丁憂候補五品京堂梁士詒先行調歸臣部仍充各路提調並備派兼充各路督辦以資臂助如蒙

俞允即由工部檄飭遵辦謹附片陳請伏乞
聖鑒訓示謹

奏

光緒三十三年三月十八日奉

旨依議欽此

農工商部會奏各省商辦鐵路所用材料請照官路一律暫行免稅摺

奏爲各省商辦鐵路所用材料擬請照官辦之路一律暫行免稅恭摺具陳仰祈

聖鑒事竊臣等於光緒三十三年正月間接據江蘇浙江福建江
西安徽五省鐵路公司呈稱近閱邸鈔稅務大臣奏官運物
料一律分別徵稅一事原奏內稱嗣後除京漢正太汴洛道
清東三省龍州滇越滬甯等處鐵路材料機器等項已與各
國訂立合同載明免稅又關內外暨膠濟兩路雖未載入合
同亦經援案請免均係事關交涉仍舊辦理此外官用物件
凡係來自外洋者於進口及運入內地擬請統照商民貨物
一律徵稅等因本公司等查閱原奏凡洋商承辦鐵路材料

之稅概予蠲免未言及華商自辦之路夫借款與自辦路本中外不同而爲中國之鐵路則同各省勉力經營亦係鑒於前車爲中國保自有之權利今洋商業經免稅而華商自辦之路轉未得與洋商同享優待之益將見子來之效阻於經始旁趨之勢萃於淵叢似與中國商務前途重有關繫可否將各省自辦鐵路材料奏請暫行一律免稅等語臣等正在咨商核辦間復准稅務大臣咨以京漢正太等路所運材料機器訂明免稅因係官辦非商辦可比並非以事關交涉特示優異致有華商洋商之分所以如廣澳潮汕等路亦與外國訂立合同因屬商辦即載明納稅上年兩廣總督以粵漢鐵路應否免稅電商當以係屬商辦應一律征稅辦法未便兩歧所有江蘇等省鐵路公司擬請免稅之處礙難置議等

因咨行查照前來_原等竊維鐵路爲國家要政決無優待外人苛待國民之理茲准稅務大臣覆稱該商等前稟不無誤會華洋既無畛域固足示中外一體之公而官商強爲區分似亦非上下相維之義伏查各國路政大半操之國家果使國力充裕則舉五省之鐵路概歸官辦誰曰不宜無如五省路綫縱橫殆將數千里五省路工浩大動輒數千萬一省建築稍後則外人因而生心五省同時並興則財力又將不繼是以商人不恤投其血汗之資本以經營鐵路正所以助國力之不足而杜外患於將來推其公忠愛國之熱忱方獎勵提倡之不暇乃以其事非官辦遽責以苛細之稅何以作其氣而服其心況近年以來財政困於上物力亦絀於下五省鐵路任股非其財力有餘利而趨之也實以義務所在勉効

其涓埃之益以幾幸於要政之成該五省紳商之心力亦云
瘁矣而始有此路股之萌芽若因而摧之則勉於義迫於情
者率藉詞以去之耳各國之便商也於尋常營業猶不惜出
國帑以補助之五省鐵路爲國家命脈所關無力補助又從
而取盈爲揆諸政策毋乃不可查近年官物免稅本屬無幾
而路工材料所以邀免者誠以其籌款之難而成功之不易
也夫以借外人之債繼之以官力即不免稅其財力亦必較
優於商人商人於此苟請予特別之利益臣等以爲猶將許
之況又援例以請於後乎官力不足而語商力有餘殊非事
理之平在稅務大臣以五省鐵路所需材料較多方今財政
艱難籌款不易倘一律免稅於收項不無減色臣等受

恩深重具有天良何肯爲此損上益下之舉抑思五省鐵路必尅

期舉辦始有轉運材料之時亦始有照則收稅之日倘各省以不能免稅之故自生疑阻集股開辦迄用無成是稅收亦終屬虛懸而路政則隱貽實害欲求兼顧轉致兩傷反復推求未見其可且各省土貨藉路而通路成則貨出貨出則稅入鐵路材料之稅亦祇有此數耳若土貨則源源而來有什百千萬於路工之材料者今爲稅務計而不爲路工計是欲期稅之入而轉禁貨之出也至於潮汕係今日已成之路廣澳係與葡合辦之工情事各殊未可倫比粵漢前與美商立約尙有免稅之條今幸三省官紳贖回自辦乃並不獲享美商同等之利益恐亦非

朝廷所以子惠商民之至意總之稅項爲國帑之要需鐵路爲富彊之基礎不權衡利害之輕重無以定彼此之是非臣等往

復籌商意見相同所有該五省鐵路公司請免材料稅一節
擬懇

天恩准其與官辦之路一體暫行免稅粵漢鐵路雖未據該商呈
請前來事同一律亦擬懇

恩豁免以維路政而恤商艱如蒙

俞允即由臣等傳知各該公司欽遵辦理所有江蘇等省鐵路公
司所用材料擬請暫行免稅緣由謹合詞恭摺具陳伏乞

皇太后

皇上聖鑒訓示再此摺由農工商部主稿會同郵傳部辦理合併
聲明謹

奏

光緒三十三年三月十八日奉

旨依議欽此

郵傳部奏議類編

路政

會奏各省商辦鐵路材料請照官路一

卅五

一參議廳編修科

体習行免稅

議覆湖廣總督張之洞奏擬備價收買商辦鐵路摺

奏爲遵

旨議奏恭摺仰祈

聖鑒事光緒三十二年十二月初八日由軍機處鈔交湖廣總督張之洞奏嗣後商辦鐵路俟開車三十年後擬一律由官備價收買一半請

敕部議一片奉

硃批該部議奏欽此欽遵查原奏內稱外國鐵路有官辦者有商辦者凡商辦者至二十五年或三十年後官即備價收回蓋計路商所得之利已經數倍於本銀故國家買而有之誠以鐵路乃政權所繫故不永屬民間立法具有深意衡情亦尙平允從無永歸商辦之說即如現在德國奧國法國皆同斯

例至日本則議將全國鐵路概行收回並不能待至二十五年以後中國各省鐵路正在踴躍興辦之時則此例似宜早定懸爲明文免至將來流弊已形難於挽救竊擬各省鐵路如係商辦者豫爲明定章程俟開車三十年後即由官備價收買歸之國家但祇收買一半其一半商股仍存其中不動是永遠股本官商各半惟是中國民辦鐵路風氣初開若年限稍促或屆期全行由官買回則厚利不能長享此時商情不免疑阻即許以永歸商辦將來

國家籌款緊急時恐亦不能保其不改章程商民亦不敢遽信其永爲已產若既寬其期許以行車三十年後始行收買復留其業定以官祇收買一半則民情必然懽悅信服等語查商辦鐵路由官收買原係東西各國通行之例現擬收買一

半永成官商合辦之局亦係爲內重政權外維商業起見臣等伏維鐵路一端二十年前從未籌及嗣以外人覬覦日衆而國家財政支絀迎拒均難於是謀借洋款暫爲兩害就輕之計所有借款興辦之關內外京漢滬甯道清正太汴洛廣九等路雖利權不無外溢但較之東清膠濟滇越各路已屬漸復主權外人明知我造路維艱現猶日肆要求曉曉不已近來各省紳商力籌抵制集股舉辦如粵漢一路則逕廢合同川漢浙江安徽各路則相繼自辦此皆風氣日開共知藩籬自固亦我國路政發達之基礎也然現在商造鐵路籌款辦法較之各國路股一經出售立致巨金者難易迥分霄壤臣等再四思維所有築造鐵路自以官辦爲宜第

國家財力艱難則莫如招商自辦以輔官力所不及而欲商辦

之踴躍先求民信之相孚日本效法列強亟謀收回商辦之路此蓋全國路政已經成立且國勢日見強盛乃有此操縱自如之舉我國正在謀始之時將來國力是否充裕能否如該督所擬辦理此時實無把握竊維路政爲臣部專司亟宜悉心規畫使歸統一現擬派員分赴東西各國隨時考察並咨請各國駐使搜採書籍章程以資借鑑一俟調查完竣外仿列強之成法內準中國之情形再當全局統籌著爲律令另行

奏明辦理所有商辦鐵路備價收買暫請緩議緣由理合恭摺具陳伏乞

皇太后

皇上聖鑒訓示謹

奏

光緒三十三年四月初九日奉

旨依議欽此

郵傳部奏議類編

路政

議復鄂督奏擬備價收買商辦鐵路

卅八

參議廳編纂科

俄國交還營口海關餘稅請撥歸本部辦路片

再准外務部咨俄國交還營口海關稅項餘款銀六十五萬
四百四十二兩二錢五分七釐匯交上海華俄分行本部擬
將該款全數撥歸郵傳部應用除派滬道接收外希派員提
用前來當經電飭奏派臣部丞參上行走候補四品京堂鄭
孝胥就近在滬提撥解部茲准度支部咨本部奏准俄國交
還款內提撥三十六萬兩作為陸軍部開辦各項學堂經費
請仍查照奏案辦理其餘稅款本部需用甚急能否勻出若
干以資撥用等語查臣部綜理路政所有拔本還息籌備購
路以及借款之路工款不敷自築之路籌撥資本等項需費
浩繁全恃通盤籌畫彼此挹注現在自造之京張一路前經
督辦大臣袁世凱奏明在關內外鐵路餘利項下籌撥該路

工程尙未及半且應添修門頭溝枝路以便運道估計該枝路一項需銀六十餘萬兩上年十二月准前督辦大臣移交關內外鐵路餘利銀一百五十餘萬兩業已撥應購路要需以致京張路工急待接濟而門頭溝枝路訂購外洋大批材料鋼軌不日可以運到又需籌付價值寔屬支絀萬分與其息借外款致失種種利權何如將此項交還餘稅移緩就急外務部深知臣部爲難情形是以將此項撥歸臣部應用具有深意伏思興辦學堂與籌辦鐵路均屬

國家要政惟辦路向無的款可恃不得已而仰息外人但能少借一分之款即可少喫一分之虧况鐵路爲生利之源能早一日告成更早日見利當此需款萬急方擬向度支部商請協助此項餘稅銀六十五萬餘兩應請仍留歸臣部暫行

濟京張鐵路急需此外不敷容_臣等隨時籌畫再行

奏請指撥其度支部原在前項餘稅指撥陸軍部三十六萬兩

伏懇

飭由該部另行籌撥恭候

命下即由_臣部咨照辦理謹附片陳請伏乞

聖鑒訓示謹

奏

光緒三十三年四月初九日奉

旨依議欽此

請派大員監察粵路公舉總協理摺

奏爲請派大員監察粵路公舉總協理以維路政而洽商情恭摺仰祈

聖鑒事竊維粵漢一路前經署兩廣總督臣岑春煊奏明歸商辦理地方官專任保護維持一切財政及用人之權概不干涉商情踴躍數月之間交收二成小股銀八百餘萬元計認實集股本銀四千餘萬元當由發起集股之九善堂七十二行紳商代表員投筒公舉占多數之在籍丁憂道員鄭官應爲總辦候選道黃景棠爲副辦業經奏報隨據集衆公舉董事十三人亦經咨部有案然溯自該公司開辦後紳商意見不洽總副辦又未能和衷以致迭起風潮時有衝突最後則有查帳之齟齬開會之喧鬧種種擾亂路工因之稽遲遲此以

往勢必至渙散不可收拾鄭官應以居憂患病力辭總辦之職副辦黃景棠亦早告退以致公司事無專責議論紛紜情如散沙岌岌可慮而延不交股曾經咨部註銷有案之港商陳廣虞等及紳界中之與鐵路公司商人素有意見者又復起而相持屢滋爭鬪經前兩廣總督臣周馥電奏請派在籍侍郎伍廷芳侍郎銜裁缺太僕寺卿張振勳暫充權理奉旨允准惟迭據廣東股商九善堂七十二行暨香港上海漢口各處股商電稟衆情似未盡愜且原奏本稱權理意主調停自非將總協理早日舉定不足以靖人心而維大局在陳廣虞等之所藉口者無非以帳未查清及選舉不公爲詞經臣部電准前兩廣督臣周馥查覆該公司存帳業已查清用帳除撥付英款及購買外洋材料外公司零用尙屬不多復經臣

部電致前督迅將公司用款澈底清查一面將存帳查明無虧緣由宣布曉諭以安股東之心並飭公司速按商律公舉總協理現據粵商電稟定期五月初二日開股東正式會第恐無人監察彈壓保護又如上次之鬧鬧實屬不成事體相應請

旨特派廣東按察使朱壽鏞專任監察彈壓保護之事務須驗明股票發給入座憑券方得與有選舉之權其開會及選舉之日均由該司率同文武地方官及巡警員兵臨場監察彈壓保護一切悉遵照商律辦理以昭大公所有請派大員監察商路選舉緣由謹恭摺具陳伏乞

皇太后

皇上聖鑒訓示謹

郵傳部奏議類編

路政

請派大員監察粵路公舉總協理

四十二 參議廳編纂科

奏

光緒三十三年四月十九日奉

旨依議欽此

京張鐵路購用物料擬請援案免稅摺

奏爲官辦京張鐵路購用物料擬請援案免稅恭摺具陳仰祈
聖鑒事竊 臣部於光緒三十三年四月十五日接據京張鐵路局
詳稱該路係由

國家撥款興修所有購用鋼軌道木機車料物等項概行免納
稅釐經前督辦大臣袁世凱等奏准歷辦在案嗣經督辦稅
務大臣鐵良等奏准官運物料一律分別徵稅本年四月間
復經農工商部會同郵傳部奏准各省商辦鐵路所有材料
請照官辦暫行免稅擬懇援案奏請凡京張鐵路購用物料
進口及運入內地照舊蠲免稅釐以期減輕成本藉重利權
而維路政等語查京張鐵路係

國家自行撥款修造實爲官辦之路所有借款修築之官辦京

漢滬甯正太汴洛道清關內外廣九等處鐵路凡物料進口
免稅既經稅務大臣奏准於前其商辦之江蘇浙江福
建江西安徽五省鐵路材料進口暫行按官辦之例一律免
稅又農工商部會同臣部奏准於後現在京張一路既係官
辦即應援照官辦之例辦理查稅務大臣原咨內有京漢正
太等路訂明免稅係因官辦非商辦可比並非以事關交涉
特示優異等語是京張鐵路購運物料免稅與稅務大臣
原訂辦法亦非兩歧如蒙

俞允即由臣部咨照辦理所有官辦京張鐵路購用物料擬請援
案免稅緣由理合恭摺具陳伏乞

皇太后

皇上聖鑒訓示謹

奏

光緒三十三年四月二十九日奉

旨依議欽此

郵傳部奏議類編

路政

京張鐵路購用物料請核案免稅

四十四

奏議類編

接收鐵路檔卷摺

奏爲接收鐵路檔卷恭摺具陳仰祈

聖鑒事竊 臣部於光緒三十二年九月二十日奉

旨設立專司輪船鐵路郵政電報四政嗣於是年十一月十八日

准農工商部咨開本日奏准移交鐵路檔卷分裝三箱暨督

辦鐵路大臣盛宣懷原送京漢路圖兩箱帳冊一箱一併咨

送前來查原奏內稱舊卷十六宗新卷十宗編列檔目六本

以及圖冊表稿件一併移交以清界限等因經前 臣部尙書

張百熙督率員司照數點收隨於署中設立編案處酌派司

員清理逐一編輯以清事項而資熟練現經 臣等覆查無異

惟其中有應辦未結各件應由 臣部悉心稽覈次第接辦以

冀仰副

聖朝同軌之盛治所有接收鐵路檔卷緣由理合恭摺具陳伏乞

皇太后

皇上聖鑒謹

奏

光緒三十三年五月初九日奉

旨知道了欽此

派員查川漢路款摺

奏爲川漢路款轉轉關繫重要擬派專員前往清查以維路政而洽輿情恭摺仰祈

聖鑒事竊近年各省鐵路爭籌自辦冀以收回權利藉保富源

部綜攬全網有保護稽覈之責查川漢鐵路公司自前任四川督臣錫良奏請創設所訂招股章程雖分官股公股民股三項而連年公司所入獨特人民租股爲大宗開辦之初認股極爲踴躍乃聞現在租股殊實寥寥等屢加調查咸以爲人心疑沮實緣公司收支含混所致若不早予澈究無以昭大信而釋羣疑嗣由臣部約集四川京官詳詢一切僉謂目前辦法以清查股款爲第一急務旋據該省京官度支部主事涂熙雯等四十二人呈稱公司股本捌百萬兩始則銅

元局挪用貳百餘萬繼則公司銷費壹百伍陸拾萬報告簡
略噴有煩言該公司向稱認真浮濫當不至此應請派員詳
查等因前來竊維川漢一路踞長江之上游與京漢粵漢兩
大幹路並縮穀於漢口而總攬全國之運輸其軌綫約長二
千里需款約伍陸千萬兩若興辦之始即不能覈實恐鉅款
未易籌集而要工難以圖成自應遴派專員前往清查並令
公舉鄉望素孚之員會同辦理茲查有度支部主事王宗元
前由_臣派辦四川造幣分廠現駐成都到差未久該員實心
辦事爲守兼優派令鈎稽路款必能勝任旋據法部右丞曾
鑑等四十八人呈稱丁憂在籍河南候補道費道純才識操
守久爲同鄉信服經前任四川督_臣錫良奏調總司鐵路工
程該紳素性勁直必不肯隨聲附和等語查該道籍隸川省

既經該督^臣奏調復經鄉紳公舉足徵品行端正鄉望素孚擬令就近會同王宗元將川漢鐵路公司開辦以來一應出入款目悉心稽考認真覈算據實報部一面將實收實支實存數目共若干繕刻告示發給各府廳州縣徧行張貼並彙登各埠報章俾昭大信至租股取之農戶數多奇零應分爲大小兩種股票凡湊足一小股者照給息摺按年付利即由該員等商同地方官妥訂畫一辦法以免欺侵而溥公益^臣等爲慎重股本維持路政起見如蒙

俞允俟

命下之日由^臣部咨照四川總督飭行鐵路公司欽遵辦理所有川漢路款轉轄擬派專員前往清查緣由理合恭摺具陳伏乞

皇太后

皇上聖鑒訓示謹

奏

光緒三十三年五月十九日奉

旨依議欽此

會奏派充安徽鐵路總會辦並經理全省礦務摺

奏爲安徽鐵路擬派總會辦並經理全省礦務恭摺仰祈

聖鑒事本年五月十一日據安徽同鄉京官翰林院侍讀呂佩芬等二十六人呈稱安徽鐵路前經職等公舉候補四品京堂李經方爲總辦於光緒三十一年五月間呈請

商部代奏奉

旨依議欽此現李經方出使英國不能兼顧路政一切鳩工庀材招集股分籌畫經費各事非有公明廉幹鄉望素孚之員不克勝任查有前任廣西巡撫李經羲規模遠大擘畫精詳以之接辦全省鐵路必能日起有功等語呈請代

奏前來等查皖省鐵路近於購地設軌各事均已次第興辦正在施工喫緊而該路總辦李經方遠使英國勢難兼理若

不揀員接管深恐貽誤要工郵傳部查前任廣西巡撫李經羲才望素著信義交孚現據該省同鄉京官援案呈請合無仰懇

天恩准以李經羲接充該路總辦以順輿情而維路政再前總辦李經方因隨辦商約駐滬時多咨請臣部飭派分省補用道孫傳燾常駐蕪湖爲安徽鐵路公司會辦業由臣部加飭派充並分行兩江總督安徽巡撫各在案查孫傳燾辦事數月尙稱得力擬請仍派爲該路會辦以資協理又原呈稱皖省礦務前經同鄉公議自行籌款其事無一不與鐵路相同應將全省礦務歸李經羲一手經理以一事權而資實濟農工商部查路政與礦政本有輔車相依之勢路綫交通則鑛產獲運輸之利鑛苗發達則路工得修養之資李經羲以在籍

皇太后

大員兼顧統籌較易著手擬請一併照准如蒙
俞允即由郵部行知遵照辦理所有安徽鐵路請派總會辦並經
理鑛務緣由謹合詞恭摺具陳伏乞


皇上聖鑒再此摺係郵傳部主稿會同農工商部辦理合併聲明

謹

奏

光緒三十三年五月十九日奉

旨依議欽此

A large, empty rectangular frame with a thick border, possibly representing a table or a large image placeholder. The frame is oriented vertically and occupies most of the page's width and height. It appears to be a scan of a document where the content within the frame is missing or obscured.

嚴議程德全奏黑龍江省購置輪船並訂購路軌摺

奏爲嚴議具奏恭摺具陳仰祈

聖鑒事前署黑龍江將軍程德全奏江省購買輪船並訂購輕便鐵路軌一摺光緒三十三年四月初七日奉

硃批該部知道欽此欽遵由內閣鈔出到部原奏內稱江省僻處邊隅鐵路輪船實爲最要迭經派員在哈爾濱訂購小輪一艘拖船兩隻風船兩隻共需銀一萬二千餘兩又呼蘭府知府李鴻桂同知馬六舟招集商股各購輪船一艘備立航業基礎並派員與德商德茂洋行購定輕便鐵路共計銀八萬餘兩擬就甘河煤礦設法經營甘河通省之路水道則深淺不常山路則崎嶇間阻必須水陸兼籌車船接運現擬勘定路綫以便敷設分撥輪船俾資應用各等語查江省土物豐

饒礦產森林久著大陸徒以交通不便轉運維艱致使實業坐荒殊爲可惜該前署將軍擬就甘河煤礦水陸兼籌通道至省使物產有轉輸之利舟車獲修養之資二者交益用款既少收效良多洵爲江省目前之急務應即照准惟訂購輪船鐵軌各合同以及車頭材料各項物價應令開具詳細清單並將該處軌綫航路繪具簡明圖說一併咨送臣部以憑查覈至所稱用款約數係在何項動撥原奏並未聲明除由臣部知照該前署將軍咨明度支部另行核辦外所有覈議江省購買輪船鐵軌緣由理合恭摺具陳伏乞

皇太后

皇上聖鑒謹

奏

光緒三十三年五月二十九日奉

旨知道了欽此

會奏議覆陝撫曹鴻勛奏陝西鐵路宜聯豫甘兩省辦法摺
奏爲遵

旨議奏恭摺具陳仰祈

聖鑒事光緒三十二年十一月二十四日陝西撫臣曹鴻勛具奏
陝西鐵路宜聯豫甘兩省同力合作擬請

飭部奏

派大員督辦以一事權而專責成一摺奉

硃批著郵傳部會同度支部議奏欽此欽遵鈔交到部原奏內稱
西潼鐵路潼關以西歸陝自辦潼關以東歸豫自辦同時並
舉一氣銜接並將陝甘一綫認爲日後接辦之件嗣是河南
撫臣陳夔龍即有興築洛潼之議陝甘兩省京官又有聯絡
合辦之呈均經先後奏咨在案乃未幾洛潼一路河南來電

謂宜從緩陝甘一路咨商督臣久議未成可否請

旨飭郵傳部議奏

欽派大員督率三省路政易分辦爲合辦先由洛陽入手以次而西仍令三省督撫臣督同官紳分任籌款及購地彈壓諸事各等因郵傳部查由洛陽至甘肅之路關繫西北大局非合陝甘豫三省之力不足成此鉅工按汴洛借款合同第二十三款中國總公司如奉

國家准由河南府接展至西安府督辦大臣可以應允先儘比公司按照本合同章程妥商議辦倘中國

國家自行籌款或招集華商股本接展此路比國公司不得爭執等語是該合同已顯銜兩義如果亟籌自辦在我則無隙之可乘倘我一再因循在彼實有辭之可藉是以上年六月

間比公使以河南至西安鐵路請由比公使接造函商督辦大臣轉咨商部當經商部斥駁亦以豫撫奏請自辦在先有案爲辭倘再互相觀望日久遷延誠不足以保路權而杜口實原奏各項情形係爲大局起見自應仍著該撫臣曹鴻勳與陝甘河南各督撫從速妥商志在必辦合三省財力從洛陽入手展接而西以收得寸則寸得尺則尺之效督辦大員一節應俟各該督撫商議定妥籌有官款民款各項確實銀數再由三省公舉一員按照路章咨部奏

派以專責成而歸畫一此時暫無庸議至原奏所稱籌款三大宗一爲土藥加釐一爲鹽斤加價一爲積穀捐改爲路捐均已停罷無一可恃度支部查鹽斤加價前經晉撫以有礙潞綱奏請免加路捐致多騷擾業經停辦自應毋庸置議至土藥

加釐一節先經臣部以有礙統稅章程議駁請俟該省收數
暢旺路工辦每年准其酌撥數萬兩惟工鉅款微屬以實
行禁煙更難恃爲的款應准如該撫原奏所稱令三省督撫
督同官紳分任籌款近日各省自辦鐵路多係就地設籌但
使聲勢聯絡則衆擎易舉自無難及時興辦俟奉

旨後即由臣部咨照各該省督撫臣遵照辦理所有遵議陝西鐵
路聯絡三省辦理緣由謹合詞恭摺具陳伏乞

皇太后

皇上聖鑒訓示再此摺係郵傳部主稿會同度支部辦理合併聲
明謹

奏

光緒三十三年五月二十九日奉

旨依議欽此

郵傳部奏議類編

路政

會奏議陝西鐵路聯絡三省辦法

五十四

參議廳編纂科

粵路選舉總協理改派龔心湛監察會場片

再前據廣東鐵路公司股商電稟定期五月初二日開股東正式會選舉粵路總協理當經 臣部奏派廣東按察使朱壽鏞監察會場嗣以會期迫促恐外埠股東不及周知當由該司會商各股東改定六月初二日爲開會之期現該司已調補安徽按察使正任按察使鄭孝胥尙未到任應改派現署按察使龔心湛接辦屆期至會監察以昭慎重除由 臣部電飭該署臬司遵照外理合附片陳明伏乞

聖鑒謹

奏

光緒三十三年五月二十九日奉

旨知道了欽此

郵傳部奏議類編

卷

粵路選舉總協理改派龔心湛監察會場

五十五 參議廳編修科

奏派廣東鐵路公司總協理並頒給關防摺

奏爲廣東鐵路公司擬派總協理並頒給關防恭摺仰祈

聖鑒事本月初三初四初六等日據奏派監察粵路公司會議大員署廣東按察使譚心湛電稱初三日粵漢鐵路公司開股東會議是日率同地方文武暨警員於辰刻前往並派員協同公司執事員驗明入座票計發選舉票八百五十九張投筒者七百一十一張次日該署司復率同警員到公司查驗選舉股票以江西候補知府羅光廷被舉票數三百零六股數六十三萬三千九百三十七爲最多江西候補道黃景棠被舉票數二百六十股數六十萬四百八十八次之照章羅光廷應爲總理黃景棠應爲協理據羅光廷具呈請辭經該署司力爲勸勉懇請奏派前來旋據該議長夏揚生等電稟

前因查粵漢鐵路爲中國最大幹綫關繫至重頻年紳商意見參差屢起齟齬於路政大有妨碍總理協理必須得人此次所舉之羅光廷黃景棠二員票數既多自孚鄉望諒能和衷共濟力任其艱且此次投票係地方選舉初基風氣所關不止粵路未便聽羅光廷以一人之見告退致起推諉之端茲擬允從該公司所請派羅光廷爲總理黃景棠爲協理以洽輿情而重路政如蒙

俞允俟

命下之日即由臣部加飭派充並頒給關防一面咨行兩廣督臣遵照辦理所有廣東鐵路公司擬派總協理緣由謹恭摺具陳伏乞

皇太后

皇上聖鑒訓示謹

奏

光緒三十三年六月初十日奉

旨知道了欽此

郵傳部奏議預備

路改

奏派粵路總協理並給關防

五十七
參議館編印

請刊發滇蜀騰越鐵路關防片

再准雲貴總督錫良咨稱雲南滇蜀騰越鐵路於光緒三十二年三月開辦暫由善後局刊發木質關防以資鈐用咨請由臣部換鑄銅質關防等語查各省鐵路無論官辦商辦均應由部奏明刊發關防俾昭信守如江蘇安徽江西浙江福建山西等省歷經商部及臣部刊給木質關防先後奏明在案今滇蜀騰越一路自應照案辦理刊刻木質關防一顆文曰總辦滇蜀騰越鐵路事宜關防俟奉

旨後由臣部刊發該督交該總辦啓用以重路政至舊給木質關防應俟新刊關防頒到照例銷燬並將開用關防日期分別具復嗣後各省鐵路均由臣部奏請刊發俾歸一律謹附片具陳伏乞

聖鑒謹

奏

光緒三十三年六月初十日奉

旨知道了欽此

廣九鐵路擬派總辦並頒給關防摺

奏爲廣九鐵路擬派總辦並頒給關防恭摺仰祈

聖鑒事本月初十日准軍機處片交護理兩廣總督胡湘林請派

廣九鐵路總辦一電奉

旨胡湘林電奏悉該部知道欽此並據該護督電請奏派前來原

電內稱廣九鐵路前經周馥奏派在籍侍郎伍廷芳籌度旋

即因病堅辭而債票業經出售路工即將開辦應查照外務

部與中英公司所訂合同派委總辦一員總理路務查有二

品頂戴前四品卿銜廣西補用道魏瀚才長心細熟悉工程

堪以派充廣九鐵路總辦與岑春煊往返電商意見相同等

語查廣九一路係海陸要衝現在售票開工正關緊要且該

路借資英款交涉尤多自非得才長心細聲譽素孚之員不

足以資綜理 臣部總持路務一切用人行政皆有管轄考覈之責舉外省官局商局總會辦總協理各員均應先行報明 臣部如果委任得當自應據情代奏請

旨簡放以重路工查魏瀚前經岑春煊奏調赴粵襄辦洋務及總辦製造局等事卓著成績於輪路諸學極爲講求該護督電請派充廣九鐵路總辦自能勝任如蒙

俞允俟奉

旨後即由 臣部札派並照章刊給關防一面咨行兩廣總督轉飭該員遵照辦理除俟該局具擬詳章呈部覆核外所有廣九鐵路擬派總辦並刊給關防緣由謹恭摺具陳伏乞

皇太后

皇上聖鑒訓示謹

奏

光緒三十三年六月二十日奉

旨依議欽此

郵傳部奏議類編

路政

廣九鐵路擬派總辦並洽辦方

六十

一奏類編郵傳部

The image shows a large rectangular table with 12 empty columns. The table is defined by a thick black border. In the bottom right corner of the table, there is a small, empty rectangular box. The rest of the table is completely blank.

度支部等會奏議覆錫良奏籌畫滇省應辦事宜摺
奏爲遵

旨議奏恭摺仰祈

聖鑒事調補雲貴總督錫良奏籌畫滇省應辦事宜先陳大概情
形並懇

飭部迅議籌款一摺光緒三十三年三月十六日奉

硃批該部議奏欽此欽遵由軍機處鈔交到部據原奏內稱滇之
內政關於天下之大計滇省之根本而爲今日至要至切之
圖者莫如練兵鐵路兩端其尤亟不可待者則爲目前應辦
之賑務竊先綜斯數者賑款雖急猶爲一時之需路款雖艱
亦不能專恃公家之帑若夫練兵一事所關時局滇省至少
非練成陸軍一鎮駐紮適中無以備緩急而資鎮攝地處僻

郵傳部奏請編

路政

會奏議覆籌畫滇省應辦事宜

六十一

參議廳編

遠既不能如山東江北調駐北洋已練之軍而該省舊有各營或巡防鐵路或控馭蠻荒又不能裁原有之兵以補新練之餉且既練新軍則辦理須一遵定章萬不敢敷衍從事屢雜成軍以致有名無寔計常年額餉數固浩繁其開辦應購之槍砲裝服及建築營房等項恐較之沿海沿江各省勞費不止以倍前調雲貴督臣岑春煊於奉

旨後即由廣東撥運槍枝並調一營前往奴才現亦由川選帶一營並商護理督臣在川省陸軍餉需項下撥帶餉銀十五萬兩但此皆不過借助鄰疆稍資基礎所有編練新軍開辦常年一切餉項非先籌有的款無自經營應請

飭下部臣可否將滇省應行解部練兵之士藥統稅等項概准截留抑或照數指撥另款迅予核議以濟要需至滇省災情奴才

才在川督任內曾准部電飭撥鹽務餘款銀八萬兩當經立
飭匯滇並一面飭屬廣爲勸捐在案開缺督臣丁振鐸前已
派員分赴川黔探運米石岑春煊亦經籌款自越南購運惟
道遠運艱大抵須數石之費乃可致一石之米昨復電詢丁
振鐸暨該省司道據稱災區凡四十餘屬現在省城米價每
斗需銀八兩蒙自等處尤昂所辦賑糶須俟秋收後體察情
形再議停展爲日方長需款甚鉅等語奴才現先酌商趙爾
豐飭司由川提撥銀五萬兩即交滇省來川採米委員購添
米石迅運前往稍爲補助仰冀

飭部一面迅籌接濟一面由奴才到任後確審災情奏陳辦理滇
省鐵路論形勢已成補牢論事機則甫謀始前准丁振鐸商
籌滇蜀鐵路辦法奴才已認由四川合力通籌旋准來咨騰

越一路亦已設立公司惟修路之難莫難於集款滇路之重要該省士紳既已確知利害亟謀自辦籌集股本必能激發熱心奴才職任封圻自當深維公益力保主權惟是民力久匱矧在邊瘠之區辦事固賴官爲主持籌款亦應官爲輔導仰懇

飭下郵傳部統籌熟計酌濟鉅款以爲之倡抑或在於榆津蘆漢兩路所得盈餘項下按年的撥若干俾得早日興辦將來滇路告成即爲津蘆之子路滇疆幸甚大局幸甚等語度支部查該督奏陳滇省應辦事宜首舉練兵賑務鐵路三大端統籌並計實爲當務之急惟查雲南近年原有額餉改練常備續備各營共三十六營歲需銀七十餘萬兩後又添設剿游十四營歲需銀二十七萬餘兩經臣部暫將常年解部之新

加土藥茶糖煙酒釐金及減平整頓稅課等項銀十萬餘兩
儘數截留不敷之款並准其於本省騰越關稅項下就近提
撥供支在案今該督以舊有各營巡防控馭不能裁節急欲
編練新軍以資鎮攝除前調雲貴督臣岑春煊由廣東撥運
槍枝並調一營前往該督由川選帶一營並餉銀十五萬兩
外請將滇省應解臣部練兵項下土藥統稅等項概准截留
或照數指撥另款並據聲稱深知臣部艱窘督川數年練兵
辦賑巴塘桑披兩次軍務均設法籌挪未敢指請部款今滇
疆情勢不同不得不迫切呼籲等語查各省練兵向未取給
於臣部惟該省情勢岌岌與他省不同不能不量籌接濟該
省土藥稅收現已割歸自辦每年應行解部之練兵經費銀
十二萬兩固屬計授要需既據該督臣指款請撥應暫准其

照數截留以資挹注至於滇省賑務據前督臣丁振鐸兩次奏請撥款業經臣部先後撥給銀十六萬兩本年四月二十九日又據丁振鐸奏稱由司庫籌款派員分赴越南及川黔等省採運米石賑糶兼施且將各屬徵存之穀三萬六百餘石碾運災區等語今復據該督奏稱在川督任內准部電撥滙鹽務餘款銀八萬兩並飭屬廣爲勸捐岑春煊亦籌款自越南購運米石該督又由川撥款交滇省委員購添米石綜而計之數已不資惟旱久災重爲日方長自應亟爲籌撥擬由臣部庫款內發給銀四十萬兩除散放賑款外所有餘項即令該督臣體察情形撥作各項要需之用至所稱練兵一事滇省至少非練成陸軍一鎮駐紮適中無以備緩急而資鎮攝且既練新軍則辦理須一遵定章不敢敷衍從事屢雜

成軍以致有名無實等語陸軍部查滇省地屬邊要爲西南之門戶藏桂之輔車必須練有大枝勁旅扼要分駐乃足固藩籬而資緩急該督所稱至少須練陸軍一鎮方資鎮攝實與_臣部所擬辦法不謀適合第該省前已改編新軍步隊一協礮隊二營緣辦法未盡合宜歷經練兵處及_臣部核議奏咨令其照章更正各在案應請

旨飭下該督於原練新軍亟應釐正各事及現擬添練之步隊一協並礮馬工輜各營務照定章切實整頓分別編練以重戎政而紮邊防其有應商_臣部事宜仍隨時咨報以備攷核又原奏內稱滇省鐵路前准丁振鐸商籌滇蜀鐵路辦法_{奴才}已認由川合力通籌旋准來咨騰越一路已設立公司惟修路之難莫難於籌款懇

飭郵傳部統籌熟計酌濟鉅款以爲
路所獲盈餘項下按年酌撥等
俱屬南疆要地該督議次第築
隱固邊陲惟臣部現辦之路多
廣九各路無一不仰給借款即
漢須借撥正太關內外須撥充
奏明在案且此次收買奉新業
十三萬七千餘兩而京漢現正
致自失權利統籌各路寔屬無
爲緩圖擬請防照川漢辦法由
辦如謂邊瘠之區民力久匱查
程有外埠招股明文應責成該

霖兼顧統籌酌量辦理一俟各路洋債還清後再當寔力擴充酌爲協濟以擴路政而固邊防所有臣等遵議緣由理合恭摺具陳伏乞

皇太后

皇上聖鑒訓示再此摺係度支部主稿會同陸軍部郵傳部辦理合併聲明謹

奏

光緒三十三年六月二十二日奉

旨依議欽此

郵傳部奏議類編

路政

會奏議覆籌畫滇省應辦事宜

六十五

密陳京漢鐵路清還洋款期限摺

奏爲密陳京漢鐵路清還洋款期限恭摺仰祈

聖鑒事竊京漢鐵路與比公司借款籌辦利權外溢本應及早收回迭蒙

訓示周詳並

垂詢清還洋款限期仰見

聖明顧慮深長莫名欽感查借款合同第三款內開此項借款自一千九百零九年起分二十年期由比京總銀行按照合同附表拔還應於每年正月第二箇禮拜二日辦理又第五款內開在一千九百零七年九月一號以前中國不得增還股本或全還借款在一千九百零七年以後中國無論何時可將借款還清一經全還所有合同即時作廢各等語所謂自

一千九百零九年即光緒三十四年十二月初十日所謂
一千九百零七年九月一號即本年七月二十四日蓋自本
年七月二十四日以前中國不得增還股本即不得全還借
款自是年七月二十四日以後中國無論何時可將借款還
清若屆時未能清還則亦可自光緒三十四年十二月初十
日起分二十年期拔還事本聯貫文亦分明著在章程原無
疑義外聞未細讀合同全文僅於第三款所開斷章取義以
爲截至明年十二月初十日即不得全數歸還比公司之意
又逆揣中國一時無此鉅款特爲迫速其時期冀我向其商
議展長期限藉得利益乃於合同中強爲解說欲將第五款
第三款分作兩處各有辦法以惑衆聽遂至疑義紛然臣等
早有所聞更將合同細加研究並飭通曉法文員司將法文

合同詳加繕譯字字推求均相符合伏查京漢鐵路造成以後行車進款逐年增加將來粵漢川漢之路辦成利益更大且爲中國鐵路南行第一幹綫尤爲大局所係自應早日將全路贖還在未贖還之前比公司享有合同所載之權又逐年坐分二成餘利希望頗遠如有遷延日久難保不別生事端臣等再四籌商必須儘明年十二月以前籌款收回以保固有之利權而免意外之枝節除將贖路辦法商同度支部詳細擬議送交會議政務王大臣等議定再行具奏外應先將借款合同內所載清還年限詳細分析以紓宸慮而釋羣疑理合恭摺具陳伏乞

皇太后

皇上聖鑒謹

郵傳部奏議編

路政

京漢鐵路清還洋款期限

六十七

奏

光緒三十三年七月初三日奉

旨留中欽此

奏派高而謙充京漢鐵路監督施肇基改派京奉鐵路會辦
片

再蘆漢鐵路初由漢口接至蘆溝橋後又接至正陽門西月
牆邊定名曰京漢鐵路南北二千四百一十八里爲中國現
有鐵路南幹最長之綫關係極爲重要向由比公司備款修
築一切交涉全用法文上年建築鐵路局於長安街該監督
常川到局與各項洋員接洽現在贖路期近尤當先期布置
鐵路人才極少求一行車監督之選已難其人若能兼通法
文更屬絕無僅有現任監督施肇基於行車各務尙爲諳練
惟係專長於英文查有新授外務部右參議高而謙精熟法
文諳習中西法律在廣東隨同督臣岑春煊辦理交涉有年
遇事爭回利權不少臣暨知之最深歷次保薦去冬電調外

務部差遣現象

簡補外務部右參議^臣等再四詳度京漢鐵路現當最爲喫緊之時高而謙既精法文又習路政一時罕有其匹於此差最爲相宜^臣璧面商慶親王^臣奕劻大學士^臣那桐尙書^臣呂海寰意見相同合無籲懇

天恩俯准以高而謙兼充京漢鐵路總監督籌辦贖路各事於路政外交裨益匪尠至關內外鐵路現由新民廳接至奉天應即改名京奉鐵路地段倍遠事務更繁該路總辦周長齡吳家修兩員吳家修辦事諳練而素不習洋文所有交涉各事周長齡獨任其難目下更形喫重該處係與日人交涉多用英文擬派施肇基作爲京奉鐵路會辦可資得力如此一轉移間人地均屬相宜謹附片具陳伏乞

聖鑒訓示謹

奏

光緒三十三年七月初三日奉


旨知道了欽此

郵傳部奏議類編

路政

奏派京漢監督改派京奉會辦

六十九



--	--	--	--	--	--	--	--	--	--

遵 旨籌畫全國鐵路軌綫摺

奏爲遵

旨籌畫全國鐵路軌綫並繕呈圖說恭摺仰祈

聖鑒事光緒三十三年四月三十日軍機處片交兩廣總督岑春

煊奏鐵路亟應統籌全局預畫軌綫一摺奉

旨郵傳部議奏欽此原奏內稱鐵路之經緯版圖猶山川之經緯大陸非析分枝幹實無軌綫可言就今籌之當首定京城爲軌樞而區分海內諸軌爲東西南北四大幹四幹既定循而求枝於是或爲東幹之枝或爲西幹之枝或爲南幹之枝或爲北幹之枝等語查鐵路一政無在不附麗輿地即無在不關係兵商欲定軌樞當自講明地學始西人言地學派別有所謂政治地理者有所謂兵勢地理者有所謂商業地理者

我國津榆鐵路起於開平之運煤而京漢鐵路現僅達於漢口由是談路政者率以漢口爲軌樞或又移於西安以政治地理揆之均有未合蓋體國經野義尙尊王

輦轂所居遂曰首善禹貢所列貢道東西南朔皆歸本於冀州今京城當爲海內之軌樞斷無疑義據目前諸軌而論其南出者自當遵京漢軌綫達漢口俟粵漢路工抵武昌後跨江與接即可定爲南幹其北出者現修之路原有京張臣部前議覆肅親王善耆籌建蒙古鐵路摺內已聲明京張路成再展至庫倫更展至恰克圖即可定爲北幹其東出者關內外臣部於三月間議綫早已行車現既收回奉新更名爲京奉臣部於三月間議覆前署黑龍江將軍程德全創修江省鐵路摺內已議准由新民洮南齊齊哈爾抵愛琿一俟全工告蒧即可定爲東幹

其西出者現正自正太入手至太原以西仍聯屬同蒲更西則與陝西撫臣曹鴻勳所議由童關至蘭州之綫相接以達於伊犁即可定爲西幹此臣部籌畫幹路軌綫之情形也惟鐵路之用義取相聯故幹軌易明而枝軌難定是宜用政治地理區畫州縣之法析而分之南幹自京城迤南至鄭州分一枝由開封入安徽至信陽分一枝向江浦入江蘇至漢口分一枝入西安至武昌分一枝入江西至湖南分一枝入貴州更南至廣州分兩枝一爲廣九一爲廣澳一歷惠潮抵廈門一歷梧州抵桂林由是豫皖蘇浙贛閩鄂湘黔桂粵諸軌皆可定之爲南枝其北幹抵張家口後擬依察哈爾都統誠勳考察防原奏分兩枝一東趨熱河爲張熱一西趨綏遠爲張綏至庫倫又分兩枝赴內外諸蒙古由是蒙古熱河邊

牆諸軌皆可定之爲北枝其東幹至天津分一枝爲津鎮以通膠濟至溝幫子分一枝爲營口以通旅順至奉天分一枝東斜趨以與俄人承修之東三省路相接由是山東奉天吉林黑龍江諸綫皆可定之爲東枝其西幹至太原分一枝出大同以聯張綏至平陽分一枝出澤州以聯澤道至潼關分一枝出洛陽以聯汴洛至西安分兩枝一西北趨平涼入甯夏一西南趨漢中入成都其西南趨者則東聯川漢南聯滇蜀以與滇越滇緬接又西至蘭州分一枝出青海衛藏而聯印度由是晉陝甘新川滇青藏諸軌皆可定之爲西枝此臣部籌畫枝路軌綫之情形也又原奏內稱都會繁盛商賈輻輳之區定爲最急地域稍僻貨產較蕃之區定爲次急土瘠民貧產饒貨滯無關形勢之區定爲最緩其有關形勢者定

爲次緩又稱時重商家東南固急於西北時重軍國西北又急於東南等語臣等查鐵路一端誠不外兵商兩策大都西北臨邊便於軍國東南通海便於商家若定蒙藏設省之謀則庫倫衛藏爲急而青海熱河次之若資海陸交輸之益則粵漢爲急而川漢滇蜀次之比年路政大興蘇皖贛閩率出自紳商之籌辦滇黔晉陝又出於督撫之主持規則既覺參差財力尤形支絀相時籌度自必由便商入手乃可冀路有餘利以爲擴充軍用鐵路之資且一路工費動需鉅萬無論同時并舉財力難支即次第興工東南尙可集股於紳商而西北則必須借資於外債臣等詳覈各省官商鐵路圖說錯綜貫串繪爲總圖爲幹爲枝粗有端緒擬俟部章稍定即行派員借工程司携圖四出如有增改軌綫之處隨時注記並

將各省緩急情狀一一詳報部中屆時重繪詳圖附以簡表
一俟圖表告竣再行分頒各省俾得按圖對表劃段程功庶
幾各省得通力合作之資而部臣有提綱挈領之效此臣部
籌畫軌綫緩急之情形也斷而言之陸軍不强則鐵路臨邊
轉滋敵馬潛窺之患工藝不振則鐵路通海亦增外貨輸入
之虞欲利交通必先注重於整軍勸工兩大端而後軌綫縱
橫外可以便行軍轉餉之謀內可以收通商惠工之效此則
臣部與陸軍部農工商部所當通盤籌畫各任其難者也謹
先將現在各省已辦及擬辦鐵路繪圖列說恭呈

御覽所有遵議籌畫全國鐵路軌綫並繪呈圖說緣由理合恭摺
具陳伏乞

皇太后

皇上聖鑒訓示謹

奏

光緒三十三年七月十三日奉

旨知道了圖留覽欽此

The image shows a large, empty rectangular table with multiple vertical columns. The table is oriented vertically and appears to be a ledger or account book page. It has a thick border and several vertical lines dividing it into columns. There is a small dark mark on the right side of the table, possibly a staple or a hole punch. The table is completely empty of text or data.

廣東新甯鐵路公司請換關防摺

奏爲廣東新甯鐵路公司換給關防恭摺仰祈

聖鑒事本年七月二十八日接據廣東新甯鐵路公司總理鹽運使職銜陳宜禧協理廣西試用州同余灼稟稱新甯鐵路公司於光緒三十一年十二月赴商部稟請立案由廣東善後總局刊發鈐記稟請由部換給關防等情查各省鐵路無論官辦商辦均應由部奏明刊給關防俾資信守前於奏請刊給滇蜀騰越鐵路關防片內聲明在案今新甯一路自應照案辦理擬刊刻木質關防文曰總理新甯鐵路事宜關防
俟奉

旨後由部刊交該總理啓用以重路政所有換給關防緣由謹
恭摺具陳伏乞

皇太后

皇上聖鑒謹

奏

光緒三十三年八月初三日奉
旨知道了欽此

奏議御史葉芾棠奏整頓路政摺

奏爲覈議整頓路政事宜恭摺仰祈

聖鑒事光緒三十三年六月初五日准軍機處片交御史葉芾棠
奏路政多缺宜加整頓一摺奉

旨郵傳部知道欽此欽遵鈔交到部查原奏各條大旨不外定法
規清弊竇便商旅保利權臣等詳加考核有與臣部辦法不
符應免置議者有與臣部意見相同或業經舉辦或應俟將
來擴充者謹分別籌議爲我

皇太后

皇上縷晰陳之原奏內稱疏通財源之法不外客商貨物兩端但
計取盈商何以堪須重減車價俾人獲利便貨得流通一節
查鐵路車價應就各路成本及每年修養之費通盤籌算酌

定價目若任意減價勢必入不敷出又稱京漢路章由京至漢行李照一等計費倘報明開驗如係舊物即照四等計費徒使車站上下其手應改定章程行李概照四等貨計算一節查京漢本係借款最鉅之路付利還本全恃車價爲挹注行李運費前因商家夾帶貴貨避重就輕是以改爲特別運價如果並無夾帶自願驗明過磅者仍照各等貨物計算若明定章程概歸四等計算即難保無前項情弊至車站有意抑勒准由商客指控辦理尙無不合又稱車價車章各有異同應改歸一律一節查鐵路敷設路線有長短工程有難易地界有通塞資本有重輕是以路線短促之處減收則車價必虧輪舶交通之區多取則進款必少各國路章亦莫不因地制宜量爲增減凡此數端均與現辦情形不符請毋庸議

又稱鐵路兩旁宜徧種樹木一節查鐵路種樹不獨路基可資保護抑且枕木有所取材臣部前已通飭各路一律栽種冀收十年樹木之效又稱鐵路用人須有專門學問應先給薄薪隨時增加擇尤升轉一節查鐵路本係專門科學調任左侍郎唐紹怡在長辛店設有路務速成學堂原爲養成專門人材俾資任使至在路人員向由各該局覈計到差年期遞加薪水以示鼓勵仍隨時列表報部歷經辦理在案又稱車站員役凌辱客商盜賊充斥任意竊取以及各員需索舞弊各節查各路向章凡遇盜賊竊物准報巡警追查至員役欺凌需索各路向有華洋稽查專司探訪一經查實或罰鍰或斥革或監禁歷經分別懲辦道員柯鴻年舞弊營私前經奏參革職近來各路人員知所懲戒臣部復准商民隨時到部

呈控爲之澈底究辦積弊漸爲清釐至於用啓羅密達字樣以計遠近重輕實爲便於外人並非故欺旅客自開辦以來相沿如此且近日各局凡張貼各種表式多已改用華洋文合璧俾易週知凡此數端皆爲臣部業經舉行者也又稱各處鐵路所用機器材料多購自外洋殊屬非計務使悉用華產利權庶不外溢一節查各路合同凡購用材料無不先儘華廠應用無如中國工廠寥寥福建船政局製造料件多不合鐵路之用漢陽鐵廠從前每年所出無多致使大利外溢臣璧去冬過漢陽時詣廠參觀該廠現已擴充改良所製鋼軌驗與外洋無異將來儘可陸續購用近日大學士湖廣總督臣張之洞等奏聯合粵湘川鄂四省建設鐵路材料機器廠規模宏遠又商辦之揚子江機器公司亦經農工商部奏

准立案一俟各該廠成立自應先儘定購以塞漏卮又稱京漢鐵路河南不用北洋銀元河北不用湖北銀元至外國銀元鈔票則南北通用又銀錢出入收數找數未能一律各節查各路售票除成色較低之銀元不便行用外其南北通用銀元仍照常收用即通用之小銀元數在四角以下者亦皆收用惟車站經手人等難保無任意挑剔情事應由臣部嚴飭該監督總辦等認真稽查俟將來度支部頒定幣制後自可一律通用國幣以免參差至於男女分房以示區別廣建廠屋以蔽風雨現在京奉鐵路均已備辦此外或因規模草創未遑籌及或因款項支絀尙待經理凡此數端皆應俟將來次第擴充者也以上各條除情形實有空礙應免置議外其業經舉行者固不敢稍萌懈志即應俟擴充者尤未便置

爲緩圖其一切規章容臣等督飭各員詳悉擬議隨時整頓
奏明辦理以期漸臻美備所有覈議整頓路政各緣由理合恭
摺具陳伏乞

皇太后

皇上聖鑒謹

奏

光緒三十三年八月十三日奉

旨知道了欽此

請改派梁誠總理粵路摺

奏爲粵路總理乏人官商公請改派大員主持路政恭摺仰祈
聖鑒事竊維粵路收回自辦中外屬目關係匪輕嗣以股東意見
參商疊生齟齬本年六月股商請派員監視開會公舉在籍
江西知府羅光廷爲總理經臣部奏明札派在案旋接護兩
廣督臣胡湘林電稱據鐵路公司董事鄒甘泉及各股東李
石朋等稟稱粵路總理疊稟告辭比國漸生枝節須有才望
素孚者出而主持前出使美國大臣梁誠爭回購路功在人
心衆商悅服六月初二日開股東會議時該大臣遠在外洋
各股東尙多公舉現已回華更當公推擔任路事近羅光廷
因病辭差非迅舉總理不足以息內訌而杜外患乞奏請准
令梁誠留粵總理路事等情查粵路公司前經奏派羅紳光

廷爲總理該員再四稟辭兩月以來尙未接事總理一日未定則路工一日宕延梁誠素爲粵商信仰如得派充總理自足以維路政等因復據粵路協理黃景棠股東長劉小卓董事鄒甘泉等前後電部均以奏派梁誠總理路事爲請臣等查粵路開議之始衆情之踴躍集款之宏鉅實爲從來所未有祇以股商各懷私見致起爭端事經一年尙無收束新派總理羅光廷旣因病推辭路事需人主持勢難懸候前收回全路梁誠之力居多旣據護兩廣督臣胡湘林暨各股東等先後電請奏派前來該大臣敷歷中外資望甚深事關桑梓自應力任其難且選舉名次本列第三以之推爲總理事理固順輿論亦孚合無仰懇

天恩俯念粵路重要准派丁憂前出使美國大臣梁誠總理路事

以定羣議而竟全功如蒙

俞允由臣部行知該大臣迅速任事俾路工不致久延大局幸甚
是否有當理合恭摺具陳伏乞

皇太后

皇上聖鑒訓示謹

奏

光緒三十三年八月十六日奉

旨依議欽此

郵傳部奏議類編

路政

請改派梁誠總理粵路

七十九

奏議類編卷九

遵 旨展繪籌畫全國鐵路軌綫圖摺

奏爲遵

旨展繪籌畫全國鐵路軌綫圖恭摺

進呈仰祈

聖鑒事光緒三十三年七月十三日臣部具奏遵

旨籌畫全國鐵路軌綫並繪呈圖說一摺本日奉

旨知道了臣留覽欽此嗣因臣等於七月十四日

召見面奉

諭旨昨所進圖著展放重繪裝爲橫幅再行呈進欽此遵即督飭

司員比照原呈圖幅放寬四倍敬謹展繪查前次繪呈圖式

除輪廓不計外縱長合營造尺一尺三寸六分橫寬合營造

尺一尺六寸五分圖中路線比例爲九百九十分之一此

次所繪圖式除輪廓不計外縱長合營造尺二尺七寸二分
橫寬合營造尺三尺三寸圖中路綫比例爲五百六十分
之一枝幹各路較諸原圖篇幅寬展軌綫尙屬分明所有遵
旨展繪籌畫全國鐵路軌綫圖緣由謹恭摺具陳並將圖二分恭
呈

御覽伏乞

皇太后

皇上聖鑒謹

奏

光緒三十三年八月二十三日奉

旨知道了欽此

會奏核覆關內外鐵路第二案收支各款摺

奏爲核覆關內外鐵路第二案收支各款繕具清單恭摺仰祈
聖鑒事直隸總督袁世凱奏關內外鐵路第二案收支各款造冊
報銷一摺光緒三十三年六月二十三日奉

硃批該部知道單併發欽此欽遵由內閣抄出到部並准該督將
銷冊咨送前來臣等查關內外鐵路收支各款上案截至光
緒二十九年正月初三日即西歷一千九百零三年正月月底
止經該督列作第一案報由商部核明准銷在案現據續報
自光緒二十九年正月初四日起至三十年正月十四日即
西歷一千九百零四年正月月底止第二案收支款項臣等督
飭司員按冊核算四柱散總各數均屬相符既據該督原奏
聲稱此案報銷委係實用實銷毫無絲毫浮冒等語自應分

別准銷行查逐項開列另繕清單恭呈

御覽其三十年正月十四日以後收支各款應請

旨飭下直隸總督轉飭該局趕緊接續造報以重路政所有核覆

關內外鐵路第二案收支各款緣由理合恭摺具陳伏乞

皇太后

皇上聖鑒再此摺係郵傳部主稿會同度支部辦理合併聲明謹

奏

光緒三十三年八月二十九日奉

旨知道了欽此

謹將核覆關內外鐵路自光緒二十九年正月初四日起至三十年正月十四日止第二案收支各款繕具清單恭呈

御覽

計開

舊管項下

一據冊開結存洋銀十六萬六千四百七十五圓四角五分

查與上案實存數目相符

新收項下

一據冊開收客票貨票價脚共洋銀五百一十一萬四千九百

三十一圓九角八分查此款按照冊開月收數目以散合

總尙屬相符

一據冊開收大賠款利息洋銀三十萬四千三百十八圓七

角一分查此款據稱因庚子之亂本路被毀產業經華英公司呈由英政府列入大賠款內核算除由英軍代管鐵路動用英金九萬鎊外尙應收英金三十四萬七千鎊商明按長年四釐生息當由上海匯豐銀行交到自西一千九百零二年正月起到零三年十二月止共兩年利息英金二萬七千七百六十鎊每鎊合洋銀十圓九角六分零等語查核數目相符

一據冊開收大批借款洋銀六十二萬四千七百六圓一角八分查此款據稱於光緒二十四年息借匯豐銀行英金二百三十萬鎊除動用外至接收全路以後尙存英金四十六萬五千一百十七鎊十七先令五本土仍存倫敦匯豐銀行計是年分共收用英金五萬六千六百五十七鎊

二先令八本土等語查核尙屬相符惟前項借款計尙存四十萬八千四百六十鎊十四先令九本土現既仍存倫敦匯豐銀行理應按年收息計自存放至今有無收過利息應令查明聲復

- 一據冊開收第一次息借洋款洋銀二十八萬五千七百十四圓二角八分查此款據稱因接修天津西沽岔道暫借華款二十萬兩等語按照冊開時價以銀合洋合符前數
- 一據冊開收第二次息借華款洋銀二十八萬五千七百十四圓二角八分查此款據稱因清還商股本息暫借華款二十萬兩等語按照冊開時價以銀合洋合符前數
- 一據冊開收售出舊道木等價洋銀一萬八千七百二十六圓四角二分查此款按照冊開月收數目以散合總尙屬

相符

一 據冊開收唐山等處房地租價及房屋變價洋銀四千四百六十三元零五分查此款係鐵道沿路空閒房屋經各洋工程司隨時出租所得租價按照冊開細數逐一核算散總相符惟支款第五冊購買天津汽水公司項下聲明公司在山海關租用鐵路餘地每年租價洋銀一千二百圓此冊新收房地租價項下並未列收此款因何遺漏應令查明聲覆

一 據冊開收唐山製造等廠代製機件並售出材料價值洋銀四萬六千二百三十三元一角八分查代製各項機料照章應作價繳局此次列收數目以散結總尚屬相符

一 據冊開收各站廠繳回煤價洋銀三千九百二十八圓查

附近鐵路各站廠領用該路用剩殘煤自應照章繳價此
次列收煤價按冊開細數核算相符

一據冊開收唐山製造廠及各工程司售出爛鐵油桶雜料
等項洋銀二萬五千五百六十三元八角三分查此項用
剩爛鐵油桶各雜料既經變價列收辦理尙屬核實冊開
各數以散合總核算相符

一據冊開收各處撥還借墊各項雜款暨各廠站罰款等項
洋銀三萬一千九百五十八圓一角六分查此款按照冊
開各數核算散總相符

以上新收洋銀共六百七十四萬六千二百五十八圓
零七分內以鎊合洋及以銀合洋各數按照冊開時價
逐一核算均屬相符

開除項下

一據册開支津京各局總辦提調員司薪水公費洋銀十五萬三千六百八十八圓五角又支北京至新民屯各車站站長車守夫役等項薪工洋銀十二萬九千九百八十七圓四角又支各車站電報房司事人等薪工洋銀四萬八千二百八十八圓七角五分共洋銀三十三萬一千九百六十四圓六角五分查農工商部移交卷內關內外鐵路所用員司匠役人等前經該路局造具表册送部立案此次册開員司匠役人數及薪工數目核與原送表册均有加增惟據表册內業已聲明員司等時有更換薪工時有加減擬准照銷

一據册開支全路僱用洋員薪水洋銀三十萬七千四百八

十八圓五角四分八釐又支各醫院並洋醫生薪費等項洋銀二萬九千六百六十一圓七角八分共洋銀三十三萬七千一百五十元三角二分八釐查農工商部移交卷內關內外鐵路所用洋員洋醫生等前經該路局造表送部立案計表開車站職業共洋工六十四員又洋醫生四員此次冊報洋工七十二員較原表多八員洋醫生五員較原表多一員且表內各員薪水均定有額定數目此次冊報洋員月薪之外復有加薪亦與原表不符惟既據聲明員司時有更換薪工時有加減擬請准其照銷至鎊價一項各冊參差不齊鎊息冊內按月將先令價值合銀折洋開列購買材料冊內僅列鎊數洋數並無折合數目洋員薪水冊內則按全年時價牽合計算以英金二先令六

本土合行平化寶銀一兩而洋員拉頓伯里於西一千九百四年正月起由銀洋改支英金又減爲二先令四本土合銀一兩與鎊息冊內是年二月分時價二先令九本土七五之數相去懸殊應令查明聲覆並將嗣後冊列英金逐款註明先令銀洋折合之數以清眉目而昭核實

一據冊開支關內外鐵路巡警官弁兵丁薪餉共洋銀六萬九百四元五角二分查此項巡警本係調用淮軍其薪餉向由淮軍銀錢所於淮餉項下撥發由該路的給津貼茲據冊稱因淮餉短絀改由該路動撥並聲稱按照淮軍向章辦理等語查淮軍銷冊先鋒馬隊後營自二十八年三月毅字砲隊後營自二十九年正月先後撥歸鐵路支餉是年四月淮軍裁節四成核減薪費等因經度支部核准

在案今册造兩管均是步隊截餉日期亦不符合管帶薪水係四月後減定之數兵勇額數與減定數目大略相同惟兩營並不一律第一營幫帶爲淮軍原營所無巡兵較上案多支十名該營馬匹當時撥歸何處應令該督轉飭查明詳細聲覆

一據册開支鐵路巡警官兵津貼並彈壓文武員弁薪水共洋銀二萬六千四百八十七圓四角六分查與上案大致相符至撥用奉天巡隊支發津貼一節既據聲稱因洋帳房補行開送是以歸入本案列報等語自應准其一併銷結

一據册開支營口支應局員司差役人等薪工洋銀一萬七十九圓四角三分查此款據稱係接收全路時於營口設

立支應局以便支發各項工程因洋帳房補行開送是以歸入本案列報等語自係實在情形應准照銷

一據冊開支唐山等廠司事匠役人等薪工共洋銀二十七萬八千五百四十九元五角八分查各廠司事匠役核與該局前送表冊均屬加增惟據表冊內聲明此項員役人等不時更換薪工亦時有加減自係實在情形應准照銷

一據冊開支各站車頭廠機車處司事匠役人等薪工洋銀十六萬二千七百六十六元五角查前項薪工數目既經分晰造報應准照銷

一據冊開支各洋員房租川資等項洋銀二萬四千四百四十四圓四角八分二釐查此款係支發該路洋工程司與各洋員房租及往來川資等項之需既據冊內分晰開報

自應准銷

一據册開支購買外洋機器材料並驗收裝運各項料物費用共洋銀六十一萬六千六百六十四圓七角查所購機料等件均爲鐵道需用之品茲據聲稱由倫敦購料必經駐倫洋員逐細查驗方能運津並將所購物件按月按款詳細開列尙屬明晰應准照銷

一據册開支就地購辦各項材料共洋銀八萬七千三百八十五圓八角五分查此項材料係由內地購買爲建屋修道並各項器具之用既據按月按款分晰開報應准照銷

一據册開支購買各項木料共洋銀六十一萬八千九百四十九圓六角三分查此款據稱爲鐵路及房屋工程之用

歷由各洋行承辦等語詳加查核開列各數尙屬明晰應

准照銷

一據册開支購買煤炭共洋銀四十六萬一千三百七圓二角一分查煤炭爲行車及各廠日用必需之物據稱向由開平礦局訂購並開列上等次等各煤噸數銀數尙屬詳明應准照銷

一據册開支購用華洋紙張並刷印章程等件共洋銀四萬九千一百十四元五角四分查此項紙張據稱係各廠並車站報房日用之件爲數甚鉅隨時購辦等語所開價值核與上案大致相符應准照銷

一據册開支車站購辦傢具物件共洋銀三千五十二元查此款開支尙稱核實應准銷結

一據册開支唐山製造廠製造車輛並購材料共洋銀二十

萬七千八十五圓三分查修整客車製造車輛並應用各材料均爲鐵道要品既據聲稱所用款項均由總工程司按月分款開報應准照銷

一據冊開支鐵路巡警號衣靴帽槍彈等件共洋銀一萬九百六十二圓三角六分查所開各數目尙屬詳晰應准照支

一據冊開支電報歲修並添購器具各件共洋銀四千五百圓查此項係歲修電綫桿及添購各料之需業經前商部覈准有案此案請銷銀兩應准照銷

一據冊開支天津總局房租伙食雜支等項共洋銀四萬三千八百三十五圓八角五分查冊開各款核與上案大致相符應准支銷

一 據冊開支起卸關外貨物用費共洋銀一萬二千四百二十六圓查此款係因關外運貨蕭索由該路定章將客貨起卸用費加入車價之內即歸該路代付無庸客商自理係爲體恤商情起見應准照支

一 據冊開支撥還電報商局代收報費洋銀八千四百九十六圓八角四分查此項據稱係撥還代收商電局報費之需所開細數按月按款尙屬明晰應准照支至所稱該路局應收報費彙入車脚項下列收未免牽混應令嗣後將應收報費另行開列以醒眉目

一 據冊開支修造北京西直門外鐵路工程等項共洋銀二萬零六百二十一元二角三分查此段鐵路係於開辦數月後暫行停工所有設局購地各用款既據逐款開報自

係實在情形應准照銷

一 據册開支擴充北京前門外貨廠地基價值等項洋銀二萬二千七百六十八圓查擴充貨廠所有購地拆屋價值既據分款開報應准照銷

一 據册開支北京東月牆貨廠補發房價等項洋銀二萬八千七百五十六圓三角一分查此款據稱前英武官管理時擴充貨廠令各戶自行拆卸並未發價是以補給等語係屬體恤商民應准支給

一 據册開支續購通州車站地畝價值等項洋銀四千二百七十六圓八角九分查係擴充車站所有購地畝數銀數既據詳細聲叙應准支給

一 據册開支恭辦永定門馬家堡等處

大差共洋銀一萬五千九百二十一元七角六分查係是年調

陵大差所有恭備彩棚及鋪墊木器傢具等項價值開報尙屬明晰

應准支銷

一據冊開支添造天津新開河車站工程洋銀十六萬一千一百八十六圓四角四分查此段工程係二十九年正月添造爲暢通貨物起見所有購地畝數銀數既據分晰聲叙應准支銷

一據冊開支豐台洋工程司牛麻治經支洋銀六萬六千四百五十三圓九角一分又楊村洋工程司葛畢森經支洋銀三萬四千九百十八圓六角九分又支塘沽洋工程司德基經支洋銀二十三萬九百八十四圓四角又支新河料廠總管白臘克經支洋銀九千八百九十四圓六角四

分又支山海關洋工程司李吉士經支洋銀十五萬七千
五百二十七圓二角九分又支山海關橋梁廠洋工程司
郝烏經支洋銀六萬一千二百七十三圓二分又支溝幫
子洋工程司李區經支洋銀十九萬三千一百三十五圓
五分又支大凌河洋工程司勒比經支洋銀十五萬三千
六百六十七圓一角六分又支營口洋工程司喀克司經
支洋銀十五萬七千三百九圓六角二分又支營口料廠
委員鄭祐昌經支洋銀六千二百五十二圓三角三分又
支大虎山工程司鄺孫謀經支洋銀八萬四千二百四十
圓九角一分共洋銀一百十五萬五千六百五十七元二
分查以上開支十一款係屬全路各車站修路養路添購
各樣機料並洋員薪工之用據稱支發款項均由各該工

程司核支開報等語詳加覆核所支各數按月按款羅列頗爲清晰自應准其照銷

一 據册開支籌還大批借款利息並找補息銀共洋銀一百六十萬零五千二百四十七圓六角查此項借款自接收全路起訂明每月應付利息英金九千六百零七鎊五先令十本士所有册開按月支付並找補各數查核相符自應准銷至所稱西一千九百零三年正月分應付息銀因進款不足由洋帳房函達倫敦在大批借款內劃撥未列收支俟開報到日再爲辦理等語應於下屆案內查核

一 據册開支撥還商股本息等項共洋銀二十三萬五千九百三十二圓八角查該路商股除陸續撥還外至接收全路時尙存股本銀二十八萬四千七百兩以上長年六釐

行息按照所開撥還本息數目查核相符應准支銷

一 據册開支購買新河英武官海軍房屋等項共洋銀二千三百九十一圓查此項係由外務部知照該局接收所有應繳價值准其支銷

一 據册開支購北京車站通運公司棧房價值洋銀一千二百十八圓查北京地方除東交民巷一帶外餘均不准洋人置有產業此項棧房地地址既由該局與該公司議妥讓歸該路購買作為永遠產業所支價值銀兩應准照銷

一 據册開支購買新泰興洋行及沿途房屋等項共洋銀一萬六千六百零三圓三角五分查此項據稱係接路後與該洋行議訂合同將所設道路房屋允歸該路管業等語
所有開支價值自應准銷

一 據冊開支小洋虧水共洋銀一萬六千零二十八圓四角三分查此項虧水據稱由洋帳房隨時易換詳明作正開支等語應准照銷

一 據冊開支籌解坐糧廳通關稅款洋銀一萬七千六百圓一角二分查此款據稱自二十九年三月起由該路按月撥銀一千一百兩計解至是年十二月底連開共十一箇月合支前數

一 據冊開支補發天津季家樓地價洋銀五千九百零六圓七角三分查此款據稱因俄領事爭執由該路備價贖回等語應准照銷

一 據冊開支撥還第一次息借華款本息共洋銀二十九萬五千三百八十九圓四角三分查此款係接修西沽岔道

息借華款二十萬兩業於新收項下開報茲據聲稱將本銀及利息一併撥還查核相符應准照銷

一據冊開支贖回路銀票洋銀三百三元查此項路票現在已否全行贖回當時印用共數若干應令查復此款姑准照銷

一據冊開支給怡和洋行暨中英公司津貼洋銀六千八百七十一圓零八分查係該洋行等代管本路大借款應給津貼之需准其照銷

一據冊開支購買天津汽水公司股票價洋銀七千二圓八角查此項股票據稱訂有合同並經督辦大臣批准在案自應照銷

一據冊開支撥還代收蘆漢路運脚共洋銀二萬八千一百

零七圓六角八分查該路與蘆漢鐵路其運脚一項時有互相代收之處既據按月逐款開列應准照支

一據册開支還商棧暨工頭押款洋銀七千二百七十九圓一角七分查工頭運貨照章先付押款俟貨物運竣再將押款如數付還此項押款核與新收項下工頭文效等存款數目相符應准照支

一據册開支本路佔用旗民各地應付地租等項洋銀一千九百八十八圓八角五分查該路佔用民地自應按年照給租價此款准其照銷

一據册開支撥還庚子舊欠礦局煤價並工料等項洋銀二萬九千八百五十四圓四角五分查此款既據聲稱由總工程司查明驗收分別補發價值應准照支

一據册開支恤賞養傷等費共洋銀一千二百七十八圓七角八分查核所支尙屬核實應准照銷

以上開除洋銀共七百四萬四千三百十七圓八角八分內以鎊合洋以銀合洋各數按照册開時價逐一核算散總均屬相符

實在項下

一據册開不敷洋銀十三萬一千五百八十四元三角六分查此項不敷銀兩據稱由續收款內籌還應歸下屬開報等語俟下案造報到日再行查核

統計本案共請銷銀七百四萬四千三百十七圓八角八分按款核算散總數目均屬相符

各款

調用鐵路專門人員摺

奏爲調用鐵路專門人員以資器使恭摺仰祈

聖鑒事竊臣部綜轄輪路郵電四政必須有科學專門人員分任

其事本年四月間奏請

飭下外務部行知出使大臣考察留學生所學與臣部四政相關

確有心得足備器使者咨送差遣奉

旨依議欽此欽遵咨行在案茲據外務部咨准出使俄國大臣胡

惟德覆稱同文館學生知府銜分省補用直隸州知州陳瀚

鹽運使銜候選知府范其光均於光緒二十五年到俄預備

普通各學二十八年考入森堡鐵路學堂肄業每次驗試輒

列高等實爲學生中不多覩之才曾經商部奏調到部嗣以

未經畢業仍入俄校本年冬間爲該生等正課畢業之期此

後尙須實驗工程一年至明年秋間領畢業文憑屆時當咨
送回國聽候錄用並據出使荷蘭國大臣錢恂咨稱該生陳
瀚爲出洋學習路工第一成材各等語臣等查各省鐵路次
第修築工程行車諸務尙鮮專門或不免借材異地陳瀚等
既經留學八年於鐵路工程深造有得應請

旨將留俄學生知府銜分省補用直隸州知州陳瀚鹽運使銜候
選知府范其光先行調歸臣部仍俟實驗期滿即行回國到
部當差用其所長期於路政有益如蒙

俞允由臣部分咨檄飭遵照辦理所有調用鐵路專門人員以資
器使緣由謹恭摺具陳伏乞

皇太后

皇上聖鑒訓示謹

奏

光緒三十三年九月初四日奉

旨依議欽此

郵傳部奏議類編

路政

調用鐵路專門人員

九十五

參議廳編纂科

會奏新甯鐵路所用材料撥案請暫行免稅摺

奏爲商辦新甯鐵路所用材料擬請撥案一體暫行免稅恭摺
仰祈

聖鑒事接據新甯鐵路總理陳宜禧等稟稱職商承辦甯陽鐵路
綿長百餘里通盤計算成本過重獲利甚微恐難持久近查
廣東商辦鐵路公司所有機器料物一概免稅以及蘇浙閩
贛各省商辦鐵路亦已一律免稅職商等承辦甯陽鐵路事
同一律應照各省商辦鐵路料物免稅章程辦法懇請奏明
飭遵等情臣等查江蘇浙江福建江西安徽五省商辦鐵路
以及粵漢鐵路所用材料前經農工商部會同郵傳部奏請
一律暫行免稅奉

旨允准在案新甯鐵路雖不在當日奏准六路免稅之內均係商

辦鐵路與江蘇等路情形相同所稱本重利微亦係實情應請准其援案暫行免稅以恤商艱而利路政如蒙
俞允即由臣等分別咨行欽遵辦理所有新甯鐵路公司所用材料擬請援案一體暫行免稅緣由謹恭摺會陳伏乞

皇太后

皇上聖鑒訓示再此摺係郵傳部主稿會同農工商部辦理合併聲明謹

奏

光緒三十三年九月十四日奉

旨依議欽此

四川川漢鐵路公司援案請給關防摺

奏爲四川川漢鐵路公司援案請刊給關防以昭信守恭摺仰

祈

聖鑒事竊准護理四川總督趙爾豐咨稱四川川漢鐵路公司開辦之始曾由前督臣錫良刊給木質關防鈐用現既定名爲商辦川漢鐵路公司應遵照部章咨請奏刊木質關防以便領用等因查四川川漢鐵路經前督臣錫良奏請集股開辦設立公司並照章選舉總副理及續訂章程奏明在案茲據該護督咨請刊給關防俾資信守擬由臣部刊刻木質關防一顆文曰總理四川川漢鐵路事宜關防發交該護督轉飭該公司祇領並將領到及開用日期具報以昭鄭重至舊給木質關防應俟新刊關防頒到後照案繳銷所有刊給四川

川漢鐵路關防緣由理合恭摺具陳伏乞

皇太后

皇上聖鑒謹

奏

光緒三十三年九月十四日奉

旨知道了欽此

由奉運直糧米免收車費辦法摺

奏爲由奉運直米糧免收車費謹擬辦法以求實濟恭摺具陳

仰祈

聖鑒事本月十二日軍機處抄交翰林院侍讀學士惲毓鼎奏請

順直災區由奉運直糧米免收車費稅釐一片奉

旨著照所請該部知道欽此原奏內稱順直被災至明歲麥秋始
有新糧接濟莫如寬商販之稅脚使糧多價減實惠均霑擬
請

飭下度支部郵傳部凡有運奉天紅糧小米到順天府屬者免收
火車費并免各口稅釐至明年麥秋爲止等語在該學士目
視災區待哺情形以爲運費減省糧價可以漸平立意非不
甚善惟是鐵路仰給於餘利而商販每巧爲營私若不酌定

章程一概免收車脚未免漫無限制查奉天產糧以高糧小
米爲大宗常年除運直外並有運赴山東江蘇各省者即以
直隸一省而論亦非盡屬災區設因免收車價之故奸商爭
投巨資紛紛購運屯積居奇又或運直之後四出販賣恐災
民未受平價之惠而商賈轉坐收龍斷之利徒損國計無濟
民艱此糧石免費一節所當分別酌辦者也至於就京奉鐵
路而論則歲入之款實以米糧車脚爲多此路前借中英公
司二百三十萬鎊原議分年攤還本年在餘利項下撥洋一
百六十六萬元贖回新奉一路合同訂明東岸路工須由南
滿洲鐵路公司借款并自籌一半通共八十萬元現在統計
該路每年進款除行車養路經費薪工材料借款本息及一
切開支外所得餘利應解民政部北洋唐山路礦學堂南票

煤礦各經費京張門頭溝新奉西岸各路工道清借款利息
幾於入不敷出尙有必須推廣之路綫正苦無從籌措若將
由奉運直糧石概行免費則商販聞風趨利併力營運車載
全減行車之費倍增將來另籌應解之款復將何以爲計此
又不能不明定限制者也臣等正在籌議間據京漢鐵路道
員周長齡等將辦理爲難情形稟請覆核具奏前來查關內
外鐵路借款合同第七條載有如遇賑務政府運送糧食均
不給價等語是賑糧免價係指政府而言其尋常商販自不
在此例擬請由鐵路運載奉天紅糧小米如係直隸總督順
天府府尹籌款購辦以爲被災各區賑饑平糶之用者准由
該督等刊印護照填明數目以及運道起訖各行臣部飭令
京奉鐵路局轉飭各站驗明護照一概放行不收車費仍將

免過數目隨時報部一俟糧價稍平或免至若干萬石以上
應否續免屆時再體察情形奏明辦理一以普

皇仁於畿輔一以昭大信於外人斟酌權衡兩得其當如蒙

俞允再由臣部分咨遵辦至請免稅釐一節應由度支部辦理所
有另擬奉糧運直辦法緣由是否有當謹恭摺具陳伏乞

皇太后

皇上聖鑒訓示謹

奏

光緒三十三年九月二十一日奉

旨依議欽此

正太鐵路告成派員驗收情形摺

奏爲正太鐵路全路告成派員驗收情形恭摺仰祈

聖鑒事竊維正太一路與京漢幹路銜接起直隸正定府屬之石家莊訖山西太原府城計長四百八十四里有奇光緒二十八年九月由前督辦臣盛宣懷與華俄銀行訂立合同聲明三年竣事嗣以磋商軌式未決至二十九年七月經外務部奏明准用窄軌三十年五月勘畢興工本年八月全工告竣臣等委派丁憂候補五品京堂鐵路提調梁士詒帶同主事何啓椿關廣麟前往驗收旋據呈稱於九月初四初九等日先後督率華洋各員由石家莊開車逐段勘驗此路依山帶河獲鹿以東榆次以西稍覺平坦中間四百一十餘里層峰環繞下臨深谷山洞一十九最深者九百六十餘尺石橋八

百三十一最長者三百四十餘尺鐵橋七十三最長者四百九十餘尺車站三十四儲水塔一十二車頭廠六機器廠三鎔鐵鑪二鑄模廠一木廠一材料廠一道房四十九監工房一十二規模完備所有洞道石橋沿溪隄工均由華工包造堅細牢緻外人亦深羨服沿途多由石橋少用鐵橋實減用洋料之意各處鐵橋經用驗橋尺鍼試驗其動力靜力弧徑均能如式該路高低水平相差三千三百一十餘尺路線千尺須陡高至二尺一寸以致彎道極多蜿蜒曲折行車各員均須慎選專門業經飭知總工程司將水溝涵洞隨時疏濬道旁土埕加工削平以爲備禦水患之計汽車初抵太原之日局廠均懸龍旗士民稱慶等情前來_臣等覆查正太路綫半依峭壁半臨深流其橋梁山洞等工艱難險阻幸於三年

三個月內克底於成此皆仰荷

朝廷主持於上督撫及前督辦諸臣經營於下得以蒞此鉅工自來外人視國莫不以煤鐵之暢旺卜國勢之富強晉省鐵煤甲於中原沿路礦苗豁露從此轉輸利便礦務漸興

國與民均受其益現在工程完竣行車伊始所有分別辦事權限以收主權添設華員要職以相扼制通籌財政考核養路各節臣等督飭梁士詒等次第與借款公司洋商逐節磋商漸有頭緒務期實力振興以仰副

聖朝注重交通之至意至行車後豫算該路歲計出入另行奏明辦理所有正太鐵路全路告成派員勘驗緣由理合恭摺具陳伏乞

皇太后

郵傳部奏議類編

路政

正太鐵路告成派員驗收情形

一百一 參議廳編纂科

皇上聖鑒訓示謹

奏

光緒三十三年九月二十四日奉

旨知道了欽此

接收新奉鐵路及增改工程籌撥款項辦法摺

奏爲接收新奉鐵路及增改工程先後籌撥款項恭摺仰祈

聖鑒事竊查奉天至新民屯鐵路前由日本築造光緒三十一年十一月中日全權大臣會議由中國備價收回本年三月間外務部與日本使臣訂立合同奏明該路售價日金一百六十六萬元由津榆鐵路餘利項下籌撥在案臣部接准行知當由京奉鐵路餘利項下提付日金一百六十六萬元於三月十二日交日本使臣林權助收訖一面派京奉鐵道總辦道員周長齡等辦理接收事宜於四月二十一日按照日使交來清單將全路約一百二十里暨車輛材料器具點驗清訖自是關內外全綫由

京師直達奉天

兩京同軌悉慶蕩平當由 臣部奏請將該路定名京奉仍飭周長齡兼管在案查該路縮轂要衝於軍事實業諸端關係至爲切要今既收回自辦亟應改良盡善以期便利轉輸該路當日築造時本爲行軍而設工程既不合宜材料亦多窳劣其鐵軌距離較京新舊綫尙狹一尺二寸彼此車輛不能聯接必須展寬軌道方便交通而遼河木橋長約一千九百餘尺尤須改造鐵橋以免危險其餘工程材料急需添改處尙多察看全路情形幾須全行改築經飭總工程司等切實估計約須銀元一百九十餘萬元 臣等詳加覆核均屬實在要需自應預行籌備仍飭分期領用樽節開支惟 臣部現無存款該路所需一百九十餘萬元除遼河以東工款照外務部所訂接收該路合同應向日本籌借一半現議借銀元四十

皇太后

萬元外自餘一百五十餘萬元擬即由京奉餘利項下分年撥付以資挹注而重路工綜計全路增改工程約明年夏秋可以完竣現就原路急加修理業於五月十九日由京至奉全路通車一面趕辦增改工程庶尅日程工藉副朝廷興業便民之至意所有接收新奉鐵路及增改工程先後撥用款項緣由謹恭摺具陳伏乞

皇上聖鑒訓示謹

奏

光緒三十三年十月初四日奉

旨知道了欽此

農工商部會奏核議湖北水泥廠援案暫免稅釐分別辦理摺

奏爲核議湖北水泥廠援案暫免稅釐分別辦理情形恭摺仰

祈

聖鑒事光緒三十三年八月初八日內閣抄出前湖廣總督張之洞奏招商承辦湖北大冶水泥廠援案請暫免稅釐並准在湖北境內專利一片奉

硃批該衙門知道欽此查原奏內稱現在各省舉辦鐵路所用材料以鋼軌枕木水泥爲大宗鋼軌可取之漢陽鐵廠水泥一項外國謂之塞門德土凡築路造橋建廠等事均所必需臣查得湖北大冶縣黃石港附近地名台子灣所產石質於製造水泥極爲相宜經化學家考驗許爲上等合用質料當經

出示招商如有身家殷實能
開辦並予專利十五年以維
福建存記道程祖福稟稱向
招集華股三十萬兩情願承
案專利十五年並請

奏懇暫免稅釐以恤商艱等情
司講求實業已歷多年以之
日行銷各省足以收回外溢
廠總辦等語旋准該前督咨
查 臣部於本年三月十八日
奏各省商辦鐵路所用材料請
摺奉

旨依議欽此又 部於本年七月初三日具

奏華商設立公司製造鐵路材料援案暫行免稅以勸工業而

挽利權一摺奉

旨依議欽此均經先後通行各省欽遵在案茲湖北大冶縣台子

灣地方創設水泥廠既係由前湖廣總督張之洞招商承辦

並准予在湖北境內專利年限

奏懇暫免稅釐原爲維持路政杜塞漏卮起見惟事關稅項其
有無應行核議之處自應由稅務大臣酌核定奪以昭慎重
當經咨行稅務處查核去後茲准復稱查水泥一項用處甚
多不僅足備鐵路之用上年唐山洋灰公司所成洋灰亦係
機器製造經本處核准無論運銷何處均完正稅一道值百
抽五沿途概免重徵咨復北洋大臣有案今湖北水泥廠用

機器製造水泥正與唐山洋灰公司情事相同惟鐵路所需材料既奏明暫行免稅則水泥一項該公司運銷如確係鐵路所用者自應准照原奏暫行免稅其非鐵路所用者仍應援照唐山洋灰公司成案完納正稅一道以重稅課而示區別等因准此所有該廠運銷水泥自應遵照稅務處所議確係鐵路所需材料准暫援案免稅如非鐵路所用仍完正稅一道如此分別辦理似於稅課路工兩有裨益除所請專利一節應俟農工商部專利章程奏奉

允准施行後再行核辦外所有核議湖北大冶水泥廠援案暫免稅釐分別辦理緣由理合恭摺會陳伏乞

皇太后

皇上聖鑒再此摺係農工商部主稿會同郵傳部辦理合併聲明

謹

奏

光緒三十三年十月初四日奉

旨依議欽此

郵傳部奏議類編

路政

會奏核議湖北水沈廠暫免稅釐辦法

百六十一參議廳編數科

預算正太鐵路明年歲入不敷擬籌辦法摺

奏爲預算正太鐵路明年歲入不敷擬籌辦法恭摺仰祈

聖鑒事本年九月二十四日臣部具奏正太鐵路告成一摺內稱
行車後預算該路歲計出入另行奏明辦理等語竊以鐵路
工竣以後其一切管理之法純仿商業辦理必須預先統計
以覘一歲之盈虧經飭提調梁士詒督同華洋員司通盤籌
畫呈覆審定臣等再三詳核預算光緒三十四年歲出之數
約計借款法公司利息二百萬佛郎另撥資本利息二十五
萬佛郎局務車務廠務養路車站華洋員役薪費一百二十
九萬佛郎煤炭綿花機油銅鋼鑄鋤材料等項三十八萬佛
郎大修小修五萬佛郎共三百七十四萬佛郎以近日鎊價
合銀一百九萬八千餘兩預算光緒三十四年歲入之數約

計貨票進款一百七十一萬佛郎客票進款六十
以近日鎊價合銀五十一萬七千餘兩出入相抵
十八萬一千餘兩爲數甚多亟應設法補救伏維
興利與除弊並重草昧之路興利比除弊爲先營
運入手以期增益進款查沿路貨票以煤鐵爲上
境礦苗豁露惜商本微薄遇水輒止運道崎嶇
派農礦科畢業生譚天池商科畢業生陸夢熊
礦豐本紳者或由部酌附股本協助商力如井
遠者或接修枝路及小鐵路添築各車站之貨
以利轉輸並派工程司李大受洋員沙克測勘
至山東德州枝路爲交通津鎮路綫計統籌該
新添之資本於利息無虧於幹路有益凡此挹

即規畫久遠之基舉行尙須時日也目前籌辦之法應添設
商務司事二員在鐵路附近廣爲招徠隨時體察京津京漢
煤價以操縱運價漲落如須京奉京漢暫行減價以廣銷運
者亦酌量議減飭令該員恪守營業宗旨和平招待士商行
之數月積計進款能否增於豫算之外再行設法惟是鐵路
阻力一在水患一在釐捐水患害路在乎工程司之預爲防
範釐捐阻運在乎督撫臣之共體艱難倘諸事籌畫得當數
年後諒不至再有虧折現大功告成羣縷初起臣等惟有督
飭華洋各員切寔經理樽節動支以期毋負
朝廷經營路政之至意所有預算正太鐵路歲入不敷擬籌辦
法緣由謹恭摺具陳伏乞

皇太后

皇清聖鑒訓示謹

奏

光緒三十三年十月十七日奉

旨依議欽此

查明四川漢鐵路公司出入款目並酌籌辦法摺

奏爲派員查明四川漢鐵路公司出入款目並酌籌辦理情

形恭摺仰祈

聖鑒事竊查部前以川漢鐵路公司只收租股此外集資無多接
晤四川京官僉請清查股款復據法部主事涂熙雯等聯名
呈稱該公司挪用股本報銷簡略請派員澈查等語曾經據
情

奏派會辦四川造幣分廠度支部主事王宗元河南候補道費
道純就近清查以期核實茲據該主事等呈稱奉派後即赴
公司傳集收支員紳調齊簿冊文卷就收支存三款分年按
月就簿勾稽收款以各州縣報冊並票根證之支款以每月
報冊督批准銷印文證之存款以成都重慶各票商當舖

郵傳部奏議類編

路

查明川漢鐵路出入款目並酌籌辦法

一百九

參議通編嚴科

商存放息摺證之宜昌上海距川路遠均以近月報冊暨道員沈致堅紳士施典章電文證之自光緒三十年開辦之日起截至本年五月止綜計所支官股票股租股暨燈捐土釐各項除調任督臣錫良文提燈捐土釐銀六十餘萬兩抵作銅圓分廠虧短外實共收庫平銀七百五十七萬五千七百八十九兩有零支款以各州縣局用解費扣息獎賞並出洋留學調查鐵道學堂等項爲大宗勘路經費並工兵月餉次之修造購備各項又次之局用又次之計成都重慶宜昌三處一切共支七十四萬三千四百五十六兩有零存款則成都重慶宜昌上海四處實共存六百八十一萬二千九百三十九兩有零至有無挪用一節查調任督臣錫良創辦伊始奏定路股無論異日有何項急需絕不提挪惟三十一年以

後歲收股票租股約在三百餘萬以上年息四釐未籌保息之法彼時開工無期故將公司前後所收股銀陸續存放各商號生息省渝宜滬所存款項以票莊爲最鉅此外借撥及挪用如成煙總局二十萬兩製革公司四萬六千一百三十餘兩濟川源官銀行股本二萬兩湖北水泥廠股本二萬兩商務局紙廠公司一萬八千零八十餘兩皆一律認息與存放之款無異惟重慶銅圓局挪用款至二百餘萬兩係以公濟公意在獲利與別項朦混不同至於租股取之農戶數多奇零查該公司本年奏改商辦第九條章程云抽穀之股以租穀之多少不能定限數目但租股之數在五十兩以上者准其換取整股票一張在五兩以上者准其換給零股票一張其所餘奇零之數仍照租股專章給與收單自行收存俟

積成股數再行換領股票分爲大小兩股該公司業已著爲定章再重慶銅圓局共用過公司銀二百一十二萬六千六百九十三兩三錢三分九釐三毫五絲六忽一微收回銅筋變價銀一百二十九萬三千六百五十二兩五錢六分一釐九毫八絲零五微燈捐土釐抵過銀六十一萬三千六百五十一兩八錢六分二釐二毫九絲零三微籌還現銀三十萬兩共收回二百一十萬零七千三百零四兩四錢二分四釐二毫七絲零八微尙欠銀一萬九千三百八十八兩九錢一分五釐零八絲五忽三微以上各節均係認真稽核一面刊刻報告發給各州縣張貼並彙登報紙現將查明該公司出入款目造具表冊呈請核辦前來 臣等督飭司員按其表冊逐款復核與所呈各節均屬相符其未用股銀存放各商號

分撥各公司銀行按年生息係爲保息起見尙屬正辦惟年息若干及此次清查後出入各項四柱應令該公司每屆年終核算列表報告各埠並切實報部稽核以昭衆信重慶銅圓局挪用之款固與別項支用有間業經陸續抵還其尙欠銀一萬九千餘兩應責成四川督臣飭局設法還清至調任督臣錫良文提燈捐土燧銀六十餘萬兩原議作鐵路官股現既撥抵銅圓分局虧短此項官股應即註銷俾清界限將來該省如能籌出官款仍可隨時入股以上核擬各節恭候命下臣部分別咨照欽遵辦理抑臣更有請者路工爲全國交通之計股本係民生財產所關必衆人有所徵信而遠邇始能交孚必大吏力爲維持而上下庶無隔閡况川漢路綫三千三百餘里之長用款約計至七千餘萬兩之多全藉輿臣統

籌一切董率該省公正紳商始終經營不至款集路成不止
臣部綜理大綱務使官商一氣紳民協力始基一定漸底於
成以仰副

朝廷注重路政之至意所有派員查明四川漢鐵路公司出入
款目並妥籌辦理情形謹恭摺具陳伏乞

皇太后

皇上聖鑒訓示謹

奏

光緒三十三年十月十七日奉

旨依議欽此

議覆主事杜德與條陳川漢鐵路各節片

再前准軍機處鈔交都察院代奏度支部主事杜德與具呈川漢鐵路穀捐苛擾請統籌全局設法變通各節本年七月二十日奉

旨郵傳部議奏欽此當經咨行四川督臣確切查明並移會該省京官公同集議旋據該省京官署順天府府丞陳鍾信學部左丞喬樹枏法部右丞曾鑑臣部右參議李稷勳翰林院編修謝緒璠傅增湘等覆稱穀捐開辦三載大致妥貼變通籌款各節窒礙頗多其請派重臣監督並川楚聯合修路兩節事關奏案未便擅議等語呈覆前來臣部正在核議間本月十五日准軍機處鈔交護理四川總督趙爾豐奏查明鐵路抽租並無擾累籌款修路事宜請仍照舊辦理一摺奉

硃批著照所請該部知道欽此查該主事杜德輿所稱公司銷費並銅元局虧挪各款業經臣部派員查明另摺具奏其所稱抽穀煩擾擬變通籌款及另聘工程司聯合兩省修路各節均經該護督臣逐層奏駁編修胡峻實心任事勞怨不辭據該護督臣奏稱原呈所指詞近虛誣證之該省京官呈覆情形大略相同既經欽奉

諭旨俞允現在川漢鐵路公司應責成該編修胡峻會同在籍道員費道純認真經理以資熟手仍由四川督臣董率維持毋庸另派重臣監督轉致紛更延誤所有遵

旨議覆緣由理合附片具陳伏乞

聖鑒訓示謹

奏

光緒三十三年十月十七日奉

旨依議欽此

郵傳部奏議類編

路政

議覆主事杜德興條陳川漢鐵路各節

一百十三

參議廳編纂科

The image shows a large, empty rectangular frame with a thick black border. The interior of the frame is mostly white, but it contains several faint vertical lines that suggest a grid or a table structure. There are also a few small, dark marks or artifacts on the right side of the frame. The overall appearance is that of a scanned document page that has been mostly blanked out or is a placeholder for content.

請仍派喬樹枏爲川路駐京總理片

再四川川漢鐵路經前督臣錫良奏派學部左丞喬樹枏爲駐京總理嗣後奏派該左丞爲公司總理飭令回籍經理一切當經學部奏留在案現查該省鐵路創辦伊始事務殷繁官紳意見又復紛歧非得鄉望素孚之員駐京主持一切恐難集事擬請仍派該左丞喬樹枏爲駐京總理與該省官紳妥籌商辦毋庸回籍經理庶與部務無礙於路政尤有裨益
恭候

命下臣部分別咨照欽遵辦理謹附片具陳伏乞

聖鑒訓示謹

奏

光緒三十三年十月十七日奉

旨依議欽此

營口關稅餘款以三十六萬兩撥交陸軍部片

再查俄國交還營口關稅餘款銀六十五萬四千四十二兩二錢五分七釐前准外務部咨照全數撥歸臣部復經奏明作為京張築路之用奉

旨允准有案嗣准度支部咨稱前於議覆陸軍部奏請陸軍各項學堂款項案內由該餘款撥銀三十六萬兩旋又奏明仍以三十六萬兩撥交陸軍部其餘撥歸臣部均經奉

旨允准先後抄咨催撥前來當以該款業已撥充京張築路急需應俟設法騰挪再行撥還咨覆在案查京張路工需費甚急現正擬借款備用本難撥還前款惟陸軍部開辦學堂經費極關重要既經該部指撥自應如數劃還以清款目請仍由臣部擬籌京張築路項下如數提繳恭候

命下遵即分咨辦理謹附片陳明伏乞
聖鑒訓示謹

奏

光緒三十三年十月二十七日奉

旨依議欽此

正太鐵路工竣出力洋員擬請 賞給寶星摺

奏爲正太鐵路工竣所有出力洋員援案請

賞給寶星恭摺仰祈

聖鑒事竊正太鐵路本年九月間工竣通車業經 臣部將驗收情形及統籌款項各辦法先後奏陳在案查該路道險工艱任
用各洋員在事數年辛苦經營不無微勞足錄前關內外鐵路於光緒三十一年告成及京漢鐵路於光緒三十二年告成所有出力洋員經督辦關內外鐵路大臣暨外務部先後
奏請

賞給寶星均經奉

旨允准在案正太事同一律自應酌給獎勵以勸將來茲謹將尤爲出力數員分別擬獎寶星等第開列清單恭呈

御覽如蒙

俞允即由臣部咨行外務部欽遵辦理所有正太路工出力洋員
擬請

賞給寶星緣由理合恭摺具陳伏乞

皇太后

皇上聖鑒訓示謹

奏

光緒三十三年十月二十七日奉
旨著照所請外務部知道單併發欽此

謹將擬獎洋員銜名寶星等第繕具清單恭呈

御覽

總工程司挨士巴尼擬請

賞給二等第三寶星

副總工程司米來哈擬請

賞給三等第一寶星

養路總管拉伯海埃

廠務總管尼果拉

車務總管紀爾松

以上三員均擬請

賞給三等第二寶星

工程書記普爾鐸

郵傳部奏議類編

路政

正太工竣請

賞給出力洋員寶星

一百十七

參議廳編纂科

書記兼法文學堂教習布東

管理全路鐵橋工程郭伯

以上三員均擬請

賞給三等第三寶星

管理全路安軌工程雪麥

管理鑄鐵製造事宜華宜挨

以上二員均擬請

賞給四等寶星

京漢鐵路擬撥用官地摺

奏爲京漢鐵路擬撥用官地以便交通恭摺具陳仰祈

聖鑒事竊查京漢鐵路首站自正陽門迤西至宣武門外沿城安設軌道中有官路一條界在車站之間往來車馬橫斜越軌者三處年來時有衝突危險情形非將官路一律至鐵軌以南安設柵欄分別內外使民間車馬與汽車分道揚鑣不足以謀保安而通輻輳第改築官路必先將碍路民居移挪方可施功現擬改築處所適在宣武門外橋北迤南其沿河一帶官地民居佔造房屋參差排列應令一律遵讓查有宣武門外東月牆路北鑲藍旗官廳西面一段後面一段東首一大段足敷居民遷移之用前經京漢路局會同外城總廳周歷履勘並由外城總廳勸諭該處居民將沿途佔造房屋一

律自行拆卸指定移挪之地由路局酌給遷費該處居民各無異詞復由外城總廳申請民政部轉咨鑲藍旗將官廳左近空地商允撥用臣部續與該旗往返咨商意見相同實屬官民兩便此處宣武門外鑲藍旗滿蒙漢三固山官廳左近空地共三段應請永遠撥歸京漢路局應用以清界限恭候命下臣部鈔遵分別咨行辦理謹繕摺具

奏伏乞

皇太后

皇上聖鑒訓示謹

奏

光緒三十三年十一月初八日奉

旨知道了欽此

請換給廣東潮汕鐵路公司關防摺

奏爲廣東潮汕鐵路公司換給關防恭摺仰祈

聖鑒事竊查各省鐵路無論官辦商辦均由臣部刊給關防俾資
信守前已奏明欽奉

諭旨允准在案茲據潮汕鐵路公司總理頭品頂戴候補三品京
堂張煜南呈稱潮汕鐵路公司自光緒三十年開辦係自刊
木質圖記與部章未能一律請由臣部發給關防等情自應
照案辦理擬刊刻木質關防文曰總理潮汕鐵路事宜關防
俟奉

旨後由臣部刊交該總理啓用以重路政仍飭俟關防領到自將
原用圖記銷燬所有潮汕鐵路換給關防緣由理合恭摺具
陳伏乞

皇太后

皇上聖鑒謹

奏

光緒三十三年十一月初八日奉

旨知道了欽此

請更正預算正太鐵路款項數目片

再本年十月十七日臣部具奏豫算正太鐵路明年歲入不敷擬籌辦法摺內所列局務車務廠務養路車站華洋員役薪費一百二十九萬佛郎應作一百一十九萬佛郎歲出共三百七十四萬佛郎應作三百八十七萬佛郎約計貨票進款一百七十一萬佛郎應作一百一十八萬佛郎散數繕寫錯誤自應

奏明更正至原摺所叙出入相抵不敷銀五十八萬一千餘兩總數無訛合併聲明謹附片具陳伏乞

聖鑒謹

奏

光緒三十三年十一月初八日奉

旨知道了欽此

派員會勘吉長鐵路摺

奏爲派員會勘吉長鐵路估計工需以便議借興築恭摺仰祈
聖鑒事光緒三十三年三月初三日中日協定條款內開中國政
府自辦吉林省城至長春府鐵路將所需款項之半數向南
滿洲鐵路公司籌借又派令中國工程司會同日本工程司
履勘該路以憑估計該路需款完畢後應於六個月內與公
司訂立借款各等語經外務部奏准由部將應辦事宜次
第籌畫辦理在案事關借款築路亟應按照原約派員履勘
以期早日接修茲查有美國鐵路畢業生候選道羅國瑞熟
諳工程堪以派令會勘當即飭令會同日本所派鐵路技師
谷直諒測勘該路路線開列詳細工程估單覆核伏思此段
路線關係吉奉兩省交通前年中日兩國全權大臣會議時

日本業經提議展造再四力爭始改爲中國自行籌款築造如有不敷則由日本貸借十成之五是將來借款數目之多寡一視乎此次勘估工款之若何苟能於路工少糜一分即中國少擔一分之外債臣等務當責成該道核實估勘毋得稍有浮濫仍俟核定用款數目後再由臣部咨行外務部照商日本使臣按照協約訂定借款合同並查照光緒二十八年戶部原奏自行籌款辦法請

旨遵行所有派員會勘吉長鐵路估計工需議借興築緣由理合恭摺具陳伏乞

皇太后

皇上聖鑒再此次勘路添派調部行走工科舉人吳桂靈李宣威隨同候選道羅國瑞前往以資歷練合並聲明謹

奏

光緒三十三年十一月十八日奉

旨依議欽此

郵傳部奏議類編

路政

派員會勘長鐵路

一百廿二

奏議應編駁科

請留主事關廣麟仍行在部當差片

再准外務部咨稱本月十一日奏駐紮英墨祕古國參贊領事各缺照章揀員派充一摺本日奉

硃批依議欽此計單開三等參贊官擬請以員外郎銜郵傳部即補主事關廣麟試署等因咨照前來查臣部綜理路政頭緒紛繁而借款官辦各路尤爲煩劇該員關廣麟自到部以來研究借款合同稽核各項款目均能洞中肯綮實爲臣部不可多得之員現在正擬贖回京漢一路辦事需員未便令其離署擬請

旨開去駐美使館試署三等參贊官仍留臣部當差以資臂助恭候

命下由臣部欽遵分別咨照辦理謹附片具陳伏乞

郵傳部奏議類編

路政

請留關廣麟仍行在部當差

一百廿三參贊離編駁科

聖鑒謹

奏

光緒三十三年十一月十八日奉

旨依議欽此

擬改鐵路提調處爲鐵路總局並派梁士詒充局長摺

奏爲借款各鐵路擬裁撤提調處改設鐵路總局辦理恭摺仰

祈

聖鑒事竊中國創辦鐵路伊始規制未定從前商部與各路督辦大臣不相統繫特設郵傳部以統治之所有各路均歸部管理查東西各國事無大小必分立法司法行政三項然後事權始別責任乃專故日本遞信省官制內設鐵道局以任全國鐵道立法司法之事另設鐵道作業局專任官辦鐵道行政之事均係遞信省屬官蓋鐵道行政頭緒紛繁非郵部路政一司所能統籌兼顧前奏准另立提調處雖已分任其事惟欲劃清權界似非設局經理不足以持久遠而免疏虞查官辦京漢京奉正太汴洛道清滬甯廣九各路皆由外人借

款興築事尤軫軫該公司每以請派督辦爲詞今路
部辦則部臣應擔負督辦責任呼應乃得靈通惟亦
或有不便直接之處臣等再四籌商擬仿照日本鐵
局之規畧參民政部巡警總廳學部督學局之制設
名曰郵傳部鐵路總局即設臣部署中遴派局長總
各路事宜局長職守作爲差使一借款公司交涉各
部臣指揮接洽一與各國駐使交涉各事應由外務
者呈案核定轉咨一關於行政之事呈稿判行一切
下與丞參現行辦法從同如此明定責掌以立法司
屬之路政司而行政之事歸之該局局長以本部屬
督辦之事各路外交要務理財機關既免疏畧而在
尤藉以就近觀摩經歷練而才皆可用於路政實有

蒙

俞允擬派現充各路提調部丞參上行走丁憂候補五品京堂
梁士詒改充局長並隨時札派局員及酌留前提調處熟悉
路政各員分辦該局諸事從前奏設之提調處即行裁撤俾
歸簡易所有借款各路設局經理緣由是否有當謹繕摺具
奏伏乞

皇太后

皇上聖鑒訓示謹

奏

光緒三十三年十一月十八日軍機大臣面奉

諭旨著派候補五品京堂梁士詒充郵傳部鐵路總局局長餘依
議片併發欽此

郵傳部奏議類編

路政

改鐵路提調處為鐵路總局並派局長

一百廿五

各路應繳辦公經費餘款擬留作興學之用片

再查_臣部所管借款各路向有繳呈督辦大臣辦公經費京漢京奉滬甯三路月各繳銀四千兩正太一路月繳銀二千五百兩汴洛廣九兩路月各繳銀二千兩道清一路應月繳銀五百六十四兩現惟京奉京漢滬甯廣九四路按月照繳此外各路自去年十二月起均未繳足今既設立鐵路局辦理借款各事宜應催令各該公司仍前照繳存儲_臣部以爲開支鐵路局經費最爲名實相符此款全數解齊常年約計可至二十萬兩鐵路局綜理各路仍須僱用洋員繙譯人等費用較繁樽節劃支年約需銀六七萬兩所餘之款雖尙有十三四萬兩惟_臣部亟須儲備專門人才現正籌辦實業學堂經費無着擬將此項餘款留爲興學之用所有專款留辦

郵傳部奏議類編

路政

各路應繳辦公經費餘款擬留作興

一百廿六參議編纂科

學堂與原議督辦公費略有變通理合聲明謹附片具陳伏
乞

聖鑒訓示謹

奏

光緒三十三年十一月十八日軍機大臣面奉

諭旨着派候補五品京堂梁士詒充郵傳部鐵路總局局長餘依
議片併發欽此

請刊給正太鐵路局關防摺

奏爲刊給正太鐵路局關防恭摺仰祈

聖鑒事竊正太鐵路舊設工程局辦理購地築路事宜經前督辦鐵路大臣盛宣懷刊給關防在案現全路業經通車該局職任較前不同自應另給關防以資信守擬由臣部刊刻木質關防一顆文曰總辦正太鐵路事宜關防發交該局祇領開用並將舊給關防照案繳銷所有刊給正太鐵路局關防緣由理合恭摺具陳伏乞

皇太后

皇上聖鑒謹

奏

光緒三十三年十一月十八日奉

旨知道了欽此

議覆東三省總督奏移民實邊請免輪路川資摺

奏爲遵

旨議覆恭摺仰祈

聖鑒事本月十一日內閣抄出東三省總督徐世昌等奏遷民實

邊請免輪路川資一摺奉

硃批郵傳部議奏欽此原奏內稱黑龍江土曠人稀近年內外臣

工條奏多以移民實塞爲言惟需款浩繁非謀節費辦法仍

無實際內地輪路四通京漢一路已與京奉軌綫相接航路

由煙台以達營口取道尤便計赴江人民以直豫皖鄂及山

東數省爲宜刻正籌畫安插經費妥商就緒即遣員赴各省

設局辦理惟輪路川資所需過巨擬俟內地設局後隨時查

有赴江人民確數即由局員分給票照先期稟明郵傳部轉

飭鐵路各總辦並招商總局驗明票照一律放行所需路價輪船費概行豁免等語_臣等竊維移民實塞洵屬目前急切之圖惟京奉京漢各路均係

國家借款興修指路作抵專恃行車進款以爲拔本還息之需現在各路統計入不敷出勉爲支持不得力求撙節且各路合同所載免價減價辦法係專指賑糧軍械而言若議遷民免價無論進款減收應付爲難而核與借款合同亦多窒碍恐外人有所藉口查光緒三十一年正月間外務部會同商部戶部議覆安徽巡撫誠勳奏請抽收輪舟火車票捐摺內以火車擬收票捐顯與合同有碍未便遽行試辦奏奉諭旨允准在案此次遷民免價碍於合同事同一律未便照准應請毋庸置議至輪船免費一節_臣等悉心籌畫量力通融京

奉路局原置有輪船兩艘往來煙台天津營口將來遷民由
煙赴營或由津赴營當先飭局酌減船價以爲倡率其商局
輪船並由臣部電商署直隸總督臣楊士驤轉飭妥議茲據
電復爾年商况竭蹶勉爲其難由煙赴營船費商局擬減半
核收等情似此辦理於營業實邊均能兼顧一切辦法應俟
該省派員赴部從長酌議詳訂章程免滋流弊所有議覆緣
由謹恭摺具陳伏乞

皇太后

皇上聖鑒訓示謹

奏

光緒三十三年十一月二十八日奉

旨依議欽此

郵傳部奏議類編

路政

請撥東省等奏移民實邊請免輪路

一百廿九

參議廳編纂科

請鑄頒鐵路總局關防片

再本月十八日 臣部具奏改設鐵路總局請派局長經理一摺軍機大臣面奉

諭旨着派候補五品京堂梁士詒充郵傳部鐵路總局局長餘依議欽此欽遵在案查該局乃鐵路行政之機關局長有承上啓下之責任職掌綦要事務亦繁應照 臣部各廳司鑄頒印信成案請由禮部鑄造關防文曰郵傳部鐵路總局之關防以資信守恭候

命下欽遵咨照辦理先由 臣部刊刻木質關防頒給該局開用謹附片具陳伏乞

聖鑒謹

奏

光緒三十三年十一月二十八日奉

旨依議欽此

調充汴洛鐵路總辦等差人員片

再各鐵路總辦必須通達洋務熟悉工程之員庶能辦理得力挽回利權現辦汴洛鐵路河南候補道丁道源應即咨回原省當差查有京漢副監督候選道鄭清濂堪以調充所遺京漢副監督查有督辦電政事務存記道楊文駿堪以調充遞遺督辦電政事務查有會同辦理電政江蘇候補道汪嘉棠堪以委充除分別飭遵外理合附片具陳伏乞

聖鑒謹

奏

光緒三十三年十一月二十八日奉

旨依議欽此

The image shows a large rectangular frame with vertical lines, possibly representing a table or a document page that is mostly blank or heavily faded. The frame is composed of several vertical lines and a thick border. There is a small dark square on the right side of the frame, and a small horizontal tick mark near the bottom right corner.

請給湖南鐵路公司關防摺

奏爲湖南鐵路公司援案請給關防恭摺仰祈

聖鑒事竊據湖南鐵路公司總理順天府尹袁樹勛前國子監祭酒王先謙前法部左參議余肇康等呈稱湘路公司經升任湖廣總督臣張之洞奏派袁樹勛爲主持總理王先謙爲名譽總理余肇康爲坐辦總理欽奉

諭旨允准在案本年二月開辦理合繕具簡明章程援案請給關防惟袁樹勛前因羈留江甯曾經督臣迭次函電令余肇康勉任路事數月以來延至工程司首勘湘潭洙洲至長沙一路俟覆勘路事竣即行購地開工現在袁樹勛復經奉

旨來京供職此項鐵路關係全省深恐因此謠誑紛乘致生艱阻並請核奪等情前來查各省商辦鐵路公司奏明應由臣部

頒給關防茲據該總理等遵章呈請擬即刊刻木質關防一顆名曰總理湖南鐵路事宜關防頒給開用以資信守至湘境路線前於光緒三十二年六月經商部奏請歸商籌辦欽奉

諭旨鐵路爲國家之要政仍應官督商辦等因欽此並由升任湖廣總督臣張之洞奏派各總理分任局事現在據稱袁樹勛奉

旨來京供職並請核奪一節伏維湘省物產富饒首尾鄂粵本屬南幹軌綫要衝近來京漢交通粵路亦經興築若湘境無人經理將來粵工告蕪終莫收貫輸一氣之功尤恐外人乘間覬覦轉致別生枝節袁樹勛現即遵

旨來京余榮康係奏派總理自應責成該員勉任勞怨殫心經畫

俾竟厥功恭候

命下臣部欽遵辦理並令該總理等趕速購地興功無任延宕除將章程詳核再行奏明外所有湖南鐵路刊給關防各緣由理合恭摺具陳伏乞

皇太后

皇上聖鑒訓示謹

奏

光緒三十三年十二月初八日奉

旨知道了欽此

請飭湘粵鄂三省趕辦粵漢鐵路片

再粵漢鐵路爲全國軌綫南幹之要衝業經贖回自辦爲中外所屬目自應從速修築以期早日告成惟粵路股款雖足前因紛爭不已修建現未擴充湘鄂招股未齊開工尙須時日查從前江西福建安徽浙江等省紳商請辦本省鐵路均由商部奏明三年以後果係成效昭著即行奏與獎勵仍令接辦如日久無功亦奏明撤銷免致有名無實各等語均奉諭旨允准在案粵漢事同一律應由商部飭令三省趕速興工如到時尙無進步再由商部分別查明某省延擱即會同該省督撫另行設法籌款修築俾三省全路勿廢半途以重路政謹附片具陳伏乞

聖鑒謹

奏

光緒三十三年十二月初八日奉

旨依議欽此

擬添派四川漢鐵路公司總理摺

奏爲四川漢鐵路公司擬添派總理以專責成恭摺仰祈

聖鑒事竊四川漢鐵路公司業已成立亟應早日興工前經

部奏明責成編修胡峻會同在籍道員費道純認真經理並

奏派學部左丞喬樹枏爲駐京總理與該省官紳妥籌商辦

各在案現查該公司等擬先從宜昌一段興工所有收股購

地置料等項責重事繁喬樹枏遠在京師勢難兼顧成都公

司爲辦事根本稟商川督會集紳商統籌全局在在胥關緊

要且與宜昌相距過遠亦不能兼督路工臣等體察情形非

各派專員總司其事不足以資統攝查該路副理胡峻前經

督臣錫良奏充總辦嗣後奏派爲公司副理護督臣趙爾豐

於覆奏鐵路租股情形摺內曾稱其實心路務勞怨不辭道

員費道純前經錫良奏調回籍辦理全路工程稱其識解明通踐履篤實該二員自臣部派令會同經理以來規畫布置現已漸有頭緒擬即援湖南粵漢鐵路公司奏派三總理成案添派胡峻爲駐省總理費道純爲駐宜總理責令該員等將應辦事宜迅速會同籌議分別舉行仍秉承四川督臣主持一切如購買地畝及收集租股商力有所不足即由四川督臣派員補助庶官商合力可冀早日觀成至駐京總理喬樹枏一員應仍照舊任事以資籌度該員等以川人辦川路義無可辭經此次奏派之後務當壹志經營毋得借詞推卻以重路政而維公益將來辦有成效再當由臣部奏請給獎以資鼓勵如蒙

俞允臣部分別咨照欽遵辦理所有添派四川川漢鐵路公司總

理緣由理合恭摺具陳伏乞

皇太后

皇上聖鑒訓示謹

奏

光緒三十三年十二月初八日奉

旨知道了欽此

郵傳部奏議類編

路政

浙滬派川漢鐵路公司總理

一百卅六

參議廳編纂科

外務部會奏借款建造津浦鐵路合同業經畫押請派大員

督辦摺

奏爲借款建造津浦鐵路合同業經畫押請

簡派大員督辦恭摺仰祈

聖鑒事光緒三十三年十二月初十日准軍機處交片稱本日大學士張之洞等奏津鎮鐵路改爲津浦借款興修與德英兩公司改定合同一摺奉

旨依議欽此欽遵前來當經外務部遵照辦理繕寫華英文合同各五分知照德華銀行代表柯達士華中鐵路有限公司代表漢蘭德即於是日齊集外務部由臣敦彥將該合同會同簽字蓋印彼此互換訖臣等伏查此項鐵路連亘三省道遠工鉅所有勘量路線延聘總工程司分段設局各事宜頭緒

繁多責任綦重亟宜

特派督辦大臣按照合同內開各節會同三省督撫等次第經理以重路務而壹事權是否有當伏候

聖裁所有津浦鐵路合同業經畫押請派大員督辦緣由理合恭摺具陳伏乞

皇太后

皇上聖鑒訓示遵行再此摺係外務部主稿會同郵傳部具奏合

併聲明謹

奏

光緒三十三年十二月十八日奉

上諭尙書呂海寰派充督辦津浦鐵路大臣並著直隸江蘇山東督撫會同辦理欽此

請刊給湖南粵漢鐵路公司關防片

再查粵漢鐵路應飭令廣東湖南湖北三省趕速興工經臣部於本年十二月初八日附片奏准在案前據廣東鐵路公司請給關防業由臣部奏給廣東總理粵漢鐵路事宜關防開用湖南鐵路公司現在開辦粵漢一路與廣東事同一律所有前擬刊給之總理湖南鐵路事宜關防茲擬更定文曰湖南粵漢鐵路事宜關防以專責成而歸畫一理合附片陳明伏乞

聖鑒謹

奏

光緒三十三年十二月十八日奉

旨知道了欽此

郵傳部奏議類編

路政

請刊給湖南粵漢鐵路公司關防

一百卅八

參議編修科

請鑄督辦津浦鐵路大臣關防摺

奏為請

旨飭鑄督辦津浦鐵路大臣關防並先行刊給木質關防恭摺仰
祈

聖鑒事光緒三十三年十二月十八日內閣奉

上諭尚書呂海寰著派充督辦津浦鐵路大臣並著直隸江蘇山

東督撫會同辦理欽此欽遵到部查津浦鐵路原名津鎮鐵路

從前督辦津鎮鐵路大臣原有關防於光緒三十二年十月

經升任直隸總督臣袁世凱移交臣部酌量繳銷當以是時

津鎮鐵路尚未開辦此項關防業由臣部奏准咨送禮部註

銷旋於本年六月臣部奏請各省鐵路無論官辦商辦均應

由臣部奏明刊發關防俾資信守奉

郵傳部奏議類編

路政 請鑄督辦津浦鐵路大臣關防

一百卅九 奏鑄關防摺

旨允准欽遵通行在案現在督辦津浦鐵路大臣應行頒給關防相應請

旨飭下禮部另行鑄造文曰欽差督辦津浦鐵路大臣關防恭候命下臣部欽遵知照辦理應先行刊發木質關防交該大臣鈐用所有請鑄津浦鐵路關防緣由謹恭摺具陳伏乞

皇太后

皇上聖鑒訓示謹

奏

光緒三十三年十二月二十三日奉

旨依議欽此

會奏議覆廣西鐵路請歸商辦並撥助官款提倡摺

奏爲遵

旨議覆恭摺仰祈

聖鑒事內閣抄出廣西巡撫張鳴岐具奏廣西鐵路請歸商辦現已設立公所並撥助官款提倡一摺光緒三十三年九月十一日奉

硃批該部議奏欽此遵即電取該鐵路章程去後旋准該撫將辦事簡章咨送前來原奏內稱據廣西辦事公所所長在籍工部主事梁庭棟呈稱本省鐵路上年經同鄉京官呈請商部奏派廣東提學使于式枚爲總理本年二月廷棟復承同鄉京官公舉爲協理于式枚旋升郵傳部侍郎未便遙領路事遂將所有鐵路來往京外公牘彙交廷棟勉令從事竊維廣

西地瘠民貧集股不易若不先事組織終無成就可期擬先設商辦鐵路公所於桂林梧州兩處聯絡招股自備發起之列將來公司成立各員退爲股東公所即行裁撤其公司總協理另由股東公舉商辦年限定爲九十九年該所開支經費仰賴公家籌撥謹擬簡章呈候查核等情伏思廣西省四通八達凡天地自然之利無不畢具果能全省建築鐵路非惟湘粵滇黔之貨藉以載運即本省礦產運費已成巨宗該主事所請先設辦事公所并酌定年限撥助官款應准照辦查廣西上年溢額實官捐項前經奏請以一百萬兩爲擴充廣西鐵路礦務墾牧專款曾經度支部奏准在案擬即先就此款撥作該公所一切開支及各股東年息暨工程司勘路薪費之用一面飭令厚集股本勘定路線趕緊動工等語郵

傳部查桂省雖號蠻荒素饒物產徒以山徑灘流轉輸不便
 興築鐵路實爲今日要圖總理臣于式枚升任侍郎復奉
 命赴德考查憲政路事自難兼顧現在公司雖未成立而一切集
 款招股在在需人該主事梁廷棟曾經公舉協理既願自儉
 發起之列自應責成認真辦理現在開辦伊始集股爲難所
 擬先設公所爲公司之基礎應擬照准其請定年限九十九
 年查商辦鐵路由官收買年限曾經臣部於本年四月初九
 日奏明暫請緩議欽奉

諭旨允准在案該路擬定年限應俟採取各國章程參合中國情
 勢奏定後與各省商辦各路一律遵守現暫毋庸置議至所
 開簡章內指定路線一節查各處勘路定綫均先繪圖貼說
 送部詳核再行議准所有該省路線應飭勘繪圖說送部核

定其南甯龍州一帶關涉邊界尙須詳慎查核外務部查光緒二十四年間迭准法國使臣畢盛請由北海造至南甯鐵路及南甯接展鐵路由中法兩國商允仍照龍州鐵路合同底本酌辦暨由北海起不至南甯而至別處爲止將來若另造鐵路均應與法國公司或中國公司承辦等因經前總理衙門先後照復允准迨光緒三十年暨三十二年復准該國使臣迭次照會聲明前案復經商部以應俟將來該處商務興旺時中國自行設立公司再與法國公司商議照復各在案是此段路綫應先預留地步以期與法使商允之案不相違背其撥用實官捐款一百萬一節度支部查上年十一月間御史趙炳麟奏廣西民生極困懇將該省溢額捐款撥充路股又護理廣西巡撫張鳴岐奏廣西溢收捐款二百四十

萬兩請以一百四十萬兩撥充本年賑需以一百萬兩撥充
 廣西鐵路礦務墾牧專款各等因當經 臣部於併案議覆摺
 內奏明准照所請以爲振興實業之倡現在鐵路公所既經
 設立請先就此款撥作該公所一切開支及各股東年息暨
 工程司勘路薪費之用自應准其撥用作爲

國家補助股與各商股一律辦理至該公司成立以後實在提
 用若干應令隨時報部以資察核此外集股給利帳目報告
 各節尙屬妥協間有應刪應增之處均經分別釐訂謹繕清
 單恭呈

御覽如蒙

俞允即由 臣等咨行該撫轉飭遵辦再此次簡章所列僅係招股
 辦法將來公司成立之後一切辦事章程應咨該撫飭令該

郵傳部奏議類編

路政

會奏議覆廣西鐵路請歸商辦並

一百四十二

參議廳編纂科

摺以官款提借

公司查照部章詳細妥議屆時呈由臣部覆核再行奏明辦理所有議覆緣由謹恭摺具陳伏乞

皇太后

皇上聖鑒訓示再此摺係郵傳部主稿會同外務部度支部辦理合併聲明謹

奏

光緒三十三年十二月二十四日奉

旨依議欽此

謹將核議商辦廣西鐵路辦事公所簡章三十五條繕具清單恭呈

御覽

一廣西鐵路現未報部設立公司一切事宜無從統會茲呈准兩廣總督廣西巡撫在省設立商辦廣西鐵路辦事公所北京梧州均設立分所所員以認股至少在百份以上者充之認股未足此數者不得爲所員

二公所以組織鐵路確能實力開辦爲宗旨俟開股東會成立公司之日即行裁撤但裁撤後現定章程有應繼續者公司仍應接續遵守

三廣西鐵路從前未經確定爲商辦由公所呈請兩廣總督廣西巡撫奏明專歸商辦地方官監督保護不干涉用人

理財

四路綫

一由桂林上經全州以達湖南下經平樂賀縣梧州以達廣東

一由梧州經潯州貴縣南甯太平龍州以達南關

一由桂林經柳州來賓貴縣興業鬱林博白以達廣東

一由柳州慶遠思恩以達南甯

一由南甯經百色以達雲南

以上路綫其南甯龍州及附近南甯龍州一帶應候郵傳部會同外務部核明方准勘辦其餘均先勘繪圖說送部核准後再行興築每築一段應即隨時報部備查

五以上路綫外若有應勘應辦之路俟將來公司設立後再

行酌勘呈部核辦

六股本擬集三千萬元以五元爲一股計分六百萬股先集一千五百萬元以先交之四百萬元爲優先股其餘一百萬元爲普通股

七公所專集華股不收外國人股份惟原係中國人而兼有外籍者既經附股公所止認其爲中國人不得牽引外籍與公所稍有轉讓亦不得轉售與外國人若犯此章將其股本充公票摺作爲廢紙

八凡附股者統謂之商無論有無官職一體作爲股東所有各項權利一律從同

九優先股四百萬之數經收滿額即開股東會報部成立公司呈請關防倘優先股屆期雖未滿額連普通股之小股

並計已足四百萬之數亦即開股東會成立公司

十 優先股期以光緒三十四年四月底爲限屆期無論已否滿四百萬之數均即截止一經滿數雖未屆期亦即登報聲明優先股截止自後續附作爲普通股優先股截止時若四百萬外或有零數亦均作爲優先股

十一 優先股銀一次收足若因認股太多一時未能全數繳清亦可每股先繳銀一元掣回收條其餘仍須在期限前完交若未屆期額滿截止或期滿尙未繳清即將交到之銀作爲普通股之小股

十二 優先股遇有溢利先提二十成之三作爲特別報酬其餘紅利與普通股同

十三 普通股銀分三次收第一次每股收小股銀一元自章

程發布日起至光緒三十四年六月底截止第二第三兩次各收二元收銀限期續議第一二次收銀後掣回收條第三次收完即憑前兩次收條換給股票息摺

十四普通股年息紅利與優先股同惟優先股所得之報酬普通股不得一體均霑

十五發給收條股票息摺並無絲毫規費

十六股東交小股後所有續交股分銀數如於展限內不能續繳者即不得作為股東公司可將其所認股數另招他人承買接受以省軫軻得價不足仍照奏定商律辦理十七各股交銀後以下月初一起息週年六釐計算下次續交其息亦按下月初一續計至完數給股票時加給息摺以憑執據至光緒三十四年七月無論所收股銀多寡按

收銀實數年月統付年息一次以後遞年七月爲付息期
各股東憑摺到公所或公司領取若遠埠各處不便來往
由公司訪明各該處股實紳商代行經理期前登報通知
並將所收股分銀數報部存案

十八各股交銀省城在公所梧州在分所均隨收銀隨發收
條其餘遠近各埠當託股實商號代收續行登報通知
十九各股交銀俱以雙毫龍元九九五平兌收間有以銀紙
紋銀大元附交者公所按照時價補還水銀仍作龍元核
計將來發給利息亦按雙毫龍元九九五平付交

二十各股交銀後如將股分轉售與他人應由承受者將原
股東之股票息摺或小股收條統交公所報明籍貫姓名
住址經公所查無違背章程知照原股東俟覆信後方准

註冊過戶換給股票息摺其有票無摺有摺無票者概行不准

二十一凡遺失收條股票息摺准股東將其理由函知公所并詳細登報三家以上一月後並無別情該股東可邀有股分相當之人到公所擔保聲請方准補給其經遺失之收條票摺後縱查出仍作廢紙

二十二凡將股分當押售賣或有轉轄未清承接人止可與原股理妥公所未便強爲割斷

二十三各府州縣及外省外埠殷實紳商有募至百份依期全數完繳者送紅股一份作爲酬勞不滿百份者不給其自購至百份者亦照酬一份募優先股者紅股週息及紅利與普通股同募普通股者紅股週息照章折半以三釐

算其紅利則與普通股同惟紅股不能有議決選舉各權以示與實銀股東分別

二十四凡認一千股以上者有總協理之資格二千股以上者有管理銀錢之資格百股以上者有董事之資格

此條暫定大畧俟開股東會時由股東決議

二十五總協理董事俟公司成立日由股東會投票公舉無論何省人均可充當

此條亦俟開股東會時決議

二十六股東會未開以前公所如有應行會議之事當將事項及會所先期一月登報通知凡係股東無論何省人均可前來會議併由公所招待

二十七股東會未開以前有董事以上資格之股東如欲發

起會議應聯合股本至百萬以上交驗收條確實陳明發
起會議之理由公所亦即爲之定期發報通知合格股東
前來會議

二十八所收股銀由代收處彙交公所由公所所長副所長
管銀董事併就近附股多數之股東三人以上共同經理
存放香港銀行或內地票號及著名殷實銀號必俟公司
成立以公司名義提用此外無論何人何事不能動支若
路事不成原數交還各股東所有費用不向股東攤派
二十九開車後所有餘利除報酬優先股外以若干報効
國家若干爲公積若干爲在事人花紅若干爲紅利俟股東會
成公議

三十公所自開辦起至裁撤止所有一切開支以及工程司

勘路薪費統由廣西巡撫遵照此次各部議覆奏案撥款應用不動絲毫股本以符公司未成不用股本宗旨公司未成立以前每年終仍將一切開支及工程司勘路薪費造冊分報度支部郵傳部廣西巡撫備核

三十一各股年息無論現在將來應由廣西巡撫於指定的款內奏明按年由公家照數撥付俟公司成立後所得餘利足敷開支年息時可即停撥并遵照奏案每年由廣西巡撫及鐵路公所或公司將本銀息銀造冊報部查核三十二以上所撥用公款俟公司成立後算明提用若干應遵照度支部議准御史趙炳麟奏案撥作國家輔助股與各商股一律辦理將來國家別有需用或商公司退股或准退票轉售屆時再行酌辦

三十三公所設所長一人所內員司即由所長在合格各股東中選用各服義務不支薪水但由廣西巡撫酌撥公款量送夫馬

三十四凡該公所關於應行報告股東之件均須一併報明郵傳部備查

三十五此外尚有未盡事宜均遵照奏定路章商律及郵傳部將來定章辦理

機助官裁提俱

年終統計官辦各路待撥要需並擬提前籌付辦法摺

奏爲年終統計官辦各路待撥要需并擬提前籌付辦法恭摺

仰祈

聖鑒事竊維

國家建設鐵路其利約分兩端一間接之利如軍行迅捷土貨暢銷開通民智平均物價是也若是者不論路利有無贏餘國家均受其益臣部自當審度形勢急圖擴充一直接之利如行車餘利是也若是者營業之盈虧全視經畫之善否臣部自當熟權子母消息盈虛準因本取利之方施量入爲出之策其官辦之路前因借款時折扣太重及累年鏹虧過鉅以致資本不充工程遲緩尤當早圖補救藉善將來現計各路有行車已獲利者有行車未獲利者有路工未告竣者惟京

奉京漢已得餘利其餘京張正太滬甯汴洛道清各路餘利未見而工程尙興應辦之事甚多應籌之款自鉅且等公司酌議擬即加添撥款併日圖功使已開工者早日竣工已竣工者早日生利庶利源漸拓可爲挹注他路之需前虧亦借以彌補經飭鐵路總局局長及各路監督總辦總工程司等分別籌算統計各路需款約分四項一爲原估工程不敷之款計滬甯約銀九十三萬四千餘兩正太約銀六十餘萬兩一爲加增工程之款計新奉遼河西岸約銀一百零五萬兩滬甯約銀三十八萬餘兩京張門頭溝枝路約銀六十三萬餘兩一爲趕工提前撥給之款計京張需銀一百萬兩一爲籌付借款利息之款計道清需銀十五萬五千餘兩共約需銀四百七十四萬餘兩預計京奉京漢本年應得餘利除提

付京張路工南票礦本唐山路礦學堂經費並照章協撥各項用款外約餘銀二百萬兩有奇以之全數劃抵此外實尙不敷銀約二百七十四萬兩臣等再三考核該款係藉資本以營路利按之商業原理目前雖支此鉅數日後仍本息有歸若因款純而誤工程恐失運輸之利各借款公司亦因此屢請續借然續借必援據正合同其折扣吃虧更甚各路待用孔急臣部本無存款祇可設法另籌現先向戶部銀行借銀一百萬兩以應急需其餘一百七十四萬餘兩無可指撥臣部因籌辦各項要政用款浩繁現正需息借商款或仿直隸辦法募集公債擬俟籌有成數先行撥充應用其借募之款即以京奉京漢兩路光緒三十四年三十五年應得餘利作抵約計該兩年所得餘利准可陸續撥還不過以京奉京

漢之利撥濟各路之本一轉移間無合同續借洋債之吃虧
有早日完工獲利之成效所有息借商款辦法容俟體察情
形再行奏明分別試辦總期上裨路政下洽商情藉副
朝廷整飭交通之至意謹將各路需款情形開具清單恭呈
御覽如蒙

俞允即由臣部欽遵辦理一面督飭路員樽節開支並將各路進
支各款詳晰具報由臣部分別開單奏請覈銷以重公款而
維路政所有官辦各路需款及提前籌付各緣由理合恭摺
具陳伏乞

皇太后

皇上聖鑒訓示謹

奏

光緒三十三年十二月二十四日奉
旨依議欽此

郵傳部奏

路政

年終統計官辦各路待辦要需並

一百五十一

參議院編纂

提前籌付辦法

謹將官辦各路需款情形數目開具清單恭呈

御覽

一京張鐵路提前籌撥及門頭溝枝路工款不敷共銀一百六十三萬兩 該路前由升任直隸督臣袁世凱奏明撥京奉餘利修築全路均用華工程司爲中國自造鐵路之始現商辦各路因該路工員多諳建築紛紛招致自應早圖竣工以便騰出工員分布各路免致多用洋員且早一日行車即可早一日獲利該路原定每年撥銀一百三十萬兩光緒三十一年完工現據總工程司詹天佑稟報能於明年正月加撥銀一百萬兩則光緒三十六年可以完工計爲期可早兩年現擬除每年例撥一百三十萬兩外明年加撥一百萬兩又該路門頭溝支綫估價銀六十三萬餘兩向未指實的款

均經陸續撥付藉竟全工以期運輸獲利

一重修新奉工程用款約銀一百零五萬兩 新奉路軌式與關內外路綫不同材料亦多竄敗贖回後幾須全行改築估計工款除遼河東岸一段按條約應向日本息借一半約銀四十萬元外約不敷銀一百五十萬元前經臣部於十月初四日

奏明在案現擬折撥銀一百零五萬兩

一正太工程不敷銀六十萬餘兩 該路工款不敷五百萬佛郎三月間續據洋總工程司請添購車頭車輛須款九十四萬佛郎另此款利息三十萬佛郎共約折合銀一百八十八萬兩經臣部於本年正月二十七日

奏明不借洋款將京漢餘利一百六十八萬元全數撥用外計

尙不敷銀六十餘萬兩

一滬甯添築枝路碼頭棧房及添購車輛需銀餘兩 該路由滬到鎮業已通車惟該處河港

由水運鐵路貨脚難以增益前經該省督撫

奏准將漕米改歸火車運滬稍資補助惟須添造

河兼建吳淞碼頭棧房等以便取卸存儲並須敷運載統共須銀三十八萬餘兩

一滬甯工程不敷之款約銀九十三萬四千餘款合同本訂明借款三百二十五萬鎊另購地現前後共借過銀公司款二百九十萬鎊按之借本未足數因去年洋工程司所開估單每鎊年鎊虧共約四十四萬兩又估單預算行車

抵作工款現計進款祇有十萬鎊計不敷五萬鎊約折銀三十二萬兩又全路工程預算明年西三月完工現計竭力催趲亦須明年西六月底始完此三箇月借款利息須從工程款內支出計三萬六千二百五十鎊約合銀二十七萬兩又撥還淞滬官本原估十二萬五千鎊現經估實須加四千六百八十七鎊約合銀三萬二千餘兩四款共銀一百零六萬二千餘兩皆因原估單錯誤暨意料不及之事並非於估單外另有續估惟既添加款項經飭華洋員將不急工程認真刪減計尙應撥銀九十三萬四千餘兩

一道清借款應付利息銀十五萬五千餘兩 該路當時因福公司自造急於贖還所索贖價過鉅成本既重運道又非衝要以致行車進款入不敷出按照合同借款利息應由

國家設法彌補除本年上半期利息業經

奏明由京奉開支外計本年下半期應付利息一萬九千九百四十餘鎊合銀十五萬五千餘兩

以上總共須撥銀四百七十四萬餘兩除光緒三十三年京漢京奉應得餘利按照向章提撥各項用款外約餘銀二百萬兩全數撥用實尙不敷銀二百七十四萬餘兩

郵傳部奏議類編

參議廳編
覈科編輯

略

政

郵傳部奏議類編目錄

路政 起光緒三十四年正月訖三十四年六月

會奏擬訂鐵路地畝納稅詳細章程摺 附清單

改派廣東粵漢鐵路公司協理摺

黑龍江鐵路材料援案免稅摺

遵擬招商平糶減收火車運費辦法摺

調派京漢汴洛鐵路監督總辦等差片

派署右丞蔡乃煌赴江蘇會商滬甯鐵路釐捐辦法片

外務部會奏蘇杭甬鐵路改蘇為滬與中英公司訂定借款

合同摺 附合同

外務部會奏江浙商民承領部撥借款路歸商辦片

會奏潮汕鐵路材料免稅摺

郵傳部奏議類編 目錄 路政 五 參閱郵傳部奏議類編

官辦各路撥款不敷暫借英公司銀一百萬兩片

改派那右丞前往江蘇會商滬甯鐵路釐捐片

擬請改派安徽鐵路公司總理摺

滬甯鐵路改訂辦事章程摺

派道員鍾文耀充滬甯鐵路總辦片

知府李大受保案底銜錯誤請改獎片

萍潭鐵路擬改歸本部管轄摺

擬接築洙昭鐵路片

請給滬甯鐵路關防摺

擬議江浙鐵路公司存款章程摺

附清單

籌墊滬杭甬借款虧耗辦法片

議覆川漢鐵路擬仍遵奏准各案辦理毋庸派員督辦摺

請刊給萍昭鐵路局關防摺

道清鐵路光緒三十三年行車情形摺

陳明道清鐵路指撥款項已改他用片

請改派湖南粵漢鐵路公司總理摺

江西鐵路公舉總理並請另刊關防摺

遴員接充京奉鐵路總辦摺

京奉鐵路會辦施肇基離差片

遴員派充顧問官摺

改刊京張道清兩路關防片

續擬籌借路款以應急需摺

遵旨勸查商路修訂路律先擬大概辦法摺

派員先行勸查川漢鐵路摺

郵傳部奏議類編
目錄
路政

六

參議廳編纂科

請 賞滬甯鐵路洋員實星片

法部等會奏遵議黑龍江遺犯實邊摺 見前政

京漢鐵路被水衝損情形片

會奏核覆京奉鐵路第三案報銷摺 附清單

軍機處等會奏議覆道員崔祥奎條呈雲南要政摺

會奏擬訂鐵路地畝納稅詳細章程摺

奏爲擬訂鐵路地畝納稅詳細章程恭摺仰祈

聖鑒事光緒三十二年五月十三日商部會奏鐵路佔地納稅申

明定章一摺奉

旨依議欽此通行欽遵在案原奏內稱官紳承辦鐵路佔用地畝除官道官河本不納稅應無庸議外其購買民間地畝一經過割糧隨地轉即由各該州縣會同該處辦路官紳勘丈明確仍照原額科則歸入鐵路公司按年完納至借款官辦各路其合同條款切實載明不納地稅者暫行免收俟合同年滿照繳等語於各路納稅辦法業已分別聲明惟近日官商續辦鐵路逐漸增多情形亦互有不同亟應安定詳細專章藉資遵守現經臣等公同商酌除官款官辦及集股商辦各

鐵路應仍照原奏自過戶日起照原業主科則徵收地稅外其借款官辦各路所有資本均經利息折扣而來若取以納稅在

國家正供所賦爲數無多而各路擔承虛數本息實覺積少成多倘因此不敷續借受虧更鉅擬無論合同內有無載明不納地稅一律俟全路通車獲利再行照完其全路未曾竣工或工竣通車未獲餘利者均暫不完納以免多負外債至官商鐵路所佔官河官道前奏業經聲明不納地稅現擬凡未經官用及未撥與民用之官荒如經官商鐵路佔用亦均照此辦理又各省地方附徵之稅如畝捐隨糧捐等凡納稅之路應一併照納此外會勘納稅各辦法並詳訂專條似此斟酌損益度各路情勢之所宜補前奏所陳之未備庶幾推行

盡利於財政無虧於各路深有裨益謹會擬章程十條開列
清單恭呈

御覽如蒙

俞允即由部分別咨行欽遵辦理所有擬訂官商鐵路完納地
稅章程緣由理合恭摺會陳伏乞

皇太后


皇上聖鑒訓示再此摺由郵傳部主稿會同度支部辦理合併聲

明謹

奏

光緒三十四年正月十七日奉

旨依議欽此



謹將擬訂鐵路地畝納稅章程開列清單恭呈

御覽

一官商各路完納地稅均照原業主科則完納

一各地方附徵之稅如畝捐隨糧捐等納稅之路應一併照納

一官商各路佔用官河官路無庸納稅其餘官荒未經官用及未撥與民用者如經官商各路佔用仍准免納地稅惟業經官用民用從前曾經納稅者則應一併照納

一官款官辦及集股商辦鐵路應自購地之日起過割完納錢糧

一借款官辦各路俟全路通車獲有餘利再行照完未獲利時由各州縣將應免各錢糧行文該路彼此對核無訛報

郵傳部奏議類編

路政

會奏擬訂鐵路地畝納稅章程

一百五十七 參議院編印

知該省布政使司轉詳該省督撫咨度支部郵傳部立案

一借款官辦各路其未竣工未獲餘利者俟獲利之日由郵傳部咨照度支部轉行各該省起徵其已獲利之路應自此次奏定之日起徵以前所欠地稅概予豁免以清軫轍

一官辦各路應納地稅每年由各該鐵路局逕交該省布政使司一次收清其每畝完納若干應以該省報部每畝徵收之數爲準所有火耗平餘毋庸隨辦

一商辦鐵路所佔地畝應自購地日起知照地方官會同勘明每年仍按上下忙納交各該州縣

一官商各路租用地畝祇給地租其地稅由業主自行完納

一此項章程自光緒三十四年上忙起實行其官商各路辦理成案如有與此次定章不符者自此次奏定後應均改

照新章辦理


郵傳部奏議類編

路政

會奏擬訂鐵路地畝納稅章程

一百五十八

參議廳編纂科



改派廣東粵漢鐵路公司協理摺

奏爲廣東粵漢鐵路公司擬請改派協理恭摺仰祈

聖鑒事竊廣東粵漢公司上年經臣部奏派在籍江西候補知府羅光廷爲總理江西候補道黃景棠爲協理因羅光廷再四堅辭復奏派前出使美國大臣梁誠爲總理先後奉

旨允准在案嗣據梁誠電稱黃景棠自開商場勢難兼攝路事力辭協理之任經臣部准其辭退飭舉接充去後旋據該總理呈稱董事等謹遵商律會議舉羅光廷爲協理並稱羅光廷原舉坐辦專管財政毫無虧短嗣股東正式會舉爲總理謙讓力辭現值工程購地亟須得人羅光廷實稱協理之選應懇奏請派充等情前來續據各路董事等電同前因查羅光廷前經粵路正式會投票公舉票數至三百零六之多經臣

皇太后

部奏派總理因其堅意辭退致未視事現值路工喫緊復經
奉爲協理自屬公正誠實衆望允孚茲擬改派羅光廷爲協
理以洽輿情而重路政恭候

命下 部遵即加札派充並分咨辦理所有廣東粵漢鐵路公司
改派協理緣由謹恭摺具陳伏乞

皇上聖鑒訓示謹

奏

光緒三十四年正月十七日奉

旨知道了欽此

黑龍江鐵路材料撥案免稅摺

奏爲黑龍江鐵路材料擬請撥案免稅恭摺仰祈

聖鑒事竊准東三省總督黑龍江行省巡撫咨稱江省籌築由奉天至省城鐵路原定路線工程浩大未易興修擬由省城至昂昂溪站先修輕便鐵路以導先聲所需材料均由外洋購妥現已起運惟該路用款係由變通通肯荒務所收官兵津貼地價移撥集款維艱懇准將該路材料奏請免稅以維路政等情前來查官商建造鐵路如京張粵漢浙江江蘇安徽福建江西新甯等處所用材料均經臣部及農工商部先後奏請免稅奉

旨允准在案此次江省提用官兵津貼地價款項先修省城至昂昂溪站鐵路係爲整飭交通便利商民起見而款項支絀僅

愚挪撥較之集款興辦各路情形尤覺爲難自應准予援照
官商各路成案將應用材料暫行免稅如蒙
俞允由部分別咨照欽遵辦理所有黑龍江鐵路材料擬請暫
行免稅緣由理合恭摺具陳伏乞

皇太后

皇上聖鑒訓示謹

奏

光緒三十四年正月二十七日奉

旨依議欽此

遵擬招商平糶減收火車運費辦法摺

奏爲遵擬招商平糶減收火車運費辦法恭摺具陳仰祈

聖鑒事光緒三十三年十二月十六日御史涂國盛具奏順直饑

民待哺請

飭招商平糶免稅並減收火車運費一摺奉

旨著照所請該部知道欽此由軍機處抄交到部原奏內稱近畿

災區既廣待哺饑民尤衆奉天之錦州與河南之彰德向產

小麥小米紅糧價值尙賤與順直鄰省且有火車之便如招

商轉運分售平糶於三項粗糧酌減爲三等收費權宜數月

後不爲例則南北運集災區糧價自然輕減等語查減收運

費以期物價平均誠爲救荒善策臣部前因順直糧價昂貴

業飭京漢鐵路將糧米運章統列爲四等其大宗裝載並可

特予折扣較之該御史所請由二等減爲三等更屬從廉且近據升任順天府尹袁樹勛函商減收運價內稱彰德糧價核與京城市價不相出入應請無庸置議等語所有京漢運價自可不必更張其京奉一路官運賑濟雜糧業經臣部奏准暫行免價茲飭該路局再行核議據稱京奉糧米運脚向照二等貨物核收去年九月間因順直賑災減爲每噸每英里收洋銀三分現擬再加核減凡由關外運京糧米在二百英里以內每噸每英里仍減爲收洋銀三分由二百零一英里至三百英里每噸每英里減爲收銀二分自三百英里以外每噸每英里只收洋銀一分五釐自奉

旨之日起扣至四月底止過期仍照舊章辦理其非平糶糧米概不得援以爲例以示區別酌定每日由錦州運糧米十車入

京核計減價期內少收車價約洋銀四萬元等情臣等復加
考核該局所擬辦法比較向來定價已減去二成有餘公家
既少收四萬元糧商成本便輕市價自當漸落經飭准照辦
理以期商民均霑實惠藉慰

宸厯所有遵擬招商平糶減收火車運費緣由理合恭摺具陳伏
乞


皇太后

皇上聖鑒謹

奏

光緒三十四年正月二十七日奉

旨知道了欽此



調派京漢汴洛鐵路監督總辦等差片

再兼充京漢鐵路總監督外務部右參議高而謙現蒙

恩簡授雲南臨安開廣道缺所遺京漢鐵路差使事繁責重現在
籌議贖路諸待布置非有嫻習外交熟悉路務之員不能勝
任查有現充汴洛鐵路總辦候選道鄭清濂深通法文在京
漢供差多年情形極爲諳習堪以派令接充其汴洛總辦一
差現在路工未竣兼須籌辦行車各事宜亦屬關係緊要查
有現充廣九鐵路提調知府用分省補用直隸州知州丁平
瀾學有專門才識優裕堪以派令接充除分別檄飭遵照外
理合附片具陳伏乞

聖鑒謹

奏

等差

光緒三十四年正月二十七日奉

旨知道了欽此

派署右丞蔡乃煌赴江蘇會商滬甯鐵路釐捐辦法片
再江蘇現定火車釐金章程係按照水卡每道征收滬甯鐵
路車運日見減色於養路還款兩項不敷甚鉅亟應遴派大
員前往體察情形會同兩江總督江蘇巡撫妥籌辦法查有
臣部署右丞左參議蔡乃煌堪以派往一俟商辦粗有端緒
即行回京往返爲日無多所署右丞一缺應請無庸派員兼
署謹附片陳明伏乞

聖鑒謹

奏

光緒三十四年正月二十七日奉

旨知道了欽此

外務部會奏蘇杭甬鐵路改蘇爲滬與中英公司訂定借款
合同摺

奏爲蘇杭甬鐵路改蘇爲滬與中英公司訂定借款合同恭摺
具陳仰祈

聖鑒事竊蘇杭甬鐵路於上年七月間由外務部右侍郎汪大燮
與中英公司商訂正約未就復由署侍郎 敦彥與該公司
接議擬分辦路借款爲兩事路由中國自造除華商原有股
本儘數備用外仍需款英金一百五十萬鎊向英公司籌借
另指的款作抵俟商議就緒即與訂立合同至造路辦法再
會同郵傳部妥商辦理等情業經外務部於九月十四日具
奏歷年與英使商論情形暨磋商借款辦法摺內詳晰陳明
當奉

諭旨著外務部即派員按此妥爲議定詳細章程務期利我民商
慎防流弊等因欽此欽遵在案嗣因江浙兩省紳商於此項路
事原委未能洞悉兼之津浦鐵路借款合同亦未定議致未
暇同時並舉迨十二月間津浦合同奏准畫押後即酌派外
務部右丞胡惟德右參議高而謙等按照津浦合同底稿並
參以江浙兩省現時情勢暨該省督撫等迭次來電另與中
英公司代表漢蘭德逐節磋商復爭執至月餘之久始行定
議臣等詳加酌核所訂合同二十四條名爲中國
國家滬杭甬鐵路五釐利息借款合同數目係英金一百五十
萬鎊按九三折扣交納常年五釐利息以三十年爲期若所
收此路進項不足則由關內外鐵路餘利項下撥付凡提用
款項均由郵傳部或其所派之人經理此鐵路建造工程以

及管理一切之權全歸中國

國家該公司代購外洋材料機器以三萬五千鎊作爲酬勞一切用銀均包在內選用英總工程師須聽命於總辦各等語名爲鐵路借款而凡屬鐵路內之事實與該公司均毫無干涉尙無流弊之可虞臣等伏查蘇杭甬草約第二款曾言明將來訂立正約與滬甯正約一樣而滬甯正約所載若鐵路產業作抵洋員管理賬目虛數九折所得餘利以五分之一歸銀公司各節路權利權諸多損失不無遺憾江浙兩省思患預防殆有鑒於前車且由上海至嘉興一段路工業將告成若再由蘇州另綫興修則滬嘉一路幾成虛設現經該右丞等次第磋商不用本省押款不須洋員查賬總工程師由我自選餘利用銀均先包盡路綫起點亦改定係由上海或

附近上海俾與滬甯鐵路一氣銜接凡係兩省人民所注意之處固不審慎推求期於就範謹繕具合同清單恭呈

御覽俟奉

旨允准再行簽押蓋印即由外務部照會英國使臣飭令該公司按照合同妥速辦理除路歸商辦由商民承領部撥借款另片奏明外所有訂定滬杭甬鐵路借款正合同緣由謹合詞恭摺具陳伏乞

皇太后

皇上聖鑒再此摺係外務部主稿會同郵傳部具奏合併聲明謹奏

光緒三十四年二月初四日奉

旨依議欽此

滬杭甬鐵路借款合同

此合同係光緒三十四年二月初四日即西歷一千九百零八年三月六號在北京訂立其訂立合同之人一係外務部與郵傳部已奉

旨允准訂立合同一係中英公司下文公司稱茲議訂條款如左

第一款

中國國家准公司辦五釐利息金鎊借款數目係英金一百五十萬鎊此借款自出售債票之日起算名爲

中國國家滬杭甬鐵路五釐利息借款

第二款

此借款指明係爲建造滬杭甬鐵路之資本下文即稱此路

係由上海或附近上海接連滬甯鐵路至杭州甯波兩城此

郵傳部奏議願編
路政 滬杭甬鐵路借款合同 一百六十七參議廳編印

路線須由上海經過楓涇鎮嘉興府湖墅杭州府江干至甯波惟此路有數段工程經

中國國家允准已由本處地方建築將來勘量路線須由郵傳部核定

第三款

中國國家擔保此次所備之資本專為建造此路連購辦車輛及一切應配物料並造路期內經營行車在內其購買地段及造路期內付還借款利息均不得提用此項借款應由中國國家另行籌備此路自本合同簽押之日起三年造竣公司於此合同畫押後六箇月期內知會郵傳部已代預備一十萬鎊聽候提用作為出售債票第一次進款或存歐洲或滙至中國均聽該部命令此一十萬鎊全數或無論實墊若

下並其利息均由出售債票進款內扣除其利息不得過常年六釐

第四款

此借款利息自出售債票之日起算按虛數常年五釐每半年交付一次造路期內由

中國國家自行籌備嗣後先由所收此路進款交付倘若不足

則由關內外鐵路新本至遼河以東餘利項下撥付如仍不

足可由

中國國家以視爲合宜之別項進款交付以出售債票之日按西歷計算每半年交付一次按照此合同附表數目於十四日前交款

第五款

郵傳部奏議類編

路政

滬杭甬鐵路借款合同

百六十八

參議院編纂科

此借款以三十年爲期除後開之第六款詳載辦法外自借款之日起十年後即按年還本由所收此路進項交付倘若不足則由關內外鐵路新本至遼河以東一段不在其內餘利項下撥付如仍不足可由

中國國家以視爲合宜之別項進款交付以出售債票之日按西歷計算每半年交付一次按照此合同附表數目於十四日前交付滙豐銀行

第六款

由借款之日起十年後無論何時若

中國國家欲將合同附表所載未到期之借款全數清還或欲還無論若干均可照辦惟在第二十年以前須照債票上數目加價二鎊半即係每一百鎊債票一張還一百零二鎊半

第二十年後無須加價惟每次預還若干若逾於附表原列之數則

中國國家應於六箇月之前用公文知會公司將此數照借款招帖內載粘闈日期多加粘闈次數

第七款

滙豐銀行既經中英公司派為經理借款代表其第四款第五款所載每半年應還本利須照此合同附表數目由郵傳部或其所派之人按該兩款所定日期於十四日前在上海以上海紋銀交付該銀行足數在倫敦交還金鎊其鎊價與該銀行訂定然亦可於還本利期前六箇月內無論何時皆可向銀行訂定若

中國國家遇有金款實在存於歐洲並非由中國為此滙去者

郵傳部奏議類編

路政

滬杭甬鐵路借款合同

二百六十九 參議廳編纂科

欲用以付還本利亦可用金款交付每年付還借款本利郵傳部按每百鎊給與滙豐銀行五先令用銀作為經理費用

第八款

此借款本利

中國國家承認全還若所收此路進款並關內外鐵路

新奉至遼河以

東一段不在其內餘利不敷全還本利之數郵傳部奏明由

中國國家設法以別項款項補足按期交付銀行清還本利

第九款

此借款以關內外鐵路

新奉至遼河以東一段不在其內

餘利作保此項餘

利內先提付光緒二十四年八月二十五日

西曆一千八百九十八年九月

十號所訂借款合同內載應還本利之數次即用以付還此次

借款本利除付還光緒二十四年八月二十五日

西曆一千八百九十八年

八年七月十號 借款本利外須俟提出若干撥存滙豐銀行足敷此次借款下期付還半年本利之用始准將此項餘利提作他用

第十款

此借款全數准公司印發債票其數目由公司酌定其式樣由公司商同郵傳部或其所委之人或中國駐英出使大臣酌定債票用中英文刊雕郵傳部所派之人所簽之押及其關防均摹刻於其上以省其逐張親自畫押之煩惟中國駐英出使大臣於債票發售之前須逐張蓋印並將其所簽之押摹刊於其上以示

中國國家允准及承認發售此項債票該公司駐倫敦代表人亦在債票上簽押作為發售債票經理人如債票遺失或被

損壞即按照原數補發惟須先由失票人向公司並中國駐英出使大臣證明立案并須由公司向失票人取具切實担保凡補發債票之費均由請補發票者付給如

中國國家及公司因補發債票受損請發票者須按照保結即行賠補

第十一款

所有此借款之債票息票以及收付各款在借款期內不納中國各樣釐稅

第十二款

所有借款招帖以及付利還本一切詳細辦法未經本合同詳載者由公司會商中國駐倫敦出使大臣酌定俟此合同簽字後即准公司出此借款招帖

中國國家飭知駐倫敦出使大臣遇有應會同辦理之事與公
司協同酌辦並將此借款招帖簽字

第十三款

此借款作一次出售債票俟此合同簽字後從速出售不得
延過十二箇月外其價值係按照虛數九三折即每百磅實交九十三磅
交付

中國國家此項債票由公司在英國及在中國招人購買中國
人與歐洲人一律辦理若

中國國家定購自應儘先照給但須於未發出借款招帖之前
定購

第十四款

借款進項或在中國或在倫敦交付匯豐銀行歸入郵傳部

存款項下至交付此款係按照購票章程內所載購票人交付銀數日期辦理其在倫敦所存之款按常年四釐給發利息在中國所存之款按照銀行之息率給息或作來往或作定期嗣後酌定銀行將借款所進淨數暨生發之利息存放聽候郵傳部或其所派之人提用凡提用款項若過二萬鎊之數應於用款前十日知照銀行借款進項按照建造鐵路工程所需隨時提用由郵傳部或其所派之人出支取憑單向滙豐銀行支取並須將所提用之款另單聲明緣由及給發工程所需之價值在中國所需款項開支費用可由郵傳部自定飭向滙豐銀行由倫敦滙至上海所滙之款存放該銀行聽候爲鐵路事提用每年年終結賬後郵傳部將鐵路支收賬目及行車進款用中英文刊印以便任人取閱

第十五款

設若建造鐵路時借款所進淨數並生發之利息不敷造至完備以及裝配所需其不敷之數先由中國可提之款提付以免延誤建造工程如有不敷之數則向公司續借洋款其利息並條款仍照現時之合同辦理公司由售出債票之實價內扣留五釐半售票費用即每百磅先令其餘儘數交與

中國國家若鐵路造成後借款項下尙有餘存此項未用之款聽候郵傳部提用或用以付還此借款之利息或用以裝配此路或用以建造並裝配於此路有益之枝路均可

第十六款

此借款出售債票招帖未經刊發之先如有關係政治或銀

市意外之事

中國國家現在市面之債票價值因之有碍以致此次借款未能按章辦理准公司展期緩辦惟所展之期由立此合同之日起不得過十八箇月若在限內債票仍未售完即將此合同作廢所有按照第三款內載公司所墊之款並其利息由中國國家付還但概不給別項補費酬金

第十七款

此鐵路建造工程以及管理一切之權全歸

中國國家辦理建造工程之時郵傳部或令此路總辦選派英總工程師一人此人須素有名望之工程專家或在英國選擇或在中國鐵路之工程人員內選擇該總工程師須聽命於總辦或總辦他往所派之代辦其平日行爲須敬重總辦

其聘用該總工程司合同條款由郵傳部或令此路總辦訂定至鐵路上派用專門人員分派各該員應辦各事以及辭退各該員應由總辦或總辦他往時所派之代辦與總工程司商酌辦理遇有彼此意見不合由郵傳部判斷判定後彼此均不得異言工程造竣後

中國國家用一總工程司料理此總工程司在借款期內須爲英國籍之人

第十八款

造路期內公司作爲此鐵路經理購買須由外洋運來各材料機器什物之人所有購買此項緊要材料由總辦招人投票若所購之材料貨物係來自外洋者無論或投票或定單該經理人須以鐵路最相宜之價購買惟定購材料及支取

費用非經總辦核准不能照行造路期內公司既爲此路經理之人應得三萬五千鎊作爲酬勞此路造成一半時付給一半惟自簽押之日起不得逾十八箇月之期其餘一半俟全路告竣即行付給按照此借款公司及其經理人所有應當代此路盡力各事如建造此路裝配此路所辦各種物件應得一切用銀均包括此項酬費之內倘按照第十五款續辦借款仍應按續借之數目比照上列辦法另給公司用銀以爲料理造路一切酬費公司既得此項用銀自應代爲監購鐵路所需建造裝配各外洋材料此等材料須在於公共市場擇其價值最廉質料佳善合用者購買英國所製貨物若質料及價值與他國所製者相同應先儘由英國購買總辦如欲在中國或在外國招他人經理購買各項外洋材料

以爲更覺合宜者可以有權照辦惟用銀仍照上文所詳包用給該經理人所有買貨單及驗單均呈總辦查核所有各項回用扣頭均歸還入鐵路項下所有該經理人購買各材料須有製造廠原賣單並驗單爲據該經理人除得上文所詳用銀外不再給用銀惟遇有僱用工程顧問人員備待顧問或在外洋考驗材料之時郵傳部或其所委之人須由鐵路項下提給薪水中國貨物及經在中國製造之材料若質料價值與英國或他國材料相同自應先儘購買以鼓勵中國工藝購買中國材料貨物不給用銀全路造竣後借款未還清之前如購買外洋材料應先儘向公司經理購買其辦法章程嗣後彼此商酌辦理

第十九款

本合同內所言之鐵路將來或以爲有益或以爲必需建造支路由

中國國家以中國款項自行修造如須用外國資本則先儘公
司商辦

第二十款

按照光緒二十四年九月初一日西曆一千八百九十五年十一月十八號訂立之草合同內載提餘利十分之二給公司作擔任酬勞今免提給餘利改由發售此借款債票項內提留六萬七千五百鎊給公司以代之其提留之法按照借款招帖所登買票人交付銀數日期照攤核算辦理如續辦借款即不再給抵換餘利之款

第二十一款

每年除付借款本利外郵傳部將本年所收鐵路淨進款盈餘足敷交付來年到期借款利息之數在上海存放匯豐銀行所存放之款按照市面情形隨時與銀行商定利息

第二十二款

公司可將本合同應有之權利及責任全行或分別交與他英國公司或總辦或代理人接辦或再轉交代辦其接辦代辦均須郵傳部核准

第二十三款

本合同係遵光緒三十四年二月初四日

上諭簽定已由外務部用公文照會英國駐北京出使大臣

第二十四款

本合同繕寫華英文各三分

中國國家存二分公司存一分如有繙譯文字可疑之處以英文爲準

雲南臨安開廣道前外務部右參議高而謙押
外務部右承胡惟德押

郵傳部鐵路總局局長候補五品京堂梁士詒押

中英公司代表人濮蘭德押

光緒三十四年二月初四日

西歷一千九百零八年三月六號

外務部會奏江浙商民承領部撥借款路歸商辦片

再查光緒三十一年間商部先後奏請江蘇浙江籌辦鐵路等摺均奉

旨依議欽此當商部具奏之時諒已知總理衙門議覆徐琪杭甯議開鐵路摺陳明杭甯一路定議在先勢難中止等語奉

旨依議在前而必代爲陳請者蓋欲借商民自辦之名爲磋商收回之計亦仰體

朝廷俯順輿情之美意也然當日英使要求修路皆緣東清膠濟之種因彼此相持十年迄難決議部注重路權其初意援照滬甯合同至廣九津浦滬杭甯先後磋商迭有進步卒使借款辦路分爲兩事以今日財政支絀暫假外人資本振興生利之實業市面多此鉅款周轉益覺流通商業之增盛固

其便也津浦合同未宣布以前民情疑懼經電商江浙督撫
臣轉飭兩省鐵路公司公舉人來京閱看檔卷先以不認借
款爲言嗣經再四開導南中士夫亦知商部從前委曲將事
之意與

朝廷近日不得已之苦衷不復再言拒款乃定一間接辦法由郵
傳部承借外債轉撥兩省公司爲築造鐵路之用嗣經江浙
督撫臣代爲電請堅拒工師須彼認可及銷除查賬名目兩
層復經公舉人懇求將路綫改蘇爲滬刪除英文記賬兩層
先後與英人竭力磋商一一均已辦到並不以江浙釐稅作
抵以上各節較津浦更爲加密在商民關心時局懼權利之
外移而臣等體察羣情應斡旋所未備其合同底稿均邀集
江浙大員暨股東公舉人來署商議至於兩省公司接款還

款并按照合同辦事各節容電商江浙督撫臣妥籌辦法并
徑由郵傳部議定章程俾資遵守所有商民承領部撥借款
路歸商辦緣由謹附片會陳伏乞

聖鑒謹

奏

光緒三十四年二月初四日奉

旨依議欽此

路歸夜辦

會奏潮汕鐵路材料免稅摺

奏爲潮汕接展鐵路所用材料擬請援案暫行免稅恭摺仰祈
聖鑒事接據潮汕鐵路總理候補三品京堂張煜南呈稱潮汕鐵
路奏歸商辦成立最早幸賴保護得以告成惟自開車以來
尙無溢利入不敷出不得不籌接展南自汕頭達碣碌海邊
北自意溪河邊達潮州府城西門外以便載運客貨逐漸推
廣現山意溪開工建築需用材料將次進口查蘇浙粵漢新
甯各處商辦之路均已邀准免稅潮汕鐵路爲商辦之嚆矢
擬請所需物料一律免稅等情查江蘇浙江福建江西安徽
五省及粵漢商辦鐵路所用材料前經會奏懇請暫行一律
免稅奉

旨允准新甯鐵路所用材料亦經援案奏准免稅各在案潮汕鐵

路當日不在奏准各路免稅之內者因其路工已成尙無需用材料之故今該路既籌接展一切物料在所必需與各省商路情形無異自不宜以未邀免稅於前轉使其向隅於後且此路南北必須接展方有餘利可收臣暨去年奉差過粵時曾至該路參觀亦與該總理提倡斯議是展築該路尙屬切要之圖即所稱開車以來尙無溢利亦係實情應請准其撥案暫行免稅以勵創始而恤商艱如蒙
俞允即由臣部分別咨行欽遵辦理所有潮汕接展鐵路所有材料撥案暫行免稅緣由理合恭摺會陳伏乞

皇太后

皇上聖鑒訓示再此摺係郵傳部主稿會同農工商部辦理合併

聲明謹

奏

光緒三十四年二月初七日奉

旨依議欽此


郵傳部奏議類編

路政

會奏潮汕鐵路材料免稅

一百七十九 參議廳編纂科

1 1/2 x 1 1/2



官辦各路撥款不敷暫借英公司銀一百萬兩片
再光緒三十三年十二月二十四日 戶部奏明年終統計官
辦各路待撥款項一摺奉

旨依議欽此欽遵在案原奏內稱各路需款除將光緒三十三年
京漢京奉兩路餘利全數劃抵外尙不敷銀約二百七十四
萬餘兩經向度支部銀行借銀一百萬兩其餘一百七十四
萬餘兩擬息借商款充用並將各路進支各款由 戶部分別
開單奏請覈銷等語日來各路應用之款陸續均待開支迭
據各該總辦總工程師稟催前來自應速行籌措以免臨時
周章查前借度支部銀行之一百萬兩業已陸續撥完經暫
向英公司借用行平化寶銀一百萬兩議明並無擔保抵押
亦不聲叙此款如何用法年息六釐概無折扣十四個月本

息清還銀借銀還無虞鏹虧比較度支部銀行所借之款取
息較輕而權利亦無損失業由臣部與該公司代理人梁恪
思簽立合同並由該公司將借款全數兌交臣部此項借款
係爲暫時挹注之計一俟京漢京奉兩路得有餘利即可按
約期如數歸還除不敷銀七十四萬餘兩應再由臣部隨時
設法另籌外理合附片具陳伏乞

聖鑒謹

奏

光緒三十四年二月初七日奉

旨依議欽此

改派那右丞前往江蘇會商滬甯鐵路釐捐片


再滬甯鐵路釐金前因有應與兩江總督江蘇巡撫商辦事
宜經奏准派令左參議蔡乃煌前往會商在案現蔡乃煌已
簡授江蘇蘇松太道所有會商釐捐一事自應另行派員前往查
有口部署左丞右丞那普堪以派往該員往返不過旬月所
署左丞一缺應請毋庸派員接署理合附片陳明伏乞

聖鑒謹

奏

光緒三十四年二月初七日奉

旨知道了欽此



擬請改派安徽鐵路公司總理摺

奏爲安徽鐵路公司擬請改派總理恭摺仰祈

聖鑒事竊安徽鐵路前由商部奏派候補四品京堂李經方爲總辦嗣因李經方出使英國不能兼顧路政復由商部會同農工商部奏准前任廣西巡撫李經羲接充該路總辦兼理全省礦務旋據李經羲因病未痊疊呈懇辭復經安徽巡撫馮煦據情代奏並附片奏請另派鐵路礦務兩總理先後欽奉諭旨允准在案除礦務總理應由農工商部遵辦外其鐵路總理當經知照該省京外官紳公議另舉去後茲據翰林院侍讀呂珮芬等呈請以前署直隸按察使周學熙接辦等情前來查周學熙心精力果才學兼優歷任監司政績素著既據該省京外官紳合詞公舉擬懇

天恩俯准以周學熙接充該路總理以順輿情而維路政恭候
命下臣部遵即咨照辦理所有安徽鐵路改派總理緣由謹恭摺
具陳伏乞

皇太后

皇上聖鑒訓示謹

奏

光緒三十四年二月十七日奉

旨知道了欽此

滬甯鐵路改訂辦事章程摺

奏爲滬甯鐵路改訂辦事章程恭摺仰祈

聖鑒事竊查滬甯鐵路借款合同第六條內開鐵路開築之時即設立管理造路行車事務處名曰滬甯鐵路總管理處設在上海共辦事人員五名內中國人員兩名除總工程師外洋員兩名如遇中英人員有意見不合則由督辦大臣與銀公司之駐華代理人會同和衷商辦等語歷經按照合同辦理光緒三十一年冬間前督辦大臣唐紹怡審知該路事事吃虧而受病之源尤在於設立總管理處凡事皆須華洋員會議將欲挽回利權非改訂總管理處章程無從着手屢與英使並中英公司代理人提議該使等亦知此路糜費太鉅貽人口實願體中國

國家之意允予商改旋據開具購地籌款續借路本購料用錢事略三條聲明須此三條議定再將總管理處章程酌量刪改唐紹怡未及辦結旋改外任_臣等接續提議督飭鐵路總局局長梁士詒與中英公司代理人漢蘭德討論逐字磋商中間因有他路事件牽阻致稍延擱至今始克就範現照原開三條詳加議定一購地嗣後如添加雙軌所需地基由國家款項購置二路本凡築造路工預備行車不敷之款由國家撥認籌備不再續借三購料用錢凡在上海購料中英公司應得用錢從前暫停支付者算至西歷一千九百零六年十二月爲止共銀四萬七千兩訂明折減付銀三萬五千兩作爲了結自去年正月至未改章以前均照原數每百成以七十四成折減付給既改定章之後凡購中國原料及中國

製造品概不支給用錢如在中國購買洋料其價值在二千五百兩以上及在外國購買洋料始照合同給用五釐又經訂明如有相宜別家行店其在外國或在中國能為購辦者中國可以託其代辦至改訂總管理處章程辦法凡從前華員二人洋員二人會議取決於多數者現改為中國派一總辦所有全路工程行車廠務之事權責任均歸其決議施行無須時時會議以上各節經飭梁士詒與漢蘭德彼此繕函作據以免異議此改定滬甯鐵路總管理處辦法之大略情形也臣部查滬甯一路用款既較他路為最多事權亦較他路為最少自非改定總管理處辦法無以為整頓之基今幸磋商就緒主權不失財政有裨較之原訂合同已多補救臣等仍隨時督飭在事各員認真經營顧全利權以仰副

聖朝整頓路政之至意所有滬甯鐵路改訂辦事章程緣由理合
恭摺具陳伏乞

皇太后

皇上聖鑒訓示謹

奏

光緒三十四年二月二十七日奉

旨知道了欽此

派道員鍾文耀充滬甯鐵路總辦片

再滬甯鐵路現已改訂辦事章程其總辦一員有調度全路統率洋員之責任必須深通交涉之員方足以指揮監督查有分省補用道鍾文耀現充滬甯鐵路隨辦措置悉協機宜堪以派充總辦此外應用各員臣部隨時酌委分任諸事以重路政除檄飭遵照外謹附片陳明伏乞

聖鑒謹

奏

光緒三十四年二月二十七日奉

旨知道了欽此

知府李大受保案底銜錯誤請改獎片

再京漢路局申稱該局養路副總管知府李大受前在京漢鐵路全工告竣案內經督辦大臣照異常勞績奏保單開候選同知李大受請以知府不論雙單月歸部選用光緒三十二年十二月二十日奉

硃批該部議奏欽此嗣經吏部核覆於三十三年四月初八日具奏奉

旨依議欽此惟查該員未奏保之前報捐同知分發並繳免保舉銀兩經戶部於三十二年七月二十日核准給照在案此次保案底銜係屬錯誤懇請改獎以知府分省補用等情到部臣等查該員報捐分省同知戶部核准日期係在保案未經奉

旨之先當時列保底銜係屬錯誤請仍照異常勞績由分省同知

改獎以知府分省補用恭候

命下由臣部咨照吏部查核辦理謹附片陳明伏乞

聖鑒訓示謹

奏

光緒三十四年二月二十七日奉

旨依議欽此

萍潭鐵路擬改歸本部管轄摺

奏爲萍潭鐵路擬改歸_臣部管轄恭摺仰祈

聖鑒事竊_臣部定制凡官商鐵路均有統轄之責光緒三十三年
間開部伊始准督辦關內外鐵路大臣袁世凱督辦京漢滬
甯各路大臣唐紹怡先後將京奉京漢滬甯京張正太汴洛
道清各路關防文卷移交當經_臣部分別奏明接管在案查
萍潭一路亦用官款修築前以該路係爲運煤而設暫由前
督辦鐵路總公司事務大臣盛宣懷一手經理現萍鄉煤礦
已奏明合併漢冶萍廠礦公司專歸商辦是商股官本自應
劃清界限且該路既須展築至昭山四十餘里利便運輸尤
須一律籌備官本俾資添修之用經總理盛宣懷與_臣等面
商擬即改歸_臣部管轄以符定制除俟盛宣懷將文卷移交

到部再行奏明所有萍潭鐵路擬改歸臣部管轄緣由理合
恭摺具陳伏乞

皇太后

皇上聖鑒訓示謹

奏

光緒三十四年三月初八日奉

旨依議欽此

擬接築涿昭鐵路片

再萍潭鐵路原議上起安源礦界下訖湘潭縣迤東之昭山
遂節興修以便煤焦運抵昭山後由船轉載漢口程途暢捷
銷售利便惟萍涿一段雖已告成涿昭一段尙未展築船載
之煤由涿州而下須紆湘潭曲灣淺水阻擱行舟從前每日
出煤數百噸已不能源源載運現煤礦大槽已通每日約可
出煤二三千噸若不速籌通運將有貨棄於地之虞且漢陽
鐵廠現正竭力擴充需用煤焦數倍往昔尤應力圖接濟以
振要工查由涿州至昭山計程約四十里接築尙不甚難
部正在籌議聞准漢冶萍廠礦公司總理盛宣懷咨商前因
並稱訪聞粵漢湘境幹路擬由涿州繞至湘潭對河太平街
以達易家灣較涿昭直綫須多行五十里計算運費過多於

礦廠均有損害且礦局每日運煤以三千噸計每車裝煤二三十噸當有重車空車共二百輛日往來於此四五十里幹路之上轉輸輻輳行車時刻難以騰挪若與他項客貨車相遇趨避不及益多危險查各國大礦恒有專運鐵路誠以銷場既廣出貨復多一或停滯受虧必鉅今萍礦運道甚艱自應就萍洙已成之路接連展築以達昭山水次便可由輪船直運漢口藉符原議當經節次派員前往勘估由洙至昭約四十里需款在五十餘萬兩擬由臣部妥籌興築旋據湖南粵漢公司呈稱湘潭紳商力懇將幹路由洙州逕達易家灣直綫改爲遠道湘潭對河太平街以達易家灣孤綫以保潭埠商務呈請核辦等情臣等以該公司所擬辦法與臣部展築洙昭路綫均爲保全商業起見彼此利益不相妨礙應准

其改用弧綫萬一將來粵漢商路再築涿州易家灣直綫則官築之涿昭應聲明不載他貨以期無損於商路即或客貨趨便附載其所定車脚亦應比粵漢較昂庶於平均貨率之中即寓維持商本之意恭候

命下臣部欽遵估工展築奏明辦理再此係因萍涿成路在先粵漢湘境尙未興造自不能不先由萍涿展築以救垂成之礦本如此後有近礦之路籌議興築仍應先歸附近幹路承辦縱使專運礦產仍不得援此爲例合併聲明所有籌擬接築涿昭鐵路緣由謹附片具陳伏乞

聖鑒訓示謹

奏

光緒三十四年三月初八日奉

旨依議欽此

請給滬甯鐵路關防摺

奏爲刊給總辦滬甯鐵路事宜關防恭摺仰祈

聖鑒事竊滬甯鐵路總管理處經前督辦鐵路大臣刊給關防在案現在該處章程業由臣部改訂奏派總理調度全路事權既屬責任較前不同自應另給關防以資信守擬由臣部刊刻木質關防一顆文曰總辦滬甯鐵路事宜關防發交該局祇領開用並將舊給關防照案繳銷所有刊刻滬甯鐵路關防緣由謹恭摺具陳伏乞

皇太后

皇上聖鑒謹

奏

光緒三十四年三月初八日奉

旨知道了欽此

擬議江浙鐵路公司存款章程摺

奏爲擬議江浙鐵路公司存款章程恭摺仰祈

聖鑒事本年二月初四日臣部會同外務部奏明商民承領部撥存款路歸商辦一片奉

旨依議欽此原摺內稱兩省公司接款還款容電商江浙督撫臣妥籌辦法并徑由郵傳部議定章程俾資遵守等語當即擬議章程邀約股東公舉人來署閱看均稱妥洽堪資遵守其部借合同原有折扣虧耗各款當日係欲收回草合同之虧損因定以利易權之法惟路歸商辦商力微弱臣部有維持路政之責自未便專令商民受虧而江浙兩公司亦能仰體時艱於所領部撥存款承認年息五釐五毫其不敷之款由臣部分別籌墊除籌墊款項辦法另片奏明外謹將擬具章

程十四條繕列清單恭呈

御覽伏候

命下臣部分別咨照欽遵辦理一面勻撥款項交該兩公司趕緊接造以期克底於成抑臣等更有請者滬杭甬全路約六百餘里之長所領存款仍慮不敷兩公司亟應多集股本濟用且路短則利微路長則利厚兩公司尤須陸續接展始足以資周轉而便交通臣部綜理路政責無旁貸仍隨時咨商督撫臣勸令各該省商民循名責實始終勤奮該兩公司深明大義必能竭力維持以副

朝廷振興實業之至意所有擬議存款章程緣由謹恭摺具陳伏乞

皇太后

皇上聖鑒訓示謹

奏

光緒三十四年三月十五日奉


旨依議欽此

郵傳部奏議類編

路政

擬議江浙鐵路公司存款章程

一百九十二卷續編郵政科



謹將擬議江浙鐵路公司存款章程繕單恭呈

御覽

第一條

郵傳部於二月初四日奏明商民承領部撥存款路歸商辦一片奉

旨依議欽此茲特議立存款章程以資遵守

第二條

江浙兩公司係奉

旨商辦故滬杭甬一綫承受郵傳部存款仍係完全商辦並無變更郵傳部仍與他商辦之鐵路公司一律看待

第三條

江浙兩公司之滬杭甬路局承受郵傳部存款所有郵傳

部向中英公司借款付息還本各事均由郵傳部經理滙
杭甬路事中英公司毫不干涉

第四條

此項存款約計一千萬兩其撥存時或不及一千萬兩總
以多不過一千萬兩少不過七百五十萬兩爲度由郵傳
部分期撥付每屆撥付之前十日由郵傳部電知江浙公
司接收第一期自光緒三十四年二月初四日起於七箇
月內撥付八十萬兩第二期於十二箇月內一律撥清如
有事故可展至十八箇月至遲不得過二十四箇月倘到
期不能撥付或撥付不全者此項存款章程即日作廢滙
杭甬路局即查照已收之實存本息限六箇月內如數繳
清至遲不得逾十二箇月

第五條

江浙兩公司之滬杭甬路局需用款項應用公文聲明原由向郵傳部支領如欲提款至十三萬兩以上須於十五日以前電知郵傳部預備照付

第六條

此次存款常年五釐五毫起息每半年付息一次所有部借合同內中英公司應得之九三扣及九三扣虛息提付餘利及提付餘利虛息還本小二五行用還利小二五行用倫敦存款四釐虧息購料包用及購料包用虛息共九款除上海之匯豐銀行利息吃虧一款匯費一款十年外加還二鎊半一款均先由郵傳部墊發外其餘不敷之款由度支部兩江總督江蘇巡撫浙江巡撫及郵傳部先行

分墊以上墊款俟江浙兩公司獲有餘利時即於原奏江浙兩公司承認報効餘利中每二十分中之一分儘數歸還墊款

第七條

滬杭甬綫由上海至杭州江干各段業已次第鋪軌行車此項部撥存款由江浙兩公司滬杭甬路局擔任清還本息之責

第八條

自光緒三十四年二月初四日起至扣足十年後以第十一年至三十年爲止兩公司應按年期照本攤還其應於每年某月某日爲攤還本銀之期屆時由部酌定再行知照兩公司兩公司應於每次還本銀之期前十四日將應

攤之本銀如數交付如於第十一年後願一次還清或數次還清均可聽便惟須於六箇月以前報明郵傳部一俟存款還清此章程即日作廢

第九條

存款利息自撥款之日按照撥到實數起算每半年付息一次其應於每年某月某日爲結算利息之期屆時由部酌定再行知照兩公司兩公司當於每次結算利息之前十四日將利息如數交付

第十條

江浙兩公司應於六箇月之前預備下期利息存上海交通銀行第十年下半年以後每六箇月之前亦預備下期還本還息之款存在上海交通銀行所存款項之利息按

照該銀行存款息率給回兩公司至少不得減於部撥存款息數

第十一條

兩公司自有遵照商律由股東公舉之查帳員郵傳部並不因既入存款別令人至兩公司查帳

第十二條

滬杭甬鐵路建造工程以及管理一切之權全歸江浙兩公司建造工程之時由江浙兩公司選派滬杭甬路局總辦秉承兩公司總協理命令選用英總工程師一名或在英國選擇或在中國國家鐵路工程人員內選擇咸聽其便該總工程師須聽命於總辦或總辦他往即聽命於其代辦其僱用該總工程師之合同由總辦自行訂定至該

路上派用專門人員分派各該員應辦各事以及辭退各該員由總辦或代辦與該總工程司商酌辦理如有意見不合郵傳部可令總協理查照僱工合同判斷至工程造竣後在存款期內須用英國籍之總工程司一人料理

第十三條

滬杭甬路局續購洋料如願托中英公司經理應給之行用已另行給予包用無庸滬杭甬路局另給如不願托其經理另向他處購辦聽便惟願給之行用由滬杭甬路局另給不能從中英公司所得之包用扣回

第十四條

郵傳部指定上海交通銀行爲繳款處所以便付息還本其平色悉準存款平色一律

以上十四條仿著

自後分咨度支部兩江總督江蘇巡撫浙江巡撫并照會蘇省鐵路公司全浙鐵路公司一體欽遵辦理

籌墊滬杭甬借款虧耗辦法片

再江浙兩公司承領部撥存款所有借款合同內中英公司應得之九三扣及九三扣虛息提付餘利及提付餘利虛息還本小二五行用還利小二五行用倫敦存款四釐虧息購料包用及購料包用虛息共九款三十年內統計約虧三百四十九萬兩除兩公司所認利息溢出五毫三十年內約繳銀八十五萬兩外其餘不敷之款經部等面商度支部及電商江蘇浙江督撫與部部分任籌墊議定每年認墊銀二萬兩江蘇督撫每年認墊銀三萬兩浙江巡撫每年認墊銀三萬兩部每年認墊銀一萬兩均於每年四月如數以庫平銀撥交部彙交中英公司又存放上海之匯豐銀行利息喫虧一款匯費一款十年外加還二鎊半一款均先由部

墊發以上墊款俟江浙兩公司獲有餘利時即於原奏江浙兩公司承認報効餘利中每二十分中之一分內儘數歸還似此通融挹注公家既先代籌墊商力亦可藉少紓如蒙俞允臣部即分別咨照欽遵辦理所有籌墊借款虧耗辦法緣由理合附片具陳伏乞

聖鑒訓示謹

奏

光緒三十四年三月十五日奉

旨依議欽此

議覆川漢鐵路擬仍遵奏准各案辦理毋庸派員督辦摺
奏爲議覆川漢鐵路擬請仍遵奏准各案辦理毋庸派員督辦
恭摺仰祈

聖鑒事光緒三十四年二月二十四日軍機處片交翰林院侍讀
學士惲毓鼎奏川漢鐵路請派員督辦一片奉

旨郵傳部知道欽此欽遵到部等查川漢鐵路慮始甚難經升
任大學士前湖廣總督張之洞調任四川總督錫良極
力圖維乃克就緒該學士請派督辦原爲劃一事權急收成
效起見惟於該路一切辦法及前後籌商各節尙有研求未
盡之處謹將歷次奏案參酌現辦情形敬爲我

皇太后

皇上縷晰陳之原奏稱川漢鐵路因路款官挪殆盡議改紳辦紳

郵傳部奏議類編

路政

議覆川漢鐵路毋庸派員督辦

一百九十八

參議廳編政科

又與紳不和仍歸官督紳辦一節查四川京官涂熙雯等呈稱公司股本爲銅元局挪用二百餘萬兩經部奏派司員往查據稱銅元局挪用一款實係以公濟公奏明俟該局得有餘利統歸公司作股嗣因改併銅元局廠業由護川督趙爾豐清理歸款又調任川督錫良請派編修胡峻充紳總理片內聲明籌款度工用人行政綱目當躬督其成又會同升任大學士張之洞奏駁毋庸再派督辦摺內聲明督同員紳切實圖維又遴舉總協理摺內聲明重大事件由該公司秉承督臣辦理各等語部奏派原舉各紳充各總理摺內亦聲明仍秉承四川督臣主持一切均經奏明在案是該路辦法疊經奏定除銅元局挪用業已歸款不與路事相涉外並無議改紳辦紳與紳不和始歸官督商辦之事原奏稱紳與

官闕紳且與紳鬪各持意見一節查光緒三十二年內閣侍讀學士奎善奏四川官權尊重穀捐激變官幕盤踞虛耗巨款各案於情事均未得實業經川鄂兩省督臣奏請毋庸置議三十三年都察院代奏主事杜德與呈稱變通籌款修路及指斥編修胡峻各條復經護督趙爾豐逐條奏駁並稱胡峻實心任事勞怨不辭原呈所指詞屬虛誣川省京官呈復部大致相同至所派總理喬樹枏等三員操守素敦衆情翕服該省公正紳商均謂公司得人並無爭鬪情事原奏稱既從宜萬入手地爲兩省交界即當兩省統籌滬甯津浦皆派督辦川漢重於滬甯而難於津浦亦應

簡派大員總司其事一節查川漢與津浦性質不同津浦款由統借不難一氣呵成川漢款係分籌勢須次第舉辦兩省官紳

議定川路由宜昌興工照粵省代修湘境鐵路辦法俟路成
二十五年後准照原用工本由鄂省備價購回業經升任大
學士張之洞會同調任川督錫良奏明在案實爲兩省統籌
起見又會同議覆奎善奏川漢請派員督辦片內聲明蘆漢
借款而修不難以一人總其全川漢改爲自辦無論官款必
須官集民款亦須疆臣督率董勸川省路工既毋庸另派督
辦鄂省路工更無須另派督辦等語自是因地制宜切實辦
法又都察院代奏四川職商鄧代聰等請派重臣督辦一摺
奉

旨該職商等具稟妄瀆請另派重臣督辦並牽及鄂省鐵路不欲
川鄂兩省督臣與聞尤屬越俎釁斷所呈著毋庸議等因欽此
聖謨煌煌尤應遵守臣部體察該路辦法歷經奏准由該兩省督

臣督同分修現在兩省官紳議定川路由宜萬入手經臣部
遴派熟悉路工知府李大受前往履勘即行開工其鄂境轄
內該督臣督率員紳辦理人無間言且該路工款尙未籌齊
尤賴督臣董率勸募似毋庸輕議更張臣部惟有隨時咨照
該兩省督臣督同員紳從速次第興修使大工早成以仰副
朝廷振興路政之至意所有川漢鐵路毋庸另派督辦緣由理合
恭摺覆陳伏乞

皇太后

皇上聖鑒訓示謹

奏

光緒三十四年三月十八日奉

旨依議欽此

郵傳部奏議類編

路政

請覆川漢鐵路毋庸派員督辦

一百 查議類編卷四

請刊給萍昭鐵路局關防摺

奏爲刊給萍昭鐵路局關防恭摺仰祈

聖鑒事竊萍潭鐵路經前督辦鐵路大臣盛宣懷刊給關防辦理
現在該路奏明改歸臣部管轄復由涿州展築通至昭山應
即改名萍昭鐵路另給關防俾資信守擬由臣部刊刻木質
關防一顆文曰總辦萍昭鐵路事宜關防發交該局祇領開
用並將舊給關防照案繳銷所有刊給萍昭鐵路局關防緣
由謹恭摺具陳伏乞

皇太后

皇上聖鑒謹

奏

光緒三十四年三月十八日奉

郵傳部奏議類編

路政

請刊給萍昭鐵路局關防

一二百一一參議院編纂

旨知道了欽此

道清鐵路光緒三十三年行車情形摺

奏爲道清鐵路光緒三十三年行車情形恭摺仰祈

聖鑒事竊查道清鐵路於光緒二十四年四五月間英商福公司與山西商務局豫豐公司先後訂立合同稟准河南巡撫建築專爲運輸該省礦地煤鐵之路旋以外人產業橫貫腹地窒礙甚多經外務部與英公使商定於光緒三十一年六月由前督辦大臣盛宣懷即向福公司借英金六十一萬四千六百鎊買回自辦並寬籌款項先後借英金十八萬一千餘鎊以備經理行車歲還利息之用當時道口至柏山一段約長二百九十六里已由福公司承築完工尙有柏山至清化一段約長六里有奇未成即行接續修築於三十三年正月始行告竣全路三百零三里現計自三十二年十一月

十七日即西歷一千九百零七年正月一號起至三十三年十一月二十七日即西歷一千九百零七年十二月三十一號止全年行車進款共銀十九萬七千七百餘兩行車支款共銀十五萬一千五百餘兩出入相抵雖贏餘銀四萬六千二百餘兩以付借款息銀二十八萬四千餘兩尙不敷銀二十三萬七千餘兩當在京奉餘利及所借度支部銀行一款項下暫行撥用業於三十三年十二月籌辦各路用款摺內奏明在案伏維鐵路進款以載貨爲大宗該路建築之始福公司專爲煤礦而設本無運貨之利可圖且路綫不長運道所經復無繁盛商埠進款甚絀實由於此當時徒以兩害取輕不惜籌借重資收爲國有至成本之多寡與後來利益之盈虧皆不暇計嗣因該路行車收支款項入不敷出經飭鐵

路局長督率路員設法招徠運載認真撙節用款無如客貨
祇有此數營業仍難擴充臣等詳審情形皆因福公司所開
焦作煤礦內積水出煤過少華商所開常口煤礦道遠銷難
成本甚重出產土貨如鐵器竹器等類恒由衛河水道徑運
河南復添設火車貨捐以致商賈裹足運費迄無起色現飭
將常口煤斤酌減運費並咨河南撫臣裁撤貨捐力籌整頓
補救之法總期礦產漸旺運費漸增後此借款本息不至虛
懸以冀仰副

朝廷維持路政之至意除報銷細冊俟該局詳報後再行奏明核
銷並先將不敷款項應需籌補各節另片附陳外所有光緒
三十三年道清鐵路行車情形緣由謹恭摺具陳伏乞

皇太后

皇上聖鑒謹

奏

光緒三十四年四月初九日奉

旨知道了欽此

陳明道清鐵路指撥款項已改他用片

再道清鐵路前因用款不敷適光緒三十一年四月商部於
查辦盛宣懷歷辦路礦摺內奏准於漢陽鐵廠預支軌價九
十一萬餘兩官款項下嗣後正太汴洛各路向該廠定軌均
帶扣價銀二成歸還官款當經前督辦大臣唐紹怡商准原
戶部商部將此項扣款撥歸道清借用藉資彌補在案年來
道清虧累頗鉅正恃二成軌價以應急需本年三月間督辦
漢陽鐵廠事宜盛宣懷奏將鐵廠併入漢冶萍廠礦公司所
有預支軌價九十一萬餘兩均請改爲公股奉

旨著照所請股票及利息均著交農工商部欽此是道清所恃帶
扣軌價巨款業經改作他用急應設法另籌但臣部撥款過
多時虞不給惟有督率該路員司認真整頓以期漸敷挹注

除俟籌有的款再行奏明辦理外所有道清指撥款項業經
改作他用緣由理合附片具陳伏乞

聖鑒訓示謹

奏

光緒三十四年四月初九日奉

旨知道了欽此

請改派湖南粵漢鐵路公司總理摺

奏爲改派湖南粵漢鐵路公司總理恭摺仰祈

聖鑒事竊湖南粵漢鐵路公司前經升任湖廣總督臣張之洞奏

准派升任順天府府尹袁樹勳爲主持總理前國子監祭酒

王先謙爲名譽總理前法部左參議余肇康爲坐辦總理嗣

袁樹勳入京供職路工籌辦需人經臣部奏准責成該路坐

辦總理余肇康殫心經理旋經調任湖廣總督臣趙爾巽據

該省紳商前閩浙總督魏光燾等呈請奏懇

飭令袁樹勳暫回湖南主持鐵路事宜奉

旨袁樹勳著仍充主持總理欽此欽遵各在案現據該省京官禮

部署左參議右參議曹廣權等十三人呈稱主持總理宜親

身駐湘籌畫乃能奏功袁樹勳奉

旨署理山東巡撫因難回湘堅辭路事會商另舉總理以資主持
查有奉錦山海關道朱恩紱才識優長紳商信服懇請奏派
爲湖南粵漢鐵路公司總理飭令回籍與余肇康及在省諸
紳切實籌辦至朱恩紱係現任道員回籍辦路余肇康原充
坐辦總理艱難創始獨任其勞可否仰沐

恩施以重責成而資策勵等情並據袁樹勛函同前因正核辦間
又據前閩浙總督魏光燾等代紳商領銜電稱袁樹勛赴任
公舉朱恩紱接充總理請從速奏派等情前來臣等覆查湖
南鐵路集股勘工在在爲難勢非獨力所能支亦非遙領所
能辦既據該省京外紳商等呈稱朱恩紱鄉望素孚充當總
理必能措置裕如擬請改派朱恩紱爲湖南粵漢鐵路公司
主持總理所有路事責成該員與余肇康悉心籌辦以順與

情而維路政如蒙

俞允臣部欽遵辦理至朱恩紱係現時監司大員茲據該省紳商公舉辦路應否即行開缺以便回籍並與前法部左參議余啓康一併

加恩獎勵之處恭候

聖裁所有改派湖南粵漢鐵路公司總理緣由理合恭摺具奏伏乞

皇太后

皇上聖鑒訓示謹

奏

光緒三十四年四月十九日奉

旨郵傳部奏請改派湖南粵漢鐵路公司總理一摺奉錦山海關

郵傳部奏議類編

路政

請改派湖南粵漢鐵路總理

二百六 奏議應編嚴科

道朱恩絳著開缺賞給四品卿銜余肇康著賞還原銜餘依議
欽此

江西鐵路公舉總理並請另刊關防摺

奏爲江西鐵路公舉總理並請另刊關防恭摺仰祈

聖鑒事竊臣部據江西京官宗人府府丞朱益藩等九十二人呈

稱江西鐵路總辦前江甯布政使李有棻在鄱陽湖遇難職
等當以路事重要電商在局總董吏部主事陳三立候選道
禮部主事劉景熙督同員紳照常辦事一面由京外紳商妥
議接續辦法茲擬仿江蘇福建等省商路章程定名江西鐵
路公司並照湖南鐵路成案公舉總理三員協理數員以專
責成而收衆益查在局總董陳三立劉景熙前隨李有棻督
工籌款備極艱苦路事賴以不墜又在籍前署浙江鹽運使
候補道劉喬祺宅心公正練達老成均屬素孚鄉望擬舉陳
三立爲名譽總理劉喬祺爲主持總理劉景熙爲坐辦總理

其協理各員俟商明再呈
陽湖沈失並懇改刊領用
緒三十年十月商部奏准
雖已勘畢興工惟籌款維
四川鐵路成案照准設立
辦事得力或與望素孚擬
祺爲主持總理劉景熙爲
等認真經理務竟全功其
有延誤至該路應用款項
地土豐腴商力亦裕籌集
自以多集股本爲正辦應
商竭力籌認庶源源展造

面從速布置將招股用人購地興工各情形隨時詳報臣部以憑察核如日久尙無成效應由臣部酌度情形另行設法奏明辦理前領木質關防業在鄱陽湖沈失臣部另刊木質關防一顆文曰總理江西鐵路事宜關防頒發啓用其原領關防即免追繳仍應存案註燬以上各節如蒙

俞允臣部分別咨照欽遵辦理除協理各員俟該公司舉定再行奏派外所有江西鐵路公舉總理另刊關防緣由理合恭摺具陳伏乞

皇太后

皇上聖鑒訓示謹

奏

光緒三十四年四月二十九日奉

郵傳部奏議類編

路政

贛路公舉總理並請另刊關防

二百八

參議廳編纂科

旨依議欽此

遴員接充京奉鐵路總辦摺

奏爲遴員接充京奉鐵路總辦以重職守恭摺仰祈

聖鑒事竊京奉鐵路原設總辦一員洋務總辦一員現在洋務總辦周長齡欽奉

恩命簡授奉錦山海關道總辦吳家修復准直隸督臣楊士驤咨

稱委派辦理天津釐捐總局及淮軍銀錢所事務並由各該

員先後呈請離差前來臣部查該路道里縣長一切交涉管

理事宜均關緊要亟應遴員接充以重職守伏惟鐵路未成

之時以考工爲先務鐵路既成之後以理財爲要圖查有二

品銜廣東候補道楊士驤計學精能才識諳練前在江北造

幣廠經理財政推爲各省冠臣璧考查銅幣時所深知堪以

派充總辦二品銜分省補用道于煖年諳熟外交精於會計

皇太后

從前本在京奉鐵路當差歷委滬甯路局事務均無貽誤堪以派充洋務總辦除分別檄飭遵照辦理外所有遴員接充京奉鐵路總辦緣由謹恭摺具陳伏乞

皇上聖鑒訓示謹

奏

光緒三十四年四月二十九日奉

旨知道了欽此

京奉鐵路會辦施肇基離差片


再京奉鐵路於光緒三十三年七月間由新民府接連奉天
交涉倍繁添派存記道施肇基充該路會辦現准東三省督
撫臣徐世昌等奏請該員試署哈爾濱江關道知照到部臣
部往返函商暫留該督臣以差缺重要未便改員接署查現
在奉新一帶展築業已就緒應准其離差前赴署任該路無
庸再派會辦以節經費謹附片具陳伏乞

聖鑒謹

奏

光緒三十四年四月二十九日奉

旨知道了欽此



遴員派充顧問官摺

奏爲遴員派充臣部顧問官恭摺具陳仰祈

聖鑒事竊臣部會同軍機大臣奏定官制內稱擬仿照農工商部之例設一、二、三、四等顧問官一等視丞二等視參議三等視郎員四等視主事不作爲額缺凡京外著名譽官員紳商及船路電郵四項素有經驗者均由臣部慎選奏派以備咨詢等語業經奉

旨允准分咨在案茲查有路務議員候選道唐天佑曾由美國大學畢業於鐵路建築之學夙有專長現在總辦京張鐵路兼總工程司自西直門至南口早已通車居庸關五桂圖石佛寺八達嶺四處洞工共計五千二百八十六尺甫經鑿通臣等於本月初二日親往查勘橋道各工均臻完善山洞全行

鑿通應砌拱牆亦經陸續修建全路工程計已過半實屬籌畫精詳勞動卓著擬請派充臣部二等顧問官並

賞加二品銜以資策勵恭候

命下即由臣部欽遵辦理所有遴員派充顧問官緣由謹恭摺具陳伏乞

皇太后

皇上聖鑒訓示謹

奏

光緒三十四年五月初九日奉

旨依議欽此

改刊京張道清兩路關防片

再京奉京漢廣九正太滬甯萍昭各路局均由臣部先後奏
明刊給關防及改刊關防給發應用在案其京張道清兩路
經前督辦鐵路大臣刊給京張鐵路總局關防及監督道清
鐵路行車事宜關防名稱未能劃一茲擬重加釐定俾該二
路與各路改成一律以免紛歧京張一路擬即改刊木質關
防一顆文曰總辦京張鐵路事宜關防給與京張路局祇領
開用道清一路擬即改刊木質關防一顆文曰總辦道清鐵
路事宜關防給與道清路局祇領開用所有前給關防均飭
照案繳銷謹附片具陳伏乞

聖鑒謹

奏

光緒三十四年五月初九日奉

旨依議欽此

續擬籌借路款以應急需摺

奏爲路款短缺謹遵前案續擬籌借以應急需恭摺仰祈

聖鑒事本年二月初七日臣部奏明統計各路待撥款項除借度
支部銀行壹百萬兩外尙短銀壹百七十四萬餘兩暫向英
公司借用行平化寶銀壹百萬兩并聲明其餘所短之款再
由臣部隨時設法另籌一片奉

旨依議欽此欽遵在案現在各路應用之款迭經各該路總辦工
程司稟催領款陸續給發所有前借英公司銀壹百萬兩亦
經撥完而前奏所稱短缺之七十四萬餘兩迄今尙未籌出
而別項進款又無可騰挪祇得暫向英商匯豐銀行息借規
銀壹百萬兩以應急需此項借款議明並無擔保抵押亦不
聲叙此款如何用法銀借銀還無虞鈔虧年息七釐概無折

扣定期三年爲限自第二年起分四期還清由臣部與該銀行簽立合同各資遵守此項借款係爲暫時挹注之計一俟京奉京漢兩路得有餘利即可按期歸還以清款目現滬甯正太各路經已工竣通車據工程司稟請添購車輛及透支各款爲數尙鉅擬即將前項所支餘款挪用仍遵前奏俟年終由臣部分別開單奏請撥銷除分咨外務部度支部查照外所有遵照前案續籌路款以應急需緣由理合恭摺具陳伏乞

皇太后

皇上聖鑒謹

奏

光緒三十四年五月二十九日奉

旨知道了嗣後該部需借洋款應先行奏明請旨並知照外務部
欽此

遵 旨 勘 查 商 路 修 訂 路 律 先 擬 大 概 辦 法 摺

奏 爲 遵

旨 勘 查 商 路 修 訂 路 律 先 擬 大 概 辦 法 恭 摺 仰 祈

聖 鑒 事 准 軍 機 大 臣 字 寄 光 緒 三 十 四 年 五 月 二 十 七 日 奉

上 諭 鐵 路 爲 交 通 大 政 利 商 賑 災 運 兵 轉 餉 以 及 開 通 風 氣 振 興
實 業 皆 賴 乎 此 近 年 來 各 省 官 辦 鐵 路 皆 能 剋 期 竣 工 成 效 卓
著 而 紳 商 集 股 請 設 各 公 司 奏 辦 有 年 多 無 起 色 坐 失 大 利 有
礙 交 通 著 郵 傳 部 遴 委 妥 員 分 往 各 路 確 實 勘 查 各 路 工 程 應
分 幾 年 造 竣 公 司 股 本 能 否 按 年 接 濟 一 面 妥 擬 辦 法 嚴 定 期
限 倘 所 集 股 資 不 敷 尙 鉅 或 各 存 意 見 推 諉 誤 工 以 致 未 能 依
限 完 竣 即 由 該 部 會 同 該 管 督 撫 另 籌 辦 理 并 將 該 員 所 舉 承
辦 人 員 差 使 查 照 商 部 歷 次 奏 案 分 別 撤 銷 以 期 各 路 迅 速 造

通上裨國計下厚民生如再因循贖坐誤事機定惟該部及該管督撫是問其應行路律並着該部速議具奏欽此遵旨寄信前來仰見

朝廷整頓交通維持要政之至意竊維商路之設以公利與諸民然其事動與國家行政相關布置一或失宜大局輒多阻礙是以各國路律於監督商路之法至爲精密我國商辦之路大率因人才缺乏資本不充往往擁虛名而無實效現在
欽奉

諭旨應即遴委委員分往各路確實勘查其勘查之法擬分爲二一爲履勘工程之事應以素習路工者充之凡該路已勘定之圖綫按圖周歷履勘察看原定路綫是否合宜已興工事是否如法并准於何日竣工由該路總理總工程司認明無

異其報立案其未勘定之圖綫會同該路員司詳細測勘繪具圖說的擬竣工年限報由 臣部定奪其已勘路而未興工及已興工而中止者均查明實在緣由及工作有無阻礙路綫是否要衝報由 臣部定奪一爲查驗資本之事應以會計精能者充之查明公司股款認交已交者各若干按年續交者若干如係公款公股查明派認及已繳者各若干按年可恃者若干並統計現在及將來有著之款是否足敷全路工程之用仍由該公司將開辦後進支各款實數造具表冊送部立案其股東交到股款及公司存放支用款項有無轉轄虛捏情事並應切實查明以便稽核至修訂路律一節前擬折衷各國成例業於去年六月間咨行各國駐使廣蒐列邦典籍以資參證復於去年八月十二日日本年三月間疊次派

員出洋調查現據各駐使陸續送到圖書多種考查員亦先後回國已趕緊督飭員司詳慎考訂並擬先將各國路律擇要編譯成書分發各商路觀覽庶參稽借鑒衆皆曉然於立法之所在新律始利於推行一俟勘查後分別各路辦法限期陸續奏明請

旨遵行並候路律編就再行奏請

欽定所有遵擬勘查商路修訂路律大概辦法緣由理合恭摺具陳伏乞

皇太后

皇上聖鑒訓示謹

奏

光緒三十四年六月初三日奉

旨知道了欽此

郵傳部奏議類編

路政

遵行勘查商路修訂路律先擬大

二百十七

參議廳編嚴科

派員先行勘查川漢鐵路摺

奏爲遵

旨派員先行勘查川漢鐵路恭摺仰祈

聖鑒事 臣部前奉

諭旨著遴委妥員分往各路確實查勘遵即先擬大概辦法奏明
在案竊維各省商辦鐵路設立公司如粵漢川漢同蒲洛潼
西潼福建浙江安徽江蘇江西廣西新甯惠潮潮汕滇蜀齊
昂計十餘路或已開辦或已測勘或未測勘而股本或經招
集或尙待募情形不同經理故難一律亟須派員前往各路
勘查遵

旨辦理惟此項人員非素習路工精能會計者難期勝任現在應
查之路甚多自難同時並舉擬由工程險阻需款艱鉅之路

郵傳部奏議類編

路政

派員先行勘查川漢鐵路

二百十八 參議廳編纂科

爲勘查之入手川漢路綫川省認造由成都至宜昌府治約長二千三百餘里需款約銀七千三百餘萬兩鄂省認造由宜昌至應山縣廣水驛約長一千二百餘里需款約三千萬兩工險款鉅爲各路冠應先派員詳細勘查茲查有京漢鐵路養路副總管分省補用知府李大受鐵路專門深於閱歷即派該員前往履勘全路又查有駐辦四川造幣分廠度支部主事王宗元精於會計去年五月曾經臣部奏派清查川漢公司出入款目該員鈎稽審詳報告明晰此次應查四川川漢公司股本辦法即派該員就近查核至湖北川漢鐵路亦應分別調查資本即派臣部候補僉事員外郎曾毓雋員外郎關廣麟前往查覈均令遵照臣部前奏確實辦理詳細報部候核其餘各路另由臣部陸續選員分往勘查再行具

皇太后

奏所有派員勘查川漢鐵路緣由理合恭摺具陳伏乞

皇上聖鑒訓示謹

奏

光緒三十四年六月初九日奉

旨依議欽此

郵傳部奏議類編

路政

派員先期勘查川漢鐵路

二百十九 參議院編纂科

請 賞滬甯鐵路洋員寶星片

再滬甯鐵路工程將次全竣所有總工程司一缺擬即裁去以行車總管兼充藉省糜費其向充總工程司之英國人格林森於全路工程始終其事不無微勞足錄擬請援照京奉京漢各路成例

賞給該洋員三等第一寶星藉酬勞動恭候

命下由 臣部咨行外務部照章製就發交 臣部轉飭祇領所有請

給滬甯鐵路洋員寶星緣由理合附片陳明伏乞

聖鑒訓示謹

奏

光緒三十四年六月初九日奉

旨著照所請外務部知道欽此

The image shows a large rectangular frame that appears to be a scan of a document page. Inside the frame, there is a very faint grid or table structure with several vertical lines, but the text within the cells is completely illegible due to low contrast and blurring. A small dark spot is visible on the right side of the frame.

法部等會奏議覆黑龍江遣犯實邊摺

奏爲遵

旨會議具奏事內開鈔出東三省總督徐世昌等奏請酌復遣犯
舊例藉圖實邊一摺光緒三十三年十一月十一日奉

硃批該衙門議奏欽此欽遵鈔出到部查原奏內稱遣犯一項與
日本之無期流刑相仿尤以俄羅斯發遣之法爲最善考俄
國發遣一往西北利亞一往高加索山均作無限苦工十年
後始准編入農籍並無釋回之文蓋因兩處地土荒寒居人
稀少即藉此爲殖民之用立法具有深心迄今黑龍江左岸
凡屬俄地者屯戶較多居民櫛比其故大由於此江省幅員
太廣從前邊禁未開山荒未放旗屯聚族而居平民不容雜
處是以罪犯發遣到江不得不留於各城安置歷年既久臚

聚過多節經嘉慶十七年奏准將遣犯分別改發減發二十年刑部又奏准停止發遣道光年間發遣官犯尙多常犯極少一時壅積爲之疏通嗣咸豐二年酌復舊例給被甲爲奴者八條又因新疆遣犯壅滯改發黑龍江者十三條此外情節較重應發新疆者亦酌量改發黑龍江同治四年復因遣犯過多將應發黑龍江人犯改發各省駐防及極邊足四千里充軍九年修律時特指明十八條改發極邊煙瘴凡此皆因時變通互爲消息伏念江省土地之廣人民之稀二百餘年坐棄膏腴不謀生聚今則強鄰逼處他族潛滋就黑龍江左右兩岸觀之已不免有興廢之感爲目前計舍殖民實邊殆無二策現在雖極力籌畫一時未易見功因思發遣之犯每歲當復不少邇來籌邊之策與前旣已不同似不如即

將應遣人犯擇其情節稍輕者規復舊例仍發黑龍江其家屬願隨者聽爲奴人犯改爲充當苦工五年安置人犯充當苦工一年均於到配時酌撥各地方官嚴加管束俟年滿後察其人尙安靜酌撥邊境設官處所編入農籍計口授田俾其墾種其實發煙瘴及常赦所不原應發極邊之各犯亦可一律辦理等因奏奉

諭旨著 等議奏 等竊惟罪人徙邊以實塞下自漢以來即有此法明帝初詔郡國中都官犯死罪繫囚減一等屯朔方五原之邊縣永元延光間又詔詣燉煌及隴西度遼營屯宋時亦配隸登州沙門及通州海島原以邊地人稀土曠使罪囚且耕且戍以節餽餉而闢利源用意至爲深遠近日泰西各國發遣之法雖有不同而如俄羅斯之西伯利亞及高加索

二區實與中國古制脗合蓋其法到配後須作苦工十年始入農籍不准釋回既陰施其拓地之謀即顯藉爲殖民之用該督等謂黑龍江左岸之屬俄地者屯戶較多未必不由於此溯查

國初定例情重各犯除流徙尙陽堡及打牲烏喇齊古塔等處外多係發黑龍江爲奴嗣因廢集過多始行分別改發減發旋又酌復舊例同治九年復將應發黑龍江者改爲實發雲貴兩廣極邊煙瘴充軍在當日經畫之苦心固係與時消息但今昔情形迥異該處之停發計已三十餘年似籌邊之方亦應量爲變通況其地強鄰逼處村落仍極空虛若徒擁數千里饒沃之區漠然不謀生聚非惟失內地自然之利抑恐啓外人窺伺之謀該督等擬請將應遣人犯擇其情節較輕

者規復舊制係爲慎重邊防起見惟查例內應發遣黑龍江等處遣犯大半係兇悍之徒按照光緒二十九年臣部議覆升任山西撫臣趙爾巽奏罪犯習藝章程內如強盜會匪棍徒搶奪等項到配尙須監禁十年再行身帶重鍊充當折磨苦工以二十年爲限即非上項致罪而爲常赦不原者亦應收所工作十年今遽責令歸農未必爲其所習且該省竊匪未靖馬賊尙多縱羣不逞之囚徒以散處其間防範未周難保不勾結爲患矧此等案犯各直省之報部者每年並不甚多即使盡數發往仍恐於屯墾無補檢查光緒三十二年及三十三年臣部會奏戲誤擅殺並議奏秋審可矜人犯分別減爲徒流各摺均經奉

旨允准在案除徒犯尙在本地應役例不出境應毋庸議外現計

死罪減流各犯數目較多或事出無心或殺因忿激或一時爭角鬪情甚輕本與實在兇徒有間且若輩有室家者十居八九以之助興屯政洵屬相宜願或謂黑龍江所發係屬外遣擅誤可矜各犯均係隨案減流投之遠方似覺過重不知屯係實邊之計並非科罪之差古有遷平民以實邊徼者矣況其爲罪犯耶且遣軍各犯其罪尙不至死而擅誤及鬪殺之可矜者其本罪原應擬絞則以免死減流與罪不至死者較輕重尤當有辨漢時詔天下繫囚減死詣邊妻子自隨其制已古即光緒十年新疆巡撫劉錦棠奏請變通遣犯一摺亦經臣部議令將秋審免死一項充發等因似可援案辦理或又謂此項流犯新章係在本省習藝與例應發配者不同不知殺人移鄉古有正律與其長留本境或致刺釁以成仇

何如遠徙他方尙得安居而樂業且工與農同一保民要政
作工者效尙俟諸異日力農者利即在於目前事不過稍爲
轉移於本犯不費一粟一錢居然有田畝可耕室家完聚之
樂亦何憚而不出此即謂人情咸以輕去其鄉爲慮未容強
以所難或於定案時詳細詢明較爲周切至此外軍流等犯
向章雖以常赦得原與否爲發配不發配之分但常赦不原
者情罪既重自毋庸另議更張而爲常赦所原者情節較輕
其願否赴邊似亦應與擅誤各案一律核辦仍於軍流之中
略予區分以昭平允臣等公同商酌擬請嗣後遇有擅殺誤
殺鬪殺情有可矜各犯凡罪應減流者均於定案時取具確
供如有情願赴邊謀生者免其在本地作工准即帶同妻子
發往黑龍江分置設有州縣地方編入民籍酌撥種地由官

資送其有老弱不能任事者仍按向章收所習藝尋常軍流等犯爲常赦所得原者流犯照前辦理軍犯無庸查詢即行簽發並嚴飭配所該管官於各犯到日體察情形隨時稟報倘有脫逃滋事別情即照原擬軍流應得工作年限責令充當苦工限滿安置案係免罪實邊所有該督等擬請將爲奴安置人犯分別充當苦工五年一年並常赦不原各犯一律照辦之處均毋庸議惟是籌邊大計未容操切圖功臣等擬先就京城及直隸山東山西河南案犯妥爲試辦俟數年後行之果無滯礙再行推廣各省庶該督等得以布置從容而人犯亦無擁闕之患如蒙

俞允臣部即行文該督等遵照並令安定詳細章程另行奏明再由臣部分咨直隸山東山西河南各督撫及大理院順天府

府戶一體查照辦理該督等又稱各犯所帶家屬及押解員役經過沿江沿海乘坐輪船及關內外火車均請免價以紓官方等語郵傳部查沿江沿海輪船招商一局向由商辦至京奉鐵路係借款興築上年十一月間臣部議覆遷民實邊請免輪路川資摺內奏准各路遷民免價核與借款合同不符應請毋庸置議至輪船免費一節京奉路局之輪船將來遷民由煙赴營或山津赴營當先飭局酌減船價其商局輪船並經商明減半核收等因現在該省又請將遣犯家屬押解員役乘坐輪車均行免價臣等悉心考察除乘京奉路局輪船應仍照前奏辦理外商局輪船邇年生理益形竭蹶如按照前次遷民成案飭令減收半價商局當能勉從至關內外火車免價辦法合同祇指賑糧軍械若議遣犯免價仍與

合同不符礙難照准應請責成各該省地方官自行籌款辦理如蒙

俞允應由部咨行該省派員赴部併案議訂船運減價章程期臻妥善抑臣等更有請者定制原貴因地而守法尤在得人就目下黑龍江情形而言誠如原奏舍殖民別無良策特恐旗屯狃於積習不令雜居胥役恣爲奸欺羣相苛剝又或本犯不樂耕作或不耐寒苦故態復萌種種情弊均所難免全在該督等督飭所屬認真經理使罪犯咸受約束而土客得以相安其所需牲畜器具及犯屬棲息之所均須逐一籌及免滋流弊再此摺係法部主稿會同修訂法律大臣暨郵傳部辦理因往返籌商是以具奏稍遲合併聲明所有遵議黑龍江遣犯實邊緣由謹恭摺具

奏請

旨

光緒三十四年六月十八日奉

旨依議欽此

郵傳部奏議類編

陸政

會奏議覆黑龍江遺犯賈邊

一百廿六 參議廳編纂科

京漢鐵路被水情形理合附片具陳伏乞

聖鑒謹

奏

光緒三十四年六月十九日奉

旨知道了欽此

會奏核覆京奉鐵路第三案報銷摺

奏爲核覆京奉鐵路第三案收支各款繕具清單恭摺仰祈

聖鑒事竊直隸總督楊士驤奏京奉鐵路第三案收支各款報銷

一摺光緒三十四年四月二十二日奉

硃批該部知道單併發欽此欽遵由內閣鈔出到部並准該督將

清冊咨送前來等查關內外鐵路收支各款上案截至光

緒三十年正月十四日即西歷一千九百零四年二月二十

九號止經升任督臣袁世凱列作第二案報部核銷在案現

據續報自光緒三十年正月十五日即西歷一千九百零四

年三月一號起截至是年十一月二十五日即西歷一千九

百零四年十二月底止第三案收支款項臣等督飭司員按

冊句稽四柱總散各數大致均符惟洋車守恩思華士等四

名月支薪水項下計共多開十一先令及工程司廊孫謀經支項下造修高山子至新民府各段道工薪水工食查上案已支至西一千九百零四年二月底止此案復由零四年二月一號接支顯係重支以上多支及重支銀數應即刪除餘均照案給發尙皆符合間有增減之處業經隨案聲明應請准其照銷謹將准銷刪除各款分別繕具清單恭呈

御覽其三十年十一月二十五日以後收支各款應請

旨飭下直隸總督轉飭趕緊造報以重路政所有核覆京奉鐵路第三案報銷緣由理合繕單恭摺具陳伏乞

皇太后

皇上聖鑒訓示再此摺係郵傳部主稿會同度支部辦理合併聲

明謹

奏

光緒三十四年六月十九日奉

旨依議欽此

140-2 600

--	--	--	--	--	--	--	--	--	--

謹將核覆京奉鐵路自光緒三十年正月十五日起至是年十一月二十五日止第三案收支各款繕具清單恭呈

御覽

計開

舊管項下

一據冊開上案不敷墊支銀十三萬一千五百八十四元三角六分查冊上案不敷銀數相符應准於本屆新收項下

照數撥還

新收項下

一據冊開收關內外鐵路客票以及轉運貨票脚價洋銀六百二十六萬七千一百九十八圓一角四分又本路電報商局借用本路電綫代遞商報報費洋銀一十五萬五

郵傳部奏議類編

路政

會奏核覆京奉鐵路第三案報銷

一百三十一參議廳編纂科

千二百一十元零七角五分各等語查前項車價及報費均按照該册所開月收數目以散合總均屬相符

一據册開收新易路提還墊付材料價值等項洋銀六十萬零八千八百九十二元四角三分查墊付該款上案册內並未聲明現據聲稱係光緒二十八年九月間修建自新城縣至易州鐵路一段估需工價銀六十萬兩奏明由部庫暨本省分別籌撥其籌撥工款未經解到以前暫在該路進款內先行墊發等語實計撥還之款應歸本案列收

一據册開收新易路客票貨票脚價並地租等項洋銀六千一百六十一圓五角等語查新易路車價據册內聲明自光緒三十年四月起歸入本案列收按照册開月收數目查核相符

一據册開收大賠款利息洋銀七萬二千九百二十一圓四角七分等語查此款因庚子之亂該路被毀產業經中英公司開單列入大賠款內核算除英軍代管鐵路時撥用九萬鎊外尙應收英金三十四萬七千鎊與上海匯豐銀行商明長年四釐生息截至西一千九百零三年止應收利息已於上屆列收在案茲據册內列收匯豐銀行交到一千九百零四年正月至六月底止半年利息英金六千九百四十鎊按照時價以鎊合銀以銀合洋核算相符

一據册開收津海關道撥解代造鐵橋工料洋銀二萬八千五百七十一圓四角三分等語查册稱該路局代津海關建造鐵橋應需工料四萬四千餘兩據津海關道先撥解銀二萬兩按照時價以銀合洋數目相符

一據冊開收唐山等處房地租價洋銀一萬七千四百七十三元九角五分又售出定州等處房地價值洋銀一萬七千六百八十三元三角七分各等語查該路沿途空閒房地由各洋工程司隨時出租所得租價分期繳局上屆已列收有案此次列收租價按照冊開細數核算均符其定州等處房地既據聲稱不在本路綫內係屬無用之地應准分別出售承租所收價值按冊核算尙屬相符又上案行查購買天津汽水公司項下每年租價洋銀一千二百元因何未列收款嗣據覆稱該公司應交地租係訂明一年後交付應歸第三案列收此案列收該公司租價數目亦屬相符

一據冊開收各處繳回煤價洋銀一千九百六十五元又售

出舊道木等項洋銀一萬四千二百六十九元五角六分
又各洋工程司售出爛鐵雜料等項洋銀一萬七千五百
十二元八角二分各等語查各站及附近鐵路各局領用
該路用賸大小塊煤照章應繳價解局其該路鋪墊道木
橋梁等件剔出舊木亦應變價歸公又各洋工程司修造
各項工程及機器等件用剩爛鐵雜料物件亦應出售變
價以免廢棄上屆均經列收有案此次列收各款按照册
開數目以散合總核算均符

一 據册開收唐山製造等廠代各處製造機件並售出各項
材料價值洋銀三萬四千四百七十九元九角七分等語查
該路所設唐山製造等廠代各處製造機件照章應作價
繳局上屆已列收有案此次列收數目按册核算散總相

符

一據冊開收各處撥還借墊雜款電報車脚押款暨各廠站
小工罰款存款利息等項洋銀八萬八千八百九十六元
九角一分等語查前項雜款以散合總數目相符

以上共新收洋銀七百三十三萬一千一百七十五元
三角除還上案不敷洋銀十三萬一千五百八十四元
三角六分計本案定列收洋銀七百十九萬九千五百
九十元九角四分

開除項下

一據冊開支津京兩局並全路各站暨各報房總辦員司緝
譯差役人等薪工雜費等項共請銷洋銀三十七萬五千
五百二元八角八分等語查前項支款內天津總局總辦

提調員司薪水公費共洋銀九萬六千一百七元五角九分又北京分局繙譯委員稽查衛隊人等薪水公費共洋銀三萬八百五十二元一角二分又督辦公所繙譯委員稽查人等薪水公費共洋銀八萬元又關內外各車站站長人等薪水工食共洋銀十一萬二千三百七十九元又各車站電報房司事人等薪水工食共洋銀四萬七千八百十四元四角八分又新易路材料廠支應局暨車站報房機車處員司站長學生夫役人等薪水雜費共洋銀八千四百一十一元六角以散合總數目相符所有各局各車站各報房薪水工食均按照上案接續開支隨時酌量增減自應准其照銷至甘草嶺銀首山大坨子等處添設車站報房係爲推廣路政起見所支薪工亦應准銷其督

辦公所繕譯委員稽查人等薪水公費查係上案所無惟據冊內聲明因洋帳房未將支數核明未及歸入上案造銷現據核明開報應請核銷等語該公所自光緒二十八年九月起至三十年十一月止支過薪水公費應准一併銷結至新易路一路亦據聲明自光緒三十年四月起歸入本路造報所支該路各局廠棧房薪工雜費自應准於本案列銷

據冊開支各洋員暨華洋醫生巡警各製造車頭等廠官弁員司工匠人等薪工川資雜費等項共請銷洋銀七十二萬四千二十八元三角三分等語查前項支款內各洋員薪水共洋銀二十一萬九千三百八十六元四角六分又各洋員房租川資等項共洋銀一萬六百四十二元二

角一分又各醫員並華洋醫生薪費等項共洋銀二萬六
 百五十四元四角九分又巡警官弁兵丁薪餉共洋銀四
 萬六千三百三十九元九角六分又巡警官弁兵丁津貼
 並彈壓員弁薪水共洋銀二萬一千七百三十七元三角
 二分又營口支應局員司差役人等薪工洋銀一千一百
 九十四元二角八分又唐山製造等廠司事匠役人等薪
 工洋銀二十六萬五千三十六元二角二分又各站車頭
 廠機車處司事匠役人等薪工洋銀十三萬七千五百三
 十三元六角四分又添設本路電報學堂司事學生人等
 薪費並購置傢具共洋銀一千五百三元七角五分以散
 合總數目相符所有各洋員醫生薪水房租川資以及各
 局廠薪工等項均照上案接續開支隨時酌量增減所用

英金亦經遵照逐款注明先令銀洋折合之數應准開銷
惟洋員薪水項下洋車守恩思華士郝思格律德敦恩等
四員各月支薪水英金十五鎊其恩思華士郝思兩員按
九個月九天各應支一百三十九鎊十先令又格律德一
員按五個月九天應支七十九鎊十先令又敦恩一員按
九個月五天應支一百三十七鎊十先令册開細數共多
支十一先令按時價以二先令八本士合銀一兩共合銀
四兩一錢二分五釐再按六錢九分四釐九毫八絲二忽
八微合洋銀一元共合洋銀五元九角三分五釐應令刪
除至鐵路巡警開支薪餉酌給津貼等項上屆核銷案內
以此項巡警本係調用淮軍惟淮軍銷册先鋒馬隊後營
自二十八年三月殺字砲隊後營自二十九年正月先後

撥歸鐵路支餉該册造報兩營均是步隊截餉日期不符
 又第一營幫帶爲淮軍原營所無巡兵較上屆多支十名
 該營馬匹撥歸何處業經行查在案旋據覆稱鐵路巡警
 改食路餉者乃淮軍毅字砲隊與親軍後營改編其先鋒
 馬隊後營係二十八年初議調護鐵路旋又改調山東該
 局報册未將改調聲明至幫帶一員及增加巡兵十名係
 該管改食路餉後添設等因此次照案接支自應照准其
 添設關外馬巡一營並添支各巡隊冬季炭資係爲保衛
 行旅體恤兵丁起見應予准銷又添設本路電報學堂據
 稱規復庚子以前舊制所支薪費等項自應准其照銷
 一 據册開支購買外洋機器材料道木煤炭洋紙傢具等項
 共請銷洋銀一百十六萬九百二十三元一角二分查前

項支款內購買外洋機器材料並驗收裝運各項料物費用共洋銀十萬八千七百四十九圓八角又由英京惠德洋行購買器具材料價脚保險等項共洋銀二十九萬二千八百八十一元二角七分又購買各項木料洋銀七萬六千九百八十一元八角四分又購買煤炭洋銀四十一萬五千六百七元六角三分又華洋紙張繪圖顏色刷印章程等件共洋銀四萬六千一百八十元五角八分又各車站購辦傢具物件共洋銀三千三百六十三元六角八分又唐山製造廠製造車輛并購買材料共洋銀十三萬九千一百三十二元四角三分又鐵路巡警兵隊製備號衣靴帽等件共洋銀一萬三百九十七元八角二分又電報歲修並各報房添購器具共洋銀四千四百九十六元

二角五分又關外各站起卸貨物用費共洋銀二萬七百
一元五角又天津總局房租火食雜費等項共洋銀三萬
八千一百二十元六角二分又新易路購用煤炭撥付蘆
漢車脚電報雜費共洋銀四千三百九元七角以散合總
數目均符既據分月分批按款詳晰開列應准照數支銷
一據册開支添修各項工程暨關內外歲修養路經費等項
共請銷洋銀七十一萬八百六元三角等語查前項支款
內鋪墊天津新開河車站土方並員司伙食共洋銀一萬
五千九百四十三元六角九分又補發北京正陽門外東
月牆貨廠佔用鋪房價洋銀五千八百七十八元八角二
分其餘各段工料由豐台洋工程司牛麻治經支洋銀三
萬五千六百五十七元七角六分由楊村洋工程司葛畢

森經支洋銀二萬五百六十六元三角九分由塘沽洋工
程司德基經支洋銀十六萬九千九百八十二元五角九
分由山海關洋工程司李吉士經支洋銀十三萬九千五
百二十七元六分由新河料廠總管洋員白臘克經支洋
銀八千九百十二元六角由山海關橋梁廠總管洋員郝
烏經支洋銀四萬三千一百八元二角六分由溝幫子洋
工程司李區經支洋銀九萬八千四百二十六元五角二
分由營口洋工程司喀克司經支洋銀六萬六千五十三
元二角九分由大虎山工程司鄭孫謀經支洋銀九萬五
千四百四十元八角二分又營口料廠員司夫役人等薪
工共洋銀八百五十二元二角八分又新易路歲修養路
工程並就地購料共洋銀一萬四百五十六元二角二分

按册核算散總相符所有鋪墊土方應給工價既據詳細開列應准支銷貨廠佔用鋪房應給地價上屆亦經准銷有案此次册開應發鋪房地價應准一體補發以示公允至新易路歲修養路經費等項既據聲明自光緒三十年四月起歸入關內外全路報銷自應照准開支至華洋各工程司經支薪工等項均照上案接支隨時酌量增減所用工料均據詳細開報亦應一併准銷惟鄺孫謀經辦自高山子起至新民府一帶道工上案係截至西一千九百零四年二月底止此次册開新修高山子饒陽河等處至新民府各段道工薪水房租月支一千四百二十六元自西歷一千九百零四年二月一號起至九月底止計西八個月共支洋銀一萬一千四百八元前後接算計重支一

箇月洋銀一千四百二十六元應令刪除

一據冊開籌還大批借款本息商股本息暨購買房地雜支
郵賞等項共請銷洋銀二百十二萬六千七百四十五元
五角一分等語查前項支款內籌還大批借款本息英金
合洋銀一百二十九萬二千一百八十四元六角一分又
撥商股本息等項洋銀十萬一千七百二十八元五角七
分又撥還北洋各局所並長蘆鹽商股息共洋銀七萬六
百四十五元七角一分又撥還第二次息借華款本息共
洋銀三十萬四千七百六十一元九角又解度支部坐糧
廳通關稅款洋銀一萬五千九百八十三元四角四分又
購買陽河等處地畝價值洋銀九百二十五元四角三分
又補發前購通州喬莊地畝遷墳費洋銀五百一十一元一

角又撥給該路各洋員庚子因亂損失賠款並銀號借款各洋行材料價值洋銀二十一萬五千六百一元五角五分又賞給唐山製造廠匠目酬勞洋銀一千元又購回鐵路銀票洋銀十七元又付給怡和洋行暨中英公司津貼洋銀六千三百六十七元五角九分又付給地租等項洋銀二千二百四十七元二分又退還各商棧押款車脚等項洋銀三千六百三十二元五角一分又易換小角洋銀虧水共洋銀二萬六千七百七十三元五角三分又卹賞養傷費共洋銀一千一百七十三元六角九分又撥還代收京漢鐵路裝運客貨脚價共洋銀三萬四千三百七十二元六角五分又撥還代收電報商局報費洋銀四萬八千八百十九元二角一分按册核算散總之數均符所有

籌還大批借款本息據稱係光緒二十四年因清還各項借款及接修關外路工息借匯豐銀行之款每月應付利息英金九千六百七鎊五先令十本土上屆已照付在案本案自西一千九百四年三月分起照案接續支付又自西八月起每年攤還頭批原本連行用共英金四千八百三鎊十二先令十一本土按月照時價折合洋銀核與支數符合至該路開平一段創自商股除陸續撥還外至接收全路時尙存銀二十八萬四千七百兩照案常年六釐行息並准將股本隨時收還冊開撥還商股本息數目查核相符又該路前因創造津沽一段借北洋各局所公款銀十六萬兩常年五釐行息借長蘆鹽商銀三十萬兩常年六釐行息冊開支數核與應還利息數目相符又該路

因清還商股本息第二次息借華款二十萬兩上案業已
列收冊開撥還本息亦與應還數目符合其該路每月應
解通關稅款銀一千一百兩冊開支數亦屬相符又該路
購買民地應給地價遷墳費又佔用旗民各地應給地租
核算均符至撥付各洋員賠款及匠目酬勞係於大賠款
內給付查庚子之亂該路損失產業已於大賠款內算給
各洋員等損失財物及匠目保護路礦兩局房屋應給酬
勞自應准其撥付其贖回鐵路銀票付給怡和洋行暨中
英公司代管借款津貼以及易換小角洋銀虧水並郵賞
養傷等項上屆已准銷有案應准照案列銷又退回各商
棧押款車脚撥還代收京漢鐵路裝運客貨脚價撥還代
收電報商局報費等項均係應退應撥之款亦應准其照

銷

以上共請銷洋銀五百九萬八千六元一角四分內應
刪除洋銀一千四百三十一元九角三分五釐實准銷
洋銀五百九萬六千五百七十四元二角五釐

實在項下

據冊開截存洋銀二百十萬一千五百八十四元八角等
語查前項截存銀兩核算相符惟支款內刪除洋銀一
千四百三十一元九角三分五釐應令併入計實存洋
銀二百十萬三千一十六元七角三分五釐俟下屆造
報到日再行查核

軍機處等會奏議覆道員崔祥奎條陳雲南要政摺

奏爲遵

旨會議具奏仰祈

聖鑒事本月初七日陸軍部奏代遞補用道崔祥奎條陳雲南要

政呈

旨軍機大臣會同外務部度支部陸軍部農工商部郵傳部立即

妥議具奏欽此仰見

朝廷體懷南服慎固邊疆至意欽佩莫名臣等公同商酌再四籌

維竊以爲雲南屏藩七省勢處阡危失今不圖後將何及有

不得不亟謀補救者謹就該道原呈逐條擬議敬爲我

皇太后

皇上縷晰陳之據原呈稱嚴防革黨而以革黨之巢穴越南特法

郵傳部奏議類編

路政

會奏議覆道員崔祥奎條陳雲南

一百四十一參議廳編要科

人爲護符法亦餌而利用之以致邊亂時滅時起宜熟籌善
後一節外務部查革黨向以孫汝爲逆首該逆歷年勾結黨
羽出沒於香港河內一帶上年港督頒諭加以驅逐該逆知
香港不能駐足遂帶領黨目十餘人潛往越屬之河內海防
經臣部密商法國駐京大臣巴思德轉電越督一體驅逐嗣
准法使復稱該黨首果匿河內已密探捕獲擬即驅逐出境
越督並頒通諭不准該黨首再入越界隨於十一月押送新
嘉坡英律凡公犯安分居住例無驅逐之條故該逆現尙在
坡其黨散匿越屬間或有之亦有託名該黨並有誤疑爲該
黨者上年鎮南關礮台失事迭准粵省督撫電稱內有革黨
往來越境勾串煽惑臣部復商准法政府電越督堵截拘禁
桂匪平後計越屬拘禁之匪一百餘人本年四月間滇匪初

起勢尤猖獗滇省屢次來電以匪用越地爲根據亦如該道原呈所稱臣等疊經嚴詞照詰法使該使復照歷引越督協助之事以爲證並謂本國有增兵遏亂之美意中國無擇善歸睦之實心自後豈願續展用情云云嗣復有芭龍槍斃法員兵之案彼此正在派員會查交涉益形棘手竊謂滇桂沿邊數千里處處與越界毗連從前逃勇土匪之窟穴其中者已成滋蔓該革黨謀爲詭秘即無人暗爲援助亦何嘗不利用之以擾邊臣等深慮其竊發一隅貽憂全局是以本年二月間與法使商訂查禁逆黨條規五月間復分電滇粵三省督撫會商整頓會汎章程辦法無非爲思患預防起見第事關邊界措注綦難全在邊疆文武得人逆黨方有所震懾應請

飭下雲貴總督廣儲邊材嚴整武備以防範於事前至關乎越界一面^以等自當隨時切商法使照章辦理姑無論其處心設慮如何就以上情形而言彼終不能不表同保公安之意矣原呈又稱慎選外交人員並以河口副督辦權位太輕宜將蒙自關道改駐河口另於蒙自設職位較崇一員騰越設副官一員受轄蒙自大員一節查蒙自關道一缺設於光緒十二年是年因與法國續議商務專條第二條載明按照十二年三月二十二日定約第一款兩國指定通商處所雲南則開蒙自又附章第一款載蒙自往保勝之水道允開通商一處改在河口法國任在河口駐有蒙自領事官屬下一員中國亦有海關一員在彼駐紮各等語是蒙自之駐有關道有領事與河口之有分關與領事屬下之員悉皆載在條約茲

若率請改駐既與條約不符並慮法人執約以爭徒滋口舌且如原呈河口既駐關道復於蒙自添設大員亦慮事權不專意見歧出反致多所牽掣至騰越逼近緬甸多英人交涉之事該處與蒙自相距甚遠即議添設一官亦斷不能歸蒙自大員節制以上各節均應毋庸置議惟該道所稱交涉人員宜選精通法文兼嫻內政者以資臂助自係滇省切要之端又云河口副督辦一差歷年率委候補州縣人員充當權力材力均有不勝等語河口自滇越鐵路開通之後市面繁盛交涉滋多副督辦一差兼管中法對汛事宜似職位過輕不足以隆體制而裨交涉應請

飭下雲貴總督體察情形嗣後駐紮河口酌派官階較大兼通法文人員前往辦理並爲寬籌經費增置警兵俾得有所藉手

庶於防務外交均有裨益又原呈內稱雲南練兵較各省爲急擬乘此匪亂甫平於腹地省分籌撥一二全鎮餉項官長器械裝服限期迅赴雲南就地選募土著兵丁趕緊訓練該省現在新練之軍一併趕速添編等語陸軍部查近年西南邊務最關緊要即以練兵一端而論亦應合滇蜀兩粵四省並顧兼籌方免疏漏今該道以滇省匪亂甫平亟宜乘此時機擴張軍備自係權衡緩急辦法與臣部所籌亦正昭合臣部於上年七月間奏定各省編練陸軍鎮數年限雲南省應於五年內編足兩鎮現據該省奏報僅編成步隊一協過山礮隊二營以餉無所籌未能成鎮現在該省匪黨滋蔓勢甚岌岌與內地各省情形不同自不能專恃一省之力致滋貽誤臣部詳細籌商擬酌照目今財力內外通籌先於一年內

添足一鎮暫資捍衛所需開辦經費應由該省儘力籌措不敷之款即由度支部在籌_臣部補練第三鎮款項內撥濟其常年經費約需一百四十萬兩除該省現有之餉儘數作抵外其餘擬商由度支部暫行接濟二三年以後仍由該省自行籌措應付此外應編之一鎮責成該省早爲籌策務於限內編成藉厚兵力原呈所稱選派統制一節擬由_臣部先行慎選奏派以爲入手辦法其選派各等軍官並發給全餉練成奏請獎叙以及駐紮處所各事宜均應由_臣部隨時商同該督妥籌奏明辦理至所稱南防各巡防隊十七營鐵路巡防隊十三營應如何汰留歸併整頓調練並擬行令該督詳細酌核奏明請

旨遵行度支部查雲南地處邊陲修明武備洵不得視爲緩圖現

在既議定先行編練新軍一鎮則開辦常年各經費需款至鉅除該省自籌外不敷之數度支部現與陸軍部妥商擬在部庫應撥陸軍部之購置軍械銀一百五十萬內核明撥給至所需常年經費該省庫儲支絀當難遽爲籌措擬在解部練兵經費及土藥統稅項下撥銀五十萬兩又該省應解洋款銀二十萬七千兩四川鹽務項下銀十萬兩廣東鹽務溢收銀十萬兩長沙關洋稅銀四萬兩重慶關稅銀三萬兩蒙自騰越兩關稅銀二萬三千兩以上共銀一百萬兩暫行撥給該省應用作爲常年練兵要需俟二三年後再令該省自行籌付至所稱裁撤防營騰挪餉項一節查該省制兵餉銀二十四萬三千餘兩練兵餉銀七十六萬數千餘兩共銀一百萬兩有奇前因該督奏稱原有營兵腐敗不堪經部奏

令嚴行裁汰改練新軍果能實力裁節騰出的餉再
次撥濟之款足敷編練新軍一鎮之用又原呈稱整
一節查滇省鹽自井出前因苦於缺產廣開子井既
又苦滯銷道光六年雲貴總督因私開鹽井過多跌
大碍正鹽奏請嚴查私井勒令封閉現在情形宜否
井及如何查禁交鹽私販之處應令該督察看情形
理又原呈內速辦礦產一條農工商部查該員所呈
旨以調查全省礦產奏派紳商組織礦務公司並赴
埠勸招商股藉以杜外人之窺伺而爲練兵贖路之
維滇省山川深厚寶藏之富中外豔稱前經 部訂
總表行查雲貴總督旋經該督造送礦表到部計已
共四十六處內惟巧家廳等處銅廠及蒙自建水等

之個舊錫廠均經設立公司規模尙備外此則皆形勢渙散資本零星加以交通不便轉運維艱雖經官局極力提倡尙未能大著成效滇省毗連緬越水陸交通商務邊防均屬緊要目前所注意者固不止礦務一端即外人所垂涎者亦不止礦權一事然苟使地利日興民財日阜亦足以綢繆內政抵制外資原呈所請奏派鉅富紳商組織公司籌辦滇礦自屬可行惟南洋各埠華商大都籍隸閩粵於滇中情形尙多隔膜恐一時未易招徠現在臣部礦章業經奏明改訂將來邊疆要地與內地情形不同者自不妨格外變通俾商民知有利可圖不招自至擬請

飭下雲貴總督就礦政調查局延訂礦師勘驗礦苗並參照湘皖等省章程就本省紳商擇其公正殷實聲望夙著之人作爲

商辦礦務總理添設勸業道一缺督率公司廣招商股官任保護商任經營倘有鉅富紳商於滇省創設礦務公司辦有成效者即可援照爵賞章程及獎勵公司章程從優給獎以資激勸抑更有進者西人富國之源礦產而外以農林爲最鉅即如南洋之越南緬甸等處其始本榛莽之區華人墾闢於先西人經營於後迄於今而物力殷軫百產蕃昌嘉穀名材珍果良藥實爲出產大宗雖曰天時亦由人事滇省地處溫帶與緬越相鄰土脉膏腴大畧相似於農業林業尤屬相宜擬請一併

飭下雲貴總督責成勸業道察度情形認真提倡俾與礦業相輔而行庶足民即以裕國興利即以實邊爲固圖興商之一助又原呈請移贖滇越之款先修騰越一路並早籌開辦滇蜀

一節郵傳部查滇越鐵路扼我要衝苟能設法收回自屬善策現體察情形尙待統籌自不如先修騰越兩害冀可取輕惟騰越距雲南省會約一千五百餘里僻在邊陲該路告成於內地聲氣仍不能聯絡似尙非萬全之道查光緒三十二年閏四月雲貴總督丁振鐸奏請會修騰緬鐵路原奏內稱由新街至騰越計緬界約一百里騰界約三百里大概需銀約六百萬兩經派迤西道關以鏞等與英員會商一切俟勘路事竣即妥訂條約另行奏報等語迄今未據奏咨業由郵傳部電咨該省督臣迅將該路曾否勘竣有無訂立合同各情形詳晰開報應俟聲覆到日再行核辦至滇蜀一路臣部現正籌議擬由四川重慶起築接連川漢鐵路南經瀘叙直達滇省以便交通但兩路需款過多未易籌措應請責成該省

督臣督飭滇蜀鐵路公司按照奏定集股章程認真規畫總期早日集有成數從速興工該省礦產既豐如能照原擬公利股分辦法妥籌開採路款應更有把握以上各辦法等詳加籌議意見相同竊謂滇省逼處強鄰邊匪竄擾內訌外侮交起相乘凡百新政皆當並舉方今大勢有強權而無公理爭以口舌所得甚細必須厚集兵力乃可建威銷萌是廣儲邊材嚴整武備實爲外交一絕大命脉河口地方繁盛華洋錯雜誠宜選精通法文分位較大者駐紮其間以資鎮攝現該省臬司及蒙自關道先後奉

旨簡放世增高而謙該兩員均嫻習法文諳練交涉嗣後汲引延攬當不致有乏才之慮至若練兵端資籌餉滇地瘠苦斷難驟集鉅資所有開辦及常年經費暨一切軍裝器械先由部

約計籌撥俟該省籌有的款即陸續停止並在先成之一鎮內添設隨營學堂以爲他日續增一鎮選用官弁之預備鐵路所關甚鉅有事則征兵運餉無事則輦貨便商皆於是乎賴若必先將滇越路收回自辦然後興修別路固屬緩不濟急且我有實力不贖路無足爲害我無實力即贖路亦難相安擬一面增練新軍一面由該督臣隨時會商郵傳部協力通籌務將路綫極力推廣且藉以爲開礦之資蓋開礦大要在於運路便銷路廣路政與礦政二者本相爲表裏者也亟應添設勸業道一缺遴選熟習礦務素有聲望人員請旨簡放使之倡率保護凡在該省承辦礦產公司者予以特別利益如官地不取值數年不納稅之類礦務當日有起色從此治安能保商願出途實業徐圖振興外人不敢窺伺計莫有

善於此者現當土寇初平假茲善後之名爲固我邊隅之策
縱明知度支奇窘亦不得不兼籌統顧勉濟艱難但使切實
舉行當不至輕於一擲此固西南大局安危所繫不僅雲南
一省藉奠苞桑已也所有遵
旨會議緣由理合恭摺具陳伏乞

皇太后

皇上聖鑒訓示再此摺由軍機處主稿會同外務部度支部陸軍
部農工商部郵傳部辦理合併陳明謹

奏

光緒三十四年六月二十四日軍機大臣字寄奉

上諭據軍機大臣奕劻等奏會議補用道崔祥奎雲南要政條陳
一摺雲南係西南各省安危強鄰逼處已久以值地方初靖若

不亟圖善後一切要政後患何堪設想錫良身膺疆寄應即廣儲邊材嚴整武備以資防範河口地方緊要著該督選派精通法文分位較大得力人員前往駐紮相機因應尤要在趕緊添練一鎮資以建威銷萌綏靖地方所有開辦及常年經費軍裝器械等項著該部商明雲貴總督核定確數分別籌撥務須源源接濟勿誤要需並在鎮內附設隨營學堂豫備續增一鎮人才之用鐵路與軍政礦政互相倚著該督隨時會商郵傳部協力通籌迅將路綫極力推廣以便轉運而利交通滇省向爲瘠區惟礦產饒富可爲養民裕國之大端亟宜設法提倡招商開採有能在該省承辦礦產公司者必須切實保護優加利益藉廣招徠爾部臣督臣皆受國厚恩責無旁貸務期不分畛域內外兼籌庶幾鞏固邊陲用副朝廷撫綏南服至意餘著照所

議辦理原摺著抄給錫良閱看欽此

郵傳部奏議類編

路政

會議議覆道員崔祥李修陳雲南

二百四十八

卷之四十八

郵傳部奏議類編

參議廳編
覈科編輯

Wt 188/15

略

政

郵傳部奏議類編目錄

路政 起光緒三十四年七月訖三十四年十二月

滬甯鐵路出力道員積勞病故懇從優賜卹摺

稅務處等會奏議覆鐵路等公司免稅略示限制摺

派員監察粵路公舉董事摺

京漢南路被水衝損一律修竣通車片

禮部等會奏變通恭送 玉牒各事宜摺 附清單

密陳籌贖京漢鐵路情形摺 附

恭送 玉牒 邊員總辦行車事宜摺

會奏籌借官款收贖京漢鐵路摺

議覆桂撫張鳴岐奏籌辦公債收贖京漢鐵路片

擬訂匯豐匯理銀行借款合同摺 附

郵傳部奏議類編目錄 路政

七

郵傳部奏議類編

擬仿直隸成法籌辦贖路公債摺 附清單

續行派員分起勘查各省鐵路摺

擬請改派安徽鐵路公司總理摺

請給河南鐵路公司關防摺

知縣盧學孟請仍照原保給獎片

遴員派充顧問官議員摺

更定河南洛潼鐵路關防片

派員履勘張綏路線摺

會奏核覆醴洙築路動支官款接續前案核銷摺 附清單

會奏核銷萍潭鐵路光緒三十二年分收支各款摺 附清單

度支部會奏議覆東三省鐵路兩旁荒務用款分別核銷摺

附清單

變通鐵路免價減價辦法摺附清單

擬訂新奉吉長鐵路借款續約摺附清單

續行派員查勘安徽江西鐵路摺

奏報滬甯鐵路工竣情形摺

註銷京漢鐵路借款行車各合同並接收情形摺


派候選道鄭清濂充京漢鐵路總辦並刊發關防片

京漢鐵路行車第二年收支各款大概情形摺

續行派員查勘福建潮汕新甯惠潮鐵路摺

派員先查滇蜀廣西路款片

正太鐵路添築防水工程摺



滬甯鐵路出力道員積勞病故懇從優 賜卹摺

奏爲滬甯鐵路出力道員積勞病故懇

恩從優賜卹恭摺具陳仰祈

聖鑒事竊 臣部據滬甯鐵路局稟稱已故總辦滬甯鐵路全路購

地事宜江蘇存記道林賀峒係原任雲貴總督林則徐長孫

於光緒三十年十月派辦滬甯全路購地事宜時方草創首

段又爲華洋交涉之區該故道以收回利權節省公款安撫

民心保全水利四者爲辦事宗旨如上海寶山毗連租界地

價十倍尋常該故道分民地道契地爲兩種道契歸公斷民

地按時值凡洋商稍有干預無不據約力爭各段民地插標

後價值飛漲該故道密查從前地價榜示局門定章給價人

無間言罔買拾價者立即解散其他寬定遷拆各費以治民

心保全名賢古墓以彰盛節設立水利專員以衛農田手定規條皆彰彰在人耳目綜計在差數年共購地二萬九千七百七十六畝零用銀一百八十八萬兩勾稽冊籍恒至達旦逮全路購竣該故道心力交瘁旋即於光緒三十三年八月十一日積勞病故今者全路開車大工告竣未叙前勞遽歸泉壤行路悼痛况屬同官謹據實陳明仰祈

恩典等情查鐵路購地事宜本極繁雜滬甯一路兼以華洋交涉肆應尤艱林賀峒在事三年承購軌地約三萬畝辦理悉臻妥協實屬異常出力現經病故似未便沒其成勞查前辦天津銀號道員孫多鑫積勞病故經升任直隸總督袁世凱奏請照軍營積勞病故例從優議卹上海商董道員嚴信厚因有功商政經農工商部奏請照軍營積勞病故例從優議卹

均荷

諭旨准行林賀喇事同一律擬懇

天恩俯准將江蘇存記道林賀喇援照軍營立功後積勞病故例

從優議卹藉彰蓋績如蒙

俞允即由臣部欽遵咨照辦理所有滬甯鐵路出力道員懇

賜從優議卹緣由理合恭摺具

奏伏乞

皇太后

皇上聖鑒訓示謹

奏

光緒三十四年七月十三日奉

旨依議欽此

郵傳部奏議類編

路政

辦路道員積勞病故請

賜優卹

二百五十一

稅務處等會奏議覆鐵路等公司免稅略示限制摺
奏爲遵

旨查明免稅各案會奏覆陳恭摺仰祈

聖鑒事光緒三十四年六月初二日稅務處會同度支部陸軍部
奏鐵路公司免稅擬畧示限制一摺奉

旨鐵路免稅日多自應畧示限制但此項免稅或載在合同或業
經奏准亦須分別詳擬著該處會同外務部度支部郵傳部詳
細查明妥議具奏欽此欽遵由軍機處片交前來跪聆之下仰
見

聖慮周詳莫名欽感當由^世等公同查核竊查從前鐵路免稅各
案如京漢正太汴洛道清東三省龍州滇越滬甯等處係與
各國訂立合同載明免稅又關內外暨膠濟兩路雖未載入

合同亦經援案請免業經稅務處於光緒三十二年九月間
奏請官物徵稅摺內以事關交涉請仍照舊辦理在案此次
稅務處奏請畧示限制摺內所列各案均係官物徵稅以後
續請暫行免稅之案並未訂立免稅合同亦無交涉事件辦
理實無窒礙且查續請免稅各案均係奏明暫免並非永遠
免稅內如潮汕鐵路先係違章完稅後乃援案請免楊子江
製造鐵路材料公司據原呈請限五年經農工商部奏請一
律暫免在各該公司亦知稅課關係正供特以開辦之初不
能不減輕成本以資提倡此次稅務處會同度支部陸軍部
奏請畧示限制實因免稅之案過多於顧全路政之中畧寓
維持稅務之意其嚴防夾帶隱射諸弊亦係欽遵上年五月

二十七日

諭旨辦理等公同查核合同免稅及有關交涉各案業經稅務處奏明照舊辦理在前此次原奏所列各案畧示限制尙無妨礙應請仍照稅務處度支部陸軍部原奏所請所有江蘇等五省鐵路粵漢鐵路京張鐵路揚子公司粵湘川鄂四省鐵路機器廠新甯鐵路川省川漢鐵路材料黑龍江鐵路潮汕鐵路江甯汽車公司粵漢川漢鄂境鐵路材料京師自來水呢革公司等請自各該案奏准之日起予限三年暫准免稅俟限滿再行稽征嗣後添設鐵路無論官辦商辦均請照官物徵稅原案一律完稅並飭各海關於免稅各案報運物料時查明確係鐵路所需機器材料方准報免其工人食用等物仍當按則科稅以嚴防夾帶影射諸弊至此次予限三年將來或因路綫過長工程艱鉅屆期仍由臣等體察情形

再行奏明辦理再臣等正在查核間准督辦津浦鐵路大臣附奏津浦鐵路鋼軌等項免稅一片光緒三十四年六月初十日奉

旨該衙門知道欽此欽遵由郵傳部抄奏咨會前來查津浦鐵路借款合同雖未載明免稅惟既據該督辦大臣援案請免擬請照江蘇等五省鐵路等案辦法准其免稅三年以歸一律所有臣等公同查明免稅各案緣由謹合詞恭摺具陳伏乞

皇太后

皇上聖鑒再此摺係稅務處主稿會同外務部度支部郵傳部辦理合併聲明謹

奏

光緒三十四年七月十六日奉

旨依議欽此

郵傳部奏議類編

路政

會奏議擬鐵路公司免稅略示

二百五十二

奏議類編卷科

派員監察粵路公舉董事摺

奏爲請派大員監察粵路公舉董事以維路政而洽商情恭摺
仰祈

聖鑒事據廣東粵漢鐵路公司呈稱公司董事自光緒三十三年
七月一年期滿經衆股東按照商律留三分之二添舉足額
本年七月又屆一年期滿自當分別去留定於八月初一日
舉行請派員監察彈壓等情查該公司去年選舉總協理當
經臣部奏派署廣東按察使龔心湛前往監察本年續舉董
事事同一律自當援案辦理擬派廣東布政使胡湘林署按
察使蔣式芬及新授勸業道陳望曾屆期會同前往監察一
切悉遵商律辦理恭候

命下臣部分別咨照欽遵施行所有派員監察選舉董事緣由謹

恭摺具陳伏乞

皇太后

皇上聖鑒訓示謹

奏

光緒三十四年七月二十三日奉

旨知道了欽此

京漢南路被水衝損一律修竣通車片

再京漢鐵路鄂地南幹前因被水衝毀橋梁軌道致阻行車
經 臣 部 奏

聞在案當即督飭該段華洋員司昕夕修理計損壞以橋工爲最甚而修復亦惟橋工爲較難六月下旬三义埠站兩端行車已可相接以橋工未畢客商仍須船運渡河復飭嚴限趕修旋於七月二十四日工程悉竣全路一律通車南北轉輸依前輻輳綜計此次被水損失爲數頗鉅幸工程雖形棘手尙能剋期修復不致久碍交通堪以上慰

宸 厯 謹 附 片 具 陳 伏 乞

聖 鑒 謹

奏

通車

光緒三十四年八月初三日奉

旨知道了欽此

禮部等會奏變通恭送 玉牒各事宜摺

奏爲請

旨事查此次恭送

玉牒至

盛京尊藏經禮部奏請改由火車送往其應行預備各事宜會
同

玉牒館及郵傳部等衙門詳慎妥商奏明辦理等因奉
旨依議欽此當即欽遵會同

玉牒館民政部郵傳部內務府再三籌議謹將安奉

玉牒之花車選擇體制相宜者勘定其餘應行預備各事宜臣等公
同商酌或應仍照舊例或應量爲變通謹擬條款繕寫清單
恭呈

御覽伏候

命下遵奉施行惟事屬創始不厭求詳嗣後如有未盡事宜再由

臣等隨時奏明請

旨辦理謹合詞具陳是否有當伏乞

皇太后

皇上聖鑒再此摺係禮部主稿會同

玉牒館民政部郵傳部內務府辦理合併陳明爲此謹

奏請

旨

光緒三十四年八月二十日奉

旨依議欽此

謹將變通恭送

玉牒應行預備各事宜臚具條款恭呈

御覽

玉牒行箱由綵亭恭捧上車書體較重應由

玉牒館行知鑾儀衛派撥校尉六十名委官二員督率協同提調纂

修等官恭昇至火車安奉以昭慎重

一行箱內外應用棉花榜紙線繩甕子鎖鑰穩書綵綢等項

應照舊例由

玉牒館酌定自行咨取備用仍咨禮部存案

一行抵

盛京後向由提調纂修等官協同五部司員恭捧

郵傳部奏議類編

路政

會奏變通恭送

玉牒各事宜

二百五十七

全錄應編要料

玉牒今

盛京五部已裁應由

玉牒館行知該督另派官員協同提調等官恭捧行箱下車至綵棚

安奉綵亭內其

崇政殿陳設

敬典閣尊藏時並由派出官員協同辦理

以上各條應由

玉牒館辦理

一正陽門外東車站應由民政部查照工部成案會同郵傳部相度地勢由民政部搭蓋綵棚沿途住宿地方並行知該地方官會商各站於停車岔道合宜之處相度地勢搭蓋綵棚以備安奉

玉牒車及行禮車輛並於綵棚周圍多設水桶激桶派撥弁兵嚴密
巡防守護至奉天城外車站前搭蓋綵棚亦由民政部行
知東三省總督飭屬辦理

玉牒啓行至正陽門外車站經過道路應由民政部會同步軍統領
衙門先期平治掃除並派巡兵彈壓防護

一奉天車站距城尙遠應由民政部行知該督轉飭該管官
將經過道路修理平坦

以上各條應由民政部辦理

一定例

玉牒尊藏

盛京由禮部預行宗人府工部領侍衛內大臣奏

郵傳部奏議類編

路政

會奏變通恭送

玉牒各事宜

二百五十八

參議廳編纂科

派王公一人禮部工部堂官各一員恭送侍衛十員前引提調官
一員纂修官二員禮部工部司官各一員後護欽天監官
一員預備擇吉除工部已裁事項劃分各處無庸另派堂
官外其應恭送之王公一人禮部堂官一員侍衛十員提
調官一員纂修官二員禮部司官一員應仍照例派往並
奏

派郵傳部總辦一員添派內務府司官一員惟此次變通係屬創
舉提調纂修以下各員有應添派者即由各衙門酌量至
多不得過二員以示限制至欽天監官員原爲行程無定
預備諷吉火車尅期可至尊藏吉期可在京預先選定毋
庸派員前往

玉牒由宗人府啓行至正陽門外東車站綵棚內應行禮節暨各衙門應行預備各事宜自應仍照舊例辦理惟向例

玉牒行駕前有黃蓋

御仗龍旗前導送往之王大臣官員等每站啓行安奉時均應向

玉牒行禮今改用火車黃蓋

御仗龍旗仍應前導業經議定由郵傳部於

玉牒車前另備平車一輛妥爲陳列送往之王大臣等即就平車上行禮以免軌道妨礙

一恭送月分業經東三省總督等奏准於十月間筮吉自京抵奉止四日應由禮部筭行欽天監於十月內選擇啓行吉期至日並派員候報吉時間五六日選擇尊藏吉期一

併送部先期奏請

欽定得

旨後將恭送尊藏禮節專摺具奏

一恭送人員尖宿供給應由各衙門預將送往官員銜名及隨帶僕從行李數目詳細開單咨送禮部轉行直隸東三省各該督分飭地方官備辦

一恭送官員因限於車數不能自帶車馬應由地方官先期僱備車輛在宿站伺候接送奉天車站距城尤遠更宜查照送往人數多備車馬

一恭送官員出京後每日開車前用早飯停車後用晚飯均由地方官供給惟唐山錦州兩尖站停車數刻該處地方官應備便飯送至車上毋得有誤

一奉天綵棚內應備綵亭接昇

玉牒入城其

崇政殿內安奉

玉牒之黃案等件並由該總督先期飭屬豫備

玉牒經過地方文武官員例應朝服跪道旁迎送今改由火車仍照舊例遵行以昭敬慎

以上各條應由禮部辦理

一此次恭送

玉牒改用火車業由郵傳部選擇特別花車一輛於啓行前二日調赴車站預備安奉屆日啓行特開專車

一行期分作四日第一日由正陽門啓行至天津新站住宿

郵傳部奏議類編

路政

會奏邊疆恭送

玉牒各事宜

二百六十一

參議廳編製科

第二日到唐山停四刻爲尖站至山海關住宿第三日到錦州停四刻爲尖站至新民府住宿第四日至奉天城外停車處恭捧行箱安設綵亭內齊集綵棚行禮畢恭昇入城

一經過地方橋梁道路向例由工部行知該管地方官先期修理今改用火車凡經過鐵橋鐵軌之處應由郵傳部轉飭該管官相度修理

一凡開專車雖不拘平常時刻然行車停車必有一定處所一定時刻方無窒碍應由郵傳部按日先行排定開單行知各衙門以便恭送王大臣官員等一律遵照至由奉回京仍免收車費一概不開專車

一恭送王大臣官員等乘坐車輛應由郵傳部先行排定次

序行知各衙門遵照並豫將車上粘簽標明屆期某衙門人員到齊即將某衙門之車開門放入以免撓越

一專車以十二輛爲最多如各帶車馬必至不敷裝載今經議定除

欽派王大臣外送往官員均不得自帶車馬應由郵傳部行文各衙門切實限止

一行車一切事宜應由郵傳部奏

派總辦一員隨同前往以便沿途照料

一向例

玉牒啓行派綠營官兵沿途護送出關後派滿洲官兵敬謹防護今改用火車各站設有巡警應由郵傳部飭派鐵路巡警按站巡邏並由直隸東三省總督分別轉飭經過地方官添

郵傳部奏議類編

路政

會奏綠營恭送

玉牒各事宜

二百六十一

派弁兵於鐵道旁加意防護

以上各條應由郵傳部辦理

一車內原有桌案體制未宜今經議定此次行箱二十座用黃案十張由內務府量准製造以便安奉隨桌案套亦由內務府照數備辦

玉牒車前應陳黃蓋一

御仗龍旗各二及穩箱綵綢角燈供桌由內務府查照工部成案先期備辦屆時派員安設

一尊藏

玉牒應用之龍褂等項向由工部備長車裝運此次應由內務府先期製備由火車運往

玉牒啓行前一日應由內務府派員將製就黃案等項送至車站督同匠役試行安設以免臨時貽誤

玉牒由館啓行至車站時需用綵亭應由內務府查照成案備辦
一行箱用畢應交東三省總督暫行收存俟有便員送回內務府以符成案
以上各條應由內務府辦理

恭送 玉牒遊員總辦行車事宜摺

奏爲恭送

玉牒遊員總辦行車事宜恭摺仰祈

聖鑒事此次恭送

玉牒至

盛京尊藏業經禮部奏請改由火車送往復經會同 臣部等衙門將應行預備各事宜謹擬各條繕單具奏奉

旨依議欽此欽遵在案查單開行車一切事宜應由 臣部

奏派總辦一員隨同前往沿途照料等語自應於京奉路局內遊員以便屆時沿途照料俾無貽誤查有該局總辦分省補用道于煖年嫻習車務調度有方擬即派該道于煖年充此次恭送

郵傳部奏議類編

路政

恭送

玉牒遊員總辦行車事宜

二百六十三

卷續編嚴科

玉牒行車事宜總辦以專責成恭候

命下臣部欽遵檄飭辦理至應行豫備行車各節均經臣部遵照

奏案先期飭辦以昭敬慎所有恭送

玉牒遵員總辦行車事宜緣由謹恭摺具陳伏乞

皇太后

皇上聖鑒訓示謹

奏

光緒三十四年九月初十日奉

旨知道了欽此

會奏籌借官款收贖京漢鐵路摺

奏爲陳明籌借官款收贖京漢鐵路恭摺仰祈

聖鑒事竊郵傳部因收贖京漢鐵路向度支部籌借官款規平銀五百萬兩當由郵傳部另行奏陳在案所有息借辦法郵傳部查_臣部前經與度支部商定仍照市間假貸之法由_臣部酌付年息六釐分七年攤還本息每屆年底支付前二年還息不還本彼此訂議妥洽擬即分期交收將來按期應還本息即由_臣部在京漢鐵路餘利項下籌付至該款由何項撥給度支部查前項撥借款規平銀五百萬兩已由_臣部酌定由大清銀行經理係於洋款餘存項下分次提交該行按期撥付郵傳部應用將來付利歸本一切事宜亦由銀行經收報部以重款項所有籌借官款收贖京漢鐵路情形理合恭

摺會陳伏乞

皇太后

皇上聖鑒訓示再此摺係由郵傳部主稿會同度支部辦理合併

聲明謹

奏

光緒三十四年九月十二日奉

旨依議欽此

議覆桂撫張鳴岐奏籌辦公債收贖京漢鐵路片

再署廣西巡撫張鳴岐奏蘆漢幹路關係財政主權請試辦公債清償借款收回自辦一摺光緒三十三年四月二十六日奉

硃批該部妥議具奏欽此欽遵到部臣等公同核議原奏內稱蘆漢貸外款興造行車管理之權皆在外人掌握當速清借款收回自辦可試行公債票移擔保外款者以擔保公債各省風氣開通者皆在通商地方將來募債給票付息各事宜即責成各關稅務司兼辦可杜無窮之弊等語查收贖京漢鐵路一事關係緊要臣等經年規畫畧有規模該撫所稱募借內債一層早已豫爲布置惟中國風氣尙未大開贖路款鉅期迫專恃該款恐無十分把握現擬酌照直隸辦法先行試

辦公債一千萬元借充贖路之用其餘另行設法籌措免誤
要需其詳細辦法由郵傳部另行奏明辦理至此項債票擬
於年息之外兼勻分京漢鐵路行車活利是債東得利業已
較豐自無庸慮給擔保轉滋歧異又給票付息等事統歸交
通銀行經理郵傳部奏定該行章程內業經聲明該行分設
京津滬漢廣州各處本屬財政機關又兼商業性質開辦以
來信用尙著經手一切自不致或有流弊從前直隸籌辦公
債均由華員一手經理成效已昭自應樹立昭信之基以維
邦本若交稅務司辦理是導庶民不信其長上而偏信洋人
有失治體該撫所稱責成各關稅務司兼辦一節應請毋庸
置議所有議覆緣由理合附片會陳伏乞

聖鑒再此摺因贖路辦法通盤籌算未敢輕率決議是以覆奏稍

運合併聲明謹

奏

光緒三十四年九月十二日奉

旨依議欽此

第拾

擬仿直隸成法籌辦贖路公債摺

奏爲擬仿直隸成法籌辦贖路公債以應要需謹酌訂章程繕具清單恭摺仰祈

聖鑒事竊臣部因收贖京漢鐵路擬兼辦本國公債以資操縱業經於籌款摺內奏明在案查國債一項各國以爲籌款之法且以國債之多少爲國勢之重輕並不諱言借債惟國債有內外之分凡借外債必須力杜債東干涉事權方足取防損是以財政充裕之國遇有急需又多取資內債以其利歸於民呼應較爲便捷故也中國前此風氣未開故無辦公債成法自升任直隸督臣袁世凱親辦公債後成效昭著信用大彰人始曉然於公債之益倘仿行推廣辦理得宜則來各項振興實業要需皆可取給於此誠爲今日借款妥

之策 臣部現因籌贖京漢鐵路擬即先行試辦第一批公債計銀元一千萬元交由 臣部交通銀行承售一切辦法仿照直隸章程畧加變通大致年息七釐以十二年爲期自第八年起分年攤還本銀按年除應給官息外以

國家所得京漢鐵路餘利劃出四分之一仍按照該路成本全額攤此一千萬元票本應分之數付給債主作爲活利凡期滿之本票可在交通銀行及 臣部官辦鐵路電報各局所作爲通用銀元行使其每年應還本息統由 臣部所管各局所實收餘利內提出儘先撥付不得絲毫短欠並須現款支發不得另用他法抵還茲將附擬公債章程十二條辦事附章二十八條繕具清單恭呈

御覽如蒙

俞允擬請

明降諭旨作爲第一批永遠定案責成臣部不得稍有違背更改
以昭大信而利推行如果辦有成效擬按照章程第二十七
條將承辦各員分別酌量請

獎並由臣部陸續接辦第二批屆時再行奏明辦理所有臣部擬
辦贖路公債緣由理合恭摺具奏伏乞

皇太后

皇上聖鑒謹

奏

光緒三十四年九月十四日奉

旨依議欽此

郵傳部奏議類編

路政

擬仿直隸成法籌辦贖路公債

二百六十八

謹將公債章程及辦事附章繕具清單恭呈
御覽

計開

收贖京漢鐵路公債章程

一 臣部因收贖京漢鐵路之故興辦公債名爲收贖京漢鐵路公債

二 公債第一批以銀元一千萬元爲率准收通用銀元

三 公債週息七釐每年分三月九月兩期在郵傳部管理公債處及交通總分各行官辦鐵路各局電報總分局並將來登載告白指明之經理付息各銀行商號憑票支付官息及活利

四 公債除年息外若京漢鐵路

郵傳部奏議類編

路政

擬仿直隸成法籌辦贖路公債

二百六十九

參議廳編纂科

國家得有實在餘利應與債主共享利益名爲活利現計全路資本五千八百萬兩譬如應得餘利四百萬兩臣部即提出四分之一即一百萬兩按五千八百萬兩之資本以此一百萬兩均分但每年所得餘利若干以臣部奏定宣布之數目爲斷各債主無干預及查帳之權

五公債本息均由臣部擔任無論如何均由郵傳部清償鐵路虧本與否與債主無涉

六公債由臣部設立公債處管理及交通總分銀行官辦鐵路電報各局所經理

七公債以十二年爲期自借後第八年至第十二年五年間用抽籤之法按期攤還

八債主交到債款即於次日起息

九公債期滿之本票如有因貿易往來亦可在 部交通總
分行及官辦鐵路電報各局所各車站一律作為通用銀
元行使

十公債票式為不記名票准其轉售轉兌認票不認人但執
持債票者無論何人均照本國人民一律看待並須遵守
債票章程辦理

十一凡有遺失燒燬公債債票者准照銀行失票章程辦理
十二公債債票如有毀爛塗改字跡即行作廢

公債辦事附章

總綱

一債票定每張一百元第一批招募一千萬元分作十萬張
按號編列

二公債定十二年爲期每年付息二次共計二十四息期此項息票另張付給到期持票取息

三債票票面上蓋用郵傳部印信

四債票票上只列號數不列債主姓名准其轉售轉兌認票不認人

發行

五 部設立公債處管理公債一切事宜其各經理處設立地方由 部指定臨時登報布告

六公債開幕及開收截止日期由 部督飭公債處登報布告

七公債定平價發行票面上百元仍以百元出售將來即按票面之數償還

八公債除包售以外所餘之數由各經理處向公衆募集但有人全行包售即不招募

九凡願代售公債債票者須先向各經理處掛號

十掛號截止時若應募之數適如所募之數或在所募之數以下則照應募者所請求之數付給債票包售者不在此例

十一若應募之數溢於所募之數則以比例公法分配債票其如何分配之法俟截止後視總額之多少臨時酌定包售者不在此例

十二若經過開收日期繳款而未到截止之限者其所交之債款即於次日起息

十三公債收款定收公用銀元若以銀兩繳入者照該埠通

行市價核算銀元

十四公債收款即存放交通銀行由該行報知管理公債處
存案隨時提用餘照存款章程辦理

付利

十五公債定每年付利二次以三月初一日及九月初一日
爲付利息之期到時均可隨時取領如逾限三箇月推歸
下期併付惟第一期付息因交款前後不齊應按日計算
十六到付利息期限向公債各經理處均得收取現銀元
十七所付利息亦用通用銀元

十八付利以息票爲憑債主收利息及領活利時須將息票
持往各經理處查驗兌收付訖即將息票蓋戳發還

十九各債票應得活利若干每年付給一次於九月初一日

付息時一併交付其第一年所派活利即按西歷一千九百零九年正月一號起將是年所得活利於下年中歷九月初一日分派

還款

二十公債以十二年爲期自起債之日起至第七年止祇付利息不還債本自第八年起至第十二年止全數還清每年應還若干臨時酌定但須先六箇月報告俾衆週知

二十一公債每年還本之期前兩箇月用抽籤之法定爲一萬號即將一萬籤同置一器是期應還若干按數抽出設如應還一百萬元則抽出一萬籤得籤之號碼即爲應受償還者

二十二得籤之號碼次日登報聲明到期持票向各經理處

收取現銀元

二十三得籤之票向各經理處收取銀元時須將債票及未到期之息票於付銀之後先行塗抹彙寄公債處繳銷

二十四得籤之票若經過三年不向各經理處收取銀元者該票作廢


附則

二十五各經理代售公債票至一萬元以上者准交九九五扣十萬元以上九九扣百萬元以上九八五扣三百萬元以上九八扣以爲酬費

二十六各經理包售本公債一萬元以上准交九九扣十萬元以上九八五扣五十萬元以上九八扣百萬元以上九七五扣三百萬元以上九七扣以爲酬費

二十七凡招集公債一十二萬五千元於酬費之外照尋常勞績奏獎五十萬元者照異常勞績奏獎

二十八公債債票聽民間樂購不得交地方官向紳富購買



續行派員分起勘查各省鐵路摺

奏爲遵

旨續行派員分起勘查各省鐵路恭摺仰祈

聖鑒事光緒三十四年五月二十七日奉

上諭鐵路爲交通大政利商賑災運兵轉餉以及開通風氣振興實業胥賴乎此近年來各省官辦鐵路皆能尅期竣工成效昭著而紳商集股請設各公司奏辦有年多無起色坐失大利尤礙交通著郵傳部遴委委員分往各路確實勘查各路工程應分幾年造竣公司股本能否按年接濟一面妥擬辦法嚴定期限倘所集股資不敷尙鉅或各存意見推諉誤工以致未能依限完竣即由該部會同該管督撫另籌辦法並將該省所舉承辦人員差使查照商部歷次奏案分別撤銷等因欽此由軍機

處寄信前來當經遵擬勘路查款大概辦法並派分省補用知府李大受等先行查勘川漢鐵路股款工程先後分別奏陳並聲明其餘各路由臣部陸續選員往查在案查商辦鐵路臣部已立案者共十七處勢難同時往查擬分別最要次要列爲三起除川漢業已勘查外洛潼西潼同蒲江蘇浙江最要爲一起粵漢潮汕新甯惠潮廣西福建次要爲一起滇蜀安徽江西再次要爲一起現先查第一起計洛潼西潼同蒲三路擬派調部差遣翰林院檢討陸夢熊鐵路總局科員周明泉二員稽覈款項鐵路總局工程顧問員沙海昂汴洛鐵路監工曹乃倉鐵路總局譯員林兆璠三員考驗路工其江蘇浙江兩路則擬派臣部候補僉事何葆麟員外郎蘇輿二員稽覈款項工科進士胡棟朝臣部主事蔡傳奎二員考

皇太后

驗路工均飭令即日起程遵照臣部前次奏定辦法確切查明報部以憑核辦其第二三起派員再行奏明辦理所有續行派員勘路查款緣由理合恭摺具陳伏乞

皇上聖鑒謹

奏

光緒三十四年九月二十四日奉

旨知道了欽此

郵傳部奏議額編

路政

續行派員分起勘查各省鐵路

二百七十五

參議院編纂

擬請改派安徽鐵路公司總理摺

奏爲安徽鐵路公司擬請改派總理恭摺仰祈

聖鑒事竊安徽鐵路公司自李經羲因病辭退臣部奏准改派前署直隸按察使周學熙爲總理旋據周學熙呈稱經農工商部奏調辦理自來水暨紡紗廠事宜並在承參上行走南北相距不能遙制懇檄皖紳另舉賢能等情到部當經知照該省京外官紳秉公另舉去後茲據翰林院撰文李經畬等呈請前署江西按察使湖南候補道周學銘堪以接充總理又准大學士孫家鼐農工商部右侍郎楊士琦函同前因並稱皖省財力薄弱鐵路關係重要亟盼得人庶資整頓同鄉既詢謀僉同周學銘迫於公義亦能力任艱鉅各等語臣等查皖省鐵路雖經迭舉總理均未到差一切事宜因主持乏人

致少頭緒此時非得勤能廉幹之員力加整頓不足期與有成查周學銘才識穩練辦事認真曾署監司政績頗著以之總理該路當能勝任擬懇

天恩俯准以周學銘接充該路總理以順輿情恭候

命下臣部當即分別行知欽遵辦理所有安徽鐵路公用改派總理緣由理合恭摺具陳伏乞

皇太后

皇上聖鑒訓示謹

奏

光緒三十四年九月二十四日奉

旨依議欽此

請給河南鐵路公司關防摺

奏爲請給河南鐵路公司關防恭摺仰祈

聖鑒事竊據河南鐵路公司總理劉果等呈稱前奉部文內稱豫省地處中州四通八達各幹路枝路均應及時籌辦一俟辦有頭緒由部奏給關防等因遵即赴汴會同官紳詳細籌商定議從洛潼入手次第由開封直接徐州先將洛陽至潼關路綫大致勘定蘆潞淮東四綱鹽舫加捐均經開收招集股款衆情踴躍公司基礎已立事務繁重擬請頒給關防藉資鈐用等情查各省鐵路無論官辦商辦均應由部刊給關防俾資信守奏明有案該公司事同一律且據聲稱辦理畧有頭緒自應照案擬刊木質關防一顆文曰總理河南鐵路事宜關防俟奉

旨後由臣部刊交該總理等啓用以專責成所有請給河南鐵路
公司關防緣由理合恭摺具陳伏乞

皇太后

皇上聖鑒謹

奏

光緒三十四年十月初四日奉

旨依議欽此

知縣盧學孟請仍照原保給獎片

再據京漢鐵路行車副總管候選知縣盧學孟呈稱前由候選縣丞於光緒二十八年八月經出使英義比國大臣張德彝奏保隨員案內請免選本班以知縣不論雙單月儘先選用並加同知銜九月二十九日奉

硃批著照所請該部知道欽此嗣因京漢鐵路全工告竣在事出力復經前督辦鐵路大臣奏保免選知縣以同知直隸州歸部選用經吏部令將原保之案聲復到部再行辦理於三十三年四月初八日具奏奉

旨依議欽此惟前任大臣早經交卸懇將原案奏明請照原保給獎等情到部等查該員盧學孟經理京漢鐵路行車有年始終不懈洵爲在路得力之員既由知縣奏保同知直隸州

經吏部議令聲叙原案原保大臣早已交卸路事自應由
部核奏該員原保案係由候選縣丞充駐義繙譯官三年期
滿經出使英義比國大臣張德彝奏請免選本班以知縣不
論雙單月儘先選用並加同知銜光緒二十八年九月二十

九日奉

旨允准有案合無仰懇

天恩飭下吏部將該員所得京漢全路告成保案仍照原保給獎
以示鼓勵如蒙

俞允所有應交銀兩臣部仍飭該員補繳是否有當謹附片具陳
伏乞

聖鑒訓示謹

奏

光緒三十四年十月初四日奉


旨依議欽此

評專部奏議願編

路政

知縣盧學孟請仍照原保給獎

二百七十九



1004

遴員派充顧問官議員摺

奏爲慎選派充臣部顧問官議員以裨路政恭摺仰祈

聖鑒事竊臣部會同軍機大臣奏定官制章程第十二條內稱擬仿照農工商部之例設一二三四等顧問官一等視承二等視參議三等視郎員四等視主事不作爲額缺凡京外著名譽官員紳商及於船路電郵四項素有經驗者均由臣部慎選奏派又第十三條內稱擬仿照農工商部之例設議員由臣部博訪精選熟悉船路電郵之員作臣部議員各等語本年五月間經臣部奏請以京張鐵路總辦候選道唐天佑充臣部二等顧問官業經奉

旨允准欽遵在案數月以來臣部詳加訪察查有降調內閣學士兼禮部侍郎銜陳寶琛忠純篤實體用兼賅物望所歸屢登

薦贖現充福建鐵路總理條理井然漳厦一路頗有成績可
觀學部左丞喬樹枏學識深純持議正大現充四川漢鐵
路駐京總理聯絡官紳商民最爲浹洽川路得該員主持之
力可望觀成以上二員堪爲商辦各路之表率擬請派充臣
部一等顧問官又查有京張鐵路會辦分省補用道關冕鈞
才識穩練經濟宏深京張鐵路南口業已通車極力經營深
資贊助津浦鐵路南段總辦候選道羅國瑞學有專門宅心
忠謹經臣部奏派勘估吉長鐵路規畫周詳現充津浦工程
總辦亦能展布裕如以上二員擬請派充臣部路務議員恭
候

命下臣部欽遵辦理所有慎選派充臣部顧問官議員各緣由理
合恭摺具陳伏乞

皇太后

皇上聖鑒訓示謹

奏

光緒三十四年十月十七日奉

旨依議欽此

郵傳部奏議類編

路政

邊員派充國門官議員

二百八十二

更定河南洛潼鐵路關防片


再前據河南鐵路公司總理劉果等呈請頒給關防業經
部奏明在案茲查該公司指築路線議定先從洛潼入手與
廣東湖南開辦粵漢四川開辦川漢事同一律自應援案辦
理所有前擬刊給之總理河南鐵路事宜關防現擬更定文
曰總理河南洛潼鐵路事宜關防以副名實而專責成理合
附片陳明伏乞

聖鑒謹

奏

光緒三十四年十月十七日奉

旨依議欽此



1010

派員履勘張綏路綫摺

奏爲派員履勘張綏路綫恭摺仰祈

聖鑒事竊臣部前於光緒三十三年二月間議覆庫倫辦事大臣延祉奏籌議庫倫地方情形摺內聲明張庫鐵路一俟京張路成再當實力擴充趕緊籌辦等語奉

旨允准在案現在京張鐵路經臣部籌撥的款併日程工明年秋間當可告竣預期應籌展築經飭令京張路局就近察勘詳議旋據詳稱張庫直綫墟集無多貨物稀少不如先由歸化綏遠城逐節展接路工可計日圖成養路經費亦不至虛懸無著等語臣等通盤籌畫張庫造路展至恰克圖聯絡西比利亞截近歐亞兩洲交通之路程利於直達惟目前籌款維艱修路養路殊難兼顧歸綏一帶商貨萃聚繞出其間以修

兼養且爲北達庫恰西通甘新總幹較易著手趁此木落草
枯便於瞭望當經遴選京張鐵路副工程司候選同知俞人
鳳帶同幫工程司學生書記等先將由張家口西至歸化綏
遠城路綫分道履勘一俟路綫勘定再由臣部籌集款項奏
明辦理除咨地方督撫臣飭屬照料外理合將派員履勘張
綏路綫緣由恭摺具陳伏乞

皇上聖鑒謹

奏

光緒三十四年十一月十四日奉
旨知道了欽此

會奏核覆醴洙築路動支官款接續前案核銷摺

奏爲核覆醴洙築路動支官款應接續前案一併核銷恭摺仰

祈

聖鑒事前由農工商部移交內閣鈔出盛宣懷奏官款修築醴洙

鐵路工竣造銷一摺光緒三十二年九月奉

硃批該部知道單併發欽此又附奏聲復動支官款推展吳淞軌

道并支給萍醴鐵路工用一片奉

硃批覽欽此并盛宣懷造具各清冊均經郵傳部接收在案臣等

查醴洙鐵路係接萍醴路線興築計全路自江西萍鄉縣屬

安源起至湖南湘潭縣屬洙州止故總稱萍潭鐵路前盛宣

懷奏報推展吳淞軌道并建造萍醴路工各款業經商部會

同外務部戶部奏覆核明數目均尙相符惟淞滬既歸併滬

甯收回工價獨此展造零星路工由官款動支未免牽搭且
萍醴支用官款事前并未奏明立案應由盛宣懷詳晰聲明
再行核辦在案此次盛宣懷奏報醴洙路工銷款附片聲稱
澗滬歸入滬甯係作借款擔保非估值轉售可比原修續展
概係官款一氣相承並非牽搭萍潭鐵路於光緒二十四年
三月奏奉

諭旨准辦三十二年四月經商部議覆吳郁生摺內以萍醴動支
官款修築所請改歸商辦之處應毋庸議奏准在案仰懇
飭部將此二案一併核銷等情既據詳晰聲明具奏自應由部等
逐案覆核當經遴派司員按款核算計前報推展吳澗軌道
并萍醴案內管收項下共庫平銀四百零八萬八千九百四
十六兩零九分二釐六毫開除項下共庫平銀一百七十二

萬八千八百三十一兩零五分八釐實在項下共庫平銀二百三十六萬零一百十五兩零三分四釐六毫續報釐洙案內管收項下共庫平銀二百四十一萬一千五百九十六兩五錢七分三釐一毫開除項下共庫平銀一百四十九萬五千零六十六兩二錢九分四釐四毫實在項下共庫足銀九十一萬六千五百三十兩零二錢七分八釐七毫其總散數目均屬相符所有動支銀兩擬請准其照銷至結存庫平銀九十一萬六千五百三十兩零二錢七分八釐七毫據原奏聲稱係經奏准預支漢陽鐵廠軌價接准部咨嗣後官辦之路向廠定軌應付軌價逐批帶扣官款二成等語查此項預支軌價本年三月間復經盛宣懷奏明改爲漢冶萍廠礦公司公款嗣後各路應付軌價自應無庸逐批帶扣又該路全

動官款不宜仍隸萍礦業於本年三月初八日經郵傳部奏
明歸部管轄奉

旨允准在案其三十二年正月以後至郵傳部未經接管以前該
路車務出入款項自應仍由盛宣懷逐欸造銷以昭核實現
查該路三十二年分收支各欸已據盛宣懷報部請銷自應
另摺奏明辦理所有核覆醴洙築路動支官款接續前案一
併核銷緣由謹繕具清單恭摺具陳伏乞

皇上聖鑒訓示再此摺係郵傳部主稿會同度支部辦理現任郵
傳部右侍郎盛宣懷係原辦大臣并未到任自應迴避後不
列銜又此案因數目牽搭輾轉調查是以覆奏稍遲合併聲
明謹

奏

光緒三十四年十一月二十四日奉
旨知道了欽此

郵傳部奏議類編

路政

會奏核辦鐵路支官及後

二百八十六

卷八十六

和南園村

謹將覈覆醴洙築路動支官款應接續前案一併核銷各款
繕具收支清單恭呈

御覽

計開

淤滙冊內

舊管

存蘆保淤滙兩案報銷所餘庫平銀二百九十九萬四千
七百五十四兩一錢零五釐

新收

一收湖南省留抵昭信股款庫平銀一萬兩

一收行車進款庫平銀十七萬一千七百八十三兩二錢二
分八釐五毫

郵傳部奏議類編

路政

會奏核覆醴洙築路動支官款接

二百八十七

參議廳編纂科

統共管收庫平銀三百十七萬六千五百三十七兩三錢三分三釐五毫核算均屬相符

開除

一補領地價項下一款庫平銀七千零六十九兩零三分三釐八毫

一展造路工項下十六款庫平銀六萬九千九百三十七兩九錢三分三釐

一養路項下二十三款庫平銀十三萬七千三百八十三兩二錢一分五釐三毫

一附銷總公司勘路並鐵路學堂經費項下二款庫平銀二萬五千一百八十六兩五錢零四釐五毫

統共開除庫平銀二十三萬九千五百七十六兩六錢八

分六釐六毫以散核總均尙相符擬准照銷
實在

一結存庫平銀二百九十三萬六千九百六十兩零六錢四分六釐九毫

查此項結存銀兩係交萍醴案內動支

萍醴冊內

舊管

一存蘆保淞滬案內報銷所餘庫平銀二百九十三萬六千九百六十兩零六錢四分六釐九毫

新收

一收滬甯英公司繳還淞滬鐵路造費規平銀一百萬兩以
一零九六折合庫平銀九十一萬二千四百零八兩七錢

五分九釐一毫

統共管收庫平銀三百八十四萬九千三百六十九兩四

錢零六釐核算均屬相符

開除

一購地項下一款庫平銀十二萬四千九百六十九兩四錢
零九釐八毫

一造路項下三十九款庫平銀一百一十萬零七千八百六
十一兩四錢二分六釐九毫

一造車項下三款庫平銀二十五萬六千四百二十三兩五
錢三分四釐七毫

統共開除庫平銀一百四十八萬九千二百五十四兩三
錢七分一釐四毫以散核總均尙相符擬准照銷

實在

一結存庫平銀二百三十六萬零一百十五兩零三分四釐六毫

查此項結存銀兩係交體洙案內動支

體洙冊內

舊管

一存蘆保海滬萍體案內報銷所餘庫平銀二百三十六萬零一百十五兩零三分四釐六毫

新收

一收萍體自光緒二十九年七月初一日起至三十年底止
行車盈餘庫平銀二萬零一百二十九兩五錢四分一釐七毫

一收萍潭光緒三十一年全年行車盈餘庫平銀三萬一千三百五十一兩九錢九分六釐八毫

統共管收庫平銀二百四十一萬一千五百九十六兩五錢七分三釐一毫核算均屬相符

開除

一購地項下一款庫平銀十一萬六千九百二十四兩七錢四分六釐六毫

一造路項下四十三款庫平銀一百一十一萬八千八百三十八兩零一分八釐六毫

一造車項下三款庫平銀二十五萬九千三百零三兩五錢二分九釐二毫

統共開除庫平銀一百四十九萬五千零六十六兩二錢

九分四釐四毫以散核總均尙相符擬准照銷

實在

一結存庫平銀九十一萬六千五百三十兩零二錢七分八釐七毫

查此結存銀兩先經盛宣懷奏准留爲漢陽鐵廠預支軌價嗣准商部咨由官辦各路向廠定軌應付軌價逐批帶扣二成現在此項復經盛宣懷奏明改作漢冶萍廠礦公司公股自無庸於軌價內帶扣合併聲明

會奏核銷萍潭鐵路光緒三十二年分收支各款摺

奏爲核覆萍潭鐵路收支各款報銷恭摺仰祈

聖鑒事竊准郵傳部右侍郎前鐵路總公司督辦盛宣懷咨報光緒三十二年萍潭鐵路行車養修等款並造具清冊送部核銷前來查該路收支款目前結至光緒三十一年年底止應由臣等另摺奏明辦理茲復據將三十二年分收支各款接續造報亦經督飭司員逐款復核計此案共收庫平足銀二十三萬六千八百二十九兩三錢六分共支庫平足銀十九萬七千六百四兩一錢三釐七毫收支兩抵應存庫平足銀三萬九千二百二十五兩二錢五分六釐三毫惟查三十一年分冊報行車經費共支銀七萬餘兩此屆三十二年分雖軌路加倍接長若以三十一年支數比較不過多支七萬餘


兩合共十五萬餘兩該册支銀十九萬餘兩計多支銀四萬兩左右據稱係因機車頭用久損重拆卸大修共支工料銀二萬八千餘兩又年底辭退洋總管一員照給回國川資及是冬萍醴匪警避往長沙一切用費支銀四千三百餘兩又添修枕木共銀二千四百餘兩開車次數加增燒煤用料數亦隨增全年計算約多煤價銀七千餘兩等情自非濫支可比四柱核對亦均相符以上開支庫平足銀十九萬七千六百四兩一錢三釐七毫擬准照銷其結存銀兩應令歸入下屆造報以重款項再該路於本年三月經郵傳部奏奉允准歸部接管其未經接管以前收支欸目仍應由盛宣懷逐款造銷以昭核實所有核覆萍潭鐵路收支各款報銷緣由繕具清單恭摺具陳伏乞

皇上聖鑒訓示再此摺係郵傳部主稿會同度支部辦理現任郵傳部右侍郎盛宣懷係原辦大臣並未到任例應迴避後不列銜合併聲明謹

奏

光緒三十四年十一月二十四日奉

旨知道了欽此



謹將核覆萍潭鐵路收支各款繕具清單恭呈

御覽

計開

舊管無項

查上屆結至光緒三十一年年底止應存庫平足銀九十
一萬六千五百三十兩零二錢七分八釐七毫據稱奏准
留爲漢陽鐵廠預支軌價接准部咨嗣後官辦之路向廠
定軌遂批帶扣官款二成等語本年三月復據奏將此項
銀兩改爲漢冶萍廠礦公司公股理合登明

新收

一收車脚進款等項庫平足銀二十三萬六千八百二十九
兩三錢六分

查此項進款係該路三十二年分全年車脚進款暨地租等項計車脚項下共收湘平銀二十四萬五千三百七十四兩八錢一分餘業押規地租渡費賠罰等款項下共收湘平銀一千三百二十二兩四錢四分共湘平銀二十四萬六千六百九十七兩二錢五分以湘平一百兩合庫平九十六兩共合庫平足銀二十三萬六千八百二十九兩三錢六分核對相符

開除

一總局員司人役薪費庫平足銀一萬二千四百七十一兩五錢五分二釐一毫

查該局監督一員月支銀二百兩提調兼收支緝譯兼照料各一員月各支銀一百兩總稽核文案幫文案帳房雜

務等共六員月支銀三十兩至十二兩不等差弁一名月支銀九兩公費月支銀二百兩共月支湘平銀七百三十九兩又電報總管幫文案兼騰清核票兼管圖冊副契核算兼辦報銷共四員每員月支洋三十元管票幫帳駐萍經理帳目共三員每員月支洋二十元雜役八名巡丁四名各月支洋六元共月支洋二百五十二元又自七月初一日起添派車務華總管一員月支湘平銀二百兩計是年全年連閏十三箇月除扣建六日外實支湘平銀一萬零六百三十九兩二錢零一毫以九六折合庫平銀一萬零二百十三兩六錢三分二釐一毫洋三千二百二十五元六角以七錢扯合庫平銀二千二百五十七兩九錢二分二共合庫平足銀一萬二千四百七十一兩五錢五分

二釐一毫核對相符應准開銷

保護該路紳士薪水庫平足銀三千零七十一兩二錢三分二釐二毫

查該路地跨贛湘民情強悍往來行車不無轆轤之事前經該局選派熟悉民情之紳士常川局站隨時開導兼管餘業租息等事上屆銷册核准有案此次造報萍界紳士共四員月支銀二十兩至十二兩不等又五員月支洋三十元至八元不等醴界紳士共四員潭界紳士共三員月支洋三十元至十二元不等連開計十三箇月扣建外實支湘平銀八百十九兩二錢零二毫以九六折合庫平銀七百八十六兩四錢三分二釐二毫洋三千二百六十四元以七錢扯合庫平銀二千二百八十四兩八錢二共合

庫平銀三千零七十一兩二錢三分二釐二毫合符前數
應准開銷

一各站站長司票人等薪工庫平足銀一萬四千四百九十
三兩五錢七分零五毫

查該路由安源至涿州共設九站其應用站長司票夫役
等計安源站共四十七員名月支洋四百八十三元萍
鄉站共十七員名月支洋一百三十八元五角峽山口站
共十三員名月支洋一百零八元老關站共七員名月支
洋六十四元醴陵站共二十七員名月支洋二百七十四
元五角版杉鋪站共八名月支洋七十九元姚家壩站共
十三員名月支洋一百一十一元白關鋪站共十二員名月
支洋九十三元涿州站共三十名月支洋三百零三元內

版杉鋪一站由六月初一日起支餘均連閏十三個月扣建共支洋二萬零七百零五元一角七毫以七錢扯合庫平足銀一萬四千四百九十三兩五錢七分零五毫間惟版杉鋪一站係屬新設爲便利搭客起見應准添設餘與上案雖互有增減究其數目大抵相符所有請銷銀兩應准開銷

一電報司事管理物料彈壓員司人等薪工庫平足銀六千五百三十一兩一錢四分四釐一毫

查該路電報司事安源站共三名萍鄉峽山口老關醴陵姚家壩白關鋪涿州等站每站各二名月支二十二元至十元不等安源醴陵兩站各設報生一名安源月支洋六元醴陵月支洋五元又巡修工頭二名月各支洋九元信

差四名月各支洋六元計月共支洋三百二十四元又六
 月初一日起添派版杉鋪站電報司事一名月支洋十八
 元又一名月支洋十元連前月共支洋三百五十二元又
 潭界醴界彈壓委員各一員月各支銀二十四兩收發物
 料賬房司事并夫役十名月支洋十二元至六元不等安
 源涿州管理煤車裝卸司事共十五名月各支洋十二元
 夫馬伙食公費月共洋六十元計月共支湘平銀四十八
 兩洋三百二十四元以上通共全年連開扣建共支湘平
 銀六百十四兩四錢以九六折合庫平銀五百八十九兩
 八錢二分四釐又洋八千四百八十七元六角一毫以七
 錢扯合庫平銀五千九百四十一兩三錢二分一毫二共
 合庫平足銀六千五百三十一兩一錢四分四釐一毫核

算相符應准開銷

一洋總管并繙譯人等薪費庫平足銀一萬二千七百五十九兩九錢七分一釐八毫

查該路洋總管馬克來一員月支美金四百元上屆支至西一千九百零六年正月月底止此屆自二月一號起支至十二月底辭退止計十一箇月不扣建共支美金四千四百元扯合湘平銀六千八百七十兩二分四釐又十一箇月公費洋八百二十五元因公電報費洋六百十二元七角九分購買器具等價洋四百六十七元八角八分又萍鄉醴陵匪亂暫避長沙往返川資旅費并派炮勇護送工食賞犒共洋七百零四元九角七分又銷差加送薪水美金一千二百元合湘平銀一千六百六十六兩六錢五分

由醴到滬及由滬回國川資英金六十鎊十先令合湘平銀四百三十三兩三錢三分又洋二百元此外緝譯一員月支薪水洋一百元公費洋二十四元三角房租及測地夫役等共月支洋二百三十七元三角計十二箇月不扣建又該緝譯銷差加送薪水洋二百元由醴回滬川資湘平銀五十兩以上共支湘平銀九千零二十兩零四釐以九六折合庫平足銀八千六百五十九兩二錢零三釐八毫洋五千八百五十八元二角四分以七錢扯合庫平銀四千一百兩七錢六分八釐共合庫平銀一萬二千七百五十九兩九錢七分一釐八毫以散核總尙屬相符應准開銷

一司機匠及裝卸煤焦道撥夫役人等工食庫平足銀三萬

八千五百八十一兩七錢六分一毫

查該路司機前用洋匠史彌德業於上年冬間撤退專用華匠惟須酌加辛工添派人手以資照料計監工匠頭各一名月支洋六十元機匠八名月支洋三十二元至三十元不等押車司事及火夫號夫塞車匠隨車巡丁拾煤小工共六十六名月支洋十六元五角至六元不等又該路以運煤爲大宗安源涿州兩處均須多僱小工照料裝卸計工頭六名月各支洋七元五角小工七十二名月各支洋六元又全路共分四段計三十棚每段監工一名月各支洋六十元總工頭一名月各支洋十二元搖車夫四名月各支洋六元每棚道撥夫頭一名月各支洋九元道撥夫十名及全路棚夫五十五名看橋夫更夫十五名月各

支洋六元以上連閘扣建通共支洋五萬五千一百十六元八角二毫以七錢扯合庫平足銀三萬八千五百八十一兩七錢六分一毫據將情形詳析聲報應准開銷

一營勇警察員司兵役薪糧雜費庫平足銀五千零三兩一錢三分一釐二毫

查該路前因未設巡警由湖南撥來營勇一哨保護路工自是年九月巡警成立全行道撤計自正月起至九月止連閘扣建截曠共口糧銀二千五百四十八兩二錢六分六釐遣撤時酌給口糧銀二百七十八兩四錢八分二釐又自九月起全路分爲四段派局長三員檢事四員巡長五名書識一名警兵夫役七十三名至年底止扣建截曠共薪糧銀二千零七兩二分一釐設局開辦刊刷警章購

買衣袴油帽油靴器具等價銀三百七十七兩八錢二分
六釐共湘平銀五千二百一十一兩五錢九分五釐以九六
折合庫平足銀五千零三兩一錢三分一釐二毫查核相
符應准開銷

一修理車頭車輛及車站局所并沿途木柵電桿補填軌道
土方石渣等費庫平足銀四萬七千七百六十七兩七錢
三分八釐五毫

查該路修理機車并客貨等車共用工頭工匠人等六十
三名月支洋三十二元至六元不等共支洋九千二百六
十元八角四毫又各項車輛用久損多必須拆卸大修因
無修車專廠均託萍鄉鑛局機廠代修計修火車頭六號
小火車頭及客貨車平車各一次應給工料價值并攤廠

費共支湘平銀一萬八千零五十四兩四錢四分七釐洋一萬五千八百八十五元一角七釐又各站修補門窗牆壁木柵月台道房等處及修理電桿添購路燈鐘表共支洋三千六百八十元七角一分一釐又是年夏間山水暴發冲刷路基亟應補填土方添墊石渣共支洋七千三百八十元八角八分銀五千三百零二兩三錢一分三釐以上通共支湘平銀二萬三千三百五十六兩七錢六分以九六折合庫平銀二萬二千四百二十二兩四錢八分九釐六毫洋三萬六千二百零七元四角九分八釐四毫以七錢扯合庫平銀二萬五千三百四十五兩二錢四分八釐九毫二共合庫平足銀四萬七千七百六十七兩七錢三分八釐五毫均係修理整頓必需之款應准開銷

一機器車頭所用煤柴油及購買枕木雜料器具紙張價值
庫平足銀五萬五千一百十二兩七錢七分九釐三毫
查前款係機器車頭拖帶車輛及修各種機器逐日需用
煤筋樹柴計是年共用過生煤九千一百十六噸零黑松
煤十一噸焦煤二十二噸零青炭一百二十五担樹柴九
百二十担生煤每噸扯銀四兩黑松煤每噸扯銀十四兩
焦煤每噸扯銀七兩九錢五分青炭每担扯銀五錢樹柴
每担扯銀二錢四分共支湘平銀三萬七千零七十九兩
六錢四分五釐四毫又茶油九萬三千九百六十四觔每
百觔扯洋十一元二角五分桐油六百六十八觔每百觔
扯洋十二元洋油一百十五箱每箱扯洋三元五角共支
洋一萬一千零五十三元六角一分又添用枕木及機件

雜料價值并水陸運脚等費共支湘平銀八千零九十八兩三錢七分九釐洋三千零四十三元六角七分九釐四毫又總局及各站購買家具并站長司事巡丁棚夫添購各式羽毛衣號衣雨衣各站添置龍旗紅白綠旗等項共支洋一千一百三十一元六角一分九釐又陸續定印車票聯單收單車票簿洋帳簿并紙張筆墨共支洋一千五百四十五元二角以上共支湘平銀四萬五千一百七十八兩二分四釐四毫以九六折合庫平足銀四萬三千三百七十兩九錢零三釐四毫洋一萬六千七百七十四元一角八釐四毫以七錢扯合庫平銀一萬一千七百四十一兩八錢七分五釐九毫二共合庫平足銀五萬五千一百十二兩七錢七分九釐三毫既據詳晰冊報核算亦屬

相符所用銀兩應准開銷

一完糧等費庫平足銀五百二十二兩九分九釐七毫

查該路圈買江西萍鄉縣並湖南醴陵縣境內地畝例應完納每年上下忙錢糧計上屆已納至三十一年年底止此屆自三十二年正月初一日起至十二月底止共完過萍界錢糧洋四百四十二元七角六釐糧串制錢六千文醴界錢糧洋二百八十九元七角五分糧串制錢三千八十三文又續購萍鄉境內基地過糧費制錢二千九百二十四文共支洋七百三十二元四角五分六釐以七錢扯合庫平銀五百十二兩七錢一分九釐二毫制錢十二千零七文照時價一二八合庫平銀九兩三錢八分五毫共合庫平足銀五百二十二兩九分九釐七毫應准開銷

一醫藥撫卹等費庫平足銀一千二百八十九兩一錢二分四釐二毫

查該路在事華洋員司工役人等患病及因公受傷分別診治酌給醫藥並受傷身故及在工貧苦小工病故酌給撫卹棺殮等費均經核銷有案此屆自三十二年正月起至年底止陸續購買藥料並常備痧藥等項洋五百四十三元七角三分三釐醫費洋一百三十元工匠人等受傷及在工病故撫卹棺木等費洋三百七十八元五角五分又板杉鋪山水驟冲軌道火車出軌傷斃搭客棺殮撫卹並養傷等費洋七百八十九元三角二分三釐以上共支洋一千八百四十一元六角六釐以七錢扯合庫平足銀一千二百八十九兩一錢二分四釐二毫均係賞卹養傷

之費應准開銷

以上通共准銷庫平足銀十九萬七千六百零四兩一錢零
三釐七毫

實在

查該冊收支相抵外實應結存庫平足銀三萬九千二百
二十五兩二錢五分六釐三毫應令歸入下屆銷冊造報
核銷

度支部會奏議覆東三省鐵路兩旁荒務用款分別核銷摺
奏爲遵

旨會議具奏事內閣鈔出東三省總督徐世昌等片奏卸辦鐵路
兩旁荒務直隸委用道周冕清釐完竣前後用過各款可否
准予作正開銷一片光緒三十四年五月十三日奉

硃批該部議奏欽此欽遵到部並據該省造冊送部查原奏內稱
前據卸辦鐵路兩旁荒務直隸委用道周冕報稱該段荒務
開辦之初曾由戶司借支經費銀五千兩先後放出毛荒計
收進押租經費銀四十四萬七百五十四兩八錢八分九釐
除郭爾羅斯後旗陸續借用銀十萬五千七百一十二兩五
錢一分一釐杜爾伯特旗借用銀一萬七千三百二十一兩
八錢八分又荒務開支薪工等項用銀三萬六千九百五兩

七分二釐下餘銀二十八萬八百一十五兩四錢三分六釐
因鐵路交涉局原辦經費不敷開支悉數墊入尙不足用又
由鋪商暫行借墊銀一萬六百三十兩九錢一分二釐請一
併核銷現經該行局提調張樾查明該道所發荒地條副實
收過押租經費銀四十四萬七千三百五十二兩一錢六釐
六毫除蒙旗借用並本局開支暨該道漏報之六千五百九
十七兩二錢一分七釐六毫外餘均借墊鐵路交涉局經費
尙不敷銀四千三十三兩六錢九分四釐三毫至杜爾伯特
旗借用銀一萬七千三百二十一兩八錢八分業經先後歸
還郭爾羅斯後旗借用銀十萬五千七百一十二兩五錢一
分一釐除在該旗應劈周冕所收押租銀十九萬五千九百
二十四兩四錢七分九毫內如數扣抵外尙應劈給該旗應

得押租銀九萬二百一十一兩九錢五分九釐九毫內有
國家應於該旗所得統數內按每一兩零五分提取五分經費
銀九千三百二十九兩七錢三分六釐七毫等情度支部查
該處荒務現既清理完竣所有前後用過各款應否作正開
銷之處督飭司員按照款目詳加查核據冊開四柱舊管項
下由戶司撥借開辦經費銀五千兩新收項下計周冕放出
毛荒並收過二成荒價及隨征一五經費共收進銀四十四
萬七千三百五十二兩零又該行局補收押租經費並勸放
周冕原留公田及各井內浮多毛荒共銀四萬九百十兩零
又由劈給該蒙旗一半押租內提回五分經費並收回杜爾
伯特貝子借款共銀一萬八千一百一兩零開除項下計周
冕經手荒價經費共用過銀四十五萬六千三百八十五兩

零又該行局續除押租經費共用過銀三萬二千五百九兩零實在項下計周冕經手不敷銀四千三十三兩六錢九分零該行局現存押租經費共銀二萬六千五百二兩六錢六分零除周冕所收押租應劈給蒙旗十九萬五千九百二十四兩四錢七分九毫該行局續收押租應劈給銀一萬六千三百六十三兩六錢九分一釐外其應歸陸軍部核銷之車價銀八千四十九兩六錢民政部核銷之房租銀五百六十七兩已由該省冊咨該部核銷應由該部核辦其餘謹逐款查核分別准銷行查繕具清單恭呈

御覽至冊開各領戶欠交之押租銀一千七百三十二兩九分六釐一毫經費銀二百五十九兩八錢一分四釐四毫應令該督撫轉飭迅即催交全完分別批解所有_臣等遵議緣由理

合恭摺會陳伏乞

皇太后

皇上聖鑒再此摺係度支部主稿會同郵傳部辦理合併聲明謹
奏

光緒三十四年十一月二十八日奉

旨依議欽此

用款分別核銷

謹將鐵路兩旁荒務前後收支各款分別查核開繕清單恭

呈

御覽

計開

舊管項下

一册開由戶司撥借開辦經費銀五千兩度支部查據稱清理完竣應令劃撥歸款以清款項

新收項下

一册開周冕出放鐵路兩旁毛荒二十六萬四千三百响七畝八分四釐二毫共收押租經費銀四十二萬五千五百二十四兩二錢六分二釐五毫

一册開周冕收過二成荒價銀二萬一千八百二十七兩八

郵傳部奏議類編

路政

會奏議覆東三省鐵路兩旁荒務

二百五

錢四分四釐

以上周冕經手共收銀四十四萬七千三百五十二兩

一錢六釐六毫核與前奏數目相符

一册開該行局補收周冕原放毛荒二十六萬四千三百响
七畝八分四釐二毫扣七成實地十八萬五千一十响五
畝四分八釐九毫每响銀一錢共收銀一萬八千五百一
兩五分四釐八毫

一勘撥周冕收過二成荒價毛荒二萬二千二百七十三响
三畝一分二毫扣七成實地一萬五千五百九十一响三
畝一分七釐一毫補放押租銀一萬九百一十三兩九錢
二分一釐九毫

一勘放周冕原留公田毛荒三千三百二响三畝一分三釐

三毫扣七成實地二千三百一十一响五畝四分九釐三毫收押租銀四千八百五十四兩二錢五分三釐五毫

一勘放各井零星浮多毛荒一百二十九响四畝二分一釐一毫扣七成實地九卡响五畝九分四釐七毫收押租銀一百九十兩二錢四分九釐

以上共收押租銀三萬四千四百五十九兩四錢七分九釐四毫內除各領戶欠交銀一千七百三十二兩九分六釐一毫外實收進銀三萬二千七百二十七兩三錢八分三釐三毫度支部查核算數目相符

一收前項荒價隨征一五經費銀八千四百四十三兩九分八釐五毫內除各領戶欠交銀二百五十九兩八錢一分四釐四毫外實收進銀八千一百八十三兩二錢八分四

釐度支部查數目相符

一收由蒙旗應得一半押租內按每一兩另五分提回五分
經費銀七百七十九兩二錢二分三釐四毫度支部查數
目相符

一收回杜爾伯特貝子歸還前由周冕支借經費銀一萬七
千三百二十一兩八錢八分度支部查與前借數目相符

開除項下

一册開周冕經手郭爾羅斯後旗支用銀十萬五千七百一
十二兩五錢一分一釐度支部查據原奏聲稱除在該蒙
旗應劈周冕所收押租銀十九萬五千九百二十四兩四
錢七分九毫內如數扣抵外尙應劈給銀九萬二百一十
一兩九錢五分九釐九毫照章應於該旗所得統數內按

每一兩零五分提回五分經費銀九千三百二十九兩七錢三分六釐七毫外下餘應劈之數應令該督撫轉飭設法撥給清楚以清款項而恤蒙情

一册開杜爾伯特貝子借支銀一萬七千三百二十一兩八錢八分度支部查已據歸還該行局應毋庸議

一册開勘查杜爾伯特郭爾羅斯後旗小蒿子及沿鐵路兩旁荒地界址歷年各項共用經費銀三萬六千四十三兩六錢八分二釐度支部查此項開支未據分晰造報無憑查核應令該督撫轉飭造具詳細清册咨部查核

一册開省派覆丈委員支過經費銀八百六十一兩三錢九分度支部查此項開支未據分晰造報無憑查核應令該督撫轉飭造具詳細清册咨部查核

一册開抵銷鐵路交涉局虧墊銀二十九萬六千四百四十六兩三錢三分八釐度支部查上年三月間黑龍江將軍奏江省鐵路交涉各局應需經費護勇餉乾等銀照章開支案內據稱周道自二十八年開辦三十二年交卸前後五年除津貼外共虧墊銀二十九萬餘兩但本局既無舊章可援周道辦法未免過費乃就吉局章程酌中核減暫行試辦等因經度支部查核吉省交涉局一切章程尙未到部江省交涉各局既稱係就吉局章程試辦應俟吉局造報到日再行核辦仍令將二十七年奏請在哈爾濱設局辦理鐵路交涉原案合同鈔錄送部查核行知在案今原册稱此款抵銷鐵路交涉局虧墊等情查事前立案事後准銷向來均係如此辦理周道總辦鐵路交涉局動用

此款並未奏咨立案忽於掣務銷冊內將全數列入該局虧墊殊屬不合且交涉局每年既由公司津貼四萬兩則一切經費當足開支乃於五年內虧空如此之多未免浮濫而此次冊內又未將所墊何年何款聲叙明白無從查核應令該督轉飭詳細查明所墊之款有無侵挪暨查照前咨一併聲復到日再行核辦

以上周冕經手共開除押租經費銀四十五萬六千三百八十五兩八錢一釐

冊開該行局除郭爾羅斯後旗札薩克由鐵路兩旁行局支借銀一萬一千八百三十八兩五錢四分七釐

度支部查據稱該行局所收押租應劈給該蒙旗一半銀一萬六千三百六十三兩六錢九分一釐六毫除應提回

五分經費銀七百七十九兩二錢二分三釐四毫暨支借外尙應劈給該蒙旗銀三千七百四十五兩九錢二分一釐二毫應令該督撫迅飭撥給清楚以清款項

一册開清釐鐵路兩旁荒務行局暨丈地委員三起支過薪水工食車價心紅公費房租等項銀一萬九千七百三十四兩六錢度支部查此項除陸軍民政二部應銷銀八千六百一十六兩六錢由該省册咨該部自行核銷外
部應銷銀一萬一千一百一十八兩按册核算相符應准開銷

一册開該行局暨丈地委員三起置買鋪墊器物等項共除銀九百三十五兩九錢六分度支部查此款據陸軍部咨應劃歸度支部核辦並將原册咨送度支部按册核算以

散合總數目相符應准開銷

以上共開除押租經費銀三萬二千五百九兩一錢七釐

實在項下

一册開周冕經手不敷銀四千三十三兩六錢九分四釐三毫度支部查據稱該道由商借墊應令查明撥還

一册開該行局實存押租銀二萬八百八十八兩八錢三分六釐三毫度支部查此款據稱該行局解省銀七千八百八十兩九錢八分二釐三毫經度支司列收尙欠解銀一萬三千七兩八錢五分三釐九毫應令速飭分別批解清款

一册開該行局實存經費銀五千六百一十三兩八錢二分

用款分別核銷

七釐五毫度支部查據稱提歸墾務總局存備公用應令
列入該總局奏銷造報

變通鐵路免價減價辦法摺

奏爲變通鐵路免價減價辦法擬訂章程恭摺仰祈

聖鑒事竊臣部所司輪路電郵四政皆有商業性質欲圖成效首當破除陋習力戒虛糜而鐵路借款興修出入盈虧關係尤鉅光緒三十二年十一月十八日臣部奏定火車免價減價章程五條曾聲明官場免價舊習必須概與廓清等情當經奉

旨允准在案查原摺專指客票而言於運貨章程尙未訂定邇來各部省辦公人員官用物品咸商請發給免票若不議定限制深恐虧累日多局外不察動謂少收車價於路何傷豈知國家借款辦路皆担負還本責任其行車進款養路用費耗之借款利息又耗之結算即有盈餘須備提還借本始立完全

我有之根基且有餘利之路留補虧折之路以酌盈劑虛
國家方不至另籌他款抵償本息是路利有餘少收恐不敷支
應路款虧折少收更無可支持先事不早圖維屆時徒增積
累況各部省原日往來員役解運物料其夫馬運費本有開
支之款似亦無須損此益彼致費周章本年九月欽奉

諭旨鐵路餘利爲預備擴充路綫之需等因欽此尤當敬謹欽遵
妥爲籌畫 臣 等公同商酌辦理鐵路既以營業爲宗旨則無
論官商各路均當實力整頓廢去免票之名庶無虧耗之實
除海陸軍兵丁餉械係另訂專章及有借款行車合同之路
仍應查照合同辦理外其餘各部省辦公人員及官物材料
擬自本年十二月初十日即西明年正月一號起一律停發
免票其各部省巡警查稅文報各項局所員司若虛買票延

緩准其給予憑照月底彙算收款往來亦見迅速即部因公出差司員及應用物料亦概令照支公項遵章購票俾歸畫一此外如有親貴大臣奉

命往來者擬由部代購車票一律作正開銷似此辦法鐵路可免供應之繁各部省仍受交通之益於路政方有起色謹擬變通辦法章程八條繕具清單恭呈

御覽如蒙

俞允即由部通行欽遵辦理所有變通鐵路免價減價辦法緣由謹恭摺具陳伏乞

皇上聖鑒訓示謹

奏

光緒三十四年十二月初五日軍機大臣欽奉

諭旨郵傳部奏變通鐵路免價減價辦法擬訂章程摺單各一件
又奏擬新奉吉長鐵路借款續約摺單各一件均依議欽此

謹將擬訂鐵路免價減價變通辦法章程開具清單恭呈
御覽

一凡

欽差大臣如致祭

陵寢查辦事件專使外國閱兵巡河放賑者並其隨帶司員人等行

李車馬均由_臣部代爲購備車票所需車價由_臣部作正

開銷現任將軍都統督撫暨其隨員眷屬行李車馬等項

如係隨同現任將軍都統督撫搭車者亦一體照此辦理

一凡各省現任司道從前原定減價者一律照收全價

一凡陸軍部及將來設立之海軍部暨各省督練處軍人及

軍用物品因公往來輸運者應由陸軍部或該省督練處

咨商郵傳部發給憑照減收半價此項詳細章程應由_臣

郵傳部奏議類編

路政

變通鐵路免價減價辦法

二百十二

郵傳部奏議類編

部與陸軍部另行訂定其非陸軍部奏明編設之新軍及未經

欽派大臣考驗者概不得援引此例

一地方官所派巡警練軍係於平時咨明專爲保護鐵路之用者如因辦理鐵路公事往來由各該路局按名發給本路巡警車票其尋常巡警不在此例


一凡從前各部省稅局文報局造幣廠探訪局各處所係因往來迅速起見發有免票今既一律停止應由各路局刊發憑照按次記帳每月結算按照全價付款俾利通行

一各省運賑除訂有合同之路應照合同辦理外如遇荒年急賑由臣部體察情形酌減半價倘係尋常備荒平糶並非荒年不得援例辦理

一官運物料除海陸軍兵械馬匹照第三條辦理郵政官局郵件仍暫照光緒二十九年三月外務部核訂章程八條辦理外其餘無論何項物品概收全費

一以上各條自奏定頒發之日起凡現在及將來官路商路一律遵行其從前所定免價減價各章程即均作廢如尙有未盡事宜臣部隨時酌量增改

奏明辦理



1072

擬訂新奉吉長鐵路借款續約摺

奏爲擬訂新奉吉長鐵路借款續約繕單恭摺具陳仰祈

聖鑒事光緒三十三年三月初三日外務部與日使訂立新奉及吉長鐵路協約內稱應由兩國訂立各該鐵路借款合同等語現新奉鐵路業於去年收回吉長路綫亦經勘畢因欲更改協約須由兩國政府作主故先與日使重訂續約以便兩國鐵路委員按此商訂詳細合同當經派員與議先訂定大綱七條新奉係借日幣三十二萬圓吉長係借日幣二百一十五萬圓年息五釐折扣九三協約原訂新奉遼河以東之日本總工程司現訂祇派工程司刪去總字仍歸京奉鐵路總辦及總工程司節制原訂之日本帳房現訂無庸派委吉長之日本總工程司現訂由中國選擇日本帳房現訂由南

滿洲鐵路公司選擇均歸中國委派等語臣覆加細核所議似較周密當經商明外務部核准飭由鐵路總局局長梁士詒簽押並由外務部與日使彼此照會允認施行謹繕具借款續約清單恭呈

御覽至借款詳細合同再由臣部委員與南滿洲鐵路公司商訂以便迅速興工所有擬訂新奉吉長鐵路借款續約緣由謹恭摺具陳伏乞

皇上聖鑒謹

奏

光緒三十四年十二月初五日軍機大臣欽奉

諭旨郵傳部奏變通鐵路免價減價辦法擬訂章程摺單各一件又奏擬新奉吉長鐵路借款續約摺單各一件均依議欽此

御覽

謹將與日本擬訂新奉吉長鐵路借款續約繕具清單恭呈

中日兩國政府按照光緒三十三年三月初三日即明治四十年四月十五日所訂新奉及吉長鐵路協約第四款應由兩國訂立各該鐵路借款合同以前兩國政府擬除該協約所訂事項外再訂續約茲後列兩員各奉委任協定如左

第一款 中國政府按照新奉及吉長鐵路協約_{下文稱協約}

第一款及第二款允將京奉鐵路遼河以東路所需款項之半數即日本貨幣三十二萬圓及吉長鐵路所需款項之半數即日本貨幣二百十五萬圓向南滿洲鐵路公司籌借

第二款 借款利息常年付息五釐

第三款 借款實收價值按照協約第六款每百按九三扣付

第四款 中國政府按照協約第三款在借款期內京奉鐵路遼河以東路之總工程司應用日本人則開辦伊始可即以現在京奉鐵路所用之日本工程司充之其事權仍照現在辦法歸京奉鐵路總辦與總工程司管轄倘將來有時須更換該工程司應按協約與南滿洲鐵路公司商明派定其事權仍照上開辦法一樣

第五款 中國政府因京奉鐵路遼河以東路之帳目難以分開日本國政府可允諾在該路司帳人不另派日本人又日本國政府照允中國政府按該段借款總數算出按年應還本息數額再算出按月應還本息若干以此按月

應還本息數額抵作爲遼河以東路之餘利於每月初一日由中國政府存放南滿洲鐵路公司指定在中國之日本國銀行以爲屆期付還本息之用將來屆期如何付還本息及銀行給回存款息率若干俟訂立借約細目合同時另行商定

又中國政府允將京奉鐵路全綫之月底帳目大綱及年底決算帳目之英文徵信冊按月按年送交南滿洲鐵路公司閱看

第六款 吉長鐵路總工程司及司帳人均按協約第三款應用日本人其任用法總工程司應由中國政府選擇幹練人材商明南滿洲鐵路公司後由中國政府派委司帳人由南滿洲鐵路公司選舉商明中國政府後由中國政

府派委備將來有時須更換該總工程司及司帳人應按協約商明南滿洲鐵路公司亦按上開辦法派委

第七款 關於借款細目合同應遵照協約及本續約南滿洲鐵路公司與中國郵傳部委員另行商訂
本續約應由各本國允認施行

續行派員查勘安徽江西鐵路摺

奏爲續行派員查勘安徽江西鐵路恭摺仰祈

聖鑒事光緒三十四年五月二十日奉

上諭鐵路爲交通大政利商賑災運兵轉餉以及開通風氣振興實業胥賴乎此近年來各省官辦鐵路皆能剋期竣工成效昭著而紳商集股請設公司奏辦有年多無起色坐失大利尤礙交通著郵傳部遴委妥員分往各路確實勘查各路工程應分幾年告竣公司股本能否按年接濟一面妥擬辦法嚴定期限倘所集股資不敷尙鉅或各存意見推諉誤工以致未能依限完竣即由該部會同該管督撫另籌辦理並將該省所舉承辦人員差使查照商部歷次奏案分別撤銷等因欽此當經遵擬辦法並派分省補用知府李大受等先行查勘川漢鐵路又

於九月間續派調部差遣翰林院檢討陸夢熊等查勘洛潼西潼同蒲及江蘇浙江各鐵路先後分別奏陳均聲明其餘各路再由臣部陸續選員往查在案所有江西安徽兩省先後開辦鐵路其股款工程究竟如何亟宜派員前往查勘以期辦理一律早日觀成茲擬派調部差遣鐵路總局科員鄭鴻謀直隸試用道陶湘查覈該二路款項調部差遣工科進士顏德慶臣部七品小京官何肇基汴洛鐵路監工唐乃倉勘驗該二路工程均令剋日起程遵照奏定辦法確切查報其餘各路仍由臣部陸續選有妥員即行奏明辦理所有續行派員查勘安徽江西鐵路緣由理合恭摺具陳伏乞

皇上聖鑒謹

奏

光緒三十四年十二月初五日奉
旨知道了欽此


郵傳部奏議類編

路政

續行派員查勘安徽江西鐵路

三百十八

參議廳編纂科



奏報滬甯鐵路工竣情形摺

奏爲滬甯全路工程完竣情形恭摺仰祈

聖鑒事竊惟滬甯鐵路光緒二十九年二月與英國銀公司訂立借款合同聲明五年竣工於是年八月勘定路線開工自上海寶山縣境之叉袋角起至江甯省會之下關止中經三十
七車站軌道計長六百三十餘里另車站環道岔道約九十
餘里嗣併入淞滬一段統共車站四十一處正軌道六百七
十里自上海至丹陽段內河道紛出地勢平迤自丹陽以西
路線漸高又西至鎮江路綫漸平在寶蓋山麓橫穿隧道自
鎮江至龍潭均在山旁繞越將近江甯數里地勢崎嶇頗難
工作其最高之處軌面平綫上下相差英度九十一尺二十
八分全路則丹陽鎮江以西略有山嶺其餘多半水鄉橋梁

渠洞節節相屬上海至蘇州一段須備雙軌橋工更多統計
全路大橋二十五座小橋二百七十七座渠洞四百零五座
尤以青陽江大橋寶蓋山隧道工程最爲艱鉅按段授工已
於本年三月通車至江甯省會此外如建機廠以製物料設
儲棧以運漕糧並沿路各處頭二等車站亦均次第竣工此
滬甯鐵路全路通車工程完竣之大略情形也原部查滬甯
路綫爲中外官商往來要區銀公司代辦工程不無過求全
備之處用款比各路倍增而工料完固亦較各路爲能持久
現在工程完竣全路暢通此後核實用款以節虛糜擢調華
員以資控馭及籌畫運輸變通釐稅各節應由原部等隨時督
飭鐵路總局局長梁士詒及該路總辦次第妥籌辦理除工
程用過各款另行列冊奏報外所有滬甯鐵路全路工竣緣

由理合恭摺具陳伏乞

皇上聖鑒訓示謹

奏

光緒三十四年十二月十五日奉

旨知道了欽此


郵傳部奏議類編

路政

滬甯鐵路工竣情形

三百二十

參議院編纂科



註銷京漢鐵路借款行車各合同並接收情形摺

奏爲註銷京漢鐵路借款行車各合同並接收該路情形恭摺
具陳仰祈

聖鑒事竊京漢鐵路前議及時收回當將籌辦情形歷次分別奏
陳並函照比公司聲明俟全款還清迭次所訂借款行車各
合同悉行作廢各在案嗣與比公司商定一切應還款項統
在法京交付准本年十二月初六日即西歷一千九百零八
年十二月二十八號全數付清當由出使比國大臣李盛鐸
專辦此項交款事宜隨時將所籌各款督飭交通銀行分起
陸續籌匯茲據李盛鐸電稱所有應交本息經手費各項共
法金二萬二千七百四十萬零一千零四十一佛郎三十三
生丁業已如數交清又照合同應交回比公司蘆保三年官

息二成共銀圓二十四萬零一百二十九圓九角亦已由臣部付訖當於十二月初十日即西歷一千九百零九年正月一號派令鐵路局長梁士詒京漢鐵路監督鄭清濂將比公司經手各項文卷帳目款項材料一併點收並將抵押卷據悉數收回迭次合同全行作廢即於是日爲臣部收回京漢全路管理權之始惟比公司於京漢一路久據利權一旦拱手授人中情似難允願故於收款交路各事要求挾制迭發難端經臣部加派委員葉恭綽袁長坤李大受盧學孟等隨時隨事峻拒婉商始克就範迨本年十月間比公司尙藉口比政府從前墊交該路賠款之擔保另歸外務部與比國駐京使臣公斷各事均未了結聲言西明年正月一號不能交回該路管理權復經臣等援據合同辯駁至於再三直至十

二月初九日比國駐京使臣始照會外務部定於初十日先將管理權交出註銷各項合同其餘爭執諸節隨時再行議結竊思此路借債逾四千萬兩比人干涉已越十年茲幸仰稟

聖謨得以完全收贖此後工程行車各項應行布置之事方多容

等隨時妥籌悉心辦理總期路務日臻完善藉副

朝廷慎重交通之至意除此次贖路用過各款應由部另行詳晰奏明外所有現在註銷京漢鐵路合同及接管該路各情形理合恭摺具陳伏乞

皇上聖鑒訓示謹

奏

光緒三十四年十二月十五日奉

郵傳部奏議類編

路政

註銷京漢各合同並接收情形

三百廿二參議廳編影科

旨知道了欽此

派候選道鄒

再京漢鐵路

總辦綜理該

漢監督二品

政兼精工程

各員督飭修

總辦京漢鐵

候

命下臣部欽遵檄

由謹附片具

聖鑒謹

奏

關防

光緒三十四年十二月十五日奉

旨依議欽此

京漢鐵路行車第二年收支各款大概情形摺

奏爲奏報京漢鐵路行車第二年收支各款大概情形恭摺仰

祈

聖鑒事竊京漢鐵路行車情形前經臣部將自光緒三十一年十
二月初七日起至光緒三十二年十二月十六日止即西歷
一千九百零六年分收支各款大概於光緒三十三年正月
二十七日奏陳在案續自光緒三十二年十二月十六日起
至三十三年十一月二十七日止爲西歷一千九百零七年
分一年期滿即全路實行行車之第二年由該路將行車進
支各款稟報前來經派員與比公司詳細鈎稽公同結算計
行車各項進款共銀元八百九十一萬八千七百二十二元
零八分行車用款共銀元三百五十七萬二千三百零五元

九角四分另付借款利息及換照合同應給銀行酬費共匯
出銀元二百四十九萬八千八百八十七元一角三分又繳
交度支部蘆保官息銀元四十萬零一百八十二元二角九
分實餘銀元二百四十四萬七千三百四十六元七角二分
再提十成之一作爲公積計銀元二十四萬四千七百三十
四元六角七分實得淨利二百二十萬零二千六百十二元
零五分除照合同應給比公司二成餘利計銀元四十四萬
零五百二十二圓四角一分外實得八成餘利銀元一百七
十六萬二千零八十九元六角四分經提存交通銀行按照
光緒三十三年十二月二十四日 部奏准統計官辦各路
待撥要需提前籌付辦法續撥各路爲抵補不敷之用遵將
該款陸續提付計撥正太鐵路公砵平足銀六十四萬八千

零九十七兩五錢六分撥滬甯鐵路規平銀五十萬零二千八百二十七兩八錢七分此外公估銀十萬兩經遵照奏案提爲部辦公經費之用統計撥付公估平足銀七十四萬八千零九十七兩五錢六分規平銀五十萬零二千八百二十七兩八錢七分照時價折合恰符一百七十六萬二千零八十九元六角四分之數以上各款統俟將來結算清訖再將支用款目另行分別奏銷除咨度支部外所有京漢鐵路行車進支各款情形理合恭摺具陳伏乞

皇上聖鑒謹

奏

光緒三十四年十二月二十二日奉

旨知道了欽此

郵傳部奏議類編

路政

京漢行車第二年收支情形

二百廿五

續行派員查勘福建潮汕新甯惠潮鐵路摺

奏爲續行派員查勘福建潮汕新甯惠潮鐵路恭摺仰祈

聖鑒事光緒三十四年五月二十八日奉

上諭鐵路爲交通大政利商賑災運兵轉餉以及開通風氣振興實業皆賴乎此近年來各省官辦鐵路皆能尅期竣工成效昭著而紳商集股請設各公司奏辦有年多無起色坐失大利尤碍交通著郵傳部遴委委員分往各路確實勘查各路工程應分幾年告竣公司股本能否按年接濟一面妥擬辦法嚴定期限倘所集股資不敷尙鉅或各存意見推諉誤工以致未能依限完竣即由該部會同該管督撫另籌辦法並將該省所舉承辦人員差使查照商部歷次奏案分別撤銷等因欽此當經遵擬辦法並派分省補用知府李大受等先行查勘川漢鐵路又於九月間續派調

部差遣翰林院檢討陸夢熊等查勘洛瀆同蒲江蘇浙江等路本月初旬續派調部差遣鐵路總局科員鄭鴻謀等查勘安徽江西等路先後分別奏陳均聲明其餘各路再由臣部陸續選員往查在案現查未經查勘之路尙有粵漢福建滇蜀廣西潮汕新甯惠潮等路除粵漢應由督辦粵漢鐵路大臣派員查勘滇蜀廣西由臣部另擬辦法附片奏明外其餘福建潮汕新甯惠潮共四處亟應續行派員前往查勘以期辦理一律茲擬派臣部員外郎光裕主事許沐鏞查核該四路款項其應勘該路工程即派現在考驗蘇浙路工之調部差遣工科進士胡棟朝臣部主事蔡傳奎順道前往勘驗均令遵照奏定辦法確實查報一俟各路查報齊竣再由臣部分別情形奏明辦理所有續行派員查勘福建潮汕新甯惠

潮鐵路緣由理合恭摺具陳伏乞

皇上聖鑒謹

奏

光緒三十四年十二月二十二日奉

旨依議欽此

派員先查滇蜀廣西路款片

再福建潮汕新甯惠潮等四路款項工程業由部另摺奏明續行派員查勘此外滇蜀廣西二路雖尙未勘路興工已據報明籌有款項查滇蜀款項有官股商股鹽捐彩票隨糧捐等股廣西款項除本省溢收實官捐款劃出撥充外其招收商股章程亦已送部備核自應派員分往查驗以昭核實茲擬派貴州候補道尹家詔往查滇蜀鐵路款項江蘇候補道林兆鏞往查廣西鐵路款項均令遵照奏定辦法確實查報至該二路工程現准雲貴總督咨稱滇蜀業已派員赴美延聘工程司并准廣西巡撫電稱廣西業已派員赴歐延聘工程司各等語是現在尙無工程可以勘驗應俟該省測量完竣報部屆時再由部派員分別前往覆勘所有派員先

查滇蜀廣西鐵路款項緣由理合附片陳明伏乞
聖鑒謹

奏

光緒三十四年十二月二十二日奉

旨依議欽此

正太鐵路添築防水工程摺

奏爲正太鐵路添築沿途防水工程恭摺仰祈

聖鑒事竊正太鐵路長四百八十里中祇八十里坦途餘皆峯巒層疊河湖交滯軌道所經盤紆曲折夏秋之季山洪陡注有若建瓴其艱險情形爲他路所未有一切設備因較他路爲加多誠慮軌道一有不通所損更鉅故全路工程以防水爲第一要義本年六月間該路坡頭亂流等站因洪流猝發沖壞軌道幸不久即已修復臣等思患預防因飭該路總辦總工程師等將沿途水道源流地勢高低河流緩急雨量多寡詳細考查記錄並細勘全路工程於防禦水患有無疏畧未備之處妥籌辦理嗣據該路總辦等開具辦法前來計改造增添培補隄岸橋梁明暗溝渠各工須款約銀元四十八萬

元_臣等以該路行車進款支絀不能不力從撙節駁令重加刪減復另派京張鐵路工程員工科進士顏德慶等馳往會同覆勘據稱綜計全路應添大小石隄至六十餘座橋梁溝道各工次之原估數目尙無虛浮經與總工程司商議將稍可從緩各工悉行除去前後共減去銀元三萬七千餘元實應支款約四十四萬三千元_臣等重加覆核此項係保固軌道要工所估價值再三稽核委實無可再減擬即准照該總辦等所請由_臣部照數設法挪撥以應工需除所支各款歸入該路工程用項另行奏銷並咨度支部外所有正太鐵路添築防水工程緣由理合恭摺具陳伏乞

皇上聖鑒訓示謹

奏


光緒三十四年十二月二十五日奉
旨知道了欽此

郵傳部奏議類編

路政

正太鐵路建築防水工程

三百三十一參議廳編駁科



郵傳部奏議類編

參議廳編
教科編輯

電

政

郵傳部奏議類編目錄

電政 起光緒三十二年十一月訖三十四年十二月

請暫由會辦電政大臣楊士琦督理電政並刊給關防摺

奏派記名道楊文駿督辦電政摺

覈覆兩江電報局及德律風等項用款摺

派上海電政局會辦片

修理張怡電桿應用圍場木植援案辦理摺

電報材料擬在進口時完稅一次概免重徵摺

請獎給洋員寶星摺 附清單

覈覆兩廣官電局收支報費等項摺

請將重慶電局委員陳恩霖革職片

覈覆新疆添設電綫等項用款摺

郵傳部奏議類編 目錄 電政

陳明籌畫擴充電政商力不支擬歸官辦摺

核銷陝甘兩省官電修理綫路用過銀兩摺

外務部等會奏議覆西藏通商章程及籌撥的款各事宜摺

互見郵政

電股收贖完竣擬請實力整頓摺

議覆盛大臣電陳收贖電股辦法與現辦情形不同應毋庸

議片

核銷陝甘官電局常年用款摺

籌擬核減電價提補經費摺

擬改電報按屆繳賬期限及開單核銷片

遊 旨妥議擴充電政辦法摺

理藩部會奏敷覆採辦庫倫電桿木植工竣再行核獎摺

通飭各電局焚燬查出悖逆電報片


覆陳展設歸太電綫需用經費分別認籌摺

收回東清全路日俄電報訂立合同摺

覈覆新疆電報收支各款摺

核銷兩廣官電局收支各款摺

裁撤電局花紅片



1114

請暫由會辦電政大臣楊士琦督理電政並刊給關防摺

奏爲請

旨事光緒三十二年十一月二十三日准前督辦電政大臣袁世凱會辦電政大臣楊士琦咨稱電政關係商股所有結帳分利清算收支數目歷辦章程均截至下年三月爲一屆完結之期現經郵傳部奏明俟本大臣督同員司清結數目再行移交接管自應查照辦理惟查原領關防先於本督辦大臣奏辭兼差摺內聲稱繳銷自未便仍前鈐印而未經移交以前一切公牘合同非藉關防莫資信守究應如何辦理咨請核復前來臣部查電政集有商股且與大東大北兩公司以及滇緬太平洋暨德法等國訂有聯合過綫傳遞各項合同歷年均以二月爲一屆完結之期即於三月結算清楚從前

盛宣懷移交袁世凱接辦時亦於光緒二十九年三月交替
歷經該大臣奏明有案現在未屆二月若將各帳概行截算
於商股暨各洋公司實多窒礙自應撥案以明年三月移交
以免紊雜而未經歸併以前亦必須鈐用關防藉昭信守茲
經公同商榷其原領關防既由前督辦大臣奏明繳銷而距
明年三月之期尙需時日電政事務殷繁不能不暫派專員
以資控制擬由臣部刊刻木質關防文曰督理電政事務關
防發交前會辦電政大臣農工商部左丞楊士琦暫行經理
仍隨時將經辦情形報部俾便查核嗣後即鈐用新刊木質
關防一俟移交事竣再行繳由臣部奏明銷燬如蒙
俞允即行咨照辦理所有電政事宜擬暫由前會辦大臣經理並
改刊關防緣由謹恭摺具陳伏乞

皇太后

皇上聖鑒訓示謹

奏

光緒三十二年十一月二十八日奉

旨依議欽此

郵傳部奏議類編

電政

請暫由會辦電政大臣督理電政並

參議廳編纂科

給圖防

奏派記名道楊文駿督辦電政摺

奏爲派員督辦電政改刊關防恭摺仰祈

聖鑒事上年十一月二十八日臣部具

奏電政事務未屆截算交收之期擬請暫由會辦大臣楊士琦經理並刊木質關防暫資鈐用文曰督理電政事務關防一俟移交事竣再行繳山臣部銷燬奉

旨依議欽此欽遵在案本年二月十二日准楊士琦咨稱電政款目叢雜案牘浩繁經郵傳部奏明俟本年三月一屆完結再行移交並刊給暫用關防等因現計本屆轉瞬期滿自應將關防文卷先行移交按照歷次移交辦法應由郵傳部遴員赴滬就近接洽等語竊維電政向章以每年三月爲一屆完結之期既據該大臣咨請交收前來自應遴派妥員到滬接

管以維電政惟電報創辦迄今二十餘載歷年文卷勢如束
筍出入帳目鈎考尤難且與大東大北兩公司暨德法等國
訂有聯合過綫傳遞各合同非有守潔才長諳練交涉之員
難膺此選查有記名道楊文駿才識開通辦事穩練前隨故
大學士臣李鴻章襄辦庚子和約迭膺保薦臣重意在江西
巡撫任內曾調該員辦理南昌教案因應外人深資得力以
之督辦電政必能勝任愉快如蒙

俞允即由臣部飭令該員迅速赴滬接收電政並另刻督辦電政
事務關防一顆發給該局俾資信守其督理電政關防應飭
繳由臣部銷燬以符原

奏所有派員督辦電政另刊關防緣由理合恭摺具陳伏乞

皇太后

皇上聖鑒訓示謹

奏

光緒三十三年三月二十八日奉

旨依議欽此

郵傳部奏議類編

電政

派員楊文煥督辦電政

四

參議廳編要料

嚴覆兩江電報局及德律風等項用款摺

奏爲議覆兩江省電報局及德律風等項用款恭摺仰祈

聖鑒事由內閣鈔出兩江總督端方奏金陵電報局及德律風支
用工料銀兩造冊咨部核銷一片奉

硃批該部知道欽此並據該督照錄片稿清單造具冊結備文咨
送山農工商部移交到部臣部查冊開電報項下共支二萬
五千二百二十八兩五分四絲德律風項下共支五千七百
四十五兩二錢七釐二毫五絲內除應歸度支部核銷各局
員司薪糧銀一萬九千六百八兩七分七釐五毫一絲陸軍
部核銷病故賞卹銀一百九十二兩外計歸臣部核銷購買
物料共銀一萬一千一百七十二兩五錢七分九釐七毫八
絲臣等督飭司員按冊詳加覆核查與奏明銀數並咨報立

皇太后

案數目尙屬相符應請准其開銷所有臣部覈覆金陵電報局及德律風用款緣由理合恭摺具陳伏乞

皇上聖鑒謹

奏

光緒三十三年七月二十三日奉

旨知道了欽此

派上海電政局會辦片

再近年東西洋各國於電報日有改良。部所轄電政必須籌畫款項藉以增長綫路擴充局所而後議減電費以宏交通利便之圖。前雖奏派存記道楊文駿督辦惟現當實行整頓之時必須添派操守可信之員會同辦理以期得力。查有調部差遣江蘇存記道汪嘉榮熟悉外交頗能會計堪以會辦電政事務並隨時由部札派妥員襄理及釐訂章程認真遵守俾臻盡善恭候

命下分別檄飭遵照至該電政局應如何統籌整頓之處再行奏明辦理謹附片具陳伏乞

聖鑒謹

奏

光緒三十三年十一月初八日奉

旨依議欽此

修理張怡電桿應用圍場木植援案辦理摺

奏為修理張怡電桿應用圍場木植援照成案辦理恭摺仰祈
聖鑒事竊查張家口至恰克圖電綫為中俄接電傳報之用綫路
綿長四千餘里光緒二十四年創造之初由烏得至張家口
電桿經前督辦電報事務臣盛宣懷電請總理衙門代奏請
在多倫諾爾所屬官圍場採伐奉

旨著准其砍運桿木一萬根仍不得砍伐大松木並着直隸總督
察哈爾都統派員點驗等因欽此光緒二十七年電桿被燬復
經前督辦電報事務臣盛宣懷電奏請在多屬圍場採伐木
料五千根奉

旨着照所請即由盛宣懷咨行李鴻章奎順派員點驗毋稍遲延
等因欽此欽遵在案溯自二十七年修理以來迄今已逾數載

郵傳部奏議類編 電政 修理張怡電桿應用圍場木植援案 七

口外風土與內地迥殊雪霜之剝蝕沙城之灌浸桿木最易受損且此綫爲中俄交接之綫如有損壞俄人率據合同自行修理爲詞甚形軼躄茲據督辦電政事務楊文駿稟稱張家口滂江烏得叻林庫倫恰克圖各屬應換電桿約四千根之譜惟此項木桿採運維艱擬請砍伐八千根以四千根爲此次大修之用以四千根分儲各局備隨時修換之需等語

臣等飭查尙係實情自應按照成案奏明辦理應請

旨飭下直隸總督察哈爾都統於所屬圍場內砍伐八千根派員點驗以資應用所有修理張恰電桿需用木植緣由謹恭摺具陳伏乞


皇太后

皇上聖鑒訓示謹

奏

光緒三十三年十一月二十八日奉

旨依議欽此



1130

電報材料擬在進口時完稅一次概免重徵摺

奏爲電料稅項擬請在進口時完納一次概免重徵以便交通而省煩擾恭摺仰祈

聖鑒事查中國電報初設伊始原爲各國公司侵軼攘我利權暫招商股承辦以爲抵制當日電報物料概免稅釐官爲保護提倡而期其發達開辦以來迄今二十餘年纜桿所布縱橫數萬里六通四闢不獨挽回利權隱杜各國之覬覦即文報迅速於國事軍事尤多裨益而商家亦收保護免稅之利歷年既久官商稱便逮光緒三十一年七月粵關有照章收稅之事經前督辦大臣升任直隸總督臣袁世凱一再奏請免稅以恤商艱奉

旨允行旋於光緒三十二年九月經稅務大臣奏請所有電報材

郵傳部奏議類編

電政

電報材料擬進口時完稅一次概免

九

參議廳編纂科

料一律徵稅奉

重徵

旨依議欽此欽遵在案竊維東西各國凡電報材料均免稅釐特外國電報皆爲官有與中國招商入股者稍有區別既經稅務大臣奏准一律徵稅自應遵照辦理惟電報各局二百餘處分布二十二行省其間修理機件需用材料半皆零星之物若沿途稽留逢關完稅納款甚少窒礙滋多於邊遠省分尤形不便殊非慎重交通之道臣等公同商酌擬請所有電報物料統於進口之時完納一次正稅其餘經過各關概不重徵如此則稅項既屬無虧而商股亦受其利於電政前途獲利匪淺如蒙
俞允應由臣部轉行各衙門遵照辦理所有電報材料請在進口時完納一次概不重徵緣由謹恭摺具陳伏乞

140-3-602

皇太后

皇上聖鑒訓示謹

奏

光緒三十三年十二月初八日奉

旨依議欽此

郵傳部奏議類編

電政

電報材料擬進口時完稅一次概免

十

奏議類編

請獎給洋員寶星摺

奏爲懇請獎給洋員寶星恭摺仰祈

聖鑒事光緒三十三年四月 臣部派委候選道周萬鵬洋總管德
聯陞會同德國駐京頭等參贊耿尼慈駐滬總領事卜利訂
立青烟滬電報接綫合同業經妥議簽押互換遵守在案茲
據候選道周萬鵬等稟稱德皇賞給該道及德聯陞二等寶
星各一座由駐滬德領事賚送前來等因查德參贊耿尼慈
領事卜利與該道等會訂合同尙屬妥協自應援案給予寶
星以敦睦誼又上海電政局總管洋員德聯陞在局辦事多
年其爲得力凡工程學務及與各國交涉訂立合同等事均
能不辭勞瘁竭誠贊助擬請一併獎給寶星以示鼓勵謹將
各該員擬給寶星按章分別等第繕具清單恭呈

御覽籲懇

恩施照擬

賞給如蒙

俞允即由臣部咨明外務部照章製造並填具執照賫送過部分

別發交祗領所有擬請

賞給洋員寶星緣由謹恭摺具陳伏乞

皇太后

皇上聖鑒謹

奏

光緒三十四年正月二十七日奉

旨依議欽此

御覽

謹將應請獎給寶星洋員銜名繕具清單恭呈

計開

德國駐京頭等參贊耿尼慈

德國駐滬總領事卜利


以上二員擬請

賞給二等第二寶星

電政局總管丹國人德聯陞

以上一員擬請

賞給二等第三寶星



駁覆兩廣官電局收支報費等項摺

奏爲駁覆兩廣官電局收支報費等項用款恭摺仰祈

聖鑒事查農工商部移交卷內兩廣總督周馥奏光緒三十年分
兩廣電報各局收支報費造冊核銷一片光緒三十一年十
二月十九日奉

硃批該部知道欽此由內閣抄出到部並據該督將清冊咨送核
銷前來臣部查冊開收支八成報費項下共支銀一萬六千
五百四兩一錢七分五釐三毫九絲二忽一微五纖內除委
員洋匠等辦公往來川資暨工食水脚保險等銀五千四百
九兩六錢九釐六毫一絲五忽一微五纖應歸度支部陸軍
部分別核銷外計臣部核銷購買料物裝箱電桿等銀一萬
一千九十四兩五錢六分五釐七毫七絲七忽核與歷屆成

案相符應請照銷又另冊造報支過各局房經費及展設電綫工料等項共銀五萬五千一百十三兩五錢三分五毫四忽七微五纖內除員司報生薪水暨綫費等銀四萬八千一百十八兩三錢二分四釐六毫六絲五忽五微應歸度支部陸軍部分別核銷外計四部核銷料物桿木學堂房租電料裝箱等銀六千九百九十五兩二錢五釐八毫三絲九忽二微五纖按款核算查與歷屆成案暨奏明立案數目大致相符應請一併照銷所有核覆兩廣官電局收支報費等項用款緣由謹恭摺具陳伏乞

皇太后

皇上聖鑒再此案因往返駁查是以復奏稍遲合併聲明謹奏

光緒三十四年二月初七日奉
旨知道了欽此

郵傳部奏議類編

電政

擬撥兩廣官電局收支報費等項

十四

奏請開編辰科

請將重慶電局委員陳恩霖革職片

再 臣部訪聞四川重慶電局委員二品頂戴江蘇試用道陳恩霖任意虐民諸多不合人言嘖嘖控案甚多當經電飭電政總局並電咨四川總督澈查去後旋據總局電稱陳恩霖倚勢作威衆口一詞如租屋不遂攔門立桿鋪夥討賬送縣掌責及淪工拉夫等事均屬實情當將該員撤差稟請核辦並准四川總督咨稱陳恩霖任意虐民一案上年綫工到渝該員行文巴縣飭團派夫並不給費又電桿木排被漲冲散業已尋獲該員誣指木行偷竊勒令賠繳百根其鄰近鋪屋一間該員欲租不遂故植電桿於門阻其出入至該局與鋪夥交易雖無硬買實據惟該員向在恒興裕綢緞鋪購貨物鋪夥到局索債因斥其不應吸烟遽行送縣請懲以上各

條均查明實在情形咨復前來查電政係臣部專責現正釐
剔弊竇力圖改良乃陳恩霖不惟不悉心辦理竟敢魚肉鄉
民藉端訛詐既經總局委員稟揭在先復經四川督臣查覆
於後均有實據未便稍事姑容應請將二品頂戴江蘇試用
道陳恩霖即行革職以示懲戒理合附片具陳伏乞

聖鑒訓示謹

奏

光緒三十四年二月十七日奉

旨依議欽此

覈覆新疆添設電綫等項用款摺

奏爲核覆新江添設廸化至奇臺電綫等項用款恭摺仰祈
聖鑒事查農工商部移交卷內開由內閣鈔出新疆巡撫聯魁奏
添廸化至奇臺電綫用過經費銀兩並查明原奏數目未符
更正核銷一節光緒三十二年八月初一日奉

硃批該部知道欽此並據該撫將清冊咨送核銷等因移交到部
臣部查新疆添設廸化至奇臺電綫冊開共支銀二萬三千
六百三兩二錢二分二釐內除委員勘工行李車脚馱運及
犒賞等銀九百二十九兩五錢一分三釐並扣平銀兩應歸
度支部核辦外其採買桿綫修理護墩工價運脚物料等項
銀二萬二千六百七十三兩七錢九釐等督飭司員按款
鉤稽比較成案價值尙無浮冒亦與奏明更正三萬兩銀數

有減無增應請准其核銷所有核覆新疆添設廸化至奇臺
電綫用款准銷緣由謹恭摺具陳伏乞

皇太后

皇上聖鑒再此案因往返行查是以覆奏稍遲合併聲明謹
奏

光緒三十四年三月十八日奉

旨知道了欽此

陳明籌畫擴充電政商力不支擬歸官辦摺

奏爲籌畫擴充電政費增利減商力不支擬歸官辦以恤商艱
恭摺具陳仰祈

聖鑒事查電報爲交通全國機關關係於商民者事小關係於國家者事大故各國電報之權皆爲國家所獨有中國電報開辦初基原歸商辦而光緒初年商股微薄仍賴各省官力出資補助亦非完全商業性質歷屆獲利約計五六百萬果使全國交通藉以推行無阻則富商即以富國商家多得贏餘即國家增長勢力亦何必另議更張迺揆覽圖籍現在商綫所至之處皆屬市鎮都會之區而邊遠省分如雲貴廣西甘肅新疆最關緊要無利可圖之處則均推歸官辦雖商力實有未逮而顧一己之私利忘國家之遠圖按之

皇太后

朝廷設立郵傳部之初心實有未合思維再四窒礙滋多揆諸東西各國之通例衡以中國現在之情形自非改爲官辦設法改良無以定區畫之方即末由收擴充之效請爲我

皇上縷晰陳之查東西各國綫路縱橫如脈如織邊隅內地策應靈通故伏莽滋生旋即撲滅中國電報勿論要荒即腹地稍僻者亦多未設立一旦有事道途修阻文報方多賊已遠颺實於軍務機關大有阻礙況當此百度維新之際外交內政關係匪輕稍滯交通輒滋流弊近來科布多川藏蒙古閩浙江西蘇松各屬紛紛奏咨請設電綫本年四月欽奉

諭旨飭部迅速設立貴陽至興義電綫又准陸軍部咨稱秋間江鄂各軍在安徽會操請設安慶至太湖電綫又准外務部咨

催建設川藏通印電綫以爲收贖英人江孜綫路張本又准湖廣總督咨稱湖北官電各局賠累不堪請改歸本部籌辦紛來咨至均爲不可稍緩之圖核計各省請設各綫不下萬有餘里約計工程當在一百餘萬以上且此萬餘里中設局不下百數十處半皆荒村僻壤報務不多常年經費若局員報生巡丁薪水工食以及修理等費更屬不貲此項電報增一綫即賠一綫之本修一里即虧一里之費前此添設雲貴一二邊省各股商尙慮喫虧今此統籌荒瘠之區更難著手若利則歸己損則歸公恐亦無此情理此展綫之宜歸官辦者一也又查各省綫路應修未修者居其多數半皆腐敗不堪而以陝豫閩三省爲尤甚遇有風雨動輒不通假有軍務倉卒不堪設想近來外務部陸軍部要電往往延擱職此之

由亟應大加修理以臻完善現在派員調查各綫路情形通盤籌畫有應移近鐵路者有關係交涉亟須先占者有文報日多應行添綫者百廢具舉工程浩繁業已飭員密行勘估其大修移設之費約在五六十萬以上此項巨費即盡括商股餘利息項亦難支抵此大修之宜歸官辦者一也又查中國報費昂貴甲於全球考東西各國報價在本國境內排發者每二十字或十五字約合銀四五錢不等其同一省內者幾與快信之費略同故人視爲利便中國報價凡遠省一二字之費幾與各國二十字相等且譯報有費密碼有費加校對有費加點句有費又於四等商電則延擱錯誤致商人多用加倍之費改發三等似此層層重剝節節爲難實於電政發生阻力近據甯夏副都統志銳奏請核減報費以利

交通又據臣部派赴葡京會員周萬鵬電稱葡京公會亦以中國報費太昂爲詞自當酌量核減以期發達而廣招徠去年經臣部批令電政局籌擬核減嗣因商本微薄動多牽掣故略爲慎重稍緩實行之期近復派員調查統籌全局一時雖難驟減多數必當分別酌減以饜人心嗣後報費遞增即報價遞減但期桿綫羅布中國開交通絕大之機關而志不在謀利必使價目與各國略同即爲入萬國電政會之預備斷不能沾沾目前不顧後日之進步也惟是核計電報歲入約銀圓三百萬圓若酌減一二成即在五六十萬以上如遞減至四五成或減至與東西洋相等則爲數尤多此事一行則商股年息恐不可保餘利更不待言此減費之宜歸官辦者一也以上三事實爲電政今日最要之圖即爲商股今日

最損之策若蹈常習故不加整頓固有所不能若一意孤行不顧商本又有所不忍與其苟且因循日積月累致官商之兩病曷若揆情度理平價收贖期上下之交益臣部實見夫今日電報有必需擴充之勢即有不免折閱之時在商人祇謀贏餘在

國家必求利便事實不同斷難強合所謂離之則兩美合之則兩傷也臣部議收電股實於國勢商情統籌兼顧無所用其苛刻更何計乎便宜況此後電政日益推廣今日報費之所入即爲明日桿綫之所出肇端之始需用實繁此十數年間斷無厚息嗣後電局歷年報告商家取閱必知臣部立意之無他近年日本商辦鐵路亦經改歸官辦彼國臣庶均無異詞則今日收贖電報想該商等必能深明大義願表同情也

等伏查光緒二十八年曾經欽奉

諭旨改爲官辦核實估計籌款撥還商股等因欽此此次收贖電報等公司商酌博采輿論訪之公正各股商亦以歸官收贖爲宜擬拾遵前次

諭旨由部備價收贖持平辦理按照市面票價酌中給值於每股股本外特予加價以示

國家恤商之意其有逾限未交者隨時准其呈報領款惟不得占此優待以後利息微薄不得復有後言以示限制俟商議妥定後即將收贖情形另行奏明辦理一面籌畫次第辦法以仰副

朝廷振興電政之至意至此次收贖之款擬由臣部籌措欸項支抵另行設法歸還以清款目合併聲明所有擴充電政商力

皇太后

不支擬歸官辦而恤商艱緣由謹恭摺具陳伏乞

皇上聖鑒訓示謹

奏

光緒三十四年五月十九日奉

旨知道了欽此

核銷陝甘兩省官電修理綫路用過銀兩摺

奏爲核覆陝甘兩省官電修理綫路用過銀兩恭摺仰祈

聖鑒事內閣鈔出陝甘總督升允奏銷陝甘兩省修理電綫動用

各款一摺光緒三十四年五月十七日奉

硃批該部知道欽此並據該督將清冊咨送核銷前來臣部查陝

甘官電此次修綫係由西安以西經平涼固原蘭州涼州甘

州至肅州爲止動用銀兩據冊開由常年經費內共支湘平

銀一萬五千九百四十七兩三錢二分九釐一毫四絲四忽

內除工程員役薪工等項共支湘平銀二千四百三十三兩

八錢二釐五毫應歸度支部核銷外其購辦外洋材料湘平

銀二千四百七十四兩六錢六分一釐八毫九絲四忽購辦

中國物料湘平銀九十一兩一錢二分四釐七毫採辦桿木

皇太后

湘平銀六千二百三十一兩一錢水陸運費湘平銀四千七百十六兩六錢四分五絲臣等督飭司員逐款鈎稽比較成案尙無浮冒應請准其照銷所有核覆陝甘修理電綫用款准銷緣由謹恭摺具陳伏乞

皇上聖鑒謹

奏

光緒三十四年七月初三日奉

旨知道了欽此

外務部等會奏議覆西藏通商章程及籌撥的款各事宜摺
奏爲遵

旨議覆西藏通商章程及籌撥的款等事宜恭摺仰祈

聖鑒事光緒三十四年六月初六日駐藏辦事大臣趙爾豐具奏

密陳西藏通商章程有失主權請

飭酌議修改並懇籌撥的款仍

飭原議大臣留藏等因一摺奉

硃批該部議奏欽此由軍機處抄交前來查原奏所請修改西藏

通商章程無非爲尊重主權慎防流弊起見惟此項章程係

本於中英續訂藏印條約第一款及附約第三款而訂立者

自上年四月以來外務部與全權大臣張蔭棠函電往返商

酌并與英人竭力磋磨經年之久始克蒞事其中斷斷堅持

之處意即在於挽回主權得尺得寸所有磋商成案該大臣未及深知故陳義雖高而於事局不無隔膜敢爲我

皇太后

皇上一一陳之原奏稱原約第三條各商埠治理權應歸中國官督飭藏官管理一節於我國完全主權留有缺憾應全行刪去又第三條中應請拉薩西藏大員及印度政府核辦一語與并行知照中國駐藏大臣一語及拉薩西藏大員與印度政府不能斷定一語隱失國權莫此爲甚應將拉薩大員名稱概改爲中國駐藏大臣字樣而將印度政府照會之意並行知照中國駐藏大臣一語全行刪去各等語查該章程開議之初英政府抱定直接主義第三款第一節英專使原稿作商埠治理權應照向來歸地方官掌握但英國商務委員

得自由與地方官或人民直接交通並於議次聲明地方官
係專指藏官而言經張蔭棠迭與駁辯屢瀕決裂始允改添
督飭藏官四字而將直接交通等語刪去其第二節原稿作
稟請拉薩西藏大員及印度政府酌奪辦理經張蔭棠復改
爲應各稟請駐藏大臣及印度總督酌奪辦理如有重大交
涉事件按照北京條約第一款應由中英政府商辦彼此各
執一義兩不相讓而英使因此並將第一節亦欲翻議仍添
入直接交通字樣語意堅執幾至無可商權萬不得已乃酌
用現在之稿定議蓋以藏大吏與印政府平列較之英員與
藏人直接交涉尙爲兩害從輕第一節加入督飭藏官一語
第二節加入知照駐藏大臣一語正以存我主權勉圖補救
也原奏稱約首所載西藏大吏選派噶布倫汪曲結布爲掌

權之員稟呈張大臣訓示隨同商議一語不特爲對外失權之媒且啓藩屬嘗試之漸尤宜概行刪去等語查藏員畫押一節外務部曾向英使商阻終以印藏附約第三款有西藏派掌權員會議之語彼堅欲實行僅能改爲隨同畫押當時英專使所送約首原稿竟將

大清國

特派大臣西藏大員特派全權代表員大英國特派大臣彼此將所奉全權文憑互相較閱云云三平叙列經張蔭棠另擬底稿改平列爲側叙電由外務部與英使商允改定是該章首段稟承訓示隨同商議等字樣係於遵約實行之中隱寓尊崇國體縶繫藩屬之作用也原奏稱第四條英印人民在各商埠與中藏人民有所爭論應由最近商埠之英國商務委

員與該商埠裁判局之中藏官員會同查訊一節商埠治理既歸中國官主持則中藏官員不能並列應將藏官字樣刪去等語查此條英專使原稿作應由最近商埠之英國商務委員與西藏官員會同審訊經張蔭棠議爲商埠內裁判局彼堅不允再四磋商始定用該商埠裁判局之中藏官員字樣亦猶第三款補救之意也原奏稱第六條英軍撤退後所建旅舍等房屋由中國贖回仍租與印度政府一節房舍贖回仍租與他人已覺情理不安既不聲明須立租借專約又不明訂年限與隨時退租之辦法流弊所滋仍與租界無異應改爲如有印商願租者准其自赴埠官申明另立合同以公平價值租與印度政府無庸干預等語查贖回旅舍係爲限制英人於沿途再建房屋起見經張蔭棠與英專使磋商

至於數月彼始允定贖回及租借辦法其所叙不過預約之辭猶言英允我贖我允印租非即已贖已租也將來議租時仍由外務部與英使另立租借專條其訂明年限及預防流弊自爲題中應有之義至所請改爲租與印商一節情勢實有未合蓋房舍地非租界亦非商埠不便招商承租也原奏稱第八條英國官商僱用中藏人民作合法事業不得稍加限制一節此乃關於一切傭僱事項非僅指郵遞夫役而言乃將此數語列入該條之末未免界限不明應另立專條以清眉目至不得稍加限制一語亦應刪去蓋既稱合法即其限制等語查第八款分爲二節第二節確係專指一切傭僱而言與上節傳遞郵件夫役界限至明無虞相混至作合法事業下不得稍加限制一語所以未議刪者因其語本中外

約章舊文且正取其反面含有偷僱作不合法事業即可加以限制不得僱用之意也原奏稱第九條凡往各商埠之英國官民以及貨物等應確由印度邊界之通商大路前往不准擅往商埠以外各地一節按藏中風氣錮蔽固識大局而西人往往有冒險之徒好深入野蠻境地一有疏失交涉因之而起本條不明定限制殊非斬斷葛藤之道應增添如有違約前往者偷人財或有損失地方官及巡警局不認追捕及賠償之責等語查印藏附約第九款第三節無論何外國人皆不許派員或派代理人進入藏境與此節應確由通商大路不准擅往埠外各地並下文不得由亞東江孜無論由何道繞入藏屬內地以往噶大克亦不得由噶大克無論由何道繞入內地以往江孜亞東等節限制之道似不能更明

於是如有冒險之徒違章擅入則其曲在彼縱有疏失我責甚輕若如原奏所云應增數語訂之約章一則顯示人以弱二則西人狡賴我既不認追捕彼將以兵入藏追捕或行止皆以兵自衛如是則秘密三藏無往而非外人軍容馬迹欲斬斷葛藤而葛藤且因是而起矣且外人在域內損失人財我方當力任保護追捕今願向人不認是自棄其主權也原奏稱第十二條英國人民可任便以貨物或銀錢交易任便得貨物售與無論何人及不得格外限制刁難等節貨物所包甚廣大而軍械彈藥小而嗎啡之類苟爲商賣之品皆可以貨物名之本條漫無限制應於不得限制刁難句上增加苟非禁止進出口貨物一語庶凡我國法律條約所禁制之物亦不得在西藏私相交易等語查十九年所訂通商章程

第三款原有各項軍火器械暨鹽酒各項迷醉藥或禁止出進或特定專章兩國各隨其便一條此次章程既將十九年所訂章程與此章無違背者仍應照行列爲第一款倘有英印商人擅將違禁貨物運入西藏即可援照十九年章程辦理原奏擬增之語自無庸贅入本款原奏稱第十二條又有英國商務委員與西藏官民或通函件或面會往來中國官並不禁阻一節藏地既許通商則西藏人民與英印商民互相交際往來亦人情之常如屬善意行爲不妨公益自無禁止之理今必訂之約章轉覺費解應全行刪去至於西藏官員應仿十六年藏印條約第二款英人對哲孟雄之辦法除中國准行之事外概不得與何國交涉往來等語查此節英專使原稿列在第三款作英國商務委員得自由與地方官

或人民直接交通或用函件或面會等語當經張蔭棠以直接交通字樣大礙主權且第三款係關於政治一類不容列入此語經極力礮議始得將直接交通字樣刪去並不載於第三款中其曲折情形已於上文陳明惟此節語意彼仍不允全刪乃通融改訂而列於本款第四節後蓋第十二款係關於商務連類而及所謂往來與不禁阻係專屬商務事件尙無大損至待西藏官之道揆時度勢固不能悉行仿照英人對哲孟雄之辦法然此次新章及十九年條約均與十六年條約第二款所叙者未悖也總之西藏自英人用兵拉薩與番衆逕行訂約以後局勢遂已大變三十二年我國與英人另立新約意在亡羊補牢而既有拉薩之約在前其對待爲難之情形迥非往年可比此次所議西藏通商章程臣等

詳加覆核其中英人原擬妨我主權之語均經磋商刪除就現在定稿而論處處委曲維持於所以保存主權者實已不遺餘力如將來駐藏大臣能掃除積習切實經營未始不可收照約應得之權利該章程現經畫押該大臣所請酌議修改之處應請無庸置議至原奏稱請留張蔭棠經理一切等語查前於六月初七日奉電

旨趙爾豐著迅即起程赴藏欽此旋於十七日該大臣電請代奏有遵

旨先行進藏之語是該大臣現在已擬進藏張蔭棠業經回京奉旨補授外務部右參議署理右丞是否無庸令其赴藏之處伏候聖裁又原奏稱開辦經費非有二百萬不可

飭下度支部如數籌撥等語度支部查光緒三十三年二月駐藏

辦事大臣聯豫奏陳藏中情形及擬辦事宜請撥銀數十萬兩經臣部會議於四川廣東鹽務項下撥銀二十萬兩本年二月初七日欽奉

諭旨以藏中應辦各事責成趙爾豐等次第施行應需款項由臣部按年籌撥的款銀五六十萬兩當經臣部奏明就四川應解洋款截留濟用計自本年起令該省於應解俄法款內截留銀二十萬兩英德款內截留銀三十萬兩共五十萬兩儘數撥解西藏俾得及時妥爲規畫倘有不敷之款即由四川總督遵

旨隨時接濟等因先後奏奉

俞允至該大臣經營巴塘裏塘由臣部就各關常洋稅款共撥銀一百萬兩作爲開辦經費尙不在內今該大臣尙未抵藏亦

未調查開辦經費實需若干其於臣部原撥四川廣東鹽務
項下銀二十萬兩及由四川省截留洋款五十萬兩作何支
用原摺並未叙及當係未接奉部覆故有此奏仍令遵照前
次

諭旨會同聯豫察度情形將藏中應辦各事詳擬章程次第奏請
施行所請由部籌撥的款一節臣部既已遵奉

諭旨按年撥給銀五十萬兩此次應毋庸議其從前經營巴裏兩
塘部撥銀兩動支存儲各數目並令隨時報部以備考核又
原奏稱開埠伊始關係極重如接修川藏電綫可爲收回印
藏電綫之預備開辦各埠郵政可爲收回英國郵政之豫備
等語郵傳部查藏地添設郵電係爲挽回主權起見自應趕
辦以利交通所有川藏綫路經已派員勘估候勘定後即行

開辦其郵政一節或附設電局或另立專司應會商稅務大臣妥籌辦理所需經費應由開辦經費內一并統籌以歸劃一所有議覆西藏通商章程及籌撥的款等事宜緣由理合恭摺具陳伏乞

皇太后

皇上聖鑒再此摺係外務部主稿會同度支部農工商部郵傳部理藩部辦理謹

奏

光緒三十四年七月二十六日奉

旨依議欽此

電股收贖完竣擬請實力整頓摺

奏爲電股收贖完竣擬請實力整頓以利交通恭摺仰祈
聖鑒事本年五月十九日 臣部具奏收贖商電改歸官辦以恤商
艱而維電政一摺聲明俟收贖完竣再將情形奏明辦理欽
奉

諭旨俞允欽遵在案 臣等當即博采輿論考求市值酌核收贖之
價每百元電股給予一百七十元旋經廣州香港衆商公電
稟請加價十元 臣等仰體

國家恤商之意允照該商等所請加給十元作爲優待費計共
二十二萬元自 臣部頒布收贖章程後該商等繳股領價踴
躍爭先旬月之間據各電局分報共收回商股二萬一千四
百餘股則商情之允洽與部價之持平概可想見復據電政

局彙總呈報商股原係二萬二千股此次收回二萬一千四百餘股其未到之五百餘股委係散布外埠及內地僻處遞寄維艱以歷屆發息爲比例每有千數百股一二年始領者此次未交各股擬請寬予期限照章給價提存現款以便陸續到領仍給優待費以示體恤等語^四等查核尙屬實情自應照准辦理另提的款存儲備給此後即全歸國有與商無涉此收贖電股現辦之情形也惟是收贖之後報費如何核減綫路如何展修官報如何歸併以謀畫一電郵如何合辦以擴交通電品如何製造以塞漏卮水綫無綫電以及各種電汽事業如何發明以宏教育均須併力經營徐圖發達以仰副

朝廷振興電政之至意第核減報價則利少諸事並舉則費增費

增利少籌畫維艱容俟擬有辦法另行奏明辦理至此次收贖之款三百九十六萬元臣部暫由路款借撥仍須另行設法歸還以清款目合併聲明所有陳明電股收贖完竣及預籌辦法各緣由謹恭摺具陳伏乞


皇太后

皇上聖鑒訓示謹

奏

光緒三十四年八月十三日奉

旨知道了欽此



議覆盛大臣電陳收贖電股辦法與現辦情形不同應毋庸
議片

再光緒三十四年七月初一日軍機處抄交商約大臣盛宣
懷電奏一件奉

旨郵傳部知道欽此初二日又准抄交盛宣懷電奏一件奉

旨郵傳部議奏欽此欽遵到部原奏內稱收贖電報各節大要不
外格遵官價另酬提賞實行官辦三端惟揆諸今日現辦情
形據各局呈報此項電股已收回二萬一千四百餘股其未
交之數百股委係散布四處稟請另款存儲備給則電股已
歸爲國有與該大臣所呈各節既前後之不同復情形之各
異應請毋庸置議所有遵議緣由謹附片具陳伏乞

聖鑒訓示謹

奏

光緒三十四年八月十三日奉

旨知道了欽此

核銷陝甘官電局常年用款摺

奏爲核銷陝甘官電局常年收支各款恭摺仰祈

聖鑒事內閣鈔出陝甘總督升允奏銷陝甘兩省電報及學堂常年收支各款一摺光緒三十四年五月十七日奉

硃批該部知道欽此欽遵並由該督將清冊送部核銷前來等

伏查陝甘官電自西安起至肅州止共設局房六處計程二千八百三十里又北路支綫自固原起至甯夏止共設局房三處計程六百七十餘里茲據冊開自光緒三十年正月日起至三十三年十二月止開支局用湘平銀七萬六千七百五十一兩八錢九分學堂湘平銀五千一百九兩四分內除員司局役薪膳工食等款照章劃歸度支部核銷外其歲修桿木銀四百五十兩零四錢二分房租銀五百八十八兩等

皇太后

皇上聖鑒謹

奏

督飭司員詳加稽核比較成案尙無浮冒應請准其照銷所有核覆陝甘官電常年用款准銷緣由謹恭摺具陳伏乞

光緒三十四年八月二十三日奉

旨知道了欽此

籌擬核減電價提補經費摺

奏爲核減電價提補經費以利交通而資挹注恭摺具陳仰祈
聖鑒事竊維電政爲交通之樞機所有傳遞軍國大政關係緊要
即於商民事業亦皆息息相關故各國於報價一項收項最
微所以謀全國之發達收間接之利益法至善也曩者電報
商辦只視爲營業性質動以虧折爲詞不肯減私利而謀公
益現經郵部全行收贖改歸國有自當顧全大局不必斤斤
目前其最要者前奏所陳減價增費展綫修綫數事即應次
第舉行查中國電價昂貴甲於全球爲萬國電會所竊議而
商民每因價昂借費致阻商業進步亟應酌量核減以利交
通臣等悉心商酌擬先行核減二成按照現行電價總數八
折爲十減二之比例所有華洋各商報及加急密碼譯費等

凡在中國境內往來者一律照減其攤分報費特別半價不在此內惟電局通布二十餘省邊徼程途數月始達恐一時報告商民未及週知轉滋浮收情弊現擬減價日期自光緒三十五年正月初一日實行且各處綫路半多朽壞以致延誤積壓諸弊滋生當即遴派工程委員分途查看切實勘估將各省現有之綫陸續修理完善而未設之行軍要地商埠分區亦須統籌兼顧與各疆臣商議力圖逐漸擴充惟核計上屆電款收數銀元三百二十餘萬元今減二成爲數約少收五六十萬元以從前商股餘利抵之所短尙鉅加以添綫修綫各費更屬不資此項經費除大宗欸項另行奏明籌借協撥外其餘按屆截算不敷之數擬暫由京漢京奉京張等路餘利內分撥挹注大約四五年後報費必定增漲毋庸慮

及久虧恭候

命下臣部欽遵辦理嗣後酌量情形收歛稍有贏餘仍擬陸續議減期與東西各國報費不甚懸殊以仰副

朝廷振興電政之至意所有擬籌核減報費暨提補經費各緣由謹恭摺具陳伏乞

皇太后

皇上聖鑒訓示謹

奏

光緒三十四年九月初四日具奏本日軍機大臣面奉

諭旨郵傳部奏核減電價提補經費以利交通一摺電務前歸商辦餘利其鉅現歸部辦亦須妥爲籌畫遂漸推廣未可鋪張太過致多虧累且鐵路餘利應備擴充路綫之需界限必須分明

郵傳部奏議類編

電政

籌擬核減電價提補經費

卅四

參議廳編纂科

此 尤未可與電政牽混挪移多生窒礙著該部另行妥擬具奏欽

擬改電報按屆截賬期限及開單核銷片

再查歷屆電報截賬之期均以第二年二月爲限此次臣部既經贖回商電歸爲官辦擬自第二十七屆始改爲每年十二月底截止年清年款仍接連前屆核計以昭劃一其每屆核銷辦法擬於年終由臣部核總開具簡明清單奏銷免其造冊以歸簡易恭候

命下臣部欽遵辦理所有擬改電報按屆截賬期限及開單核銷緣由謹附片具陳伏乞

聖鑒謹

奏

光緒三十四年九月初四日奉

旨知道了欽此


郵傳部奏議類編

電政

擬改電報按屆截賬期限及開單

卅五

參議院編纂科



遵 旨妥議擴充電政辦法摺

奏爲擴充電政遵

旨妥議辦法恭摺仰祈

聖鑒事本年九月初四日臣部具奏核減報價提補經費以利交通一摺軍機大臣面奉

諭旨電務前歸商辦餘利甚鉅既歸部辦亦須妥爲籌畫逐漸推廣未可鋪張太過致多虧累且鐵路餘利應備擴充鐵路之需界限必須分明尤未可與電政牽混挪移多生窒礙著該部另行妥議具奏欽此欽遵抄交到部伏維電政爲交通之樞機必圖擴充方期發達惟值財政困難之際當爲量入爲出之謀查電報報自光緒八年核計歷屆帳畧自八年至二十八年餘利尙少二十九年以後餘利較多去年擇要添修餘利即

較前四屆稍減臣部以商股攸關每虞虧折今既改歸國有自應將減費展綫修綫諸事次第整頓以規遠大而減價爲中外衆目所覩非實行籌辦尤不足以贖人望而廣招徠擬自光緒三十五年正月初一日酌減電費二成以昔日之會要爲將來之預算計近年餘利約四十萬元左右以所收商報約三百萬元之額核減二成計之即少收約六十萬元不敷在二十萬元以上至從前商本二百二十萬元之官利備抵現在官本三百九十六萬元之官利亦稍有不敷之數雖減費之後報費必增可供挹注而一時添綫修綫並擴充電話在在需款所增之數必須抵撥逐漸推廣工程之用預算短額自不能不設法另籌擬暫由臣部各路餘利項下自本年二十七屆爲始每年分撥二十萬元以三年爲限自第四

年起每年勻還二十萬元至第六年止一律還清仍隨時察看情形如果獲利驟旺仍須提前先還以清界限一轉移間路款均歸有著電政亦可漸興不煩續借他款之勞實收財政統籌之益此後遇有大宗工程另行奏明辦理恭候命下臣部欽遵施行所有擴充電政遵旨妥議緣由謹恭摺具陳伏乞


皇太后

皇上聖鑒訓示謹

奏

光緒三十四年九月二十四日奉

旨依議欽此



理藩部會奏覈覆採辦庫倫電桿木植工竣再行核獎摺

奏爲恭摺會陳仰祈

聖鑒事內閣鈔出庫倫辦事大臣延祉等奏採辦庫倫電桿木植
請照成案核予獎勵等因一片於光緒三十四年八月十六
日奉

硃批該部知道欽此欽遵鈔出到部查原奏內稱准郵傳部電咨張
怡一帶電桿仍須在庫倫採辦三千根查照成案辦理自應
趕札各旗照辦免誤要工惟查成案其木植無論採自何山
按照所伐數目核明市價作爲該旗報効造冊送院核予獎
勵等因經總理衙門轉咨復經理藩部據咨具

奏於光緒三十四年二月二十七日奉

旨知道了欽此欽遵恭錄咨行在案惟此次郵傳部既經

奏明援照成案辦理

奏准按照山價核給

理藩院前

奏成案辦理各等語

核當經咨行庫倫

亦電催鈔錄前來

案各案咨覆前來

經鈔錄臣等詳核

藏事再由郵傳部

獎敘并請

飭下該大臣於請獎時

核郵傳部查張恪

皇太后

次修理糾纒採用庫倫木植該大臣所陳各節核與前案相符應俟砍伐工竣核實數目咨明理藩部照章辦理所有採伐木植一俟蒞事再行核給獎敘緣由謹恭摺合詞覆陳伏乞

皇上聖鑒訓示再此摺係理藩部主稿會同郵傳部辦理合併聲

明謹

奏

光緒三十四年十一月十五日奉

旨知道了欽此

再行續

通飭各電局焚燬查出悖逆電報片


再逆匪通逃外洋結會聚黨動思煽亂十月以來悖逆電報之事層見迭出臣部當經通飭各電局及各國洋公司嚴密查禁遇有電文語涉悖逆者即行焚燬其密碼電報形迹可疑者跟蹤稽查并添派司員實力辦理在案嗣據香港廣州汕頭廈門福建上海青島烟台等處電局暨大東北公司報稱此項悖逆電報收有多件均已嚴密查出一律焚燬現在民情安堵等語除仍嚴飭認真防範外理合附片具陳伏乞

聖鑒謹

奏

光緒三十四年十二月初五日奉

旨留中



覆陳展設歸太電綫需用經費分別認籌摺

奏爲展設歸太電綫需用經費分別認籌恭摺仰祈

聖鑒事內閣鈔出督辦學務大臣信勤奏遵籌歸太電綫辦法擬先墊撥學款由部接收一摺光緒三十四年十一月初三日奉

旨該部知道欽此欽遵到部原奏內稱口外十二邊廳轄境數千里蒙回民教動起離離而鐵路未通聲息不接於內地非設法籌款速設電綫難資控馭檢閱查辦大臣原奏接收歸太電綫指明由晉庫撥款但山西款項支絀暫難周轉惟有於墾局移交薪工荒價項下先行挪動銀三萬兩爲購料興工之需以便部派員勘估後從速開工仍一面由部飭催晉省陸續籌撥接濟歸墊以符奏案等語等查歸綏爲晉邊

重鎮蒙回雜處交涉殷繁必須消息靈通庶足以資策應前
經山西撫臣寶棻以歸太電綫關係緊要咨商撥款協濟臣
部以電報既已收回自辦即當極力擴充况事關邊防更爲
要著雖查辦大臣指明由晉撥款而部中亦須協籌以期早
日興工當經會商所需經費部省各半分認其晉省所認一
半仍於每年官報費內陸續扣抵業經遴委直隸州知州趙
宗詒前往勘估迅速開辦在案今該大臣奏稱晉庫支絀先
由墾局薪工荒價項下挪動銀三萬兩爲購料興工之需仍
由部飭催晉省接濟歸墊等語此係爲移緩就急起見惟部
省分認之案既已核准在前自應仍照原議辦理所有此段
綫路晉省分認之一半擬由荒價挪動之三萬兩內先行支
用仍一面由晉撫籌畫歸墊其餘一半應由部籌撥俟工

竣通報以後晉省所認一半經費准於官報費內陸續扣抵
如此辦理在邊綫既可早日接通而晉庫亦得藉資周轉所
有覆陳展設歸太電綫分認經費緣由謹恭摺具陳伏乞

皇上聖鑒謹

奏

光緒三十四年十二月初五日奉

旨知道了欽此

郵傳部奏請類編

電政

覆陳展設歸太電綫分認經費

四十一

覈覆新疆電報收支各款摺

奏爲覈覆新疆電報收支各款銀兩恭摺仰祈

聖鑒事光緒三十四年八月十一日內閣抄出新疆巡撫聯魁具
奏光緒二十九年分善後收支各款繕單飭部核銷一摺奉
硃批該部知道單併發欽此旋據該撫將電報收支清冊咨送到部

臣部查新疆電報各局房十有五處學堂一處其常年經費
除以所收報費抵支外不敷之款由善後項下提撥茲據奏
報光緒二十九年分善後案內電報收支款目計冊開新收
報費洋二萬九千一百六十九元七角九分五釐每元以七
錢折合湘平銀共二萬四百十八兩八錢五分六釐五毫開
支各項經費雜支等款共湘平銀四萬九千十六兩一錢五
分內除局房學堂薪工川資等銀三萬七千二百二十六兩

郵傳部奏議類編

電政

覈覆新疆電報收支各款

四十三

奏議類編

九錢照章應歸度支部核銷外其修理局屋電桿工料并製造轉運各材料暨置備什物隨還洋報共湘平銀一萬一千七百八十九兩二錢五分四厘等督飭司員逐款鉤稽尙無浮冒應請准其照銷惟此項准銷銀兩以散合總計總數多列銀一百兩應令照數刪除以上開支各款除所收報費銀二萬四百十八兩八錢五分六釐五毫抵支外其不敷銀兩據稱由善後款內動支應由度支部核辦以清款目所有核覆新疆電報收支款目錄由謹恭摺具陳伏乞

皇上聖鑒謹

奏

光緒三十四年十二月十五日奉

旨知道了欽此

核銷兩廣官電局收支各款摺

奏爲核銷兩廣官電各局收支報費暨各項用款恭摺仰祈

聖鑒事光緒三十四年四月十二日兩廣總督張人駿奏兩廣電局所收報費造冊報銷一片奉

硃批該部知道欽此由內閣鈔出到部旋准該督將清冊咨送核銷

前來臣部查冊開收支八成報費項下共支銀一萬六千五百九十五兩四錢五分五釐八毫五絲三忽二微六纖五秒內除川資工食監造運脚滙費等款共銀五千六百八十二兩四錢九分八釐九毫四絲八忽四微二纖五秒應歸度支部陸軍部分別核銷外臣部應銷購買料物裝箱修換電桿等項共銀一萬零九百十二兩九錢五分六釐九毫零四忽八微四纖核與歷屆成案相符應請准其照銷又另冊造報

支過各局房經費及展設電綫工料等項共銀五萬五千七百八十四兩八錢八分六釐六毫九絲五忽六微內除員司報生洋匠薪工紙筆暨洋綫等費銀五萬一千二百十八兩零八分四釐零五絲五忽六微應歸度支部陸軍部分別核銷外計臣部應銷物料桿木房租裝箱等銀四千五百六十六兩八錢零二釐六毫四絲按册核算查與歷屆成案尙屬相符應請一併照銷所有核覆兩廣官電局收支報費等項用款緣由謹恭摺具陳伏乞

奏

皇上聖鑒再此摺因往返駁查是以稍稽時日合併聲明謹

光緒三十四年十二月二十五日奉

旨知道了欽此

裁撤電局花紅片


再查商辦電報每屆結算向皆提出溢利一成以爲督會辦大臣及參贊總分各局員司學生等花紅之用現既收歸官辦情形與前不同擬自光緒三十四年二十七屆起所有花紅一成毋庸議提應行一律停給惟總分電局員司學生等如果勤奮出力每屆年終即由部分別殿最酌給獎賞以示鼓勵所有裁撤電局花紅緣由謹附片具陳伏乞

聖鑒謹

奏

光緒三十四年十二月二十五日奉

旨知道了欽此



郵

政

郵傳部奏議類編目錄


郵政 起光緒三十四年二月訖三十四年十二月

議覆御史沈潛奏疏濟運河辦法摺 凡見船政

外務部等會奏議覆西藏通商章程及籌撥的款各事宜摺

凡見電政

遵飭各省查禁悖逆函件摺



議覆御史沈潛奏疏濬運河辦法摺

奏爲遵議疏濬運河事宜擬請分別辦理恭摺仰祈

聖鑒事光緒三十三年七月十一日准軍機處片交御史沈潛奏

開辦郵政宜疏濬運河添駛小輪一片奉

旨郵傳部議奏欽此遵卽分咨查勘去後茲准署直隸督臣楊士

驥覆稱北運河自糧漕改運河身淤高若裁灣取直不獨工

大費鉅未易籌辦且恐截溜引水漫溢爲害仍於行駛小輪

無益南運河因上游河南懷慶衛輝等府借水灌田來源減

少河身淤高若欲一律開通行駛小輪無論鉅款難籌仍恐

水勢太弱難資浮送署山東撫臣吳廷斌覆稱黃河以北之

北運河前經升任撫臣楊士驥奏修由東昌至臨清九十餘

里此外幾如平陸未易規復黃河以南至江南交界之南運

河共長五百餘里全恃汶泗兩河爲一綫來源水過沙停不免淤淺現擬修濬八閘酌挑淺灘當再奏明辦理惟小輪吃水既深日行數百里閘壩啓閉諸多窒礙恐難行駛兩江督臣端方覆稱下河淮揚三廳所管境內地窪水深雖有數處淺阻量予疏濬小輪往來可期便利俟估計明確再行奏辦至運河廳所管三汎河身高仰淺灘林立現擬仿照濟漕章程堵閉七閘酌加挑濬雖小輪仍難行駛於商船不無裨益與山東修濬八閘酌挑淺灘辦法相同業經彼此派員會勘各等語先後咨電前來查疏濬運河開通航路不獨郵遞便捷並可振興商業惟運河通貫數省情形不一迭據各省查覆惟江南之裏下河淮揚三廳地窪水深雖有淺灘數處酌加疏濬行駛小輪可期便利應由該督臣速飭勘估辦理山

東南運河所擬修濟八閘江南運河廳三汛所擬堵閉七閘各加挑浚雖未能行駛小輪究於商船有益現在山東撫臣業將修濟八閘需銀十二萬五千餘兩並查明舊十字河冲貫運河不加修治運河仍受其害應即一併挑浚需銀九萬兩均已奏明分別辦理俟工竣再行覈實造報其江南運河廳三汛所擬堵閉七閘亦應由該省督臣迅派委員早日興工仍將勘明辦法詳悉奏報至直隸南北運河均見淤高山東北運河除東昌至臨清前已奏修外其餘幾如平陸據稱同時並舉籌款爲難自屬實情但聽其堙廢殊於交通有礙擬請仍由各該省督撫隨時體察情形擇要興辦如此分別辦理庶鉅款不至難籌小輪商船可冀逐漸暢行實於郵政商務均有裨益恭候

命下 部遵即分咨辦理所有議覆疏濬運河事宜緣由謹恭摺
具陳伏乞

皇太后

皇上聖鑒訓示再此摺因往返咨查是以覆奏稍遲合併聲明謹
奏

光緒三十四年二月初七日奉

旨依議欽此

外務部等會奏議覆西藏通商章程及籌撥的款各事宜摺
奏爲遵

旨議覆西藏通商章程及籌撥的款等事宜恭摺仰祈

聖鑒事光緒三十四年六月初六日駐藏辦事大臣趙爾豐具奏

密陳西藏通商章程有失主權請

飭酌議修改並懇籌撥的款仍

飭原議大臣留藏等因一摺奉

硃批該部議奏欽此由軍機處抄交前來查原奏所請修改西藏
通商章程無非爲尊重主權慎防流弊起見惟此項章程係
本於中英續訂藏印條約第一款及附約第三款而訂立者
自上年四月以來外務部與全權大臣張蔭棠函電往返商
酌并與英人竭力磋磨經年之久始克蒞事其中斷斷堅持

之處意即在於挽回主權得尺得寸所有礎議成案該大臣未及深知故陳義雖高而於事局不無隔膜敬爲我

皇太后

皇上一一陳之原奏稱原約第三條各商埠治理權應歸中國官督飭藏官管理一節於我國完全主權留有缺憾應全行刪去又第三條中應請拉薩西藏大員及印度政府核辦一語與并行知照中國駐藏大臣一語及拉薩西藏大員與印度政府不能斷定一語隱失國權莫此爲甚應將拉薩大員名稱概改爲中國駐藏大臣字樣而將印度政府照會之意並行知照中國駐藏大臣一語全行刪去各等語查該章程開議之初英政府抱定直接主義第三款第一節英專使原稿作商埠治理權應照向來歸地方官掌握但英國商務委員

得自由與地方官或人民直接交通並於議次聲明地方官係專指藏官而言經張蔭棠迭與駁辯屢瀕決裂始允改添督飭藏官四字而將直接交通等語刪去其第二節原稿作稟請拉薩西藏大員及印度政府酌奪辦理經張蔭棠復改爲應各稟請駐藏大臣及印度總督酌奪辦理如有重大交涉事件按照北京條約第一款應由中英政府商辦彼此各執一義兩不相讓而英使因此並將第一節亦欲翻議仍添入直接交通字樣語意堅韌幾至無可商權萬不得已乃酌用現在之稿定議蓋以藏大吏與印政府平列較之英員與藏人直接交涉尙爲兩害從輕第一節加入督飭藏官一語第二節加入知照駐藏大臣一語正以存我主權勉圖補救也原奏稱約首所載西藏大吏選派噶布伦汪曲結布爲掌

權之員稟呈張大臣訓示隨同商議一語不特爲對外失權之媒且啓藩屬嘗試之漸尤宜概行刪去等語查藏員畫押一節外務部曾向英使商阻終以印藏附約第三款有西藏派掌權員會議之語彼堅欲實行僅能改爲隨同畫押當時英專使所送約首原稿竟將

大清國

特派大臣西藏大員特派全權代表員大英國特派大臣彼此將所奉全權文憑互相校閱云云三平叙列經張蔭棠另擬底稿改平列爲側叙電由外務部與英使商允改定是該章首段稟承訓示隨同商議等字樣係於遵約實行之中隱寓尊崇國體糜繫藩屬之作用也原奏稱第四條英印人民在各商埠與中藏人民有所爭論應由最近商埠之英國商務委

員與該商埠裁判局之中藏官員會同查訊一節商埠治理既歸中國官主持則中藏官員不能並列應將藏官字樣刪去等語查此條英專使原稿作應由最近商埠之英國商務委員與西藏官員會同審訊經張蔭棠議爲商埠內裁判局彼堅不允再四磋商始定用該商埠裁判局之中藏官員字樣亦猶第三款補救之意也原奏稱第六條英軍撤退後所建旅舍等房屋由中國贖回仍租與印度政府一節房舍贖回仍租與他人已覺情理不安既不聲明須立租借專約又不明訂年限與隨時退租之辦法流弊所滋仍與租界無異應改爲如有印商願租者准其自赴埠官申明另立合同以公平價值租與印度政府無庸干預等語查贖回旅舍係爲限制英人於沿途再建房屋起見經張蔭棠與英專使磋商

至於數月彼始允定贖回及租借辦法其所叙不過預約之辭猶言英允我贖我允印租非即已贖已租也將來議租時仍由外務部與英使另立租借專條其訂明年限及預防流弊自爲題中應有之義至所請改爲租與印商一節情勢實有未合蓋房舍地非租界亦非商埠不便招商承租也原奏稱第八條英國官商僱用中藏人民作合法事業不得稍加限制一節此乃關於一切傭傭事項非僅指郵遞夫役而言乃將此數語列入該條之末未免界限不明應另立專條以清眉目至不得稍加限制一語亦應刪去蓋既稱合法即其限制等語查第八款分爲二節第二節確係專指一切傭傭而言與上節傳遞郵件夫役界限至明無虞相混至作合法事業下不得稍加限制一語所以未議刪者因其語本中外

約章舊文且正取其反面含有倘僱作不合法事業即可加以限制不得僱用之意也原奏稱第九條凡往各商埠之英國官民以及貨物等應確由印度邊界之通商大路前往不准擅往商埠以外各地一節按藏中風氣錮蔽罔識大局而西人往往有冒險之徒好深入野蠻境地一有疏失交涉因之而起本條不明定限制殊非斬斷葛藤之道應增添如有違約前往者倘人財或有損失地方官及巡警局不認追捕及賠償之責等語查印藏附約第九款第三節無論何外國人皆不許派員或派代理人進入藏境與此節應確由通商大路不准擅往埠外各地並下文不得由亞東江孜無論由何道繞入藏屬內地以往噶大克亦不得由噶大克無論由何道繞入內地以往江孜亞東等節限制之道似不能更明

於是如有冒險之徒違章擅入則其曲在彼縱有疏失我責甚輕若如原奏所云應增數語訂之約章一則顯示人以弱二則西人狡賴我既不認追捕彼將以兵入藏追捕或行止皆以兵自衛如是則秘密三藏無往而非外人軍容馬迹欲斬斷葛藤而葛藤且因是而起矣且外人在域內損失人財我方當力任保護追捕今顧向人不認是自棄其主權也原奏稱第十二條英國人民可任便以貨物或銀錢交易任便得貨物售與無論何人及不得格外限制刁難等節貨物所包甚廣大而軍械彈藥小而嗎啡之類苟爲商賣之品皆可以貨物名之本條漫無限制應於不得限制刁難句上增加苟非禁止進出口貨物一語庶凡我國法律條約所禁制之物亦不得在西藏私相交易等語查十九年所訂通商章程

第三款原有各項軍火器械暨鹽酒各項迷醉藥或禁止出進或特定專章兩國各隨其便一條此次章程既將十九年所訂章程與此章無違背者仍應照行列爲第一款倘有英印商人擅將違禁貨物運入西藏即可援照十九年章程辦理原奏擬增之語自無庸贅入本款原奏稱第十二條又有英國商務委員與西藏官民或通函件或面會往來中國官並不禁阻一節藏地既許通商則西藏人民與英印商民互相交際往來亦人情之常如屬善意行爲不妨公益自無禁止之理今必訂之約章轉覺費解應全行刪去至於西藏官員應仿十六年藏印條約第二款英人對哲孟雄之辦法除中國准行之事外概不得與何國交涉往來等語查此節英專使原稿列在第三款作英國商務委員得自由與地方官

或人民直接交通或用函件或面會等語當經張蔭棠以直接交通字樣大礙主權且第三款係關於政治一類不容列入此語經極力磋商始得將直接交通字樣刪去並不載於第三款中其曲折情形已於上文陳明惟此節語意彼仍不允全刪乃通融改訂而列於本款第四節後蓋第十二款係關於商務連類而及所謂往來與不禁阻係專屬商務事件尚無大損至待西藏官之道揆時度勢固不能悉行仿照英人對哲孟雄之辦法然此次新章及十九年條約均與十六年條約第二款所叙者未悖也總之西藏自英人用兵拉薩與番衆逕行訂約以後局勢遂已大變三十二年我國與英人另立新約意在亡羊補牢而既有拉薩之約在前其對待爲難之情形迥非往年可比此次所議西藏通商章程臣等

詳加覆核其中英人原擬妨我主權之語均經磋商刪除就現在定稿而論處處委曲維持於所以保存主權者實已不遺餘力如將來駐藏大臣能掃除積習切實經營未始不可收照約應得之權利該章程現經畫押該大臣所請酌議修改之處應請無庸置議至原奏稱請留張蔭棠經理一切等語查前於六月初七日奉電

旨趙爾豐著迅即起程赴藏欽此旋於十七日該大臣電請代奏有遵

旨先行進藏之語是該大臣現在已擬進藏張蔭棠業經回京奉旨補授外務部右參議署理右丞是否無庸令其赴藏之處伏候聖裁又原奏稱開辦經費非有二百萬不可

飭下度支部如數籌撥等語度支部查光緒三十三年二月駐藏

辦事大臣聯豫奏陳藏中情形及擬辦事宜請撥銀數十萬兩經臣部會議於四川廣東鹽務項下撥銀二十萬兩本年二月初七日欽奉

諭旨以藏中應辦各事責成趙爾豐等次第施行應需款項由臣部按年籌撥的款銀五六十萬兩當經臣部奏明就四川應解洋款截留濟用計自本年起令該省於應解俄法款內截留銀二十萬兩英德款內截留銀三十萬兩共五十萬兩儘數撥解西藏俾得及時妥爲規畫倘有不敷之款即由四川總督遵

旨隨時接濟等因先後奏奉

俞允至該大臣經營巴塘裏塘由臣部就各關常洋稅款共撥銀一百萬兩作爲開辦經費尙不在內今該大臣尙未抵藏亦

未調查開辦經費實需若干其於臣部原撥四川廣東鹽務項下銀二十萬兩及由四川省截留洋款五十萬兩作何支用原摺並未叙及當係未接奉部覆故有此奏仍令遵照前次

諭旨會同聯豫察度情形將藏中應辦各事詳擬章程次第奏請施行所請由部籌撥的款一節臣部既已遵奉

諭旨按年撥給銀五十萬兩此次應毋庸議其從前經營巴裏兩塘部撥銀兩動支存儲各數目並令隨時報部以備考核又原奏稱開埠伊始關係極重如接修川藏電綫可爲收回印藏電綫之預備開辦各埠郵政可爲收回英國郵政之豫備等語郵傳部查藏地添設郵電係爲挽回主權起見自應趕辦以利交通所有川藏綫路經已派員勘估候勘定後即行

開辦其郵政一節或附設電局或另立專司應會商稅務大臣妥籌辦理所需經費應由開辦經費內一并統籌以歸劃一所有議覆西藏通商章程及籌撥的款等事宜緣由理合恭摺具陳伏乞

皇太后

皇上聖鑒再此摺係外務部主稿會同度支部農工商部郵傳部理藩部辦理謹

奏

光緒三十四年七月二十六日奉

旨依議欽此

遵飭各省查禁悖逆函件摺

奏爲遵

旨通行電飭各省查禁悖逆函件恭摺覆陳仰祈

聖鑒事竊本年十一月初九日承准軍機處片交本日欽奉

諭旨近聞有海外逆黨乘國家多難之際妄思煽亂肆意捏造謠

言其誣罔狂悖直有使君臣上下所不忍聞者復敢刊印函單

分致京外各衙署局所學堂淆亂是非多方簧鼓居心尤屬險

惡著郵傳部迅電各處郵政局認真揀查遇有自外寄來漢文

函件字迹封式在五件以上分致上項各處者立即拆閱倘語

涉悖誕即刻一律焚燬其各埠外國郵信局社亦由該處地方

官婉商仿行共保治安並著民政部步軍統領順天府暨各督

撫隨時派員認真查訪嚴禁傳送悖逆各函件勿得稍涉疏虞

致撥大局此旨由郵傳部寄電各省埠一體欽遵欽此欽遵到

部當由臣部恭錄

諭旨咨行稅務大臣電飭各省郵政局遵辦並寄電各省督撫臣陸
轉飭所屬地方官一體欽遵辦理去後茲據各省督撫臣陸
續電復業經欽遵此次

諭旨通飭所屬地方各處商埠隨時派員揀查遇有悖逆函件嚴
禁傳送并稱各屬人心均尙安謐堪以上紓

宸廑所有臣部遵

旨通飭各省查禁悖逆函件緣由理合恭摺覆陳伏乞

皇上聖鑒謹

奏

光緒三十四年十二月初五日奉

旨留欽此

郵傳部奏議類編

郵政

遵飭各省查禁停運函件

十一

去歲編要科

中華民國四年十二月

郵傳部奏議分類續編

葉恭綽署編

188/15

120-4 sep 35. 18

例言

- 一 是編繼續前郵傳部奏議類編而作為參考成案之用名曰前郵傳部奏議分類續編
- 一 編次仍分五類曰總務曰船政曰路政曰電政曰郵政每類中各以年月為先後
- 一 凡關係二類或三類者分門互見
- 一 會奏之件由本部主稿者仍分類隸入
- 一 事關重要應守秘密者僅存其目原摺不印
- 一 續編起於宣統元年正月訖於宣統三年十二月
- 一 現在國體改革原摺帶頭字樣概行接寫以省篇幅
- 一 原有奏調奏留奏補員缺及保獎出力人員各摺及其他毫無關係奏案概行刪除惟洋員寶星不在此例

例言

1904. 001 202R

郵傳部奏議分類續編

總目

第一册

總務

宣統元年正月起宣統三年十二月止

船政

宣統元年正月起宣統三年十二月止

第二册

路政

宣統元年正月起十二月止

第三册

路政

總目

宣統二年正月起十二月止

第四册

路政

宣統三年正月起十二月止

第五册

電政

宣統元年正月起宣統三年十二月止

郵政

宣統元年正月起宣統三年十二月止

諭旨補遺

校勘表

總目終

郵傳部奏議分類編目錄

總務 宣統元年正月起宣統三年十二月止

奏銷三十四年分收支經費摺附單

奏銷三十三三十四兩年鐵路辦公經費摺附單

應辦要政按年籌備摺附單

上海高等實業學堂擬請擴充專科預籌經費摺

大部小廠公所房屋地畝點交禁衛軍接收片

裁撤天津交通銀行總辦片

議覆張光照條陳四政摺

臚陳本部第二屆籌備成績摺

試辦交通研究所整頓圖書通譯局摺

遵查上海交通銀行李厚祐被參各款摺

遵章預陳次年籌備實情摺

擬訂四政專律奏報開辦情形摺

遵設憲政籌備處情形摺

創設交通傳習所開辦情形摺

請派交通傳習所監督並刊刻關防片

派銀行協理片

臚陳第三屆憲政籌備成績摺

編訂第一次交通統計表摺

報銷宣統元年分收支經費款目銀數摺

附單

報銷宣統元年鐵路辦公經費項下收支款目銀數摺

附單

臚陳第四屆憲政籌備成績摺

預陳次年籌備實情摺

交通銀行擬照銀行通例派員查帳摺

進呈第二次交通統計表摺

臚陳第五屆憲政籌備成績摺

改派交通銀行總理幫理片

奏銷本部宣統二年收支經費款目銀數摺

附單

奏銷本部宣統二年鐵路辦公經費項下收支款目銀數摺

叙明四政經費不敷應行追認摺

臚陳本部第六屆籌備成績摺

--	--	--	--	--	--	--	--	--	--

1240

奏銷三十四年分收支經費摺

奏爲報銷臣部光緒三十四年分收支經費欸目銀數謹繕清單
恭摺仰祈聖鑒事光緒三十三年七月初三日臣部具奏署中公
費擬就路電餘利項內提用開支各節奉旨核定月支數目再行
具奏欽此又於是月十三日覆奏遵旨核定月支數目摺內聲稱
就目前核計養廉公費並各項雜費每月約用銀二萬兩嗣後額
缺補滿每月約用銀二萬七千餘兩等語奉旨知道了欽此業經
臣部將光緒三十二年九月二十一開部之日起至三十三年十
二月止收支欸目銀數分繕清單於三十四年七月二十三日奏
銷奉旨知道了欽此欽遵各在案茲謹將三十四年分管收除在
各款截數報銷計舊管京平足銀一十七萬八千九百四十四兩
八錢五分三釐二毫新收各路餘利京平足銀二十萬九千二百

四十四兩九錢二分又廣東省解到部飯京平足銀十九兩二錢
六分又款項暫存銀行隨時提用應得生息京平足銀六千四百
一十三兩六錢五分五釐內開除支給堂司各官公費津貼及火
食各項雜費常支共用銀二十二萬二千六百二十二兩七錢二
分二釐其添蓋署內房間置買器具並值日公所等款作爲活支
用銀六萬五千二百七兩六錢七分七釐又付交通銀行股本庫
平足銀二十萬兩合京平足銀二十一萬二千九百四十九兩六
錢四分計實在不敷京平足銀一十萬六千一百五十七兩三錢
五分八毫歸入下屆報銷案內接算所有開支各款常支項下均
未逾奏定原數活支項下亦係必需品款均經原部督飭樽節動
支謹將三十四年分收支經費款目銀數繕具清單恭呈御覽懇
恩准照舊案免其造冊報銷並飭部查照以清款項除咨度支部

外理合恭摺具陳伏乞皇上聖鑒訓示謹奏

宣統元年二月十八日奉諭旨郵傳部奏報銷光緒三十四年分
收支經費數目開單呈覽一摺著度支部知道單併發欽此

謹將臣部經費自光緒三十四年正月日起至十二月止續提鐵路餘利收支數目繕具簡明清單恭呈御覽

計開

舊管

上屆存京平足銀一十七萬八千九百四十四兩八錢五分三釐二毫

新收

餘利項下

- 一收京漢鐵路餘利公砵平足銀十萬兩合京平足銀十萬二千七百七十四兩九錢二分
- 一收京奉鐵路餘利行平化寶銀十萬五千兩合京平足銀十萬六千四百七十兩

共收餘利京平足銀二十萬九千二百四十四兩九錢二分

部飯項下

一收廣東善後局解到光緒三十年奏銷兩廣官電局支用料物等項部飯庫平足銀十八兩九分合京平足銀十九兩二錢六分

生息項下

一收款項暫存銀行隨時提用應得生息京平足銀六千四百一十三兩六錢五分五釐

以上三項共收京平足銀二十一萬五千六百七十七兩八錢三分五釐

開除

常支項下

一堂司公費共用銀十五萬六千五百四十六兩六錢九分
內尚書左右侍郎公費銀二萬五千八百二十二兩一錢

九分九釐

丞參公費銀一萬七千九百六十八兩三錢三釐

丞參上行走公費銀一萬六千九百五十兩

司員公費銀九萬五千八百六兩一錢八分八釐

一錄事薪水銀一萬四千九百七兩八錢九分一釐

一武弁馬差餉乾茶役工食共用銀四千七百三十九兩五

錢四分九釐

內武弁馬差餉乾銀八百六十八兩八錢八分七釐

茶役工食銀三千八百七十兩六錢六分二釐

一火食共用銀一萬五千九百七十七兩八錢六釐

內堂司火食共銀一萬二百三十四兩二錢九分

錄事火食銀二千五百六兩二錢

中飯下飯銀三千二百三十七兩三錢一分六釐

一茶水油燭煤炭等項共用銀二千三十兩八錢七分三釐

內茶水銀八百八十七兩三錢七釐

油燭銀三百四十五兩八錢七釐

煤炭銀七百九十七兩七錢六分四釐

一筆墨印色紙張檔冊告示共用銀一千六百三十四兩八

錢三分五釐

內筆墨印色銀二百七十一兩三錢二分五釐

紙張銀一千七十兩二錢八分

檔冊銀二百三十三兩二錢二分

告示銀六十兩

一圖書通譯局共用銀一萬七千六百八十兩八錢九分三釐

內添購書籍銀四千五百九兩九錢五分三釐

購用繪圖零件銀六百五十兩一錢四分一釐

譯書費銀二千三百九十三兩五錢一分三釐

圖書局各員津貼銀一萬一百二十七兩二錢八分六釐

一刷印所共用銀二千十五兩三錢一分五釐

內添購機器鉛字及刷印物件銀一千一百四十二兩四錢一分六釐

刷印生工食銀八百七十二兩八錢九分九釐

一雜項共用銀二千八十八兩八錢七分五釐

內中外各報紙銀五百二十四兩七錢九分三釐

發遞各省公文郵費銀三百五十六兩二錢九分三釐

捐萬國行船會費及萬國鐵路公費銀二百六十六兩

四錢三釐

法國醫院藥資銀五百二十兩五錢三釐

雜用及購買零物銀四百二十兩八錢八分三釐

一捐助首善工藝廠經費銀五千兩

查此項每年應捐一萬兩三十四年八月奏定開廠按

半年核算解交五千兩合併聲明

以上常支京平足銀二十二萬二千六百二十二兩七

錢二分二釐

活支項下

一添置器具共用銀二千九百八十八兩八錢二分四釐

內書櫃二十三件書架三十四件銀四百九兩六錢八分

二釐

新式桌一百一十張椅二百四張茶几兩個銀九百九

十四兩七錢二分一釐

水龍連抽水機器銀五百十八兩九錢一分

洋爐子十三件連煙筒灣頭等銀二百九十九兩九錢

三分三釐

門帘圍屏等件銀一百十六兩一錢二分

各項零物器具等銀六百四十九兩四錢五分八釐

一值日公所共用銀三千四百一十一兩六錢二釐

內添置房屋十六間材料工作銀一千四百八十七兩

修理房屋路溝等銀九百四十五兩四分八釐

火食雜用等銀二百二十一兩四錢五釐

開鑿洋井一口銀二百兩二錢

添置物件等銀八十七兩七錢一分九釐

夫役工食節賞等銀四百七十兩三錢三分

一本署堂廳局司各處安設電燈共用銀九百一兩六錢四

分六釐

一添蓋署內房間遊廊三百三間工程材料等共用銀五萬

二千七百七十四兩八錢五釐

內木料銀一萬三千五百三十五兩四錢五分二釐

碾瓦銀五千四百六十二兩八錢一分一釐

白灰銀二千五百六十七兩一分二釐

石料銀一千二百五十六兩四錢七分一釐

葦席麻刀釘鐵雜料等件銀三千一百三十八兩二錢

五分七釐

玻璃銀四百二十兩一錢六分五釐

以上木料碾瓦白灰石料麻刀玻璃等件尙有未用
之件留存本署

工作銀二萬一千二百二兩五錢九分三釐

運料水脚稅捐等銀六百七十兩四錢一分五釐

油漆裱糊銀九百八十六兩八錢一分二釐

鑿井銀三百二十九兩四錢

監工員役薪工火食銀三千三百八十五兩四錢一分七釐

一購買附近本署民房大小七十五間價銀四千九百五十兩

一種樹銀一百八十兩八錢


以上活支京平足銀六萬五千二百七兩六錢七分七釐
又付交通銀行第一期股本庫平足銀二十萬兩申京平足銀二十一萬二千九百四十九兩六錢四分

查光緒三十三年十一月初四日 臣部奏設交通銀行摺內呈明先由 臣部認股四成以應開辦之用等語茲第一期先交股本庫平足銀二十萬兩合並聲明

實在

不敷京平足銀一十萬六千一百五十七兩三錢五分八釐

1-2 26116



奏銷三十三三十四兩年鐵路辦公經費摺

奏爲報銷 臣部光緒三十三年正月月至三十四年十二月止鐵路辦公經費項下收支欸目銀數繕具清單恭摺仰祈聖鑒事光緒三十三年十一月十八日 臣部奏設鐵路總局附片奏明 臣部所管借款各路尙有繳呈督辦大臣辦公經費今既設立鐵路局辦理借款各事宜應令仍前照繳存儲 臣部以爲開支鐵路局經費並聲明 臣部亟須預備專門人才現正籌辦實業學堂擬將此項餘款留爲興學之用等因本日奉旨依議片併發欽此欽遵在案計自光緒三十三年正月月至三十四年十二月止 臣部收到各路解交辦公經費共京平足銀四十萬六千二百三十二兩一錢七分三厘又暫存銀行生息京平足銀二千四百四十四兩七錢八分內開除該局華洋員薪水及津貼留學各國學生等欸作爲常

支共用銀十五萬三千六百九十六兩一錢九分一厘一毫又建
設學堂及派員調查路政學務川資等款作爲活支共用銀九萬
七千二百二兩七分九厘實存京平足銀一十五萬七千七百七
十八兩六錢八分二釐九毫歸入下屆報銷公費案內接算再查
此項公費在光緒三十三年奏設鐵路局以前尙未一律解齊是
以未經造報現在局用常支已定學堂建築粗具大略自應先將
各項已用之款截數報銷謹繕具清單恭呈御覽並援案懇恩准
予開銷免造細冊並飭部查照以清欸項除咨度支部外理合恭
摺具陳伏乞皇上聖鑒訓示謹奏

宣統元年二月十八日奉旨郵傳部奏報銷光緒三十三年至三
十四年鐵路辦公經費收支款目開單呈覽一摺著度支部知道
單併發欽此

謹將 臣部光緒三十三年正月至三十四年十二月止各省鐵路解到公費及支給各款銀數繕具簡明清單恭呈御覽

計開

舊管

無項

新收

公費項下

一收京漢鐵路自光緒三十三年正月起至三十四年十一月止解到公費規銀四萬八千兩合京平足銀四萬六千八百四十七兩四錢三分七釐又銀元六萬一千六百六十元五角七分合京平足銀四萬三千六百二十九兩六錢五分兩共京平足銀九萬四百七十七兩八分七釐

一收京奉鐵路自光緒三十三年正月日起至三十四年十二月止解到公費京平足銀九萬四千兩

一收滬甯鐵路自光緒三十三年正月日起至三十四年十一月止解到公費規銀六萬五千三百四十三兩八錢七分合京平足銀六萬三千八百五十六兩八錢四分

一收正太鐵路自光緒三十二年十二月日起至三十四年十一月止解到公費規銀五萬七千五百兩合京平足銀五萬六千二百三十兩九錢五分

一收廣九鐵路自光緒三十三年六月起至三十四年十二月止解到公費公砵平足銀八千兩合京平足銀八千二百二十二兩又庫平足銀三萬兩合京平足銀三萬一千九百四十兩四錢七分兩共合京平足銀四萬一百六十

二兩四錢七分

一收汴洛鐵路自光緒三十三年正月起到三十四年十二月止解到公費洋例平銀四萬八千兩合京平足銀四萬八千一百九十兩

一收道清鐵路自光緒三十三年正月起到三十四年十一月止解到公費公砵平足銀一萬二千九百六十兩二錢九分七釐合京平足銀一萬三千三百十四兩八錢二分六釐

共收公費京平足銀四十萬六千二百三十二兩一錢七分三釐

生息項下

一收款項暫存銀行隨時提用應得生息京平足銀二千四

百四十四兩七錢八分

以上兩項共收京平足銀四十萬八千六百七十六兩九錢五分三釐

開除

常支項下

一鐵路總局華洋員津貼自光緒三十三年正月日起至三十四年十二月止計二十四個月共用銀十萬五千三百七十七兩一錢九分一釐一毫

一教育用銀四萬八千三百七十九兩

內津貼留比學生學費法金三萬二千五百六十佛郎合銀一萬二百四十二兩四錢一分二釐

津貼留英學生學費英金一千八百二十四鎊合銀一

萬五千二百七十四兩九錢

津貼留美學生學費美金六千七百二十元合銀一萬一千五百六十一兩一錢五分

留比學生回國川資銀元六百五十元合銀四百六十一兩五錢

津貼留日學生學費日幣九百元合銀七百八十六兩五錢八分八釐

津貼自費留學日本鐵道生銀三千兩

津貼留英學生銀一百兩

上海實業學堂經費規銀七千兩合銀六千八百八十四兩五錢

滙款電費銀六十七兩九錢五分

以上常支京平足銀一十五萬三千六百九十六兩一錢九分一釐一毫

活支項下

一建設學堂購買民房四百四十六間用銀二萬六千七百七十三兩

一建造學堂房屋工料等項共用銀五萬七千一百四十三兩二錢七分九釐

內已造講堂宿舍等計一百三十七間工作銀一萬八千一百五兩二錢一分一釐

木料工銀一萬七千三百八十一兩一分三釐

磚瓦用銀一萬一千六百一十三兩二錢五釐

石料用銀五百七十八兩

白灰用銀二千九百五十二兩五錢六分二釐

葦箔麻刀釘鐵雜料等項用銀四千九百六十九兩九

錢三釐

以上木料磚瓦白灰葦箔麻刀釘鐵等尚有未用之件

留存學堂

運腳稅捐銀一千四十二兩一錢四分五釐

監工員役薪工雜用銀五百一兩二錢四分

一預購學堂電料用品日幣一千六百九十八元二角合銀

一千四百八十九兩三分

一預購學堂應用棹椅等銀一千三百五十七兩四錢四分

六釐

內連椅棹一百五十件銀七百三十二兩九釐

方棹一百張長方橙八百四十張共銀六百二十五兩

四錢三分七釐

一 出差各員川資津貼等項共銀一萬四百三十九兩三錢

二分四釐

內派員赴甯蘇會商滬甯鐵路釐捐章程川費銀一千九

百五十五兩七錢二分六釐

派員赴日本調查路政川資銀一千二百八十四兩五

錢五分六釐

派員赴西洋遊學調查四政津貼銀五百兩

派員赴廣東調查路政川費銀六百八十六兩九分二

釐

派員赴正太汴洛京張等處查件川費銀六百四十四

兩一錢六分九釐

派員赴上海調查輪船郵政川費銀六百兩

派員赴唐山鄭州路鑛學堂調查課程川費銀三百八

十一兩六錢五分六釐

派員會查瓜清路綫川費銀四百八兩一錢六分

派員勘估洙昭鐵路川費銀三百七十三兩三錢七分

二釐

派員赴正德等處勘路川費銀一千二百五兩一錢七

釐

津貼出差各員月薪銀二千四百兩四錢八分六釐

以上活支共銀九萬七千二百二兩七分九釐

實在

存京平足銀一十五萬七千七百七十八兩六錢八分二

釐九毫

140-4 60P 552A

應辦要政按年籌備摺

奏為遵旨將 臣部應辦要政分別按年籌備開單具陳恭摺仰乞
 聖鑒事光緒三十四年九月二十九日內閣奉上諭朕欽奉慈禧
 端佑康頤昭豫莊誠壽恭欽獻崇熙皇太后懿旨前據憲政編查
 館資政院將議院未開以前逐年應行籌備事宜開單具奏當經
 降旨詳諭內外臣工依期舉辦郵傳部職在審度形勢統籌交通
 著統限六個月按照該館院前奏格式各就本管事宜以九年應
 有辦法分期臚列奏明交憲政編查館會同覆核請旨遵行等因
 欽此是年十一月二十五日內閣奉上諭著各衙門懍遵前次懿
 旨依限辦理勿得稍涉延誤等因欽此宣統元年閏二月初四日
 內閣奉上諭國家設官分職各有應盡責成現在朝廷預備立憲
 屢降諭旨不啻三令五申然所望於贊助新猷實為內外諸 臣是

總務 應辦要政按年籌備摺一

十五

賴近觀內外諸臣公忠體國勤勞將事者固不乏人然涉於推委敷衍者仍所難免自此宣諭以後內則責成各該部院衙門堂官外則責成各省督撫大吏舉凡應辦要政及一切關於預備立憲各事宜皆當次第籌畫督率所屬官員認真辦理等因欽此欽遵恭錄到部仰見皇上經國遠謀揆同前聖凡有官守均應濯磨奮發藉答涓埃而臣部所轄輪路電郵皆交通要政尤與憲政息息相關亟宜同時籌備惟是中國輪船現祇招商一局粗立基礎向歸北洋大臣直轄尙未交部管理郵政事宜隸於總稅務司由稅務大臣兼管事權未屬即使多方籌畫總屬虛擬之詞臣等自任事以來夙夜祇懼既不敢放棄責任亦豈容徒託空言現歸臣部直接管轄惟路電二政謹遵聖訓審度形勢分別統籌有急宜按年籌備者有祇能隨時辦理者查路政一項以定議爲要著規大

陸之形勢別枝幹之後先察內外之情形審軍商之緩急臣部前
年曾將籌畫全國軌綫奏明在案則此九年之中自必寬籌測勘
經費多派專門工師逐節分勘一面由地方大吏先期勘出草圖
再由臣部派員勘定計爲全國鐵路敷設法其次則工程官辦之
路未完者如汴洛京張廣九吉長自應由部限期造竣陸續奏報
至津浦粵漢鄂境川漢各路應由各督辦大臣分別籌備此外商
辦之路業經臣部分飭將按年籌備情形妥擬報部現惟江西鐵
路公司遵照具報餘均屢催未覆大概因集款尙無把握故竣工
難於預期但任其延緩不惟虛糜股款抑且阻碍交通現先由臣
部將各路之軌綫長短工程難易詳爲審度遵照上年五月二十
七日諭旨分別酌擬告成年限列入清單飭令照辦屆時如未竣
工再行另籌辦法果其尅日告成自應查照成案奏請優獎以資

鼓勵又查借款各路其從前合同所載均係指路作抵權利外移
隱憂時切欲謀釋此重負尤當未兩綱繆惟未屆清還之期已須
拔本負息將屆還本之日即當籌措巨資現在行車餘利挹注已
屬不敷此項巨款尙難懸揣臣部事屬專司自應極力籌畫而度
支部倘能年籌的款預爲存儲以輔不逮於大局更多裨益至電
政一項中國籌辦二十餘年綫路所布不能遍及機料又復仰給
外洋其餘電話電燈水綫無綫電及製造廠諸類推行猶未盡利
而電報自減價後收費尙無大起色尤不能不妥爲籌畫以冀逐
漸推廣以上各節皆急宜按年籌備者也其未能預定期限者如
勘定之路必須籌款接展開車之路更當整頓改良及議限制以
範借地造路之權訂路律以致同軌違途之盛設學堂以培技師
藝士之才暨電報之因邊防而設因軍務而增郵電合一官電歸

併諸如此類皆臣部當盡之責有應內商各部院始能定議有應外咨各督撫分別妥籌統容臣部陸續布置隨時奏明以上各節則祇能隨時辦理者也總之臣部所轄各項皆商業性質而屬於專門既非徒手所能爲又非人才莫助其理臣部惟有仰承聖訓黽勉力圖其已按年籌備者自不敢動始而怠終即應隨時辦理者亦何敢顧此而失彼所有應辦要政遵擬按年籌備情形謹繕具清單恭摺具陳伏乞皇上聖鑒訓示謹奏

宣統元年閏二月十八日奉諭旨郵傳部奏遵將應辦要政按年籌備開單呈覽一摺憲政編查館知道又片奏洛滄西潼等路籌擬辦法等語著依議欽此

謹將 臣部應辦要政按年籌備各款詳繕清單恭呈御覽

計開

光緒三十四年 第一年

一 滬甯告成

一 門頭溝枝路告成

一 廣東粵漢築成由黃沙至迎嘴一百二十八里

路查現由漢全

辦大臣管理

一 潮汕意溪枝路告成

一 啓築津浦查該路現由督辦大臣管理

一 啓築福建漳廈

一 啓築湖南粵漢由粵漢督辦大臣管理

一 啓築齊昂

- 一 接築京張汴洛廣九各官路滬甯杭嘉蕪廣南潯各商路
- 一 查勘川漢洛潼西潯同蒲江蘇浙江潮汕新甯惠潮廣西
- 福建滇蜀安徽江西各商辦鐵路款項工程
- 一 勘估吉長路綫
- 一 覆勘四川宜夔路綫
- 一 勘估正德路綫
- 一 勘估延長石油礦路綫
- 一 清還京漢鐵路借款
- 一 議銷廣澳成約
- 一 廢止京奉南票運礦枝路合約
- 一 收贖商電改歸部辦
- 一 展設太湖縣至安慶電綫

- 一 展設貴陽至興義電綫
- 一 展設上海至川沙廟電綫
- 一 展設浙江桐鄉至雙橋電綫
- 一 展設江西饒州至景德綫路
- 一 展設下關至浦口綫路
- 一 大修江甯至漢口電綫
- 一 大修京師至保定電綫
- 一 改設保定至信陽州電綫
- 一 展設湖南常德至益陽電綫
- 一 籌畫核減電報價目
- 一 派員赴葡萄牙萬國電政公會聽講爲預備入會基礎
- 一 整頓上海實業學堂

一籌設 臣部實業學堂

宣統元年 第二年

一汴洛告成

一京張告成

一杭嘉告成

一滬甯告成

一新甯告成

一齊昂告成

一商定吉長借款

一啓築吉長

一啓築四川川漢

一啓築洛潼

擬限令本年集股之五百萬元以上啓築工程須有全路三分之

一啓築清徐

一啓築杭甬

一啓築鄂境川漢由督辦粵漢大臣主持管理

一接築廣九

一接築漳廈

一接築蕪廣

一勘明張綏路綫

一勘測張庫北幹路綫

一廣西聘員測勘路綫

一雲南聘員測勘路綫

一商議改良安奉并派員履勘路綫

一勘定清海開徐路綫

一實行核減電報價目二成計六十餘萬元

一展設科布多至綏來無綫電報

一籌設歸化至太原電綫

一展設河南信陽州至光州綫路

一展設河南至汝州綫路

一大修福廣湘鄂電綫

一大修張家口至恰克圖電綫

一籌設安徽頤老電綫

一大修陝西全境綫路

一籌辦電汽專門學堂培植人才擴充電政之需

一籌議改良京師電話機器

一籌畫京師各省電燈改良辦法

一 設立 臣部實業學堂

宣統二年 第三年

一 籌備清還正太路款 查該路由西一千九百零二年息借法數修築合同一千九百零二年息借

本一年以後可將全數借款還清此款本年即須籌備計還本四千萬佛郎又酬費十萬佛郎共須款四千萬佛郎

一 江西南潯告成 查該路據公司呈報於是年造竣

一 啓築西潼 工程須有三年集股在一百三十萬兩以上啟築

一 接築吉林

一 接築四川川漢

一 接築清徐

一 接築杭甬

一 接築洛 擬限令本年集股在一千萬兩以上全路工程須有三分之一

一 接築蕪廣

總務 應辦要政按年籌備清單四

一測勘庫倫至恰克圖北幹路綫

一測勘新民洮南齊齊哈爾抵琿瑯東幹路綫

一籌設歸化至包頭鎮電綫

一籌設江西吳城至廣信電綫

一籌設安徽鳳陽至江蘇徐州電綫

一籌設四川至西藏電綫二千餘里此綫經費應由西藏開辦經費內提撥一俟西藏款項籌備即可提前開辦

一大修贛浙電綫

一試辦鎮江電話

一展設福建汀漳電綫

一展設奉吉兩省電綫

一擴充上海電話

一擴充福建電話電燈

宣統三年 第四年

一清還正太鐵路借款

一清徐告成 查該路奏定四年造成

一廣九告成

一杭甬告成

一滬厦告成

一接築西滬 擬限令本年集股在二百六十萬兩以上全路工程須有三分之一

一接築四川川漢

一啓築同蒲

一接築洛潼 擬限令本年集股滿額全路工程大概完竣

一接築蕪廣

- 一 測勘西安達蘭州西幹路綫
- 一 測勘附屬南幹各枝路
- 一 勘設電料製造廠試造電報電話各種電品材料機器
- 一 展設湖南洪江至永州電綫
- 一 展設河南周家口至安徽亳州電綫
- 一 展設黑龍江電綫
- 一 展設廣東高州至肇慶電綫
- 一 籌畫沿海沿邊一帶設立無綫電報
- 一 試辦京城自動電話機器
- 一 擴充天津電話
- 一 擴充江蘇電話
- 一 擴充浙江電話

宣統四年第五年

一 籌備清還汴洛路款

查該路由一千九百零三年起比

時在未到以前將借還全數以清此款本年即須

備計還本四千一百一十萬二千五百佛郎

一 洛瀆告成

一 吉長告成

一 蕪廣告成

一 接築四川川漢

一 接築西潼 擬限令本年集股滿額全路工程大概完竣

一 接築同蒲

一 接勘蘭州達伊犁西幹路線

一 接勘附屬南幹各枝綫

總務 應以要政接洽籌備清單六

二十三

一 測勘附屬北幹枝綫

一 展設陝西省南北兩路電綫

一 展設山西省南北兩路電綫

一 展設廣東自佛山至順德香山電綫

一 派員出洋研究比較自製電品各種材料及製造方法

一 擴充湖北電話電燈

一 試辦湖南電話

一 試辦山東電話

宣統五年 第六年

一 清還汴洛鐵路借款

一 西潼告成

一 接築四川川漢

一接築同蒲

一接勘附屬北幹各枝綫

一測勘附屬東幹各枝綫

一測勘附屬西幹各枝綫

一入萬國電政公會

一展設江西撫州至福建延年電綫

一展設江西吉安至湖南醴陵電綫

一擴充江西電話電燈

一試辦廣州天津上海自動電話機器

一試辦陝西電話

一試辦河南電話

宣統六年 第七年

一籌備清還滬甯鐵路借款
查該路由西歷一千九百零三年起借英款一萬萬鎊

路公司有權於十二年內加給七萬二千五百鎊
備計還本二百九十二萬鎊
五千四百三十一磅五先令一鎊五先令
五十五萬九千九百五十三鎊一鎊五先令

一接築同蒲

一接築四川川漢

一接勘附屬東幹各枝綫

一接勘附屬西幹各枝綫

一展設貴州興義至雲南廣南電綫

一展設四川成都至甘肅電綫

一擴充製造廠試造關於電燈水綫各種電品材料機器

一試辦雲南電話

一試辦貴州電話

一試辦四川電話

一試辦廣西電話

一擴充山西電話

宣統七年

一籌備清還道清路款

查該路由西歷一千九百零五年借英款修築合同載明在內一千九百零六年以後中國無論何時可將借款全數還清此款

十六年即須籌備計還本七十九萬五千八百八十九磅十先令

一清還滬甯鐵路借款

一接築同蒲

一接築四川川漢

一接勘附屬西幹各枝路

一展設雲南普洱至順甯電綫

一 展設廣西慶遠至貴州貴陽電綫

一 等設庫倫至科布多電綫

一 擴充製造廠關於無綫電報各種電品機器材料

一 試辦甘肅電話

一 試辦新疆電話

一 展設前後藏電綫

宣統八年 第九年

一 清還道清借款

一 接築四川川漢

一 接築同蒲

一 修訂全國鐵路敷設法

一 編定全國鐵路軌綫圖說

一 展設內外蒙古電綫

一 籌設包頭鎮至甯夏電綫

一 籌設甘肅至青海至前藏電綫

一 籌設伊犁至庫車電綫

一 大修西北各省電綫

一 籌畫擴充改良各省電燈電話

上海高等實業學堂擬請擴充專科預籌經費摺

奏爲上海高等實業學堂擬請擴充專科預籌經費恭摺仰祈聖鑒事竊查上海實業學堂初名南洋公學自歸商部接辦改爲高等實業學堂其預科畢業生先後資送出洋均能直入歐美大學回國後歷經學部攷列最優等英材輩出成效昭著三十三年改隸臣部後復經奏派前農工商部左侍郎唐文治充該堂監督重加整頓增設鐵路電綫兩專科規制日臻完備至現在亟應籌辦之事約有二端一擴充專科該堂分上中兩院及附屬小學凡三級由小學升入中院由中院升入專科近年中院畢業學生豐裕者或自費出洋貧窘者或出外就館以致升入專科學生時有缺額是宜化除省界多植材能以爲廣種博收之計此專科名額之需擴充者也一預籌經費該堂常年經費約需銀十萬兩游學經

費約需銀三萬餘兩現惟電報局歲籌二萬一千兩招商局歲籌二萬兩上年將游學經費解由臣部發給加以開辦專科必須添聘教員購置試驗機器尤非巨款不辦此學堂經費之需預籌者也以上情形疊據該堂監督咨商前來臣等公同酌核竊以路電兩科關係緊要從前聘用技師藝士借材異地權利外移欲籌抵制之方當以教育爲本且近日交通發達工業繁興各省商辦鐵路頻歲增多需才尤亟電報雖歸官辦其電燈電料關於工商營業之事諸待研求該堂既設路電專科在臣部爲善艾之謀在各省即資爲儲材之地雖海內學堂普設而高等實業成立尙少如挑選中學畢業生送入該堂認習專門按名籌貼學費則專科之名額既可擴充學堂之經費亦資挹注誠爲一舉兩益之道今酌定辦法擬於本年下半年爲始由各省督撫提學使考選中學畢

業生每省至多四十名至少二十名咨送到滬由該堂考取分入
專科肄業本省按名歲籌學費銀二百兩滙解學堂以資協助一
切膳學等費概不取之學生一班畢業接續考送比之遣派游學
省費甚鉅而數年之後成材實多至堂中常年經費除原有各款
及各省籌解學費外不敷之數仍由臣部於路電兩局添撥應用
所有畢業學生應歸臣部及各該省督撫調用以盡義務如是則
造就之途廣而實業之振興可立而待恭候命下由臣部咨行各
直省督撫欽遵辦理所有上海實業學堂擬請擴充專科預籌經
費各緣由理合恭摺具陳伏乞皇上聖鑒訓示謹奏

宣統元年閏二月二十八日奉諭旨郵傳部奏上海高等實業學
堂擬請擴充專科預籌經費一摺著依議又奏海澱公所房地劃
歸禁衛軍應用一片知道了欽此

The image shows a large rectangular area filled with a series of vertical lines, creating a grid-like pattern. This appears to be a scan artifact or a placeholder for a table. The lines are evenly spaced and extend across the entire width of the rectangle. There is a small dark mark on the right side of the grid.

140-4 604 5527
本部小廠公所房屋地畝點交禁衛軍接收片

再臣部海淀西小廠值日公所原係購買民房一所地一頃六十畝共用銀五千五百兩添置修理房屋等項共用銀三千五百三十二兩四錢一分八釐業經前後奏銷在案茲准訓練禁衛軍大臣咨稱奏准在閱武樓校場作爲禁衛軍操場界內有臣部房屋一所亦宜劃歸應用等因臣部自應遵照辦理現已將臣部公所房屋七十間地一頃六十畝於本月二十四日派員點交禁衛軍接收應用理合附片具陳伏乞聖鑒謹奏

宣統元年閏二月二十八日軍機大臣欽奉諭旨郵傳部又奏海淀公所房屋地畝劃歸禁衛軍應用一片知道了欽此

裁撤天津交通銀行總辦片

再臣部奏設交通銀行遵照原奏清單於鐵路可通之天津上海等處先派定總辦前往開設分行以資擴充所有天津分行總辦曾經奏派分省補用道劉坦奉旨允准欽遵在案現在總分各行開辦年餘諸事經營已有基礎惟京津相距咫尺營業無難兼顧謹擬變通辦法以天津交通分行改歸總行兼理不惟節省費用又以統一事權實於業務商情兩有裨益所有原設該分行總辦一差即可裁撤臣等仍督飭總理各員隨時稽查裨免貽誤除原派該分行總辦分省補用道劉坦飭令銷差另候委用外理合附片具陳伏乞聖鑒謹奏

宣統元年三月初九日奏旨知道了欽此

--	--	--	--	--	--	--	--	--	--

1300

於 本 館 刊 報 之 報 紙 刊 佈 之 報 紙

收一俟規模成立即當首先議及以期實行其郵便儲金一節內稱交通銀行與政體不合宜併大清銀行等語查度支部奏定釐訂各種銀行則例明定大清銀行爲中央銀行交通銀行爲殖業銀行權限極爲明晰泰西商業繁盛銀行林立譬如植木必須枝葉扶疏方足衛其根本是以殖業銀行愈夥則中央銀行愈形便利現在創辦伊始惟慮規模簡陋決無相妨至郵便儲金與中央殖業各銀行又自不同臣部正籌籌試辦亦與交通銀行並行不悖呈中語多牽混蓋未請東西各國規制與度支部奏定則例之故二電政原呈內稱官電宜歸部辦電費不必再減材料設廠自製工程嚴除浮習學生亟宜推廣各節等語臣部或已奏陳有案或已明定章程均請無庸置議其請裁電政局一節查日本通信省設有通信局復設有通信各官署所以爲行政綱紐中國報

局二百四十餘處勢難事事與部直接其重要命令由部司之其奉命而分布一切各事由局任之且各報局所需各種材料非在水陸交通口岸調度則轉運益形繁費電政一局碍難議裁所稱推廣電綫一節查臣部自收購商電後兩年之中擴充綫路四千里近年東三省收回外人佔用綫路三千餘里又添設約七千里若照九年預備奏案逐年分辦則數年以後全國可冀交通若同時並舉一時實無此財力又稱推廣電話不得免費電話電報宜歸一局兼理等語查電話本無免費名目惟商辦時有報効官署之稱今改歸官辦又因換用新機所費頗鉅以後無論官商均當一律收費至電話電報合併一節兩項機器本自不同各處收發報事繁簡又各互異其分枝小局有可合併之理而總局斷難兼顧現在電話局甫經創辦應俟推廣時體察情形分別辦理又稱

各部省不得濫用官電一節查官電章程凡蓋用紫花印信按照一等半價核收各衙門出差人員及大清銀行等處往往援案辦理嗣經臣部核定出差各員直寄部電方准按照半價其與各處來往則照一等作四等例排發紅十字會及賑務報費均核實列支作爲善捐此外善舉名目概行停止實已綜覈加嚴又稱學生薪水宜歸一律及停止保獎一節查學生派赴邊苦省分暨各衙門當差有加五加二薪水前已札飭電局酌量裁減至保獎係由各部省自行奏請辦理其報生程度較淺者與他項專門學業不同並無由學生徑保部曹及府州縣之事至閱歷較深之報生已分別提升各局委員如實在得力仍擬調部差遣以昭鼓勵三路政原呈購地條內稱應分勘地發價爲兩事並由局發給委員三聯單等語核與各路辦法大致相符應無庸議購料條內稱由總

工程司訂購由分工程司指索及中國所有者不必購自外洋等語查各路材料由總工程司妥商總辦籌備從無停工待料之虞至借款官辦各路合同多聲明該路需用材料須先儘中國工廠承辦本未嘗專用洋料又工程條內稱工頭由局招募繙譯由局酌派等語查各路包工俱先招人投標本不盡由工程司擇用包工合同亦由局妥定格式兼備華洋文以免欺朦繙譯人等本由局派至所稱工程司不得過問工價一節工程司有管理之責考究價值驗收工程其事本相銜接西國視爲工司分內之責勢難強離爲二又客票條內稱令買票者悉納大洋找以小洋每銀元按十角計算等語查光緒三十三年八月臣部議覆御史葉沛棠整頓路弊摺內聲明通用小銀元數在四角以下者一律收用各路通行章程亦定爲四角以下收零角四角以上收整圓其畸零

之數多在運貨價內客票價值多係整角並無零分惟當與時消息未便任意增減若如所陳未免困商又運貨條內稱裁去零裝躉裝名目一律按十成收費等語查躉裝運貨雖比零裝稍輕並非概收八折若一律改收十成恐於攬運有碍欲計路利盈虧在於進貨之多不在運價之重客票且有來回減價與夫論年論月之例矧以大宗貨物常川運輸未可漫無等差致商賈受虧裹足至運貨用三聯單各路久已遵行現復定章先報捐後運貨車站必查對捐局副單數目相符方准附運亦不致有偷漏之患又舊料條內稱更換道板剔換新料應一併出售等語查臣部於光緒三十三年頒發各路整頓路政條款已飭分別變價歸公歷經各局造報有案向無侵蝕廢棄情事又薪水條內稱督辦以下優絀懸殊請歸平允一節查督辦鐵路大臣所用總辦提調均係自行

奏派與部無涉責有輕重事有繁簡薪水多寡自亦不能同又軌道條內稱吾國路軌均寬英尺六尺四寸而正太一路獨狹等語查已辦各路均遵商部奏定章程兩軌距離寬英尺四尺八寸半從無寬至英尺六尺四寸者正太路因山路狹阻估價過昂光緒二十九年經外務部奏准改用窄軌現全路告竣收款甚少入不敷出碍難折改其所用材料查無購用日本舊料之事殆係傳聞之訛又借款條內稱借款造路宜分兩事等語查從前借款各路工程司權限已列合同自難翻約去年臣部借款籌贖京漢一路合同內並未提出京漢二字外人縱欲干預無從藉口比之近訂合同較爲嚴密四船政原呈內稱招商局宜改歸商辦一節查招商局原爲官督商辦實係船政附庸本不能視爲船政全體自奉旨歸臣部管轄業經分別咨行欽遵嗣據各股東稟稱援案組織

董事會復經批飭遵照商律妥擬章程一俟呈報即當詳細核議又稱開平公司宜設法收回一節查開平輪船附設於開平礦務局本係專運煤斤與臣部應轄航業性質不同未便議收致詰口實又稱宜提倡商民設立公司並補助資本一節查推廣航業必先造就管理駕駛等項人材而後可收實效若但於發明航業者予以利益設立公司者給以優獎而一切重要職位尙須借材異國仍難扼要臣部現於所轄學堂內議設船政專門似比空言提倡較有把握至所言酌提餘利捐款與補助資本兩端頗形矛盾論航船與郵政互益宜有補助之經而不盡關於資本論公司係商業性質但有提倡之義而不必計及輸將航路廣闊商貨流通利用厚生自有無形之利租稅暗增猶其餘事何必斤斤於餘利捐款自望生機他如明定保護規條裁冗員節糜費各節臣部均

已分別籌議船政一事關係遠大現在力雖未逮猶當努力籌維
遠矚高瞻必期有當斯義一俟計畫妥定再行奏明辦理所有臣
部遵旨議奏緣由理合繕摺具陳伏乞皇上聖鑒訓示謹奏
宣統元年七月十一日具奏

臚陳本部第二屆籌備成績摺

奏爲遵章臚陳本部第二屆籌備成績恭摺仰乞聖鑒事竊查憲政編查館奏定考核章程內開九年籌備事宜責成內外臣工每屆六個月將籌辦成績臚列奏聞並咨館查核應自光緒三十四年八月起十二月止爲第一屆以後每年六月及十二月底爲一屆限每年二月及八月內各具奏咨報一次等因嗣臣部於本年閏二月十八日奏陳按年籌備要政情形經館核奏遵辦在案茲值第二屆奏報之期自應遵章臚陳以崇邦典伏維郵傳四政義主交通其事皆與國防民業相資其用即與憲政機關有裨而其要不外轉移地形之險夷以度民居懋遷物產之盈虛以善民器厚生利用國力斯雄八表經營於焉基始此臣部之責也惟船路電郵皆濫觴於臣部未設以前及今圖維應擴充者既極紛繁應

補救者尤形複雜即就擴充補救入手著效固屬非易就緒亦復甚難謹將本屆籌備成績略別擴充補救二類更於二類中區分著效就緒二級爲我皇上縷晰陳之請先言補救臣部所轄現惟路電最繁路政一門凡屬從前借款合同鮮不含權利外溢之患自光緒三十四年清還比款接管全路以後至宣統元年五月行車進款乃增多七十餘萬元而撙節洋員薪工各費歲計約十萬元是時京奉適定路章乘而改良未及半年進款共增一百萬元用款反較減七萬餘元之譜而中英合辦南票煤礦合同亦於六月贖出將合同咨由駐英使臣註銷並將英商扣留備築運煤枝路之借款十五萬鎊取回累年交涉從此斷結即新奉吉長兩段上年臣部乘違約與日本借款之便派員與日使議訂續約其新奉之遼河東岸日本不委帳房又日本工程司仍歸京奉總辦總

工程司節制以及吉長總工程司總帳房均歸中國委派等語視
協約實多挽回至電政本中央機要之權各國俱設爲專職中國
因開辦伊始商估佔多以致歷年相承幾同營業上年臣部將全
股收贖本年正月實減二成價目收費尙不致銳減三月又奏裁
局費歲計約五萬元有奇開源節流交相裨益縱目前無大起色
而權歸國有機括自更靈通臣等所謂籌備補救此其著效者也
海通以來中國因應之方輒居人後近年力爭先著赴機已覺其
遲夫中外梯航原期聯貫而郵傳四政列邦尤尙同盟上年臣部
接准外務部來咨知葡萄牙大開萬國電會當即札派候選道周
萬鵬等前往聽講而他年電政入會此實初基又中葡公司舊訂
廣澳鐵路約文明著華葡合辦之條比較各路合同害實加甚旋
葡商因華界歸自築願將合約註銷臣部前據前太僕寺卿張振

勳來咨隨咨請外務部照商葡使現正往還辯駁期於挽回利權
臣等所謂籌備補救此其就緒者也請更言擴充蓋路電兩端雖
異排虛躡實之功究同定綫程工之旨人力所舉其地亦靈查路
政各工始則滬甯六百三十餘里告成繼則杭嘉一百二十八里
告成水陸交榮江南爲之增盛而新甯意溪及粵漢之黃沙琶江
凡告成於粵境者猶其次也若北方告成之綫論枝軌既有京師
之門頭溝復有江省之昂昂溪而其犖犖大者邊地則有京張腹
地則有汴洛張家口號爲中原形勝居庸扼塞山谷阻深駝馬皮
毛充斥塞北此綫枝幹雖僅四百四十九里然以天下奇險華人
有其全功故當八月開車夾道躡呼一時稱盛從此蒙軀朝輒暮
達皇都不惟邊民蕃殖可期而畿輔實收鞏固之效汴浴一綫計
亦四百餘里今雖橋工未竟兩岸早已通車將來展入潼關舉秦

晉貨礦大宗可以截河而東即現在並河南行而遵循京漢之途亦可輻輳於漢口若電綫一項非獨京保甯漢大修各役早經告歲其展設者於黔有貴陽興義之綫於湘有常德益陽之綫於贛有饒州景德之綫於浙有桐鄉雙橋之綫於蘇皖有下關浦口之綫有上海川沙之綫有太湖安慶之綫於直豫有保定信陽之綫有信陽光州之綫有河南汝州之綫縱橫交迕密若蛛絲於舊綫五萬餘里外計又展長三千九百餘里一律完工臣等所謂籌備擴充此其著效者也臣等謹案軌綫全圖京張爲北幹經綫自京張更北抵庫倫爲張庫自京張折西抵綏遠爲張綏其南幹經綫實惟京漢而粵漢遂承其轍津浦則迤邐以緯之而自汴洛左聯清海開徐右聯洛潼西潼復成一東西大緯綫頃者粵漢案卷甫飭接收津浦工程臣世昌等方督飭在事人員遵期啓築其東西

緯綫之洛潼一段業經部准豫紳議僱華員熟手充當工程司並派員查勘西潼兼及於同蒲而前所派測勘濟海開徐之員適於是時勘定惟張庫北綫道出沙漠袤長二千餘里工艱欸巨議置緩圖已改計先從張綫施工以取左右旁通之勢其餘如官辦之廣九商辦之杭嘉固已接築而前即吉長延長正德各官路軌綫以及川漢豫陝蘇浙滇蜀安徽江西各商路之工款均經派員四出分別查完各商路中以滇蜀川漢爲最險要滇蜀業准該督電稱所催美國工程司多萊哈克二員已到川漢前曾奏准由該省聘定詹天佑等爲總工程司責令興造而此數月以內所有張怡福廣湖鄂暨陝境電綫同時大修祇以科布多緊接俄鄰其地又南爲鄂爾泰山所阻欲通聲氣須設一無綫電於新疆之綫來已由臣部飭令洋商呈驗電機趁安即行安設其近在京內之電話

機器前曾奏請訂購而各省所辦亦通飭呈核章程總之四政胥屬專門故臣等於部轄各學堂尤爲措意其在上海甫咨催增課船電兩科其在唐山早札令注重鐵路一項嗣因唐山路學僅有機械工程復於署旁籌設管理專科俾資行車之用業於京師暨津滬豫鄂粵五處分途招考共得生徒二百餘名一俟先後到齊冬間即可開學臣等所謂籌備擴充此其就緒者也此外如正太所借法款計本金額費共法金四千零十萬佛郎依合同從明年起可以提前全數還清臣等方昕夕圖之而開海清徐關係東南緯綫均爲重要臣等現與外務部度支部商酌籌辦其餘凡第三屆事項俱恪遵前奏籌備仍當隨時酌奪據實奏明以上情形第就路電而言若船郵兩門近正遵查八月間憲政編查館續奏責成臣部籌辦未盡事宜清單辦理船政自招商局奉旨專歸部轄

旋准北洋大臣咨移案卷到部竊以招商一局不過船司之子目部本中央行政當更務爲遠猷臣等所兢兢者一在採譯海外之航規以待修船律一在調查內港之艘數以推廣航權一在研究理船廳舊章以張劃分權限之本一在闢建船學科新校以裕培養人才之源凡此數端業飭廳司議辦一面查考河流海綫並酌量提倡郵船以期逐漸推行俾擴航路郵政則臣等正與稅務處籌擬接收辦法咨商往復頭緒紛紜俟將全卷移交再當遵照館章相機擘畫惟是臣部職掌範圍頗寬訂約既牽涉外交措款更關係財政而轉輸得利尤在振興實業誠欲按年課績必得外務度支農工商各部通力合作始克奏濟物阜民之效而收體國經野之功至於陸海之如何溝通音報之如何徑捷技師之如何教育專律之如何頒行是則臣部專司責無旁貸臣等惟有仰承聖

訓以勉圖其難者也所有遵章臚陳本部第二屆籌備成績各緣
由除分咨查核外謹恭摺具陳伏乞皇上聖鑒訓示謹奏
宣統元年九月二十二日具奏

試辦交通研究所整頓圖書通譯局摺

奏爲陳明試辦交通研究所並整頓圖書通譯局情形恭摺仰乞
聖鑒事竊臣部於光緒三十三年六月奏陳官制事宜摺內聲明
應行附設考工通譯各局所統由臣部體察情形陸續籌辦又是
年十一月奏設圖書通譯局一區先後欽奉諭旨遵辦在案臣部
所轄船路電郵四政學問皆屬專門非遇事研求不足以資臂助
查度支部設有財政研究所著萃專門人員由臣部擇重要事件
飭令參合中外學理事理詳加討論於政學均有裨益臣部規仿
此意設立交通研究所督飭專門畢業各員妥擬章程遵照試辦
數月以來審議重要案件調查列國成規分途辦理均能奮發自
應奏明立案以昭慎重圖書通譯局開辦將及兩載本年四月間
經臣等釐定職掌調用專門畢業學生重加整頓期裨實用遴派

翰林院侍講雲書編修程明超兼充局所提調該局所詳細規章
由臣等斟酌情形隨時增損惟冀研究有素辦事庶有起色所有
試辦交通研究所並整頓圖書通譯局緣由謹恭摺具陳伏乞皇
上聖鑒謹奏

遵查上海交通銀行李厚祐被參各款摺

奏爲遵旨查明上海交通銀行總辦李厚祐被參緣由據實覆陳
恭摺仰乞聖鑒事竊臣部於宣統元年九月初十日承准軍機大
臣字寄奉上諭有人奏上海交通銀行總理分部郎中李厚祐貪
鄙性成操守難信等語著郵傳部按照所參各節確切查明據實
覆奏毋稍徇隱原片著抄給閱看欽此遵旨寄信前來當即札委
交通銀行稽查四品京堂陸宗輿與本部七品小京官楊充升馳赴
上海按照所參各節分途探訪嚴密澈查茲據查明稟覆臣等覆
加查核如原參上海交通銀行總理分部郎中李厚祐以地販起
家一節查分部郎中李厚祐籍隸甯波其祖即以商業起家擁貲
鉅萬上海甯波各埠有久大慎記錢莊及甬泰商船並糖行各營
業開設已數十年字號尙稱殷實李厚祐係襲祖父之業在上海

甯波各處繼起經商原奏稱該員以地販起家者實係傳聞之誤
又原參該員辦理天一墾務公司數年之久並不派息給利股東
噴有煩言與該公司原刊進出款預算表大相逕庭形同誣騙一
節查天一墾務公司在奉天錦州地方原係已故道員嚴信厚道
員徐潤施則敬周晉鑑知州張美翌光祿寺署正羅振玉與李厚
祐合股創辦經股東會公舉李厚祐爲總理在農工商部註冊各
股東照章年開會議分送帳單均派利息詢之在事股東尙未聞
有異議原奏稱其數年不派利息亦屬傳聞失實又原參謂該員
以鉅資賂陳璧復獻以所置上海租界地產由陳璧之婿史式珍
即小石過付得充銀行總理一節查該員爲上海交通銀行總辦
原係陳璧在臣部任內創辦銀行時公同委派因該員在上海經
商已久尙爲商界所信服光緒三十三年上海商會曾公舉該員

爲上海商會總辦洵係時望所推重當時部派之際自係采之衆論原奏稱其以鉅貲地產行賂陳璧查無其事又原參李厚祐接辦銀行後日以買賣地產爲事並在該行每月支洋銀百元作史小石乾脩以爲酬報一節查銀行定章所有營業之事責在經理李厚祐乃銀行總辦對於經理有監督稽查之事無直接經攬交易之權李厚祐既非販地爲業查閱銀行帳冊並無買賣地產之事至江蘇候補知縣史式珍即史小石原係陳璧之婿查該員於去年三月到行辦理函牘事宜每月支薪水七十元至去冬銀行結帳實獲有餘利以銀行起色之故各行夥分別加薪亦以史式珍辦事勤勉由去年年終加結月薪洋銀至一百元詳閱該行函牘稿件出於該員手擬者不少其遞加月薪亦歷歷載在帳冊是史小石確係在行辦事並非月領乾脩原奏又稱李厚祐近又發

起華商銀行南洋各島內地各埠招集股分將來該行成立之時應分舉妥人經理不得爲該員所據致肆侵漁查華商銀行爲南洋華僑所發起李厚祐雖任招股之事然將來該行成立之時其經理人員自應聽該商等公同選舉惟原奏又稱信義銀行尹克昌倒閉於前交通銀行李厚祐敗壞於後等情查上海交通銀行去年開辦以來至年底結帳實獲餘利規元銀三萬五千餘兩今年正月起至六月底結帳實獲餘利規元銀五萬六千餘兩尙屬辦有起色近來交通銀行股價漲大信用日昭迥非信義銀行之倒閉者可比以上各節均經按照原奏採訪商界輿論並調勘銀行帳冊文牘逐款澈查不敢稍有徇隱伏查分部郎中李厚祐被叅各節或傳聞未確或查無實據自應懇免置惟查商律規定凡爲公司銀行理事人員即不得更爲同等之營業臣部前因李厚

肅既爲華商銀行招股人未便令其復辦交通銀行事宜業將李厚祜所充之上海交通銀行總辦撤去另派委員接辦以專責成銀行爲財政攸關交通銀行實爲臣部專管現在辦理既有起色信用日昭臣等自當力與維持督飭在事人員妥慎經營企圖進步並遴派專員隨時隨地認真稽查以防弊端而策實效所有遵旨查明上海交通銀行總辦李厚祜被叅緣由理合恭摺覆陳伏乞皇上聖鑒訓示謹奏

宣統元年十一月十二日具奏

遵章預陳次年籌備憲政實情摺

奏爲遵章預陳次年籌備實情恭摺仰乞聖鑒事竊維憲政編查館咨開續奏籌備摺內稱各部院籌備事宜實爲行政準的擬請每年冬間由該管衙門按本年原奏清單將擬定次年實行辦法先期切實奏明但使所籌克赴準的縱與原單略有出入不妨聲明請旨等語臣部所擬九年籌備清單暨第二屆籌備成績業於閏二月及九月間先後奏陳咨館查核在案茲將擬定次年籌備實行辦法謹遵章一一陳之查臣部四政路電極繁其路政現辦之工程腹地則以津浦粵漢川漢爲最長邊地則以錦愛吉長張綏爲最要津浦經臣世昌等切實整頓復經臣雲沛親赴浦口相度約計明春北段可通車至德州境內而南段浦濠二百里間沮洳之地土方亦可完工自應督飭員司南北兼程期與京漢粵漢

相爲經緯其東西緯綫之汴洛一路前因洛溢橋圯現方趕緊施工而臣部原奏擬定自此左出爲清海開徐右出爲洛潼西潼清海爲緯綫之尾閘開徐居緯綫之中點尤宜及早興工經臣等夙夕圖維業已粗有頭緒惟須款項有著方能議及興修至清徐及洛潼西潼各段工程仍飭蘇豫陝三公司遵期趕辦粵漢自歸部辦後旋奏派候補參議龍建章等赴粵澈查工款仍於署內特設一籌辦處以專責成並隨時與外務度支兩部妥慎籌商總期上秉宸謨下導民利務爲溝通省界俾昭同軌之功川漢自鄂境宜昌以東遵旨歸併粵漢案內統籌其宜昌以西由川省公司聘定臣部候補丞參詹天佑爲總工程司方謀興工鑿險巴東三峽古號崎嶇該工程司於京張之居庸旣擅前功當不難於川漢之巫山更收後效而西北張綏軌綫仍由臣部奏令詹天佑以京張總

辦兼顧已撥款二十萬兩以應工需據稱洋河現已挖築橋墩預
度後年夏間當能通車至於山西之天鎮若東北吉長軌綫業經
購地覆勘開春冰泮當能建廠設站分段成功其京奉展綫一節
臣等責令鐵路局長梁士詒督同委員與日本南滿洲公司再四
磋商總冀挽回路權漸使馳驅就範而錦愛一綫首銜京奉幹軌
中貫奉吉黑三疆關係東陞尤爲重要業由外務度文兩部與臣
部會同奏准由該省借貸美款當即遵咨該督臣催令趕緊經營
此外如江西之南潯安徽之蕪灣福建之漳厦據各該公司前後
報告或按年接展或如限歲工均應隨時督催俾符原議此臣部
實行籌備路政之辦法也其電政一門原分電報電話兩項電話
現於鎮江規畫代辦並於福州上海酌量擴充電報則綫桿須大
修者惟有贛浙兩境估計工費約需三萬餘元而先後展設者除

東北之秀齊吉延業經通綫外其在西北則擬自歸化西達於包頭其在東南於閩則擬循漳州以絡汀州於贛則擬循吳城而西以聯廣信惟川藏之綫表長二千餘里其經外務部會同臣部奏准由西藏開辦費內提撥必須西藏籌有的款方可提前興修而鳳陽徐州之間爲津浦軌道所經原擬以電綫與軌綫相輔而行一俟軌出其塗即當因地敷設此臣部實行籌備電政之辦法也其餘如船政經臣等查悉招商局歷年官督商辦情形擬定查核帳目辦法仍一面調查內港外江大小輪船艘數一面議訂輪船公司註冊給照章程並派員赴滬考察海外行事宜以期擴張航業郵政則迭與稅務處籌議接收兼分咨出使大臣擬揀派學生赴奧練習郵便及銀行儲蓄規章俾備器使蓋專門藝業端在培養專門人才故臣部既於上海實業學堂附設船電兩科復擬於

吳淞海濱創建一商船學校以冀實習駕駛而署旁鐵路傳習所
內近亦擬增課郵電兩學爲將來通信統一之始基嗣思培才以
學校爲先而行政以法律爲本因又責成僉事陳毅及起草員參
訂員等分類纂訂先從船路二律入手依次及於電郵俟草案告
成當再分別奏咨頒行遵守庶幾措施有準而章程不至參差以
上數端俱爲臣部要政所關臣等自當勉竭駑駘相與慎圖經久
於先而早期樂成於後也所有遵章預陳次年籌備實情各緣由
除分咨查核外謹恭摺具陳伏乞皇上聖鑒訓示謹奏

宣統元年十二月十七日具奏

擬訂四政專律奏報開辦情形摺

奏爲擬訂船路電郵四政專律謹將開辦大概情形恭摺具陳仰祈聖鑒事竊惟治事首在訂章行政必先立法近年新設各衙門如學部則有學堂章程農工商部則有商律公司律破產律民政部則有報律違警律均經先後奏准施行各在案臣部管理四政職在交通謹就現在情形計之鐵路已成八千里而遠電報所達六萬里有奇郵政則都會郡城大半設立航業則長江內海漸次推行雖發達未敢驟言規模實已粗具祇以從前辦理茲事屬于官者督辦非一人屬于商者公司非一處大抵任便營業因事制宜法令規章付諸闕如以致各爲風氣情同散沙非有整齊之方難收畫一之效臣部前于第二屆籌備憲政摺內兢兢以頒行專律引爲責成意實有見於此查船路電郵四大政近百年來始發

見於世界濫觴歐美漸及亞東求之古時無所依昉凡深邃之學
理繁賾之名稱日異月新幾於莫可究詰是以考工之記已見軼
于周官疇人之傳必取材於異域無可循之前轍唯借助於他山
據環球大勢而言航律以英爲通行路律以德比爲適用郵電之
律以日美丹奧四國較爲周詳執柯伐柯取則不遠唯是民風國
體中外殊歸統一單行東西異法溝通匪易審判綦難非博採無
以爲比較之資非貫通無以爲折中之準臣等公同商酌先就游
學畢業生中擇其肆習法律學術尤長者派充起草員其有關於
藝術之事則派專科學生以爲之輔德文則以德國柏靈大學肆
業翰林院編修施愚外務部主事法科舉人德國柏靈大學畢業
生法學博士馬德潤等任之法文則以法部主事法政科進士巴
黎法律大學畢業生陳籙本部候補主事法國都郎製造學堂畢

業生鄭誠等任之英文則以美國伊立諾大學畢業生法科學士
胡貽穀法政科進士紐約科崙布大學畢業生項驥等任之日文
則以河南候補直隸州甲辰科進士日本中央大學畢業生黃爲
基大理院正六品推事癸巳科副貢日本西京法科大學畢業生
曾彝進等任之先草路律次及郵電循序漸進以期於成船律則
以吏部主事癸卯科進士英國林肯大法院畢業生王世澂候選
州同美國頭等駕駛員李瑞棠本部主事庚子辛丑併科舉人英
國阿斯和大學堂肄業福建船政學堂畢業生陳壽彭等專任之
以大理院推事美國法律畢業生李方翰林院庶吉士法科進士
英國法律畢業生張焜全奏調學部候補主事文科進士美國哥
倫比亞大學畢業生態崇志農工商部員外郎法國商科畢業生
水鈞韶湖北候補知府英國倫敦法政大學畢業生沈成鵠外務

部七品小京官法政科舉人日本法學院畢業生黎淵候選郎中
德國壁利瑟大學畢業生經濟科博士周啓濂等爲參訂員並派
法律館諮議官臣部記名丞參上行走前署右參議升缺升用參
議廳僉事陳毅兼領該廳廳長總司纂核以專責成查臣部奏定
官制清單參議廳原有審訂章程之條所有修律事宜應統歸該
廳辦理毋庸另設局所以昭簡易其路律一項現經臣等督同該
僉事等籌維擘畫業已粗有端倪俟各員律草編完即責令該僉
事發交各路局詳細簽注或逕派起草員參訂員等與各路局員
當面討論仍彙歸該廳修訂總期當于情事務爲切實可行一俟
草案告成由臣部詳加覆核後隨時咨商法部及修律大臣會同
奏請欽定頒行俾資遵守所有擬訂四政專律緣由謹將開辦大
概情形恭摺具陳伏乞皇上聖鑒訓示謹奏

宣統元年十二月 日

總務 擬訂西政事案彙編附錄卷之三

五十一

--	--	--	--	--	--	--	--	--	--

遵設憲政籌備處情形摺

奏爲遵設憲政籌備處情形恭摺仰祈聖鑒事宣統元年十二月二十日欽奉諭旨憲政編查館奏請飭京外各衙門設立憲政籌備處並將十月十三日上諭恭書懸挂一摺著依議欽此欽遵咨鈔到部原奏內稱擬令京外各衙門一律設立籌備處並聲明從前所已設者由各該衙門改易今名等因竊維預備立憲頭緒紛繁自非專設機關無以提挈綱要況臣部所司交通各政與憲政進行之遲速均屬息息相關尤應急起直追方足以利推行而期進步查臣部原設憲政研究所由臣等督率承參以下各員隨時規畫所有九年籌備事宜暨第二屆籌備成績第三年籌備實情迭經奏咨在案茲值奉旨設立專處俾資籌備自應遵照憲政館所奏改爲憲政籌備處以昭畫一凡臣部所轄各政已辦者應如

何考查成績未辦者應如何督令成功其關於預算者應如何稽覈盈虛以時酌劑其關於核議者應如何研究利弊以慎推行仍由臣等責成丞參督同該處員司認真經理並遵將上年十月間欽奉上諭恭書懸掛藉資惕厲總期九年以內漸臻美善以冀仰副朝廷立憲求治之至意其原派各員向未支薪應仍照舊辦理合併聲明除將該處員名咨館查核外所有臣部遵設憲政籌備處緣由謹恭摺具陳伏乞皇上聖鑒訓示謹奏

宣統二年二月十八日具奏

創設交通傳習

奏爲創設交通傳習
事竊臣部所轄四政
遞信省所轄有商郵
所教育既廣人材必
三年宜在今日查臣
上海電政學堂路電
來如擴充專科附設
營不敢稍留餘力必
重機械工程屬於電
備管理之事尙付照
廣九各處均已次第

省贛皖蘇豫兩粵湘黔山陝等處展綫至一萬二千里有餘郵政
從前本無學堂現與稅務處正議接收等備尤不宜緩所隸之事
日廣相需之人亦日多是廣育英才必有供不應求之勢臣等公
同商酌已於臣部署後創立交通傳習所一區以養成管理人材
爲宗旨與唐山上海各學堂專習技術者並行不悖各盡其用所
分科目有二曰鐵路科曰郵電科鐵路科分爲兩班高等班三年
畢業簡易班一年畢業另設津浦簡易班功課相同惟兼習德文
以爲津浦路局之用郵電科亦分設兩班高等班二年半畢業簡
易班一年半畢業畢業後各按程度酌派差委凡該所現在之生
徒即將來各局員司所自出職務固分高下學問自有淺深管蒞
絲麻務求兩備路科學生已於上年冬季授課郵電科現在招考
准三月間一律入堂共計生徒六百餘人概不供膳給宿以節糜

費而廣裁成其郵電合爲一科者蓋以郵電二事均爲通信機關東西各國往往以郵政與電報電話合爲一局經費既省運用亦靈已爲世界通例是習電術者必嫻郵政規章學郵政者須具電術知識以備將來郵電合併所習所用舉措裕如又查貸款各路或用英文或用法文幾成習慣郵政自稅司代辦其高級管理員大半借材異地通行文牘亦以英文爲多是以該所鐵路班分招英法文已優之學生入堂分授科學並令英文生兼習法文法文生並習英文以收互用之效而郵電班亦招英文程度已高者兼習法文俾易接洽必事情不虞隔閡斯權利可漸收回實主客交遞之機關亦政學溝通之至計凡此數端皆爲路政電政郵政各局所他日致用起見與尋常設一普通學堂博取出身希得學位者事勢不同用意亦復迥別臨淵羨魚不如結網出門合轍端在

造車總期於實業多培一班之人才即爲國家多保一分之權利其該所需用款項除購買民房建築工料等銀數業於宣統元年二月十八日奏銷並添建房屋開辦經費續用款三萬餘兩外預算常年經費約需銀八萬兩從前臣部辦學款項均係由鐵路公費項下支銷經附片陳明在案現在臣部學務力求擴張派遣出洋學生名數亦漸推廣鐵路公費已不敷用業由京漢京奉兩路餘利項下酌量撥支至商船學校必須附近海岸練習風濤不能合一堂而教授已於江蘇之吳淞浙江之甯波兩處派員履勘另行奏明辦理所有臣部創設交通傳習所大概情形緣由理合恭摺具陳伏乞皇上聖鑒謹奏

請派交通傳習所監督並刊刻關防片

再臣部交通傳習所事屬創辦非深通學務兼諸臣部四政情形者不足以資管理查有學部諮議官前郵傳部左參議李稷勳堪以派充該所監督該員現在回籍已由臣等遴派調部差遣翰林院檢討章梈代辦並刊刻關防一顆文曰郵傳部奏設交通傳習所之關防俾資信守恭候命下即由臣部發給鈐用理合附片具陳伏乞聖鑒謹奏

請派交通銀行協理片

再臣部交通銀行協理山西候補道周克昌經東三省督臣錫良調往奉天辦理官銀號事宜所遺協理一差查有候補四品京堂陸宗輿熟諳計學思慮精詳於銀行財政研究有素堪以派充該行協理除檄飭遵照外理合附片具陳伏乞聖鑒謹奏

宣統二年二月二十八日具奏

臚陳第三屆憲政籌備成績摺

奏爲遵章臚陳本部第三屆籌備成績恭摺仰祈聖鑒事竊查憲政編查館奏定考核章程內開九年籌備事宜責成內外臣工每屆六個月將籌備成績臚列奏聞並咨館查核限每年二月及八月內各具奏咨報一次等因所有臣部九年籌備事宜暨第二屆籌備成績迭經奏咨在案茲值第三屆奏報之期自應遵章臚陳以崇邦憲伏維臣部之職郵其主名今所謂郵僅指械而言非廣義也蓋必械電交資郵體始備尤必軌航互運郵用乃靈美國路章明言鐵路代郵路而起英人船務原令商船輔郵船而行是知船路兩端戰時賴濟軍輸暇時藉營商業而在朝廷經畫區宇之道實以郵遞爲其本謀臣等嘗反覆圖之故郵政一門自第二屆籌備時已屢議以收今雖郵政局仍暫由稅務處經營而臣等深

知該局係借用英法人才因於部旁傳習所內增設郵電學科令其兼肄英法語文並揀派德法文學生擬赴奧都令習郵便儲金以爲將來部處交遞之計而所以輔成郵體之電政暨所以分效郵用之船路二政臣等晰夕籌度總期按年恢拓以收漸被暨訖之全功請先言電政電以空中通信爲用即空中之郵遞也臣部接管電政以來東自黑吉西自山陝南自粵桂黔湘以及贛豫皖蘇等境計於舊綫五萬餘里外共展新綫一萬二千餘里上年十二月間業經另案奏陳而其中有爲第二屆成績奏報後所新增者於蘇則衆興震澤之綫於豫則懷慶武陟之綫於晉則牛杜運城之綫於陝則西安涇陽之綫於滇則碧寨呵迷之綫於黔則貴陽玉屏之綫其黔湘界內更自玉屏東達於洪江飛度所經計展長千數百里而信保之移桿西瀟廬壽之修綫猶其次也近年空

中事業日異月新歐義各邦於電綫交連之中更有翼艇球船相屬於霄漢臣部前准上海實業學堂監督咨呈學生王繩善新撰飛空考略經臣等批獎存查旋准駐法使臣咨送留法學生周緯所著航空學一書亦經臣部轉咨陸軍部酌核辦理誠以航空航海爲交通天地之機英人素以航海稱雄尙虞敵用飛航奪其霸業法人則航海航空兩會方謀所以溝通我國船政初萌固不必遽籌及此然船政既與有關係亦應預爲提倡且船政一門前曾派員赴滬調查航海事宜今正議定輪船公司註冊給照章程俟章程擬成當即奏咨宣布而統轄江海內外各船之法仍於新修航律內規定畫一冀臻於全但輪船之設立公司其事多與農工商部相因而理船廳稽察船關則於稅務處更多牽涉均應亟分權限方免臨時掣肘至培養船員一層原議於上海船學專科外

擬建一商船學校於吳淞之海濱嗣准海軍大臣咨開道員李厚
祐願將甯波城外中學一區報効爲商船學堂轉請核辦一俟派
員查勘明確再行相度形勢俾與上海吳淞兩校相成惟中國地
處亞洲雖云襟帶瀛環而版籍號稱大陸以爲鐵路一政視船政
尤爲要圖自京漢贖回京張告蕪以來南幹經綫既以粵漢籌辦
爲最繁東幹經綫復以京奉展築爲最要而京奉東迤乃有錦受
承其轍輒若緯綫則近有張綏以通南北遠有川漢以達西南而
首銜東幹尾銜南幹仍貫輸於腹地者則有津浦以絡南北其與
津浦相錯兼銜南幹橫出之汴洛而從腹地迤取邊勢者則又有
開除清海以綰東西凡此經緯縱橫實開規畫大計皆部責也錦
受自上年外務度支兩部與臣部會奏准由東三省借款籌辦京
奉由臣等責令鐵路局長梁士詒督同委員與日本領事籌商往

復已訂明允我建設天橋飛跨南滿洲鐵道而過以直抵瀋陽之
城根雖該領事尙以要求聯絡南滿爲詞臣等飭令再四磋商仍
力持未允吉長自去冬開工後勘定長春車站早已分頭購地而
屬於吉林之兩段正月間覆勘達完查汴洛原訂行車合同比公
司實際有布置全權臣等乘工竣通車之初督飭梁士詒商同該
公司切寔改良因裁汰華洋員共四十九名而歲省經費銀至五
萬二千餘兩從前所失權利自此遂多挽回其洛河橋工現方換
墩打樁亦限令四月內外如期告竣至汴洛斜迤爲開徐海清之
綫其清徐一段曾奏准由江蘇公司承造而部所自辦者開徐凡
五百六十里清海凡二百六十里臣等業飭津浦路局先從徐州
啓築謀爲該綫經始並派郎中阮惟和當該路總辦令於開封海
州分頭並築以期漣於徐清海州近有水災並擬先辦土工期於

賬務有裨祇以工款浩繁慮有緩不濟急之虞曾奏明屆時當與度支部籌商辦法津浦經臣世昌臣雲霖分飭履勘督令刻日程功北段從天津陳塘莊至德州四百七十里之間客車業經暢駛南段則浦滌二百里沮洳之地土方亦一律築成此外西北則張綏之洋河橋墩既葺挖築之役西南則川漢之彝陵山道甫施繩繫之工其在東南廣九購地已齊近且飭令總辦魏瀚會同英國香港總督委員商議九龍接軌之事新甯則經部准總理陳宜禧等從公益埠展築枝軌俾達新會縣城以上數端均據現辦各路情形爲言而路律條文擬暫別職司工程廠務車務公司五門合之自成一書分之仍爲五種已責令僉事陳毅等趕緊修輯期早觀成俟車務草案修完當即咨商各部館奏請欽定頒行俾資遵守竊思郵傳一職於古本爲司空其責任固在仰乘聖朝體國經

野之謨其宗旨要在預張中央長駕遠馭之勢臣等所兢兢擘畫而務圖其當者固無逾於此也所有違章臆陳本部第三屆籌備成績各緣由除分咨查核外謹恭摺具陳伏乞聖鑒訓示謹奏
宣統二年三月初八日具奏

編訂第一次交通統計表摺

奏爲編訂臣部第一次交通統計表暨纂輯四政沿革概畧一律成書謹分繕六冊進呈御覽恭摺仰祈聖鑒事光緒三十三年九月十六日內閣奉上諭朕欽奉懿旨本日憲政編查館奏請飭各省設立調查局各部院設立統計處由該管堂官派定專員照該管所定表式詳細臚列按期咨報以備刊成統計年鑑之用等因欽此欽遵由憲政編查館咨行到部遵于三十四年七月間在署設立統計處遴派員司擬定該處分科職掌辦事章程併統計表式送館查核於是年十二月二十二日奏明在案竊爲統計一事所以挈領提綱能于事理繁曠條目紛糾之中使之釐然不紊臣部專主交通凡營業盛衰運輸消長工程進步之遲速款項出納之盈虛千緒萬端日新月異尤非舊萃列表參觀互動無以爲考

鏡之資茲事體大須有精明幹練之員專司其事特派臣部承參
上行走四品京堂林炳章總辦一切率同正副各課員遵照館例
以光緒三十三年爲創辦之期分類鉤稽縱橫貫串或內稽檔卷
擷其精華或外發查填綜其條目隨時稟承臣等示之準則計成
總分各表三百九十九中屬總務之表凡八閭署之設官行政理
財興學悉屬焉船政之表凡五十三各省之官輪商輪航線沙線
悉詳焉路政之表凡百五十四各路之資本路綫工程里數悉列
焉電政之表凡百五十各局之電報電話陸綫海綫悉載焉郵政
之表凡三十四各界之收發信件擴充局所悉紀焉蓋先羅總表
以萃其會歸後係分表藉知其底蘊而又恐事屬專門雖經類別
條分究難尋源竟委特將各政開辦歷史有關交涉財政用人營
業按類撮要編以沿革概略先令各項源流瞭若指掌而後按事

尋表即表徵數既端緒之可尋俾推行之有準庶于交通前途可
期進步而促改良現在第一次統計各表暨沿革概略辦理完竣
除將原表刷印咨送憲政編查館暨有關交通各衙門局所外謹
繕具黃冊進呈御覽嗣後仍當廣續辦理逐年進呈以副注重交
通興利便民之至意所有編訂臣部第一次統計表暨沿革概略
緣由理合恭摺具陳伏乞皇上聖鑒謹奏

宣統二年五月初十日具奏

--	--	--	--	--	--	--	--	--	--	--	--	--

1362

報銷宣統元年分收支經費款目銀數摺附清單

奏爲報銷臣部宣統元年分收支經費款目銀數謹繕具清單恭摺仰祈聖鑒事竊臣部辦公經費截至光緒三十四年分止業經臣部將收支款目開單奏銷在案茲謹將宣統元年分管收除在各款截數報銷計舊管不敷京平足銀一十萬六千一百五十七兩三錢五分八毫新收各路餘利京平足銀五十一萬三千二百三十六兩一錢又陝甘新疆廣東等省解到部餉京平足銀五十六兩一錢六分又臣部所收交通銀行股本息京平足銀二千三百四十八兩三錢六分又欸項暫存銀行隨時提用應得生息京平足銀一千八百五十六兩六分又臣部所設交通官報收回報費京平足銀五百八十七兩九錢二分四釐內除開支堂司各官公費津貼及火食各項雜費常支共用銀三十三萬六千八百六

十五兩四錢三分七釐其臣部恭辦陵差押棧行禮人員用費並添蓋署內房屋置買器具等款作爲活支共用銀四萬二千七百十五兩四錢三分六釐又付交通銀行股本庫平足銀十三萬兩合京平足銀十三萬八千四百十七兩二錢七分計不敷京平足銀十萬六千七十兩八錢八分九釐八毫歸入下屆報銷案內接算綜計開支各款常支項下連閩計算尙未遺奏定原數活支項下亦係必需要款均經臣等督飭撙節動支並遵照度支部奏定清理財政章程將用過銀數款項按季咨送度支部存案所有臣部宣統元年分收支款目銀數謹繕具清單恭呈御覽應請照案免其造冊報銷除咨度支部外理合恭摺具陳伏乞皇上聖鑒謹奏

宣統二年五月二十日具奏

謹將臣部經費自宣統元年正月日起至十二月止續提鐵路
餘利收支總數繕具簡明清單恭呈御覽

計開

舊管

上屆不敷京平足銀一十萬六千一百五十七兩三錢五
分八毫

新收

餘利項下

一收京漢鐵路餘利公砒平足銀三十萬兩合京平足銀三
十萬八千三百二十四兩七錢六分

一收京奉鐵路餘利行平化寶銀二十萬兩合京平足銀三
十萬四千九百一十一兩三錢四分

共收餘利京平足銀五十一萬三千二百三十六兩一錢

部飯項下

一收陝甘總督解到光緒三十三年奏銷官電支用料物等項部飯庫平足銀十四兩六錢合京平足銀十五兩五錢四分

一收新疆巡撫解到光緒三十年奏銷新省添設迪化至奇台電綫款項部飯庫平足銀二十二兩六錢七分三釐七毫九忽合京平足銀二十四兩一錢四分

一收廣東善後局解到光緒三十一年分奏銷兩廣官電局支用款項部飯庫平足銀十五兩四錢八分合京平足銀十六兩四錢八分

共收部飯京平足銀五十六兩一錢六分

生息項下

一收臣部交通銀行官股息公債平足銀二千二百八十四兩九錢五分合京平足銀二千三百四十八兩三錢六分

一收款項暫存銀行隨時提用應得生息京平足銀一千八百五十六兩六分

共收生息京平足銀四千二百四十四兩四錢二分

報費項下

一收臣部交通官報報費京平足銀五百八十七兩九錢二分四釐

以上四項共收京平足銀五十一萬八千八十四兩六錢四釐

開除

常支項下

一堂司公費連閏月共銀二十三萬二千二百六十四兩四錢八分二釐

一內尚書左右侍郎公費銀二萬八千一百六十六兩六錢四分五釐

丞參公費銀一萬九千四百九十九兩九錢七分四釐
丞參上行走公費銀三萬九千六百六十六兩六錢六分一釐

司員公費銀十五萬一千二十七兩六錢四分

修訂四政律起草參訂各員公費銀三千四百七十三兩五錢六分二釐

一錄事薪水銀二萬二千三十六兩五錢八分四釐

一武弁馬差餉乾茶役工食共用銀五千七百九十二兩八

錢六釐

內武弁馬差餉乾銀一千一百五十八兩五錢六分一釐

茶役工食銀四千六百三十四兩二錢四分五釐

一火食共用銀一萬九千九百六十二兩三錢七釐

內堂司火食共銀一萬一千七百七十七兩七錢六分二釐

錄事火食銀四千一百九十二兩八分四釐

中飯下飯銀三千九百九十二兩四錢六分一釐

一茶水油燭煤炭等項共用銀二千二百四十八兩七錢八分六釐

內茶水銀九百六十一兩七錢一分一釐

電燈油燭銀六百六十四兩五錢二分九釐

煤炭銀六百二十二兩五錢四分六釐

一筆墨印色紙張檔册告示共用銀二千一百二十九兩二錢六分

內筆墨印色銀三百四十五兩二錢二分七釐

紙張銀一千四百九十兩四錢八分二釐

檔册銀二百三十兩一錢五分一釐

告示銀六十三兩二錢

一圖書通譯局共用銀三萬六千五百七十五兩一錢五分

三釐

內添購書籍銀一千二百九十兩七錢六分七釐

譯書費銀五千一百九兩三錢七分

圖書局各員津貼銀三萬一百七十五兩一分六釐

一刷印所共用銀二千五百二十二兩一錢二分五釐

內添購鉛字及刷印物件銀一千三百六十八兩三錢七

分

刷印生工食銀一千一百五十三兩七錢五分五釐

一發行交通官報用銀一千一百七兩三錢一分四釐

一雜項共用銀二千二百二十六兩六錢二分

內中外各報紙銀四百八十三兩一錢三釐

發遞各省公文郵費銀三百一十二兩二錢六分一釐

法國醫院藥資銀五百八十三兩七錢九分九釐

捐助萬國鐵路公會法金五百佛郎合銀一百六十四

兩二錢一分二釐

雜用及購買零物銀六百八十三兩二錢四分五釐

一捐助首善工藝廠常年經費銀一萬兩

以上常支京平足銀三十三萬六千八百六十五兩四錢

三分七釐

活支項下

一添置器具共用銀二千九百三十兩一錢二分四釐

內書櫃三十一件書架七件公事桌七十九張椅子一百

八十張共銀一千一百七兩六分二釐

帳房傢俱等件共銀六百六十七兩五錢八分一釐

門帘布棚工料銀三百十九兩一錢三分二釐

洋爐烟筒等共銀二百二十三兩九分五釐

各項零星器具共銀六百十三兩二錢五分四釐

一值日公所夫役工食節賞銀二百八十四兩

一添建署內房間六十七間大門五間門樓四座馬路一段
及零星工程共銀二萬四百七十兩七錢九分四釐
內木料磚瓦銀七百三十九兩八錢一分二釐

石條石子銀二千二百七十八兩四錢四分五釐

白灰銀一千八百二十兩九錢三分二釐

鐵闌干鐵門鐵釘等銀二千五百五十六兩二錢九分

四釐

藤刀葦箔玻璃油飾銀九百十五兩三錢一分

工作銀一萬一千四十一兩八錢一分七釐

監工員役薪工火食銀一千一百十八兩一錢八分五

釐

一安設自來水管工料銀三千一百七十三兩二錢九分四

釐

一建造署外房屋及印刷處工程原估銀二萬八千兩先發

一二批銀一萬兩

一東陵西陵大差臣部堂司各員川資飯食等共用銀五千八百五十七兩二錢二分四釐

以上活支京平足銀四萬二千七百一十五兩四錢三分六釐

又付交通銀行股本庫平足銀十三萬兩合京平足銀十三萬八千四百十七兩二錢七分

實在

不敷京平足銀十萬六千七十兩八錢八分九釐八毫

報銷宣統元年鐵路辦公經費項下收支款目銀數摺

附清單

奏爲報銷臣部宣統元年鐵路辦公經費項下收支款目銀數繕具清單恭摺仰祈聖鑒事光緒三十三年十一月十八日臣部奏設鐵路總局附奏臣部所管借款各路向有繳呈督辦大臣辦公經費應令仍前照繳存儲臣部以爲開支鐵路局經費並聲明臣部亟須預備專門人才現已籌辦學堂該款撙節劃支所餘十三四萬兩擬留作興學之用等因本日奉旨依議片併發欽此業經臣部將光緒三十三年正月起到三十四年十二月止所有收支款目銀數分繕清單於宣統元年十二月十八日併案奏銷奉旨著度支部知道等因欽此欽遵各在案茲謹將宣統元年分管收除在各款截數報銷計舊管存京平足銀一十五萬七千七百七十八兩六錢八分二釐九毫新收各路解交辦公經費共京平足

銀二十二萬五千五百八十二兩六錢六分二釐又暫存銀行生
息京平足銀四百五十四兩八分內除開支該局華洋員薪水及
津貼留學各國學生並上海實業學堂臣部交通傳習所兩處經
費等款作爲常支共用京平足銀二十二萬三千八百六十六兩
一錢七分八釐又添建傳習所房屋及捐助學款並派員查件暨
往東西洋調查四政等款作爲活支共用京平足銀三萬九千九
百三十九兩七錢六分八釐又專案奏派查勘商辦鐵路及臣部
現擬籌築各路奉差人員川資共用京平足銀三萬二千七百十
六兩四錢六分三釐計實存京平足銀八萬七千二百九十三兩
一分五釐九毫歸入下屆報銷公費案內接算其用過銀兩均遵
照度支部奏定清理財政章程分季按款開列咨送度支部存案
所有宣統元年收支款目銀數謹繕具清單恭呈御覽應請照案

免造細冊報銷除咨度支部外理合恭摺具陳伏乞皇上聖鑒再
此項公費原係奏定除局費外留爲興學之用臣部自開辦以來
因活支經費尙未籌定故出差人員川資暫在此項內撥給現各
路所解辦公經費祇有此數而各處學堂用款及留學津貼約歲
需銀三十餘萬兩短絀甚鉅須由臣部商酌辦法另行籌撥其出
差人員川資等項擬從宣統二年起改歸餘利項下支給合併陳
明謹奏

The image shows a large, empty rectangular table with a thick black border. The table is divided into approximately 12 vertical columns of varying widths. On the right side of the table, there is a small, dark rectangular tab or protrusion. The table is otherwise completely blank.

謹將臣部宣統元年各路解到公費及支給各款銀數繕具
簡明清單恭呈御覽

計開

舊管

上屆存京平足銀十五萬七千七百七十八兩六錢八分
二釐九毫

新收

一收京漢鐵路自光緒三十四年十二月起至宣統元年十
一月止解到公費洋六萬七千二百元公估足銀六千兩
合京平足銀五萬三千二百三十四兩四錢九分
一收京奉鐵路自宣統元年正月日起至十二月止解到公費
京平足銀五萬二千兩正

一收滬甯鐵路自光緒三十四年十二月起至宣統元年十月止解到公費規銀二萬九千五百六十兩洋一萬六千一百七十元合京平足銀四萬四百三十六兩八錢六分

一收正太鐵路自光緒三十四年十二月起至宣統元年十二月止解到公費規銀二萬兩公砵銀一千一百六十八兩八錢七分洋七百七元五角五分合京平足銀二萬一千六十五兩五錢五分二釐

一收廣九鐵路自宣統元年正月起至十二月止解到公費庫平足銀二萬四千兩合京平足銀二萬五千五百五十四兩正

一收汴洛鐵路自宣統元年正月起至十二月止解到公費洋例銀二萬四千七百四十九兩七錢九分公砵平足銀

一千一百兩合京平足銀二萬五千七百五十六兩三錢一分

一收道清鐵路自光緒三十四年十二月起至宣統元年十二月止解到公費公估平足銀六千七百六十八兩合京平足銀七千五百三十五兩四錢五分

共收公費京平足銀二十二萬五千五百八十二兩六錢六分二釐

生息項下

一收款項暫存銀行隨時提用應得生息京平足銀四百五十四兩八分

以上二項共收京平足銀二十二萬六千三十六兩七錢四分二釐

開除

常支項下

一鐵路總局華洋員津貼全年共用銀七萬四千六百七十

九兩七錢四分

一教育用銀一十四萬九千一百八十六兩四錢三分八釐

內津貼留比學生學費法金八萬四千九百三十六佛郎

六生丁合京平足銀二萬八千四百六十七兩六錢六

分

津貼留英學生學費英金一千一百七十磅三先令合

中國銀元一千四百四十一元六角共合京平足銀

二萬三千三百八十一兩六錢五分六釐

津貼留美學生學費美金三千一百三十元英金十三

磅八先令七本土中國銀元二千九百元三角共合
京平足銀七千七百三十七兩四分六釐

津貼留日學生學費日幣三千一十元合京平足銀二
千七百九兩七錢四分三釐

津貼留學日本鐵道生學費連滙水京平足銀三千七
十五兩八分

上海實業學堂經費規元二萬五千六百五十兩庫平
足銀六千兩洋三萬六千一百元共合京平足銀五
萬七千六十八兩三錢九分

鐵路管理傳習所自宣統元年八月開辦至十二月經
費共銀二萬六千七百四十六兩八錢六分三釐

以上常支京平足銀二十二萬三千八百六十六兩

一錢七分八釐

活支項下

一川粵漢籌辦處辦事人員津貼自宣統元年十月至十二月共銀二千九百一十七兩五分一釐

一建造傳習房屋工程等項用銀一萬六千二百一十八兩五錢五分四釐

內添建大門講堂學舍七十三間工作銀九千八百七十

四兩九錢九分五釐

木料磚石等銀一千三百八十五兩八錢六分三釐

白灰銀二千二百四兩二錢六分二釐

蘇刀鐵釘等銀一千四百五十五兩二錢九分四釐

玻璃油飾等銀九百三十四兩六分四釐

監工員役薪水火食銀三百六十四兩七分六釐

一捐助大清銀行學堂開辦經費銀二千二百兩正

一捐助協和醫學堂開辦經費銀一千兩正

一出差各員川資津貼等項共銀一萬七千六百四兩一錢

六分三釐

內派員查勘延長石油礦川資津貼月薪銀六千七百七

十兩三錢九分

派員往東西洋調查郵電津貼川資銀三千兩

派員赴奉天天津上海廣東漢口等處查件津貼川資

銀三千六百七十四兩三錢三分

派員往日本考察路政川資銀九百二十兩四錢八分

派員赴吉長會議川費銀四百十四兩九錢五分八釐

津貼駐比參贊調查四政費法金三千六百佛郎合京平足銀一千一百五十六兩二錢一分五釐

津貼洋員赴美調查工程英金二百磅合京平足銀一千六百六十七兩七錢九分

以上活支共京平足銀三萬九千九百三十九兩七錢六分八釐

又附片奏銷派員勘路查款津貼川資共用銀三萬二千七百十六兩四錢六分三釐

實在

存京平足銀八萬七千二百九十三兩一分五釐九毫

臚陳第四屆憲政籌備成績摺

奏爲遵章臚陳本部第四屆籌備成績恭摺仰祈聖鑒事竊查憲政編查館奏定考核章程內開九年籌備事宜責成內外臣工每屆六個月將籌備成績臚列奏聞並咨館查核等因所有臣部九年籌備事宜暨第二第三兩屆籌備成績迭經奏咨在案茲值第四屆奏報之期自應遵章臚陳以符憲典伏惟臣部所轄四大政除郵政暨理船廳尙未移交外其餘船郵成績業經上屆陸續陳明茲請就路電二門分爲補救擴充兩端縷晰陳之路政自前年贖回京漢以後所有大賠款擔保款項一事臣部飭鐵路局長迭與比公司爭辯未決經外務部與駐京比使公斷始將憑函作廢本年業經奏明完結正太舊因窄軌之故以致稅繁貨紕歲受鉅虧經部飭令路員製用活軸貨車俾得轉運煤斤於京漢旋復裁

撤本路華洋員役巴黎公司之工程參贊等員計歲省銀元三萬一千七百餘元並省法幣十五萬四千七百佛郎兼令該路將月解公費銀二千五百兩亦折半解部以資表率總期厲節流於開源之內俾獲日起有功而汴洛之洛河橋墩亦於六月間趨築葺役其吉長軌綫與南滿軌綫交接之法業與議訂聯絡營業章程其大要則西起吉長之伊通河東起南滿之頭道溝別築一聯絡之綫劃定區域以便裝卸客貨所有兩站界內建築之費彼此分任而吉長於該綫則獨任其修養而專有其管理之權權利挽回頗非淺鮮至電政如贛浙福韶韶廣及鄂境老河口豫境鄭州之大修各役均分途趕辦而英人在上海所設滙中旅館之無綫電電報亦次第收回此臣部籌備成績之在補救者也查全國官建各路其現在興築者曰張綏曰廣九曰吉長曰津浦曰開海清徐

開海早經分道測量大概情形上屆曾預爲陳奏張綏自張家口至柴溝堡六站之內橋墩涵洞先後竣工近且接展而前冀達天鎮廣九則購地局所已撤第一段通車約六十里之譜第二段大橋三座築墩早畢第三段路基一律告成吉長則全路土工除橋洞外完者居十之八現准督辦津浦大臣咨稱該路北段從天津抵濟南軌木土方將次蒞事其餘五段亦經逐段興工南段自浦口至於臨淮料車早已暢駛自臨淮至於固鎮路基亦既築完而固鎮宿遷縣各段之間或初施鋪軌之功或甫竣購地之役現正兼程趕造期速觀成等語而其電綫之展設者除奉吉經部咨行各該省辦理外於河南則有武安之綫於安徽則有六安之綫於福建則有汀漳之綫於江西則有吳城廣信之綫於山西則有歸化包頭之綫於皖蘇間則有鳳陽徐州之綫於廣東則有潮州

嘉應之綫更由嘉應分綫並出東京小河口以達於平遠西經官塘以達於興甯而川藏二千數百里間自察木多以東起巴塘業經興修自察木多以西訖江孜正資籌辦此臣部籌備成績之在擴充者也總之郵傳四政義主交通其用財皆殫產營業之基視尋常銷耗爲有別其立法兼強國富民之計較他項運輸爲不同臣等先後設施雖緩急或因時爲變通而宗旨所歸究無逾此所有遵章臚陳本部第四屆成績各緣由除分咨外謹恭摺具陳伏乞皇上聖鑒謹奏

豫陳次年籌備實情摺

奏爲遵章豫陳次年籌備實情恭摺仰祈聖鑒事竊准憲政編查館咨開續奏籌備摺內稱各部院籌備事宜實爲行政準的擬請每年冬間由該管衙門按本年原奏清單將擬定次年實行辦法光期切實奏明但使所籌克赴準的縱與原章略有出入不妨聲明請旨等語臣部所擬九年籌備清單暨第二第三第四各屆籌備成績迭經奏咨在案茲將擬定次年籌備實行辦法謹遵章一陳之查臣部四政以鐵路爲最繁重已成之路惟京漢京奉具有東南兩幹之宏規所收利益亦厚滬甯汴洛正太尙未聯合成幹而粵漢爲南幹之要樞急宜興築臣等正在詳細籌商期歸妥慎至廣九首段運輸業已通行預計明年春夏之交當與英人軌綫相接川漢自宜昌啓築而後其土工已抵獅子口吉長則吉林

卡倫一段近始通車而長春鋪軌之工明春亦能蒞役津浦則北段之濟南河橋挖築伊始南段浦口臨淮關等處料車亦已開行該路合同訂明宣統四年告成現准該督辦大臣咨稱兩段路工明冬即可銜接此外西行兩綫以款項論則正太所借法款計本金酬費共四千零十萬佛郎按照合同從今年起可以提前全數還清一俟籌有端倪當即奏明辦理以工程論則張綏之軌已達天鎮現正飭令該總辦等督同在工員役接築而西其腹地各綫開海方資籌款洛潼甫報興工其餘陝西之西潼山西之同蒲均應如期督催以符原案此臣部實行籌備路政之辦法也其電政一門現擬試辦電氣製造工廠暨沿海無綫電報業飭局員妥議而所有之綫桿應行修理者計山東河南江蘇安徽湖北四川六省境內共五十二處其應增設者於山東則擬自青口展至膠州

於陝西則擬自西安展至漢中於河南則擬自南陽展至汝州於
江西則擬自吉安展至萍鄉於四川則擬自流井展至瀘州於湖
北則擬自白洋展至宜都於湖南則擬自洪江展至永州更擬自
張家口展至大同以聯直晉自周家口展至亳州以聯豫皖自壽
州展至徐州以聯皖蘇自松江展至嘉興以聯蘇浙自廣信展至
浦城以聯贛閩其餘應展應接之處尙須隨時增設此臣部實行
籌備電政之辦法也郵政自上屆遵照憲政編查館續奏責成臣
部事宜清單籌辦以後本年九月間復經部按照行政綱目奏擬
分年辦法已迭與稅務處商議定期接收其郵便儲金一門上屆
經奏明分咨出使大臣揀派學生赴奧練習現又派員往日本調
查方法以期早日開辦驛站一門現正與陸軍部籌商歸併其如
何裁驛增郵及如何郵電合一之處俟歸併後即當次第設施船

政如公司註冊給照章程早經舉辦而檢查船舶考核船員一切規則亦擬逐漸編訂仍應於應修航律內規定劃一俾臻完全其理船廳暨民船各項事宜既經行政綱目定入臣部職掌之中正擬遵於稅務處農工商部將權限制清以圖共濟一面提倡郵船會社冀得漸收海權並擬於上海實業學堂中之船科切實擴充俾就近於吳淞歷練沙綫風濤以收實用此臣部實行籌備船郵二政之辦法也惟源與流之開節不能當則何以驗將盈補絀之功國與民之隔闕不能通則何以收以速補遲之效此臣等所昕夕焦慮者也所有違章預陳次年籌備實情各緣由除分咨查核外謹恭摺具陳伏乞皇上聖鑒訓示謹奏

宣統二年十二月

日

交通銀行擬照銀行通例派員查帳摺

奏爲交通銀行關係重要擬照銀行通例派員查帳以防流弊而重財政恭摺仰祈聖鑒事竊查臣部奏設交通銀行官股商股先後奏定一千萬兩已收五百萬兩試辦已及三年詳閱章程第二十條總理協理均聽郵傳部堂官命令第二十二條另由部派出總稽查一員隨時赴行專司稽查之任此員與總理協理均有稽查該行之責如前往各該行時應將帳目現銀及貿易情形呈出核算第三十六條郵傳部既認二萬股即爲最大股東可以選派總理協理由股東公舉董事四人爲稽核總管理處事務之員各等語是總理協理均由部選派雖屬營業性質部中擔負甚重歐洲美日均以銀行成敗與國家財政之得失商務實業之盛衰相爲倚伏而防弊之法尤以查帳一事爲最關要鍵如查帳之人切

實可靠該銀行平日之報告單表自不敢稍有含糊向章六個月即須派人赴總行分行按法調查一無錯訛方能簽據呈覆故各國銀行商務無不鄭重查帳另有專門之學中國本無銀行而錢莊帳目雖亦有月結除西幫票號之外查帳均屬虛文即如近年倒帳愈出愈奇官民均受重累商務因之蕭索外交亦多一藐視臣愚以爲欲重財政必興實業欲興實業必重銀行而銀行尤必以查帳爲急務交通銀行照章程商股有稽核四人內有二人應歸臣部所派光緒三十一年十一月曾奏派左參議蔡乃煌爲總稽核三十四年一月改派右丞那晉並派梁士詒兼充宣統二年三月又札派外務部右丞曹汝霖皆無實在查帳之事各國銀行通例查帳員必係每年公舉且須分赴各分行實行細查現在外務部侍郎曹汝霖內閣學士那晉既係大員兼有要差而交通分

行在外省者有十餘處斷難前往梁士詒今又開去差使所有宣統二年該銀行結帳據報頗有盈餘自應派員查帳以徵實在除商股稽查應由各商股東會議公舉外臣部應派查帳員嗣後擬照各國銀行規則每年一舉本年即由臣等趕緊遴選嚴明廉介熟諳商務者馳往總分各行查帳如部中無此人才不得不部外選擇臣部既擔此重責一經查明倘有弊病自當分別重輕據實奏辦若果實有成效亦當擇尤保獎目下國家財政之艱窘亟欲挽回則商務實業之振興庶有希望銀行實爲一大樞紐所擬改派查帳人員以昭慎重之處理合據實陳明是否有當伏乞皇上聖鑒訓示謹奏

宣統三年正月二十七日具奏欽奉諭旨郵傳部奏交通銀行關係重要擬派員查帳以防流弊一摺知道了欽此

進呈第二次交通統計表摺

奏爲編訂臣部第二次交通統計表并各政紀要辦理完竣謹分繕十冊進呈御覽恭摺仰祈聖鑒事光緒三十三年內閣奉上諭朕欽奉懿旨本日憲政編查館奏請飭各省設立調查局各部院設立統計處由該管堂官派定專員照該館所定表式詳細臚列按期咨報以備刊成統計年鑑之用等因欽此當即奏設統計處遴派專員辦理於上年五月將第一次統計表暨各政沿革概略分繕六冊進呈并隨摺聲叙即行廣續籌辦第二次統計奉旨憲政編查館知道表冊并發欽此欽遵各在案伏惟統計之設原就已往成績以作後來考鏡之資辦理統計貴在循序求精以收逐漸改良之效臣部所主各政端緒繁緒款目糾紛營業之消息盈虛工程之遲速緩急凡茲交通所繫既月異而歲不同則統計成

編似宜由簡而求其密臣等竊本斯意隨時督率該處總辦林炳章暨各課員悉心鉤稽縱橫貫串編駁必期翔實採輯尤冀精詳計第二次成表共五百三十有七中屬總務之表凡十船政之表凡九十二路政之表凡二百零一電政之表凡二百郵政之表凡三十四比較前次約增三分之一蓋第一次統計於各表之外附以沿革意在使閱者洞曉源流便於參攷今茲之接續編訂並將四政重大之端輯爲紀要弁於卷首使表所難盡者有紀要以相發明紀要所不詳者有表以資考核庶幾溯委窮源推行有準藉以仰副聖主注重交通之至意除將第二次交通統計表暨各政紀要印發有關交通各局所及京外各衙門并督飭該處司員將第三次統計認真廣續辦理外理合繕具黃冊進呈御覽所有編訂臣部第二次統計表暨各政紀要緣由恭摺具陳伏乞皇上聖

鑒謹奏

宣統三年二月十七日具奏欽奉諭旨郵傳部奏編訂第二次交通統計表並各政紀要分繕表冊呈覽一摺著憲政編查館知道表冊併發欽此

臚陳第五屆憲政籌備成績摺

奏爲遵章臚陳本部第五屆籌備成績恭摺仰祈聖鑒事竊查憲政編查館奏定考核章程內開九年籌備事宜責成內外臣工每屆六個月將籌備成績臚列奏聞並咨館查核等因所有臣部九年籌備事宜暨歷屆成績迭經奏咨在案茲值第五屆奏報之期自應遵章臚陳以符憲政伏維臣部所轄路電較繁而路政一門尤以測勘建築二者爲先務其測勘者曰滇桂曰滇緬曰滇蜀該綫於西南邊防關係緊要業經臣等揀派熟悉工程之員前往履勘一面由部與雲貴督臣廣西撫臣往返電商俟有端倪再當另案辦理其建築者一日吉長一日張綏一日廣九一日津浦吉長自上年冬間卡倫通車後旋即敷軌至土們嶺運料業已暢行總計長春段早經竣工吉林段因鼠疫停工現於三月初一日開工

已催令迅速蒞事張綬自興築以來其張口天鎮之間所有橋梁涵洞車站房屋月台岔道各工已成者約十分之七而敷軌已抵於柴溝堡去冬因詹天佑前赴川粵款亦不敷暫行停工現已籌款另調工程司再行續籌開辦廣九則首段二十九英里業經售票計全路土方橋梁各役一律完工枕木石渣工亦屆半津浦則准該督辦大臣咨稱北段自津站與京奉銜接以後津德行車進款日見增多其德州濟南間早已通車雖於黃河岸旁預備渡船以資接濟而所有橋台橋墩各事現正趕緊施工渡河而南至於泰安亦經售票開車南段自濰州以南敷軌已抵臨淮關蚌埠橋工挖築過半固鎮宿州之軌料車亦已通行至路律中之車務公司兩編及部定車務章程所有草案甫經告成仍當另案分別奏明以符原案此臣部籌備路政之情形也電政一門亦以展設條

理分爲兩類其展設者於河南則由許州達潁潁於山東則由城陽達即墨於安徽則由蕪湖達屯溪於湖南貴州之間則由晃州達銅仁其修理者在直隸則有京師至張家口之綫有天津至大沽郎房馬廠之綫在徽則有正陽關至壽州之綫在川則有瀘州至叙州之綫在粵則有石龍至沙面之綫在贛則有梅嶺至驛南之綫而粵贛復有韶州至梅嶺之綫在齊豫則有濟甯至開封之綫在閩浙則有紹興至延平之綫在湘鄂則有永州至武昌之綫綜計全數更達七千里有奇此臣部籌備電政之情形也至船郵二政因理船廳及郵政局尙未移交無從恢擴然船政於船務之如何設備船員之如何考驗早經飭司擬章試辦現已粗有規模郵政因郵電合一起見亦已派員出洋考察郵便儲金各法以期逐漸實行此臣部籌備船郵兩政之情形也以上各節或以前功

未竟正待經營或以政策所關諸須規畫此尤臣等所爲所夕焦
思不敢不勉竭愚忱者也所有遵章臚陳臣部第五屆籌備成績
緣由除分咨外謹恭摺具陳伏乞皇上聖鑒謹奏

宣統三年三月初八日具奏欽奉諭旨郵傳部奏遵章臚陳本部
第五屆籌備成績一摺着憲政編查館知道欽此

改派交通銀行總理幫理片

再據臣部右丞兼充交通銀行總理李經楚呈稱曩承先業股開義善源銀號營業多年現因市面緊急亟須清理惟該號分設多處擬即自行前去盤查懇准借假一箇月等情當經批准並飭將經手未完事件責成清理在案查交通銀行總管理處自調度各分行之責事繁任重一時慎選頗難其人現當開會之期清理舊賬整頓新章均關重要所有總理一差未便久懸應請將李經楚開去銀行總理差使查有山西候補道周克昌前在奉天辦理官銀號著有成效且曾充交通銀行協理熟悉商務擬派令先行接管該銀行總理事務如果試辦有效再行奏明充補協理陸宗輿辦理尙屬妥協仍當飭令和衷會辦又交通銀行幫理梁士詒前經奏准開去差使查有奏留奉天候補知府巢鳳岡精核安詳擬

派爲該銀行帮理如蒙俞允再行飭令該員等到差臣等並當隨
時督飭認真整頓以期掃除積弊而固本源所有遵員接辦交通
銀行事務緣由謹附片具陳伏乞聖鑒謹奏
宣統三年三月初八日具奏

奏銷本部宣統二年收支經費款目銀數摺附清單

奏爲報銷臣部宣統二年分收支經費款目銀數謹繕具清單恭摺仰祈聖鑒事竊臣部辦公經費截至宣統元年分止業經臣部將收支款目開單奏銷在案茲謹將宣統二年分管收除在各款截數報銷計舊管不敷京平足銀十萬六千七十兩八錢八分九釐八毫新收各路餘利京平足銀二百四萬八千一百一十八兩二錢四分又臣部所收交通銀行股本息京平足銀二萬三千二百兩八錢六分又臣部所設交通官報收回報費京平足銀九百二兩五錢五分二釐內除開支堂司各官公費津貼及火食各項雜費常支共用京平足銀四十六萬三千二百七十一兩二錢五分八釐其臣部恭派隨往東陵西陵行禮人員用費並添蓋房屋置買器具及出差津貼等項作爲活支共用京平足銀八萬四千

五百一十八兩八錢八分三釐又付交通銀行股本庫平足銀一百二十五萬兩合京平足銀一百三十三萬九百三十七兩五錢計實在存京平足銀八萬七千四百二十三兩一錢一釐二毫歸入下屆報銷案內接算綜計常支活支各項均係必需要款經臣部督飭撙節動支並遵照度支部奏定清理財政章程將用過銀數款項按季咨送度支部存案所有臣部宣統二年分收支款目銀數謹繕具清摺恭呈御覽應請照案免其造冊報銷除咨度支部外理合恭摺具陳伏乞皇上聖鑒謹奏

謹將臣部經費自宣統二年正月日起至十二月止續提鐵路
餘利收支總數繕具簡明清單恭呈御覽

計開

舊管

上屆不敷京平足銀十萬七千七十兩八錢八分九釐八毫

新收

餘利項下

一收京漢鐵路餘利公估平足銀四十五萬六千九百兩合

京平足銀四十六萬九千五百七十八兩六錢一分

一收京奉鐵路餘利行平化寶銀一百二十八萬五千一百

兩合京平足銀一百三十一萬一千三百五十二兩一錢

一分

一收鐵路總局提撥庫平足銀二十五萬兩合京平足銀二十六萬六千一百八十七兩五錢

共收餘利京平足銀二百四萬八千一百一十八兩二錢四分

生息項下

一收臣部交通銀行官股息庫平足銀二萬一千七百九十兩合京平足銀二萬三千二百兩八錢六分

報費項下

一收臣部交通官報報費京平足銀九百二兩五錢三分二釐

以上三項共收京平足銀二百七萬二千二百二十一兩六錢三分二釐

開除

常支項下

一堂司公費共用京平足銀二十七萬六千八百十七兩五分五釐

內尙書左右侍郎公費京平足銀二萬五千九百九十九兩九錢七分二釐

承參公費京平足銀一萬七千八百六十六兩九分一釐
承參上行走公費京平足銀三萬六千六百七十三兩三錢三分二釐

司員公費京平足銀十九萬六千二百七十七兩六錢六分

一編訂四政草律及辦理統計各員公費共用銀三萬三千

五百八十三兩六錢三分一釐

內修訂四政律起草參訂各員公費京平足銀二萬七千四百五兩五錢一分九釐

統計處各員公費京平足銀六千一百七十八兩一錢一分二釐

一錄事薪水京平足銀三萬三千一百五十四兩五分二釐
一武弁馬差餉乾茶役工食共用京平足銀六千二百七兩八錢二分八釐

內武弁馬差餉乾京平足銀一千二百五十八兩五錢七分二釐

茶役工食京平足銀四千九百四十九兩二錢五分六釐
一火食共用京平足銀二萬五千三百九十四兩六錢一釐

內堂司火食京平足銀一萬五千三百十九兩九錢一分
五釐

錄事火食京平足銀五千四百四十二兩九錢二分三釐

中下飯京平足銀四千六百三十一兩七錢六分三釐

一茶水油燭煤炭等項共用京平足銀二千五百二十六兩

九錢一釐

內茶水京平足銀九百二十七兩二錢九分九釐

電燈油燭京平足銀七百八十二兩九錢四分二釐

煤炭京平足銀八百十六兩六錢六分

一筆墨印色紙張檔冊告示共用京平足銀三千七百七兩

七錢三分九釐

內筆墨印色京平足銀五百三十九兩一錢三分四釐

紙張京平足銀二千五百五十六兩八錢二分五釐

檔冊京平足銀三百二十八兩五錢

告示京平足銀八十三兩二錢三分

一圖書通譯局共用京平足銀五萬七千五百五十八兩八錢七分三釐

內添購書籍京平足銀三千四百九十八兩二錢二分二釐

譯書費京平足銀五千八百七兩三錢六分八釐

圖書局各員京平足銀四萬八千二百五十三兩二錢八分三釐

一刷印用京平足銀四千八百六十三兩二錢

內添購鉛字及刷印書籍章程京平足銀三千五百十一

兩四錢四分九釐

印刷生工食京平足銀一千三百五十一兩七錢五分一

釐

一發行交通官報用京平足銀五千六百九十兩八錢九分

一雜項共用京平足銀三千七百六十六兩四錢八分八釐

內中外各種報紙京平足銀三百九十一兩一錢一分一

釐

發遞各省公文郵費京平足銀四百七十八兩七錢五分

一釐

捐助各處鐵路公會法金一千五百伏郎合京平足銀四

百七十三兩七錢二分四釐

法國醫院藥費京平足銀九百四十五兩四錢二分

雜用及購買零物京平足銀一千四百七十七兩四錢八分二釐

一捐助首善工藝廠常年經費京平足銀一萬兩

以上常支京平足銀四十六萬三千二百七十一兩二錢五分八釐

活支項下

一添置器具共用京平足銀六千三百三十二兩九錢五分二釐

內會議廳鋪設地毯及配置陳設器具大小桌椅等一百二十四件京平足銀三千九百九十七兩一錢七分二釐
書櫃鐵櫃書架公事桌椅等共三百件京平足銀一千四百九十三兩九錢二分四釐

帳棚門帘風扇竹簾等京平足銀二百七十七兩三錢六分六釐

地毯地氈毡墊及各項零件京平足銀二百四十六兩二錢五分

洋爐烟筒等京平足銀二百七十七兩八錢三分

關防鈐記獎章京平足銀四十兩四錢一分

一值日公所夫役工食節賞京平足銀五百六十一兩七錢

一添建署內房屋及改造舊房并零星工程工料共京平足

銀一萬六千三百三十九兩二錢七分九釐

內會議廳一座工料京平足銀五千八十三兩八錢二分一釐

庫房一座工料京平足銀二千五百八十二兩

裝修新建房屋工料京平足銀一千一百九兩八錢三分
改造舊房四十七間工作京平足銀一千七十二兩五錢
九分

安設電燈材料京平足銀一千六百八十一兩九錢九分
安設煖汽爐工料京平足銀一千兩

修理道路水溝及支搭涼棚修改門窗等工京平足銀二
千三百十八兩八錢一分五釐

白灰磚瓦葦箔洋釘玻璃等料京平足銀九百七十一兩
一錢三分五釐

監工員役薪工飯食京平足銀五百十九兩九分八釐

一建造原估印刷處工程除宣統元年已付一萬應付銀一
萬八千兩又裝修銀三千兩共京平足銀二萬一千兩

一出差各員川資津貼等項共京平足銀三萬八千八百二十九兩三錢三分

內派員勘廣西路費用京平足銀一萬三十二兩五錢三分

派員赴廣東勘路查件費用京平足銀八千二百三十四兩三錢三分一釐

派員赴綏遠查勘河道航綫費用京平足銀二千九百七十七兩七錢八分九釐

派員查勘膠沂路綫費用京平足銀一千八百兩八錢二分五釐

派員調查京漢京奉事宜費用京平足銀一千三百八十三兩二錢

派員赴川粵漢鐵路查件費用京平足銀一千九百五十八兩四錢九分五釐

派員赴奉天會議費用京平足銀六百五十七兩一錢八分

派員赴黃河錢江各處查勘橋工費用京平足銀三百七十五兩三錢四分二釐

派員赴南洋勸業會費用京平足銀四百五十四兩五錢七分八釐

派員赴上海漢口天津磁州等處查件費用京平足銀二千四百八十二兩八錢七分

津貼出差各員薪水京平足銀四千二百二十兩

津貼駐比參贊調查四政費法金一萬三千六百四佛郎

100-4 60P 352

合京平足銀四千三百十二兩一錢九分

一東陵西陵行禮臣部左右丞司員川資飯食雜用等共用

京平足銀一千四百五十五兩六錢二分二釐

以上活支共京平足銀八萬四千五百十八兩八錢八分

三釐

又付交通銀行股本庫平足銀一百二十五萬兩合京平

足銀一百三十三萬九百三十七兩五錢

實在

存京平足銀八萬七千四百二十三兩一錢一釐二毫

總務 奏銷本部宣統二年收支經費款目銀數清單七九十二

奏銷本部宣統二年鐵路辦公經費收支款目銀數摺

奏爲報銷臣部宣統二年鐵路辦公經費項下收支款目銀數繕具清單恭摺仰祈聖鑒事竊臣部附設鐵路總局奏明將臣部所管借款各路向有呈繳督辦大臣辦公經費仍照前解交臣部以爲開支該局經費所有餘款留作興學之用歷經臣部將光緒三十三年正月起至宣統元年十二月止按年開列收支款目清單逐屆報銷在案茲謹將宣統二年分管收除在各款截數報銷計舊管存京平足銀八萬七千二百九十三兩一分五釐九毫新收各路解到辦公經費及留學費共京平足銀二十六萬八千二百二十八兩九錢二分二釐內除開支鐵路總局華洋員薪水京平足銀八萬六千七百一兩三錢二分六釐津貼留學各國學費並往返川資京平足銀九萬三千一百二十九兩四分六釐上海實

業學堂經費京平足銀十萬三千六十二兩六錢七分臣部交通傳習所經費京平足銀六萬七千七百八十兩七錢五分五釐川粵漢鐵路籌辦處辦事人員津貼京平足銀一萬八千八百八十九兩七錢二分三釐以上全年開支共用京平足銀三十六萬九千五百六十三兩五錢二分計不敷京平足銀一萬四千四十一兩五錢八分二釐一毫歸入下屆報銷案內接算其用過銀兩均遵照度支部清理財政章程分季按款開列咨送度支部存案所有宣統二年收支款目銀數謹繕具清單恭呈御覽應請照案免造清冊報銷除咨度支部外理合恭摺具陳伏乞皇上聖鑒再此項公費原係解交臣部存儲是以上年試辦宣統三年預算時業將此項收支款目併入臣部行政經費歲出入門類開列擬從宣統三年起即統歸臣部行政經費項下一併開單不再分案奏銷

1427 601 3321A

合并陳明謹奏

宣統三年四月初八日具奏奉旨知道了欽此

謹將臣部宣統二年各路解到公費及支給各款銀數繕具
簡明清單恭呈御覽

計開

舊管

上屆存京平足銀八萬七千二百九十三兩一分五釐九毫
新收

公費項下

一收京漢鐵路自宣統元年十二月起至宣統二年十二月
止解到公費銀元七萬二千八百元合京平足銀五萬一
千八百六十七兩二錢

一收京奉鐵路自宣統二年正月起至十二月止解到公費
京平足銀四萬八千兩

一收滬甯鐵路自宣統元年十一月起至宣統二年十一月止解到公費銀元七萬七十元合京平足銀五萬四百七兩二錢八分

一收正太鐵路自宣統二年正月日起至十一月止解到公費規元銀一萬三千七百五十兩合京平足銀一萬三千二百六十二兩五錢

一收廣九鐵路自宣統元年十二月起至宣統二年十月止解到公費庫平足銀二萬二千兩合京平足銀二萬三千四百二十四兩四錢五分六釐

一收汴洛鐵路自宣統二年正月日起至十二月止解到公費洋例銀二千兩銀元二萬八千元合京平足銀二萬二千四兩

一收道清鐵路自宣統二年四月起至十二月止解到公費
公砵平足銀六千七百六十八兩合京平足銀六千九百
五十五兩八錢

學費項下

一收京漢鐵路解到留歐美學費公砵平足銀三萬兩合京
平足銀三萬八百三十二兩四錢八分

一收京奉鐵路解到留歐美學費行平化實銀一萬五千兩
合京平足銀一萬五千二百九十二兩九錢一分

一收正太鐵路解到留比學費公砵平足銀二千二百兩合
京平足銀二千二百六十一兩四分六釐

一收汴洛鐵路解到留比學費洋例銀五百六十二兩公砵
平足銀一千六百五十兩合京平足銀二千二百五十九

兩二錢五分

一收山東巡撫解到津貼交通傳習所山東官派生學費銀元二千三百五十元合京平足銀一千六百六十二兩以上兩項共收京平足銀二十六萬八千二百二十八兩九錢二分二釐

開除

一鐵路總局華洋員津貼全年共用京平足銀八萬六千七百一兩三錢二分六釐

一教育共用京平足銀二十六萬三千九百七十二兩四錢七分一釐

內津貼留比學生學費法金四萬六千三百二十佛郎合京平足銀一萬四千九百八十四兩三分

津貼留英學生學費英金二千三百六十二磅八先令
十便士合京平足銀二萬一千三百九十二兩五錢四
分七釐

津貼留奧學生學費奧金八萬六千四百古倫合京平
足銀三萬九千二百八十三兩四錢四分

津貼留美學生學費美金五千一百六十金元合京平
足銀七千四十八兩三錢九分

津貼留德學生學費德金一萬一千馬克合京平足銀
三千八百四十三兩四錢一分

津貼留日學生學費日金九百一元七角六分合京平
足銀七百五十五兩一錢五分六釐

津貼留俄學生學費俄金二千四百三十盧布合京平

足銀二千五十三兩六錢四分七釐

津貼留學往返川費京平足銀三千七百六十八兩四錢二分六釐

上海實業學堂經費京平足銀十萬三千六十二兩六錢七分

交通傳習所經費京平足銀六萬七千七百八十兩七錢五分五釐

一川粵漢籌辦處辦事人員津貼京平足銀一萬八千八百八十九兩七錢二分三釐

以上共支京平足銀三十六萬九千五百六十三兩五錢二分

實在

不敷京平足銀一萬四千四十一兩五錢八分二釐一毫

叙明四政經費不敷應行追認摺

奏爲臣部四政經費不敷應行追認遵旨先行叙明理由恭摺仰
祈聖鑒事查上年十二月資政院試辦宣統三年總預算案經院
議決會同內閣會議政務處具奏奉上諭如確係浮濫之款即應
極力削減若寔有窒礙難行之處准由京外各衙門將實用不敷
各款繕具詳細表冊叙明確當理由逕行具奏候旨辦理欽此旋
於本年正月十五二十四等日迭奉諭旨遇有特別重要事件籌
有的款方准再議追加各等因欽此欽遵由度支部先後咨抄到
部查資政院原奏清單內開郵傳部所管船路郵電概係營業性
質自應適用特別會計此次核減之數除該署行政經費應照預
算案開支外其餘營業局所之收支應由該部速訂所管各政特
別會計法據以編製特別會計簿冊如於本年預算修止數目寔

有支用不敷之處即可適用此項法律仍於決算年度將詳細簿冊咨送本院追認等語又查本年正月間度支部奏定預算章程業將船路電郵四政經費定在特別預算暫行簡章之內是臣部四政應歸特別會計早爲度支部資政院所公認惟上年臣部試辦本年預算法案在特別預算簡章未定以前彼時並無成例可循故暫將出入款目概照普通預算辦理然營業與行政性質迥殊其資本之縮伸收支之盈虧皆隨時自爲消息是以各國辦法亦與普通預算不同且臣部諸事須待振興凡劃一軌制接收郵政規畫船務以及路郵等局修築設備各要端俱非鉅款不辦臣等再三籌度與其囿於普通預算但爲削足適履之謀不若援照特別章程尙合開源裕國之意其臣部行政經費經極力削減業已毫無浮濫茲特遵查度支部資政院奏定各章謹將四政經費應

行追認各理由先行具奏叙明以昭慎重除詳細表冊應俟決算
年度再行分別奏咨外所有違旨叙明四政經費不敷應行追認
情形理合先行恭摺具陳伏乞皇上聖鑒訓示謹奏

宣統三年六月 日具奏

臚陳本部第六屆籌備成績摺

奏爲遵章臚陳第六屆籌備成績恭摺仰祈聖鑒事竊查前憲政編查館奏定考核章程內開九年籌備事宜責成內外臣工每屆六個月將籌備成績臚列奏聞等因所有郵傳部前五屆籌備事宜迭經奏咨在案茲值第六屆奏報之期自應遵章臚陳以符名實查郵傳部所轄四政路電兩政較繁其路政現辦之工程曰津浦曰張綏曰吉長計津浦北段自上年車通泰安後南至兗州約一百六十里於本年六月告竣津兗業已開車售票其涵洞橋梁黃河以北陸續完竣汴河大汶河兩橋均於六月修竣南段自上年車通臨淮關後南至徐州一段於六月畢工淮河橋於四月落成綜計北段計長一千二百五十四里南段計長七百零八里均於十月初九日接軌通車張綏係由京張展築前奏派總會辦詹

天佑等一手經理去冬詹天佑以粵漢鐵路公司舉充總理赴粵時當凍沍不易施工暫時停輟嗣以該路關係西北交通必須專員督促於本年春間派員駐辦據報第一段工程車通至天鎮鋪道種樹約計完成十分之八吉長軌道由長春鋪至驛馬河計程百二十里業已開車售票其餘山洞橋梁工程現已趕辦此外甫成者如廣九則全路告成與九龍英路接通八月十三日開車售票汴洛則洛河橋竣工通車已成者如正太自本年三月起輸運漸旺道清自附近各處出煤日盛輸運亦有起色兩路原備車輛不敷均經添購此路政成績大略也電政自上年十二月初二日奏請接收各省官電違於本年正月初一日統歸部辦又裁撤江南廣東天津山東四川五省官電局歸併部局以節糜費其綫路之展設者計沙洋至德安三百五十八里即墨至萊陽百六十七

里浦城至廣信百二十四里興甯至老龍圩百七十六里平遠至
贛州五百七十二里北京改良電話業於上年工竣本年一律通
話此電政成績大略也郵政則於本年五月初一日由稅務處移
交接收驛站於七月初一日亦由陸軍部移交接管其規定各省
總分局設立處所業已酌量釐定札飭總局通行遵照此外應行
籌議以及郵政如何擴充驛站能否裁併均俟辦有端倪再行另
案奏報惟郵政經費原恃六關協款因每年解不足額曾經郵傳
部奏請將原認數目撥給奉旨交度支部稅務大臣議奏旋准議
覆仍照遞年實解數目籌解以資接濟等語至驛站經費上年資
政院全數議裁現已咨商度支部暫照陸軍部成案辦理業經奏
奉諭旨通咨各省是驛站尚未議裁經費即不能作他用而郵政
經費能否增益尙無把握船政則審定商辦輪船招商局股分有

限公司章程業於本年七月二十三日奏准辦理釐定商船公會章程已由郵傳部會同農工商部咨交內閣法制院審查俟核定後即行入奏其各省大小輪船由郵傳部駐册給照計公司現共三百九十三號輪船現共五百七十七艘此又郵船兩政成績大略也至若行政以法律爲歸儲才以學校爲本修律一事前經奏請責成總纂候補參議陳毅經理現正一律趕修其驗收軌制章程業於閏六月十二日會同內閣具奏奉旨依議郵律甫經脫稿航電二律亦經起草路律一門原奏分爲五編除第四廠務編第五工程編發交各路簽注現正修訂外其第一職司編第二公司編第三車務編以及附屬路律之公司編施行條例鐵路犯罪條例鐵路徵地通行條例車務章程暨車務章程施行細則共計草案八種均經咨送內閣法制院審查其關於學務者交通傳習所

鐵路郵政簡易班畢業生共二百餘人分派官辦路郵電各局實習上海高等實業學堂電機專科畢業生九人已派赴美國電工廠實習其唐山路礦學堂鐵路高等甲班畢業二十餘人亦擬續派前往吳淞商船學校現已開工建築本年下學期已經招考學生一百名暫借上海高等實業學堂開班授課以上數端俱爲郵傳部要政所關自當殫竭愚誠督促進行以副朝廷綜核名實之至意所有遵章臚陳第六屆籌備情形緣由謹恭摺具陳伏乞皇上聖鑒謹奏

The image shows a large rectangular table with a thick black border. The interior of the table is divided into approximately 12 vertical columns by thin black lines. The columns are empty. On the right side of the table, there is a small, dark, rectangular tab or protrusion. At the bottom center of the table, the number '1446' is printed in a bold, black font.

1446

船政 宣統元年正月起宣統三年十二月止

接收招商局日期摺

陳明輪船招商局歷年官督商辦情形摺

謹擬各省大小輪船公司駐册給照章程摺附單

恭報輪船招商局宣統元年分營業盈虧情形摺

籌辦商船學校情形摺

上海實業學堂購置地畝需用銀兩片

恭報輪船招商局宣統二年分營業盈虧情形摺

審定商辦輪船招商局股分有限公司章程摺附單

接收招商局日期摺

奏爲恭報接收輪船招商局日期恭摺具陳仰祈聖鑒事竊臣部於本年三月十五日准軍機處片交欽奉諭旨嗣後招商局著歸郵傳部管轄以符名實等因欽此當經臣部恭錄諭旨咨行北洋大臣並札飭招商總局欽遵辦理在案旋因日久未准咨復移交復經臣部迭次咨催茲於六月二十八日准北洋大臣將該局案卷移送到部並據咨稱庚子以前舊存案卷因遭兵燹蕩然無存所有二十七年以後來往案牘冊籍等件計共文卷六宗月報冊七十六本年終冊十四本帳略八本移交前來臣部當即妥飭司員逐件點收數目相合嗣後該局一切事宜自應欽遵諭旨逕由臣部直接管轄並將應行整頓擴充各事隨時認真辦理以期維持航業融洽商情除咨復北洋大臣外所有接收輪船招商局日

期緣由理合恭摺具陳伏乞皇上聖鑒謹奏

本亦	李鴻	昭核	交通	日期	恭錄	核覆	四項	奉諭	具陳	奏爲	
----	----	----	----	----	----	----	----	----	----	----	--

開商股難集暫借官帑補助責令繳交利息按年還本所有盈虧全歸商認與官無涉迄今本銀早已還清純爲商股並無官款在內是以該局雖向係北洋監督而於一切進款每年除提餘利二成作爲商家報效北洋經費及上海實業學堂經費外餘或歸該局公積或作商家利金其歷年收支數目僅按月造具清冊年終刊刻總結帳略除頒示股東外一面呈報北洋大臣覆核並不奏銷此歷年該局官督商辦情形也現在該局既歸臣部管轄所有各事自應欽遵諭旨酌量變通以求至當款項出入尤係商本攸關雖其中並無官款原可勿庸奏銷然既名爲官督則非妥籌綜理之方亦難曲盡保護之責臣等公同商酌擬由臣部造具月報格式頒發總分各局飭將每月各局存本進款開支結綵四項詳分子目造具清冊先由各埠分局具報上海招商總局再由總局

按月按年彙總呈報臣部由臣部詳加考核每屆年終謹將該局盈虧情形奏報一次並咨報度支部農工商部備查如蒙俞允即由臣部札飭招商總局遵照辦理至各股東應享利益應仍照章辦理以期保固商本擴充航權前由該商等稟請設立董事會條具章程業經臣部酌核批示試辦其餘關係船政一切規則向未完備容臣等體查情形隨時編輯再行奏明辦理所有奏明招商局歷辦情形並酌擬查核帳目辦法各緣由是否有當理合恭摺具陳伏乞皇上聖鑒訓示謹奏

宣統元年十二月十三日具奏

謹擬各省大小輪船公司註冊給照章程摺

奏爲謹擬各省大小輪船公司註冊給照章程以資遵守而重交通恭摺仰祈聖鑒事竊維航業一端所以振興商務利便交通尤於主權上有極大關係自輪船招商局設立以來人人皆知航行之利各省商民聞風興起創辦輪船公司所在多有惟各省疆域闕隔情形不同故商船辦法亦因之互異且往往逕自開行並不稟呈到部似此散無友紀既未能聯絡商情力任保護之責更恐紛歧膠轕影響及於主權臣部總司航政責任攸關自非籌定劃一之方不足以憑稽核而資整頓當經臣等公同商酌督飭司員擬定大小輪船公司註冊給照章程二十條凡各省大小輪船公司之創立必呈由臣部核定章程准其立案註冊後各該公司赴部先領執照然後持照自赴各海關呈驗由關發給船牌照章完

納船鈔其從前各省業經設立之大小輪船公司均應補領以歸一律隨由臣部分別咨札先行試辦在案現在已逾三月各省輪船公司呈請領照頗形踴躍是商民既稱利便而航政亦有初基臣等惟當勉力圖維以副朝廷振興航業鞏固利權之至意理合將籌定輪船公司註冊給照章程繕具清單恭呈御覽即由臣部分別通行欽遵辦理所有擬定輪船公司註冊給照章程緣由恭摺具陳伏乞皇上聖鑒謹奏

宣統二年三月二十八日具奏

140-4 60P 352/18

謹將擬定各省大小輪船公司註冊給照章程繕具清單恭

呈御覽

第一條 本章程專為中國各省大小輪船公司註冊給照之規則名曰大小輪船公司註冊給照章程

第二條 各省大小輪船公司無論合資公司合資有限公司股分有限公司均應先將創立情形妥擬辦法稟由該管海關道或商務總會及商船公會詳報本部經本部核定後准予註冊發給執照其在本章程未頒布以前業經設立之公司應一律補報註冊領照關於前項舊設之公司當補報註冊領照時仍准一面行輪毋庸停輪候照以免延擱

第三條 凡公司經本部註冊給照後本部始認該公司成

立

第四條 凡公司領取執照得享受本部保護之利益

第五條 各公司創立時應行妥擬辦法稟報本部之事項

如左

一公司名稱及種類

二公司合同

三公司一切詳細章程

四行輪一切詳細章程

輪船名額
水尺
船名
尺寸
機器
成本
隻數
方長
噸廣
數尺
容寸
客吃

客位或租或購或借及各項貨
運費或辦法價目均包括在內

五公司總號設立地方如有分號一併列入

六股分有限公司股分無有限公司之股票式樣

七碼頭起訖處所及經過處所並繪圖列說

八航綫圖說

九開辦之年月日及營業期限之年月日或無期限

十資本之總數若干每股銀數若干每股已繳銀若干及

分期繳納之數

十一創辦人每人所認股數

十二創辦人及經理人之銜名籍貫住址

第六條 執照上所記載之事項如左

一公司名稱及種類

二公司總號及分號設立地方

三輪船隻數及名稱

四航綫

五碼頭起訖處所及經過處所

六註冊之年月日

七開辦之年月日及營業期限之年月日或無期限

八資本之總額及每股之銀數

九創辦人及經理人之銜名籍貫住址

第七條 各公司領得本部執照後將該執照持赴各海關
驗明方准領取船牌完納船鈔各海關驗無此項執照或
驗有不符概不給發船牌收納船鈔此外關於理船廳一
切章程仍照舊辦理

新設之公司如船已購成急待行駛深恐靜候部照曠延
時日可呈請該管關道將公司及輪船名稱先行電達本
部由部存案電復准予該關給發暫行船牌該公司隨即
按照第五條內開各項報部領照呈關驗明換取永遠船

牌倘所報事項經部駁斥不准應由關將已發船牌調銷
第八條 本部一面發給執照一面將第五條各種事項札
行該關道以期接洽

第九條 各海關驗明執照應於該執照上蓋用某海關於
某年月日驗訖字樣報部存查

第十條 凡公司已有由本部註冊給照在先者其在後創
立之公司不得沿用在先公司之名稱及襲用在先公司
相類之名稱

第十一條 各公司將來推廣航綫增設碼頭添置輪船及
更換經理人須呈明本部換給執照

第十二條 各公司將來如有轉讓轉售轉租或併合於他
公司等事須呈明本部換給執照

第十三條 關於前兩條情事如與創立時之辦法有更改者應詳細妥擬呈部候核

第十四條 凡公司停閉即將該執照呈部註銷

第十五條 此項執照由該公司到部領取或稟由該管海關道及商務總會商船公會詳報具領

第十六條 凡在本章程未頒布以前業經設立之公司補行呈報者得適用本章程之規定

第十七條 一人獨出資本創立或官辦及官商合辦之航業得適用本章程之規定惟一人獨出資本者其稟報本部之事項可刪去每股銀數一款

第十八條 本部註冊給照現在不收費用以資提倡

第十九條 本章程專係註冊給照辦法其一切普通辦法

均應遵照欽定大清商律稟部辦理

第二十條 本章程如有未盡事宜應由本部體察情形隨時奏請更改頒布奉行

恭報輪船招商局宣統元年分營業盈虧情形摺

奏爲恭報輪船招商局宣統元年分營業盈虧情形繕摺具陳仰祈聖鑒事案查宣統元年十二月十三日臣部奏陳輪船招商局歷年官督商辦情形並酌擬查核帳目辦法摺內聲明該局出入欸目由臣部詳加考核每屆年終將營業盈虧情形奏報一次並咨明度支部農工商部等因奉旨知道了欽此欽遵在案茲據輪船招商總局申稱宣統元年分所有各輪船棧房收支款項現經核明總結繕具清冊二本呈請查核等情前來臣部查該局清冊內開宣統元年自正月起至十二月底止連閏計十三個月爲該局第三十六屆總結結得本屆各輪船水腳共收規銀二百六十三萬八千七百十六兩五錢三分二釐又收三公司公攤水腳攤進規銀八萬八千五百七十二兩九錢五分除支各船保險規銀

二十七萬九千八百五十七兩五錢各船關費規銀九萬一千八百九兩五錢各船修理規銀十二萬六千一百八十五兩一錢九分六釐各船用煤規銀七十九萬八千一百九十一兩五錢六分各船薪工規銀六十七萬三千九百八十九兩三錢八分四釐各船用物規銀十一萬九千六百二十五兩二分八釐各船各力規銀三十二萬五千二百九十七兩一錢七分七釐各船碼頭雜用減脚船租等項規銀十七萬五千二百六兩四錢五分二釐外計餘規銀十三萬七千一百二十七兩六錢八分五釐又各棧房產業等利共收規銀六十六萬五百九十三兩六錢九分一釐除支運漕結虧規銀七萬三千八百八十八兩八錢六分七釐各產地租地捐規銀九萬五千二百八十五兩六錢五分七釐各項修理規銀五萬一千六百七十三兩一錢六分七釐各項繳費規銀二

十四萬五千五百二十二兩七錢五釐捐助農工商部經費規銀
五千四百六十七兩三錢五分計餘規銀十八萬八千七百五十
五兩九錢四分五釐統共淨餘毛利規銀三十二萬五千八百八
十三兩六錢三分除按照向章股本官利一分支規銀四十萬兩
外計虧規銀七萬四千一百十六兩三錢七分又報効上海實業
學堂經費規銀二萬兩統共淨計結虧規銀九萬四千一百十六
兩三錢七分此項結虧之款暫由自保船險及船棧折舊項下分
別提支均經遵照商律先由查賬董事詳細查核並刊刻帳略分
布各股商存查隨即彙報到部臣等覆核無異自應遵照前案據
實奏陳除咨明度支部農工商部備查外所有奏報輪船招商局
宣統元年分營業盈虧情形緣由謹恭摺具陳伏乞皇上聖鑒謹
奏

宣統二年六月初十日具奏

籌辦商船學校情形摺

奏爲設立商船學校謹將籌辦大概情形恭摺具陳仰祈聖鑒事
竊維商務振興必藉航業航業發達端賴人材通商以來洋舶輻
輳內河外海門戶洞開我國地居大陸不習海事雖有輪船招商
局僅通域內未涉重瀛管駕各員且皆借材異地三年蓄艾今爲
要圖臣部管理全國航業責無旁貸故於歷屆籌備憲政摺內兢
兢以建設商船學校爲船員之需意實在此正擬相度地勢刻日
經營旋准臣部上海高等實業學堂監督前農工商部左侍郎唐
文治咨稱翰林院修撰張謇願將上海吳淞口漁業公司地基所
領官款六萬元呈送臣部辦理商船學校復准籌辦海軍大臣咨
稱浙紳李厚佑報効甯波益智中學堂一所奏明預備臣部商船
學校之用先後咨交前來當即派員前往吳淞甯波兩處履勘地

址籌議辦法據稱吳淞江面寬闊各國商船絡繹往來地居南北之中交通至便毗連滄河局船澳建築船棧爲天然適當之區甯波益智中學堂左帶甬江海舶時至校舍崇闕占地爽塏甬民習於水性招生尤爲合宜兩地均堪備用等情臣公同商酌竊以中國幅員廣大海岸延長果能於吳淞甯波同時並舉規模愈遠成材愈多洵爲盛事惟商船學理深遠程度極高一且兩校兼營不獨財力維艱且恐教習學生均難應選不若併力先辦吳淞一處較易觀成查臣部上海高等實業學堂於路電兩科外已設立高等船政專科惟人數不多擬即就此擴充添招學生名數以爲商船學校之基礎一面在吳淞建築校舍俟工竣後將學生移入該校並歸上海高等實業學堂監督管理以期接洽而昭簡易其甯波益智學堂所有房屋地基均應作爲船校產業將來或改爲商

船中學當視日後之款項人材以爲進退此時暫從緩辦至學科辦法前經咨商出使大臣調查各國船校現辦章程以資仿效並查考留學商船之學生預備任使現已陸續咨復到部應即斟酌損益輪派委員辦理務求至當計開辦時建築房屋購買輪船帆船書籍彝器以資練習用費尤鉅原估開辦經費二十萬兩常年經費十三萬兩業於上年冊報資政院查核在案惟目下情形臣部財力甚形拮据而開辦尤難遲緩不得不先籌一半即行試擬暫定開辦經費十萬兩常年經費六萬兩將來籌有的款再行隨時設法擴充辦理除俟漁業公司交到官款六萬元撥充開辦經費外其餘擬均在臣部經費項下撙節動支恭候命下臣部欽遵辦理所有擬設商船學校大概情形緣由謹恭摺具陳伏乞皇上聖鑒訓示謹奏

宣統三年三月十八日具奏欽奉諭旨郵傳部奏擬設商船學校
大概情形一摺著依議欽此

上海實業學堂購置地畝需用銀兩片

再准上海實業學堂監督前農工商部左侍郎臣唐文治咨稱現在本學堂舊有生徒七百餘名校舍業經額滿即通學生於附近房屋亦租賃無遺今年招考商船學校學生及本學堂新班至少亦有二百數十名恐難位置查本校對面有通合公司產業計絲廠一所又毗連民屋九十餘間計地十三畝有奇情願出售索值四萬餘兩請加撥應用等語查該堂在上海徐家匯地本偏僻賃屋甚難通學生負笈遠遊諸多不便此處房屋地段既與該堂相近若經外人購去且恐轉轉易滋於管理學生尤多妨礙不如自購爲學堂公產現在船校招生既有居處之地將來移入新校亦可騰出此項房屋租與外來之通學生既得租金且便管理實爲兩益已由臣部照准撥給事關款項理合附片陳明伏乞聖鑒謹

奏

宣統三年三月十八日具奏欽奉諭旨郵傳部片奏通合公司產業購爲學堂公產等語知道了欽此

恭報輪船招商局宣統二年分營業盈虧情形摺

奏爲恭報輪船招商局宣統二年分營業盈虧情形繕摺具陳仰祈聖鑒事竊查宣統元年十二月十三日臣部奏陳輪船招商局歷年官督商辦情形並酌擬查核帳目辦法摺內聲明該局出入款目由臣部詳加考核每屆年終將營業盈虧情形奏報一次並咨明度支部農工商部等因嗣臣部於宣統二年六月初十日將輪船招商局宣統元年分第三十六屆收支款目恭摺奏陳奉旨知道了欽此欽遵在案茲據輪船招商局申稱自宣統二年正月一起至十二月底止爲該局第三十七屆結帳所有輪船棧房出入款項繕具清單呈請查核等情前來臣部查清冊內開本屆各輪船水脚共收規銀二百十九萬五千三兩四錢七分四釐又收三公司攤水脚攤進規銀八萬五千七百六十八兩三錢二分除支

各船保險規銀二十二萬七千十五兩八錢各船關費規銀七萬八千七百八十一兩四錢二分二釐各船修理規銀十二萬一千八百六十一兩九錢一分五釐各船用煤規銀七十一萬四千七百四兩八錢二分各船薪工規銀六十四萬七百八十一兩四錢一分九釐各船用物規銀十二萬六千七百四十四兩四錢九分五釐各船各方規銀二十五萬六千二百九十七兩九錢八分九釐碼頭雜用減脚等項規銀十三萬八千二百七兩一分五釐外計虧規銀二萬三千六百十九兩八分一釐又各棧房產業等利共收規銀四十七萬二千七百八十七兩七錢四分五釐除支清運結虧規銀二萬三千一百三兩五錢六分一釐各項修理規銀五萬九千三十一兩三錢四分六釐各項繳費規銀二十三萬三千七百二十五兩一錢五分四釐各地租捐規銀八萬一千八百六

十五兩三錢八釐外計餘規銀七萬五千六十二兩三錢七分六釐又除船繳項下結虧規銀二萬三千六百十九兩八分一釐淨餘毛利規銀五萬一千四百四十三兩二錢九分五釐除支本屆官利餘利規銀六十萬兩外淨計不敷規銀五十四萬八千五百五十六兩七錢五釐此項不敷之數在於上冊備添船棧存款項下開支規銀四十萬兩自保船險項下撥墊規銀十四萬八千五百五十六兩七錢五釐均經核明結總刊刻帳略宣告各股商隨即彙報到部臣等督飭司員詳加核覆總散數目均屬相符自應遵照舊案據實奏陳惟是比年以來各國航業競爭劇烈通商各埠紛紛倒帳以致該局生意有減無增所報歷屆虧短自係寔在情形應由臣部嚴飭該局以守爲戰力籌整頓仰副朝廷振興航政之至意除咨明度支部農工商部備案外所有奏報輪船招商

局宣統二年分營業盈虧情形緣由謹循案恭摺具陳伏乞皇上
聖鑒謹奏

宣統三年六月十二日具奏奉旨知道了欽此

審定商辦輪船招商局股分有限公司章程摺

奏爲審定商辦輪船招商局股分有限公司章程並改良辦法繕單具陳仰祈聖鑒事竊臣部前於宣統元年十二月業將輪船招商局歷年官督商辦情形並擬查核帳目辦法以及批准該商等稟請設董事會各等情據寔奏陳奉旨知道了欽此當經恭錄硃批札飭該局遵照在案茲據該商等呈稱招商局自隸部後仍遵北洋歷年官督商辦成規本無流弊惟是年來各國航業競爭劇烈土貨壅滯商輪各艘以及棧房碼頭收數均絀亟應設法整頓以圖補救補救之義不外開源節流節流以裁冗員爲先開源以開航路爲本此外如特別輸送亦須預訂專章遴派員董尤宜畫分權限商等知無不議議無不行所有此次修改章程並瀝陳航業困難情形理應呈請核准並奏明立案以垂永久等因前來臣

部查該商局開辦以來將及四十年從前客貨暢旺商業熾盛有
益無虧近年各國航業互相角逐有加無已是以該局商務漸形
剝落自係寔在情形此次所陳各辦法以及重加修改之章程臣
等再三往復詳加酌核厘定似已周妥應由臣部准其施行理合
將該局寔在情形具摺陳明並所修改章程繕具清單恭呈御覽
伏候命下即由臣等札飭該局永遠遵守所有臣部審定商辦輪
船招商局股分有限公司章程繕單呈覽緣由恭摺具陳伏乞皇
上聖鑒訓示謹奏

宣統三年七月二十三日具奏

謹將商辦輪船招商局股分有限公司章程繕單恭呈御覽

計開

第一節 本局完全商股已奉農工商部註冊給照悉按商律股分有限公司辦理

第二節 本局沿襲北洋官督成案實行公司商辦主義改隸郵傳部後稟奉允准設立董事會一切悉遵商律

第三節 循照舊章員歸部派祇任監察董歸商舉責在辦事事關重大悉經董事會公議後行所舉辦事董暨各局分董應由董事會繕給委任書至更舉爲止

第四節 部派之員嗣後以二人爲限一人專司監察一人兼辦漕務

第五節 現行口岸外或添船派往日本新加坡呂宋西貢

南洋羣島攬載客貨或由本國商埠駛至未開商場之口岸輸運土貨船名噸位行程次數均先期報部立案

第六節 商律七十五條公司股本及公司各項銀兩係專做創辦合同內所載之事不得移作他用本局各項產業悉係商人股本將來開闢航路添建碼頭貨棧隨時請部咨行督撫飭屬一併保護其或有售變買換等事由董事會議定後必須稟部核准方能辦理

第七節 本局嗣後添製新輪照章赴部領照到關請發船牌拆卸舊輪隨時繳銷牌照

第八節 每屆漕米運竣所有省分漕額船名次數請部咨行倉場衙門查核

第九節 奉調專輪輸送軍隊轉運振糧所有水脚費用臨

時特別議給以兩無虧損爲主如奉調輸運軍火不能保險應將裝運之船購造價值報部立案由部咨明海陸軍部設有失事應即賠償船本以保商業

第十節 遇有戰事海陸軍若須調用本局輪船作爲運船應由海陸軍部咨請郵傳部商由本局參照外國章程另訂專章通行辦理

第十一節 本局股東所執股分共四萬股每股規銀一百兩合計股分總額規銀四百萬兩

第十二節 董事會成立後執票股商應報明本人名籍住址備開會時投票選舉設換新股票酌收相當費用此項股票仍不得售與非中國人

第十三節 商律四十八條舉行尋常會議時公司董事應

對衆股東宣讀年報並由衆股東查閱帳目如無異言即列冊作准決定分派利息並公舉次年董事本局應恪遵辦理

第十四節 遇有緊要事件董事會可隨時招集衆股東舉行特別會議按照商律四十九條辦理

第十五節 有股本全數十分之一之股東有事欲會議者照商律可知照董事會招集衆股東舉行特別會議惟須檢驗票摺查與所報名籍住址一一相符方可開會

第十六節 本局每屆公舉董事九人查帳員二人以符商律單數之例

第十七節 限有本局股分五十股以上並用本人姓名者方有被選董事及查帳員之資格

第十八節 本局董事及查帳員一概不取薪俸僅取極廉之夫馬費以盡義務

第十九節 照商律董事會爲綱領局內應辦應商事件悉衆承於董事會凡本公司遇有重大事件必須董事會決議准辦方可施行而該董事會員亦應遵照章程認真籌度毋得互相推諉

第二十節 董事任期一年期滿即退如衆股東以爲勝任可於會議時公舉續任

第二十一節 所舉董事或不能滿任或自行告退以本屆選舉票次多數挨次推充下屆股東會另再公舉

第二十二節 董事辦事不妥或不孚衆望股東可於會議時決議開除照商律七十二條辦理

第二十三節 董事未經衆股東允許不得做與公司相同之貿易

第二十四節 商舉辦事董如不勝任及有舞弊等情其由部派之監察員發覺者可據實稟揭到部並知照董事會另舉其由董事會發覺者可登報布告衆股東另行公舉一面會同監察員報部至部派監察員如不勝任及舞弊者董事會亦可具文請部另行札派概以查取事實証據爲憑

第二十五節 董事會可責令辦事董改良辦事規則刪除浮費剔退營私舞弊及徇情濫充之員辦司事

第二十六節 查帳員可隨時至公司查閱帳目及一切簿冊辦事董不能阻止如有不正當之支銷報告董事會公

同詰問甚至追賠

第二十七節 各分局辦事分董招攬不及額董事會可核減其包費甚或開除另派

第二十八節 董事會議每星期一次股東尋常會議每年一次凡股東會議在結帳發息之前一月登報酌定議決權數凡一股至十股每股一權十一股以上至一百股每五股加一權一百零一股以上至五百股每十股加一權五百零一股以上至無限數每二十股加一權

第二十九節 本局應遵照宣統元年十二月郵傳部奏案將各局所有存本進款開支結綵四項詳分子目造具清冊按年彙總報部存核並由部中每年奏報盈虧情形一次

第三十節 凡章程未經規定者悉遵欽定商律辦理

郵傳部奏議分類續編目錄

路政宣統元年正月起宣統元年十二月止

接收萍潭鐵路檔案圖契摺

覈覆京漢鐵路動用借款報銷摺

遵議西北鐵路條陳摺

擬派郎中顏德慶先赴川路開工片

勘查四川川漢路綫股資大概情形摺

查明湖北川漢鐵路資本情形片

恭備大差路局開支經費擬請作正開銷片

三十四年分各路盈虧表片

彙奏三十二年止三十四年止鐵路經收撥用各款摺

覆陳勘查西潼鐵路路綫股資大概情形摺

新易鐵路或歸京漢鐵路管轄片

核覆萍潭鐵路收支各款報銷摺

酌擬南滿州鐵路與京奉鐵路接聯營業辦法摺

籌擬洛潼西潼辦法片

派員測勘開徐海清路線摺

江西鐵路協理照章公舉派充摺

覆陳勘查江西安徽鐵路路線股資大概情形摺

議覆運煤減價辦法摺

各處煤斤稅釐請飭沿路各督撫分別切實裁減片

山西同蒲鐵路公司購用材料請援案免稅摺

陝西設立鐵路公司選舉總理分別准駁摺

覆陳勘查洛潼鐵路路線股資大概情形摺

100-4 60P 355頁

驗收京門枝路工程情形摺

會覈正太鐵路收支各款報銷摺

會覈汴洛鐵路收支各款報銷摺

接管京漢鐵路整頓情形暨籌擬擴充改良各辦法摺

整頓京奉鐵路劃分權限疏濬利源摺

匪徒竊毀鐵路要件請明定治罪專條及承緝處分摺

擬飭各鐵路察看情形統籌添設巡警並劃一名目片

覆陳勘查山西同蒲鐵路路綫股資情形摺

遵擬陸海軍鐵路運輸詳細章程摺

議覆籌修錦齊鐵路摺

展築張綏鐵路籌定辦法摺

擬訂吉長新奉鐵路借款細目合同摺

派員查勘廣西鐵路摺

勘驗京張路工片

改派盧祖華充京奉鐵路洋務總辦片

派陸緒聲充京奉鐵路總辦楊士驥回部片

收還英商扣留路款贖回南票辦鑛合同情形摺

華商擬辦蒙古汽車未便議准摺

驗收京張鐵路工程摺

酌保京張路工出力人員摺

擬定如期歸還度支部贖路借款備撥充海軍經費摺

派吉長鐵路總辦并刊給關防片

特參鐵路貪劣職員摺

接辦粵漢鐵路鄂境川漢鐵路事宜摺

請賞給洋員濮蘭德寶星摺

吉長鐵路派總會辦片

吉長鐵路開工日期片

恭備陵差開支款項撥案核銷摺

湖北賑糶米捐備還粵漢贖路本息暨充鐵路經費摺

附奏擬隨時親詣各路查看片

查明津浦南段總辦舞弊營私各款據實復陳摺

請給獎牌以勵勤能摺

查辦粵路弊混摺

汴洛鐵路裁併司員更定職掌摺

吉長張綏兩路擬請撥案免稅片

核覆京奉鐵路第四案收支各款摺

議覆陝西延長油礦修築運路摺

粵漢鐵路俟派員查復妥定章程併案復奏片

核覆黑龍江鐵路交涉局用款片

接收萍潭鐵路檔卷圖契摺

奏爲接收萍潭鐵路檔卷圖契恭摺仰祈聖鑒事竊查萍潭鐵路
原用官款修築經臣部與前督辦鐵路大臣盛宣懷商妥改歸臣
部管轄以符定制於光緒三十四年三月奏明并聲明俟盛宣懷
文卷移交到部再行具奏等因奉旨依議欽此在案茲准盛宣懷
將初次築造萍鄉鐵路卷一宗接通醴陵軌道卷一宗續展至湘
潭縣洙州卷一宗承運萍煤物料會訂購價合同卷一宗與萍鄉
煤礦互租地畝卷一宗自開辦起至三十四年三月底止萍醴醴
洙收支報冊七本又萍鄉安源至宋家坊止地契一百六十六張
宋家坊至醴陵陽三石止地契萍界七百四十八張醴界二千五
百五十七張潭界八百九十三張并各副契領狀總分地圖分別
咨送前來均經臣等督率司員照數點收逐一編輯以備查核至

該路收支報冊截至光緒三十二年底止業經臣部會同度支部
奏明核銷有案其三十二年正月日起至三十四年三月止收支報
冊亦經盛宣懷咨報到部一俟核明再行會奏所有接收萍潭鐵
路檔卷圖契緣由謹恭摺具陳伏乞皇上聖鑒謹奏
宣統元年正月二十七日具奏奉旨知道了欽此

覈覆京漢鐵路動用借款報銷摺

奏爲覈覆京漢鐵路動用借款報銷繕具清單恭摺會陳仰祈聖鑒事。前准軍機處抄交卸辦鐵路大臣盛宣懷奏京漢鐵路全路動用比款收支表冊造銷完竣一摺。單一分光緒三十二年十月二十三日奉硃批該部知道單併發欽此。嗣准農工商部將該大臣造送華洋表冊移交郵傳部前來。臣等當即督飭司員詳細鈎稽查京漢全路正軌山道共長二千五百餘里。除廬保一段純用部款業於光緒二十八年七月二十六日經外務部會同戶部奏准覈銷外。其自保定起至漢口止。概係借用比款營造。七、八年動支數千萬。其間帳目雖悉以法金爲本位。然在華提款均按照本價兌換銀兩。而各省平色又復不同。華帳洋帳錯綜參伍。頭緒至爲紛繁。三十一年四月。商部遵旨派員會查路礦款項。案內會將

該路截至光緒二十九年十一月十三日止大概情形查明開單
覆奏在案此次報銷自應將遺送光緒二十四年起至三十一年
止華洋表冊逐一覈校再以商部已經查明原單互相參考綜其
用款約分三類借款賠款暨比京公司帳項下純用法金上海道
勝銀行出入項下純用規銀南北路工程項下純用洋例銀而均
以洋例銀覈結計此案收入借款賠款回息行車餘利等項共合
洋例銀五千二百八十一萬八千八百九十六兩六錢六分支出
歷年就本付息及全路工程行車經費等項共合洋例銀五千二
百十三萬零八百十二兩零二分均經以散覈總并以法金規銀
統覈洋例銀就帳論帳尙屬相符擬准開銷收支兩抵應結存洋
例銀六十八萬八千零八十四兩六錢四分此外尙有小借款法
金十二兆五十萬佛郎克據原奏稱交卸時尙未動用等語此項

結存銀兩并小借款佛郎克均應統歸前接辦鐵路大臣唐紹怡接案造報以重鉅款所有臣等駁覆京漢鐵路動用借款報銷緣由理合開具簡明清單恭摺會陳伏乞皇上聖鑒再此摺係郵傳部主稿會同度支部辦理因款關華洋各帳節節調查是以覆奏稍遲又郵傳部右侍郎盛宣懷係原辦大臣并未到任例應迴避不列後銜合併聲明謹奏

宣統元年正月二十七日奉旨知道了欽此

謹將核覆京漢鐵路自光緒二十四年七月十三日起至三十一年十一月全路告成日止收支各款繕具簡明清單恭呈御覽

計開

舊管無項

新收項下

一據原奏單開收比國公司借款按照合同第一款英金四百五十萬鎊合法金一萬一千二百五十萬佛郎克九扣實計一萬一百二十五萬佛郎克又收比法政府勻撥庚子年大賠款預墊法金四千九百七萬六千九百九十一佛郎克四十五生丁又借款未動用以前暫存比法銀行算回短息法金四百四萬五千九百九十五佛郎克九十四生丁以上三項共法金一萬五千四百三十七萬二千九百八十七佛郎克三十九生丁按照華洋員呈送總核算處及比公司道勝銀行原冊核作洋例銀四千六百五十四萬一千四百四十二兩四錢等語

查該路借款賠款及比公司經理之款均按法金計算據抄

送借款賠款帳目內開明借款法金一萬一百二十五萬佛郎克均撥賠款法金四千九百七萬六千九百九十一佛郎克四十五生丁四次小借款法金二千二百三十九萬七千六百四十一佛郎克五十二生丁各項回息法金三百九十九萬九千五百九十一佛郎克八十四生丁共法金一萬七千六百七十二萬四千二百二十四佛郎克八十一生丁又比公司帳目內開收由借款賠款內提付各款法金五千九百六十一萬九千五百十三佛郎克十九生丁回息并繳還利息法金四萬六千四百四佛郎克十生丁繳回等款四十七萬八千四百七十五佛郎克二十六生丁共法金六千零四萬四千三百九十二佛郎克五十五生丁二共法金二萬三千六百八十六萬八千六百十七佛郎克三十六生丁內

除比公司由借款賠款內提付各款法金五千九百六十一萬九千五百十三佛郎克十九生丁不再列收外實計法金項下共收一萬七千七百二十四萬九千一百四佛郎克十七生丁再除借款賠款帳內四次小借款法金二千二百三十九萬七千六百四十一佛郎克五十二生丁業已提還又比公司帳內繳回等款法金四十七萬八千四百七十五佛郎克二十六生丁與支款對抵均不列收外實計列收法金折合洋例銀前數按照總散表冊及冊開法金折合洋例銀價詳加核對數目相符

一據原奏單開收比政府庚子大賠款在華勻撥規銀五十七萬六千二十九兩九錢八分又收各國聯軍庚子年算還取去料價規銀十萬四千五十七兩二錢五分又收上海道勝

銀行算回短息規銀十九萬九千三百三十五兩六錢四分
以上三項共規銀八十七萬九千四百二十二兩八錢七分
核成洋例銀八十五萬一千三百二十九兩一分等語
查成路由道勝銀行經理之款均按規銀計算據抄送道勝
銀行帳目內開收比京提滙各款法金合規銀一千九百六
十一萬六百三十六兩八錢三分比政府勻撥賠款規銀五
十七萬六千二十九兩九錢八分各銀行回息規銀十九萬
九千三百三十五兩六錢四分聯運轉購料價規銀十萬四
千五十七兩二錢五分漢陽鐵廠繳還比公司代付郭克利
工廠規銀八萬七千四百九十七兩四錢八分車務處來款
規銀四十七萬五千七十五兩繳回等款規銀一萬五千二
百六十七兩二錢三分共規銀二千一百六萬七千八百九

十九兩四錢一分今除比京提滙各款漢陽鐵廠繳還比公司代付郭克利工廠款共規銀一千九百六十九萬八千一百三十四兩三兩一分原係法金折合規銀已於前款法金項下列收又車務處來款規銀四十七萬五千七十五兩併入下款南北路行車進款盈餘項下列收又繳回等款規銀一萬五千二百六十七兩二錢三分與支款對抵不再列收外實計列收規銀折合洋例銀前數按照散總表冊及冊開規銀折合洋例銀價詳加核對數目相符

一據原奏單開收南北路黃河大橋未通以前試辦行車截至光緒三十一年八月止進款盈餘洋例銀四百五十五萬一千四百九十兩二錢三分除購存行車料價外實存洋例銀三百八十八萬三千一百九十二兩二錢七分又收總核算

處洋帳列報雜款洋例銀一百五十四萬二千九百三十二兩九錢八分以上二項共洋例銀五百四十二萬六千一百二十五兩二錢五分等語

查該路工程表册均按洋例銀計算前項南北路行車進款盈餘一款據總册附單內開按照工程帳册列收開車起至西一千九百五年九月止結存各款共洋元合洋例銀四百五十五萬一千四百九十兩二錢三分內除存料價值洋元合洋例銀六十六萬八千二百九十七兩九錢六分淨計結存洋例銀前數又雜款一項據總册附單內開按照工程帳共收洋例銀四千三百五十二萬八千一百十兩九錢八分

之數推算除將應收法金規銀項下約合洋例銀數暨行車進款盈餘合洋例銀數列收外下餘洋例銀數列作雜項收

款各等語查該路工程表冊共收洋例銀四千三百五十二萬八千一百十兩九錢八分今單內新收法金合洋例銀四千六百五十四萬一千四百四十二兩四錢規銀合洋例銀八十五萬一千三百二十九兩一分內開除借款利息看守借票等費並開辦行車經費等項法金合洋例銀九百五十四萬二千三百十九兩五錢二分道勝銀行電費規銀合洋例銀八百九兩三錢八分不入工程帳款計歸還工程帳款洋例銀三千七百八十四萬九千六百四十二兩五錢一分又工程表冊結存洋例銀九十四萬四百二十七兩八錢六分今以外洋借款賠款及比公司帳內結短法金合洋例銀二十八萬二千六十二兩八錢除由道勝銀行結存款內抵還規銀合洋例銀二萬九千七百十九兩五錢八分外尙結

短洋例銀二十五萬二千三百四十三兩二錢二分即於工
程款內抵還不再列收列存計尙應收行車進款盈餘及雜
項收欸兩項洋例銀前數按冊核算數目相符

以上共新收洋例銀五千二百八十一萬八千八百九十
六兩六錢六分以散合總數目均符

開除項下

一據原奏單開支借款利息自第一期起至第十三期止按表
撥付法金二千九百七十九萬六千九百二十九佛郎克四
十七生丁又支借款未售票以前向比法銀行四次暫借短
款並由比公司代墊用款算給利息法金一百五十五萬二
千七百五佛郎克四十生丁又支比公司看守借票等費並
開辦行車費法金七萬九千二百六十三佛郎克三十三生

丁以上三項共法金三千一百四十二萬八千八百九十八
佛郎克二十生丁照原冊核作洋例銀九百五十四萬二千
三百十九兩五錢三分等語查前款內第一期至第十三期
借款利息一項計法金二千九百七十九萬六千九百二十
九佛郎克四十七生丁又四次小借款利息法金一百十萬
四千四百三十七佛郎克三十七生丁比公司代付利息法
金四十四萬八千二百六十八佛郎克三生丁二項共計法
金一百五十五萬二千七百五佛郎克四十生丁又看守借
票等費法金四萬二千一百九十三佛郎克九生丁又四次
小借款折收法金二千二百三十九萬七千六百四十一佛
郎克五十二生丁付還法金二千二百四十萬佛郎克除對
抵外不敷法金二千三百五十八佛郎克四千八生丁又北

路開車經費英金一千三百七十五磅合法金三萬四千七百一十一佛郎克七十六生丁三項共計法金七萬九千二百六十三佛郎克三十三生丁統計法金合洋例銀前數核與抄送外洋借款賠款及比公司帳目並總散表冊數目均符一據原奏單開支南路工程自漢口起至黃河南岸止用款洋例銀二千二百三十七萬八千八百二十七兩三錢五分又支北路工程自保定起至黃河北岸止用款洋例銀一千四百二十二萬一千三百七十兩五錢六分又支黃河大橋及建築河堤工程用款洋例銀二百四十二萬七千十兩三錢六分以上三項共洋例銀三千九百二萬七千二百八兩二錢七分等語查總冊內開南北路黃河工程共支洋例銀四千二百五十八萬七千六百八十三兩一錢二分內除別出

建造枝路修復軌道接造京蘆路工並包工等轉購料價等項洋例銀三百五十六萬四百七十四兩八錢五分另款開列外核計應支洋例銀前數按照總數表冊詳加核對數目相符


一據原奏開支添建保定良鄉臨城各枝路並修復拳變被毀軌道接通京城至蘆溝橋路工用款洋例銀一百九十三萬一千八百二十兩六錢三分又支總核算處洋報列報包工等轉購材料價值各款洋例銀一百六十二萬八千六百五十四兩二錢二分以上二項共洋例銀三百五十六萬四千七百七十四兩八錢五分等語查前項添建枝路修復軌道並包工等轉購料價等項係由南北路黃河工程用款內別出之款按照總數表冊核對數目相符

一據原奏單開支上海道勝銀行電費規銀八百三十六兩九錢核成洋例銀八百九兩三錢八分等語查與抄送道勝銀行帳目相符

以上共開除洋例銀五千二百十三萬八百十二兩二分以散合總數目均符擬准開銷

實在項下

一據原奏單開結存洋例銀六十八萬八千八十四兩六錢四分歸入後帳結算等語查前項結存銀兩按照借款賠款暨比公司道勝銀行各帳目以上工程表冊彙總核結數目相符



The image shows a large, empty table with 10 columns and a header row. The table is oriented vertically on the page. The header row is at the top, and the remaining 9 rows are empty. The table is enclosed in a double-line border. There is a small black mark on the right side of the table, near the top.

遵議西北鐵路條陳摺

奏爲遵議西北鐵路條陳恭摺會奏仰祈聖鑒事光緒三十四年二月十九日軍機處片交陝甘總督升允代奏甯夏府知府趙惟熙請建西北鐵路一摺奉 硃批該部議奏欽此欽遵到部原奏規路綫一節內稱西北鐵路擬請分築幹路兩條一由張家口至庫倫爲東幹一由張家口至綏遠城逾蒙古過涼州出關至伊犁爲西幹幹路既定擬由太原南經澤潞接道清爲一枝由西安東出潼關接汴洛爲一枝西道漢中達成都爲一枝由蘭州北接涼州幹路爲一枝由廸化經天山南路達疏勒府爲一枝等語郵傳部查該知府所擬各項路綫與臣部上年所奏籌畫全國軌綫大致相同惟形勢各有攸宜即措置未容或泥張家口至庫倫一綫最關重要上年臣部議覆庫倫辦事大臣延祉及肅親王善耆籌辦

蒙古鐵路各摺曾奏准俟京張路成展達庫倫至恰克圖並於籌畫全國軌綫摺內聲明幹綫抵張家口即分枝西趨綏遠城該知府所擬張庫一路應即照臣部前奏辦理至西北路綫關係地利國防尤需力圖建設惟須造端腹地漸及邊陲庶經武通商相資爲用該知府所請由張家口至綏遠城逾蒙古過涼州出關至伊犁一節該綫中經荒漠長途曠野防護需兵計不如由中原以達邊要現在擬仍定爲由洛滯西安出蘭州以至伊犁藉收脈絡貫通之效該知府所擬西安接汴洛一綫及蘭州至涼州一綫應即併入辦理其天山南路達疏勒一綫應俟西北路綫築至迪化時再行酌量辦理至由太原南經澤潞接道清一枝南據同蒲鐵路公司呈稱擬由太原築至平遙應俟奏派勘路查款委員稟復再行核辦漢中達成都一枝爲臣部舊所規定均俟西滄川漢告成

時分別籌辦綜計該知府所擬幹綫二條張庫一枝臣部夙已籌定並需展至恰克圖以聯絡西伯利亞鐵路西北一綫現經臣部悉心考察必須由內達外逐節推展方屬切實可行現在洛潼西潼方始籌修此外由西安達蘭涼以出新疆路綫過長需款太鉅興工尙屬有待應由臣部隨時會商各省另行奏明辦理原奏造人才一節內稱擬在天津設一鐵路學堂選直隸晉豫陝甘五省聰穎子弟分肄各科三年卒業資遣游學後分布各路等語郵傳部查近年路政需才非止五省而天津設學實爲良圖現臣部所轄奏定上海實業學堂兼習四政外其官立唐山路礦學堂附近臣署之實業學堂及公立鄭州鐵路學堂仍俟釐定妥章再行分別奏明辦理原奏備物料一節內稱鐵軌枕木仰給外洋漏卮殊甚請在太原建一鐵廠專鑄路軌並飭近路州縣各種榆三萬株

等語郵傳部查近來各路需軌均儘漢陽鐵廠購辦常患不敷誠能建廠太原廣爲鑄造實屬路礦交益榆木宜作枕木上年曾飭官商各路夾道課種以期推廣所議籌建鐵廠飭縣種榆各條農工商部查晉省官紳籌辦保晉礦務公司原擬章程即有俟資本充裕擇地開設鍊廠以宏製造之規現在礦產所出計尙不敷供鍊廠之需各路應需鐵軌仍應先向漢陽鐵廠購辦一面飭令該公司迅即實力擴充開採俟出礦日多或即由該公司設廠鑄造或由公家建廠收鍊屆時再酌覈辦理至各路夾種榆樹以備枕木之需誠足挽利權而塞漏卮原奏所稱不爲無見應由農工商部咨行各該省督撫飭屬課種逐漸推廣以興林業而裨路用原奏籌經費一節內稱各省驛站歲費帑金四百餘萬金自郵政暢行驛站幾成虛設請將此項驛費分作四年次第裁減至第五年

全停支發每年入銀四百萬兩等語度支部查各省驛站錢糧有閏之年共額征銀二百十七萬數千兩無閏之年僅額征銀二百零八萬數千兩每年開支實祇一百七十餘萬兩左右並無四百餘萬金之多所擬分年裁驛之法陸軍部查原奏內稱各省驛站歲需帑四百餘萬金自郵政暢行各署要件多交遞寄驛站幾同虛設請將此項驛費分作四年裁減第五年全停支發等語臣等查驛站之設軍報爲重錢糧馬匹各管官均有責成例章極爲嚴備臣部馬館卽係皇華首驛歷來遞送文件最要者捷報處承辦軍機處交出加封書字等事次爲各衙門咨行外省緊要文報均分別限行馬遞隨時簽發惟尋常文件乃彙交各提塘由鋪遞送此外如各員弁奉差赴防及解送貢物軍裝餉鞘並西北路將軍大臣員弁赴任赴差蒙古喇嘛回子王公等年班入覲差竣回旗

一切遣犯護送等項亦均由驛站照章供應查各每年驛站錢糧原定額編銀三百餘萬兩歷年增減不一現歸臣部歲實銷銀僅一百六七十萬餘兩原奏爲西北邊防起見乃以各省驛費悉數抵充剗肉補創殊屬窒礙難行近年舉行新政文報日繁在京各衙門外行要件仍送由臣部馳遞其交郵局轉寄者尙少郵局按件計值事同商業平時既無考成臨事更難督責驛站專司接遞責無旁貸如遲延沉匿拆動洩露等弊議處議罪載在條例故遇有緩急施以軍令尙可操縱自如刻下郵局章程尙未全備一有遲誤不過罰辦倘遇軍事難以責成且安設處所多在府州各埠驛站路分支幹站有衝僻原自曲折徧通遇軍事緊要並能隨時添設設法馳報查江南等省裁撤提塘鋪改設文報局奉天裁撤驛站改設文報局所均係派員經理奉天仍於偏僻地方兼設馬

撥步撥以補其缺則郵局之難遽責成已可概見憶庚子兵燹日俄交戰其時文報能通者實由各站知有責成遞夫不避艱險設法變章繞越馳遞藉免貽誤現當興練陸軍一切軍需報告尤賴有驛站之存較爲可恃是以臣等於上年四月間奏請仍由臣部經理以一事權奉旨允准在案臣等通盤籌畫懲前毖後各省驛站委難遽議減裁致悞要公仍當隨時查察如有積壓遺失即行電飭查明從嚴參辦以儆玩泄而資整頓所有裁停驛費之處應毋庸議至原奏籌預算設督辦二節應俟各項章程籌定決行後再由郵傳部酌量情形分別辦理所有議覆西北鐵路條陳緣由理合恭摺會陳伏乞皇上聖鑒訓示再此摺係郵傳部主稿會同度支部陸軍部農工商部辦理因往返調查是以復奏稍遲合併聲明謹奏

宣統元年正月二十七日奉旨依議欽此

1880-4 60V 5321R

擬派郎中顏德慶先赴川路開工片

再臣部於光緒三十四年十月初七日准軍機處片交本日奉旨趙爾巽電奏請飭詹天佑趕緊到工或先派副手前往各節著郵傳部酌量派往欽此傳知欽遵前來查詹天佑川路久識聘用因現充京張路局總辦兼總工程司該路甫通車懷來自懷來至張家口一段正在吃緊經營一時自難赴川辦理而四川川漢鐵路亦相需甚殷既奉諭旨著臣部酌量派往當即轉飭詹天佑令其趕緊遴選此項副手嗣據詹天佑稟稱現辦該路八達嶺工程司工科進士候選郎中顏德慶素諳路務可充副手等情臣等覆查無異擬即派該郎中顏德慶充當副手於總工程司詹天佑未到工以前先赴川省商議開工惟查該郎中顏德慶曾經臣部奏派往勘江西安徽鐵路業已起行一俟勘竣即令逕赴川省辦理一

路政 擬派郎中顏德慶先赴川路開工片

切謹附片陳明伏乞聖鑒謹奏

宣統元年二月初八日奉旨知道了欽此

140-4 60P 35上條

勸查四川川漢路綫股資大概情形摺

奏爲覆陳勸查四川川漢路綫股資大概情形恭摺仰祈聖鑒事
竊臣部於光緒三十四年五月二十七日奉上諭鐵路爲交通大
政利商賑災運兵轉餉以及開通風氣振興實業胥賴乎此近來
各省官辦鐵路皆能剋期竣工成效卓著而紳商集股請設各公
司奏辦有年多無起色坐失大利尤礙交通著郵傳部遴選妥員
分往各路確實勸查各路工程應分幾年造竣公司股本能否接
濟一面妥擬辦法嚴定期限倘所集股資不敷尙鉅或各存意見
推諉誤工未能依限完竣即由該部會同該管督撫另籌辦理并
將該省所舉承辦人員差使查照商部歷次奏案分別撤銷等因
欽此當經遵擬勸路查款大概辦法並派分省補用知府李大受
度支部主事王宗元先行查勘四川川漢鐵路股款工程其餘各

路政 勸查四川川漢路綫股資大概情形摺一

十五

路亦經陸續遣員派往分別奏陳各在案茲據前派四川川漢鐵路勘路委員知府李大受查款委員主事王宗元將查明該路路綫股資各節先後稟報前來查四川川漢自宜昌達成都約長二千三百餘里中分宜萬萬重重成三段而工程造端自以宜萬一段爲入手該路綫係由宜昌東門外起西經鎮鏡山沿沙河左岸到馬蘭陂傍溪至黃家場劉家灣此地左山右溪工程稍費由此以達霧渡河雖有溪山中尙平坦霧渡河以上綫路漸高須鑿大小桃子壩三處爲洞始達馬良坪現據該委員稟稱有銀洞溝一山與馬良坪不遠若鑿此山匪特路短工省即三處山洞可以免鑿由馬良坪越板凳壩過賀家台南對河中間須穿兩洞據該委員稟稱板凳壩側有鴛鴦水之對山若開一洞較原綫可近數里由南對河至大峽口達香溪惟大峽口工程稍費餘尙平易由香

溪沿江而上至西渡口須改西北向以避巫峽達梅子壩至三溪河據該委員稟稱若由三溪河北上達大昌河南穿羊耳山至夔府不啻伸長一百餘里且須穿洞五處不如西經官坪山脚穿洞不過五里可達巫山惟峽口左近山路甚險可於黑石峽地方覓開一洞繞峽後順山坡直趨夔府較大昌河可省百里即可省費百餘萬由夔府至萬縣均沿江傍山雖稍有費工之處然平易者多不至大有捍格其由萬縣至成都現時尙無詳細地圖無憑覆勘至於該路股資以租股土藥股鹽茶股爲大宗而官股票股次之綜計歲入之款約銀二百餘萬兩自開辦起至光緒三十四年五月底止除歷年動用外實共存銀八百八十一萬二百餘兩據該委員稟報查覈均屬相符查宜萬路工約計需款三千餘萬兩若以該公司現存銀數論之僅及四分之一然鐵路係營業性質

只患開工無期坐耗資本耳若趕緊興築有此八百餘萬存款先應急需而常年又有租股等項二百餘萬進款以爲涸注陸續建築陸續通車養路之費不患無著該路前此未能動工實因工程無人主持擬難著手現在工程司一節除由臣部酌派副手另片奏明外所有接勘成萬路綫及實在需費若干完竣期限統俟該路總工程司到工與該公司總協理等妥商勘估報部核辦其餘各路均經派員分往查勘一俟報齊再由臣部分別具奏所有查勘四川川漢路綫股資緣由理合恭摺具奏伏乞皇上聖鑒謹奏宣統元年二月初八日奉旨知道了欽此

查明湖北川漢鐵路資本情形片

再查川漢路綫川省認造成都至宜昌其自宜昌至應山縣奏歸鄂省認造即所謂湖北川漢也去年業經臣部奏派候補僉事員外郎曾毓雋等前往該路調查資本在案嗣據該僉事等查明呈覆前來查鄂境川漢鐵路估資約需三千萬兩左右前擬先招股本洋銀二千萬元之數其後所辦彩票及廢票換股計收洋銀五十九萬七千八百餘元又認股共洋銀五萬九千餘元兩統共六十五萬六千九百餘元係該路現有之的款除已開支購地買料等費共洋銀二十一萬六千八百餘元實存四十四萬一百餘元均存放官錢局按年六釐生息其路局費用及學堂經費不動股款由善後局賑糶捐項下動支俟開工後得有餘利再行撥還現已支過銀一萬九千九百餘兩此該路進支各款大概情形也現

在該路業奉諭旨派督辦粵漢鐵路大臣兼辦則一切籌款及勘估路線應由督辦大臣主持辦理所有查明湖北川漢鐵路資本情形謹附片陳明伏乞聖鑒謹奏

再

爲

丈

車

示

宣

后

下

The image shows a large rectangular table with 12 vertical columns. The table is mostly empty, with no text or data inside the cells. At the bottom right corner of the table, there is a small, empty rectangular box. The table is drawn with solid black lines on a white background.

三十四年分各路盈虧表片

再臣部自開辦以來於各路財政盈虧時加考核大抵情形互有不同贏絀即因之各異現除京張廣九汴洛三路尙未完工暫無盈虧可計外其全綫已通車之路京漢京奉則貨源素旺利率尙優惟京奉一路有南滿洲鐵路與之爭衡京漢一路恃正太汴洛道清各路爲之榮注亟應迅籌的款從事擴充此外萍昭爲運煤之路無須付息出入相抵尙有盈餘惟正太滬甯兩路則原估工程之費已屬不敷因不願再借洋債由臣部設法籌補統計歷撥工程車輛等款爲數已多去年全路甫通進款仍不敷付息按照合同均應由臣部籌給道清一路情形亦頗相同推原其故滬甯道清皆與水道並行客貨因分而少而沿途盤捐重疊致阻運輸又爲各路之通病且正太道清全恃轉運礦產因附近新開各礦

出產尙不甚豐致運費亦形減色此各路盈虧之大概情形也臣部職任所關自當隨時籌畫並飭各該路總辦總工程司等設法招徠認真撙節以期補救茲謹將光緒三十四年分各路財政盈虧大概列表恭呈御覽伏乞聖鑒謹奏

宣統元年二月十八日奉旨郵傳部奏各路盈虧大概情形列表呈覽著度支部知道表併發欽此

彙奏三十二年起至三十四年止鐵路項下經收撥用各款摺
奏爲彙陳臣部自光緒三十二年九月起至光緒三十四年底止
鐵路項下經收撥用各款大略恭摺仰祈聖鑒事竊臣部自光緒
三十二年九月奉旨設立經先後接管關內外京張京漢正太汴
洛道清滬甯廣九萍昭九路事宜此九路中除京張萍昭係完全
自辦外餘均借用外款自接管後各路工程漸拓需款日多臣部
詳細通籌各路既已興工自無中止之理然若照原訂合同續借
外款負債既重償息彌多不得已於部有之款及中國營業中竭
力圖維設法挪轉或移緩而就急或挹彼而注茲以爲目前補苴
之計加以收贖京漢需款尤多前經迭次將待用情形及擬撥借
各款奏明請旨辦理各在案計自開部日起至光緒三十四年十
二月三十日止撥用各款共英金三百七十六萬鎊又銀二千九

百六十四萬六千一百餘兩除將所收京奉京漢兩路餘利及暫存生息兩項銀一千一百七十萬零五千餘兩抵付外不敷尙鉅經分別奏准借用度支部暨大清銀行匯豐滙理各銀行款項並隨時由交通銀行暫行挪借以濟急需計截至光緒三十四年年底止統收借款英金三百七十六萬鎊又銀一千八百二十五萬兩零除撥付上項不敷各款外尙存銀三十萬零八千九百餘兩經於宣統元年正二月分陸續撥用容俟另行奏報此臣部鐵路項下經收撥用及籌借各款之情形也查收撥一切臣部祇綜其大綱至於支銷各款詳載各借款公司及各路局細冊應俟造報到日再行核明遵照度支部奏定清理財政章程分別辦理所有臣部收撥借用各款大畧情形理合開具清單恭呈御覽伏乞皇上聖鑒訓示謹奏

宣統元年二月十八日奉諭旨郵傳部奏彙陳光緒三十二年九
月起至三十四年年終鐵路收撥借用各款開單呈覽一摺著度
支部知道單併發欽此

The image shows a large rectangular table with 12 empty columns. The table is defined by a thick black border. On the right side of the table, there is a small black square located approximately halfway down the page. The rest of the table is empty.

--	--	--	--	--	--	--	--	--	--	--	--

謹將光緒三十二年九月二十日起至光緒三十四年十二月三十日止臣部所收借用各款開具清單恭呈御覽

計開

撥付各路項下

一收光緒三十二年八月二十七日奏准暫借戶部銀行滙甯購地款銀八十萬兩

一收光緒三十三年十二月二十四日奏准向戶部銀行暫借備撥各路不敷及借款利息銀一百萬兩

一收光緒三十四年二月初七日奏准向英公司暫借備撥各路待撥要需銀一百萬兩

一收光緒三十四年五月二十九日奏准向匯豐銀行暫借備撥各路待撥要需銀一百萬兩

一收暫借交通銀行存款備撥各路工程利息等項共銀九十五萬零零二十九兩七錢二分

謹按該款係因各路利息工程等款待撥孔殷陸續由交通銀行暫行籌借

收贖京漢鐵路項下

一收光緒三十四年九月初十日十四日兩次奏准向匯豐匯理銀行籌借京漢贖路英金四百萬鎊除扣實收到三百七十六萬鎊

謹按該借款係英金五百萬鎊九四扣實得四百七十萬鎊內除九十四萬鎊臣部於光緒三十四年九月初十日附片奏明備撥擴充交通要政之需照合同應於宣統元年正月十六日方行交付中國其贖路用之三百七十六

萬鎊業照合同於光緒三十四年十二月十七日在英京
交付出使英國大臣李經芳照收

一收光緒三十四年九月十二日奏准向度支部暫借京漢
贖路銀五百萬兩

一收交通銀行代借京漢贖路銀七百五十萬兩

謹按該款因贖路期迫所有擬辦公債適因京津滬漢各
處市面動搖債票無從發售故由交通銀行暫行挪借內
有六百五十萬兩均係三個月短期

一收大清銀行暫借京漢贖路銀一百萬兩

謹按該款因贖路款項不敷於光緒三十四年十一月間
商准度支部暫借係三個月短期

以上借用各款共收英金三百七十六萬鎊銀一千八百二

十五萬零零二十九兩七錢二分除抵補撥用清單內不敷之數共英金三百七十六萬鎊銀一千七百九十四萬一千七百七十三兩零八分二釐外實尙存銀三十萬零八千二百五十六兩六錢三分八釐經於宣統元年以後陸續撥用應俟隨後另行奏報再以上借用各款除匯豐滙理銀行英金五百萬鎊一款應於宣統十年方行還本現在每年應還利息英金二十五萬鎊其餘借款銀一千八百二十五萬餘兩自宣統元年正月起至宣統六年止須陸續全數還清餘利分別撥付京奉京漢兩路合併聲明

謹將光緒三十二年九月二十日起至光緒三十四年十二月三十日止臣部鐵路項下經收撥付各款大略開具清單恭呈御覽

計開

收款

京奉京漢兩路餘利項下

一光緒三十二年收京奉鐵路餘利銀一百五十三萬四千六百九十二兩五錢九分

謹按該款係前督辦關內外鐵路大臣袁世凱提撥該路餘利除支用外所存之款由該大臣於光緒三十二年十月二月奏明移交臣部接收

一光緒三十三年收京奉鐵路餘利銀二百萬零零三千五

百零三兩零一分

一光緒三十三年收京漢餘利銀元一百六十八萬七千零四十四元六角六分計合銀一百二十一萬三千零二十四兩四錢六分

謹按該款係西歷一千九百零六年中國應得八成餘利臣部曾經於光緒三十三年正月二十七日將收支大數奏明在案

一光緒三十四年收京奉鐵路餘利銀二百九十七萬九千八百三十五兩五錢五分

一收京漢鐵路餘利銀元一百七十六萬二千零八十九元六角四分合銀一百二十五萬零九百二十五兩四錢二分八釐

謹按以上二款除照案應行撥付京張路工等項經費並協撥各款外其餘均照光緒三十三年十二月二十四日奏案撥付各路待撥要需其京漢鐵路西歷一千九百零七年八成餘利收支大數前經臣部於光緒三十四年十二月奏明在案

一收預提京漢鐵路西歷一千九百零八年餘利銀元三十二萬六千九百八十一元八角二分合銀二十二萬三千八百十九兩零五分

暫存及生息項下

一收暫存度支部認交滬杭甬借款補虧款銀二萬兩
一收暫存江甯省認交滬杭甬借款補虧款銀一萬五千兩
一收暫存江蘇省認交滬杭甬借款補虧款銀一萬五千兩

一收暫存浙江省認交滬杭甬借款補虧款銀三萬兩

一收暫存俄國交還營口關稅備付京張工程款銀六十五萬零四百四十二兩二錢五分七釐

一收暫存正太鐵路交到彙付借款利息銀二萬兩

一收暫存通商銀行正太鐵路存款本息銀七萬三千八百七十三兩七錢三分

一收暫存漢陽鐵廠賠還鐵路軌價銀二萬一千三百零一兩零七分

一收道清鐵路繳呈臣部墊付各款之利息銀三千八百三十六兩五錢

一收暫存汴洛鐵路銀八十六萬一千零五十七兩一錢三分

謹按該款係照汴洛借款合同由借款內提滙來華借造工程之款臣部暫行提存陸續撥交該路

一收暫存京漢鐵路解交西歷一千九百零六年分盧保官息銀五十六萬二千兩

一收各銀行來往浮存利息銀十四萬八千四百四十六兩一錢

一收滙兌升水銀七萬八千三百五十九兩三錢一分五釐
謹按該款係因各處平色不同輾轉折合統計所升之數
以上收款統共銀一千一百七十萬零五千一百十六兩一錢九分

撥款

工程及購地項下

一撥京張鐵路光緒三十三年三十四年分工程費銀二百六十萬兩

謹按京張鐵路工程預估需銀七百二十八萬兩奏明每年由京奉鐵路餘利撥銀一百三十萬兩此係光緒三十三年三十四年兩年分應撥之款

一撥京張鐵路趕工加撥銀一百十六萬六千七百六十二兩八錢一分

謹按該款係因該路原定扣至宣統四年完工據總工程師詹天佑稟稱如光緒三十四年分能加撥銀一百萬兩則宣統二年可以完工經臣部於光緒三十三年十二月二十四日奏准照撥在案

一撥京張門頭溝枝路工程費銀六十三萬一千一百四十

八兩七錢五分

謹按京張門頭溝枝路估費銀六十三萬餘兩向未指有的款光緒三十三年十二月二十四日經臣部奏准照撥在案

一撥滙法京正太鐵路借款公司付該路工程薪工材料不敷各款銀九十萬零五千三百二十七兩二錢八分

一撥交正太鐵路總工程司付該路工程不敷各款銀八十七萬四千五百七十兩零二錢四分

謹按以上兩款因該路原借法款四千萬佛郎不敷建造工程據正太借款公司迭請續借臣部擬不再借洋債當於光緒三十三年正月十二月兩次奏明將京漢鐵路西歷一千九百零六年餘利約一百六十萬元全數撥付該

路應用並另撥銀六十餘萬兩均經奏准在案嗣該路續請零星用款均經臣部再三核減核實添撥共計撥給前數

一撥滬甯鐵路購地銀六十九萬兩

謹按該款係在息借戶部銀行購地款八十萬兩項下陸續撥付

一撥滬甯鐵路工程費銀一百四十五萬八千一百六十四兩五錢五分

謹按該款係因該路工程等款不敷尙鉅經臣部再三核減於光緒三十三年十二月二十四日奏明擬約撥銀一百三十一萬餘兩奏准在案嗣該路續請零星用款經臣部核實添撥共計撥給前數

一撥京奉鐵路購地銀六萬二千兩

謹按該款係因京奉與津浦接軌預企將來該處日趨繁盛故先行購買以備擴充營業之需

一撥汴洛鐵路工程費銀三十五萬兩

借款利息項下

一撥正太鐵路借款五釐利息及銀行酬費共銀一百二十

一萬八千零九十三兩八錢九分

謹按正太借款四千萬佛郎所有五釐利息及銀行二毫五酬費合同內聲明應於每次到期之三箇月前交付借款公司如行車餘利不敷應付應由中國設法彌補上款係西歷一千九百零七年九月至零九年三月四期利息其時或因尙未竣工或尙試辦行車餘利不敷應付由臣

部照合同撥給前數

一撥滬甯鐵路借款五釐利息及銀行酬費銀九十五萬六千四百十五兩三錢七分

謹按滬甯鐵路借款二百九十萬鎊所有五釐利息及銀行二毫五酬費照合同內聲明應由鐵路進款支付如進款不敷應由中國設法補足還清上款係西歷一千九百零八年六月十二月兩期利息因該路試辦行車進款不敷應付由臣部照合同撥補前數

一撥道清鐵路借款五釐利息及銀行酬費銀五十八萬零九百五十兩零七錢三分

謹按道清鐵路借款七十九萬五千八百鎊所有五釐利息及銀行二毫五酬費照合同內聲明應於每次到期之三

140-4 601 352A

箇月前交付借款公司如行車餘利不敷應付應由中國設法彌補上款係西歷一千九百零七年七月至零九年正月四期利息因該路行車餘利不敷應付由臣部湊撥前數

一撥滬杭甬借款半年五釐利息銀三十三萬一千一百兩零九錢二分

謹按滬杭甬借款一百五十萬鎊所有半年一期之五釐利息及銀行二毫五酬費應由臣部照合同撥付現計撥給前數

一撥交通銀行暫借各款利息銀四千二百兩

一撥大清銀行借款一百萬兩兩期利息銀七萬零一百五十八兩三錢二分

路政 鐵路經費用各款清單八

二十九

一撥度支部盧保鐵路西歷一千九百零六零七年分官息

銀五十六萬二千兩

一撥英公司借款一百萬一期利息銀三萬五千兩

一撥存滙豐銀行備付滙杭甬借款利息押款銀三十四萬七千兩

謹按該款係照滙杭甬借款合同第九款辦理由京奉鐵路餘利項下提撥

贖購鐵路項下

一撥購買新奉鐵路日本金一百六十六萬元合銀二百三十三萬七千一百兩

謹按該款係照中日新約議定價值由京奉餘利給付經臣部於光緒三十三年十月初四日奏明在案

120-4 60P 35±

一撥收贖京漢鐵路法金九千四百三十五萬八千四百佛郎合英金三百七十六萬鎊又撥三千三百零三萬六千七百九十四佛郎合銀一千一百六十四萬八千三百八十五兩三錢九分

謹按京漢贖路應還本息共法金一萬二千七百四十萬零一千零四十一佛郎六十六生丁此項在新款內撥付者即在英京折合鎊價由中國匯交者折合銀數此外尙有李盛鐸等往返法比郵電盤川等項故統共匯撥前數一撥交回比國借款公司西歷一千九百零六年分歲保官息二成銀十一萬六千八百六十八兩二錢一分

謹按該款係照慮保官息合同贖路時應繳比公司之款一撥英京銀行滙兌行用英金四百四十鎊合銀三千九百

路政 鐵路經費用各款清單九

三十一

八十四兩九錢一分又歷次滙兌電報費銀二千一百二十九兩一錢三分

一撥存儲上海交通銀行預備京漢鐵路大賠款擔保款項銀一百七十七萬七千零零六兩七錢七分

郵傳部經費項下

一撥臣部經費銀六十萬零二千五百九十二兩五錢九分
謹按該款係遵照奏案提充臣部經費所有由該款支用數目另由臣部經費報銷案內列明

借款轉撥及雜用項下

一撥電政局借用銀一百萬兩

謹按該款係上海電政局借撥其收支各數另由收贖電股報銷案內列明

140-4 60P 35-11

一撥還陸軍部營口關稅銀三十六萬兩

一撥民政部光緒三十三年三十四年經費銀十萬兩

謹按該款係遵照民政部奏案提撥

一撥灤州煤礦股本銀五萬兩

謹按該款係因京奉鐵路用煤極多灤州鑛質頗優故酌附股本以資取用

一撥購買井陘縣礦地並探礦等費用銀五千九百二十九

兩四錢一分二釐

謹按該款係因正太鐵路進款虧累擬酌開煤礦以資挹注經於光緒三十三年十月十七日奏明先行派員勘視在案現選購礦地以備將來開採

以上撥款統共英金三百七十六萬鎊又銀二千九百六十

路政 鐵路經費撥用各款清單十

三十二

四萬六千八百八十九兩二錢七分二釐

收撥兩抵實不敷英金三百七十六萬鎊又銀一千七百九十四萬一千七百七十三兩零八分二釐經奏准向度支部及各銀行籌借暨向大清交通兩銀行暫行借用所有借款數目多由借款清單內詳細開列合併聲明

覆陳勘查西潼鐵路路綫股資大概情形摺

奏爲覆陳勘查西潼鐵路路綫股資大概情形恭摺仰祈聖鑒事
光緒三十四年五月二十七日奉 上諭鐵路爲交通大政利商賑
災運兵轉餉以及開通風氣振興實業胥賴乎此近年來各省官
辦鐵路皆能尅期竣工成效昭著而紳商集股請設各公司奏辦
有年多無起色坐失大利尤礙交通著郵傳部遴委委員分往各
路確實勘查各路工程應分幾年告竣公司股本能否按年接濟
一面妥擬辦法嚴定期限倘所集股資不敷尙鉅或各存意見推
諉誤工以致未能依限完竣即由該部會同該管督撫另籌辦理
並將該省所舉承辦人員差使查照商部歷次奏案分別撤銷欽
此當經遵擬勘路查款辦法先後選員奏派分往勘查并將勘查
四川川漢鐵路路綫股資及鄂境川漢鐵路股資大概情形分別

奏陳各在案茲據前派西潼洛潼同蒲三路勘路委員鐵路總局
工程顧問員沙海昂汴洛鐵路監工唐乃倉鐵路總局譯員林兆
璠查款委員調部差遣翰林院檢討陸夢熊鐵路總局科員周明
泉等將業經勘查西潼鐵路路綫股資先行稟報前來查西潼路
綫該省原勘由西安城外起渡澆水瀆水經斜口由臨潼新豐達
渭城西北渡渭沿渭南過華州北渡敷水從柳葉河至華陰東抵
潼關西門外止計長二百四十餘里現查此綫尙屬周妥惟敷水
來源甚近倘夏雨暴注則衝刷堪虞必宜預籌宣洩之法澆水懸
崖而下土工較難瀆水與河流相關經過之路亦當審勢興築其
餘工程尙少艱鉅至該路工費據前陝西巡撫曹鴻勛奏稱約估
需銀四百萬兩現在該省籌集股銀六十四萬兩因未舉辦尙未
開收此該路路綫股資大概情形也伏查西潼鐵路東接汴洛北

通甘涼係西幹之正綫徒以該省風氣晚開致奏辦數年迄未興
作臣部方思設法整頓適於去年十一月二十三日由軍機處片
交陝西巡撫恩壽奏設立陝西鐵路有限公司等因一片本日奉
旨該部議奏欽此欽遵到部惟查該路與河南之洛潼迤邐銜接
實爲東西正幹必須兼籌並畫方無隔閡之虞一俟洛潼查勘到
部妥議具奏各路亦俟該委員暨續派各委員等報齊再由臣部
分別覆奏所有覆陳查勘西潼鐵路路綫股資緣由理合恭摺具
陳伏乞皇上聖鑒謹奏

新易鐵路改歸京漢鐵路管轄片

再由高碑店至梁格莊之新易鐵路向歸京奉鐵路兼管中隔京漢鐵路不相聯屬調度每苦不靈去歲十二月初十日京漢收回自辦臣部因將新易一路收歸京漢管轄以期脈絡貫通現經分別交收清訖先後據各該路局稟報前來查該路沿途客貨無多進款甚形減色雖建築資本無須付利一切用度均係撙節開支然每年所虧均在二三萬金上下現歸京漢兼管應即由京漢全路進款項下彌補仍督飭該路員司認真經理以期日有起色所有新易鐵路改歸京漢管轄情形理合附片具陳伏乞聖鑒謹奏宣統元年二月二十八日奉諭旨郵傳部奏覆陳查勘西潼鐵路路綫股資大概情形一摺又片奏新易鐵路改歸京漢鐵路管轄等語均知道了欽此

核覆萍潭鐵路收支各款報銷摺

奏爲核覆萍潭鐵路收支各款報銷恭摺仰祈聖鑒事竊准卸辦鐵路大臣盛宣懷咨報光緒三十三年正月日起至十二月底止又三十四年正月日起至三月底止萍潭鐵路收支各款造具清冊送部請銷前來查該路收支款目前結至光緒三十二年底止業由臣等於光緒三十四年十一月會奏核銷并聲明該路於是年三月經郵傳部奏明歸部接管其未經接管以前收支款目仍應由盛宣懷逐款造銷以昭核實在案茲復據將三十三年正月日起至三十四年三月歸部接管之日止接續造報當經督飭司員逐款覆核計此案自三十三年正月日起至三十四年三月止管收共庫平足銀三十九萬二千八百九十五兩三錢一分四釐八毫開除共庫平足銀三十七萬五千六百三十六兩九錢三分三釐一

毫與上年支數比較互有增減惟查所增之款係添置車頭車輛
添造車房并轉盤添修枕木購置機件雜料添建總局房屋等項
不在額支豫估之內且皆應添應置自非濫支可比至各局站額
支數目核與上案尙屬有減所有請銷銀兩擬准照銷收支兩抵
共結存庫平足銀一萬七千二百五十八兩三錢八分一釐七毫
現在該路業歸郵傳部接管其結存銀兩應由郵傳部飭局接續
造報以重款項謹將覈覆萍潭鐵路收支各款報銷緣由繕具清
單恭摺會陳伏乞皇上聖鑒訓示再此摺係郵傳部主稿會同度
支部辦理現任郵傳部右侍郎盛宣懷係原辦大臣並未到任自
應迴避後不列銜合併聲明謹奏

宣統元年閏二月初八日奉旨知道了欽此

謹將核覆萍潭鐵路光緒三十三年分至三十四年三月底

止收支各款繕具清單恭呈御覽

計開

舊管項下

一册開光緒三十二年底結存庫平足銀三萬九千二百二十五兩二錢五分六釐三毫查與上案存款相符

新收項下

一册開車脚進款等項光緒三十三年分共收庫平足銀二十八萬七千三百十六兩三錢八分七釐八毫三十四年正月
至三月止共收庫平足銀六萬六千三百五十三兩六錢七分零七毫

查前項進款光緒三十三年分車脚項下計收湘平銀二十九萬六千零七十一兩一錢三分八釐餘業息租罰款項下

計收湘平銀一千一百三十兩零七錢一分八釐舊枕木變
價項下計收湘平銀二千零八十六兩零四分八釐三十四
年正月至三月止車脚項下計收湘平銀六萬九千一百十
八兩四錢零七釐以上共收湘平銀三十六萬八千四百零
六兩三錢一分一釐以湘平一百兩合庫平九十六兩統合
庫平足銀三十五萬三千六百七十兩零五分八釐五毫核
校相符

開除項下

一册開總局員司薪費光緒三十三年分共支庫平足銀一萬
二千八百十三兩六錢二分三十四年正月至三月止共支
庫平足銀二千八百四十九兩三錢六分六釐九毫
查前項係該路辦理行車事務員司人等薪費計三十三年

分月支湘平銀一千零四十兩洋銀一百二十五元三十四
年正月至三月支湘平銀八百四十兩洋銀一百二十四元
比較上案互有增減又車務總管一員自三十四年正月
起撥在安源車站其薪水歸入安源車站項下開支以上一
零三月扣建共支湘平銀一萬四千七百三十六兩洋銀一
千八百三十八元七角三分三釐三毫又三十四年派華洋
工程司往勘淶昭路綫川資夫役工食并做標椅及繩筐雜
料等項共用洋銀三百二十七元四角四分八釐統共支洋
銀二千一百六十六元一角八分一釐三毫以湘平一百兩
合庫平九十六兩洋銀一元合庫平七錢統合庫平足銀一
萬五千六百六十二兩九錢八分六釐九毫核與應支數目
尚屬相符擬准開銷

一冊開保護該路紳士薪水光緒三十三年分共支庫平足銀一千八百三十三兩七錢二分三十四年正月至三月止共支庫平足銀三百九十兩一錢三分三釐三毫

查該路地跨贛湘民情強悍前經該局選派紳士遇有行車橫轆之事隨時開導兼管餘業租息歷屆核銷在案此次冊報三十三年分月支洋銀二百二十二元三十四年正月至三月止月支洋銀一百九十元核與上案支數有減以上一年零三月扣建共支洋銀三千一百七十六元九角三分三釐四毫以洋銀一元合庫平七錢統合庫平足銀二千二百二十三兩八錢五分三釐三毫以散合總均屬相符擬准開

銷

一冊開各站站長司票人等薪工光緒三十三年分共支庫平

足銀一萬四千二百二十六兩九錢零六釐三十四年正月
至三月止共支庫平銀四千三百三十八兩一錢零七釐一
毫

查該路由安源至涿州共設九站其應用站長司票夫役人
等計安源站三十三年月支湘平銀一百零二兩洋銀四百
四十一元三十四年正月起因該站車務繁多將總局原有
之車務總管一員撥作該站行車總管又酌增稽查站務等
項委員薪水月共支湘平銀三百六十兩洋銀六百十二元
萍鄉站三十三年月支洋銀一百十四元三十四年月減支
十一元峽山口站三十三年月支洋銀一百三十六元五角
三十四年月減支三元五角老關站三十三年月支洋銀八
十一元三十四年月減支七元醴陵站三十三年月支洋銀

二百六十一元三十四年月減支四十五元板杉鋪站三十
三年月支洋銀七十八元三十四年月減支七元姚家壩站
三十三年月支洋銀一百一十一元三十四年月減支四元白
關鋪站三十三年月支洋銀九十六元三十四年月減支七
元涿州站三十三年月支二百六十四元三十四年月減支
四十四元以上一年零三月扣建共支湘平銀二千二百五
十九兩六錢洋銀二萬三千四百二十二元五角六分七釐
三毫以湘平一百兩合庫平九十六兩洋銀一元合庫平七
錢統合庫平足銀一萬八千五百六十五兩零一分三釐一
毫均核與上案有減散總核校亦屬相符擬准開銷

一冊開電報司事管理物料彈壓員司人等薪工光緒三十三年共支庫平足銀五千二百七十七兩四錢三分二釐三十

四年正月至三月止共支庫平足銀一千二百六十二兩七錢五分二釐

查前款係該路管理電報及物料彈壓等項計電報項下三十三年月支洋銀四百零八元三十四年月支洋銀三百九十四元管理物料項下三十三年月支湘平銀二十四兩洋銀一百九十八元三十四年月支湘平銀二十四兩洋銀一百七十五元以上一年零三月共支湘平銀三百五十三兩六錢洋銀八千八百五十八元一角八分二釐八毫湘平以九六洋銀以七錢統合庫平足銀六千五百四十兩一錢八分四釐核與上案支數有減擬准開銷

一册開洋工程司并繙譯人等薪費光緒三十三年共支庫平足銀五千五百十九兩四錢五分五釐三十四年正月至三

月止共支一千三百三十三兩八錢八分二釐六毫

查該路前聘用洋總管馬克來業於三十二年底辭退三十三年二月起新聘洋工程司一員月支洋銀三百元又夫役一名月支洋銀九元截至是年四月辭退應支月薪及辭退加薪共洋銀一千七百二十四元又自是年三月起新聘洋工程司畢希那一員月支英金五十鎊截至是年十二月止計九箇月一天共支英金四百六十六鎊十三先令四本士合湘平銀三千一百九十三兩五錢七分一釐又該洋員由德來萍川資電黃湘平銀七百二十一兩二錢七分八釐又繙譯一員司事工役各一名月共支洋銀八十八元自四月起至年底止共支洋銀七百九十二元三十四年正月月起照前接支惟繙譯一員月加薪二十元截至三月止共支湘

平銀一千一百五十三兩二錢一分一釐洋銀三百二十三元湘平以九六洋銀以七錢統合庫平足銀六千八百五十三兩三錢三分七釐六毫核算相符擬准開銷

一册開司機匠及撥夫柵夫人等工食光緒三十三年分共支庫平足銀三萬二千三百八十四兩九錢八分二釐三十四年正月至三月止共支庫平足銀八千零七十三兩零九分一釐

查該路由安源至涿州行車事務繁多必須僱用司機各匠專司開車等事逐段路基軌道必須僱用撥夫柵夫人等隨時巡視修理計司機匠人等三十三年月支洋銀一千二百六十八元七角三十四年月添支十二元撥夫柵夫人等三十三年月支洋銀二千六百五十二元三十四年月減支一

元計一年零三個月扣建共支洋銀五萬七千七百九十七元二角四分七釐以每元七錢統共庫平足銀四萬零四百五十八兩零七分三釐核算相符擬准開銷

一册開警察員司兵役薪糧雜費光緒三十三年分共支庫平足銀六千零四十二兩二錢五分三釐六毫三十四年正月
至三月止共支庫平足銀一千四百十九兩七錢四分零四毫

查該路自上年九月遣撤營勇設立巡警上屆核銷有案茲自三十三年正月至年底止薪費口糧炭油費及購置帽靴衣袴等共支湘平銀一千九百一十一兩六錢洋銀六千零十元一角六分八釐三十四年正月至三月共支湘平銀三百七十五兩四錢六分七釐洋銀一千五百十二元七角零三

釐湘平以九六洋銀以七錢統合庫平足銀七千四百六十一兩九錢九分四釐核算相符擬准開銷

一册開修理車頭車輛補墊土方石渣并修橋築路造車站局所木柵電桿等費光緒三十三年分共支庫平足銀六萬三千三百六十六兩三錢二分四釐三毫三十四年正月至三月共支庫平足銀一萬二千五百八十四兩七錢零二釐八毫

查該路向有僱用機器工匠備修車頭車輛三十三年月支洋銀九百四十二元三十四年月支洋銀一千零七十七元又各車用久拆卸大修該路因無修車專廠均託萍鄉鐵局代修算還工料價值三十三年共支湘平銀五萬一千四百三十八兩七錢五分四釐三十四年正月至三月共支湘平

銀一萬四百五十五兩九錢八分三釐又萍潭一帶山路最多山水暴發每衝路基必須隨時補填土方三十三年全年共填一萬七千餘方共支洋銀四千四百六十五元一角五分又土工之後必須補墊石渣並修整橋梁路基三十三年全年共支洋銀二千六百五十四元六角七分四釐五毫三十四年正月至三月修整橋梁路基共支洋銀四百七十九元三角一分三釐又三十三年全年修理各車站局所及沿途木柵電桿共支湘平銀九百三十一兩三錢六分洋銀四百六十六元零二分八釐以上統合庫平足銀七萬五千九百五十一兩零二分七釐一毫均係應修應造之款核算亦屬相符擬准開銷

一册開機器車頭所用煤柴油及購買枕木機件雜料器具車

票紙張價值光緒三十三年分共支庫平足銀七萬二千九百八十二兩五錢零七釐三毫三十四年正月至三月止共支庫平足銀一萬四千兩五錢五分零四毫

查前款係火車頭及機器車所用煤炭茶油機油之類三十三年分共支湘平銀三萬四千一百四十九兩四錢六分四釐洋銀三千七百八十一元三角六分二釐三十四年正月至三月共支湘平銀六千七百零七兩購買機件雜料三十三年分共支湘平銀一萬一千四百六十三兩一錢零一釐二毫洋銀一千七百六十五元三角一分三十四年正月至三月共支湘平銀四千二百八十四兩七錢零四釐洋銀四百八十五元五角二分六釐又三十三年添換枕木並添置轉盤等件共支湘平銀二萬五千零五十一兩九錢三分七

釐三十四年正月至三月添換枕木共支洲平銀三千零六十五兩一錢四分九釐又三十三年添置各車站局所器具號衣等項共支洋銀九百五十三元三角又車票紙張三十三年分共支洋銀八百四十九元四角三分五釐六毫三十四年正月至三月共支洋銀二百三十七元二角九分一釐二毫以上統合庫平銀八萬六千九百八十三兩零五分七釐七毫散總核對均屬相符擬准開銷

一册開添造車房添購機廠機器添置車頭車輛及房屋等項光緒三十三年分共支庫平足銀六萬八千六百二十六兩零八分四釐八毫三十四年正月至三月共支庫平足銀三萬一千九百零七兩四錢七分二釐

查該路三十三年因安源一處存放車頭須有寬大廠房方

能合用當由萍鄉鑛局代爲添造并添機廠各項機器共支
湘平銀三萬四千一百六十一兩六錢七分四釐又因煤斤
客貨增多分別在外洋及萍鑛代造各種車輛共支湘平銀
三萬七千三百二十三兩八錢三分一釐三十四年正月
至三月我付前購各車輛價值并自設修車機廠共支湘平銀
三萬三千二百三十六兩九錢五分以上統合庫平足銀十
萬零五百三十三兩五錢五分六釐八毫均係應造應置之
款擬准開銷

一册開擴充路基并完糧等費光緒三十三年分共支庫平足
銀五百八十四兩三錢三分七釐

查萍潭一路山路崎嶇每逢大雨不時坍塌須購租地基添
修隄防並已圈用江西之萍鄉湖南之醴陵湘潭境內地畝

每年應納錢糧等費計三十三年分共支湘平銀四百七十六兩八錢五分一釐洋銀一百八十元零八角統合庫平銀五百八十四兩三錢三分七釐均係應支之款擬准開銷

一册開醫藥撫卹等費光緒三十三年分共支庫平足銀三百八十二兩四錢九分四釐

查該路在事華洋員司工役人等患病及因公受傷分別診治酌給醫藥並受傷身故及傷斃搭客酌給撫卹棺殮等費均經核銷有案此屆自三十三年正月起到年底止共支洋銀五百四十六元四角二分合庫平足銀三百八十二兩四錢九分四釐均係賞卹養傷之費擬准開銷

一附報建造醴陵總局房屋並購平車等件共支庫平足銀一萬三千四百三十七兩五錢一分八釐四毫

查該路以醴陵爲中樞監督行車策應較爲靈便從前未蓋局所總局人員均在城內賃屋辦公殊非久遠之計當於光緒三十二年附近陽三石車站地方造成局屋一所共六十一間又警察所五間連圍牆甬道共支工料色價湘平銀七千九百八十七兩七錢六分八厘又由禮和洋行經購平車碰頭一百件車盤七十七件火車盤二件共英金七百九十五鎊十一先令五木士合湘平銀五千二百三十七兩五錢四分二厘水脚等費湘平銀二百九十七兩八錢九分七厘又滌江大橋上下游修築石壩並醴界修還民路十三處工料湘平銀四百七十四兩以上湘平統合庫平銀一萬三千四百三十七兩五錢一分八厘四毫既係應建房屋及應購物料核算數目亦屬相符擬准開銷

以上統共准銷庫平足銀三十七萬五千六百三十六兩九錢三分三厘一毫查以散合總共少列銀四錢九分九厘八毫應令該大臣報部更正

實在項下

一册開光緒三十四年三月底止共結存庫平足銀一萬七千二百五十八兩三錢八分一厘七毫

查該册管收與支出兩抵合符前數所有結存銀兩應由郵傳部飭局歸入下屆造報核銷

酌擬南滿洲鐵路與京奉鐵路接聯營業辦法摺

奏爲酌擬鐵路接聯營業辦法恭摺具陳仰祈聖鑒事光緒三十一年十一月中日會議東三省事宜附約第七款內開中日兩國政府爲圖往來輸運均臻興旺便捷起見妥訂南滿洲鐵路與中國各鐵路接聯營業章程務須從速另訂別約等語查鐵路之設所以取便交通故各國鐵路運輸必互爲聯絡以資兩益現京奉京漢京張各路亦多如此辦法南滿洲鐵路與京奉接近之處未有聯絡辦法固因車鈎異式不能合轍同軌亦以形勢禁格故與京漢京張各路不同但業經兩國訂約在先加以近年客貨輻集彼此交互不能不粗定規則以憑遵守前經臣部派員與該公司詳慎商酌擬訂接聯營業合同十六條大要係彼此客貨可互相接運凡轉運所須之岔道月台號誌彼此界內自任建築養修此

外備房屋以照料貨物設電話以傳遞消息畫一時刻稽查路軌及核算帳目修理車輛等項均經明訂辦法立有專條臣部詳加查核均係營業範圍內應辦之事大致尙爲周妥除將合同咨送外務部外所有擬訂鐵路接聯營業辦法緣由理合恭摺具陳伏乞皇上聖鑒謹奏

宣統元年閏二月初八日奉諭旨郵傳部奏酌擬鐵路接聯營業辦法一摺知道了欽此

158-4 60P 35上條
郵傳部籌擬洛潼西潼辦法片

再臣部審度形勢京張京漢粵漢各幹路以次建築南北交通尅期可以集事惟自西徂東相隔萬里行程必迂迴而始達貨物以壅滯而難通從前商部建議乘汴洛現造之路東達徐海西展至陝甘新疆成東西一大緯綫經畫深遠一時未能舉辦臣部自接管以來即思此路關係全局利益且迭奉廟謨宸訓責成統籌交通自應亟謀興築雖經督催汴洛工程於去冬造竣而河南鐵路公司之籌築洛潼一段陝西鐵路公司之籌築西潼一段江蘇鐵路公司之籌築清徐一段久經奏明在案迺或集股不多或尙無資本至今均未呈報開工除清徐一路前經大學士張之洞等奏定自光緒三十三年十月起限四年造竣外其洛潼西潼等路實爲西展之要道並非蕪廣南潯次要可比必早一日告成始得早

一日推展聯絡西陲施行憲政胥於是乎賴斷不能任其一再延緩坐誤事機查洛潼約三百餘里估計需款一千六百萬元西潼約二百餘里估計需銀四百萬兩兩公司苟集股有成同時並舉三年當可告竣茲擬限令兩公司自開辦之日起於三年集股鳩工每年均須有三分之一報部核明始能准其接續籌築屆時倘未及半擬即由臣部籌措巨款代爲建造兩公司已集續集之款本儘可併入作爲官辦商附倘集股鳩工不逾年限惟稍有欠缺未克告成即由臣部撥款資助以竟全功作爲商辦官助一體以股本相視勻分利益此次清單所列洛潼西潼年限比別路稍嚴職此之故其開徐海清及西安以西各幹綫擬即由臣部次第勘明奏辦除仍俟勘路委員將洛潼路綫圖說呈核詳議具奏外理合附片陳明伏乞皇上聖鑒訓示謹奏

140-4 60P 355版

宣統元年閏二月十八日奉諭旨郵傳部奏遵將應辦要政分別
按年籌備開單呈鑒一摺憲政編查館知道又片奏洛潼西潼等
路籌擬辦法等語着依議欽此

派員測勘開徐海清路線摺

奏爲派員測勘開徐海清路線恭摺仰祈聖鑒事竊臣部前奏應辦要政分別按年籌備案內業將勘定開徐海清路線列入宣統元年第二期應辦事宜項下並附片聲稱開徐海清各綫擬由臣部次第勘明奏辦等因各在案誠以該路東至於海西接陝甘爲中原一大綫關係綦重不得不早爲籌備現查河南商辦之洛潼江蘇商辦之清徐籌款興築已覺竭蹶不遑其餘彼此銜接之區兩省皆未能兼顧倘非及時審度恐此項綫綫終無觀成之期前次河南江蘇兩路曾經臣部於查款勘路案內奏明派員履勘亦第就已成路線覆加考查並未籌及通盤且此綫綫貫東西關係尤爲重要其應派員測勘既爲當務之宜急更期委任之得人茲查有臣部路政司郎中阮惟和鐵路總局顧問員沙海昂於

路工興地均有實學堪以派委此外尙有籌備應勘路線容臣部陸續選員再行奏派所有派員測勘開徐海清路線緣由理合恭摺具陳伏乞皇上聖鑒謹奏

宣統元年三月初九日軍機大臣欽奉諭旨郵傳部奏派員測勘開徐海清路線一摺知道了欽此

江西鐵路協理照章公舉派充摺

奏爲江西鐵路協理照章公舉派充恭摺具陳仰祈聖鑒事竊江西鐵路前因總理李有葵在鄱陽湖遇難經臣部奏明准其援照湖南四川鐵路成案設立總理三員派令陳三立充名譽總理劉喬祺充主持總理劉景熙充坐辦總理並聲明協理各員俟該公同舉定後再行核奏等因奉旨允准欽遵在案嗣因劉喬祺以年老多病堅請辭退當即照會江西京官宗人府府丞朱益藩等另舉妥員切實經理茲據朱益藩等一百三人呈稱總理劉喬祺因病辭退業經函商京外紳商僉稱數月以來一切路政均由名譽總理陳三立坐辦總理劉景熙和衷商辦日有起色其主持總理一缺無庸另舉等語與職等意見相同惟路事重大必須有得力之員分任襄助查有翰林院編修黃大燠才長心細衆望交孚內

閣中書黃翼曾心精力果勞怨不辭該二員均在公司辦事多年深資得力擬即舉爲鐵路協理等情呈請奏派前來查江西鐵路南潯一段款絀工艱辦理向稱棘手現在主持總理劉希祺告退該路協理向未遴派有人自應遴員派充藉資贊助黃大堦黃翼曾等久在公司任事公論翕然又爲同鄉京官所公舉當能贊襄擘畫俾該路早底於成所有黃大堦黃翼曾二員應准派充該路協理以資熟手如蒙俞允即由臣部分飭欽遵辦理所有江西鐵路舉派協理緣由理合恭摺具陳伏乞皇上聖鑒訓示謹奏

宣統元年三月初九日奉旨依議欽此

覆陳勘查江西安徽鐵路路綫股資大概情形摺

奏爲覆陳勘查江西安徽鐵路路綫股資大概情形恭摺仰乞聖鑒事光緒三十四年五月二十七日奉 上諭鐵路爲交通大政利商賑災運兵轉餉以及開通風氣振興實業胥賴乎此近年來各省官辦鐵路皆能尅期竣功效昭著而紳商集股請設各公司奏辦有年多無起色坐失大利尤礙交通著郵傳部遴委委員分往各路確實查勘各路工程應分幾年告竣公司股本能否按年接濟一面妥擬辦法嚴定期限倘所集股資不敷尙鉅或各存意見推諉誤工以致未能依限完竣即由該部會同該管督撫另籌辦理並將該省所舉承辦人員差使查照商部歷次奏案分別撤銷欽此欽遵到部當經遵擬勘路查款辦法先後選員奏派分往勘查並將勘查四川川漢鄂境川漢西潼各鐵路大概情形分別

奏陳各在案茲據前派江西安徽兩路勘路委員調部差遣工科
進士顏德慶臣部七品小京官何肇基汴洛鐵路鐵路監工唐乃
倉查款委員直隸試用道陶湘調部差遣鐵路總局科員鄭鴻謀
等查明稟報前來查江西路線起南昌府迄九江府約長二百四
十里安徽路線起蕪湖縣迄廣德州約長二百八十里該二路均
無開鑿山洞之處工程尙屬平易其購地及土方工程江西自九
江起購至德安縣約地九十六里土方約成八十里安徽自蕪湖
起購至灣沚約地五十九里土方約成九里至於所集資本江西
除認股外尙有息借華商吳端伯規銀一百萬兩又收引鹽加價
輪運米捐及農工商礦局燈捐並藩庫賑捐項下借撥各款統共
收各色平銀一百八十一萬餘兩內支用九十七萬餘兩尙存八
十餘萬兩安徽除認股外尙有米捐茶捐彩票各股統共收規銀

八十九萬餘兩內支用八十萬兩有奇僅存八萬餘兩此查明該
二路路綫股資大概情形也伏查鐵路發達以運貨爲大宗江西
出口之貨如米豆紙張磁茶夏布煙葉等類安徽出口之貨如米
茶絲布等類進口之貨亦均不少此路倘不及早告成不但坐失
大利抑亦不便交通現就該兩省認辦之南潯蕪廣而論約估每
路工費至省亦在四五百萬兩上下而該路現集成本不敷尙鉅
且江西之引鹽加價輪運米捐已經停收安徽之茶捐亦經暫停
此外籌款之法自以招股爲急務應由臣部會同該管督撫督飭
該公司趕緊設法一面續招股本一面接造路工仍令按照臣部
分年籌備奏案江西南潯限宣統二年告成安徽蕪廣限宣統四
年告成並令該公司將續招股本若干接造路工若干隨時報告
以憑考核屆時倘未竣工再由臣部會同該管督撫另籌辦法其

餘各路俟各委員等報齊陸續分別覆奏臣等查各省集股造路
事關營業必須預計盈虧方免半途竭蹶現在風氣初開熟悉建
路管路人員頗不多覲往往股本尙懸而設局派員開支薪俸人
數既衆費用遂繁曠日無功坐耗益鉅勢必至所收股本多糜於
員薪金用之中開工藉延商民觀望路政愈難起色臣部現在編
譯各國造路管路各項條規擬即採取成法釐定律章再行奏明
請旨頒行遵守務使循名責實有以取信於人庶幾日起有功不
至久無成效所有覆陳勘查江西安徽鐵路路綫股資大概情形
緣由理合恭摺具陳伏乞皇上聖鑒訓示謹奏

宣統元年三月十九日軍機大臣欽奉諭旨郵傳部奏勘查江西
安徽鐵路路綫股資大概情形一摺知道了欽此

議覆運煤減價辦法摺

奏爲議覆運煤減價辦法恭摺仰祈聖鑒事本年二月十一日軍機處片交欽奉諭旨御史徐定超奏請減運煤車費一片著郵傳部知道欽此閏二月初七日內閣鈔出山西巡撫寶棻奏晉省煤礦運費請援案核減一摺奉硃批郵傳部議奏欽此欽遵到部自應併案議覆查徐定超原奏內稱河南彰德直隸磁州一帶產煤極旺以火車運費極鉅行銷不暢火車每輛運煤二十五噸由磁州彰德至漢至京運費約在百元左右以運費之重致內地礦產不能暢達應請核實刪減此項運價仿照臨城唐山煤礦運費均減五成之例等語寶棻原奏內稱晉礦因各路運費過距正太爲尤甚平定煤礦由礦井運至屯棧每噸運費不及三元自陽泉由火車運至石家庄再運天津統計運費需二百元上下每噸核計

成本十二元有零津地行售之唐山煤僅售洋九元上下若因運費過鉅致售價昂貴與唐山等煤礦相形見絀晉礦恐無發達之機仰懇敕下郵傳部核議准將各路運費照唐山臨城減收五成之例一律核減等語臣部詳加考察彰德磁州之間向有安陽六河溝一礦係礦商編修顧瑗等所辦前曾據該商等呈請減價徐定超所稱當即指此按照原奏其意運銷漢口北京寶棗原奏泛指晉煤其意則在運銷天津臣部詳悉通籌凡屬經商類皆欲輕減成本煤炭一項關係新興實業尤應特與維持惟路礦相輔而行欲求兩利之方宜有兼全之道況鐵路所得運價即是國家帑項屢奉詔旨認真稽核臣部何敢輕率從事茲謹彙集向來成例參合彼此情形分別酌擬辦法敢爲我皇上縷晰陳之查鐵路係子母商業其訂定運價均按各國通例以本路每年支出經費及

按本還息之數爲比例并非意爲增減否則暗中虧折從何取償
京漢一路前據稟稱去年支出行車修養還息及比公司二成酬
費每噸每法里攤費銀元一分四釐二七京奉一路前據稟稱去
年支出行車修養還息每噸每英里攤費銀元一分二釐五正太
一路前據稟稱路峻則所拖車輛減半路短則所攤總費不輕去
年支出行車修養還息每噸每英里攤費銀元四分二釐五按照
經商規則京漢每噸每法里最少收銀元一分四釐二七京奉每
噸每英里最少收銀元一分二釐五正太每噸每英里最少收銀
元四分二釐五方敷支銷而應還借本尙不與焉此鐵路以支款
比較核定運價之通例也至京漢向定運煤價章每噸每法里短
運者收銀元一分三釐長運者收銀元六釐另每車公費六釐京
奉每噸每英里收銀元一分七釐五正太每噸每法里烟煤收銀

元三分硬煤收銀元三分二釐另每車公費分別六元五元四元計山西硬煤由陽泉運京每二十噸連公費約一百七十三元烟煤運京每二十噸連公費約一百六十八元尙不及山西撫臣原奏二百元之數因各路以支款比較核定運價各有不同故運價亦有差別要以保全成本爲主此向來三路所收運費實數也光緒三十一年北洋大臣與比公司議定華洋合辦臨城煤礦合同烟煤專車運價每噸每英里銀元一分每車公費銀元三元臨城售煤與京漢照原價七五折算給嗣臨城與京漢另訂整車運價在七十五法里以內計每噸每法里銀元一分二釐五在七十六法里至一百五十法里則銀元九釐在一百五十一法里至三百法里則銀元七釐五毫在三百法里至五百五十法里則銀元六釐在五百五十一法里至九百法里則銀元五釐在九百法里以

外則銀元四釐五毫係分遠近逐節算價均每車公費四元售煤與京漢亦照原價七五折算給光緒三十一年京奉局與唐山煤礦訂立合同烟煤運費在五十英里以內每噸每英里銀元一分五釐在一百五十英里以內則銀元一分二釐在一百五十英里以外則銀元一分一釐唐山售煤與京奉則唐山高塊每噸煤價六元林西高塊每噸五元唐山煤末每噸三元二角五分林西煤末每噸三元較之市間唐山煤價高塊每噸十一元一角五分煤末六元九角約計僅得五折是減少唐山臨城運價之故實由煤斤爲鐵路養命之源向須與各大礦預行訂購以便按期供給每年爲數至鉅今唐山臨城既減售價則鐵路省費實屬不資故允酌減兩礦運費以昭平允綜計鐵路因減售價所得之益尙遠過於唐山臨城因減運價所得之益其非損路益礦可知且唐山臨

城運費亦並未必減至五成之多兩奏所稱自均係傳聞之誤此唐山臨城運價並非減收五成及路礦交換利益之情形也惟是鐵路係營業性質各路自應悉心籌度爲保全成本之謀礦政乃裕國良圖臣部亦應全局統籌爲濬發利源之計上年臣部曾經迭次商之直隸山西河南督撫臣減免煤斤釐稅並嚴飭各路禁止員役需索復爲各煤商廣開然道租設棧房又因京漢正太軌道寬窄不同運煤換車商人既有起卸之費又多耗失之虞因飭正太另造新式活軸煤車二十輛可用窄軌駛入寬軌計費十六萬伏郎凡此無非爲利溥起見欽奉前因當飭據鐵路總局長妥商各路擬議減價辦法前來臣部覆加察核原奏欲令六河溝之煤暢銷北京漢口晉煤暢銷天津皆係距產地較遠之區是必運愈遠者減愈多然後行銷愈廣礦利愈深因參酌臨城唐山運價

而損益之一擬六河溝烟煤由京漢裝運者其運費比臨城整車價略減不論裝車多少七十五法里以內每噸每法里收銀元一分二釐五自七十六法里至一百五十法里每噸每法里收銀元九釐自一百五十一法里至三百法里每噸每法里收銀元六釐六毫五自三百一法里至五百五十法里每噸每法里收銀元六釐自五百五十一法里至九百法里每噸每法里收銀元五釐至九百法里以外每噸每法里收銀元四釐五毫係分遠近逐節算價均每車公費六元年終照臨城例不給回費遇五、六、七、八等月京漢輸運稀少之時如以專車煤末運漢另行議減至交換利益一節六河溝售煤與京漢前經商定煤塊照原價每噸減一元煤末每噸減七角不過合八、三、八折不及唐山臨城售價之賤交換利益之深也一擬山西烟煤由正太運到石家莊再裝京漢車往

他處每日裝十六車者正太路照尋常價目每銀元百元減二十
一元硬煤由正太運到石家莊再裝京漢車往他處者不論裝車
多少正太路照尋常價目每銀元百元減十五元公費照舊分別
六元五元四元其餘在正太沿途及抵石家莊後不轉入京漢者
運費仍舊每車公費分別五元四元三元俟正太進款稍增支款
攤輕再行議減運費一擬京漢路所收山西烟煤硬煤運價公費
與六河溝煤一律一擬京奉路所收山西烟煤硬煤運價與唐山
煤一律均由正太代收以免他處影射以上各節大致係照唐山
臨城辦理於煤商一面所益已多體察情形實已減無可減惟是
臨城與鐵路之煤價祇七五折唐山價祇五折而六合溝售價則
八三八折山西烟煤雖出井不多售價向無折扣硬煤本不合汽
車機廠之用祇爲烘煖炊爨所需各路所用硬煤不及烟煤百分

之一其售價能否減折應由礦商與各路酌議此時尙難強定是鐵路給各煤商之益與唐山臨城大略相同而各煤商給鐵路之益較唐山臨城相去尙遠雖未至損上益下究未能挹彼注茲特苟爲各路力所能勝即亦毋庸錙銖計較此酌擬運煤減價之大概也以上各節係屬路礦兼權爲目前權宜之辦法查外洋鐵路運煤煤餉礦質本與運貨不同百貨產銷靡常且需刻期運到而機開礦井出數既可約計運至口岸銷數亦可預定往往與汽車公司訂立合同或按季或按月代輸若干噸用車若干輛鐵路即以其餘力閒時爲之搭并專放爲期不迫亦不迂滯視行車之便利爲分配之多寡故養路所需之薪工煤價攤計於此項運煤之成本爲數甚微所謂多中取利實爲營業最要關鍵倘將來六河溝山西各煤礦出產漸豐銷路暢旺自應仿照西法准與訂立合

同按期包運庶養路之費以積少而成多即開礦諸商亦本輕而易展維持路礦非此無由抑臣等更有進者華商開採煤礦虧折者多遠不及洋商經營之善推原其故蓋有數因資本缺乏遇工艱之礦未及獲利先已停工一也機械不完工作遲緩虛糜利息加重成本二也愛惜小費不知於各埠多設行棧廣事招徠小有挫失輒行退縮三也消息遲滯不能迅赴事機智識短淺無以支持艱鉅四也此四者爲致敗之總因即華商之通病苟非速圖變遷即使運價銳減而出井之成本已重市場之銷路又疲不足與於競爭即難免乎劣敗則今日振興礦務尤須於運費之外更謀改良之策應由農工商部隨時曉諭維持藉資興起總之礦政爲今日要圖臣部綜理交通自應就力所能爲勉求協助且車價減則銷路暢轉運多則進款增相爲循環理至明顯大利所在何暇

代謀今爲有裨各礦之故業將各路運價切實核減至售與鐵路煤價並不強令按照唐山臨城辦理以恤商艱如蒙俞允臣部當即欽遵轉飭各路遵照辦理所有議覆運煤減價各緣由理合恭摺具陳伏乞皇上聖鑒訓示謹奏

宣統元年三月二十九日軍機大臣欽奉諭旨郵傳部奏議覆山西巡撫寶棊御史徐定超等奏運煤減價辦法一摺又奏各處煤片稅釐重疊阻礙運輸請飭沿路各督撫分別切實裁減一片均著依議欽此

各處煤斤稅釐重迭阻礙運輸請飭沿路各督撫分別切實

裁減片

再開礦成本以釐稅運價及出井各項費用爲大宗欲圖礦產暢銷自應設法減輕各費鐵路減收運價臣部已於本日議覆山西撫臣寶棻御史徐定超請減運費摺內詳晰奏陳至釐稅重迭阻礙運輸實較之運價加增爲害尤甚此次徐定超原奏即以煤斤釐稅過重爲言內稱有出井稅有學堂捐又有沿途稅關剝削滋多等語查山西巡撫寶棻奏請免出井出口煤稅一摺欽奉硃批著照所請該部知道欽此皇恩廣大薄海同欽夫鐵路行車有費修養有費拔本還息有費尙不惜切實議減而各處稅釐重疊阻礙運輸上年十一月據山西巡撫電稱將外運之出井稅併入出境捐並收照章出井出境捐稅每車應抽錢三千六百文因減收

三千文等語此次奏請免出井口煤稅未知是否指此三千文而言又晉煤由晉運津獲鹿縣每車收捐銀元四元直隸貨捐天津關稅釐金每車可收銀元九元又本年二月直隸新增琉璃河貨捐局西山硬煤因此停運數日捐稅愈繁於振興煤礦之本意愈形掣肘應請敕下沿路各督撫分別切實裁減以維商務實與路礦均有裨益謹附片具陳伏乞聖鑒訓示謹奏

宣統元年三月二十九日軍機大臣欽奉諭旨郵傳部奏議覆山西巡撫寶棻御史徐定超等奏運煤減價辦法一摺又奏各處煤斤稅釐重迭阻礙運輸請飭沿路各督撫分別切實裁減一片均著依議欽此

山西同蒲鐵路公司購用材料請援案免稅摺

奏爲山西同蒲鐵路公司購用材料請援案免稅恭摺仰示聖鑒
事竊據山西同蒲鐵路公司呈稱各省商辦鐵路購用機器材料
先後奏准免稅同蒲公司前因正太鐵路未通未曾援案請免年
來正太工成同蒲亟宜修築惟地處西北所用機器材料來自外
洋關稅運費較東南近海諸省尤爲不貲擬請援照江浙等省成
案奏明一律豁免等情查光緒三十四年七月稅務處會同外務
部度支部臣部覆奏材料免稅限制摺內聲明自各該案奏准之
日起予限三年暫准免稅嗣後添設鐵路無論官辦商辦均請一
律完稅至此次予限三年將來或因路線過長工程艱鉅屆期仍
由臣等體察情形再行奏明辦理又津浦鐵路借款合同雖未載
明免稅惟既據該督辦大臣援案請免擬請照江蘇等五省鐵路

等案辦法准其免稅三年以歸一律各等因在案查同蒲鐵路於光緒三十一年七月間由山西撫臣奏明商辦實與江浙各路同時立案祇以綬長款鉅籌畫需時尚未興築究非嗣後添設各路可比當經咨商稅務處酌核去後茲據復稱查江浙等省鐵路機器材料免稅係屬奏准之案同蒲鐵路曾經山西巡撫奏明開辦固與後起之商辦各路有別惟免稅一節應由郵傳部奏明辦理等因臣部查同蒲鐵路奏辦在先既與後起之商辦各路有別似未便獨令向隅合無仰懇天恩俯念該公司款絀工艱准其援案免稅既與前奏並無不符又於商路藉資提倡恭候命下再當分別咨飭遵辦所有同蒲公司購用材料請援案免稅緣由謹恭摺具陳伏乞皇上聖鑒訓示謹奏

宣統元年四月初四日軍機大臣欽奉諭旨郵傳部奏山西同蒲

鐵路公司購用材料請援案免稅一摺著依議欽此

路政 山西同蒲鐵路公司購用材料請援案免稅摺二

六十一

陝西設立鐵路公司選舉總理分別准駁摺

奏爲遵議陝西設立鐵路公司選舉總理分別准駁恭摺仰祈聖鑒事光緒三十四年十一月二十三日由軍機處片交陝西巡撫恩壽奏設立陝西鐵路公司一片奉旨該部議奏欽此原奏內稱西潼鐵路前經奏歸商辦委令開復山西候補道閻迺竹爲商辦西潼鐵路處總幹事茲以認股已足六十萬呈請奏咨立案查陝省應修鐵路東至潼關與洛潼相接西至省城將來取道涇涼直達蘭州爲西北幹路之樞紐自應據情代奏准其設立陝西鐵路有限公司並懇飭部頒發關防擬即遴舉山西候補道閻迺竹爲坐辦總理度支部郎中晏安瀾爲駐京總理山西候補道劉昌晉吏部主事王文海爲坐辦協理該員等資望夙孚爲衆推許分任勸辦有裨路工可否飭部一併核議照章委派等因臣部查西潼

路綫尙在洛瀘路綫之西必須並顧兼籌逐節推展前於覆陳勘
查西瀘路綫股資大概情形摺內業經聲明俟洛瀘查勘到部妥
議具奏等因在案嗣又於分年籌備要政案內奏明洛瀘西瀘實
爲西展之要道擬限令兩公司於開辦之日起於三年內集股鳩
工每年均須有三分之一報部核明始得准其接續籌築屆時倘
未及半即由臣部籌措各款代爲建築兩公司已集及續集之股
本儘可併入作爲官辦商附倘集股鳩工不逾年限惟稍有欠缺
未克告成即由臣部撥款資助以竟全工作爲商辦官助一體以
股本相觀勻分利益仍俟勘路委員將洛瀘路綫圖說呈核詳議
具奏等因各在案現在洛瀘路綫股資既經查勘明確另案奏陳
而西瀘鐵路自應擬令早日建築所奉總協理閻運竹等既據奏
稱資望夙孚爲衆推許合無仰懇天恩准將山西候補道閻運竹

派充該路坐辦總理度支部郎中晏安瀾充駐京總理山西候補道劉昌晉吏部主事王文海充座辦協理所有集股鳩工各要端均應由該紳等遵照臣部奏定辦法從速籌備隨時呈部考核如果依限能於宣統五年告成自應援案奏請獎勵如曠日無功亦由臣部奏請裁撤另籌妥辦至該公司現祇招股六十萬兩專築西潼一段不敷尙鉅所請設立陝西鐵路有限公司並頒發關防之處碍難核准循名核實擬請准其設立西潼鐵路有限公司並按照洛潼等路成案由臣部刊給木質關防一顆文曰總理西潼鐵路事宜關防俾資鈐用如蒙俞允當即欽遵分別咨飭辦理所有遵議陝省設立鐵路公司分別准駁緣由謹恭摺具陳伏乞皇上聖鑒訓示謹奏

宣統元年四月初十日軍機大臣欽奉諭旨郵傳部奏設立鐵路

公司選舉總理分別准駁一摺著依議又奏勘查洛潼鐵路路綫
股資大概情形一摺知道了欽此

120-4 60P 352號

覆陳勘查洛潼鐵路路綫股資大概情形摺

奏為覆陳勘查洛潼鐵路路綫股資大概情形恭摺仰祈聖鑒事
光緒三十四年五月二十七日奉上諭鐵路為交通大政利商賑
災運兵轉餉以及開通風氣振興實業胥賴乎此近年來各省官
辦鐵路皆能尅期竣工成效昭著而紳商集股請設各公司奏辦
有年多無起色坐失大利尤礙交通著郵傳部遴委委員分往各
路確實勘查各路工程應分幾年告竣公司股本能否按年接濟
一面妥擬辦法嚴定期限倘所集股資不敷尙鉅或各存意見推
諉誤工以致未能依限完竣即由該部會同該管督撫另籌辦理
並將該省所舉承辦人員差使查照商部歷次奏案分別撤銷等
因欽此欽遵到部當經遵擬勘路查款辦法先後選員奏派分往
勘查並將勘查四川川漢鄂境川漢西潼安徽江西等路大概情

路政 覆陳勘查洛潼鐵路路綫股資大概情形摺一 六十三

形分別奏陳各在案茲據前派洛潼鐵路勘路委員臣部鐵路總局工程顧問員沙海昂汴洛鐵路監工唐乃倉鐵路總局譯員林兆璠查款委員調部差遣翰林院檢討陸夢熊鐵路總局科員周明泉等查明稟報前來查洛潼一路該公司原勘擬由瀾河以南定綫現據該委員等稟稱近南一帶多有水患且橫穿瀾河橋梁土工所費甚鉅不如改由洛陽迤北起即在瀾河以北定綫只循官道修造由洛陽至新安鐵塔山達鐵門鎮雖橫穿河岔須造長橋向西須緣山徑然其工程尙屬平易再西即澠池及張茅鎮中多石山必須鑿洞五處張茅鎮須造長橋渡澗水趨陝州抵靈寶上坡至稠桑鑿洞循山嶺及電桿綫路通關鄉向盤豆溪下坡過青龍澗直抵潼關廳長一百三十四英里約合華里三百六十七里估費約銀一千六百萬元至其股資原擬籌集本銀一千五百

萬元現已收到股票及鹽船加價共三十餘萬元除開辦及第一次勘路共用銀一萬一千餘兩約合一萬六七千元外所存銀兩均放票莊生息各等情查鐵路所注意者二腹地則在商業之交通邊境則在軍事之設備洛潼一路東接汴洛西連西潼就商業論陝省物產甚多煤鐵石油尤擅其勝就軍事論則由陝而甘而新疆延紆廣漠一旦有警運兵轉餉關係非輕考各國辦路成規舉凡主要綫路國家每不惜鉅資力爲建築蓋即以所費雖大而利賴甚遠也現查西潼股本尙未開收業經臣部奏陳有案而該路已收股本比較估費亦僅及五十分之一倘不通盤籌畫尅日興工則坐誤事機其關於商業者猶小關於國防者甚大臣部前奏酌擬西潼洛潼兩路辦法片內聲明限令兩公司同時並舉三年告成每年均須有三分之一報部核明方准接築屆時尙未及

半或逾年限則應分別官辦商辦官助各辦法奉旨允准行
知兩公司欽遵在案又臣部前奏分年籌備單內洛潼限宣統四
年告成西潼限宣統五年告成仍應嚴令按期報告依限完竣臣
部一面會同該管督撫切實督催隨時籌畫決不使一隅閉塞致
礙全國交通此尤臣等夙夜兢兢冀以勉副聖朝同軌之至意其
餘各路俟續派各委員等報齊再由臣部陸續分別覆奏所有覆
陳勘查洛潼鐵路路綫股資大概情形緣由理合恭摺具陳伏乞
皇上聖鑒訓示謹奏

宣統元年四月初十日軍機大臣欽奉諭旨郵傳部奏遵議陝西
設立鐵路公司選舉總理分別准駁一摺著依議又奏勘查洛潼
鐵路路綫股資大概情形一摺知道了欽此

驗收京門枝路工程情形摺

奏爲驗收京門枝路工程情形恭摺仰祈聖鑒事竊查西直門外起至京西門頭溝止運煤鐵路於光緒三十二年六月由商部奏請歸併京張路工一氣興修作爲京張枝路奉旨依議欽此嗣由京張路局總辦詹天佑等馳赴測勘路線連岔道約長五十三里估需銀六十三萬一千餘兩詳部核准由關內外鐵路餘利項下動撥各在案茲據京張路局詳稱該枝路業於去年年底完竣計路長四十七里又四分連岔道共長五十六里又八分除支用款項俟核明細數專案造報外應請遴員蒞工驗收等因到部當經臣部派主事唐德萱京漢路局養路總管補用知府李大受公同前往驗收現據該主事等覆稱奉派後即乘京張火車開往門頭溝行程歷四十三分鐘左右核計每鐘可行五十餘里沿路鐵橋

十二座木橋一座橋空自十尺至四十尺不等永定河大橋一道計八空每空鐵梁長百尺橋墩連基均用唐山自造洋灰和石子製築工省料堅其餘涵洞三十八道積長一百十三尺車站站台機車房水櫃房辦工處所路員住房布置經營亦甚合法路綫多在平地祇有一處盤繞山峽幸僅里許尙覺無碍惟因繞避墳塋致正綫僅四十七里又四分而曲折之處共十八灣然全路安設諸法及一切製造均合華人使用與收回洋人承辦之路多須改良者不同等情前來伏查鐵路之設必枝幹互通而後運輸利便門頭溝一帶山北向產高煤從前專恃駝運腳價既昂銷路遂滯近日枝路一通開車以來運煤頗旺後來營業自可望有起色而該路工程安設亦皆布置妥貼臣部仍一面督飭該局總辦等認真經理隨時整頓總期上可以裕國下可以便民成一舉兩得之

美至該枝路支用各項款目銀兩俟該路局造具清冊詳報到日
再由臣部會同度支部覆核具奏所有驗收京門枝路工程情形
緣由理合恭摺具陳伏乞皇上聖鑒謹奏

宣統元年四月二十日軍機大臣欽奉諭旨郵傳部奏驗收京門
枝路工程情形一摺知道了欽此

The image shows a large, empty table with 12 columns. The table is defined by a thick black border. On the right side, there is a small, dark rectangular tab or protrusion. The table is otherwise completely blank.

--	--	--	--	--	--	--	--	--	--	--	--

1626

會覈正太鐵路收支各款報銷摺附清單

奏爲會覈正太鐵路收支各款報銷恭摺仰祈聖鑒事。前准軍機處片交前督辦鐵路大臣盛宣懷奏明正太汴洛兩路收支工款隨時咨部覈銷等因。一片光緒三十二年十月二十三日奉硃批覽欽此。欽遵到部。嗣經盛宣懷將該兩路收支各款表冊帳略咨送農工商部。由農工商部分別轉咨郵傳部查核。前來除汴洛一案另摺核奏外。查正太鐵路由前山西巡撫岑春煊奏請開辦。因係盧漢分支。請歸盧漢總公司辦理。經盛宣懷與華俄銀行訂立借款合同。奏由外務部核准。具奏奉硃批依議欽此。在案。茲據盛宣懷原咨內稱。前因總公司奏請裁撤改歸唐大臣接辦。收支各款應結至西歷一千九百零五年十一月分。本大臣交卸日止。由本大臣造冊報銷等因。自應將所送表冊督飭司員逐款詳核計

此案自光緒二十九年五月初六日起結至三十一年十一月初四日即西歷一千九百零五年十一月底止開支各款按冊核對總散尙屬相符惟查收款項下按照歷年季報表冊遞算與此次總冊列報數目不符應令詳細查覆再行核辦謹將准銷行查各款開具簡明清單恭呈御覽其自光緒三十一年十一月初五日起該路既歸唐紹怡接辦收支各款自應由唐紹怡接續造報以重款項所有核覆正太鐵路第一屆報銷緣由理合恭摺會陳伏乞皇上聖鑒再此摺係郵傳部主稿會同度支部辦理郵傳部右侍郎盛宣懷係原辦大臣並未到任例應迴避後不列銜合併聲明謹奏

宣統元年四月二十日具奏本日奉旨知道了欽此

謹將核覆正太鐵路自光緒二十九年五月初六日即西歷

一千九百零三年六月分起截至三十一年十一月初四日
即西歷一千九百零五年十一月分止收支各款開具簡明
清單恭呈御覽

計開

舊管無項

新收項下

一册開新收共公砵足銀一千八十一萬六千九百六十三兩
七錢九分

查該路借款法金四千萬佛郎克照合同九扣實收法金三
千六百萬佛郎克以三佛郎克三十三生丁零三分之一合
公砵銀一兩共合公砵銀一千八十萬兩此次總册報收借
款全數公砵銀一千八十萬兩又收寄存押款公砵銀一萬

三千七百一兩七錢六分又收試辦行車進款公砵銀三千二百六十二兩三分統共收公砵銀一千八十一萬六千九百六十三兩七錢九分又據表冊內稱開辦至一千九百零五年七月分止已列收公砵銀四百四十萬六千六百四十一兩二分其八月分起至十一月分止實收六百四十一萬三百二十二兩七錢七分惟查歷年季報表冊截至零五年七月分止共收法京匯款五次合公砵銀三百十五萬四千二百零一兩八錢代付款五次合公砵銀一百一十一萬九千一百十六兩二錢八分五次息款公砵銀十一萬八千零二兩七錢五次雜款公砵銀一萬四千九百十三兩九錢四分試辦行車進款一次公砵銀七百零四兩八錢八分應共收四百四十萬六千九百三十九兩六錢加八月分至十一月

分止實收銀兩統共應收一千零八十一萬七千二百六十二兩三錢七分計總冊列報短收公砵銀二百九十八兩五錢八分又查季報表冊有收息款雜款等項名目此次總冊只列借款及寄存押款行車進款三項其如何歸併之處及何項應列借款項下未據分晰聲叙無憑懸擬以上各節均應由該大臣詳細查覆再行核辦

開除項下

一冊開共支公砵足銀三百四十二萬七千五百九十八兩一錢三分

查前項係法京公司薪費及在路華洋員公費薪水路費日費一切雜款共支公砵銀二百二十二萬九千四百二十八兩五錢三分購地共支公砵銀八萬四千一百零五兩七錢

二分土方共支公砵銀二十萬零四千八百二十二兩零六
分工藝共支公砵銀三十二萬零五百十七兩七錢六分軌
道共支公砵銀五十萬零五千七百十四兩零九分房屋共
支公砵銀八萬六千二百十三兩一錢八分彝器物件共支
公砵銀三十八萬四千一百九十九兩零三分軌道附件共
支公砵銀一萬三千零八十二兩六錢六分備用物件共支
公砵銀二十萬四千四百八十六兩八錢行車器具共支公
砵銀二萬九千一百三十一兩零一分行車項下共支公砵
銀三百三十九兩零九分以上統共支公砵銀四百零六萬
二千零三十八兩九錢三分除收回各款公砵銀六十三萬
四千四百四十兩零八錢外實應支公砵銀三百四十二萬
七千五百九十八兩一錢三分按照季報表冊逐一核對與

總冊結數尙屬相符應准開銷惟銀元錢文折合公法銀兩
如何折算之處應令該大臣詳覆備查

實在項下

一冊開結存公法銀七百五十八萬九千三百六十五兩六錢
六分

查收款項下不符各節應令該大臣詳細查覆此項結存銀
兩應俟收款查覆到日一併彙核

會覈汴洛鐵路收支各款報銷摺附清單

奏爲會覈汴洛鐵路收支各款報銷恭摺仰祈聖鑒事竊前准農工商部將前督辦鐵路大臣盛宣懷造送汴洛鐵路工程收支表冊暨華文原冊洋文帳略及原咨呈一併咨送郵傳部前來查汴洛鐵路前由盛宣懷以盧漢鐵路係貸借比國公司洋款造辦豫籌幹路還款保全枝路利益奏請將開封河南兩府枝路統歸總公司等款接造悉照盧漢章程辦理經外務部核准具奏於光緒二十九年九月初十日奉硃批依議欽此欽遵在案又查盛宣懷原咨內稱前因總公司奏請裁撤改歸唐大臣接辦收支各款應結至西歷一千九百零五年十一月分本大臣交卸日止由本大臣造冊報銷等因自應將所送表冊督飭司員逐款詳核計此案自光緒三十年三月十六日起結至三十一年十一月初四日即

西歷一千九百零五年十一月底止收款項下共合洋例銀五十
九萬六千四百五十七兩一錢五分支款項下共合洋例銀三十
六萬二千三百八十一兩八分實在項下共合洋例銀二十三萬
四千七十六兩七分按款核算總散帳目尙屬相符所有請銷洋
例銀三十六萬二千三百八十一兩八分應准閉銷其結存洋例
銀二十三萬四千七十六兩七分查該路嗣歸前督辦鐵路大臣
唐紹怡接管自應統由唐紹怡接續造報以重款項所有核覆汴
洛鐵路收支各款報銷緣由理合開具簡明清單恭摺會陳伏乞
皇上聖鑒再此摺係郵傳部主稿會同度支部辦理郵傳部右侍
郎盛宣懷係原辦大臣尙未到任例應迴避後不列銜合併聲明
謹奏

宣統元年四月二十日具奏本日奉旨知道了欽此

謹將核覆汴洛鐵路收支各款開具簡明清單恭呈御覽

計開

舊管無項

新收項下

一册開新收共洋例銀五十九萬六千四百五十七兩一錢五分

查前項收款據報自西歷一千九百零四年五月分起至零五年十一月分止計收比公司撥款並代墊各項共銀五十七萬二千三百零八兩二錢四分又扣還各包工領用料價共銀九千七百十四兩二錢扣留各包工押款共銀一千五百六十六兩九錢八分扣留各包工保固工程共銀三千九百五十一兩五錢四分收入利息共銀八千九百十六兩一

錢九分以散合總核符前數

開除項下

一册開公費工利息等項共支洋例銀三十六萬二千三百八十一兩八分

查前項支款據報自西歷一千九百零四年五月分起至零五年十一月分止計支公費項下共銀二十三萬三千一百三十一兩二錢六分購地項下共銀一千一百三十五兩一錢一分土工項下共銀四萬二千四百五十兩工藝項下五千九百四十九兩九錢三分橋工項下共銀三萬四千四百九十八兩六錢七分房工項下共銀一萬七千四百零八兩七錢一分器具項下共銀四千零四十五兩三錢八分軌道項下共銀一百五十兩四錢五分軌道屬件共銀一兩零五

分付出利息共銀三萬三千六百一十兩五錢二分以散合
總數目相符應准開銷

實在項下

一册開結存洋例銀二十三萬四千七十六兩七分

查該册收支兩抵所有實存銀數核算相符應令歸入下屆
報銷案內再行查核

陳明接管京漢鐵路整頓情形暨籌擬擴充改良各辦法摺
奏爲陳明接管京漢鐵路後整頓情形暨籌擬擴充改良各辦法
恭摺仰祈聖鑒事竊京漢鐵路前由比國公司代辦已閱十年近
清還比款收回自行管理外人方以接管之善否視我辦事程度
之高低以歲修工程行車管理諸大端有待於改良者尤切上年
秋冬間迭飭鐵路總局局長梁士詒暨該路總辦鄭清濂等分別
妥議逐漸施行數月以來路務尙形起色茲謹將整頓情形及籌
擬擴充改良各辦法爲我皇上陳之查京漢路綫甚長分段管理
用人甚多洋員薪工尤鉅非裁汰歸併改用華員則糜費多而實
利少從前原用洋工程司一員歲薪六萬佛郎另駐比洋員十三
人經理撥款購料等事又各款核算文案管料洋員數十人薪工
亦頗不貲接管以來業將總工程司及註比十三人全行裁撤工

程事務改歸養路處兼辦向設行車養路廠務三處分派華員充當總管其在歐洲撥款購料諸事改託銀行經理隨時雇人驗收材料全路大段亦經併三爲二計又遣散洋員三十名裁去監工柵頭等員役一百餘名通計歲省之數約銀在十萬元之譜其路工應用材料固爲必不可少之物亦爲歲出大宗從前分歸各段經管收發不無弊混現飭統歸京局綜核不時可以調查其動支料件易於稽核即訂購各料亦復相時購備免因急購而受抬價之虧此等所節浮費事在無形雖無確數可徵而日計不足月計或見有餘至於招徠商貨本爲營業要圖該路常年轉運貨物自以煤炭糧食兩項爲數最鉅迭經核減運煤車價優給各項運貨回費又設商務專員與客商隨時接洽兼在京津鄂汴考察攬載是運貨之數業已漸見增加計自接管以來至今凡五閱月通共

進款五百一十萬餘元較之上年此數月內所收約多七十餘萬元倘能按此成績日起有功不特借款本利易於清還即一切附麗該路事業無難逐漸擴充日臻完備此整頓京漢鐵路之大概情形也惟是理財之道本重開源營業之方應規遠大上陳各節僅就已辦者而言至於應辦諸事百緒千端猶以財力支絀未能同時並舉臣等通籌默計有必不容緩者數事一曰添購車輛路綿長二千餘里近以客貨日盛不敷周轉露積站旁客商時形缺望逆料日後貿易愈繁車輛必愈形缺乏自應從速添購現擬定購貨車二百輛以應急需其餘各項車輛隨時斟酌情形再行籌辦二曰建築旅館收筦行李查該路沿途食宿地方湫隘菲惡行旅苦之現擬於各大站自行設立旅館分別等級酌取價資務令妥洽安舒以便過客又客商起卸行李紛紜擁擠不便殊多現擬

仿照外洋及滬甯潮汕等路辦法由本路另設專員收筭行李以免擾亂遺失三日修繕軌道查沿途枕木朽敗者多行車深虞危險應即從速抽換又石渣撥土最傷枕木隄橋不護易於傾頽擬飭將全路石渣從新範鋪並於河流衝要酌添隄壩庶免潰決之後耗費彌多四曰增設站所查京漢各站向無圍墻以致人衆紛雜一切規則無從實施上年已飭將北京一站修築圍墻此外大站亦應陸續修築又各大站應造鐵蓬以蔽風雨設存車廠以保車輛添設月台以敷轉運並飭分別辦理五曰籌辦轉運查各國鐵路皆多設轉運公司與鐵路相輔而行以廣招徠而資利便該路原有轉運公司十餘家羣路經營尙未盡臻妥善現擬設立運輸所一處攬載向來不附鐵路貨物務以便益商務爲主俟辦有成效再行隨時推廣其餘培養路員則洋員可期抽換清釐地

畝則餘地可以分租添造枝路則貨物之運轉靈而進款豐推廣
工廠則車輛之修理便而用費省以及廣種樹木以資取材別售
存料以免擱棄凡百興作皆爲來日取盈之資凡所更張悉屬目
前節用之計前此規模缺略荏苒已經十稔若長此因陋就簡則
墮壞冥冥不獨將來所費益鉅即進款亦必致漸微路歸國有帑
藏攸關臣等職司所在不敢僅顧目前自應督飭該路員司切實
施行力杜糜費以期蒸蒸日上並由臣等隨時親往該路詳查一
切藉臻周妥所有整頓京漢鐵路情形及籌擬擴充改良各辦法
緣由理合恭摺具陳伏乞皇上聖鑒訓示謹奏

宣統元年五月初十日軍機大臣欽奉諭旨郵傳部奏陳明接管
京漢鐵路後整頓情形一摺又奏整頓京奉鐵路劃分權限一摺
均著依議欽此

The image shows a large, empty table with a grid structure. It has approximately 12 vertical columns and a single horizontal header row at the top. The table is mostly blank, with some faint, illegible markings and a small dark artifact on the right side. The table is enclosed in a thick black border.

整頓京奉鐵路劃分權限疏濬利源摺

奏爲整頓京奉鐵路劃分權限疏濬利源以節虛糜而收實效恭摺仰祈聖鑒事竊中國建築鐵路以京奉爲最先各路進款亦以京奉爲最鉅該路機關複雜廠站繁多措置是否得宜於權限出入路利盈虧關係至爲重要臣等督同鐵路總局局長梁士貽及該路總辦楊士驥于幾年等悉心籌畫隨時切實整頓所有用人理財各項現已漸就範圍茲謹將辦理情形爲我皇上縷晰陳之一嚴核工程查工程一項用款浩繁最難稽考上年九月臣部頒發工程限制章程飭令總工程司每年年終預算下年應須修造工程開單稟呈核奪非經核准不得擅行興工其因天災事故急須修造工程有出預算之外者應由工程司稟明總辦核辦如預算在銀五百兩以上均須稟呈鐵路總局核准方准支款至各工

程司領款之時非經總辦批准不得向收支處支領倘預算款項不敷應將續需之數稟請核示數月以來稽核漸嚴密一嚴核購料鐵路出款以購料爲大宗該路機廠兼代他路製造橋梁車輛等項用料尤鉅現經飭令於訂購之先由總工程司暨廠務華洋各員彼此研究明確其料價在銀一萬兩以上及須訂立合同者均須稟請批准飭違不得擅行訂購以重事權一歸併職掌裁汰員司該路局內執事華洋員計分二十處名目紛繁職權不一經飭併爲一處每處派總管一員督同員司經理其事務較簡者即行分別裁併計共裁去五十餘員其兼差薪水並經一律停止一整頓唐山機廠查唐山機廠工匠衆多事務繁冗且與京津相距較遠稽察難周去年七月臣部添派美國機器專門畢業生候選道施肇祥充全路機器副總管常川駐廠幫同辦理隨時認真

查察並將不急廠務暫行停止以節糜費一嚴定客票貨票規則
車務積弊以客票貨票爲最多經飭該路車務處將客貨各票暨
車守磅房防弊情形逐細考求訂立規則十二條通飭遵守凡各
站票房磅守車守同通舞弊以多報少以貴報賤私帶客貨漏填
帳本遺失票據一律嚴定罰款其知情舉發者並酌量提賞以示
勸懲一清理貨廠該路設立貨廠原爲便商儲貨起見從前各廠
司事間有需索小費積攔貨物情事經嚴飭禁革其陽奉陰違再
蹈前弊者並即立予懲辦一整飭車務用人查沿路站长地位雖
卑而與各商隨時接洽實爲要職本年二月經飭訂委派站长章
程凡站长更調補充應總辦主持車務總管不得專主其平日辦
公勤惰應按季造冊呈報聽候考覈黜陟並以此項人員皆有銀
錢之責飭令一體覓出妥保簽單備案此年來整頓京奉鐵路用

人行政之大略情形也此外沿路巡警從前不甚得力現經實行訓練分段梭巡尙堪保護行旅乘客長期免票暗虧進款流弊滋多去歲經奏明停止現各部省請發減價憑照亦已日漸少又該路所開新邱煤礦成效未著用度不貲經飭暫停大舉以上各項綜計所省款項爲數匪少抑鐵路營業尤重開源京奉一路自南滿洲鐵路與之爭衡輸運頗形澀滯臣部所夕籌思力圖擴充進款之策現計已辦到者數事一添開車輛該路由京至奉向無直達快車現每星期開行一次以便與南滿洲鐵路行車相接並於京津間每日加開快車二次據該路車務處報告添開以後進款實有加增客商亦咸稱便一酌減運費各路貨物往往因車價過昂改由他運因飭該路凡大宗貨物均予減價以廣招徠一招商租地該路全線頗多荒廢可惜因飭勘丈明晰分別招商承租所

得租價悉數歸公計每年進款可增十萬元之譜一添修岔道鐵路岔道愈多則轉輸愈旺現飭該路凡衝要處所商家請築岔道察於路務無礙均即立予興工以便加收租款一聯絡軌道分攤票費京奉本與京漢京張連屬與南滿洲鐵路亦相接近彼此客貨可互爲遞送經飭擬訂聯絡辦法以便血脉貫通轉輸益捷每年分攤票費亦可積少成多一代各路製造車輛橋梁查該路山海關唐山兩廠於製造車輛橋梁素稱合法京張廣九津浦及江蘇粵漢各路多向其定造臣部現飭該路加意延接並飭知各路多向該廠定造將來此項利益當有把握一轉售各項車輛料件該路積存車輛機器等件頗多廢棄堪虞尤耗成本經多方向各路商酌陸續售出將售價全數歸公以資挹注其隨時剔換道木鐵板螺絲各項售出價值並飭按月呈報以憑考核此外沿路租

挂告白貨設棧房修飾座位改良票式更定開行時刻等均經隨時飭知籌辦要以便商益路爲主此又關於營業之整頓情形也竊維鐵路管理之法繁頤多端然究其會歸不外開源節流二事開源動須鉅款現在財政支絀祇能就力所能辦者竭力籌維並冀用款多省一分即可勻一分以辦他事故節流之舉尤不容緩據路局呈送徵信冊上年進款較前屆約多一百萬元而用款反較前屆少七萬餘元計前屆用款占進款百分之三十七分而上年用款僅占進款百分之二十八分實屬具有成效臣世昌此次由滄來京曾特往山海關唐山塘沽天津各廠站局所考察一切嗣後臣等仍當不時親往查閱並督飭該路員司認真辦理毋得輒有疏怠以利交通而臻完備所有整頓京奉鐵路情形緣由理合恭摺具陳伏乞皇上聖鑒謹奏

宣統元年五月初十日軍機大臣欽奉諭旨郵傳部奏陳明接管
京漢鐵路後整頓情形一摺又奏整頓京奉鐵路劃分權限一摺
均著依議欽此

The image shows a large, empty table with 10 columns and a header row. The table is oriented vertically on the page. The columns are of varying widths, with the first column being the widest. The table is enclosed in a double-line border. There is a small black square mark on the right side of the table, approximately halfway down. The table is otherwise empty of any data or text.

匪徒竊毀鐵路要件請明定治罪專條及承緝處分摺

奏爲匪徒竊毀鐵路要件請明定治罪專條及承緝處分恭摺仰
祈聖鑒事竊維鐵路之設上便軍國下利商民其行駛之利便專
恃軌件之完全故自鐵軌枕木以至道釘之類無論件數大小一
有缺失患即隨之危險所關良非淺鮮第軌件敷設綿長沿路愚
民每乘防範不及之處任意竊毀就官辦各路而論此項案件時
有所聞商辦各路尤屬難免凡遇此案疊經臣部咨行該管督撫
嚴飭地方文武緝拏追賊縱獲一二確鑿口供以無治罪明文僅
予枷責了事而地方官吏亦因例無考成不免敷衍當此新律尙
未實行設不暫照現行法律明定治罪專條與承緝處分何足以
示創懲而資整頓查前大學士臣李鴻章於光緒十八年在直隸
總督任內曾以匪徒竊毀電報桿綫請定治罪專條承緝處分並

聲明電綫事同驛遞非尋常官物無關要事者比若照盜毀官物科罪計贖罪止杖責不足蔽辜即商電桿綫係奏明設立亦應一體維持奏請部議嗣經刑部議以竊毀電報桿綫不論官電商電是竊是毀不計桿數均比依驛站馬夫遞交公文事干軍情機密沈匪例分別科罪追賠至聚衆拔毀逞凶拒捕情節重大仍察看情形分別首從照土匪滋事從嚴重懲不得復拘常例其該管地方文武職官應得處分亦經吏部兵部會議分別按照定例比擬先後奏明奉旨依議欽此欽遵通行辦理在案竊以電報關係傳信事務鐵路關係運輸機宜於國政均關重要而路軌被竊致出危險輕則損壞貨物重必傷害人命似比竊毀電綫僅碍傳報受害尤多且有所竊尙微所害甚鉅亦非尋常盜毀官物計贖科罪之例足以比附相應請旨飭下法部凡屬竊毀鐵路路軌枕木道

釘及關行車一切重要機件之罪犯暫照奏定竊毀電報桿纜比擬治罪專條定議通飭遵辦至失察及承緝之地方官應得處分分別重輕併請由吏部陸軍部從嚴議定俾有責成庶杜後患惟現已修訂新律所有竊毀鐵路及電報輪船郵政等罪應由修律大臣訂入新律俟奏定頒行後再照新律辦理又商辦鐵路均係奏准建築其總協理各員亦皆由部奏派事關公益非一人私產可比應與官辦各路一體保護臣等爲慎重路政起見是否有當伏乞皇上聖鑒訓示謹奏

擬飭各鐵路察看情形統籌添巡警並劃一名目片

再查鐵路向章應由本部專設巡警管理該路界內彈壓看守等事本與地方所設警兵有緝捕專責者權限攸分然鐵路巡警果能布置周密防患未然則界內竊毀之案自可減少而地方緝捕之事亦不至加繁現在官辦各路所設巡警京奉一路向由北洋調派巡兵約共一千餘名其京漢一路南北兩段直鄂撥有練軍護軍巡防等隊中段專賴汴省所設鐵路巡警營分站駐紮而該路專設之巡警則祇一百餘名其餘各路警兵多或百餘名少僅數十名且往往沿用彈壓巡查護勇等名目事權既未歸一責任又復不專人少路長不敷分布推其因陋就簡之由原爲節用省費之故不知鐵路機件價值昂貴遺失購補爲費已多萬一生出危險傷害人命損壞車輛則撫卹之費既鉅修理之費尤繁臣等

通盤計畫與其懲治於事後不如防護於事先是鐵路多設巡警費尙有限而保全路務利在無形得失相權其理甚顯擬即察酌情形將此項護路巡警統籌添設並將彈壓巡查護勇等名目一律更正以期統一而符名實即商辦已成之路亦當由臣部隨時體察商籌辦理務令路政益臻完密臣等思患預防並爲地方官吏輔助聯絡起見是否有當理合附片具陳伏乞聖鑒謹奏

覆陳勸查山西同蒲鐵路路綫股資情形摺

奏爲覆陳勸查山西同蒲鐵路路綫股資大概情形恭摺仰祈聖鑒事光緒三十四年五月二十六日奉 上諭近年來各省官辦鐵路皆能尅期竣工成效昭著而紳商集股請設各公司奏辦有年多無起色坐失大利尤礙交通著郵傳部遴委委員分往各路確實勸查各路工程妥擬辦法嚴定期限倘所集股資不敷尙鉅或各存意見推諉誤工以致未能依期完竣即由該部會同該管督撫另籌辦理並將該省所舉承辦人員差使查照商部歷次奏案分別撤銷等因欽此欽遵到部當即遵擬勸路查款辦法先從選員奏派分往勸查並將已經勸查各路大概情形分別奏陳各在案茲據前派同蒲鐵路勸路委員臣部鐵路總局工程顧問員沙海昂汴洛鐵路監工唐乃倉鐵路總局譯員林兆璠查款委員調

部差遣翰林院檢討陸夢熊鐵路總局科員周明泉等查明稟報前來查山西鐵路該省原擬由大同府起修至蒲州府止嗣後該公司因集股維艱自開辦以來共收股款銀二萬七千餘兩及撥用畝捐銀二十萬兩核計所差甚鉅遂擬先修太原府城起至汾州府之平遙縣一段亦已聘請工程司測勘現據臣部委員將其原勘路線詳加覆勘據稱由太原府城起向北接路應自城東即行向北較城西地平更高若就城西定綫必須墊高地基地勢尙嫌狹小如向南出路直抵徐溝形勢甚順但地太低窪即使造橋而河流遷徙無常各橋基址極難預決倘達徐溝不東繞太谷即抵祁縣固可縮路而省費然太谷地方富庶就營業論又不能舍此他適惟是太谷西北二門外恆有河患欲設車站不得不繞東南多一轉折由此又當向西迤至祁縣而五馬河及支港諸水皆

向祁而流應建涵洞極多其由祁縣至平遙縣此段跨道向嶺循電桿至混河均是高地原勘路線定在平遙城西與地利不甚相合尙須酌改其款項除歷年費用外現在所存僅有六萬九千餘兩等因伏查該公司擬由太原先修平遙尙屬實事求是雖其原勘路線據臣部委員覆勘有須斟酌之處然避窳就良猶非難事特該公司現存款項僅此六萬餘金倘不趕緊募籌即此一段亦無告成之望應由臣部會同山西撫臣從嚴監督察看情形如果悠悠無成自應恪遵諭旨將該公司分別撤銷另籌辦法其餘各路俟各委員等陸續報齊再行覆奏所有覆陳勘查同蒲鐵路路綫股資大概情形緣由理合恭摺具陳伏乞皇上聖鑒訓示謹奏

The image shows a large, empty table with 10 columns and a header row. The table is oriented vertically on the page. The columns are of varying widths, with the first column being the widest and the last column being the narrowest. The table is enclosed in a thick black border. There is a small black square mark on the right side of the table, approximately halfway down.

遵擬陸海軍鐵路輸運詳細章程摺

奏爲遵擬陸海軍鐵路輸運詳細章程恭摺仰祈聖鑒事光緒三十四年十二月初五日郵傳部具奏變通鐵路免價減價辦法一摺附擬章程八條內開凡陸軍部及將來設立之海軍部暨各省督練處軍人及軍用物品因公來往輸運者應由陸軍部或該省督練處商由郵傳部發給憑照減收半價此項詳細章程應由臣部與陸軍部另行訂定等因當經奉旨允准欽遵通行在案臣等自應遵照前奏詳擬章程以昭慎重而期遵守竊惟鐵路之設所以利國便民者百端而大要以利於師行者爲最重是以東西各國官商鐵路皆有軍事輸送以及軍事供用之制大抵無事之日則減收賃率以優異之有事之時又儘先載運以便利之甚者軍務方殷凡調遣車輛敷設工程得便宜屬於陸海軍之指揮亦所

恆有蓋陸海軍爲立國之命脈無論官設私設之路苟無害於營業之常例與爲其力之所能勝則轉餉行軍皆有應盡之義務而國家執中定制於鐵路應得之權利亦無不設法保全各國之制略皆如此惟中國鐵路方始萌芽其成立之始有官辦商辦借款代辦之不同統轄之機關既殊則臨事之因應亦異臣等公同商酌官辦各路本屬休戚相關在理宜供軍用商路雖以營業爲主然果能於行車工程各款按費核給勿令過受損虧當無不急公圖效至若借款代辦各路其行車管理調度之法類多明定於原訂合同之中於未經清還借款之前自當仍按合同辦理以上辦法均係按照上年原奏分別訂明衡之現在情形均能推行無阻節經派員互商詳細討論計擬定章程凡二十條其憑照一項原訂由陸軍部或各省督練處商由郵傳部發給今改爲由陸軍部

刊刻鈐印頒給各省督練處領用於原奏稍有變通而事理益形周密臣等覆加察核皆屬可行恭候命下即由臣部欽遵辦理至現在之禁衛軍軍諮處及將來設立之海軍部如需用鐵路輸運時亦擬按照此項章程辦理其所需減價憑照即由禁衛軍王大臣及軍諮處海軍部刊印發給以期迅速戎機此外若陸海軍輪船輸運亦當訂有專章臣等當隨時續議章程另行奏明立案所有遵議陸海軍鐵路輸運詳細章程緣由理合繕具清單會同具奏伏乞皇上聖鑒訓示再此摺係由郵傳部主稿會同陸軍部辦理合併聲明謹奏

宣統元年 月 日具奏奉

謹將擬訂陸海軍鐵路輸運詳細章程開列清單恭呈御覽
計開

第一條 凡陸海軍軍人暨軍馬兵器彈藥糧秣服具工作器具及一應軍用物品如持有軍用執照附搭中國官商鐵路來往輸運者其運費均照該路所定價目減收半價

第二條 軍用執照共分兩種一曰軍人乘車執照一曰軍用品物輸運執照均由陸軍部頒發

第三條 軍用執照如非因公來往不許請領以示限制

第四條 軍用執照所有陸軍部員司及直轄之學堂局所由陸軍部發給其近畿各鎮暨各省之軍隊陸海軍學堂局所由各該督練公所督辦預行請領轉發惟非陸海軍之學堂局所不在此例

第五條 凡請領軍用執照之官兵須將其姓名官階來往地名車室等次呈報所屬官署如運輸軍用物品並須將物

品重量件數及運輸官銜名呈報以憑發給

第六條 凡第五條所列各節須用墨筆填註照內如輸運軍用物品並須將運輸官銜名填載以便稽核

第七條 遇有軍務亟須鐵路輸送陸軍部及各省督練公所督辦應即電咨郵傳部轉飭或由陸軍部及各省督練公所督辦逕行電飭或派員與鐵路局鐵路公司會商該鐵路局鐵路公司務須按照所定時刻車輛數目種類趕緊準備不得推諉延擱致誤戎機惟各督練公所督辦凡遇軍務調用火車之時須先報明陸軍部立案事竣仍將運輸實施情形詳細呈報以憑查核並由陸軍部轉咨郵傳部

第八條 如遇軍情緊急亟須將某路全線或某段之路改爲軍用鐵路陸軍部可會商郵傳部酌定其鐵路人員及乘

車站均由陸軍部派員指揮監督所有一切費用俟事竣後由陸軍部會同郵傳部核實發給

第九條 凡已改作軍用鐵路之地段應否照常行車及行車時刻均由陸軍部酌定

第十條 凡已改作軍用鐵路之地段如有應行改修添設之工程應由陸軍部逕飭鐵路工程處按照圖樣改設不得違誤其費用由陸軍部會商郵傳部發給

第十一條 凡陸海軍輸送專車久已改作軍用之鐵路非奉輸送司令官之允准不得附載郵政信件及連絡郵政車

第十二條 各鐵路局鐵路公司按季將所收之軍用執照彙齊呈由郵傳部轉咨陸軍部查驗其各督練公所及陸海軍軍隊局所學堂亦須將所發之軍用執照存根彙送陸軍

部以便核對而杜冒濫

第十三條 凡用執照乘車之人員其所帶行李須按照該鐵路定限攜帶逾限照章收價

第十四條 凡輸送軍隊每輛車附載之人數應按尋常定限十分之七計算以免擁擠而重兵力

第十五條 軍用乘車執照自協參領以上應坐頭等車協軍校以上應坐二等車弁目以下及陸海軍學生視各路情形坐二等或三等車學員則按其現任官階等級發給執照

第十六條 軍用鐵路輸送執照所需之車如左

一軍用馬騾用有蓋貨車

二砲車及輻重等車用無蓋貨車

三槍械及軍用器具凡有箱者用無蓋貨車無箱者用有蓋

貨車

四彈藥用保險車

五軍需物品凡易燃者用保險車不易燃者用有蓋貨車

以上所需各種車輛如各路情形不同不能照第十六條辦理者臨時由輸送指揮官與該路局公司或某站站長會商斟酌辦理

第十七條 凡輸送軍用物品遇有危險軍火與平常貨物同置一車與否臨時由輸送司令官會商該站站長按照當時情形酌量辦理

第十八條 各路帶有寢室之列車陸海軍將領官員遇有緊急事故必須乘坐亦可照章減收半價惟運輸軍隊及大批軍需物品不在此例

第十九條 此項章程只准奏明編練之海陸軍使用其餘概不得援以爲例惟遇有緊急軍務須調遣各項軍隊時經陸軍部核准亦可按照第七條辦理

第二十條 此章程內遇有未盡事宜應由陸軍部隨時會商郵傳部酌量增改奏明辦理

1674

議覆籌修錦齊鐵路摺

奏爲遵旨籌議恭摺密陳仰祈聖鑒事本年四月二十五日東三省總督錫良附奏錦洮路事請飭部籌款興修一片奉硃批郵傳部議奏欽此欽遵由軍機處鈔交到部原奏內稱東省自日俄戰後鐵路爲兩鄰所分據上年郵傳部將瓊新一路奏定爲東幹路綫嗣因新法一段礙議未協前督臣改議由錦州以至洮南此路若成尙可居中鼎立應請飭下該部迅籌的款派員勘路急圖興修等語查三省地方遼遠外患日亟經營政策首在交通從前東清南滿兩約早失先機欲籌補救之方非再修極大幹路不足以固邊陲而消隱禍惟新法路案與日人內外磋商迄無成議計惟繞出新民之西徑由錦州經小庫倫以達洮南推展至齊齊哈爾改瓊新爲錦齊將來再由齊齊哈爾接展瓊瑋於形勢之制既合

或桑榆之效可收且錦州附近有壺盧島不凍口岸將來接連枝路闕作商港則遼東轉運斯爲尾閭不獨鐵路分南滿之利權抑且航路挽營口之損失故錦齊一路關係緊要內則聯絡三省外則策應蒙疆水陸兼籌寔今日謀邊之至計惟此路綫長二千餘里成本既重餘利難期第經國必重遠圖斯營業不規近利臣等公同商酌竊以鐵道宗旨各有不同或期行政之靈通或在軍事之便利兼權得失審別重輕欲後效之可期當先務之爲急現擬與英商葆林公司商酌先行派人會同前往錦州一帶查勘路綫勘定之後再與英商酌議逐段包辦工程查臣部鐵路款項每歲出入兩不相抵曾經列表奏陳所有支絀情形早邀聖明洞鑒至該督所稱迅撥的款一節經臣部函商度支部辦理亦復籌款爲艱難資挹注而該路道長工鉅又不能置爲緩圖計惟借款興修

則程功較有把握近來日人於東省鐵路屢起干涉加果另借鉅款當將借款造路分爲兩事冀於路事不至有損主權於邊事亦可儲資抵制未始非目前應變之策不僅因庫款支絀故也如蒙俞允當由臣部與外務部度支部隨時會商統籌以期補救於萬一一俟議有端緒再行奏明辦理愚昧之見是否有當謹恭摺密陳伏乞皇上聖鑒訓示謹奏

展築張綏鐵路籌定辦法摺

奏爲展築張綏鐵路籌定辦法恭摺仰祈聖鑒事竊臣部前因京張鐵路將次造成預籌展築張庫或張綏鐵路飭令京張路局就近察勘據覆張庫直綫貨物稀少不如先接展歸化綏遠城較爲利便等情業於光緒三十四年十一月奏派京張鐵路副工程司俞人鳳往勘張綏奉旨允准在案茲據該工程司稟稱由張家口起抵歸化城計分四綫取道八岔溝出新平口經甯遠爲北綫取道大同出殺虎口經和林格爾廳爲南綫取道大同北折邊疆出得勝口達豐鎮接北綫之西段爲現擬之綫再由歸化城至河口即託克託城爲枝綫惟是八岔溝負山臨淵軌道依山而行山土鬆浮取以築基不甚適用新平口溝渠交錯橋工較多而鵝嶺嶺高至二千八百餘尺臆包山且比之尤峻均須開山鑿洞過此山

道坡度遞高惟豐鎮地尙坦平即由北而南自歸化城東至和林格爾土少沙多車馬視爲畏途一有大風路軌慮爲沙壓南抵朔平類皆疊嶂層巒循至大同山坡溝渠又復不少惟由張家口順南綫東段抵大同北折邊疆出得勝口達豐鎮接北綫西段至於歸化展修河口如是變通一則不失大同運煤之利而南北糧食皆可兼運修養之費尙有把握二則同蒲路成可以接軌三則聚樂山較腦包山紅糖水溝較八岔溝枳兒嶺較鷓鴣嶺難易迥殊若不圖甯遠之捷取道陶林則石匣溝亦可繞越惟邊地早寒每歲施工祇六箇月約計八年方能完竣等情并由京張總工程師詹天佑核報前來臣等覆查該工程司所勘各綫尙屬詳晰計北綫六百零八里估需銀一千六百六十餘萬兩南綫七百一十里估需銀一千八百四十餘萬兩現擬之綫六百八十九里估需銀

一千六百零六萬餘兩論路則比南繞爲短論費則比北繞爲輕加入河口枝路一百四十一里估需銀一百五十萬兩左右共合銀一千七百五十六萬餘兩自應就現擬之綫興築以上所估各款尙未計及利息釐稅似此鉅款誠非咄嗟可辦然以八年攤計每年約需銀二百餘萬兩臣等竊維殖民必籌及交通實邊即所以固圉有路以供輸運則物產之賤者可昂徵調之遲者可速張綏一綫實於行軍理藩政策極有關係即使營業本金稍有短缺亦難置諸緩圖况就營業而論由張口而豐鎮而歸化而河口皆爲繁盛商埠近挹大同陽高之煤炭雜糧遠萃庫倫甯夏之皮毛牲畜將來西北客貨奔捲雲集路利之巨可操勝算現各路同時並興部款十分支絀惟事關重要不得不極力籌濟藉備工需查京張工費係從京奉餘利除備付六箇月借款本息外餘款項下

按年撥濟奏明遵辦在案現由京張展至張綏該路工費擬仍撥案就京奉餘利項下分起提撥其不敷之款即由京張路利撥用屆時便可專管此路即飭令京張路局人員一手經理暫時定名張綏毋庸另行設局以節糜費而資熟手所有展築張綏鐵路辦法緣由理合恭摺具陳伏乞皇上聖鑒訓示謹奏

宣統元年七月初一日具奏

擬訂吉長新奉鐵路借款細目合同摺

奏爲擬訂吉長新奉鐵路借款細目合同繕單恭摺具陳仰祈聖鑒事光緒三十三年三月外務部與日使訂立新奉及吉長鐵路協約內稱應由兩國訂立各該鐵路借款合同等語嗣以協約辦法尙有應須更改之處經由臣部與日使重訂續約七條聲明借款細目合同彼此委員另行商訂於光緒三十四年十二月奏明奉旨允准在案臣部當派京奉提調知府盧祖華等與南滿洲鐵道會社委員開議復因該路關係奉吉兩省交通行政於利害所在不厭詳求經飭就近隨時稟商東三省吉林督撫臣並添派籍隸吉林之候補道員徐鼎霖隨同參酌以資取益而期周密計磋商迄六閱月會議至數十次往返爭持幾於筆舌俱瘁始克定議當擬訂吉長鐵路借款細目合同十二條新奉鐵路借款十二條

大致係吉長借款以二十五年爲期吉長行車進款應放存長春或吉林之正金銀行但此款如係該行平日不收之貨幣則不存放該行該行亦不能援協約第三款令吉長路局照數補存又該行存款除開支及備還本息外聽候中國國家撥用新奉借款以十八年爲期每年應還本息按月劃出存放天津正金銀行等語以上各節爭執最烈者惟吉長行車進款存放正金銀行一事初議時日人要求凡進款皆須存放又必須日圓該銀行方允照存臣等以奉吉兩省向用龍圓及官帖小銀圓若必須日圓方允照存不特兌換折虧且於國幣流通殊形阻窒辯駁多次日人始允照現訂第六款辦法其餘各項如借款交與我國駐日使臣還款由我在大連或日本交付則何時匯兌由我自主正金不能操縱鈔價如合同內未盡事宜凡關於還本還利如由局長與南滿鐵

道會社商酌則會社不能藉口更易其他各事如彼此爭執公舉
公證人判斷則可不牽入國際交涉均根據歷次所訂協約續約
酌加細密當先將合同草稿咨送外務部度支部查核旋准覆稱
均屬妥協等因茲謹將兩路細目合同繕具清單恭呈御覽如蒙
俞允即由臣部欽遵派原議委員與南滿洲鐵道會社委員簽押
並咨行外務部照會日本使臣查照所有擬訂吉長新奉鐵路借
款細目合同緣由理合恭摺具陳伏乞皇上聖鑒訓示謹奏
宣統元年七月初一日具奏

謹將擬訂吉長新奉借款細目合同繕具清單恭呈御覽
計開

吉長鐵路借款細目合同

中國郵傳部

以後

郵傳部

所派後列委員與南滿洲鐵道株式

會社

以後條約
稱會社

所派後列委員按照中日兩國政府於光緒

三十三年三月初三日即明治四十年四月十五日所訂之

新奉及吉長鐵路協約又按光緒三十四年十月十九日即

明治四十一年十一月十二日所訂之續約

以後條約
稱續約

關於

吉長鐵路借款之細目訂立合同其要條開列於左

第一條 照續約第一條會社允借修築吉長鐵路所需半

數之款日本貨幣二百十五萬元每百元按九三扣付在日

本東京交與駐日本中國公使中國公使即將合同所附之

甲式憑據交付會社

第二條 此合同成立之後以照會日本駐北京公使之日

起於一個月之內將以上所訂之借款即照中國政府所定

日期全數一次交清

中國政府所定收款日期必在收款之十日以前知照會社
第三條 借款以二十五年爲期自借款交清與中國之日起算扣至第六年起作四十次均分還清按陽歷每半年照附表交付一次其已還之本即於交還之日停止利息

第四條 借款利息由借款交付與中國之日起算按陽歷每半年照附表交付一次

第五條 中國郵傳部鐵路總局以後總辦局長或吉長鐵路總辦屆期須將應還借款之本息給付大連或日本東京

之會社均聽中國政府之便會社即照附表所還之本息按合同所附之乙式及丙式憑據交付吉長鐵路總辦

第六條 吉長鐵路行車進款應存放在長春或吉林之橫濱正金銀行支店或出張所但此款若係銀行支店或出張

所平日不收之貨幣則不存放該銀行故會社並該銀行亦不能照協約第三款已條令吉長鐵路局將該銀行支店或出張所照以上所言平日不收之貨幣照數補足並不按時價折變存放該銀行

前款所言存款除吉長鐵路開支外倘有盈餘則備存足數六個月借款本息餘者聽候局長飭吉長鐵路總辦撥爲中國國家之用

以上第一款所言存款應由該銀行按照收存款之支店或出張所時時所出之利息告白付利

前三段所載各事在該銀行營業限期内即照辦理

倘過該銀行限期既滿再展限期時亦續行照辦

倘該銀行不展限期即由會社另指一銀行代爲照前辦理

第七條 凡此合同內關於付利還本之事倘有未載明之事宜者總局可與會社隨時協商辦理

第八條 此合同須由兩國政府允准然後施行

第九條 此合同簽押之後由總局局長將合同細目稟請奏准所奉上諭由中國外務部照會駐北京日本公使

第十條 此合同於本息全數還清後即行作廢

第十一條 此合同正本繕寫中日文各四分於中國外務部及總局駐北京日本公使及會社各存一分

第十二條 此合同字句如有解釋爭議之處須由總局及會社各舉局外人一名出為調處人如調處人商議不決再由兩調處人共舉一局外人充調處長倘遇兩調處人於選舉之意見不合時即就各選舉之一人用掣籤法選定一人

此三人會議判斷以多數爲準彼此遵守不得異言

新奉鐵路借款細目合同

中國郵傳部以後條款所派後列委員與南滿洲鐵道株式

會社以後條款所派後列委員按照中日兩國政府於光緒

三十三年三月初三日即明治四十年四月十五日所訂之

新奉及吉長鐵路協約又按光緒三十四年十月十九日即

明治四十一年十一月十二日所訂之續約以後條款關於

新奉鐵路遼河以東綫借款之細目訂立合同其要條開列

於左

第一條 照續約第一條會社允借修築新奉鐵路遼河以

東綫所需半數之款日本貨幣三十二萬元每百元按九三

扣付在日本東京交與駐日本中國公使中國公使即將合

同所附之甲式憑據交付會社

第二條 此合同成立之後以照會日本駐北京公使之日起於一個月之內將以上所訂之借款即照中國政府所訂日期全數一次交清中國政府所定收款日期必在收款之日以前知照會社

第三條 借款以十八年爲期其本全數均勻分三十六次還清由借款交清與中國之日起按陽歷每半年照附表交付其已還之本即於交還之日停止利息

第四條 借款利息由借款交付與中國之日起算按陽歷每半年照附表交付一次

第五條 京奉鐵路總辦屆期須將應還借款之本息給付大連或日本東京之會社均聽中國政府之便會社即照附

表屆期所還之本息按合同所附之乙式及丙式憑據交付
京奉鐵路總辦

第六條 按照續約第五條將每年應還之本息按月劃出
之額數核成行平化實銀兩放於橫濱正金銀行天津支店
前段所言存款應由該銀行天津支店按照時時所出之利
息告白付利與京奉鐵路

前二段所載各事在該銀行營業限期內即照辦理

倘遇該銀行營業限滿再展限期時亦續行照辦

倘該銀行不展限期即由會社另指一銀行代為照前辦理

第七條 凡此合同內關於付利還本之事倘有未載明之

事宜者中國鐵路總局以後條款
務總局可與會社隨時協商辦理


第八條 此合同須由兩國政府允准然後施行

第九條 此合同簽押之後由總局局長將合同細目稟請
奏准所奉上諭由中國外務部照會駐北京日本公使

第十條 此合同於本息全數還清後即行作廢

第十一條 此合同正本繕寫中日文各四分於中國外務
部及總局駐北京日本公使及會社各存一分

第十二條 此合同字句如有解釋爭議之處須由總局及
會社各舉局外人一名出爲調處人如調處人商議不決再
由兩調處人共舉一局外人充調處長倘遇兩調處人於選
舉之意見不合時即就各選舉之一人用掣籤法選定一人
此三人會議判斷以多數爲準彼此遵守不得異言



派員查勘廣西鐵路摺

奏爲遵旨派員查勘廣西鐵路恭摺仰祈聖鑒事宣統元年四月十八日軍機處片交廣西巡撫張鳴岐奏廣西鐵路關係緊要詳籌切實辦法一摺奉硃批著郵傳部先行揀派委員前往查勘該全省鐵路應從何處開辦分別緩急次第修築妥籌辦法詳議具奏欽此欽遵到部仰見朝廷慎重路政之至意欽服莫明查廣西一省東北與黔湘接壤西南與滇越毗連地勢阻深交通隔闕自非迅修鐵路不足以興內政而固邊防該撫前經奏請先從桂林至南甯一段入手嗣經度支部陸軍部會同臣部議復先築桂林至湖南衡州之路具奏在案惟由衡州至黃沙河湘省尙未議勘由黃沙河至桂林測勘尙未完竣現該撫又請籌辦桂邕欽奉諭旨應由臣部遵員往勘再行酌定辦法以昭慎重查有正太養路

副總管章祐前充汴洛總工程司錫幾賓翊習工程調部差遣畢業生曾錕化熟諳路政堪以派往查勘並據廣西京紳公舉同鄉京官大理院刑科四庭檢察官林炳華偕同赴桂會勘均即飭令即日起程將該省全境鐵路確實勘測何處最急何處可緩詳細報部由臣部酌定興修次第妥籌辦法再行奏明辦理其林炳華一員既係奏派會勘應請於該員出差期內免扣資俸以資鼓勵所有派員查勘廣西鐵路緣由理合恭摺具陳伏乞皇上聖鑒訓示謹奏

宣統元年七月二十一日具奏

勘驗京張路工片

再京張鐵路自光緒三十一年開工現在全路工程均已如斯完竣所有涵洞橋梁之是否適宜灣道坡道之是否合法土工材料之是否牢固亟應親赴勘驗以重要工臣等擬於本月初六日乘坐火車徑赴張家口履勘沿途工程並考察該處情形布置展築張綏一切辦法約計往返不過數日除勘驗回京另行詳細奏報外所有擬赴京張鐵路勘驗緣由理合附片具陳伏乞聖鑒謹奏宣統元年八月初二日具奏奉旨知道了欽此

改派盧祖華充京奉鐵路洋務總辦片

再京奉鐵路向設洋務總辦一員其職守在統轄洋員綜理交涉責任至爲重大前經以分省補用道于煥年派充茲于煥年另有差委所遺之差查有京奉鐵路洋務提調候選知府盧祖華由留美學生出身在該路當差十年情形最爲熟悉歷助該路總辦辦事深資得力擬即派其接充謹附片具陳伏乞聖鑒謹奏


宣統元年七月二十一日具奏

派陸緒聲充京奉鐵路總辦楊士驥回部並充鐵路總局財

政議員片

再臣部綜理四政其分司各局所職務固在在需才而部中全局統籌尤賴有精明幹練經驗有素之員相助爲理查臣部丞參上行走廣東補用道楊士驥前經派充京奉鐵路總辦整頓路務成效昭然加增進款至百萬之多曾經臣部於五月間奏明在案該員才具開敏於路政深有閱歷以之統籌一切較有神益現擬飭令回部當差並充鐵路總局財政議員以期得力其所遺京奉鐵路總辦一差查有京奉鐵路總查官分省補用道陸緒聲才猷練達振作有爲堪以委令接充除分別委派外謹附片具陳伏乞聖鑒謹奏

宣統元年七月二十一日具奏



收還英商扣留路款贖回南票辦礦合同將在英京了結訟

案情形摺

奏爲收還英商扣留路款贖回南票辦礦合同謹將在英京了結
訟案情形恭摺仰祈聖鑒事竊查前督辦大臣胡燏棻於光緒二
十四年與中英公司訂立關內外鐵路借款合同內載備款於女
兒河造一枝路至南票出煤之處督辦大臣允自立合同之日起
於三年內造成等語同日與中英公司訂立合辦南票煤礦合同
均經胡燏棻奏明奉旨允准在案嗣與該公司聲明女兒河至南
票枝路估需英金十五萬鎊即於大借款內如數留存備用此中
英公司扣留借款之原因也其後合同所指各路均已造成惟以
開辦南票煤礦虧折四萬餘鎊迄無成效飭令停採因之罷築枝
路光緒三十三年二月臣部當與中英公司開議廢止辦礦築路

註銷合同所虧本金各認各帳該公司以爲中國不肯合辦則煤礦當爲英商獨有不築枝路則違背借款合同即扣留之十五萬鎊永遠不能提用辨駁經年迄未解決臣部以原訂辦礦合同既無年限亦無分拆股分後礦歸中國之明文若中英公司堅持自辦煤礦及要求照築枝路則不獨令英商添一完全礦權即建築枝路而進不敷支亦必徒虧鉅本因督飭鐵路局長梁士詒與該公司代表漢蘭德迭次晤商相機操縱漢蘭德始則要求獨辦再則要求仍舊合辦均須建築枝路繼則要求另給他礦反覆曉諭仍要求賠償還所虧二萬餘鎊旋議定補還該公司一萬四千五百鎊贖回煤礦自辦罷築枝路其扣留之借款十五萬鎊由中國自行提用該代表仍以此事違背借款合同若債東稟控恐受法廷鉅罰必須英國大理院判准當經彼此另訂合同聲明罷築兩票

枝路其扣留借款英金十五萬鎊應由鐵路局提回作爲添購車輛機件修改已成鐵路之用三十四年二月經梁士詒與濮蘭德簽名蓋印延訂律師控由英國大理院裁判自是以後英大理院諸多詰駁函電往來調查證據延擱一年旋又議定由中國駐英使臣函致該院聲明鐵路局長承認此次所訂合同之意義無論如何與債票擔保實無損礙等語亦經臣部咨行外務部電知照辦今年六月英大理院始判定將該借款撥項提出聽候鐵路提用臣部旋將贖礦之款由駐英使臣交與倫敦中英公司即將南票合同送交駐英使臣註銷其存在駐京英使署之合同由外務部照取註銷此兩年以來辦理此案之大概情形也竊維南票一礦驗明煤質不佳即應停辦煤礦既停自無仍築枝路之理枝路不築則預備修路之款自必移作他用事理本極分明徒以限於

歷次所訂合同以致多所束縛中英公司因即藉此牽制若久懸不決將受累滋深茲幸悉心應付得以斬斷葛藤此後開礦築路撥款一切均可自主所有酌給該公司款項爲拋棄利權之酬報衡之情理似尙公允自應照此了結除將另訂合同抄送外務部備案外所有英商扣留路款贖回南票辦礦合同情形理合恭摺具陳伏乞皇上聖鑒謹奏

宣統元年八月初二日具奏奉旨知道了欽此

華商擬辦蒙古汽車未便議准摺

奏爲覆陳華商擬辦蒙古汽車未便議准情形恭摺仰祈聖鑒事
光緒三十三年十二月二十日軍機處片交察哈爾都統誠勳等
奏華商創辦蒙古汽車公司懇請專利年限一摺奉旨郵傳部議
奏欽此欽遵到部原奏內稱據保升直隸州知州趙宗詒等稟稱
擬於白外蒙古地方創行汽車先就張庫一路開辦准予專利年
限呈請奏咨立案查夏間法義等國商人在蒙賽行汽車未及一
旬而越環球之半張庫一路一時不能自辦未雨之謀所宜預計
今該商等創立公司擬於口外試辦汽車取他人已行之成法保
中土自有之主權所擬章程均尙妥洽所集股本確係殷實華商
似可准其試辦等語並准該都統將該公司章程咨送前來臣部
當以蒙古汽車事屬創舉由張至庫有無窒礙及法義國人在口

外賽車情形如何電致庫倫大臣查覆並將該章程抄咨核議旋准電復汽車與人暫時行走者不同必須與外蒙商議方免窒礙五月間有法紳議員乘電車到庫回恰回俄其車僅容三人甚便捷惟懼泥淖坎壈等語三十四年三月四月間疊准咨復據車盟署盟長等稱查蒙人以牧放牲畜度日汽車行走如飛恐與人畜有礙等情臣部即以該車盟所呈窒礙之處仍守閉關主義似難施之振興新政之時咨由該大臣婉轉開導復准咨覆內盟風氣漸開外盟仍多渾噩加以圖車兩盟距庫遙遠筆墨往來詞意不達尤多扞格應俟衆蒙古與哲布尊丹巴呼圖克圖呈遞丹書克之期各扎薩克來庫再行開導等情本年正月准該大臣將圖車兩盟各王公扎薩克及沙畢等會呈譯咨前來查該呈所稱窒礙各節核與前次車盟署盟長等查復情節大概相同臣等查從前

鐵路初興無知愚民亦嘗阻撓疑懼屢經詳細開導咸憬然大利所在悅服聽從汽車果便交通蒙民雖愚或不至終於固執惟查此項無軌汽車便於短路實非有利長途偶然比賽自與營業不同不計盈虧初並不計利鈍隨帶修整機器工師豫備極爲周至用是暢行無礙至今歐美各國僅行於城市數十里間以代馬車較爲便捷迄未有以此爲載客運貨之用者察哈爾至於庫倫計程約三千里間經戈壁若節節設立行店以備隨時住客修車則經費既鉅貿易無多支持恐非易易不然則偶有損壞露宿堪虞趙宗詒所請創設公司專利年限各節殆未深考自應暫無庸議所有覆陳華商擬辦蒙古汽車未便議准緣由理合恭摺具陳伏乞皇上聖鑒再此案因詳細調查且京庫相距遠遠文牘往返動需累月是以覆奏稍遲合併聲明謹奏

宣統元年八月初二日具奏奉旨依議欽此

驗收京張鐵路工程摺

奏爲京張鐵路工竣開車謹將驗收工程情形恭摺仰祈聖鑒事
本年八月初二日准軍機處片交欽奉諭旨郵傳部奏前往張家
口履勘鐵路情形一片知道了等因欽此臣等遵於初六日率同
該路總會辦詹天佑關冕鈞等馳赴該處逐段勘視路基橋梁山
峒彎徑坡度樑廠材料車輛各項行抵張家口後官商紳庶感戴
朝廷眷顧邊陲爲民興業之意夾道歡迎延見商會人等討論商
務考求物產土宜爲擴充運銷之計並履勘雞鳴山煤礦於初九
日回京查該路起自豐台經北京至張家口光緒三十一年由前
督辦臣袁世凱胡燏棻奏准興修聲明專用華員經理計自三十
一年九月開工至本年八月告成全路長凡三百五十七里連岔
道計長四百四十九里有奇自豐台迤東柳村至南口長九十三

里爲第一段自南口至岔道城長四十里爲第二段自岔道城至張家口長二百二十四里爲第三段南口岔道城之間尚恃重疊谷澗紛歧峭壁參天崎嶇險峻原溯居庸關一帶以阻隔官溝擬築巨橋傍山直上穿越關城因坡度過陡終慮行車出險嗣往復測勘綫凡數易乃始定爲今綫削高填深循溝築堤開峒以通平原遶山以取彎道其斜度每三丈得一尺車行較穩又八達橫山洞原擬由石佛寺洞向西北直行需鑿洞六千餘尺今改向東面斜行就青龍橋開峽設站洞工止三千五百八十尺省費實多開洞之時南北兩面同時內攻復由山頂開井繩工下鑿閱十八月始克竣事至今按圖循覽猶備見當時圖始之艱遇岔道城以北又有蛇腰灣老龍背鷓兒梁等處或傍山臨河或徑紆壁峭不減第二段諸工之險綜計全路車站十四月台二十八橋梁一百二

十五涵洞二百一十山洞四計積長五千三百九十七尺此外有
水塔十一機車廠五鐵磨盤六養路工房八十三工員辦公室十
二與原估數目大致略同其餘天橋一抽水機房一地磅二井十
一煤台五料廠四工程車務廠務員役工匠及巡警各住房八十
六皆原估所未及又以南口爲適中之區於其地設製造廠一材
料廠一並設旅館以待行人均能布置完備結構合法此該路工
程之大概情形也至該路自逐段行車以來業置有機車十九輛
客車貨車料車凡三百二十輛視原估車輛之數已有加增將來
客貨暢通尙須陸續添置以期利便臣等伏維京張一綫爲我國
鐵路北幹之起點其居庸關岔道城二處漢唐以來經歷百戰夙
稱天險鳩屯之初外人每恃華員勿克勝任邇來歐美士夫遠來
看視嘖嘖稱道僉謂青龍橋鶴兒梁九里寨三處省去喇工寔爲

絕技至竣工時期原奏本定於光緒三十八年嗣於光緒三十三年十二月臣部恐閱時過久糜費鉅而收效遲奏請提前撥付鉅款加工建築預計明年始克竣工仰荷聖明主持於上調度款項併力經營得以從速集事在事員役工匠協力同心剋期告厥且比年動工購料迭有加增而支出所需尙在原估之內凡此數端皆非始願所及該路總辦道員詹天佑總司工程學優識定經營締造沐雨栴風會辦道員關冕鈞辦理購地行車管理規則各事精心毅力數載勤劬以及各段工程司暨執事各員亦皆知此路爲國家完全自築之路此路工爲我國工程司工業名譽所關成能奮勉圖終創成鉅業均屬異常出力擬援照京奉京漢工竣奏獎成案仰乞天恩俯准優給獎叙俾昭激勸以仰副朝廷興業勸工之至意所有驗收京張鐵路工程緣由理合恭摺具陳伏乞皇

上聖鑒訓示謹奏

宣統元年八月十二日具奏

酌保京張路工出力人員摺

奏爲遵旨酌保京張路工出力人員恭摺仰祈聖鑒事竊查京張鐵路本年八月全路通車臣等業將前往張家口驗收工程情形並該路各段工程司暨執事各員按照京奉京漢工竣奏獎成案請予優給獎叙八月十二日具奏欽奉諭旨准其酌保數員毋許冒濫欽此仰見朝廷甄錄微勞之至意欽服莫名遵即轉飭京張路局核實開報茲據該局將應保人員開具履歷清冊稟報前來伏查京張鐵路起自豐台經北京至張家口沿途岡巒重疊澗谷紛歧非若平原之易爲力兼之居庸關以外地氣早寒每屆冬初即已重陰冰沍於人力難施之候圖尺寸漸進之功該路係奏明專用華員開鑿山洞施架橋梁雖極困難之工程未嘗借才於異國故當時局外之人頗以工程艱鉅未易蒞事爲疑所賴在路執

事各員手胼足胝不辭勞瘁自光緒三十一年九月開工至本年八月歷時四載全路告成其間山勢陡峻坡斜洞邃幸該員等學力精到一切中程創華人築路之先聲爲後此工程之模範洵屬尤爲出力茲謹分別異常尋常勞績每項酌保數員查有該路正工程司調部差遣工科進士候選郎中顏德慶以郎中留於臣部遇缺儘先即補正工程司分省試用同知陳西林副工程司分省試用同知俞人鳳翟兆麟均以知府仍分省補用幫工程司州同職銜柴俊疇以州同歸部銓選提調兼購地事宜直隸試用知府張祖笏以道員仍留原省補用幫工程司分省試用同知張鴻誥以知府仍分省補用養路工程段長分省試用州同詹文彪以知州仍分省補用以上各員係按照異常勞績請獎車務總管候選道楊昌齡請加二品銜總收支分省試用道辛寶慈歸入候補班

補用工程總文案分省試用州同徐榮書俟補缺後以知州仍留
原省補用幫工程司候選繼興銜經歷蘇以昭請加五品銜幫工
程司候選州同張俊波俟選缺後以知州選用幫工程司分省試
用縣丞劉錡俟補缺後以知縣仍分省補用機車段長縣丞職銜
邵孝芳車務段長縣丞職銜余埉均以縣丞選用車務段長四品
銜候選州判陳炳崙俟選缺後以州同選用轉運兼繙譯分省試
用州同吳希曾俟補缺後以知州仍留原省補用以上各員係按
照尋常勞績請獎查此路工程較鉅用人亦多經臣等再四刪擇
均係同在工次始終出力人員無可再減合無仰懇天恩俯如所
請俾資激勸之處出自逾格鴻施所有酌保京張路工出力人員
緣由理合恭摺具陳伏乞皇上聖鑒訓示謹奏

宣統元年九月初二日具奏本日奉旨依議欽此

再京張鐵路總辦候選道臣部二等顧問官詹天佑品端藝粹力
果心精自美國畢業回華後歷辦京奉新易各路工程成效久已
卓著光緒三十一年派充京張總辦兼總工程司定經敷工指揮
群衆櫛風沐雨昕夕勤劬廉潔自持事事節省工竣用款比原估
單有減無增該路會辦分省補用道臣部路務議員關冕鈞學識
湛深才具開敏於購地收支行車管理各事皆能精心擘畫竭力
圖成今日京張鐵路之成功實由該二員挈領提綱之力臣部職
司四政正需諳練工程熟習路政之人才相助爲理合無仰懇天
恩俯准將京張總辦兼總工程司詹天佑以臣部丞參候補京張
會辦關冕鈞以臣部參議候補出自逾格鴻施所有保獎京張鐵
路總辦會辦緣由謹附片具陳伏乞聖鑒訓示謹奏

宣統元年九月初二日具奏奉旨依議欽此

擬定如期歸還度支部贖路借款備撥充海軍經費摺

奏爲擬定如期歸還度支部贖路借款備撥充海軍經費恭摺具陳仰祈聖鑒事竊臣部准度支部咨稱本部奏籌撥海軍處經費一摺奉諭旨著照該部現籌數目暫爲撥付等因欽此咨行遵照前來原摺內稱查有部庫供給郵傳部贖路項下規平銀五百萬兩應自宣統三年起至宣統七年止分年陸續歸完擬自歸還後全數提作海軍開辦經費等語查臣部因贖回京漢鐵路籌借度支部官款五百萬兩前經於光緒三十四年九月間兩次奏陳奉旨允准在案當時與度支部訂明係分五次歸還截至宣統七年清訖現在既經度支部奏明俟歸還後撥充海軍經費臣部自當竭力措集如期交付以應要需倘京漢餘利尙有不敷即由他項設法挪撥統俟臨時斟酌情形再行妥籌辦理總期不誤原定期

限爲主理合先行陳奏藉慰宸廑所有覆奏如期歸還度支部借
款備撥充海軍經費緣由謹恭摺具陳伏乞皇上聖鑒謹奏
宣統元年九月初二日具奏本日奉旨知道了欽此

派吉長鐵路總辦并刊給關防片

再吉長鐵路應即開辦以利交通擬即專設總辦一員由臣部遴
派妥員充任並請刊發木質關防一顆文曰總辦吉長鐵路事宜
關防發交領用藉資信守謹附片具陳伏乞聖鑒謹奏
宣統元年九月初二日具奏奉旨知道了欽此

特參鐵路貪劣職員摺

奏爲特參鐵路貪劣職員以儆官邪而肅路政恭摺仰祈聖鑒事
竊維用人之道以教育培養爲先而尤以賞罰勸懲爲亟臣部所
管各路從前開辦伊始需才過衆未免良莠不齊迭經隨時切實
考查嚴行甄擇不稍寬貸計撤革各路員司不下百十餘起其情
節較重者均經送交地方官分別監禁拘留罰作苦工驅逐回籍
並均照相通行各路永遠不准更名復充路差在案近來各路風
氣已漸改移員司皆知奉公守法未始非整飭之微效惟撤差各
員或已捐有職官非奏明一併褫革不足以示懲警茲查有分省
補用知府陸錫珪前充京奉鐵路總編譯龐大安爲貪污無恥把
持蒙蔽實爲全路之蠹候選同知王慶麒前充汴洛鐵路總編譯
舉止浮躁貪鄙嗜好勒索包工所得甚鉅直隸候補直隸州知州

羅春煦前充京奉鐵路文案行爲卑鄙罔利營私勒索站長多金
確鑿有據知縣用分省補用縣丞林秉璋前充京奉鐵路站長居
心險詐惟利是圖私索陋規工於掩飾以上四員擬均請旨革職
永不叙用其陸錫珪一員並由地方官驅逐回籍不准逗留該路
以免滋事此外各路員司容臣等隨時認真查察於守潔才長者
量加獎勵酌予加薪如品行不端即才具優長亦必立予撤革盡
法懲治仍一面趕辦各項路務學堂培養其才爲正本清源之計
庶流弊漸少而積習不難挽回矣所有奏參鐵路職員緣由理合
恭摺具陳伏乞皇上聖鑒訓示謹奏

宣統元年九月十二日具奏

接辦粵漢鐵路鄂境川漢鐵路事宜摺


奏爲遵旨接辦粵漢鐵路鄂境川漢鐵路事宜點收文卷並繳銷督辦大臣關防恭摺具陳仰祈聖鑒事本年八月二十四日准軍機處片交欽奉諭旨粵漢鐵路鄂境川漢鐵路事宜著歸郵傳部妥協接辦欽此仰見朝廷慎重路政之至意查粵漢川漢二路自原任大學士臣張之洞督辦後奏咨函牘積久漸多臣部奉旨接辦必先調齊核閱方可理清頭緒籌商妥協辦法當即遴員將所有文案卷宗逐件查檢編歸檔冊妥慎存儲用資考証現已分次點收完竣嗣後文件應用部印督辦大臣原領銅質關防一顆由臣部咨送禮部銷燬除分別咨行外所有臣部接收粵漢鐵路鄂境川漢鐵路文卷暨繳銷督辦大臣關防各緣由理合恭摺具陳伏乞皇上聖鑒謹奏

宣統元年九月二十二日具奏

請賞給洋員濮蘭德寶星摺

奏爲請賞給洋員寶星恭摺仰祈聖鑒事竊英國中英公司經理京奉滬甯廣九等路借款向派代表一員駐華與臣部鐵路總局就近遇事籌商以資接洽現充代表員英人濮蘭德在事數年於各路情形最爲熟悉上年議改滬甯總管理處章程一案該代表和衷商酌悉就範圍深資贊助上年二月臣部曾將詳細情形奏陳在案現該代表差滿回國擬請賞給三等第一寶星以酬勞勛而昭激勸如蒙俞允即由臣部咨行外務部欽遵辦理所有擬請賞給洋員寶星緣由理合恭摺具陳伏乞皇上聖鑒訓示謹奏

宣統元年十月初二日具奏



吉長鐵路派總會辦片

再吉長鐵路不日興工事端繁賾亟應遴員辦理以專責成查有存記道傅良佐才具開張辦事縝密堪以派充總辦試署吉林西路兵備道顏世清熟悉情形才長肆應堪以派充會辦除分別札委外謹附片具陳伏乞聖鑒謹奏

宣統元年十月初二日具奏

吉長鐵路開工日期片

再吉長鐵路借款細目合同前經奏明畫押奉旨俞允在案臣部當即欽遵咨照出使日本大臣胡惟德按照合同在日本東京收款茲准該大臣咨稱所有吉長借款九三扣日金一百九十九萬九千五百圓業已如數收訖查該路路線前經臣部派員勘定現借款辦妥自應從速興工以免虛糜利息適延僱之總工程司亦已到華訂立合同臣部當飭令該總會辦將應行布置事宜速即籌辦現准定期十月二十日興工理合附片具陳伏乞聖鑒謹奏
宣統元年十月初二日具奏

恭備陵差開支款項援案核銷摺

奏爲恭備西陵道差開支款項援案核銷恭摺仰祈聖鑒事宣統元年正月初七日欽奉諭旨三月十三日皇太后乘坐火車行抵梁格莊行宮駐蹕十六日仍乘火車迴鑾等因欽此欽遵到部臣部當於二月初八日會同內務府附片具奏恭備御車應用物件及添築岔道平治軌道修整橋梁等項應需經費擬請援案在各路行車項下核寔支發作正開銷等語奉旨允准當經遵派幹員督飭京漢京張兩路局敬謹預備並飭令撙節開支各在案茲據該局將支款項造具清冊呈請核銷前來查此次恭備皇差責任綦重車輛之配置軌道之平陂關係行車安危均須修整堅實御車暨各等車均陳設鋪墊皆屬臨時備置又豐台添設岔道西直門修整地基工程尤極煩瑣綜計備辦陳設鋪墊簾幔器具項下

共銀元一萬七千九百六十九元五角五分修整軌道車輛項下
共銀元一萬七千三百五十六元二角四分津貼差費工資項下
共銀元七千七百六十四元零三分各衙門員司來往應用車票
紙張暨一切雜款項下共銀元二千九百六十元零四角以上四
款共用銀元四萬六千五十元二角二分臣等覆加查核均係實
用實支尙無浮冒自應遵旨准其在京漢鐵路行車項下作正開
銷以昭核實所有恭備皇差開支款項撥案核銷緣由謹恭摺具
陳伏乞皇上聖鑒訓示謹奏

湖北賑糶米捐備還粵漢贖路本息暨充鐵路經費請飭仍

照原案支付摺

奏爲湖北賑糶米捐備還粵漢贖路本息暨充鐵路經費請飭該省仍照原案支付以重要需恭摺仰祈聖鑒事宣統元年十月十一日內閣鈔出湖廣總督陳夔龍附奏請將鄂省一半米捐專款接濟賑糶一片奉硃批該部知道欽此欽遵到部臣部查接管粵漢鐵路卷內該款係於光緒三十年六月間由前任湖廣督臣張之洞札行兩湖賑糶米捐局將鄂省應分之一半米捐盡數撥充該路各項經費嗣三十一年八月籌借英款贖回該路經該前督指定此項賑糶米捐爲兩湖攤還本利之用於是年十二月二十七日遵旨據實覆陳御史黃昌年所奏各節一摺將辦理情形奏明在案原以該路關係重要亟待興工三省集款無期不得不移

緩就急自贖路以來鄂省粵漢一路償還英國借款本息及美國金元小票利息實爲最急之需此外鐵路局用學堂經費亦皆爲該款是賴是以前任鄂督臣趙爾巽飭將該項米捐責由湖北官錢局專款存儲除鐵路外不得挪供他用蓋深知此項捐款爲攤還本息所關先事不早爲存儲臨時必張皇無措況原訂籌借英款合同聲明倘每期應還借款本利屆時在香港不交香港度支院使即可將湖廣總督前交漢口英總領事作保之金鎊厘金票在於湖北湖南廣東境內作爲完厘之用等語是事關清還洋款斷不能失信外人否則臨時款項無著外人必援引合同指厘金票以爲要挾即美國金元小票一項亦係每年支付二次必須指一的款屆期乃不延誤若懸空委之臣部亦無以釋朝廷宵旰之憂勞伏惟粵漢鐵路急需興築故前大學士張之洞督辦該路時

即奏明借款興修臣部接管以來籌商累月並無成局是築路之費尙在虛懸還款之資更屬無從籌措臣部既無他項的款可以騰挪而償付定期萬難逾限從前奏明預備清還洋債之款未便挪作他用相應請旨飭下湖廣總督將上項應行支付款目仍由湖北米捐項下接續支給以符原案所有湖北賑糶米捐備還粵漢贖路本息暨充鐵路經費請飭該省仍照原案支付緣由理合恭摺具陳伏乞皇上聖鑒訓示謹奏

宣統元年十月二十二日具奏

A large, empty rectangular table with a double border and 10 vertical columns. The table is oriented vertically on the page. There is a small black mark on the right side of the table, approximately halfway down.

1740

附奏擬隨時親詣各路查看片

再鐵路事端繁賾其建築汽機行車三事皆散布於沿途若僅據文牘帳冊模型圖式以爲規畫固慮未得真相亦恐延誤事機當其敷設之初定綫是否合宜庀材是否如式竣工以後如何振興商務推廣支綫節省經費暢通運輸均須親往視察隨地指揮既足以振員役之精神且可期事機之迅速因迭飭鐵路局長總辦各員常川前往就地辦事臣世昌臣雲沛於秋間兩赴天津布置津浦京奉各事臣雲沛前往德州布置津浦各事臣世昌等復公同前往張家口驗收京張工程均經迭次奏明此次擬由臣雲沛循京漢鐵路沿江東下查視京漢津浦滬甯一切事宜輕車減從往返不過兼旬總期以目擊之事實證以平日之公文參夫列國之法典比量較覈藉圖改良而策進步嗣後各路應辦之事擬即

由臣等暨丞參各員隨時前往考察以仰副朝廷整飭路政之至
意所有擬請隨時親詣各路查看以資整頓緣由謹附片具陳伏
乞聖鑒謹奏

宣統元年十月二十二日具奏

查明津浦南段總辦舞弊營私各款據實覆陳摺

奏爲查明津浦南段總辦舞弊營私各款據實覆陳恭摺仰祈聖鑒事竊臣等於八月二十四日承准軍機大臣字寄奉旨諭有人奏津浦鐵路南段總辦候補道羅國瑞昏庸怠惰舞弊營私請飭認真查究等語著徐世昌沈雲沛按照所奏各節確切查明據實覆奏毋稍徇隱原片著抄給閱看欽此欽遵寄信前來當經委派郵傳部右丞李經楚馳往南段按照所參各節確切澈查據實呈覆業經奏明在案茲據該右丞將羅國瑞被參各節按款澈查開具清單呈請核奏前來查原奏該員引用私人坐耗路款督辦呂海寰到甯查勘當即裁撤三十餘員一節現查該局於去年正月奉前督辦大臣飭將員司中嗜好甚深之柴壽宸曾賢單琳葉如璋葉裕來張增堃徐鴻羅藻葉春錢瀚等十員聲名平常之火國

鈞梁文啓仲頤姚鴻荃鈕士蕊通輝等六員難期得力之譚輝章
嚴椿慶嚴金鏞史悠源等四員一併撤差及前已飭撤差之高起
文龔文鎮滕華泰蔡光耀李世樸等五員均經具報有案嗣以柴
壽宸徐鴻單琳葉裕來仲頤鈕士蕊嚴春慶姚鴻椿高起文龔文
鎮滕華泰蔡光耀李世樸等十三員經該局及總工程司先後稟
稱或媿奮自新或猶堪策勵及工恐吃緊測繪需人分別酌量任
使此查明裁撤三十餘員之實在情形也原奏羅國瑞嗜好甚深
開工以來僅隨幫辦孫寶琦到工一次一節查羅國瑞前經遵禁
煙章程具呈互結呈送有案茲復詳加訪察該道向無嗜好復由
會辦道員汪樹棠再行出具結一紙並詢該道到工次數據稱前
督辦大臣呂海寰蒞工隨行一次上年底親自勘工周歷全路一
次本年隨前幫辦大臣孫寶琦到工一次調查該局去年流水帳

簿內列有該道勘工支銷各費可以稽考此查明羅國瑞素無嗜好及到工次數之實在情形也原奏羅國瑞總局亦不常到往來公文悉由私人柴如玉弊端不可究詰一節查該局辦公時刻自巳刻起至酉刻止皆有定限洋員與該道直接商辦事件甚多他人不能代理柴如玉即文案柴壽宸該員於光緒二十九年充滬甯路局文案三十四年七月羅國瑞因該員久在滬甯可資熟手借調來局派充總文案本年正月奉前督辦札飭以嗜好甚深撤差旋即赴滬戒煙領有上海廣慈醫院洋醫簽字戒斷執據一紙復經羅國瑞稟請酌留借調有案尙非私人可比此查明羅國瑞到局時刻並文案柴如玉借調有案之實在情形也原奏羅國瑞於督辦南下以重金賄王姓書手偽造報銷一節查該局設有收支處兼辦報銷嗣以力難兼顧報冊久稽本年三月始添設報銷

處承辦員司派有張堃福陳文煒張恩鈺陳雲驥陳爵銘徐承彝等六員均由滬甯路局及上海製造局商借派充並無王姓惟收發文牘並書記王錦春一員繙譯處王建立一員副文案王開甲一員收支處繕冊司事王紀善一員均無經理報銷名目此查明羅國瑞並無賄託王姓捏造報銷之實在情形也原奏羅國瑞夥同已倒之源源莊司事趙松坪開設慶豐錢號爲經理購料合分雙九五扣用起見一節查源源莊於上年十月倒閉司事趙松坪尙在上海清理欠帳未就別事江甯慶豐厚號雖挂做五金招牌局面甚小經理人爲李應南路局購料皆與總工程司洋員商定開標他人無從干預此查明羅國瑞並無夥開銀號購料扣用之實在情形也原奏浦口至滁州各段土工開標每一方須納費數分名曰承攬費綜計百萬一節查該局自浦口至譚縣共分三大

每段分爲六區每區即爲一小段共十八小段包工以段數起訖爲準凡招工投標定章先布告白並登報紙聲明承攬工程者得標後應照包價繳款一成押存總局名曰保銀迨開工隨時領款再扣一成五名曰保固存款所有押存保銀及保固存款將來總局照莊息認息俟工程完竣驗收後方將前二項一併發還倘或誤工誤期以及限內工程坍塌由總局另行招人接辦所費歸原包工人賠認即在前二項存款內扣付旋因工程緊急投標人少工程司歸咎於押款之故商請變通招徠改爲先交押信銀洋多者三百元少者二百元如包工人果能認真工作可隨時將押信銀洋全數發還至包工人另行招人分辦包價多寡有無用費總局無從過問此查明浦口至澧州土工押款並非納費之實在情形也原奏三段包工林葆玉賄以重資乃借水工爲名小章貼費

五角大車貼費一元以爲調劑一節查林葆玉即甯寶玉又名甯五所包土工係第一大段之內之第三小段自三百九十號起至六百九十六號止每土一方價洋二角九分原招工投標告白內聲明如取土處積水過多本局可酌加挖費等語總局有吸水機一具原定包工人領機吸水工價由局另給旋因工段延長吸水機不敷分布又不便停工待機沿途租用田家水車其用輪架數人以脚踏轉者謂之大車每日須工價一元有零二人用手對岸者謂之小車每日須工價五角查甯寶玉存局押款規元三千六百七十五兩開工信款三百元所謂重資殆即指此惟檢閱各段包工合同所訂水工一項有取水費用由包工人自理有因積水過多由局酌加津貼者甯寶玉合同此項未經列入未免疎忽此查明水工加價並無納賄調劑之實在情形也原奏南路逐段投

標取決標價訂立合同皆總辦權限內事前五段皆違章辦理至第六段土工未經開標竟由英工程司德紀與工頭王明亮私訂合同擅行開工一節查該總局包工案卷第一大段內第八段王明亮工投標無合同經羅國瑞函詢總工程司據德紀復稱王明亮原來合同已寄呈督辦等語第十三號王明亮工先由工程司查克介紹稱其索價尙廉經總局核明批准又第二十七號王明亮工無合同據德紀轉據工程司鮑恩呈稱王明亮接工後錢莊不敢以資本相信恐其不能接洽遂將此號合同撤銷其餘各段包工有在總局投標者有由工程司介紹允准者亦有投標已定未立合同者迨本年幫辦大臣到工始稟由幫辦大臣轉飭總工程司德紀此後承攬包工不得由總工程司先將合同簽字亦不得徑呈督辦幫辦致混權限惟總工程司前將合同簽字時羅國

瑞不即電稟阻止未免放棄責任此查明總工程司與工頭私訂合同之實在情形也原奏英工程司德紀查克約等組織石子公司收買沿途各山如滁州之鳳凰山米家山等處招人採石以便壟斷一節查滁州鳳凰山統名豐樂山據購地局摺稱此山產石甚富爲路工所急需山主黃伯甫照工程司圈定邊線丈量共六十一畝九分一釐四毫每畝價銀十二兩復經派員前往查米家山即朱頭山距浦口北三里許在路線圈購之內山石歸工人王竹軒承辦鳳凰山即豐樂山在豐樂亭右側聞係地方公產經紳士黃伯甫手賣與路局價洋一千元開採石渣歸工人王明亮與本地人張德記承辦德紀當是張德記之訛此查明工程司等並未組織石子公司之實在情形也原奏鳳陽府蚌埠地方衆工人斧斃工人毆斃民人勢甚兇悍姦淫槍劫所在多有紳民不堪其

擾鳳臺宿州一帶開聯莊會倘激衆怒路事大有關礙所派委員不能彈壓一節查該局鳳陽蚌埠案卷本年六月間據該段工程司報知總工程司轉達總局有謀害人命重情經羅國瑞函詢該處彈壓委員王清濤至七月初始據稟稱六月十九日有更夫直隸人張月明挾仇將工役直隸人陳三乘其熟睡暗中持斧砍破頭腦即時殞命兇手脫逃一面報縣相驗一面令屍親陳三收殮並稱此係同事無知工人起衅各無異言早已相安無事等語嗣該總局因該工次前後鬥毆事件層見迭出八月間札飭王清濤謂其辦事竭蹶且將人命重案延不稟報實屬不知輕重應即撤差另行委員接辦此外未聞有在工人夫毆斃人民姦淫搶劫重案至鳳台宿州一帶開聯莊會之說向來淮南北地方稱團練爲聯莊會每年各地高粱長成一望無際最易藏奸土人謂爲青紗

幃屆時各村莊按團練舊章互相守望初不因鐵路而起惟今年因路工人多良莠不齊故遲至九月尙未停辦此查明蚌埠地方斧斃工頭重案及鳳台宿州一帶自辦團練之實在情形也臣等綜核以上各情所有原奏糾參羅國瑞舞弊營私各節既經該右丞詳晰查明多屬傳聞之誤證以臣等平時聞見及考核南段卷宗亦未容有此項情弊惟該總辦於訂立工人甯寶玉合同未將水車加價一項列入致招物議殊屬踈忽又於工人王明亮合同經總工程司簽字徑送督辦羅國瑞並不電請阻止未免放棄責任又六月間蚌埠工人斧斃工頭一案委員於七月稟報固屬遲延羅國瑞至八月始將該委員撤差亦復遲玩總辦有提綱挈領之責乃於統率華洋人員駕馭無方且於地方紳士諸多隔閡實屬不能勝任應即撤差以示懲儆惟該員於工程一項尙有專門

之學此次被參各節業經查明並無舞弊營私實據既經撤差應請毋庸置議所有查明南段總辦被參各款緣由理合恭摺具陳伏乞皇上聖鑒訓示謹奏

宣統元年十月二十九日具奏奉旨徐世昌等奏查明津浦鐵路南段總辦舞弊營私各款據實覆陳一摺著依議欽此

A large rectangular table with 12 empty columns. The table is oriented vertically on the page. On the right side of the table, there is a small black rectangular mark.

--	--	--	--	--	--	--	--	--	--	--	--

請給獎牌以勵勳能摺

奏爲振興四政鼓勵勳能擬給獎牌以資激勸恭摺具陳仰祈聖鑒事竊臣部管轄船路電郵四政務在利便交通部員經營於內尤賴各局奉行於外庶可推行盡利因應咸宜現在路電總分局雇用機師匠首巡警領班報生司事一切人等名目繁夥職掌紛紜將來恢拓航權擴充郵政用人愈多考勳情別賞罰乃臣部之責此輩既無出身又無官職議罰則輕者減薪重者斥退甚者按律懲治而議賞殊難保獎官階則其功未稱加添薪俸則其術易窮似宜別籌旌勸之方藉爲鼓舞羣材之具臣等公同商酌擬參用各省功牌之例設第一級至第五級獎牌給予五品至九品頂戴並仿照民政部巡士肩章辦法製成服章書明等級遇有實心任事卓著勞績未便奏保官階者酌量賞給以示優異似於四政

前途不無裨益臣部爲振興四政獎勵勤能起見是否有當謹繕摺具陳伏乞皇上聖鑒訓示謹奏

宣統元年十一月初二日具奏

查辦粵路弊混摺

奏爲派員查辦粵路弊混以肅路政恭摺仰祈聖鑒事宣統元年八月二十四日欽奉諭旨粵漢鐵路鄂境川漢鐵路事宜著歸郵傳部妥協接辦欽此旋於九月間據前辦粵漢鐵路大臣大學士張之洞所派經理路事委員將文卷檢點封交由臣部選派副員接收業經奏明在案查接管卷內粵東路境其整頓之方自以清查帳目爲入手關鍵迭准兩廣總督電稱粵路弊竇叢生現經王道秉恩澈查均有確據一俟稟揭到都請嚴重主持以維路政等語竊維路款一日不清股東一日受害豈容若輩長此欺朦未據該道詳報仍當趕緊清查當經於九月間委派四品京堂林炳章員外郎梁用瓠小京官張國鈞親赴粵路切實調查嗣於十月間准兩廣總督將委員王秉恩查明弊混稟揭轉咨前來正核

辦間於十月二十六日由內閣鈔出兩廣總督袁樹勛奏粵路公
舉查帳現已查明弊混確據一摺本日奉硃批著郵傳部切實查
辦片併發欽此欽遵到部臣等思粵路之資本皆百姓之脂膏路
棍任意侵漁殊屬不成事體亟應嚴行查辦以儆其餘茲擬派臣
部候補參議龍建章帶同道員于煥年調部行走知縣張思仁工
程顧問員沙海昂前往澈底嚴查如有查出弊混應行提訊及該
路上辦事人等或有違抗隱匿情事即由臣部嚴參歸案審辦庶
幾可望剋日清理惟是整理粵路非止參辦一二人便可畢事此
外善後一切事宜擬由臣部實行監督籌擬辦法另行奏明辦理
除咨兩廣總督協同嚴辦外所有派員查辦粵路緣由謹恭摺具
陳伏乞皇上聖鑒訓示謹奏

宣統元年十一月初二日具奏

汴洛鐵路裁併員司更定職掌摺

奏爲汴洛鐵路裁併華洋員司更定全路職掌以節糜費而維路政恭摺仰祈聖鑒事竊查汴洛一路橫貫豫省實爲東西幹綫之中樞自光緒二十九年與比人借款修築原訂行車合同內載中國國家准中國鐵路總公司派委比公司將開封河南鐵路代爲調度經理行車生利等語是比公司隱有全權布置各事不免多用洋員雖迭次磋商裁汰者仍屬無幾臣等所夕籌思深知補救之方要在乘工竣行車之初爲之悉予更張重行編置方爲不露痕迹而隱收縱操之權當經督飭鐵路總局局長梁士詒與比公司通盤籌畫切實裁併並飭其周歷全路先將逐項人員分別部署一面督同總辦與總工程師磋商一面函知歐州比公司設法議減現議定華洋員司裁減辦法計分五端一曰總務人員原有

之購地正副彈壓總緝譯通事醫官凡十九員現留用三員二曰
工程人員原有各段正副管工監工緝譯繪圖收支核算凡四十
二員現留用十一員其現尙繕修之洛河橋工所用各員工竣即
行裁撤三曰行車人員車務本較前加增因路綫不長裁去不設
車務總管等名目即以洋總段長一員駐紮鄭州分設華段長三
員以資策應四曰廠務人員現設洋總段長一員車頭廠華匠首
四員五曰歐洲比公司人員議即自西歷明年正月起將銀公司
總董工程司文案年俸減少裁去專門工程司一員約年省法金
一萬五千佛郎均經比公司覆允以上五項比較去年年底計裁
去洋員二十六名華員二十三名歲可省銀五萬二千餘兩當飭
照此定議伏查汴洛鐵路短利微論開源則在隨事籌畫之得
宜而節流先以裁汰洋員爲急務原訂合同華員事權本爲狹小

此次統籌全局更調員司尙能操縱在我而洋員所任之職大都試拔華員以繼之是明爲裁節全路經費即暗爲培植我國人材於該路前途所關匪淺臣等仍當督飭該局長等隨時選擢華員以潛握主權招徠商貨以開濬路利以冀仰副朝廷慎重路政之至意所有汴洛鐵路裁併員司更定職掌各緣由理合恭摺具陳伏乞皇上聖鑒謹奏

宣統元年十一月十二日具奏

吉長張綏兩路擬請援案免稅片

再吉長張綏兩路業經奏報開辦現在鳩工伊始機器材料均宜隨時購運以備應用查官辦各路材料免稅歷經奏准有案即京漢鐵路收回自辦後亦准稅務處咨稱該路仍照官辦各路辦法自收回之日爲始暫行免稅三年通飭遵辦在案吉長張綏均係官辦事同一律且吉長關係根本重地張綏實爲邊陲要路一係條約規定本以京奉爲衡一係官款自辦實屬京張展綏自應准予援免將京張鐵路自明年正月起張綏鐵路自明年五月起所有機器材料概予免稅均請援案以三年爲限理合附片陳明伏乞聖鑒訓示謹奏

宣統元年十一月

日具奏

核覆京奉鐵路第四案收支各款摺

附清單

奏爲核覆京奉鐵路第四案收支各款繕具清單恭摺仰祈聖鑒事內閣鈔出署直隸總督那桐奏京奉鐵路第四案收支各款造冊報銷一摺宣統元年五月二十七日奉硃批該部知道單併發欽此欽遵到部業由郵傳部咨取清冊續准該督將總散報冊咨送前來臣等當即督率司員按冊勾稽逐款復核查關內外鐵路收支各款上案截至光緒三十年十一月二十五日即西歷一千九百零四年十二月底止現據續報自光緒三十年十一月二十六日即西歷一千九百零五年正月一號起截至光緒三十一年十二月初六日即西歷一千九百零五年十二月底止總散核算大致相符其收款項下上案刪存工程司鄺孫謀重支一款洋銀一千四百二十六元亦已一併列收支款項下京津兩局及全路

各站員司每員均給年終酬勞照該員月薪加給半箇月查該員自西歷一千九百零四年即光緒三十年分起每屆年終由進款餘利內酌量提賞全路員司花紅以酬勞勩此案計盈餘三百餘萬元經前督辦大臣酌准各給半箇月薪水在案自應准其開支惟錦州車站薪水項下總散核算計多開洋銀五分修理工程項下天津至黃村西四月起僱用飛班工頭工價計多開洋銀三角二分應令刪除歸入實在項下截存又撥還京漢運脚項下以散合總計少開洋銀四百元如何不符之處應令查復再行核辦其餘各款既經核明尙屬相符應准開銷謹分別繕具清單恭呈御覽其三十一年十二月初七日以後第五案收支各款仍應由該督轉飭趕緊造報以重路政所有核復京奉鐵路第四案報銷緣由理合恭摺具陳伏乞皇上聖鑒再此摺係郵傳部主稿會同度

支部辦理合併聲明謹奏

宣統元年十一月十二日具奏

謹將覈覆京奉鐵路自光緒三十年十一月二十六日起至三十一年十二月初六日止第四案收支各款繕具清單恭呈御覽

計開

舊管項下

一據冊開上屆銷案截存洋銀二百十萬一千五百八十四元八角查與上案截存銀兩數目相符

新收項下

一據冊開收關內外鐵路客票以及轉運貨票脚價洋銀一千三百八十二萬二千八百五十八元九角五分又收本路暨

電報商局借用本路電綫代遞商報報費洋銀一十七萬三千九百八十三元九角二分查前項車價及報費均按照該册所開月收數目以散合總均屬相符

一據册開收新易路客票貨票脚價並地租等項洋銀一萬二千一百四十四元四角二分查該路車價按照册開月收數目查核相符

一據册開收大賠款並大賠款利息洋銀八十四萬三千一百二十四元九角七分查此款因庚子之亂該路被毀產業經中英公司開單列入大賠款內核算除英軍代管鐵路時撥用九萬鎊外尙應收英金三十五萬二千六百七十鎊十三先令八本土而英政府祇允先給三十四萬七千鎊再三磋商始允照原數付給除已收二千四百二十六鎊十五先令

一本士外尙應收三十五萬二百四十三鎊十七先令九本
士商明長年四厘生息截至西一千九百零四年六月底止
應收利息已於上屆列收在案茲據冊報西一千九百零五
年正月分列收滙豐銀行交到大賠款英金三十四萬七千
鎊項下自西一千九百零四年七月一號起至十二月三十
一號止利息六千九百四十鎊又於西七月分列收滙豐銀
行交來大賠款我尾英金五千六百七十鎊十三先令八本
士項下自西一千九百零二年正月一號起至零四年十二
月底止利息六百八十鎊九先令七本土又按大賠款全數
自一千九百零五年正月一號起至六月底止利息英金六
千九百七十三鎊七先令三本土又上海滙豐撥來第二批
大賠款英金六萬八千八百九十一鎊九先令二本土均按

照時價每英金二先令九本士七五合行平銀一兩每行平銀七錢合洋一元所收銀元數目核算相符

一據冊開收津海關道撥解代造鐵橋工料洋銀三萬五千七百四十七元九角四分查冊稱該路局代津海關道署建造臨河鐵橋估需工料四萬四千餘兩上屆已列收行平銀二萬兩合洋銀二萬八千五百七十一元四角三分有案茲據冊稱西一千九百零五年六月分續收洋銀三萬四千三百八十九元五角又西九月分解還折移舊橋并油飾新橋工料洋銀一千三百五十八元四角四分核算相符

一據冊開收唐山等處房地租價洋銀五萬八千一百二元三角一分查該路沿途空間房地由各洋工程司隨時出租所得租價分期繳局上屆已列收有案此案列收該工程司等

解到各地租價按照細數核算相符

一據冊開收各處繳回煤價洋銀四千五百五十七元九角三分查各站及附近鐵路各局領用該路用剩大小塊煤照章應繳價解局上屆列收有案此次列收各款按照冊開數目以散合總核算均符

一據冊開收唐山製造等廠代各處製造機件並售出各項材料價值洋銀八萬五百二十元七角四分查該路所設唐山製造等廠代各處製造機件照章作價繳局上屆列收有案此次列收數目按冊核算散總相符

一據冊開收各處撥還借墊雜款各行商呈繳押款暨各廠站小工罰款存款利息等項洋銀二十五萬二千六百二十三元九角二分查前項各款應收回洋銀二十五萬一千一百

九十七元九角二分又上案支款內刪除洋銀一千四百三十元九角三分五釐飭令歸入此案補收嗣據直隸總督查明洋員恩思華士等四員薪水係按西歷月分大小建勻攤至工程司鄺孫謀重支一箇月薪水已飭洋賬房如數繳回等因業經查明恩思華士等四員前飭刪除洋銀五元九角三分既係按照西歷大小建勻攤自應准其報銷工程司鄺孫謀重支洋銀一千四百二十六元應令歸入下屆列收造報在案此次該冊併入列收所有數目以散合總均屬相符以上管收統共洋銀一千七百三十八萬五千二百四十九元九角

開除項下

一據冊開支京津兩局並全路各站暨各報房總辦員司繙譯

差役人等薪工雜費等項共請銷洋銀四十七萬六千一百
十元四角八分查前項支款內天津總局總辦提調員司薪
水公費共洋銀十六萬二千五百元六角九分又北京分局緝
譯委員稽查衛隊人等薪水公費共洋銀三萬四千八百十
八元一角一分又督辦公所緝譯委員稽查人等薪水公費
共洋銀三萬四千二百八十五元七角又關內外各車站站
長人等薪水工食共洋銀十六萬九千四十二元一角六分
又各車站電報房司事人等薪水工食共洋銀六萬二千七
百六十六元二角四分

又新易路材料處支應局暨車站報房機車處員司站長學
生工役人等薪工雜費共洋銀一萬三千一百九十二元五
角八分惟查薪水項下總散合計多開洋銀五分應令刪除

其餘以散合總數目相符所有各局各車站各報房薪水工食均按照上案接續開支隨時酌量增減自應准其照銷至西沽沙廠紅草窪小堡子趙家屯督署運糧岔道等處添設車站報房係爲推廣路務起見所支薪工亦應准銷

一據冊開支各洋員暨華洋醫生巡警各製造車頭等廠官弁員司工匠人等薪工川資雜費等項共請銷洋銀一百六萬九千五十九元六角九分查前項支款內各洋員薪水共洋銀二十九萬六千七百九十五元七角一分又各洋員房租川資雜費等項共洋銀二萬零五百五十五元五角七分又各醫院並華洋醫生薪費等項共洋銀二萬七千五百六十五元一角四分又關外鐵路巡警兵丁薪餉共洋銀六萬一千五百九十八元四角四分又巡警官弁兵丁津貼並彈壓

官弁薪水共洋銀三萬二千三百七十六元五角九分又唐山製造等廠司事匠役人等薪工洋銀四十一萬六千八百八十四元九角二分又各站車頭廠機車廠司事匠役人等薪工洋銀二十萬九千八百三十五元八角二分又本路電報學堂教習司事學生人等薪費洋銀三千四百四十七元五角以散合總數目相符所有各洋員醫生薪水房租川資及各局廠薪工等項均照上案接續開支隨時酌量增減所用英金亦經遵照逐款注明先令銀洋折合之數應准開銷至添派車務稽查喀賽畢司路車守鉄提唐山製造廠稽查皮提格魯卜郎格立夫南票礦務礦師摩洛各洋員係爲整頓路務起見所支薪工亦應准銷

一據册開支購買外洋機器材料道木煤炭並驗收裝運各項

料物費用等項共請銷洋銀二百八十三萬七百八十三元三角二分查前項支款內購買外洋機器材料並驗收裝運各項物料費用共洋銀五十六萬三千一百二十四元七角五分又由英京惠德洋行購買器具材料價脚保險等項共洋銀八十四萬元又購買各項木料價值洋銀四十七萬七千四百八十二元六角七分又購買煤炭價值洋銀五十五萬一千七百十八元三角一分又華洋紙張繪圖顏色並刷印章程等件價值共洋銀三萬一千三百六十三元九角九分又各站購辦傢具物件共洋銀一萬五千四百三十元六角七分又唐山製造廠製造車輛并購買材料共洋銀二十萬六千七百五十二元九角四分又鐵路巡警兵隊製備號衣靴帽等件共洋銀一萬四千三百七十一元九角四分又

電報歲修並各報房添購器具共洋銀九千二百四十九元六角八分又關外各站起卸貨物用費共洋銀四萬五千一百二十五元七角九分又天津總局房租火食雜支等項共洋銀六萬九千八百四十五元三角又新易路購用煤炭付各路車脚電報雜費共洋銀六千三百十七元二角八分以散合總數目均符既據分月分批按款詳細開列應准照數支銷

一據冊開支添修工程暨養路經費等項共請銷洋銀八十六萬九百四十五元七角一分查前項支款內鋪墊天津新開河車站土方並員司伙食等項共洋銀二萬五千七百二十五元四角八分又北京總局購買地基並建造局房工料洋銀二萬五千六百六十八元二角七分又豐台洋工程司牛

麻治經支洋銀十二萬一千四百六十五元六角五分由關
內洋工程司德基經支洋銀二十五萬九千二百八十五元
九角四分由山海關洋工程司李吉士經支洋銀八萬四千
一百七十一元四角五分由唐沽洋工程司李區勒比經支
洋銀十九萬三千七百九十二元四角九分由營口洋工程
司喀克司經支洋銀五萬八千二百六十六元三角七分由
山海關橋梁總管洋員郝烏經支洋銀五萬八千八十三元
零一分由新河材料廠總管洋白臘克經支洋銀二萬二千
一百七十元五角二分又新易路歲修養路工程並就地購
料共洋銀一萬二千三百十六元五角三分惟查工程項下
天津至黃村西四月起僱用飛班工頭工價計多關洋銀三
角二分其餘按冊核算數總相附所有鋪墊土方應給工價

既據詳晰開列應准支銷貨廠佔用舖房應給地價上屆亦
經准銷有案此次冊開應發舖房地價應准一體補發至華
洋各工程司經支薪工等項均照上案接支隨時酌量增減
所用工料均據詳細開報亦應一併准銷

據冊開籌還大批借款本息官商股款本息并購買房地雜
支郵賞等項共請銷洋銀八百五十萬八百九十六元九角
一分查前項支款內籌還大批借款本息英金合洋銀一百
七十四萬六千九百五十八元二角一分又撥商股本息等
項洋銀七萬八千四百四十二元八角五分又撥還北洋各
局所並長蘆鹽商股息共洋銀四萬三千七百五十一元四
角二分又撥還海防支應局從前代借津盧鐵路經費商股
本息洋銀二十三萬六千八百五十元又撥還從前津盧鐵

路借撥出使經費洋銀十四萬四千七百十四元二角八分
又酌提餘利歸公洋銀四百五十八萬五百八十二元四角
九分又撥修造京張鐵路第一年經費洋銀一百四十五萬
一千五百七十一元四角三分又解度支部坐糧廳通關稅
款洋銀一萬九千六百七十五元七角六分又購買營口車
站等處地畝價值洋銀二萬八千四百六十元零五角七分
又補給該路各洋員庚子因亂損失賠款洋銀二千四百二
十二元二角四分又付給怡和洋行暨中英公司津貼洋銀
七千零五十七元六角九分又付給旗民地租等項洋銀三
千一百八十六元七角又退還各商棧押款洋銀八萬九千
九百四十一元四角三分又贖回鐵路銀票洋銀二十元又
易換小角洋銀虧水共洋銀九萬八千六百八十元六角三

分又撥還代收京漢路裝運客貨脚價共洋銀六萬三千七百六十一元八角五分又撥還代收電報商局報費洋銀十萬一千八百七元七角五分又賞卹養傷等費共洋銀三千零十一元六角一分查籌還大批借款本息據稱係光緒二十四年因清還各項借款及接修關外路工息借滙豐銀行之款每月應付利息上屆已照付在案本案自西一千九百零五年正月分起照案接續支付又自西正月起到七月底止每年攤還頭批原本連行用又八月起至十二月底止攤還二批原本連行用共英金四千八百三鎊十二先令十一本土按月照時價折合洋銀核與支數符合至關內開平一段創自商股至接收全路時尙存股本銀二十八萬四千七百兩照案常年六厘行息並准將股本隨時收還在案册開

撥還商股本息數目查核相符又該路前因創造津沽一段借北洋各局所公款銀十六萬兩常年五厘行息創造津盧一段借長蘆商銀三十萬兩常年六厘行息冊開支數核與應還利息數目相符又由北洋籌借津盧經費內有代借商款行平銀十五萬兩朝鮮還款內申提行平銀十萬兩均按年息六厘計補還利息連同本銀核算相符又該路應酌提餘利隨時解交長蘆運司或津海關道分別寄庫聽候撥用有案核算銀數亦屬相符又因修造京張鐵路奏明由該路餘利項下每年酌提銀一百萬兩此次應解第一次撥款以銀合洋核計相符又該路應解度支部坐糧廳通關稅款每月銀一千一百兩冊開支數亦屬相符又營口天津等處修路添站購地價值運墳費暨佔用旗民各地不願出售應給

租價核算相符又因庚子之亂該路損失產業已於大賠款內算結各洋員等損失財物及匠目保護路礦兩局房屋應給酬勞自應准其撥付又贖回鐵路銀票付給怡和洋行暨中英公司代管借款津貼以及易換小角洋銀虧水並賞卹養傷等款又退回各商棧押款車脚撥還代收電報商局報費均係應退應撥之款上屆核銷有案核算亦屬相符以上各款均應准其開銷惟撥還代收京漢路裝運客貨脚價據開總數共洋銀六萬三千七百六十一元八角五分按照散數逐一詳核應共洋銀六萬四千一百六十一元八角五分計少報洋銀四百元此款總數何以不符之處應令查明聲復再行核辦

以上統共請銷洋銀一千三百七十三萬七千七百九十六

元一角一分內應刪除洋銀三角七分行查洋銀六萬三千七百六十一元八角五分實先准銷洋銀一千三百六十七萬四千零三十三元八角九分

實在項下

據冊開截存洋銀三百六十四萬七千四百五十三元七角九分查前項截存銀兩核算相符惟支款內刪除洋銀三角七分應令併入實在項下截存又行查洋銀六萬三千七百六十一元八角五分應俟查覆再行核辦

議覆陝西延長油礦修築運路摺

奏爲遵旨議奏恭摺仰祈聖鑒事光緒三十四年九月二十一日內閣抄出陝西巡撫恩壽奏籌辦延長石油擬先由官力提倡專歸商辦懇請飭部寬籌款項以維本計而順商情一摺奉硃批該部議奏欽此原奏內稱延長所產石油擅美全球以油質言光白烟微堪與歐美所產相敵以產地言一二百里內皆可開井現未多開者特因運路未通深慮積久停滯耗本停工故經營目的當以博采廣銷力抵外貨爲主義而著手必當以開通運路爲先前撫臣曹鴻勛試辦原議亦以築小鐵路爲上策再三審度似不若就原有車路舊基改建一輕便鐵道爲一勞永逸之計統計現有車路由延長至延安一百五十里由延安至西安七百二十里由西安至潼關二百九十里共程一千一百六十里若設輕便鐵路

平均計算需款約在五六百萬以上現據陝省紳商士民聯名具稟請設立公司擔承自辦業經批令聽候遵行惟思際此經營締造之秋設非有鉅款爲之補助終無以資振奮而固根基仰懇飭部籌撥巨款作爲股本助成商民自立之公司則人心咸知鼓舞地利自可挽回等語並准該撫將估修輕便鐵路情形開具清摺咨送到部臣等會同商議以築路經費已需銀五六百萬餘兩若併礦本計算總在千萬以上非確有充裕商股即使官力提倡於先終恐後難爲繼且旣曰專歸商辦復由部寬籌款項於事理亦多窒碍因擬定兩種辦法如該省商股能照成本寔在集至六成以上即可歸商辦理提撥部款若干作爲商辦官附如商股不到六成以上必須由官提倡多撥部款自應由官辦理添收商股作爲官辦商附函商該撫酌核並由郵傳部遴派諳練路工委員薛

啓昌洋員樂麥沙前往勘估旋據該委員等將勘估情形稟復當即據情轉行該撫去後茲准該撫咨稱延長石油向歸官辦去歲紳商等稟請招股商辦當即據情出奏嗣後並未設局招股今大部預估路款計需三四千餘萬元之多陝省寔無此財力等因前來郵傳部查延長石油礦源最富該撫擬以修築輕便鐵路爲著手辦法自係爲開濟利源便利運輸起見現在陝省鐵路除西安至潼關一段業經奏准該省紳商設立公司籌辦外延長至西安一段計程約八百里左右據臣部委員勘估寬軌路工約需銀四千九百三十餘萬元窄軌路工約需銀三千七百四十餘萬元窄軌價目比之寬軌所省無多將來又不能與西潼洛潼路軌接連諸多不便自應以寬軌爲正辦窄軌一層應毋庸議惟該撫原估五六百萬兩之數係約略言之逮該委員實地履勘其估價比該

撫原估多至數倍陝省紳商如能分任若干成則設法圖維衆孽或尙易舉乃一年以來該省商股絲毫未集與原奏專歸商辦之說既屬不符即臣等原擬商辦官附官辦商附兩種辦法亦成虛論若必籌辦該路須待部款專營臣部如果財力有餘則振興實業展拓交通何敢稍分畛域惟是鐵路性質有二一爲政治關係一爲商業關係邊塞之路運兵輸賑移民墾荒利益在於無形故預計營業雖或有虧而大局所關要不容以財政困難置諸度外至於附礦之路原屬商業性質自應統計礦產出井若干與沿途客貨旺弱比較所費工程成本行車經費能否相償豫權輕重乃可著手綜計延長一路成路之後車務用款每年約需銀九十餘萬元撥本還息每年約需銀三百二十餘萬元共約需銀四百一十萬元而預計收入之款現時石油一項每日不過十餘噸他貨

亦屬無幾每年運費至多不過六十餘萬元出入相抵約虧銀三百五十餘萬元是該路雖爲擴充油礦起見而油礦尙未擴充一切養路之費苦於無著縱使目前勉爲籌畫終無以維持永久互收利用之功再四思維惟有暫行緩辦俟將來該礦漸次發達體察情形或官商合辦或由部籌款屆時再行奏明辦理農工商部查延長油礦爲中國利源之大宗將來逐漸擴充自非築路籌銷無以盡運輸之利惟現在該礦尙未發達倘使籌款修路之後復須籌款養路賠累實在意中良以礦井之開挖不多雖有路亦同虛設路綫之銜接不遠雖佳礦亦難暢銷應由該省巡撫體察情形暫爲目前籌銷之計俟財力稍裕出油較旺再議大舉以盡地利所有議復陝西延長油礦修築運路緣由謹恭摺具奏伏乞皇上聖鑒訓示再此摺係郵傳部主稿會同度支部農工商部辦理

因派員測勘及往返咨商是以覆奏稍遲合併聲明謹奏
宣統元年十二月十三日

粵漢鐵路俟派員查復安定章程
再上月二十一日欽奉諭旨給事中陳
起風潮請飭部認真整理派員查核一
軍機大臣片交前來查此案前因兩廣
派本部候補參議龍建章前往澈查所
併前案辦理其餘整頓辦法應俟該案
程併案復奏除分別飭遵外理合附片
宣統元年十二月十三日具奏

核覆黑龍江鐵路交涉局用款片

再前准度支部片稱准東三省總督黑龍江巡撫咨光緒三十三年分巡防禦荒游擊馬步各營各一案內鐵路交涉局支用共市平銀六千二百八十九兩二錢九分二厘七毫應劃歸臣部覈銷等因當即由部咨取清冊去後嗣據該督撫造送清冊前來查該冊內所報電費及購置號衣並局內工程購置物件等項未經逐次分晰復咨該督撫查覆以憑核辦茲據咨覆鋪墊大餐磁銅器酒具等項下曾由前將軍程德全批准添購另款開支不在額支之內號衣靴巾等項下係由兼用舊衣故僅購此數其續購之六十六套係充六局之中每局十一兵丁之用大毡帽等則爲站崗之用馬車馬號車棚等項下係供辦差委員及差弁等之用修補房屋等項下前亦經將軍程德全批准安建分局項下係租賃俄

屋暫加修理電費項下係由俄局寄遞今俄局已撤無從查考以上各節委因經手各員司星散無憑詳報應請寬予列銷等語查所覆各節尙屬實在情形惟鋪墊器具等項既稱不在額支之內則所稱另款開支究屬何款其請銷錢四百二十九吊二十文七九合市平銀三百三十八兩九錢二分五厘八毫應由該督撫詳查報部後再行核銷其餘請銷差帖錢七千五百零七吊六百文七九合市平銀五千九百三十一兩零零四厘核算相符應准開銷又原冊總數共請銷差帖錢七千九百六十一吊一百三十文七九合市平銀六千二百八十九兩九分二厘七毫前經按冊覈明准銷差帖錢七千五百零七吊六百文行查差帖錢四百二十九吊二十文七九合市平銀六千二百六十九兩九錢二分九厘八毫計浮報差帖錢二十四吊五百一十文七九合市平銀十九

兩三錢六分二厘九毫應即刪除追繳以重公款所有黑龍江鐵路交涉局報銷緣由理合附片具陳伏乞聖鑒謹奏
宣統元年十二月十七日具奏

郵傳部奏議分類彙編目錄

路政 宣統二年正月 起宣統二年十二月止

勘明開徐海清路綫情形籌擬及時興辦摺

奏派水鈞韶充汴路總辦並留部補用片

擬請改派安徽鐵路公司總理摺

邊議黃河培修堤岸碍難由路款協濟摺

體察勘修蒙疆鐵路情形摺

北洋提撥京奉餘利未便免其扣除摺

派左參議赴粵查看廣九鐵路片

派開徐海清鐵路總辦片

呈進京張鐵路形勝全圖摺

覆陳勘查福建潮汕新甯惠潮鐵路綫股資摺

51/8817M

江蘇總協理留辦照章核准摺

洛潼鐵路購買機器材料准予免稅摺

正太鐵路製造活軸車輛洋員請給實星片

前往山東查看津浦鐵路片

請賞承辦陵差出力洋員實星片

查明浙路公司擬造江橋被參各節並籌擬辦法摺

議結京漢贖路交涉及收撥款項摺

請改派山西同蒲鐵路總理摺

議覆滇省籌辦鐵路情形摺

遵旨查明津浦勘線設站摺

報銷勘路各員用過銀數片

核覆京奉路第五案收支各款摺

商路違章私借外債擅訂合約請查禁摺

違查粵路弊混情形摺

裁汰正太鐵路華洋員司摺

派員往湖南湖北勘路摺

川漢路綫擬請援案穴垣通過摺

京漢鐵路贖回後一年營業收支大數摺

派員查勘雲南鐵路摺

聲明鐵路公司與普通公司情形不同片

奏派粵路總協理摺

開徐海清鐵路購用機器材料請照成案准予免稅摺

酌議吉長南滿聯絡行車摺

查明湘鄂路工暨股捐各款情形摺

議覆汴撫奏派員充洛潼總稽查坐辦等差摺

請還英公司借款一百萬兩片

陳明正太鐵路上年營業情形暨收支大數摺

萍昭鐵路改名萍株刊給關防片

擬親往汴洛京漢津浦查視路務片

核覆京奉鐵路第六案收支各款摺

派勘廣西鐵路路線並分別緩急情形摺

奏派京奉鐵路總辦片

新甯鐵路購運材料援案酌展免稅年限摺

籌備路政擬令民間仿行族葬以利交通片

陳明道清鐵路上年營業情形暨收支大數摺

奏報汴洛鐵路上年收支款目大數片

勘明開徐海清路綫情形籌擬及時興辦摺

奏爲勘明開徐海清路綫情形籌擬及時興辦恭摺仰祈聖鑒事
竊臣部前因開徐海清路綫情形關係重要於宣統元年三月十
九日奏派臣部路政司郎中阮惟和鐵路總局顧問官沙海昂前
往履勘奉旨允准在案茲據該員等稟稱開徐海清路綫利賴宏
多亟應興辦惟自開封建徐州其綫有二一由陳留杞縣睢州甯
陵歸德碭山循大道赴徐是爲南綫一由蘭封考城劉口循黃河
故道赴徐是爲北綫北綫經行之地高曠平行工費較省南綫所
經城市繁盛商貨較多且近傍城池於行政用軍均有裨益自徐
州達海州其綫有三一由徐州經邳州境以達海州是爲直綫一
由徐州循黃河故道東南至宿遷折向東北以達海州是爲弧綫
一由徐州經宿遷以抵清江折向北行以達海州是爲勾絃綫三

綫互較直綫徑捷但清徐一段業經奏准江蘇鐵路公司承築則爲聯絡該路起見自以徐清海一綫爲便等情前來查開海路綫經前商部尙書臣載振等建議籌辦臣部於上年閏三月十八日奏明俟勘定後奏辦在案該路大概以開封爲起點以自開商辦之海州爲尾閭西聯汴洛以達甘新爲中原東西一大緯綫陸路則與京漢津浦交通水道則與各洋航路相接據控制海陸之形便握操縱自我之機關經武與商皆覘實效即現築之汴洛洛潼等路亦必恃此路接通始可免賠折而期獲利茲擬開徐一段取道南綫以期近傍城市徐海一段繞出清江以期與蘇路公司聯絡一氣綜計該路工款開徐南綫五百六十里約需銀六百七十餘萬兩徐清海一綫除徐清一段歸蘇路公司籌款修築外清海一綫二百六十里約需銀三百萬兩由海州通至海濱展築暨口

一段暨經營商埠挖深海河約需銀二百八十餘萬兩併連預算
一成意外用費約計共需銀一千四百萬兩左右所計用款比各
路爲省預卜將來進款可不亞於京漢京奉自應及時籌畫撥款
建築且去秋江北被水災區遼闊賑濟饑民猝難遍及臣等業經
飭令津浦路局先將徐州路工剋日興築以收工賑兼施之效而
海濱隸清一帶災黎遠道就食猶恐弱者中道而踣強者嘯聚爲
患是海清開工亦即可以工代賑臣等前與度支部商議僉謂該
路亟應修築未便因巨款難籌致令要政莫舉夙夜圖維祇有分
段分年辦法庶可源源接續惟臣部所恃京奉京漢兩路餘利挹
注張綏吉長正太道清汴洛滬甯各路及一切指抵之款時虞竭
蹶現擬先由臣部斟酌緩急逐段開辦次第集款分年成工設有
緩不濟急勢難停工待款之際當再與度支部妥切籌商務使路

政易於觀成而財政亦不致有所窒礙以仰副朝廷整飭交通之
至意所有勘明開徐海清路線籌擬及時興辦緣由是否有當謹
恭摺具陳伏乞皇上聖鑒訓示謹奏

宣統二年正月二十七日具奏

奏派水鈞韶充汴洛總辦並留部補用片

再汴洛鐵路總辦升用道留直補用知府匯謙辦事未能得力應即撤差更換查有臣部鐵路總局委員農工商部候補員外郎水鈞韶諳悉該路情形堪以派委接充汴洛鐵路總辦該員留學法德有年通曉法德英三國文字深明路政現經臣部委派路差應請仍以原班留於臣部補用以資臂助恭候命下再行分咨辦理謹附片具陳伏乞聖鑒訓示謹奏

宣統二年二月初八日具奏

--	--	--	--	--	--	--	--	--	--	--	--

擬請改派安徽鐵路公司總理摺

奏爲安徽鐵路公司擬請改派總理恭摺仰祈聖鑒事竊安徽鐵路總理前於光緒三十四年九月由該省紳商公舉署江西按察使湖南候補道周學銘接充經臣部奏派在案茲據該總理周學銘稟稱前因丁承重憂降服憂在籍同鄉紳士勸令暫權路事去年十月十一日先後服闋呈報起服宣統元年正月奉安徽巡撫給咨回湘供差因路事緊要尙未起程現值一年期滿例應另舉總理以重路政等情到部當經會商該省在京官紳去後茲據該省官紳翰林院侍講李經畬等呈稱候補四品京堂蒯光典爲守兼優勇於任事堪以接充該路總理等語查安徽鐵路總理歷經更迭周學銘接辦一年尙能妥協惟既據稱丁憂服闋回差湘省自應更派勤能廉幹之員期於路政有神查蒯光典前在江蘇督

運淮鹽補授淮陽道保固河堤均著成效嗣充歐洲留學生監督
考察各國政治備極精詳其於本省路事必能力任勞怨著有成
效既據翰林院侍講李經畬等呈請前來合無仰懇天恩俯准以
四品京堂蒯光典接充該路總理以順輿情恭候命下臣部當即
分別行知欽遵辦理所有安徽鐵路擬請更派總理緣由理合恭
摺具陳伏乞皇上聖鑒謹奏

宣統二年二月初八日具奏

遵議黃河培修隄岸碍難由路款協濟摺

奏爲遵議黃河培修隄岸碍難由路款協濟恭摺仰祈聖鑒事內
閣抄出山東巡撫孫寶琦奏黃河建橋請由路工項下分年協濟
銀十萬兩培修隄岸一片宣統元年十二月三十日奉硃批郵傳
部議奏欽此欽遵到部當即咨詢津浦鐵路大臣能否於路工項
下撥款協濟奉准覆稱飭據津浦鐵路總局呈稱津浦借款合同
祇能按路工撥用款項每月均由借款公司派有洋員查賬簽字
凡非路款所需公司概不承認若將路款協濟隄工核與本路借
款情形諸多窒礙前於光緒三十四年九月前督辦大臣會同山
東巡撫奏明擬將鐵橋附近隄壩另行勘估修培如款不敷用或
由鐵路局酌量協濟嗣又經前督辦大臣以東省橋工加寬加深
增費較鉅奏明治河經費另行籌措無庸借資路款等語茲准前

因所有東省奏請由本路協濟銀十萬兩分三年撥付尙非鉅款
惟本路用款必須按照合同辦理實難任便提撥前由督辦大臣
呂海寰山東巡撫孫寶琦爲通暢河流起見業將橋工加寬加深
增費六十餘萬兩茲以河底加深至五密達以外又須加增工款
凡屬路工關係河流之處本路不能吝惜款項若於路工之外輕
於撥用實屬礙難辦理等因查津浦鐵路雖經收回自辦然動支
用款不能不按照合同辦理尙屬實在情形且光緒三十四年前
督辦臣呂海寰奏明治河經費無庸借資路款在案此次培修隄
岸祇可仍遵奏案辦理未便將路工款項協濟以免枝節所有遵
議協濟橋工碍難辦理情形理合恭摺具陳伏乞皇上聖鑒謹奏
宣統二年二月初八日具奏

體察勸修蒙疆鐵路情形摺

奏爲遵議體察勸修蒙疆鐵路情形恭摺會陳仰祈聖鑒事竊宣統二年正月初六日准軍機處字寄本日奉 上諭阿穆爾靈圭奏整頓蒙疆宜先勸修鐵路一摺著郵傳部理藩部按照所奏各節體察情形妥議具奏原摺著鈔給閱看欽此欽遵到部原奏內稱蒙疆現勢惟修築鐵路實爲切要之本謀向來建議經營蒙古者大抵注重於放荒招墾否則設官設治建立行省數者夫所謂放荒者必漸放漸進遲之數十年猶未必克觀成效苟有鐵路則鐵路所至之地即墾戶所至之地若夫設官乃所以治民必有民有業而後有官非有官乃始有民有業也今蒙旗境內生計僅有畜牧一途是雖設官亦無所事事故經營荒地之政策必以鐵路爲本謀其他練兵設治勸農通商惠工興學則相因而起者竊計內

外蒙古南北三四千里東西六七千里謂宜勸修縱橫幹路縱路南接張家口北經庫倫以達恰克圖橫路東起錦州灣迤北而西行經內蒙各旗其極西以何處爲終點或內外蒙分枝各行蓋內蒙以張家口爲東西來往之衝外蒙以庫倫爲四達交會之所此二處皆宜分道而西蒙古哲里木盟當日俄之衝情勢尤迫籌畫宜先若東起錦州灣海口趨朝陽經赤峰州承德府屬之京張以爲衝綫東首之第一段復自朝陽分枝北上經彰武邊門外達東西遼河交會之三江口過遼源州以至洮南再北至於齊齊哈爾此爲入手之第一段而尤爲今日必不可緩之圖或先築錦州灣接京張一段則裨益已非淺鮮等語郵傳部查治蒙要政自在交通該蒙藩所奏宜築縱橫幹路洵爲切要之圖全蒙幅幘遼關縱線橫線各延長數千里勢難同時並舉臣部上年議覆庫倫大臣

延祉及肅親王善耆籌辦蒙古鐵路各摺曾經奏明俟京張路成擬展達庫倫以至恰克圖此即原奏所稱之縱路也嗣飭令京張工程司察勘據稱張庫客貨較少修養爲難應先展築張綏等情臣部詳加考核以張綏一段實即原奏所稱內蒙之橫路由張家口分道而西也其收效實較張庫爲易業於去冬奏明開辦在案一俟張綏告成或勘築張庫或再展而西再行奏明辦理其由庫倫東西分展之橫路臣部前於規畫全國路軌摺內業經籌及更應俟張庫勘築再行酌辦至錦州灣西接京張一節查京奉一路由京師東北趨錦州以達奉天京張一路由京師西北迄張家口茲若由錦州開築西行迄張家口是於京奉京張之弧綫外加一絃綫現在商務未暢恐於營業有妨至錦州趨朝陽分枝北出達齊齊哈爾一節此即錦愛全綫之南段現在錦愛正事籌畫應否

繞至朝陽俟勘明酌議總之此項鐵路固爲開闢蒙荒之要圖而修築要視地方及財力盈絀爲先後該蒙藩瞻懷邊服銳意振興臣部織在交通苟力所能勝當無不黽勉圖成唯查原奏各節有爲臣部已經籌議者有因情形尙多阻碍者不能不分別緩急詳細陳明理藩部查蒙古鐵路原在臣部調查應辦事件之內該蒙藩原奏意在開墾實邊必利交通欲利交通則鐵路爲不可緩有鐵路而後百貨可以雲集實業可以振興否則徒言籌蒙而廣漠無垠人皆裹足是不獨有合於殖民政策且於蒙古邊防大有裨益該蒙藩所籌全蒙路線既據郵傳部查明與該路所籌路線大致相同其錦齊路線亦包括於錦愛南段路線之內至應如何加添路線繞至朝陽經由地方隸於何旗應由該部於勘明錦齊路線時再行會同臣部奏明辦理所有邊議蒙疆勘修鐵路情形理

合恭摺會陳再此摺係郵傳部主稿會同理藩部辦理合併聲明
伏乞皇上聖鑒謹奏

宣統二年二月十八日具奏

北洋提撥京奉餘利未便免其扣除摺

奏爲遵旨議奏恭摺會陳仰祈聖鑒事宣統元年十二月二十日內閣抄出直隸總督陳夔龍奏奉撥京奉鐵路餘利銀兩免其扣除一片本日奉硃批該部議奏欽此欽遵分行到部原奏內稱北洋每年撥補北洋防費及學堂經費等款無不恃鐵路二成餘利資爲挹注此次陸軍二四鎮三十三年分不敷餉項部議由京奉行車進款提撥應用仍由北洋應得二成餘利內扣除不但北洋防費不敷更鉅即護路巡警暨學務新政一切用款必致盡皆無著惟有籲懇敕免扣除照舊隨時撥解等語查光緒三十四年九月初四日欽奉諭旨鐵路餘利爲預備撥充路綫之需等因欽此京奉一路遞年雖有餘利向特爲挹注正太汴洛道清滬甯吉長京張張綏各路之資近又奏明籌辦開海鐵路次第集款均藉京

奉接濟歷年陸續動撥寔已無復盈餘是以前署督臣那桐於二
四兩鎮不敷餉需奏請由部籌撥原摺即聲明從前曾經動用鐵
路餘利現在難於提撥等語嗣經臣部與度支部往返咨商委曲
設法籌所以移緩就急暫濟目前始擬由二成餘利先行撥解俟
路帳結算仍如數扣除經度支部奏明立案誠知京奉餘利止有
此數斷不能於預算之外忽有巨額支出之增加今該督遽請免
其扣除似未悉前此臣部籌商暫時挪撥之苦心於歷次奏案亦
未符合應請無庸置議所有違旨議奏北洋提撥京奉餘利未便
免其扣除緣由理合恭摺會陳伏乞皇上聖鑒訓示再此摺係由
郵傳部主稿會同度支部辦理合併聲明謹奏

宣統二年二月二十八日具奏奉旨依議欽此

派左參議赴粵察看廣九鐵路片

再廣九鐵路建築業已及半所有工程行車事宜亟應陸續籌備其與英國所造九龍鐵路銜接關係交涉尤須悉心應付亟應派員前往預行布置查臣部左參議梁士詒兼充鐵路總局局長管理該路是其專責平日與中英公司交涉各事亦均由其經理擬即派其前往巡閱路線統籌一切並順路察看京漢滬甯各路情形謹附片奏陳伏乞聖鑒謹奏

宣統二年三月初八日具奏

派開徐海清鐵路總辦片

再開徐海清鐵路及時興辦一節業經臣部於本年正月二十七日奏明在案查該路爲腹地中貫東西一大幹綫關係綦重現在籌辦伊始所有設局購地估工購料一切機宜在在均關緊要亟應遴選妥員總理其事查有三品銜記名御史臣部路政司郎中阮惟和才長心細於路事夙有講求前年派勘該路路綫亦能經緯分明規畫詳盡擬即派該員充開徐海清鐵路總辦並刊發木質關防一顆文曰總辦開徐海清鐵路事宜關防發交領用以資信守而專責成再該郎中係因公出差應毋庸開去本缺合併陳明伏乞聖鑒謹奏

宣統二年三月初八日具奏

呈進京張形勝全圖摺

奏爲呈進京張形勝全圖仰祈聖鑒事竊京張一路於去年八月告成全路里數及起訖要點業經臣部奏明在案溯自中國開辦鐵路大率借才異國始底於成該路係完全自辦當擬辦之始旁觀每致懷疑當事者何敢自信幸賴聖明主持於上而工程師暨執事人等咸知該路關係綦重黽勉圖成始克蒞事開車以來全路安謐京畿之右輔通轍迹於西陲謹映成該路形勝全圖分爲上下兩帙裝訂呈進幸萬幾之餘暇賜一覽以爲榮從茲輪軌大同見僻壤穰熙之輻輳即此交通伊始亦中原締構之權輿所有臣部呈進京張鐵路形勝全圖理合恭摺具陳伏乞皇上聖鑒
謹奏

宣統二年三月初八日具奏

A large rectangular table with 12 empty columns and a header row. The table is oriented vertically on the page. The header row is at the top, and the 12 columns are empty. There is a small black mark on the right side of the table, near the top.

覆陳勸查福建潮汕新甯惠潮鐵路路綫股資摺

奏爲覆陳勸查福建潮汕新甯惠潮鐵路路綫股資大概情形恭摺具陳仰祈聖鑒事光緒三十四年五月二十七日奉上諭近來各省官辦鐵路皆能尅期竣工成效昭著而紳商集股請設各公司奏辦有年多無起色著郵傳部遴派委員分往各路確寔勸查各路工程妥擬辦法嚴定期限倘所集股資不敷尙鉅或各存意見推諉誤工即將該省所舉人員差使分別撤銷等因欽此欽遵到部當即遵擬勸路查款辦法先後奏派員司分往勸查並將已經勸查各路情形分別奏陳各在案茲據勸查福建潮汕新甯惠潮四路委員調部差遣工程司胡棟朝臣部員外郎光裕主事蔡傳奎許沐鏞等稟稱福建全省鐵路原估共二千餘里現先開辦漳廈一綫計長九十里鋪軌通車者十餘里其餘或正築隄鋪軌

或正修造橋墩路綫平直工亦堅固即機廠貨倉月台各項佈置亦尙得宜該路款項計收到股本並糧鹽捐及利息一切進款共銀一百三十七萬餘兩除支材料土工局用股息共銀一百三十四萬四千餘兩外尙存銀二萬六千餘兩全路工程尙須籌款接濟此查勘福建漳廈鐵路之現在情形也潮汕鐵路由汕頭至潮州府城計長八十五里於光緒三十三年竣工其汕頭車站尙屬齊整車輛亦頗適宜惟汽車形式頗舊建築未盡合法股款寔收銀三百二萬四千餘元全路成本共支銀三百十二萬三千餘元遞年行車進款除養路經費外僅得官利一厘左右此勘查潮汕鐵路之情形也新甯鐵路自新甯城至公益埠計長一百二十二里於宣統元年竣工工程尙合格式惟全路均用粗沙墊軌且路綫轉灣太多弧綫過促似宜改良冀圖進步全路股款寔收銀二

百七十四萬餘元全路成本共支銀二百五十一萬餘元尙存銀二十二萬餘元遞年行車進款除養路經費外僅得官利二三厘此勘查新甯鐵路之情形也惠潮鐵路據創辦人裁缺太僕寺卿張振勳而稱因股東渙散事遂中止懇代稟部撤銷等語並將勘查各路情形稟請核辦前來查福建漳廈一路工艱費鉅款項業將不繼已由公司妥商臣部暫行設法籌款接濟一面添募股款以圖擴充潮汕一路最先竣工因路線太短無利可圖業飭由潮州府城展築意溪一段藉資展拓其未合宜之工程應飭令陸續改良務增完善新甯一路餘款尙存二十餘萬元現飭令添招股款由公益埠展至新會城一帶俾便交通而維路利惠潮一路前經張振勳呈請籌款商辦惟既據稱集股不甚踴躍而該路亦非交通幹綫自應遵旨將原案撤銷臣部體察情形擬將該路暫行

緩辦所有勘查福建潮汕新甯嘉潮四路路綫股資大概情形理
合恭摺具陳伏乞皇上聖鑒謹奏

宣統二年二月二十八日具奏

江蘇總協理留辦照章核准摺

奏爲江蘇總協理公舉留辦照章核准恭摺仰祈聖鑒事竊江蘇鐵路自光緒三十三年閏四月間由商部奏派王清穆爲總理張審爲協理奉旨允准欽遵在案本年二月間接蘇路公司總理王清穆電稱任滿辭職當以事關公選由部電商蘇路公司去後茲據呈稱江蘇鐵路公司前由商部奏派王紳清穆張紳審爲總協理旋由本公司呈請商部添派王紳同愈爲南路協理許紳鼎霖爲北路協理以四年爲任滿自始迄今適屆期滿應由股東更舉本屆常會分次選舉仍經舉定王紳清穆爲總理張紳審爲協理又經股東提議現南綫工程告竣總協理應注重北綫毋庸另置南北協理以一事權等情奏派前來查蘇路公司呈部章程第三十一節內載總協理之任期由股東會議決呈部查照等語核與

公學續任原章尙屬相符自應照准仍派王紳清繼爲該路總理
張紳春爲該路協理至南北路協理既經該路股東公議毋庸另
置應即照准以一事權所有江蘇鐵路總協理留任情形理合恭
摺具陳伏乞皇上聖鑒謹奏

宣統二年三月十八日具奏

洛潼鐵路購買機器材料准予免稅摺

奏爲洛潼鐵路購買機器材料應照成案准予免稅恭摺仰祈聖鑒事竊前據河南洛潼鐵路公司呈稱河南鐵路前經奏准由本省紳商集股自辦先修洛陽至潼關一路兩年以來查勘路線大致就緒不日即擬開工建築所需機器材料均應隨時購置以備應用查各省商辦鐵路材料免稅歷經奏准有案洛潼款辦工艱所用材料購自外洋水陸轉運較東南近海各省耗費尤鉅擬請援照成案凡洛潼路工所需機器物料一切奏明免稅等語當以事關稅務即行咨商稅務處去後茲據復稱查各省商辦鐵路先後奏准免稅三年河南商辦洛潼鐵路事同一律自可查照成案奏明如確係建築所需機器材料准其免稅三年咨復前來查該路不日開工購置物料自不容緩據呈款辦工艱及運費較鉅各

節亦屬寔在情形前商辦閩粵蘇浙晉蜀皖贛等路所需物料均經奏准免稅在案洛潼鐵路事同一律並已妥商稅務處可照成案辦理自應據情仰懇天恩准予免稅三年以恤商艱而免向隅所有洛潼鐵路購置機器材料按照成案暫行免稅情形理合恭摺具陳伏乞皇上聖鑒謹奏

宣統二年三月二十八日具奏

正太鐵路製造活軸車輛洋員請給寶星片

再正太鐵路連年虧折雖由貨源困竭厘稅頻繁而軌制與京漢不同亦其受病之處該路前因省費建造窄軌與京漢不能互通車輛貨物至兩路交點須另行裝卸費用既增耗損尤鉅客商咸形不便運輸因而減色臣等迭飭該路廠務華洋員細加研究以期補救嗣據該路呈送所製新式活軸車輛復經派員考驗並滿載煤斤於京漢京奉各路試行數月該車機關靈便行動尙稱穩捷將來推行盡利不虞軌制之殊其有裨於路政者匪細製造各華洋員等不憚詳求自成此製不無微勞足錄自應酌予獎勵以策方來除各華員由臣部按照定章給予獎牌外其洋員廠首法國人阿拉伯塞擬請賞給三等第三寶星匠首法國人華爾及法國人杜來克二員擬請賞給四等寶星以資鼓勵如蒙俞允即由

臣部咨照外務部欽遵辦理謹附片具陳伏乞聖鑒訓示謹奏
宣統二年三月二十八日具奏

前往山東查看津浦鐵路片

再宣統元年十月二十二日臣部片奏嗣後各路應辦事宜擬即由臣等隨時親往查看以資整頓業經奉旨允准在案查津浦鐵路濟南黃河橋工屢由前督辦臣與山東巡撫臣往返商酌期與河工路務兩無妨礙而橋工加寬加深迭增巨款現在興工伊始自應格外慎重切實督催以期費省工速又濟南車站爲全路中心要點且與德人承辦之膠濟鐵路逼近必須擇要建設方能有益路務免生轉輾亦應前往履勘妥爲規畫擬由臣世昌親赴山東查看橋工車站各項工程事宜輕車減從往返不過旬餘冀以目擊情形證之平時文牘庶幾真相可得整頓無難上年秋間臣世昌等兩赴天津布置路務冬間臣雲沛復沿江東下查勘各路均經迭次奏明此次前往山東查看津浦鐵路理合附片具陳伏

乞聖鑒謹奏

宣統二年四月初九日奏

請賞承辦駛差出力洋員寶星片

再宣統元年三月十二日德宗景皇帝梓宮奉移梁格莊行宮暫安所有臣部辦差出力人員開單請獎均蒙恩旨允准當經分別飭知在案查此次辦差華洋人員同時出力今華員業蒙奏保似未便獨令洋員向隅茲據京漢路局稟請奏獎前來臣等再三商酌謹擇其尤爲出力者酌保數員其餘概行刪汰計京漢鐵路行車藝務總管法國人普爾雅前經得有二等第三寶星擬請賞給三品頂戴廠務藝務總管法國人依里巴蓮前經得有三等第一寶星擬請賞給四品頂戴養務藝務總管比國人沙克擬請賞給三等第一寶星車務段長法國人何圖總書比國人士良前均得有三等第三寶星擬均請賞換三等第二寶星幫核算比國人埃麥黎擬請賞給三等第三寶星業經咨查外務部核復相符如蒙

俞允再由臣部分別欽遵辦理謹附片具陳伏乞聖鑒謹奏

宣統二年四月十九日具奏

查明浙路公司擬造江橋被參各節並籌擬辦法摺

奏爲遵旨查明浙路公司擬造江橋被參各節並籌擬辦法會同據寔覆陳恭摺仰祈聖鑒事宣統元年十二月二十日承准軍機大臣字寄奉 上諭有人奏浙路公司偏信洋工程司錢塘江橋不宜水利並不宜橋工一摺著郵傳部會同增韞詳細查勘水利橋工有無窒碍妥籌辦法據寔具奏原摺著抄給閱看欽此欽遵旨寄信前來臣等當即往復電商分別遞派郵傳部郎中周嵩堯浙江勸業道董元亮候選道衛興武等會同馳赴該處按照所參各節詳細履勘茲據該郎中等將查勘該處水利橋工各款稟覆前來臣等復經切寔詳核按以沿江地勢考之該處輿情謹將寔在情形爲我皇上縷晰陳之如原奏稱錢塘江面南岸積沙七八里不知者誤會江面僅二三里橋工易成坍塌靡常積沙卸則橋工

隨流而去一節查錢塘江向西南行約八里爲徐村又一里許卽爲該洋工程司擬造橋之所該處近岸爲老礮台山對面爲鮎魚嘴江面約寬三千餘尺潮長時或至四千餘尺不等水深約三十餘尺江邊一帶半係懸沙每當春夏間水流湍急江濱積沙隨潮刷盪此處若築鉅橋沙土鬆浮易致傾圯洵係寔情又原奏稱錢塘江仰承福建安徽兩省大山之水與夫金衢嚴紹處五府大小山水來源數千里且有海潮頂托往往倒灌更以橋墩橫互其間水益無從宣洩一節查錢塘江水發源於閩皖邊界諸山中經金衢嚴紹處五府合大小衆流奔赴而下錢塘江口寬僅二三里每遇海潮頂托上游山水不能直瀉下游海水逆灌而入年來紹屬山陰會稽蕭山各縣潦患頻仍其上游富陽諸暨等處輒因下流壅閉泛濫爲災若於江面互以橋墩將上受山水之衝下受海潮

之激橋墩固易搖動且水以激而橫流所有圩堤必遭損壞沿江州縣倒灌堪虞水利橋工兩相妨碍亦非過慮原奏又稱公司偏聽洋工程司專顧營業不顧水利一節查洋工程司富爾德前擬於錢塘江面造橋以便接聯對岸蕭山等處之路該公司亦以錢江水利與濱江州縣關係甚鉅未敢據爾動工臣等委員到勘時與之再三考究該公司亦謂路不可不速通橋不可不緩造將來路成後營業發達上游各州縣圩堤修築完備宣洩得宜而後相機建造是其審慎籌維尙無偏聽原奏指爲專顧營業不顧水利未免言之過激原奏又稱該路過江暫用輪渡一節查江濱一帶旣不便造橋致滋水患而該路現已由湖墅造至江干將來展築蕭山各處自應設法通過對岸以便交通原奏所稱暫用小輪渡江等語事屬可行伏維水勢原期疏洩鐵路亦貴聯通該路由江

干東越紹甯寔爲浙東要綫第過江之路未通則設橋自非急務
臣等酌度現在形勢自應飭令該公司於江干兩岸建造浮碼頭
多備大駁船裝客貨詳定章程報部核准並酌量購置小火輪
拖帶駁船渡江此往彼來使火車一到江濱駁卸入船轉拖登岸
水道既無阻碍轉運亦見靈通庶因時制宜不憂偏廢至建橋一
節應俟該路全通商業發達之後再行相度地勢妥籌辦理所有
遵旨查明浙路築橋被參各款並籌擬辦法緣由是否有當謹恭
摺會陳伏乞皇上聖鑒訓示再此摺係郵傳部主稿會同浙江巡
撫臣增韞辦理因派員會勘並往返妥商是以覆奏稍遲合併聲
明謹奏

宣統二年四月十九日具奏

議結京漢贖路交涉及收撥款項摺

奏爲恭報議結京漢贖路交涉情形恭摺仰祈聖鑒事竊京漢鐵路前向比公司贖回迭經臣部將辦理情形分別奏明並於宣統元年二月十八日臣部彙陳收撥路款略摺內將截至光緒三十四年十二月底止贖路撥用一款一并附陳在案查該路與比公司爭執之款甚多比公司頗擬藉此延緩交路之期嗣臣部堅持始定光緒三十四年十二月初十日先行交收而將未了各款隨時議結計彼此爭執最烈者爲大賠款擔保款項一事先是庚子之役京漢鐵路因歸比公司管理遂亦於大賠款內得有賠償經督辦大臣盛宣懷與比公司議撥該款爲修復路工之用又以大賠款係分三十九年清交緩不濟急復商由比政府先行墊出整款嗣後按年扣還並由盛宣懷給與比公司憑函聲明將來大賠

款如有停止核減時即以該路餘利八成作保如贖路後中國則另尋一擔保用保此整款將來偶有之虧失等語比公司因此遂要求贖路後仍將京漢各權利爲此款擔保臣部以路經贖回斷無留此枝節以自束縛之理力拒不允又該路本有公積一欸以備不虞比公司復擬分其二成臣部以有背合同未經許可同時臣部亦要求該公司數欸以爲操縱彼此爭辯多次未能解決不得已照合同第二十六款辦法歸外務部與比國駐京使臣公斷酌由外務部與該使臣斷結查照大賠欸三十九年內攤算京漢鐵路應得之款最多之年約計二百十四萬佛郎由中國照數存儲上海華比銀行以爲大賠欸整款之擔保至大賠欸付清爲止此項存款該銀行仍照通例給回利息其盛宣懷所給比公司憑函即行作廢因此公司辦事多年鐵路亦得餘利另行給與酬費

其公積一欸比公司不能索分絲毫至臣部要求該公司數事亦即通融了結由外務部將議結文件咨照前來贖路交涉全案至此始悉行結束至所撥各欸如還比公司借款一項大賠款整欸擔保一項及暫借各項應還本息等均經逐欸核計掃數清結連暫時押款兩項在內贖路款項實支英金三百七十六萬鎊支銀一千三百七十一萬八千五百七十八兩六錢二釐兩共約合銀四千六百五萬兩之譜成本較前略爲加重惟此後每年可省去分與借款公司之二成餘利約三十餘萬兩又收管理一切主權則全路之規畫佈置杼機在我所有通商惠工之策可以次第施行僅以利益論所得亦非少數查該路本爲交通要綫前歸比人管理因新借費用以冀多分餘利致設備時有未周臣等迭經考查知該路爲交通脈絡及財政本原所關非力求擴充不足以收

美利臣雲沛歷次往返躬親巡視亦確見該路遺利尙鉅當爲詳求疏濬濬導之法惟諸事非款不舉逆計數年之內如果款項應手所擬辦法得以逐漸設施成績必當勝於今日至贖路借用各款本息應由該路行車進款按期歸還並照例按年提存公積以備意外應均作爲定案永遠不許移用以昭慎重至贖路款項應由臣部於收撥各路款項總帳內另行詳細奏明所有奏報議結京漢贖路交涉情形除咨外務度支部外謹恭摺具奏伏乞皇上聖鑒謹奏

宣統二年四月二十九日具奏

請改派山西同蒲鐵路總理摺

奏爲擬請改派山西同蒲鐵路坐辦總理恭摺仰祈聖鑒事竊山西同蒲鐵路前於光緒三十四年七月由該省紳商公舉湖南候補道劉篤敬爲主持總理四川候補道趙淵爲坐辦總理經前山西撫臣寶葵附片奏派行知臣部在案嗣經東三省總督臣錫良奏調該坐辦總理趙淵赴奉差委奉旨著照所請該部知道欽此並據趙淵申繳部札到部當經函商該省在京官紳另舉坐辦總理去後茲據該省京官軍機處郎中孫笥經等呈稱查有花翎二品銜候選道鄭永貞品端才裕鄉望素孚堪以接充該路坐辦總理等語並准山西撫臣咨據籍紳候補三品京堂渠本翹等稟同前因伏查交通要政首在經理得人商辦公司尤賴羣情信服候選道鄭永貞既據該省京官籍紳公舉自係允孚衆望合無仰懇

天恩俯准以候選道鄭永貞接充該路坐辦總理以順輿情恭候
命下臣部當即分行欽遵辦理所有擬請改派山西同蒲鐵路坐
辦總理緣由理合恭摺具陳伏乞皇上聖鑒訓示謹奏

宣統二年五月初十日具奏

議覆滇省籌辦鐵路情形摺

奏爲遵旨議覆籌辦滇省鐵路情形恭摺會陳仰祈聖鑒事竊本年二月二十日雲貴總督李經羲奏密陳滇省大計一摺欽奉硃批郵傳部妥議具奏欽此二十五日又奏密陳滇路情形一摺奉硃批著郵傳部歸併前案妥速詳議具奏片二件圖一件併發欽此旋於三月十六日欽奉諭旨李經羲電奏滇紳陳榮昌等呈稱滇路無款急切待修請飭部迅籌路款等語滇路關係緊要着郵傳部迅速查勘歸入李經羲前奏一併妥議覆奏其籌借路款各節併著度支部妥議具奏欽此欽遵由軍機處先後抄交到部原摺內稱滇省最要路綫一曰滇蜀一曰滇桂滇蜀自前督臣丁振鐸奏設公司隨糧認股迄今所收僅及百萬而請緩請減請免紛至沓來非由國家提回自辦斷難成功懇將滇蜀收歸國有並將

滇桂設法籌辦庶滇路有挽回之機原片稱蜀桂兩綫理宜先修
應懇飭部先將滇桂籌款興修仍將滇蜀派員測勘又稱隨糧徵
股民力難支正宜俯恤民艱飭部籌修紓重困各等語臣等查
鐵路一政本代驛道而興其用在轉移地形化險爲夷化塞爲通
俾有益於軍國大計非隨地皆應設施也雲南全省地當炎徼屏
蔽西南爨獯濮獫百蠻之倫自古與民雜處重以雪嶺山脉橫亘
其間而滇潞瀾滄金沙富良南盤諸川復縈帶乎左右其金銀銅
錫煤鐵寶藏之富旣足冠冕全洲其米麥鹽茶竹木藥石之饒亦
足溉被鄰省祇以山川阻隔風氣絕殊商賈販貨維艱農工殖產
無術遂致貨棄於地民業日益艱屯論其貨財是惟天府論其形
勝寔號巖疆若當百年以前設險而居故優爲閉關自守之局然
揆諸今日情勢域內則有藏川黔桂四境自西徂東以環其北域

外則有越暹緬甸三境自東徂西以環其南相度陰陽蓋四戰之地非設險之地也諸葛用蜀策主開闢然則謀築鐵路於滇固有刻不容緩者嘗攷滇省奏辦之路首惟滇蜀其歸入滇蜀公司統籌者曰騰越其擬俟滇蜀工竣接修者曰滇黔其尾銜滇蜀成爲直綫者曰滇越其首銜滇蜀成爲曲綫者是爲現議之滇桂臣等嘗熟籌焉黔居滇後鮮有交涉自應遵查舊議置作後圖若騰越逼近野人之山地與緬甸相錯英人曾要求合修此綫以爲滇緬軌綫之初基倘英策果行則滇蜀以一綫而當滇越滇緬之衝情勢自急於滇桂然而該督臣願謂滇桂較滇蜀爲急者按其摺片雖僅指滇省內政爲言而準以外交之權宜實亦視敵情變遷爲之耳夫英於中國所覬覦素在西藏所營度原在長江彼其心未嘗不欲滇越速成得利用滇蜀路程兼浸入金沙江流域因而左

拊西藏肩背而右握長江上游之鍵惟滇緬軌綫所經利在溝通川黔彼知川黔天險難通又緬甸層巒亦難繩繫而彼所覬覦之西藏究與印度爲鄰即彼所營度之長江亦從吳淞可溯以故於滇緬不欲輕發第用虛言要素以聊爲抵制滇越之謀滇緬之策未行斯滇蜀之工較緩此其顯然無疑者若法人則不然其軍港旣闢於越之東京灣而鐵路之達入我廣西自鎮南關至於龍州業經訂有合同自北海口至於南甯亦經允與該公司會同商辦其鎮南緯綫復西與滇越經綫相銜是法於滇桂兩邊實擅有海陸交通之勢萬一兵戎相見彼則舟車共濟左右可以搗虛我則畛域攸分首尾不能救禍該督臣奏稱廣西滇省同一形勢策無逾於先修滇桂路綫者誠勝算也現在滇越之軌業抵省城彼覘知英人滇緬之議未成方挾其一日千里之鋒以歆羨我滇蜀於

是談路政者舉以贖滇越修滇蜀爲先務不知此頭痛醫頭脚痛醫脚之術非聲東擊西之至謀也滇蜀之利害本以關於英人者爲最多在法人不過乘間圖之其寔滇越新成法亦難遽籌巨款若贖回滇越彼且借酬勞爲說索修滇蜀即移我贖款以爲之工資贖越之債未清修蜀之權亦失則贖回滇越不如亟修滇蜀其理固甚明已竊以法於滇蜀雖甚垂涎究之有憚於英未必敢於先發我若亟修滇蜀彼必乘我不備專經營於北海南甯而滇之東南又將爲法所逼審時度勢惟有趕修滇桂一綫足以預伐其陰謀昆明百色南甯千數百里之間道出空虛煤礦五金山澤往往而有誠能敷軌其域不惟曠野變爲繁鎮且可銜接桂邕之綫上達於三湘况百色南甯皆傍西江左岸而居我之路工果能修抵南甯退固足保西江之航樞進且足截北海之軌利即令僅抵

百色而廣南之礦蔽江東下亦得貫串粵境輻輳於香港以平分
法人運輸之利權臣等再四圖維亦覺滇桂最宜先修與該督所
見相合自應准如原奏以便切實舉行若免收糧股由部籌修一
層臣等查鐵路指歸首在徵調軍兵次在懋遷貨物其利原不在
以軌營業自不應視數軌爲牟利之端無論滇民難支應將路款
另籌以恤其隱即使糧股充足而全滇之物力已悉爲鐵路所吸
民間必更無辦事之餘財以百產殷賑之區苟無餘財振興之其
工業必不能精其商業必不能雄其農業亦必不能推廣彼時法
人若隲我疲敝運洋貨而入運土貨而出我不啻爲法人專敷一
運貨之軌導之使奪我民物之生機齊畝盡東晉人誘焉豈可反
蹈其覆轍然則路款一項宜由部臣籌措不宜由本省捐集可斷
言矣況現今部款近極支絀舍該督所擬借款一說外寔無他項

可提雖借款頗爲當世所然使當日不借英款以築津榆不但奉
新無從贖回即京張張綏亦將爲俄人所圖焉有自我鳩工之一
日大抵借款之術果能仿照光緒三十四年與滙豐滙理銀行訂
借辦法祇以他項虛抵不以軌地作押於主權既無損失於路政
乃賴擴充兩害從輕亦屬應變之一策滇人獨見及此固由深明
大義良由洞悉民艱苟於此遂爲天下之倡因以藏富於民藉以
培養中國之元氣此實根本至計不止利於交通已也至電奏所
請飭部籌借一節度支部查滇桂鐵路既預爲鞏固國防且用以
振興實業及今興築自不能視爲緩圖借款一層據該督電奏稱
該省議紳以國力艱難但使無碍主權即借外款亦惟滇人所願
等語借資營業本與尋常稱貸不同果能經理得法當不至別滋
流弊惟該路究須借款若干應以何項作爲抵押及借入之後如

何分年籌還本息之處應由該督商同廣西巡撫詳細查核妥籌辦法必確有把握再行訂借庶信用足以維持路權不致妨碍是爲至要總之郵傳職掌以體國經野爲本謀滇省僻在邊陲其鐵路情形較腹省實爲重要竊嘗思之越南自漢宋爲我之藩屬緬甸自元明爲我之士司緬甸淪而滇之英患深越南淪而滇之法患迫滇處緬越之際若不早爲擘畫則滇路必見削於強鄰滇路失則滇疆危滇疆危則桂黔川藏之大局皆危而粵東湘鄂以及於長江亦無不危此皆臣部經畫區宇所宜預籌而時引以爲隱憂者爲今之計自應擬請准如原奏所議先從籌修滇桂入手其滇蜀一路業經前督臣丁振鐸奏准在案擬即用英人虛議滇緬之法一併由部派員履勘以預防他人要挾俟滇桂辦有端緒仍酌量與滇黔枝緩次第興修既以漸行臣部規畫全國軌綫之方

即以連合西南數省通力籌邊之局如蒙俞允即由臣部迅速派員查勘並分咨遵辦俾速程功所有違旨議覆滇省籌辦鐵路緣由謹合詞恭摺密陳伏乞皇上聖鑒訓示正緒摺間復准軍機處片交奉旨李經羲等電奏經營滇桂鐵路請將色邕一段飭部加入滇色桂邕綫內通籌用款等語著該部妥議具奏欽此又四月二十四日准軍機處交出雲貴總督李經羲奏滇路無款急切待修懇飭部速籌勘辦一摺奉硃批度支部議奏欽此查色邕軌綫自應銜接一氣已於摺內通籌至所陳滇紳呈請借款一節大致亦與前次電奏無異均請毋庸另議再此摺係郵傳部主稿會同度支部辦理因往返咨商是以覆奏稍遲合併聲明謹奏

宣統二年五月初十日具奏

遵旨查明津浦勘綫設站摺

奏爲遵旨查明據實覆陳恭摺仰祈聖鑒事宣統二年四月二十二日承准軍機大臣字寄奉 上諭有人奏維持路政全局一摺著郵傳部按照所奏各節是否屬實查明具奏原摺著抄給閱看欽此欽遵寄信前來臣世昌適查勘山東路工歸途道出天津於該處商民具稟懇予設站節經剴切開導仍一面澈查諮訪以資核辦復由臣焜瀛臣雲沛於五月初三日赴津會同督臣陳夔龍前往該處逐段履勘並嚴密復查謹將規畫路政大端及查明原奏津浦鐵路請設南開分站詳晰情形爲我皇上披瀝陳之竊惟路政要旨厥有二端一爲國防一爲營業就國防而論所有運兵運餉運賑各項均宜取用腹地自保主權萬一遇有事之秋則轉運得以自由不致有劫持之患今陳塘莊料站地濱海河爲華洋輪

船出入要道該站本爲暫時運料而設一俟總站造成即當酌量遷拆前經奏明在案若就該站遷西已廢之路展設津城西南隅分站而此路迤東即是英德租界路綫所經勢同假借前經德使派參贊來部暨英德駐津領事赴局要求該枝路分設兩綫以達租界均由臣等婉言推拒此十數里之間如設數分站種種窒碍此不宜者一也就營業而論路款係由息貸應如何力爲籌畫增加進款以紓債累各國路政營業性質先以路就市場俾原有之商貨得以轉輸而商貨復因利乘便爭相趨附以故路務商務兩得補助即兩見振興今天津商市所有華洋出入口貨物群集租界寔居大宗城北次之城東又次之現在京奉新站爲已闕之市場日見繁盛漸能吸收租界商務是該處設站最爲合宜至於西南隅一帶地處窪下居民無幾商務稀少不過藉路站以爲另闢

市場之計若將息借之款遷就未開之市場揆諸營業本意誠非得計此不宜者一也臣部復查津浦全路情形南通滬甯渡越長江以資銜接北通京奉即在新站合軌將來江浙各路輸運北省以及東北各路輸運南省皆以津浦路爲樞紐其於國防營業兩端寔已扼其要領此津浦全部分交通之利便也至天津總站則由新開河起點與京奉合站就堤頭渡越北河繞道小北圩門直趨楊柳青再渡運河至良王莊以接南行之路所有津郡商貨其由城運往者仍至京奉新站其由租界運往者仍至京奉老站均能裝載津浦車輛既可控馭全路使貿易日以增加兼可越避租界俾利權得以自保此天津一方面灌輸之利便也至南開設站一事係因前督辦臣呂海寰與前直隸督臣楊士驥親往堤頭趙家場一帶逐段履勘規畫設立總站處所雖未定議而閩境商民

耳目所屬無不周知絕不復疑有他處設站之舉而已革道員李德順暗串地販夥設公司在南開預購地畝以爲壟斷居奇之計營謀既定始宣言即在該處設站以致津郡商民羣相驚訝推原改設南開之故既非據優勝之形勢又非就商業之市場祇以私利所關毅然不顧衆議紛紜激成公憤旋被奏參嗣於上年七月由督辦大臣會同前督臣端方復往履勘參考輿論體察情形查南開一處既不相宜應無庸議外仍在隄頭一帶地方建設總站即與京奉合軌所有京奉餘地皆可取用審擇既定奏明辦理此南開車站已議復輟之所由來也茲原奏內稱國家建設鐵路原以便利商民若不顧商民竟如該局所復謂衆願不能盡償恐中外古今無此政體該處爲商務要地乃謂俟該路成後斟酌商務是否發達而轉置目前於不問則該路之所謂交通者究何所指

似應基礎商市期旁達於無窮安得以陸海通衢而忽置之等語
查天津西南隅既非市場前經督辦大臣奏明俟路成後該處商
務是否發達與本路是否合宜屆時方能定計早在聖明洞鑒今
原奏所指不顧商民其所謂民者祇該處一隅負戴之貧民其所
謂商者即營運地皮之夥販耳又謂該處爲商務要地陸海通衢
現就津郡大勢而言該處爲鹽鹼之區居民寥落距市場則又甚
遠至陸海通衢則又在租界而絕不在南開盡人皆知所擬俟路
成後察核辦理一節尙冀該處商務果能稍旺方可酌量籌辦若
就目前而論斷無躐次混施之理附路設站有過站止站之不同
過站爲路綫所經過處關係尙輕至止站則爲路綫已盡之處倘
就已廢之八里台一路接續展修則與租界逐節毗連恐英德要
求碍難拒絕將來南開一站英德租界又各一站合之總站則四

站並立析爲四枝實主不分利權誰屬原奏又謂津埠商民困難已達極點各商負洋債至一千萬有奇危急之形莫可言喻專恃該路刻即交通以期振興而圖補救若舍近求遠恐新商之發達尙未有期而舊商之墮類已可逆料千百戶身家性命急切待援何忍深拒固閉必吝此數里之地不爲一通等語查津郡歷年商務因洋員虧蝕以致積欠銀行一千餘萬金皆係津郡貨商南開設站與否與該商等勢同秦越若指津郡全體商業則津浦路成仍由京奉原站輸運實與舊商增添營業津浦旣與京奉合軌暫不另設他站亦何有新商之可言是所指之新舊商祇有販賣地皮之輩而已又謂千百戶身家待援何忍吝此數里之地不爲一通倘如所謂旣是商務要地又係陸海通衢則津浦路站方趨附之不暇又何必重煩計畫蓋所指之五六里之地即是程唐莊枝

路由八里台直達南開舊址將來應在遷折之內者也原摺又謂該局所復於糜款費時諸要端及商民所利便皆置不一答輒以革道李德順南開廢站爲口實並將順直諮議局之電不加審查拉雜以陳以實其不能挽回之據等語查所謂糜款費時者原奏意在修築陳塘莊枝路直達南開取道城北與京奉合站並將奏定之綫一併作廢查該處自西南隅折趨城北經過西園牆勢甚屈曲路軌必須裁灣取直方可暢行斷難循牆前進而圍牆左右均是墳墓遷移購買種種爲難查前由督辦大臣奏明南開與京奉銜接紆繞維艱且坟墓亦多梗阻自係實在情形若於奏定路綫之外仍築已廢之路更設無謂之站則糜款更甚若謂將奏定路綫作廢何以原奏又謂與奏定路綫毫不背馳先後兩奏如出兩人又謂將順直諮議局之電不加審查拉雜以陳竊謂順直諮

議局爲順直諮議代表總匯之機關前據電稱近有人謀南開設站爲私利不顧主權等語夫以原籍之議員於原籍之情事知之豈不較詳孰謀私利孰蔑主權見聞似較確切今原奏於私利則盡力營謀于主權則毫無顧惜其措詞固多費解其居心尤屬難知又謂庶政公諸輿論以兩省公認代表之諮議局所謂輿論者究何所指原奏又謂原以不沿用李德順舊勘路線何妨偏西另擇善地等語查此次原奏所稱不沿用李德順舊勘路線而上次原奏所稱由八里台向北四五里即係李德順舊勘之綫所異者李德順主用南開上次原奏則稱爲西南隅耳今又稱偏西擇一善地不知城西一帶皆係荒僻之區民居較南開更少若干該處設立分站與原奏所稱亟求利便者祇南開一隅之利便而已李德順在南開舞弊因而獲咎檢查案牘歷歷可考原奏又稱非謂

德順應懲而南開即應封禁等語殊屬謬戾又謂總站規定隄頭
從楊柳青行繞七十餘里非二年後不能接良王莊並謂陳塘莊
枝路業已成功又僅費區區五六萬金再修西南隅四五里便可
使津浦商務發達何必待二年後方通津埠各等語查津浦總站
由新開河繞楊柳青以達良王莊土工已經築成現正趕辦橋工
預算本年冬間即可通車無須俟至二年之久原奏又謂該處墳
塚早已遷徙即各富紳坟墓亦能繞越等語查西南隅地方自經
各地販購定後間有遷徙坟墓情事然祇在南開一處其由南開
取道西圩門至南運河岸所有圍牆以外俱是回民塚地圩牆以
內俱是紳民塚地迭經抗阻概未遷移則所謂飾詞一語更覺誣
妄原奏又謂數站並立不免顧此失彼之虞此尤不知路務之言
等語並歷舉京奉各路車站以証其說不知京奉各路車站以次

漸進本非同時並舉從前擬辦之始風氣未開復經變亂移步換形本非正例津浦路現方創造勢難比擬都城將來全路商務日繁仍應隨時展拓以爲因應無論何處皆可設站以吸商貨是分站之設立當隨時勢爲轉移斷未有膠執一成之見可以輕言路務者也原奏又稱何以老龍頭車站爲各國商界交錯之場尙可設站況西南隅全係民地與租界毫不相涉等語查老龍頭車站當各國商界錯雜之場以致津郡菁華萃於租界前關內外督辦臣袁世凱力主設立新站以圖補救然外溢之權利已非一時所能挽回此事已誤於前今日豈容再誤原奏於該處形勢豈不之知於該路利害豈不之察必欲積非成是意果何居尤屬欺罔之甚臣部檢查文卷竊見上年五月前署直隸總督臣那桐遵旨查明津浦鐵路弊端摺內稱南開地勢窪下日法英德租界近在東

南半里一二里不等既連租界不惟動易牽制亦恐盡吸菁華總之南開設站斷不相宜等語誠爲至當不易之論又稱南開地方於庚子時洋人漢納根購地二十頃用洋不及四萬元名曰大廣公司嗣由曹嘉祥張蔚東設立華興公司收買該地作價五十萬兩除運動費外下餘二十萬兩而農工商部註冊則冒稱集股一百三十萬兩以二十頃計每畝六百五十兩尙可得一百萬兩之譜若再居奇更可收獲厚利又有易興公司購地十餘頃大業公司購地二十頃上下其餘如建道公司有餘堂三省堂半屬捏名架買各等語所有南開一段地畝早爲奸商壟斷以爲罔利之資自南開設站作廢已及一年該處地販人等始願既不獲償而虧蝕所關又不得不極力營謀以圖徼幸近來商民先後呈請設立南開分站不一而足聞皆有所指使肆行運動忌憚毫無其所陳

各情與原奏詞意若合一契此查明請設南開分站之詳悉情形也臣部綜加覆核所有津浦全路及天津總站一切佈置幾費經營始經定議辦理諸臻周妥至於南開設站釀成巨案前經御史條奏業由前署督臣奏明定奪應不敢再有希冀今原奏一再瀆陳斷斷不已不顧國家大局之公益而惟於夥販地皮之奸商竭力爭執淆亂是非飾詞聳聽是否受人請託無從懸揣此案應請按照前署督臣所稱南開設站斷不相宜奏案辦理倘此後南開地方商務漸興應請按照督辦大臣所擬路成後察核情形奏案辦理謹將津浦全路銜接滬甯京奉路線簡明圖說並天津津浦總站路線圖說進呈御覽至原奏各節曲徇奸商措詞誣罔業經逐節查明委係失實謹將查勘定綫設站各緣由據寔覆陳恭摺具奏伏乞皇上聖鑒訓示謹奏

宣統二年五月初十日具奏

奉旨前據翰林院侍讀榮光奏請仍在天津城西南隅設立車站一摺當經諭令郵傳部確查茲據查明津城西南隅設立車站諸多不便並繪圖具說據實奏陳津浦鐵路天津總站前因設在南開弊端百出業經查明改定乃該侍讀一再瀆陳淆亂是非甘爲夥販地皮奸商所惑使置大局於不顧實屬有玷清班翰林院侍讀榮光著交部議處欽此

--	--	--	--	--	--	--	--	--	--	--	--	--

1872

報銷勘路各員用過銀數片

再臣部歷次派員分往各省商辦鐵路查款勘工及測勘現擬籌築開徐海清等路均經先後奏明飭令各該員等切實查勘該員等差竣後又經臣部將所報查勘各路情形迭次奏陳各在案茲謹將勘路各員用過川資津貼銀數分別報銷計派員往西潼洛瀆同蒲等路用銀二千七百九十二兩一錢二分七厘往江蘇浙江等路用銀六千四十五兩八錢四分五厘往江西安徽等路用銀四千二百八兩四錢七分八厘往福建潮汕等路用銀四千一百三十五兩六錢二分九厘往廣西滇蜀川漢等路用銀四千三百十七兩五錢往安奉用銀八千八百七十三兩八錢九分四厘往開徐海清用銀二千三百四十二兩九錢九分共計用過京平足銀三萬二千七百十六兩四錢六分三厘即在臣部此次報銷

公費項下開支其尙未差竣人員所有用款俟銷差具報後歸入
宣統二年臣部奏銷案內一併報銷所有勘路各員用過銀兩謹
遵照臣部光緒三十三年七月十三日奏定辦法專案奏陳請免
造細冊報銷除咨度支部外理合附片具陳伏乞聖鑒謹奏
宣統二年五月二十日具奏

核覆京奉路第五案收支各款摺

奏爲核覆京奉鐵路第五案收支各款繕具清單恭摺仰祈聖鑒
事內開抄出直隸總督陳夔龍奏京奉鐵路第五案收支各款造
冊報銷一摺宣統元年十二月初九日奉硃批該部知道單併發
欽此欽遵到部茲准該督將總散報冊咨送前來臣等督飭司員
按冊鈎稽逐款覆核查關內外鐵路收支各款上案截至光緒三
十一年十二月初六日即西歷一千九百零五年十二月底止現
據續報自光緒三十一年十二月初七日即西歷一千九百零六
年正月一號起截至一千九百零六年十二月底止管收項下共
洋銀一千六百八萬五千八百二十元四角七分支款項下共洋
銀一千二百七十七萬四千五百三十四元八角七分寔在項下
共洋銀三百三十一萬一千二百八十五元六角按款核算惟支

款項下歲修各橋梁涵洞工程款內多開洋銀四角應令刪除歸入寔在項下截存其餘各款既係照案辦理復經核明總散相符應請准其開銷謹分別繕具清單恭呈御覽又查該路業經郵傳部於光緒三十二年十月十八日奏明接收隸屬該部是年十一月十六日以後第六案收支各款應由該路局直接報部以憑會覈所有核覆京奉鐵路第五案報銷緣由理合恭摺會陳伏乞皇上聖鑒再此摺係郵傳部主稿會同度支部辦理合併聲明謹奏

宣統二年六月

日具奏

謹將覈覆京奉鐵路自光緒三十一年十二月初六日起至三十二年十一月十六日止第五案收支各款繕具清單恭呈御覽

計開

舊管項下

一據冊開上屆報銷案截存洋三百六十四萬七千四百五十三元七角九分

新收項下

一據冊開收關內外鐵路客票以及轉運貨票脚價洋銀一千一百三十二萬二千六百三十六元七角四分又收本路暨電報商局借用本路電綫代遞商報報費洋銀二萬五千六百八十元一角二分查前項車價及報費均按照

該冊所開數目以散合總均屬相符

一據冊開收新易鐵路客票貨票脚價并地租等項洋銀一萬一千三百八十四元九角五分查該支路車價按照數目查核相符

一據冊開收京張路局解還本路承修西直門鐵路工程用款并代購材料等項洋銀六十七萬四千四百三十九元三角一分按照數目查核相符

一據冊開收唐山等處房地租金并材料變價等項洋銀九萬四千四十二元三角二分查該路沿途空閒房地由各洋工程司隨時出租所得租價分期繳局并用剩殘廢材料由各廠所招商承買其價隨收隨繳查前項上屆已列收有案此次按照數目查核相符

一據冊開收各處繳回煤價洋銀七千一百元五分查各站及附近鐵路各局領用該路用剩大小塊煤照章應繳價解局上屆列收有案此次列收各款按照數目以散合總核算相符

一據冊開收唐山製造等廠代各處製造機件并售出各項材料價值洋銀一十一萬六千九百七十五元三角一分查該路所設唐山製造等廠代各處製造機件照章估價繳局上屆列收有案此次列收數目報冊核算散總相符

一據冊開收各處撥還借墊雜款各行商呈繳押款暨各廠站小工罰款存款利息等項洋銀十八萬六千一百七元八角八分查前項各款數目以散合總均屬相符

以上新收共洋銀一千二百四十三萬八千三百六十六

元六角八分

以上管收統共洋銀一千六百八萬五千八百二十元四角七分

開除項下

一據冊開支津京兩局并全路各站暨各報房總辦司員繙譯差役人等薪工雜費等項共請銷洋銀五十五萬五百四十二元五角四分查前項支款內天津總局總辦提調員司薪水公費共洋銀一十八萬六千二百九元六角六分又北京分局繙譯委員稽查衛隊人等薪水公費共洋銀四萬二百九十六元八角六分又督辦行轅公所繙譯委員稽查人等薪水公費共洋銀三萬九千九百九十九元九角八分又關內外各車站站長人等薪水工食共洋

銀二十萬五千一百九十八元六角一分又各車站電報房司事人等薪水工食共洋銀六萬四千四百四十六元七分又新易路材料廠支應局暨車站報房機車處員司站長工役人等薪工雜費共洋銀一萬四千三百九十一元三角六分查前項開支各款以散合總數目相符所有各局各車站各報房薪水工食均按照上案接續開支隨時酌量增減自應准其照銷

一據冊開支各洋員洋醫巡警各廠工匠薪費等項共講銷洋銀一百五十五萬四千六百三十元五角一分查前項支款內各洋員薪水洋銀三十萬二千八百四十五元內塘沽機器車頭稽查舍立夫年終加倍酬勞英金鎊價及唐山製造廠稽查皮提格魯月薪英金鎊數折算間有不

符業經行查茲據復稱舍立夫月薪祇三十二鎊餘三鎊
四先令係津貼皮提格魯薪水係按年核計該員在路共
二百九十九天應支英金二百四十五鎊十五先令七五
除領用本路器具價值扣支英金十五先令七五此次報
冊未經聲叙明晰致有不符又各洋員房租雜費等項洋
銀一萬七千三百五十九元八角七分又各醫院並華洋
醫生薪費等項共洋銀三萬二千八百二元九角九分內
支開平礦務局洋醫生文海按月酌給四成薪水作為津
貼但該醫生月薪若干未據詳報無從核實業經行查茲
據復稱該醫生月薪由開平礦務局支過洋銀五千八百
七十三元六角本路分認四成應洋銀二千三百四十九
元四角四分又關外鐵路巡警官弁兵丁薪餉共洋銀五

萬五千九百五十三元四角四分又鐵路巡警官弁兵丁
津貼並彈壓員弁薪水共洋銀三萬七千九十九元四角
七分又唐山等處製造廠司事匠役人等薪工洋銀五十
六萬八千一百三十三元三角八分又各站車頭廠機車
處司事匠役人等薪工洋銀二十五萬八百六十三元三
角二分又本路電路學堂教習司事人等薪費洋銀三千
五百八元又開辦唐山路礦學堂購買地基建造學舍等
項經費洋銀十八萬九千四百二十四元七角三分內洋
員柯麥克湯馬士薪水支數間有不符業經行查茲據復
稱該洋員薪水係按年核計除領用本路零星材料價值
扣支英金三先令十本土此次冊報尙未聲明致有不符
又試辦新坵煤礦購運機器材料脚價等項洋銀九萬六

千六百四十元三角一分以上各項均照上案接續開支
隨時酌量增減所用英金亦經遵將銀洋折合逐款註明
間有不符之處均據詳細聲復應准開銷至添設唐山路
礦學堂及試辦新坵煤礦原爲造就路礦人材并節省煤
費起見所支薪工雜費亦應准銷

一據册開支購買外洋內地機器材料道木煤炭洋紙傢具
並驗收運裝各項料物費用等項共請銷洋銀二百二十
七萬八千八百二十六元六角二分查前項支款內購買
外洋內地機器材料並驗收運裝各項物料費用共洋銀
六十九萬三百八十五元六角六分又由英京惠德洋行
購買器具材料價脚保險等項共洋銀四千六百四十一
元五分又購買道木橋梁木價值洋銀五十一萬七千二

百七元二角七分又購買煤炭價值洋銀六十萬四千四百五十四元三角七分又購買洋紙張繪圖顏色并刷印章程等項共洋銀二萬六千七百五十四元六角二分又各站購買傢具各物等項共洋銀一萬三千三百二十九元六角六分又唐山製造廠製造車輛并購買材料共洋銀三十一萬八千八百十二元二角八分又鐵路巡警兵隊製辦號衣靴帽等件價值洋銀一萬一千一百六十四元九角七分又電報歲終並各報房添購器具共洋銀七千五百七十元又天津總局伙食雜支等項共洋銀七萬八千九百十三元三角又新易路購用煤炭付各路車腳費報雜費共洋銀五千五百九十三元四角四分以散合總數目均屬相符既據分月分批按款詳晰開列應准照

數支銷

一據冊開支添修各項工程暨全路歲修養路經費等項共請銷洋銀一百萬四千一百七元六分查前項支款內北京分局添蓋房屋工料洋銀七千二百九十五元四角六分又豐台洋工程司牛麻治經支洋銀十六萬八千五百二十四元九角三分內豐台材料處司事人員所支薪水應自西歷一千九百零六年正月一號接支惟該報冊誤作一千九百零五年應令更正又關內外洋工程司德基經支洋銀三十三萬八千二百九十二元八角一分又山海關洋工程司李吉士經支洋銀十四萬九千一百九十二元內歲修各號橋梁涵洞並河壩轉盤等工程一項以散核總多支四角應令刪除又溝幫子洋工程司勒比經

支洋銀十三萬七千九百十八元一角四分又營口洋工
程司喀克司經支洋銀九萬三千三百七十二元又山海
關橋梁廠總管洋員胡烏經支洋銀六萬七千九百六十
四元四角五分又新河材料廠總管洋員白臘克經支洋
銀二萬九千八百九十三元三角四分又新易路歲修養
路工程非就地購料共洋銀一萬一千六百五十三元九
角三分按冊核算散總相符所有鋪墊土方應給工價既
據詳晰開列應准支銷至各洋工程司經支薪水等項均
照立案接支隨時酌量增減所用工料均據詳晰開報亦
應一併准銷

一據冊開籌還大批借款本息官商股款本息及買房地雜
支郵賞及學堂經費購買輪船等項共請銷洋銀七百三

十八萬六千四百二十八元一角四分查前項支款內籌
還大批借款本息英金合洋銀一百五十六萬三千八百
九十三元一角四分據稱係光緒二十四年因清還各項
借款及接修關外路工向滙豐銀行息借英金之款每月
應付利息上屆已照付在案本案自西一千九百零六年
正月分月息照案接續支付至十二月底止共英金十一
萬一千二百零四鎊七先令八本土又付還原本自西一
千九百零六年正月分起至七月分止付還第二批第六
項至第十二次原本連行用共英金三萬三千六百二十
五鎊十先令五本土又自西八月分起至十二月分止付
還第三批第一次至第五次原本連行用共英金二萬四
千十八鎊四先令七本土按月查照時價先折合行平銀

再由銀折洋核與支數相符又撥還商股本息等項洋銀一萬二百元七角一分據稱關內開平一段創自商股至接收全路時尙存股本銀一十八萬四千七百兩照案常年六釐行息並准將股本隨時收還在案此次按册接算據還前項本息數目查核相符又撥還北洋各局所股息洋銀八千五百七十一元四角四分據稱該路前因創造津沽一段借北洋各局所公款銀十六萬兩常年六釐行息應支行平銀六千兩以七錢合洋一元核符前數又撥還長蘆運司代借從前津蘆鐵路經費本息兩項共洋銀四十六萬八千一百五十元據稱創造津蘆一段借長蘆鹽商兩次共行平銀三十一萬二千一百兩常年六釐行息以次提還本銀並息錢共行平銀三十二萬七千七百

五兩以銀合洋核與應還本息數目相符又撥還保定練
餉局從前借款洋銀三萬五千五百七十二元據稱此項
借款除還外尙欠湘平銀二萬五千兩合行平銀二萬四
千九百兩四錢以銀折洋支數相符又酌提餘利歸公洋
銀二百五十七萬一千四百二十八元五角八分查此項
餘利係提存長蘆鹽庫及津海關庫聽候部撥歷屆核銷
有案此次冊報銀洋合計數目相符又撥付修造京張鐵
路經費及籌解度支部坐糧廳通關稅款兩項共洋銀二
百三十萬七千一百二十五元查該兩項歷經核銷有案
此次冊報以銀折洋支數相符又購買唐山等處地畝價
值洋銀四萬二千五十元六角三分查該地畝原爲展拓
該路廠站所需逐月添購按畝給價以散核總所支數目

相符又租用旗民各地洋銀二千七百三十三元五角三分亦經歷銷有案此次冊報散總相符又發還庚子因亂損失洋行材料價值付給怡和洋行暨中英公司代管借款津貼及各商棧押款贖回鐵路銀票易換小角洋銀虧水等款共洋銀二十一萬一千八百八十八元八角四分又郵賞養傷等費共洋銀一千五百八元八角五分查係歷銷有案此次冊報核算總散數目相符又撥還代收京漢路裝運客貨脚銀及代收電報商局電費共洋銀十萬一千二百二十八元二角七分逐月按款核算支數相符以上各款既經歷銷有案總散亦均相符自應准其開銷此外唐山客籍學堂經費洋銀一千一百元查經詳奉前督辦大臣批准有案且爲造就人才起見又補給工程司

委員學生三十一年年終酬勞洋銀五千九百七十七元一角五分查該工程司人等是年調赴京張開工惟前在該路供差多年未便因一時調差致抱向隅亦經前督辦大臣批准發給有案又購買北平輪船一隻洋銀五萬五千元查該輪專備直東各省貧民歷年赴東三省工作之需藉以抵制洋商輪船從中覬覦之弊以上各款亦擬一律准其照銷

以上全冊共應准銷洋銀一千二百七十七萬四千五百三十四元四角七分應刪除洋銀四角歸入實在項下截存實在項下

一截存洋銀三百三十一萬一千二百八十六元查收支相抵應存洋銀核符前數此項存款應歸下屆造報再行核辦

商路違章私借外債擅訂合約請查禁摺

奏爲商路違章私借外債擅訂合約請飭迅速查禁以維路政恭摺仰祈聖鑒事竊維鐵路一門上繫朝權下開民業故自幹綫枝綫之涉國防者應由國家籌建外其他枝綫若純係營業性質按各國路例亦有商辦之條查商辦宗旨原藉商力之有餘以輔國力之不足股本純資商業即地方公款亦無牽入之理其不得擅借外債可知國家經始路政於郵傳部未立以前疊由各省呈請商部奏設公司集股籌辦其訂定章程極嚴極備其大要按期繳股依限程工不得以私毫外股外款購入致失保護主權提倡商業之宗旨上年潮汕路款牽涉日股在內當由臣部派員澈查迅即責令退股幸未滋成交涉蘇路自光緒三十二年商部奏設公司擬具章程經部核准施行在案查章程內開專集華股凡非中

國人資本一概不收等語本與商辦路例符合乃近聞該公司以股本未齊竟有私向外國銀行借款情事且聞其所擅訂之約於抵押購料各節尤多損失該省旅京股紳曾函部行查迄未據公
司呈報揆該公司敢於執持之故大約以商借商還不關政界爲
辭不知路政爲附土權純係國有與他項貿易營業由商自主者
事例絕不相侔倘擅收外款一經失敗仍必滋成交涉貽害國家
臣部職任攸關不容漠視應請旨飭下兩江總督江蘇巡撫迅速
查禁以免將來轉轄寔於路政有裨所有訪聞蘇路私借外債請
飭迅查緣由謹恭摺具陳伏乞皇上聖鑒訓示謹奏

宣統二年七月初一日具奏

遵查粵路弊混情形摺

奏爲遵查粵路弊混情形恭摺仰祈聖鑒事宣統元年十月署兩廣總督袁樹勛奏粵路弊混一摺奉硃批着郵傳部切實查辦片併發欽此十一月給事中陳慶桂奏粵路迭起風潮請飭部整理一摺奉旨著郵傳部議奏欽此欽遵咨抄到部經奏派候補參議龍建章等往查在案茲據該員查覆証以臣部舊案謹縷晰陳之袁樹勛原摺內稱總理梁誠月薪二千兩總工程師司鄺孫謀月薪一千二百兩查帳吃緊梁誠輒自晉京原片內稱梁誠電開黃沙地價藉爲掩飾周麟述地價未清各節查月薪多寡由董事會決定似難指爲罪名梁誠充當總理有年於工款地價漫無稽查固屬疏於綜核惟該員在英助贖全路不無微勞光緒三十三年臣部接准前護粵督電開董事鄺甘泉股東李十朋等稟稱梁誠爭

回贖路功在人心衆商悅服乞令總理路事經部奏准飭遵該員
嗣知黨派紛紜辦事孔棘於三十四年宣統元年迭求辭退經前
督辦大臣覆電慰留該員仍分電請選總理旋電稱力疾赴京咨
由護督札派協理代辦總理事務是其去志久決非因避查起意
且早經開去差使應請毋庸置議周麟述係購地坐辦絕不履勘
致停工待地所購各畝或以少報多或價未清付而司事陳卓廷
侵吞地價尤爲謬妄周麟述於離差後乘總理去粵補支薪水五
千兩亦屬濫支均應追罰又原摺內稱粵路每里費銀五萬七千
餘元叔伯塘修復旋傾平石迄未定議養路費任意支用及鄭孫
謀要結金英胡舜琴利用洋工程司各節查粵路自丙午開辦起
至己酉第五段通車止頭五段百四十五里用銀六百零二萬五
千二百餘元每里攤四萬一千三百餘元核與梁誠電稱每里二

萬暨鄒孫謀面稱每里二萬六千二萬九千元數目不符寔因土方異價及重修橋洞所致而源潭漚江十七里之內叔伯塘地基因被水重築逾月旋毀該段係聯生公司承攬原可責令賠修乃鄒孫謀謂爲收路在先致難追詰若韶州北抵平石百餘里內達湘界之路該員迄未往勘致路費無從預籌而養路費與工程司款項同列一單混雜不清均屬措施失當該員係專門學生出身惟身任總工程司預算未清包工多失以致延工糜款應即撤差議罰以示懲儆至胡舜琴測量地畝按圖不符洋工程司諧亞開山造橋工多謬誤金英遇有稟揭動斥荒謬俱屬非是現諧亞金英均經離差胡舜琴應即議罰所有丈量事務即飭購地委員兼辦以節糜費又原摺內稱公司帳目紛紜收支不定元毫相混存放無忌元水錯悞存款漏記及原片內稱二期股銀虛收八十餘

萬各節查該公司各帳銀錢歸收支所管理工租
餘歸公司帳房管理出入既非一處簿據更極空
由於此其戊申年結舊存大元九十六萬有零利
仍將水銀登帳列作進款尙未乾沒其暫借簿內
放之款計五十二萬餘元確係不計息銀而新查
所戊申十月支帳查出後乃認爲誤支收回又既
已經展借之款既誤爲已還渣打銀行連同息銀
記補入另有萬國銀行一款亦由該行聲明錯誤
赴號核對符合究屬疏忽至二期股銀一項查與
處收股均交善堂核收給票轉交公司入帳故日
不再行列支茲所交代滙分局交各善堂銀三十
及所支各善堂收條未對數銀十三萬八千餘兩

外誤其所支佛滙港未匯到銀三十三萬二千兩一項僅憑函報收帳係因開收股款故作虛數招徠起見亦無他弊金莢周麟述梁玉堂郭道三等收股遲交查無圖利確證郭道三借用公司款項認有利息均無庸議惟查收支所總管杜榮光與港店廣萬祥虛存路款鉅萬坐耗息項存揭各款宕誤滋謬而且溢支單水元水幾及萬元均應分別追罰又原摺內稱梁財朱商賢串造偽單領銀周辛垣等未能覺察朱琴叔重支價銀朱培林虧去公款衛章甫等亦有虧空各節查梁財即盧譽結伊弟盧譽錦由工程帳房朱商賢串造生利號單冒領二千四百餘元先後朋分雖朱商賢款由伊叔繳還應仍從重議罰盧譽結盧譽錦應照例議結周辛垣查無串弊情事然黃兆之既管工程總帳未能詳核月報又工程正支應員尤輝廷未能細審圖章俾得肆意奸騙周辛垣亦

復帳目紊亂均屬有負責任應飭罰薪而許才之總管貨倉短欠極鉅應罰令賠償朱琴叔即朱崇德曾充公司繙譯其改譯洋廠名目爲聖德勃爲閑倫爲閑色格爲山博業經重支入已舉發後由該員及家屬先後繳還應嚴行議罰朱培林曾充頭段支應員告退時截存銀萬餘兩陸續繳清當時是否逃去自不可究查支應簿內衛章甫黃際唐沈伯銘欠款自千餘兩至二百元不等鄺君質雖無欠項然曾有勒扣情事應即撤差而衛章甫且曾剋扣石子瓦筒巨價勒索酬謝此外如陳廣年侵吞馬價李耀祥冒領石價梁麗文黃詠道虧款私逃均應罰追又陳慶桂原摺內稱議權應嚴限制選票應定雙舉大股東宜加保全並粵路應專責勸業道辦理及裁撤督辦分局各節查會場人衆滋擾誠如原奏所慮本年臣部會商粵督訂章以百股爲一權千股以上遞減不及

一權者准其聯合並仿各國投函之例准股東填票封存屆期監拆四月間該路開選照此辦法安靜異常其二期股銀未交者已聲明不許與選惟議決權以千股或二千股爲額須再酌定票選之法本極公允一票一舉與一票雙舉初無大異但近人鮮顧公益往往期前有租票串舉之弊現在改章無論總協理董事經股東票舉後鈔取前列廿名送部分別奏委不以票數多寡爲定所謂一舉雙舉更屬無關得失惟此章係暫因股東彼此攻擊而設下屆仍須再爲酌奪蓋粵路公司有四大股東會者係千股以上之股東組織而成有共濟會者係萃合衆小股東組織而成兩會之中其出預路事者不過數人而公司憲爲共濟會所攻擊其始未嘗非因維持起見久之彼此積成意氣軋轍寔從此橫生現在大股東張少棠蕭禮堂郭道三等擬更組織一股東會無分大小

俾免畛域嗣後以大壓小以小制大之說自可無虞至監督職權極關重要勸業道既兼管農工商及交通各項責令專理粵路自屬爲難應特設監督一員常川親到公司並會同勸業道隨時查察方昭妥慎其原設督辦駐粵分局或酌予裁撤或量改監督事關全局自應另案辦理又原摺內稱黃景棠初次得協理把持公事司輕前督臣岑春煊責令辭退又申改選票被選與李煜棻等狼狽爲奸未遂告退復聯絡共濟會希圖被選一節查前協理黃景棠第二次被選係上海股東代表譚吉棠所舉其票原寫李煜棻名改爲黃景棠謂其私串不爲無因李煜棻李戒欺是否通串黃景棠狼狽爲奸查無確證惟羅少翹與黃景棠夥開報館破壞路事寔屬狼狽有據黃景棠既爲紳界不齒應永遠不許復任粵路職務以後如仍查有播弄情事再由臣部嚴行糾參李煜棻充當

行車坐辦信任總管陳竹泉於丁
罰此外如書記歐陽詩頌串通知
合羅少翹歐陽詩頌既素不安分
辦以上議罰各員朱商賢朱崇德
李耀祥等侵虧勒扣情罪較重應
無職官先行革斥立予罰追以儆
許復任路務外所有胡舜琴陳占
平梁麗文黃詠道羅少翹歐陽詩
垣各員名或應罰追或應罰薪或
俾示懲究之粵路要害端在管
何人終不免因調停而生混淆
失惟有部中寔行監督並責令其

薪各事切寔施行庶款項工程易昭核寔而粵路全局亦日有起
功所有遵查粵路弊混各緣由是否有當謹恭摺具陳伏乞皇上
聖鑒訓示謹奏

宣統二年七月初一日具奏

裁汰正太鐵路華洋員司摺

奏爲陳明裁汰正太鐵路華洋員司業經辦理就緒情形恭摺仰祈聖鑒事竊惟正太鐵路自行車以後因貨源短絀釐稅頻繁以致歲負鉅虧業經迭次奏陳在案年來臣等熟籌補救之策除開通運道招徠客商減免釐稅各項業已隨時籌商辦理外竊思鐵路政策固重開源而用款浩繁節流亦不容緩正太鐵路事權牽制於借款公司之手洋員恆居多數失權糜款窒碍殊深亟應及時整頓以挽事權惟彼此權限平均積習既深尤難粹變必須善爲操縱乃可漸就範圍去年經飭鐵路總局局長相度籌辦去後旋據將裁撤華洋人員列單呈報計自去年以來先後裁撤本路華員四十四人洋員二十三人每年節省薪費銀圓三萬一千七百餘元另法幣十三萬四千七百佛郎其駐巴黎借款公司洋員

亦自西歷本年起裁撤工程司工程參贊等員計每年又省法幣二萬佛郎均經借款工司函允照辦此外修養工程添購材料皆分別情形設法核減即該路每月向解辦公經費一項計銀二千五百兩亦令自本年正月起改爲折半繳交以資表率等情前來經臣部覆查無異分別准照辦理除飭該局長仍隨同督飭該員司招商利運以冀增益進款外所有整頓正太鐵路華洋員司緣由理合恭摺具陳伏乞皇上聖鑒謹奏

宣統二年七月二十一日具奏

派員往湖南湖北勘路摺

再臣部前奉諭旨著遴委委員分往各路確寔查勘遵即先擬大概辦法奏明並歷經奏派各員分路查勘在案查粵漢鐵路鄂境川漢鐵路均係幹綫要樞極應遵旨分派委員前往湘鄂兩省履勘路綫調查商款以資考核查有補用道李大受堪以派往湖南查路候補道于煖年堪以派往湖南查款臣部員外郎梁用弧堪以派往湖北查路主事陳光燮堪以派往湖北查款均經遵照臣部前奏確實辦理除咨行湖廣總督湖南巡撫外謹附片陳明伏乞聖鑒訓示謹奏

宣統二年七月二十一日具奏

川漢路綫擬請援案穴垣通過摺

奏爲川漢路綫擬請援案穴垣通過恭摺會陳仰祈聖鑒事竊據四川川漢鐵路公司呈稱查川路現自湖北宜昌開工建築由宜昌至歸州屬之香溪地方計長約三百里原分九段業經陸續興修頃因建辦工程擬從香溪以上接展勘築以期速成據工程司稟稱此次測勘香溪至東瀼口情形歸州城形甚扁南垣直臨江岸北垣已達山腰如路越城南附近民房甚多且灘石林立不獨工程浩大並恐無處取土城北則路綫太高無法繞越惟由東門之北闕洞入城由城隍廟文昌宮後經過係沿江岸山腹順地形而折入城內恰有餘地所拆民房無幾是誠天然路綫等情歸州附城一帶環繞皆山經該工程司履勘無從繞越勢須闕洞入城尙幸路綫所經地頗空曠民房無多自應會同地方官酌量辦理

惟事關穴城通過請分別奏咨立案並具草圖呈核等情到部并准四川總督咨同前因當經郵傳部咨由臣瑞澂轉飭歸州知州詳細查覆茲據稟稱會同川漢鐵路公司邀集紳首逐一查勘其原勘之路綫從東門之北關洞入城由城隍廟文昌宮後經過係順地勢從山腹而入城內地頗空曠民房亦少所拆無幾各廟祠宇相隔路綫約五六丈之遠地勢民情均無妨碍等情查路綫所經與城相值苟非萬不得已自應設法繞越惟該城形屬橢圓遠當路衝檢閱來圖南垣以外直臨江岸地窪灘仄水潦堪虞北垣以外高逾南垣約三十丈許水平相差其度過遠高低失度目前建築已是款鉅工艱將來行車尤覺諸多危險查浙江鐵路分綫入城一案於光緒三十二年經郵傳部核議奏奉諭旨允准在案現該州路綫所經逼於地勢委難繞越復經查明與民房祠宇均

無窒碍擬請准其援案辦理以資妥善而利交通所有川漢路綫
擬照成案穴垣通過緣由謹恭摺會陳伏乞皇上聖鑒訓示再此
摺係郵傳部主稿會同湖廣總督臣瑞澂辦理合併聲明謹奏

宣統二年八月初一日奏

--	--	--	--	--	--	--	--	--	--	--	--

京漢鐵路贖回後一年營業收支大數摺

奏爲陳明京漢鐵路贖回後一年營業收支大數恭摺仰祈聖鑒事竊京漢鐵路自光緒三十四年冬間向比公司贖回迭經臣部將接收辦法整頓情形奏明在案一年以來沿路地方間有水災年成尙歉幸歲計有餘收數較前稍進一切支款節經綜核釐剔亦皆較前爲省茲據鐵路總局局長梁士詒將該路清結西歷一千九百零九年分收支大數轉呈前來計全年客貨進款共銀元一千一百一十一萬元有奇行車養路經常支款共銀元三百九十一萬元有奇應付利息及提存公積共銀元三百五十五萬元有奇寔得餘利銀元三百六十四萬元有奇比較上年餘利計多銀元五十八萬元有奇尙屬著有成效除督飭該局長總辦等認真經理以期日有起色及將該路收支報銷細冊暨撥用餘利數

奏
目另行奏報外理合先將收支大數恭摺具陳伏乞皇上聖鑒謹

宣統二年八月十一日具奏奉旨知道了欽此

派員查勘雲南鐵路摺

奏爲派員查勘雲南鐵路恭摺仰祈聖鑒事竊查本年五月初十日臣部會同度支部議覆雲貴督臣李經羲奏籌辦滇省鐵路情形案內業經擬准如原奏所議先從籌修滇桂入手滇蜀一路經前督臣丁振鐸奏准亦應派員履勘等因奏明奉旨允准在案正在遴選熟悉工程人員以便派往復准雲貴總督電稱騰越鐵路英人催辦甚急擬先查勘等語查光緒二十三年中緬條約第十二條附款載明中國答允將來審量在雲南修建鐵路與貿易情形有無裨益如果修建即與緬甸鐵路相接等語嗣後英使復欲援照滇越辦法經外務部駁阻始允由滇至緬中英兩國各修各路茲既准該督電稱英人催辦甚急自應一併派員先行履勘并查明該處貿易情形茲查有候選道羅國瑞路工專門習勞守樸

堪以派注查勘滇桂騰越工綫并派臣部郎中賀良禮會同前往與地方官接洽一切其滇蜀一綫恐兼顧不及致延時日即由雲貴統督飭令滇蜀公司前僱之工程司履勘仍著該員就近督查似此分往勘查庶期早日竟事至勘路所需經費滇桂騰越由省攤半分認滇蜀則由雲南籌付恭候命下即由臣部分行遵辦所有派員查勘雲南鐵路緣由理合恭摺具陳伏乞皇上聖鑒謹奏

宣統二年八月十一日具奏

聲明鐵路公司與普通公司情形不同片

再鐵路之敷設爲利便交通起見而以關於轉輸軍務鞏固國防爲最要重故各國辦法屬於國有者居多吾國幅員遼廓亟謀寔業特許設立公司商辦惟其性質既與國家有特別之關係即應受國家特別之監督決非尋常商業公司可比所以商部前訂公司律載總協理應由股董選派開除獨於各路公司之總協理則由公舉後由部札派者有由部奏派者有奏請特加京秩派辦路局者委任顯有攸分且於奏設浙贛閩皖各路摺內均聲明如集股造路逾越期限由部奏請撤銷差使等語可見選舉雖由股董而任免仍操之國家公司律第七十七條所稱總辦或總司理人等由董事局選派及由董事局開除係專指商業性質無關官治之公司而言路政關係國權何得妄爲比附此次浙路總理湯壽

潛業奉明降諭旨擬職不准干預路事而浙省公司
律妄請增額代奏其爲誤會已可概見相應請旨飭
飭各公司以辦路雖屬公司仍爲國家關係不能將
附會牽合藉資口寔在臣部路律未經頒布以前應
案辦理以免紛歧所有聲明鐵路公司與普通公司
由理合附片具陳伏乞聖鑒訓示謹奏

宣統二年八月二十一日具奏

奏派粵路總協理摺

奏爲遵員派充廣東粵漢鐵路公司總協理恭摺仰祈聖鑒事竊廣東粵漢鐵路公司向由股東集會公舉總協理稟由臣部奏派歷辦有案上年臣部以該公司選舉辦法及投票權限不盡適宜致使風潮迭起經將投函選舉辦法與粵督及公司董事會酌定於票舉後即將被選較多二十名列單呈報由部博採輿論遴員奏委並將大概情形於遵查粵路弊混一摺陳明在案前據監察開會之廣東勸業道陳望曾等稟稱公司遵照新章開會投函選舉當經公同查驗擇其得數較多之詹天佑等二十員列單呈請臣部分別奏委等情前來查臣部候補丞參詹天佑熟悉路工歷有成績此次公舉最居多數疊據公司股東等懇請堪以派充該路總理又公舉單內候選道黃仲良曾充滬甯道清鐵路總辦現

充津浦鐵路南段會辦均能勝任堪以改充該路協理所有一切事宜嗣後即責成總協理主持庶責任既有所歸則路工冀可早竣如蒙俞允即由臣部分別咨行辦理除該路應行特設監督仍俟遴有妥員再行奏明派充外所有遴派廣東粵漢鐵路公司總協理緣由理合恭摺具陳伏乞皇上聖鑒訓示謹奏

宣統二年九月初二日具奏

開徐海清鐵路購用機器材料請照成案准予免稅摺

奏爲開徐海清鐵路購用機器材料請照成案准予免稅恭摺仰
祈聖鑒事竊前據開徐海清路局稟稱職局開辦以後旋派工程
司等分投履勘一俟路線勘定即行興工建築所有需用機器材
料有來自外洋者有購自各省者將來轉運於輪船鐵路甚夥稅
釐運費實屬不貲此路款艱工鉅不得不遇事樽節以期克底於
成查各省鐵路購用機器材料均經先後奏明免稅上年吉長張
綏兩路亦經奏明免稅職路事同一律擬請援照成案奏明一律
免稅等情當以事關稅務即行咨商稅務處去後茲准復稱開徐
海清鐵路購運機器材料擬援照官辦各路成案一律免稅自可
奏明辦理惟仍須聲明確係建築所需並以三年爲限以符成案
等語咨復前來查該路不日開工購置物料自不容緩據稟款鉅

工艱亦屬實在情形前官辦各路所需物料歷經奏准免稅吉長張綏亦於去年奏明免稅各在案該路事同一律而籌款之艱則更甚於兩路並已妥商稅務處可照成案辦理擬請自開工之日爲始准予免稅三年以節路款而重要工除俟開工之日咨照稅務處查照辦理外所有開徐海清鐵路購用機器材料按照成案暫行免稅情形理合恭摺具陳伏乞皇上聖鑒訓示謹奏

宣統二年九月初二日具奏

酌議吉長南滿聯絡行車摺

奏爲吉長鐵路將屆行車酌議接聯營業辦法恭摺仰祈聖鑒事
竊查光緒三十一年十一月中日會議東三省事宜附約第七款
內開中日兩國政府爲圖來往輸運均臻興旺便捷起見妥訂南
滿洲鐵路與中國各鐵路接聯營業章程務須從速另訂別約等
語節經臣部派員議訂京奉與南滿鐵路接聯營業合同十六條
上年閏二月奏明在案其時吉長尙未興工故未定有聯絡辦法
現該路土基不日告竣長吉一段年內即可鋪軌通車預計將來
客貨雲集互通往來不能無聯絡章程以期運輸利便且業經訂
約在先自應援案辦理當由臣部派員與該公司詳細商酌擬訂
聯絡協約十四條大要係彼此客貨可互相接運其車輛來往則
自吉長長春伊通河車站起至南滿長春頭道溝車站止別築一

聯絡路綫以連貫之此綫成後吉長任修養之責並有管理全權其兩站界內建築工程則各自分任旅客之上下貨物之裝卸咸有一定之區域使彼此之獲益維均此外如運賃計算行車時刻通信機關一俟吉長行車即續行協議臣部詳加查核所擬各節大致尙爲妥協除將協約咨送外務部及該省督撫外所有酌議鐵路接聯營業辦法緣由理合恭摺具陳伏乞皇上聖鑒謹奏

宣統二年九月初二日具奏

查明湘鄂路工暨股捐各款情形摺

奏爲派員查明湖南湖北路工暨股捐各款情形恭摺仰祈聖鑒事竊臣部於本年七月二十一日具奏派員前往湘鄂勘路查款一片奉旨知道了欽此當即欽遵分別辦理去後旋經該員等先後稟覆前來據赴湘委員呈稱粵漢鐵路在湘省境內計長一千二百餘里路綫先經合興公司勘定約需工費銀二千八百餘萬兩另須籌還贖路借款本息及未贖回之美國金元小票利息湘攤七分之三約需銀五六百萬兩上年四月間開築長沙涿洲一段長一百五里如改良鑿洞辦法年內或可竣工通車其收支款項自光緒三十一年二月開辦截至宣統二年七月底止除去息借周轉銀五十九萬三千餘兩不計外計收入優先股銀元一百七十二萬餘元合之租股及米鹽雜捐三佛枝路餘利折合銀共

三百八十五萬六千五百九十八兩八錢四分計支出付還本息及工程各項費用銀三百四十八萬七千四百八十七兩五錢九分收支兩抵現實存銀三十六萬九千一百五兩二錢五分至其集股收捐之法分爲六宗一爲湘民認繳之優先股一爲隨糧帶徵之地方租股一爲出境米捐一爲衡永寶三府淮鹽溢引之配銷捐一爲本境行銷各省食鹽加價之口捐一爲供差員薪派捐股票近由諮議局議決者二宗一爲累進租股係按原有租股層遞加徵一爲房租股係每年添捐一月房租入股是其正式股款祇有優先股之一百七十二萬餘元確係商業性質其餘各項添捐或先經奏准或甫經議定雖皆有案牘可稽實皆涉於懸擬復據赴鄂委員呈稱鄂境川漢路綫前由官局勘明計一千七百餘里約需工費銀元六千萬又鄂境粵漢路綫前由官局勘明五

百餘里約需工費一千六百萬兩皆尙未實測興工所有以前官籌之款收支兩抵現存三十餘萬兩上年冬間湖北紳商設立勸股協會日前據報繳股銀元九十六萬四千二百餘元祇驗得漢口大清交通兩銀行存有六十三萬二千四百餘元工既未興款僅得此商民之力已見一斑各等語臣部詳加考核均屬實在情形所有派員分赴湘鄂查明路工款項緣由理合恭摺具陳伏乞皇上聖鑒謹奏

宣統二年九月十二日具奏

議覆汴撫奏派員充洛潼總稽查坐辦等差摺

奏爲遵旨議奏恭摺仰祈聖鑒事內閣鈔出河南巡撫寶棻奏請派員充洛潼鐵路總稽查坐辦一片宣統二年八月二十七日奉硃批郵傳部議奏欽此欽遵到部原奏內稱洛潼路綫開工伊始查有翰林院侍讀學士楊捷三擬請派爲該路總稽查其該路協理係候補四品京堂四川清理財政正監理官方碩輔兼充暫難回豫查有翰林院編修葛成修擬請派爲該路坐辦暫兼協理並予免扣資俸轉據洛潼鐵路公司呈請奏咨等語查各省商辦鐵路除總理協理由公司呈請奏派外其餘執事各員並無奏派之案此次該撫奏稱擬添派總稽查一員尙可照准惟核以部章成案應由該公司直接報部委任毋庸另行奏派至該路協理前經該公司呈請奏派候補四品京堂方碩輔大理院推事史緒任接

充副准大理院咨稱院務殷繁請將推事史緒任開去洛潼鐵路
一職等因正核辦間復據該撫奏稱前因查協理職任重要未便
久懸方碩輔史緒任均難兼顧路事擬請開去該兩員洛潼協理
職任仍飭該公司照章公舉協理二員報部奏派接充以專責成
並無庸添派坐辦至免扣資俸一節查歷次辦理成案凡由各路
派委員紳均無免扣資俸之例臣部業於議覆浙江巡撫請將檢
討濮登青等留籍辦路免扣資俸摺內奏駁在案應請毋庸置議
所有違議各緣由理合恭摺具陳伏乞皇上聖鑒訓示謹奏

宣統二年九月十二日具奏

清還英公司借款一百萬兩片

再光緒三十四年二月臣部以官辦各路需款接濟經奏明向英公司借銀一百萬兩訂立合同以十四箇月爲期俟京漢京奉得有餘利按期如數歸還等語奉旨依議欽此欽遵在案嗣因各路餘利不敷應付經與該公司展借十五月減輕利息分期清還至本年九月又屆限滿當由臣部向交通銀行暫行挪撥歸款合同註銷作廢所有交通銀行暫挪之款嗣後仍由路利項下撥還除分飭辦理外理合附片具陳伏乞聖鑒謹奏

宣統二年九月十二日具奏

陳明正太鐵路上年營業情形暨收支大數摺

奏爲陳明正太鐵路上年營業情形暨收支大數恭摺仰乞聖鑒
事竊正太一路成本過重客貨稀少遞年積虧情形迭由臣部將
籌畫補救各辦法奏明在案查鐵路營業之盈虧全視乎辦理經
畫之得失該路東起石家莊西抵太原中經壽陽榆次等處雖非
商務發達之區而接通京漢幹路實爲直書通衢苟消息盈虛布
置得宜客貨之流通自當日增月盛自上年以來節節飭令審度
情形認真籌議減輕頭二等客票暨大宗貨物價目以廣招徠添
行直達快車以便商旅此外復剔除各站弊端刪減員司薪費整
理機廠核減工程以期節省綜計一千九百零九年全年行車進
款銀元一百四十四萬九千餘元除續添成本外行車支款銀元
八十二萬二千餘元收支相抵應存餘利銀元六十二萬六千餘

元比較上年進款實增收銀元十八萬八千餘元其所得餘利以之撥付大借款利息銀元九十二萬八千餘元尙不敷銀元三十萬一千餘元已由臣部暫由交通銀行借撥據鐵路總局局長梁士詒轉呈前來臣等伏惟該路歷年虧累太甚現籌辦法不過目前補苴之計若爲該路統籌長策非於東西兩綫設法展修終無自拔之日查由正定東至德州一綫臣部前於光緒三十三年曾經派員勘估所需築路成本倘由京漢接築除應付利息不計外祇需銀元四百五十萬元成本既輕獲利自有把握逆計此路一成即正太與津浦京奉一氣貫通吸牧客貨必且更多而各綫亦交資其益爲效當非淺鮮現正由臣部籌商辦法應俟籌畫就緒後另案奏明辦理除飭該局長督同借款公司代表及總辦等將正太鐵路妥爲經理隨時改良並將該路收支報銷細冊另行核

造奏報外理合先將營業情形暨收支大數恭摺具陳伏乞皇上
聖鑒訓示謹奏

宣統二年九月二十二日具奏

萍昭鐵路改名萍株刊給關防片

再臣部所轄江西萍鄉至湖南醴陵鐵路原名萍醴派湖南候補道薛鴻年總辦在案前因議由株州展至昭山於光緒三十四年三月奏明改稱萍昭刊發關防現在此路築至株州爲止自應改稱萍株另給關防以符名實擬由臣部刊刻木質關防一顆文曰總辦萍株鐵路事宜關防發交該路局祇領開用並將舊給關防照案繳銷前派總辦薛鴻年管理有年尙臻妥協擬仍派總辦該路以資熟手所有萍昭鐵路改名萍株刊給關防緣由理合附片具陳伏乞聖鑒謹奏

宣統二年九月

日具

擬親往汴洛京漢津浦查視路務片

再路務行政事端繁蹟非由臣等隨時親歷視查不足以符真相而資督率疊經奏明在案期年以來本實地之考核定指導之方針於部務不無裨益現在各路應行查視事宜如汴洛之洛河橋改築橋墩工程京漢之西平遂平被水添修橋洞工程滬甯津浦通車接續輪渡工程以及開海實測路線各事均關重要規畫不容稍疏又津浦一路續借款項已成以後負擔愈重現已分段通車工程尤爲吃緊必須詳加考察方足以節虛糜而促進步臣部公同商酌擬由臣雲沛親往分別查視以重路政計往返月餘即可竣事理合附片具陳伏乞聖鑒謹奏

--	--	--	--	--	--	--	--	--	--	--	--

1940

核覆京奉鐵路第六案收支各款摺

奏爲核覆京奉鐵路第六案收支各款繕具清單恭摺仰祈聖鑒
事竊查京奉鐵路收支各款至第五案止均由北洋大臣飭局造
冊咨部歷經臣部會同度支部奏銷此次第六案報銷係在臣部
接管該路以後業於第五案會奏內聲明應由該路局直接報部
以憑會核茲據該局將第六案收支各款造具總散清冊二分呈
送到部當將該冊一分轉送度支部會核查明按照電報報銷辦
法由度支部核結後再由臣部奏銷亦經度支部核准並片稱此
案收支款目逐款核算均屬相符等情各在案查此案係自光緒
三十二年十一月十七日即西歷一千九百零七年正月一日起
截止光緒三十三年十一月二十七日即西歷一千九百零七年
十二月底止管收項下共洋銀一千四百十六萬五千六百六十

九元五角九分支款項下共洋銀一千二百二十四萬九百二十一元一角七分實在項下共洋銀二百九十二萬四千七百四十八元四角二分以散核總均屬符合並經度支部覆核無異自應准其開銷謹繕具清單恭呈御覽其光緒三十三年十一月二十八日以後第七案收支各款當飭該局接續造冊以重路款所有核覆京奉鐵路第六案報銷緣由理合恭摺具陳伏乞皇上聖鑒謹奏

宣統二年十月十二日具奏

謹將核覆京奉鐵路自光緒三十二年十一月十七日起至三十三年十一月二十七日止第六案收支各款繕具清單恭呈御覽

計開

舊管項下

一 據冊開上屆銷案截存洋三百三十一萬一千二百八十五元六角

查該路第五案報銷冊內歲修橋梁涵洞等工程一項前就總散核算多開洋銀四角曾經刪除嗣據覆稱係屬繕寫錯誤請更正補銷覆核數目尙屬相符應准補銷理合聲明

新收項下

一據冊開收關內外鐵路客票以及轉運貨票脚價洋銀九百八十七萬七千五百四十七元三角六分又收本路暨電報商局借用本路電纜代遞商報報費洋銀六千八百四十一元查前項車價及報費均按照該冊所開數目以散合總均屬相符

一據冊開收新易鐵路客票貨票脚價洋銀一萬六百五十二元五角九分查該支路車價等項按照數目查核相符

一據冊開收北平北泰兩輪船裝載客貨水脚洋銀三千九百六十五元四角五分查該兩輪所有客貨水脚按冊覆核數目相符

一據冊開收京張路局解還撥用本路材料并代製車頭等項價值洋銀三十五萬九千八百七十元七角六分按照

數目查核相符

一據冊開收唐山製造等廠代各處製造機器並售出各項材料價值洋銀二十五萬七千八百十二元三角八分查該路所設唐山製造等廠代各處製造機件照章估價繳局上屆列收有案此次報冊所列數目覆核相符

一據冊開收該路沿途等處房屋租金并材料變價等項洋銀一十二萬九千九百二十七元八角八分查該路所有空間房地由洋工程司隨時出租應得租價分期繳局并用剩殘廢材料由各廠所招商承買其價隨收隨繳查前項上屆列收有案此次按照數目查核相符各料亦核實開報既據逐款詳晰開列應准支銷

一據冊開支籌還大批借款本息官商股款本息提撥各部

經費北洋二成餘利修造京張鐵路暨購置房地雜支郵
賞等項共請銷洋銀五百四十三萬八千二百三十七元
三角七分查前項支款內籌還大批借款本息英金合洋
銀一百五十八萬一百八十七元四分據稱係光緒二十
四年因清還各項借款及接收關外路工匯豐銀行息借
英金之款每月應付利息上屆已照付在案自西歷一千
九百零七年正月分起月息照案接續支付至十二月底
止共英金一十萬九千五百二十三鎊三先令又付還原
本自西歷一千九百零七年正月分起至七月分止還第
三批第六次至十二次原本連行用共英金三萬三千六
百二十五鎊十先令五本土又自西歷八月分起至十二
月分止還第四批第一次至第五次原本連行用共英金

二萬四千十八磅四先令七本土按月查照時價先折合行平銀再由銀折洋核與支數相符又撥還商股本息等項洋銀七千一百二十七元八角六分據稱關內開平一段創自商股至接收全路時尙存股本二十八萬四千餘兩照案常年六厘行息並准將股本隨時收還在案

一據冊開收各處繳回煤價洋銀二千九百一十一元八角八分查各站及附近鐵路各局領用該路用剩大小塊煤照章應繳價解局上屆列收有案此次所列各款按照數目核算相符

一據冊開收各處撥還借墊雜款各行商呈繳押款暨各廠站小工罰款存款利息等項洋銀二十萬四千八百五十四元七角七分查前項各款以散合整均屬相符

以上新收共洋銀一千八百十五萬四千三百八十三元九角九分

以上管收統共洋銀一千四百十六萬五千六百六十九元五角九分

開除項下

一據冊開支津京兩局并全路各站暨各報房總辦員司繙譯人等薪工雜費等項共請銷洋銀四十九萬六千三百七十元九角四分查前項支款內天津總局總辦提調員司薪水公費共洋銀一十九萬五千四百二十元三角七分又北京分局繙譯委員稽查衛隊人等薪水公費共洋銀五千七百二元九分又關內外各車站站長人等薪水工食共洋銀二十一萬五千二十五元三角二分又各車

站電報房司事人等薪水工食共洋銀六萬七千四百五十四元五角六分又新易材料廠支應局暨車站報房機車處等員司站長工役人等薪工雜費共洋銀一萬二千七百六十八元六角查前項開支各款以散合總數目相符所有各局各車站各報房薪水工食按照上屆接續開支隨時酌量增減自應准其開銷

一據冊開支各洋員暨華洋醫生巡警各製造車頭等廠電報路礦各學堂官弁員司工匠人等薪水工食川資雜費並新邱煤礦購運機器材料脚價等項共請銷洋銀一百五十四萬一千八百九十一元七角一分查前項支款內各洋員薪水共洋銀三十一萬八千二百四十四元九角七分又各洋員房租川費雜費等項共洋銀一萬五千八

百四十六元三分又各醫院並華洋生薪費等項共洋銀
三萬四千五百七十元二角六分又關內外鐵道巡警官
弁兵丁薪餉共洋銀五萬五千二百四十一元一角九分
又鐵路巡警官弁兵丁津貼並彈壓文武員弁薪水共洋
銀三萬三千三百八十五元二角九分又唐山等處製造
廠司事匠役人等薪工共洋銀五十九萬八千二百九十
九元一角又各站車頭廠機車處司事匠役人等薪工共
洋銀二十五萬六千八元六分又本路電報學堂教習司
事學生人等薪費共洋銀三千三百八十七元又唐山路
礦學堂監督教習員司學生薪工膏火并建造學舍購置
傢具雜費等項共洋銀一十三萬一千一百五十二元五
角四分又北平北泰兩輪船買辦船主管輪水手人等薪

工等項共洋銀三萬二千三百二十九元一角又試辦新
邱煤礦購運機器材料腳價等項共洋銀六萬三千四百
二十八元一角七分

一據册開支購置外洋機器材料道木煤炭洋紙傢具并驗
收裝運各項料物費用等項共請銷洋銀二百六十七萬
一千二百九十一元五角四分查前項支款內購買外洋
內地機器材料並險收各項料物費用共洋銀四十四萬
九千二百二十一元五角二分又由英京惠德洋行購買
器具材料腳價保險等項共洋銀三十萬八千四百八十
七元七角一分又購置道木橋梁木價洋銀七十四萬二
千八百九十八元五角一分又購買煤炭價值洋銀五十
三萬六千八百九十三元八角三分又購買華洋紙張繪

圖顏色刷印章程等件共洋銀二萬九千九十三元又各
站購買傢具物件等項共洋銀一萬六千五百三十一元
七角九分又唐山製造廠製造車輛並購買材料共洋銀
四十二萬八千一百六十一元九分又鐵路巡警兵隊製
辦號衣靴帽等件價值共洋銀一萬二千一百六十四元
六角六分又電報歲修并各報房添購器具共洋銀一萬
二千三百七十三元又天津總局房租火食雜支等項共
洋銀七萬八千二百七十八元六角一分又新易鐵路購
用煤炭付各路車脚電報雜費共洋銀三千二百八十六
元二角七分又北平北泰兩輪船購用煤斤材料修理雜
費等項共洋銀五萬三千八十一元六角五分以散合總
數目均屬相符既據分月分批按款詳晰開列應准照數

支銷

一據冊開支關內外全路歲修養路經費等項共請銷洋銀一百九萬三千一百二十九元六角一分查前項支款內

豐台洋工程司牛麻治經支歲修養路工程並就地購料價值共洋銀一十三萬七千九百三十三元三角九分又

關內外洋工程司德基經支歲修養路工程並就地購料價值共洋銀一十三萬七千九百三十三元三角九分又

關內外洋工程司德基經支歲修養路工程並就地購料價值共洋銀三十九萬六千二百四十九元二角五分又

山海關洋工程司李吉士經支歲修工程並就地購料價值共洋銀一十二萬三千六百七十五元八角一分又溝帮子工程司勒比經支歲修養路工程並就地購料價值

共洋銀一十四萬四百七元三角七分又營口工程司喀
克司葛華森等經支歲修養路工程並就地購料價值共
洋銀九萬九千五百四十四元九角一分又山海關橋梁
廠總管洋員郝烏經支歲修橋梁工程並就地購料價值
共洋銀六萬六千二百七十三元四角五分又新奉路工
程司曲尾辰二郎李區等經支新修工程並就地購料價
值共洋銀八萬五千一百五十四元五角三分又新河材
料廠總管洋員白臘克經支薪水小工脚力共洋銀三萬
三千五百九十五元八角九分又新易路歲修養路工程
並就地購料價值共洋銀一萬二百九十五元一分按册
核算散總相符查各工程司督率匠夫修養各路工程係
撥工給價及經支編譯監工司事工匠人等薪工等項均

照前案撥支隨時酌量增減所用此次按冊核算付還前
項股息數目相符又撥還北洋各局所股息洋銀五千五
百七十一元四角三分據稱該路前因創造津沽一段借
北洋各局所公款除還外尙欠行平銀一十萬兩內淮軍
銀錢所銀四萬兩海防支應局銀三萬五千兩直隸賑撫
局銀二萬五千兩常年均六厘行息此次冊報付還淮軍
銀錢所及直隸賑撫局股息行平銀三千九百兩以七錢
合洋一元核與前段相符又奉撥民政部光緒三十三年
分經費洋銀七萬一千四百二十八元五角七分據稱該
路奉郵傳部札准民政部咨開本部經費前經奏准由津
榆鐵路餘利款內每年酌撥銀五萬兩在案此次冊報所
撥之款相符前段又撥解郵傳部辦公薪費洋銀六萬六

千七百四十六元一角據稱該路前解督辦鐵路大臣天津公所北京總局兩處月各支薪工銀二千兩現經改設郵傳部是款合併解部月支薪工銀四千兩計自光緒三十三年十一月十二兩月起每月先解二千兩又自三十三年正月起到十一月底止共十一箇月每月應解銀四千元兩統共京平銀四萬六千兩按照時價合洋數目相符又提議二成餘利解充北洋經費洋銀五十六萬八千四百八十三元二角據稱前奉部札以直督奏准酌提藉濟各項新政之需按冊報共撥十一個月計行平銀三十九萬七千九百三十八兩二錢四分逐月所撥之款彙總合洋數目相符又提撥修造京張鐵路第三年經費洋銀一百八十五萬七千一百四十二元八角六分據稱該路前奉



辦南票礦務經費洋銀二十一萬九千四百五十元九角
據稱該路奉撥是款係光緒二十四年間經前督辦胡大
臣與中英公司商訂合股開辦朝陽縣之南票煤礦經礦
師測勘無效停辦廢約所虧之款各攤認一半應英金二
萬三千九百三十六鎊三先令七本土分三期墊還均按
照時價折銀詳晰列冊開報核覆數目尙屬相符又籌解
度支部坐糧廳通關稅款洋銀一萬九千五百八十二元
八角九分據稱該路通車後所有商貨多由火車裝運業
經奏准在於天津黃村設立通關議定每月由鐵路撥解
通關稅厘銀一千一百兩計西歷本年分十二個月共解
庫平銀一萬三千二百兩按照當時市價折合洋銀數目
相符又購買天津西沽等處地畝價值等項洋銀五萬七

千五十六元一角查該地畝原爲展拓該路廠站所需逐
月添購按畝給價以散核總數目相符又撥解牛莊墾務
局營口車站佔用葦塘地價洋銀二萬八千五十五元八
角四分查該路所用葦塘沙灘之地多係官產應按畝給
價並大照費共庫平銀一萬九千六百三十九兩九分五
毫以七錢合洋一元折算數目相符又租用旗民各地洋
銀二千九百九十元一角一分業經列銷有案此次冊報
散總相符又發還庚子因亂損失洋行材料價值付給怡
和洋行暨中英公司津貼及各商棧押款易換小角洋銀
虧水等欸共洋銀二萬六千八百四十一元一角八分又
卹賞養傷等費洋銀一千三百五元五角三分查係歷銷
有案此次冊報核算散總數目相符又撥還代收京漢路

裝運客貨脚價洋銀一十萬一百三元五角一分逐月按款核算支數相符又支唐山客藉學堂第二年經費洋銀六百元查該路局遞年應撥該堂經費准銷有案此次所撥之款核對相符又購買北泰輪船一隻價值洋銀五萬七千七百十元九角五分查該路因挽回鐵路利權暗與洋商抵制請購輪船兩艘往來津沽營口等處前已先購北平輪船一隻業於第五案請銷此次按照原請續購北泰輪船一隻以便互相行駛以保利源又購買新泰興洋行在豐台車站建蓋棧房價值洋銀一萬二千八百四十七元查因庚子亂時英軍代管鐵路有英商新泰興在該處建棧現議價收回冊報所付各價覆核相符

以上全冊共應准銷洋銀一千一百二十四萬九百二十

1405 601 400X

一元一角七分

實在項下

一 截存洋銀二百九十二萬四千七百四十八元四角二分
查收支相抵應存洋銀核符前數此項存款應歸下屆造
報再行核辦

派勘廣西鐵路路線並分別緩急情形摺

奏爲遵旨派勘廣西鐵路路線並分別緩急情形恭摺仰祈聖鑒
事宣統元年四月十八日軍機處片交廣西巡撫張鳴岐奏廣西
鐵路關係緊要詳籌切實辦法一摺奉硃批著郵傳部先行揀派
委員前往查勘該全省鐵路應從何處開辦分別緩急次第修築
妥籌辦法詳議具奏欽此欽遵到部當即遴選員司奏派前往確
切查勘在案查廣西全省鐵路應分二大幹線自桂林之東北經
靈川興安全州而達湘粵交界之黃沙河是謂桂全綫自桂林之
西南經永福羅容馬平來賓遷江賓州上林而達南甯府之宣化
縣是謂桂粵綫該兩綫先後經該撫暨委員等將圖說估單咨報
到部伏查桂全路綫長三百餘里估需工款六百六十七萬九千
四百兩桂粵路綫長八百里估需工款一千七百六十六萬二千

兩造路時利息在外似此工程浩大勢難併力兼營自應分別緩急次第修築方爲得策第兩路之中究應先修何綫自不能不詳加規畫妥爲籌定竊以路工辦法必先由內及外由幹達枝方能首尾銜接脈絡貫通桂邕一綫原奏係爲該省籌備邊防注重行軍後路起見惟該路綫長工艱需款至鉅若不上接桂全右通滇省就令成立仍屬孤懸設有緩急腹地兵力不能直注邊陲轉與桂林省垣不無牽掣惟桂全一綫實爲腹地交通之路工程較短成本較省集款施工尙易爲力現在粵漢已議籌築將來長衡永全順序漸進由全至桂一氣相承以形勢論無枝幹凌躐之虞以軍用論有輔車兼資之勢以營運論有貿遷化居之便是該省路綫其最急實在桂全一綫臣等再四籌議擬令先辦桂全一俟安定辦法另行具奏至於桂邕一綫旣爲注重邊防且與滇桂一綫

聯絡亦有關係現正派員測勘滇桂路綫應俟勘竣後再行詳擬
辦法所有遵旨議覆廣西鐵路路綫分別緩急各緣由理合恭摺
覆陳伏乞皇上聖鑒訓示再此摺因派員履勘往返需時是以覆
奏稍遲合併聲明謹奏

宣統二年十月二十二日具奏奉旨依議欽此

奏派京奉鐵路總辦片

再京奉鐵路總辦陸緒聲前經因案撤差所遺差使急應遴員接充以專責成查有臣部議員直隸候補道許引之穩慎勤能熟諳路務堪以派充該路總辦除檄飭遵照到差會同洋文總辦盧祖華認真經理外理合附片具陳伏乞聖鑒謹奏

新甯鐵路購運材料援案酌展免稅年限摺

奏爲新甯鐵路購運材料援案酌展免稅年限恭摺會陳仰祈聖鑒事竊臣部據新甯鐵路公司呈稱新甯鐵路材料免稅三年一案於光緒三十三年九月經部會奏奉旨允准札知遵照在案查甯路自光緒三十二年開辦所有購運材料先經遵章完納釐稅迨奉到免稅行知時甯路材料凡鋼軌枕木車頭機器均已到齊所邀免稅者僅客車暨零星小件而已今甯路奉准展築新會江門路綫添購鋼軌機車各項材料現未運到而三年免稅期限已滿可否援照各路展限成案辦理以惠路工等情前來伏查新甯鐵路所用材料於光緒三十三年九月十四日經臣部會同農工商部奏准暫行免稅復於光緒三十四年七月會奏查明鐵路公司免稅各案議覆摺內聲明自各該案奏准免稅之日起予限三

年俟限滿如工程未能完竣屆期體察情形辦理等語各在案現該路展築新會江門路綫正在購運各項機器材料而免稅年限結至本年九月已滿查江蘇浙江等省鐵路材料均經臣處先後奏准分別寬展免稅年限新甯事同一律自可援案照准惟其路綫究非過長展限之期請以一年爲斷至宣統三年九月十三日止以維路政而恤商艱恭候命下即由臣等分行遵照辦理所有新甯鐵路購運材料援案酌展免稅年限緣由理合恭摺會陳伏乞皇上聖鑒再此摺係郵傳部主稿會同稅務處辦理合併聲明謹奏

籌備路政擬令民間仿行族葬以利交通片

再臣部籌備路政勘定綫道因民間坟墓雜沓康衢其無法繞避者給費遷徙迭經遵章辦理在案其間改綫之勞爭執之紛不可殫述今鐵軌進行日急將來滯碍必多有不得不預爲勸導者考周禮冢人掌公墓之地先王之葬居中以昭穆爲左右諸侯公卿大夫各以其族又墓大夫掌凡邦墓之地域爲之圖令國民族葬而掌其禁令是古者上下通用族葬秦漢以後宗法既廢此制亦壞於是堪輿家言肆其簧鼓雖以程朱大儒亦主擇地積習相循流而不返於是舊冢未沒新冢旋增占地寔多尋至暴露昔唐太宗命呂才著論闢葬術司馬光爲諫官亦奏乞禁天下葬書宋之趙季明國朝之徐乾學諸臣皆主族葬論述流傳識者矐之臣等以爲舊俗雖難於驟更積弊宜去其太甚其地居僻左者暫可毋

庸置議至於地當孔道自今以後宜令仿行族葬之法庶交通可
利推行兆域亦咸得所似於庶政頗有神益如蒙俞允請飭下民
政部會同臣部酌擬章程交資政院議決請旨裁奪施行謹附片
具陳是否有當伏乞聖鑒訓示謹奏

陳明道清鐵路上年營業情形暨收支大數摺

奏爲陳明道清鐵路上年營業情形暨收支大數恭摺仰祈聖鑒
事竊維鐵路獲利之盈絀全視綫路之短長與客貨之多寡以爲
衡道清一路從前福公司投資建築專爲採取鑛產便於轉運起
見與純全鐵路營業性質本自不同自借款收回以來雖於主權
竭力挽回而全路僅長三百里兼以與水道並行除運煤外客貨
稀少是以營業處於積虧之勢節經飭令設法整頓切實經營並
據鐵路總局局長梁士詒督飭該路總辦等設法招徠土貨改良
運章提倡包運大宗貨物並與借款公司代表節次磋商減少洋
員酌用華員一切支款綜核厘剔務期省之又省以輕該路之負
担除行車經費外尙不敷支借款利息茲據該局長將該路清結
西歷一千九百零九年分收支大數轉呈前來臣等細加查核綜

計全年行車進款共銀二十五萬七千餘兩行車支款共銀一十七萬三千餘兩收支相抵應得餘利銀八萬四千餘兩以之撥付借款利息銀三十一萬四千餘兩尙不敷銀二十三萬餘兩已由臣部暫向交通銀行如數借撥除將該路收支報銷細冊另行核造奏報外理合先將道清鐵路上年營業情形並收支大數恭摺具陳伏乞皇上聖鑒謹奏

宣統二年十一月二十二日具奏

奏報汴洛鐵路上年收支款目大數片

再汴洛鐵路自光緒三十一年興築至上年全路告成業經奏明在案查鐵路營業必實行通車以後方能核計盈虧該路是年雖試辦行車而各項未完工程均尙陸續施築故行車之款與工程支出之數無從劃分綜計西歷一千九百零九年全年行車進款銀三十一萬四千餘兩行車及工程支款銀六十六萬六千餘兩收支相抵尙不敷銀三十五萬一千餘兩而是年應付借款利息銀六十八萬二千餘兩尙不在內以上不敷之數已由臣部暫由交通銀行借撥充用據鐵路總局局長梁士詒轉呈前來臣等覆查無異除飭該局長督同借款公司代表及總辦妥爲經理隨時改良並將該路收支報銷細冊另行核造奏報外理合先將收支大數情形附片具陳伏乞聖鑒謹奏

陳明滬甯鐵路上年營業情形暨收支大數摺

奏爲陳明滬甯鐵路上年營業情形暨收支大數恭摺仰祈聖鑒
事竊維滬甯鐵路中經蘇常鎮三府皆商務繁盛之區特因外江
內河平行並進而路線又僅長六百里兩端尙無銜接之路加以
厘捐比照水卡道數統征尤爲繁重事關蘇省財政一切方待通
籌商貨不前進款遂少而借款成本既鉅年息爲多比年以來節
飭鐵路總局督飭該路總辦暨華洋員司等極力圖維冀輕負擔
如隨時裁省局用薪費設法招徠客貨凡有可求發達之處一息
未敢或疏計該路行車進款比較往年雖漸有增益除開支所餘
尙不敷支借款利息並據該總局將該路清結宣統元年即西一
千九百九年分收支大數轉呈前來臣等詳加查核綜計全年行
車進款共銀元一百七十九萬六千餘元行車支款共銀元一百

二十一萬四千餘元收支兩抵應存餘利銀元五十八萬二千餘元以之撥付借款全年利息銀元一百六十六萬二千餘元實不敷銀元一百八萬一千餘元由臣部暫向交通銀行如數借撥應付除將該路收支報銷細冊另行核造奏報外理合先將上年營業情形暨收支大數恭摺具陳伏乞皇上聖鑒謹奏

彙陳宣統元年分鐵路項下經收撥用各款大數摺

奏爲彙陳宣統元年分臣部鐵路項下經收撥用各款大數恭摺
仰祈聖鑒事竊臣部綜理各路需款甚多節經設法籌撥並將截
至光緒三十四年底止經收撥用各款大略奏陳在案一年以來
統計建造京張張綏吉長各鐵路贖回京漢鐵路暨按照合同應
行彌補各路工程利息不敷各款陸續撥出銀一千九百六十七
萬七千三百九十八兩五錢六分八厘銀元七十一萬三千四百
零八元四角六分英金十二萬五千二百五十八鎊七先令十本
士法金四萬五千五百六十二佛郎九十七生丁除將京奉京漢
兩路餘利及舊管雜收各項計銀一千零六十六萬一千六百零
五兩六錢零六厘銀元六十四萬六千八百零七元七角五分英
金五千四百七十九鎊九先令法金四萬五千五百六十二佛郎

九十七生丁儘數撥抵外計尙短銀九百零一萬五千七百九十二兩九錢六分二厘銀元六萬六千六百元零零七角一分英金十一萬九千七百七十八鎊十八先令十本土統由臣部向交通銀行及新借吉長造路日款等項未經動用之款暫行挪借應俟隨後陸續按期清還至此項挪借之款計共銀九百三十萬零四千一百八十九兩五錢零七厘銀元六萬六千六百元零零七角一分英金十二萬鎊日金九十三萬五千九百五十五元五角除撥抵外計尙存銀二十八萬八千三百九十六兩五錢四分五厘日金九十三萬五千九百五十五元五角英金二百二十一鎊一先令二本土均經於宣統二年分分別撥用容再另行奏報又奏銷各款詳載各借款公司及各路局細冊應候造報到日再行核明遵照度支部奏定清理財政章程分別辦理除咨度支部外所

有臣部宣統元年分收撥各款大數理合開具清單恭呈御覽伏
乞皇上聖鑒訓示謹奏

The image shows a large, empty table with 12 columns. The table is defined by a thick black border. On the right side, there is a small, dark rectangular tab protruding from the edge. The table is otherwise completely blank.

謹將宣統元年正月起至十二月底止臣部鐵路項下經收撥付各款大略開具清單恭呈御覽

計開

收款

舊管項下

一收上屆奏報結存銀三十萬零八千二百五十六兩六錢三分八厘

京奉京漢兩路餘利項下

一收京漢鐵路西歷一千九百零八年即光緒三十三年十一月二十八日至三十四年十二月初九日止八成餘利銀元二百十二萬三千九百九十六元七角二分合銀一百四十七萬五千一百九十九兩五錢五分

謹案一千九百零八年分京漢八成餘利原有銀元二百四十五萬零九百七十八元五角四分因於光緒三十四年分預提過銀元三十二萬六千九百八十一元八角二分臣部於上屆奏明在案故本屆祇提前數

一收京漢鐵路一千九百零九年即光緒三十四年十二月初十日至宣統元年十一月十九日止餘利銀元三百六十四萬五千七百九十七元五角七分合銀一百五十三萬二千五十兩零三錢

一收京奉鐵路餘利等項銀三百零五萬七千七百五十五兩又銀元五十萬零四千一百八十一元八角六分

暫存及生息項下

一收京漢鐵路解繳西歷一千九百零八年分盧保官息銀

元四十萬零四千五百八十四元六角四分合銀二十八萬一千兩

一收京漢鐵路解繳臣部公積款銀元十四萬一千二百六十二元

謹按前款係因收贖京漢鐵路由外務部會同比國公使公斷提給比公司特別酬費

一收京漢鐵路解繳臣部墊付贖路等款銀元七十四萬九千四百零九元四角五分合銀五十二萬零四百九十四兩四四分

一收道清路局繳呈臣部墊付各款之利息銀六萬五千兩
一收比公司交回京漢贖路餘款法金二十九萬佛郎合銀九萬三千三百九十七兩七錢五分

一收比公司交回京漢贖路餘款法金二萬一千八百六十六佛郎六十七生丁

一收公債處銀十四萬四千兩

謹案前款臣部於光緒三十四年九月十四日奏明試辦贖路公債嗣值京津滬漢各處市面不靖故宣統元年祇收此數

一收上海繳回餘剩電費銀十八兩七錢六分

一收電政局借款利息銀十萬兩

謹案該款因上海電政局收贖電股由臣部借款轉撥此係應付之息

一收度支部補交光緒三十四年分滬杭甬補虧款之補平銀一千九百二十兩

一收江蘇省認交宣統元年分滬杭甬補虧款銀六千兩

一收收回北京期滿不取京漢息款法金二千六百九十四佛郎二十生丁

一收上海交通銀行銀一百七十七萬七千零零六兩七錢七分

謹按該款係光緒三十四年分存儲該行備付京漢鐵路大賠款抵押之用

一收比京法京暫存款利息法金二萬一千零零八佛郎十生丁

一收匯豐滙理兩銀行大借款補息英金五千四百七十九鎊九先令

謹按該兩銀行大借款原定每年西四月八號十月八

號付息嗣該兩銀行願提前三天改爲西歷每年四月
五號十月五號故補給前數

一收滙豐滙理兩銀行押款利息銀一萬六千三百六十九
兩八錢八分

一收華比銀行押款利息銀一萬八千六百零八兩六錢八
分

一收大清交通各銀行往來浮存利息銀七萬五千五百八
十四兩五錢三分八釐又銀元一千三百六十三元八角
五分

一收滙兌升水銀十三萬零四百七十五兩九錢五分

謹按該款係因各處平色不同輾轉折合統計所升之
數

一收交通銀行代借京漢贖路款補平銀五萬八千三百六十七兩三錢五分

以上收款統共銀一千零六十六萬一千六百零五兩六錢零六釐又銀元六十四萬六千八百零七元七角五分又英金五千四百七十九鎊九先令又法金四萬五千五百六十二佛郎九十七生丁

撥款

歸還本息項下

一撥歸還交通銀行上年代借贖路用款銀六百五十萬兩
一撥交通銀行代借及長期兩款利息銀二十四萬九千四百零七兩四錢五分

謹按以上兩款係歸還光緒三十四年分該行代借贖

路用款之本息

一撥歸還大清銀行暫借款銀一百萬兩又利息銀一萬八千兩

謹按該款係歸還光緒三十四年分暫借贖路所用之款

一撥歸還大清銀行新借款利息銀二萬七千四百二十四兩六錢六分

謹按該款係歸還光緒三十三年分奏准暫借款之利息

一撥歸還大清銀行暫借款之利息銀一萬五千六百兩

一撥歸還大清銀行滙甯購地借款本銀二十萬兩又利息銀四萬六千七百零二兩九錢四分

1991-501-4000

謹按該款係歸還光緒三十二年分奏准暫借之款
一撥歸還英公司第一批借款銀十八萬兩又利息銀四萬
二千八百兩

謹按該款係歸還光緒三十四年分奏准暫借之款
一撥歸還滙豐銀行第一批借款銀二十五萬兩又利息銀
七萬零一百九十一兩七錢八分

謹按該款係歸還光緒三十四分奏准借用該行一百
萬兩之款原訂分四期歸還前款係四分之一
各路工程及利息項下

一撥正太鐵路借款利息及銀行酬費共銀六十八萬三千
四百六十兩二錢九分

謹按正太鐵路借款四千萬佛郎所有應付利息及銀

行酬費合同聲明如行車餘利不敷應由中國國家設
法彌補上款係西歷一千九百零九年九月及一千九
百一十年三月兩期利息

一撥滬甯鐵路借款利息並工程不敷等銀一百一十六萬
兩

謹按滬甯鐵路借款二百九十萬鎊所有應付利息及
銀行酬費合同聲明如行車餘利不敷應由鐵路進款
支付如進款不敷應由中國國家設法彌補上款係西
歷一千九百零九年六月十二月兩期利息及銀行酬
費並工程不敷之數

一撥滬杭甬鐵路借款利息銀六十四萬三千一百八十五
兩二錢七分

謹按滬杭甬鐵路借款一百五十萬鎊所有半年一期之利息及銀行酬費應由臣部照合同撥付上款係西歷一千九百零九年六月十二月兩期利息

一撥道清鐵路借款利息銀元二十三萬一千七百十九元三角一分又銀十五萬八千八百九十五兩八錢三分

謹按道清鐵路借款七十九萬五千八百鎊所有應付利息合同聲明如行車餘利不敷應由中國國家設法彌補上款係西歷一千九百零九年七月一千九百一十年正月兩期利息

一撥吉長鐵路工程用款銀九萬六千六百兩零零一錢四分

謹按前款係由該路借款進項提匯來華暫存臣部款

內撥付

一撥汴洛鐵路工程用款銀五十七萬六千七百八十七兩二錢三分

謹按該款係由該借款提匯來華暫存臣部款內撥付
一撥滙豐滙理銀行第一期借款利息英金十二萬五千二百五十鎊

一撥滙豐滙理銀行第二期借款利息英金十二萬五千二百五十鎊合銀一百零七萬八千三百八十五兩六錢五分

謹按該兩銀行借款英金五百萬鎊以上兩款係西歷一千九百零九年分三月九月兩期利息及銀行酬費
應由臣部照合同撥付

一撥京張鐵路工程用款銀八十九萬九千二百七十五兩
又銀元三十四萬零四百二十七元一角五分

一撥張綏鐵路工程用款銀三十萬兩

一撥度支部京漢贖路借款利息銀三十六萬九千一百七
十七兩四錢六分

謹按度支部借款規平銀五百萬兩係光緒三十四年
分奏准借用上款係應付一年餘之利息

一撥度支部盧保鐵路西歷一千九百零八年分官息銀二
十八萬一千兩

收贖鐵路項下

一撥出使比國大臣李盛鐸辦理京漢贖路舟車郵電等費
法金八千九百八十七佛郎二十九生丁

一撥駐比使館辦理京漢贖路給隨員余佑蕃等四員酬費
法金四千佛郎

一撥由外務部會同比國公使公斷議給比公司特別酬費
銀元十四萬一千二百六十二元

一撥交通銀行担保代借京漢贖路暫借款應用郵電酬費
銀一千一百七十四兩四錢八分

一撥駐英使臣李經方辦理京漢贖路電費英金八鎊七先
令十本土又銀六百八十二兩一錢八分

一撥匯豐匯理兩銀行大借款利息之押款按照英金十二
萬五千鎊合銀一百零七萬六千二百三十三兩一錢八
分

謹按該款係按照光緒三十四年九月十四日奏定與

匯豐匯理兩銀行所訂借款合同第五款辦理凡借款
期內逐年交存該兩行一款爲下一期利息押款

一撥華比銀行京漢大賠款之押款法金二百一十四萬佛
郎合銀七十四萬四千三百四十七兩

謹按此款係按照外務部與比國駐京公使公斷京漢
鐵路應交與比公司用保比國從前所墊出大賠款之
抵押

郵傳部經費項下

一撥臣部經費銀五十萬兩

謹按該款係遵照奏案提充臣部經費所有由該款支
用數目另由臣部經費報銷案內列明

借款轉撥及雜用項下

一撥交通銀行股本銀一百萬兩

謹按該款係按照奏案撥付

一撥電政局銀一百三十三萬兩

謹按前款係上海電政局借撥其收支各數另由贖收

電股案內列明

一撥民政部經費銀五萬兩

謹按該款係遵照民政部奏定提撥

一撥印刷所定購機器等費銀三萬兩

一撥駐法劉大臣代購京漢債票法金一萬五千二百三十

七佛郎四十生丁

謹按該款此係贖路時預備與比公司交涉留爲抵制

之用

一撥運輸所經費銀四萬八千兩

一撥駐比李大臣法金一萬七千三百三十八佛郎二十八生丁

謹按該款係贖路所餘之款留於比京以備取回京漢債票時整理裝箱及轉運中國等費

一撥灤州煤礦股本銀五萬兩

謹按該款係因京奉鐵路用煤極多灤州煤質頗優故酌付股本以資取用

一撥井陘勘礦費用銀六十六兩零二分八厘

以上撥款統共銀一千九百六十七萬七千三百九十八兩五錢六分八厘銀元七十一萬三千四百零八元四角六分英金十二萬五千二百五十八鎊七先令十本土法

金四萬五千五百六十二佛郎九十七生丁

收撥兩抵實不敷銀九百零一萬五千七百九十二兩九錢
六分二厘又銀元六萬六千六百元零零七角一分又英
金十一萬九千七百七十八鎊十八先令十本土即由臣
部向交通銀行及新借未經動用之款暫行挪借所有借
款數目另由借款清單內詳細開列合併聲明

謹將宣統元年正月起到十二月底臣部所收借用各款開具清單恭呈御覽

計開

借用各款項下

一收匯豐匯理兩銀行大借款英金一百萬鎊九四扣實得英金九十四萬鎊除將此數內由交通銀行兌換英金八十二萬鎊合銀元六萬六千六百元零零七角一分又合銀六百九十二萬八千一百五十六兩四錢五分七厘計該款兌換之後共實收英金十二萬鎊又銀元六萬六千六百元零零七角一分又銀六百九十二萬八千一百五十六兩四錢五分七厘

此係按照光緒三十四年九月十四日奏定與匯豐匯理

兩銀行所訂借款合同應於宣統元年分交收之款

一收吉長路借款虛數日金二百一十五萬元九三扣實得日金一百九十九萬九千五百元除將此數內由駐日使臣胡惟德匯兌來華日金一百零八萬二千三百八十二元五角合銀九十三萬六千零六十二兩七錢七分計該款兌換之後共實收日金九十一萬七千一百十七元五角又銀九十三萬六千零六十二兩七錢七分

謹案前款按照宣統元年七月初一日奏定與日本南滿洲鐵道社會借款合同應收之款

一收吉長鐵路借款暫存日本銀行利息日金一萬八千八百三十八元

一收交通銀行借款銀一百四十三萬九千九百七十兩零

二錢八分

以上借用各款統共銀九百三十萬零四千一百八十九兩五錢零七釐銀元六萬六千六百元零零七角一分英金十二萬鎊日金九十三萬五千九百五十五元五角除撥補所虧各款銀九百零一萬五千七百九十二兩九錢六分二釐銀元六萬六千六百元零零七角一分英金十一萬九千七百七十八鎊十八先令十本土外實尙餘銀二十八萬八千三百九十六兩五錢四分五釐日金九十三萬五千九百五十五元五角英金二百二十一鎊一先令二本土

--	--	--	--	--	--	--	--	--	--	--

陳明京奉鐵路上年營業收支大數摺

奏爲陳明京奉上年營業收支大數恭摺仰祈聖鑒事竊京奉鐵路上年新民府一帶以柳河迭遭水患沖損軌道停車十日損失頗鉅而收入客貨之款尙幸年有增加足資補救據鐵路總局將該路結算西歷一千九百零九年分收支大數轉呈前來計全年客貨進款共銀元一千一百三十七萬餘元行車養路經常支款共銀元三百八十八萬一千餘元撥付撥本還息支款銀元一百八十八萬八千餘元收支兩抵應得餘利銀元五百六十萬一千餘元除續添工程車輛成本銀元六十七萬八千餘元新坵煤礦經費銀元一十三萬九千餘元所有盈餘由臣部撥解各項要需藉資接濟伏查京奉轉運貨物向以東省所產糧食大豆爲大宗自南滿鐵路直達大連與京奉成犄角之勢非特遼河以東之物

產盡歸其攬奪即由吉奉內地出口者亦隱操其掌握之中加以
京奉沿途稅厘過重運價復有低昂商人避重就輕唯利是視相
率傾向於大連故南滿日益擴張即京奉稍形減色經由臣部督
飭該局長總辦等設法招徠核減運價並與營口道訂定代商納
稅辦法以便商民而收路利除將該路收支報銷細冊暨撥用餘
利數目另行核造奏報外所有京奉上年收支大數理合先行恭
摺具陳伏乞皇上聖鑒謹奏

宣統二年十二月

日具奏

郵傳部奏議分類續編目錄

路政 宣統三年正月 起宣統三年十二月止

議覆籌辦新疆甘肅鐵路情形摺

請賞給汴洛鐵路洋員寶星片

駁覆萍株鐵路收支各款摺

奉直地方驗疫完備派醫隨車查驗擬即次第開車摺

議覆東督奏請協助檢疫所經費摺

擬訂正金銀行借款合同摺

洛潼路綫擬請援案穿過新安城垣摺

會核正太鐵路第二案收支各款摺

懇准將京奉鐵路應撥北洋二成餘利暫行停解片

奏陳張綏鐵路續辦情形並派員督理摺

四川川漢鐵路公司	議覆石長信奏鐵	粵漢川漢鐵路借	粵漢川漢鐵路借	四川鐵路公司虧	擬請釐定全國鐵	派員接充京奉洋	遵旨籌畫川粵漢	代奏四川京官甘	議覆滇省減收隨	改派吉長鐵路總	覈覆京奉鐵路第
----------	---------	---------	---------	---------	---------	---------	---------	---------	---------	---------	---------

福建鐵路員暫管並籌善後事宜摺

派員充京漢鐵路總會辦片

遵訂鐵路鋼軌驗收章程摺

議覆籌修歸化城至包頭鎮鐵路摺

派充三佛枝路總辦片

瀝陳川路情形摺

核覆萍株鐵路收支各款摺

議覆西潼鐵路請改歸官辦摺

京張鐵路兼辦鷄鳴山煤礦情形摺

京漢鐵路贖回後第二年營業收支大數摺

道清鐵路總辦派員代理摺

請派署鐵路總局局長片

請賞給各路洋員寶星摺

請賞各路辦事出力洋員寶星摺

會核滬甯鐵路第一案收支摺

議覆籌辦新疆甘肅鐵路情形摺

奏爲遵旨議覆籌辦新疆甘肅鐵路情形恭摺會陳仰祈聖鑒事
宣統二年十一月十八日陝甘總督長庚奏新疆關係緊要擬請
借款接修歸新鐵路一摺欽奉硃批該部議奏欽此又奏甘肅鐵
路力難自辦擬請借款修築一摺同日奉硃批該部議奏片一件
併發欽此欽遵由軍機處鈔交到部原奏內稱京奉京漢東南兩
幹已具宏規現辦張綏北幹亦有基礎獨歸新西幹尙付闕如若
不兼籌斯路工難語完全即邊防末由連合茲擬定歸新路線由
歸化而包頭鎮而札克蘇吉而土布齊而蘇吉而三塘湖至古城
共六千一百七十里由此至新疆省城僅六站果借外債數千萬
金分段趕築期以十年西陲猶可爲也又稱張綏洛潼皆可接通
隴綫惟陝西乾永一帶崖谷糾紛由平涼經六盤青嵐等山尤屬

陡險若取道包頭鎮自靈州達蘭州路較平坦計程二千餘里需銀二千數百萬兩甘肅貧瘠萬難自修與其路權終落他人何如借款辦理原片內稱甘肅應修南北二路北路由靈州至包頭鎮南路則俟西瀋通後由西安歷寶雞三壑秦州伏羌甯遠至狄道距蘭州僅二百一十里若再西達甘涼抵安西於勢尤順此爲將來計畫併先密陳各等語郵傳部查新疆爲古之西域天山之野厥產琳琅煤鐵森林所在皆有其壤周廻二萬餘里前鄰青藏後倚蒙疆漢唐以來均極力經營直至準回跳梁屢經聖武丕張始克等諸腹省誠要區也近年俄屬軌道迫邇伊犁英屬居民漸踰蔥嶺欲綑縲于未雨鐵路實有要圖甘肅跨有祁連礦產之利毛毳之材頗稱饒裕祇以道修運阻生計日艱而其地左右于川陝青蒙之間自西徂東于新疆實爲後盾欲營新路則甘路尤在所

先該督于殖民行軍籌之綦詳甘新形勢誠屬瞭如指掌惟查鐵路性質約分爲二內地則計懋遷邊境則重徵調而二者爲用又實相因蓋將來之修養不足經常何以支撐幹枝之脈絡未通綏急奚能適用臣部于光緒三十三年七月間奏定中國軌綫全國西幹自京城歷潼關蘭州以達伊犁北幹自京城歷張家口庫倫以達恰克圖北枝自庫倫抵科布多西枝自太原歷大同至張家口與北幹相接業經奉旨允准在案所定西幹係由中原以達邊要軍用營業方足相資又以北枝兼顧蒙古是西北等路臣部未嘗不籌及也原奏於歸新一路所謂五便僅就路工節省而言究竟脩養之資日後有無把握尙未確實調查應俟籌有的款實行開辦時詳細測勘何者爲宜再行核定至所擬甘肅兩綫一繞靈州一繞寶雞似不如臣部奏定西幹較省紆折惟潼關幹綫僅就

起訖而定日後實行測量如必須取道寶雞自不容過於墨守若第因寶雞沃衍儘可相度形勢作爲西幹枝路似亦不至無所裨益總之目下造路必資借款若軍用邊防之路關係大局尤難置諸緩圖惟將來如何籌還本利如何防守路綫皆須度支部陸軍部斟酌而後行度支部查潼蘭歸新兩綫地段縣長需款極巨欲圖籌還築路之費必以將來收利之豐儉爲衡原奏雖稱物產豐富然必待路成經營而後方有實利可收並非目前即可恃爲的款現在議借外款均須先有抵押約計該兩路借款總在一萬萬以上近來借款過多幾於無可抵押不特將來還款爲難即論目前籌借辦法已非易易且修養所需若長任賠墊亦屬不支該兩路關邊衛要政固須亟築惟籌畫款項亦須策出萬全應俟籌有辦法後會商郵傳部妥酌辦理所有建議籌辦甘新鐵路緣由理

合恭摺會陳伏乞皇上聖鑒訓示再此摺係郵傳部主稿會同度支部辦理合併聲明謹奏

宣統三年正月二十四日欽奉諭旨郵傳部度支部會奏議覆籌辦甘肅新疆鐵路情形一摺著依議欽此

請賞給汴洛鐵路洋員寶星片

再汴洛鐵路業經告成該路借款公司總董比國人德包愛副總董比國人昂班經理借款有年並派洋員教習管路學生頗資協助查各路借款公司經理人在事出力迭經督辦大臣及臣部奏准賞給寶星在案此次該公司事同一律擬將德包愛昂班二員均請賞給二等第三寶星以酬勞勩又輪船招商局總船主英國人蔚霞在局多年當甲午庚子有事之秋臣宣懷籌保南北航路交通設法顧全商本一切贊畫頗得其力現在告退回國擬請賞給三等第一寶星藉資激勸如蒙俞允應請飭下外務部照章製就咨交臣部轉給祇領謹附片具陳伏乞聖鑒訓示謹奏

宣統三年正月二十七日具奏欽奉諭旨郵傳部片奏請賞各洋員寶星等語著外務部查核具奏欽此

覈覆萍株鐵路收支各款摺

奏爲覈覆萍株鐵路收支各款繕具清單恭摺仰祈聖鑒
萍株鐵路收支各款至光緒三十四年三月底止均係臣
辦時經理業經飭局按次造冊咨部歷由臣部會同度支
在案此次報銷係在臣部接管以後業於上案彙奏內聲明
該局直接報部以憑會核茲據該局將光緒三十四年四
二月又宣統元年分全年收支各款造具清冊二分呈送
將該冊一分轉咨度支部會核咨明按照京奉鐵路第六
辦法由度支部核結後再由臣部奏銷經度支部覆准並
案收支各款按冊核算總散尙符等因各在案查此案係
三十四年四月起至宣統元年十二月底止管收項下共
銀六十三萬四千二百九十三兩二錢一分五釐支款項下

平足銀四十五萬三千五百兩八錢九分二釐實在項下共庫平足銀一十八萬一千二百八十七兩三錢二分三釐以散合總均屬相符並經度支部覆核無異自應准其開銷謹繕具清單恭呈御覽其結存銀兩當飭接續造報以重路款所有覈覆萍株鐵路報銷緣由理合恭摺具陳伏乞皇上聖鑒訓示謹奏

宣統三年二月初七日具奏奉旨知道了欽此

謹將核覆萍株鐵路收支各款繕具清單恭呈御覽

計開 光緒三十四年四月至十二月止

舊管項下

一册開光緒三十四年三月底結存庫平足銀一萬七千二百五十八兩三錢八分二釐

查上案報銷全册內以散合總共少列銀四錢九分九釐八毫曾經行查在案嗣准復稱係屬繕寫錯誤合請更正復核數目尙屬相符准予更正理合聲明

新收項下

一册開車脚進款等項共收庫平足銀二十一萬一千三百一十七兩四錢三分四釐

查前項進款車脚項下計收湘平銀二十一萬五千三百

三十七兩六錢二分二釐廢棄物料出賣收湘平銀三千六百四十九兩八錢九分三釐餘業租息收湘平銀一千一百三十四兩八錢一分三釐以上共九個月共收湘平銀二十二萬一百二十二兩三錢二分八釐以湘平銀一百兩合庫平銀九十六兩統合庫平銀二十一萬一千三百一十七兩四錢三分四釐核校相符

開除項下

一册開車務局費用項下共支庫平足銀九千六百七十兩八分三釐

查前項係該路車務局員司薪水伙食等項共支湘平銀六千四百七十兩六錢四分又親兵轎夫厨夫水夫更夫雜役夫等工食共支湘平銀一千一十六兩六錢八釐又

1907 5-07 709 428

員司因公往來川資夫馬並專差路費夫力飯食等項共
支湘平銀六百三十兩八錢九分四釐又所用紙張筆墨
等項共支湘平銀一百七十三兩六錢四分四釐又因公
發出各處電費及郵票等項共支湘平銀四百四十一兩
二錢四分九釐又添置傢具等件共支湘平銀二百四十
兩八錢七釐又所用油燭煤炭零星修理及年節丁役賞
犒一切雜用共支湘平銀一千九十九兩一錢六分一釐
以上九個月共支湘平銀一萬七十三兩三釐以湘平一
百兩合庫平銀九十六兩統合庫平足銀九千六百七十
兩八分三釐以散合總均屬相符擬准照銷
一册開行車處費用項下共支庫平足銀四萬七千九百五
兩四錢九釐

路款 擬撥款項收支各款清單二

七一

查前項係該路運輸處員司薪水伙食公費等項共支湘平銀四千八百六十一兩五錢八分二釐又丁役工食共支湘平銀九百七十二兩六錢八分二釐又各站等處所用燈油共支湘平銀四百七十四兩四錢九分八釐又所用紙張筆墨及添置零星器具一切雜用共支湘平銀三百三十二兩一錢八分五釐又火車撞傷民人酌給醫藥等費共支湘平銀四十二兩三錢六分五釐又各車站站長司票驗票等薪水伙食共支湘平銀四千五十五兩八錢六分七釐又各站站丁分路夫搖水夫等工食共支湘平銀三千一百一十二兩九錢七分一釐又各站所用紙張筆墨及零星添置修理等項共支湘平銀六百一十一兩三錢一分一釐又全路電報生等薪水伙食共支湘平

銀二千五十兩六錢五分三釐又電報工頭工食共支湘平銀一百八十一兩四錢四分又轉運處開車匠役等工食共支湘平銀八千二百七十二兩三錢又機車所用煤炭共支湘平銀一萬四千一百六十二兩八錢四釐又行車所用機油汽油車油茶油洋油等共支湘平銀二千八百三十八兩四錢一分二釐又行車所用材料電料及車票等共支湘平銀二千八百六十一兩一錢三分又警察各局分局長檢事等薪水公費共支湘平銀一千四百六十三兩四分又巡長警兵等口糧共支湘平銀二千五百八十一兩四錢七分又警察各局所用燈油共支湘平銀一百二十四兩八錢七分八釐又警察各局置辦警帽警衣及褲靴等共支湘平銀七百八十五兩八錢五分一釐

又警察各局零星雜用共支湘平銀一百一十六兩二分九釐以上九個月共支湘平銀四萬九千九百一兩四錢六分八釐以湘平一百兩合庫平九十六兩統合庫平足銀四萬七千九百五兩四錢九釐以散合總均屬相符擬准照銷

一册開廠務處費用項下共庫平足銀二萬八千九百一十二兩五錢四分五釐

查前項係該路洋工程師華繙譯處及車輛處司事等薪水伙食共支湘平銀五千一百五十三兩九錢四分五釐又修車機鐵等匠工食共支湘平銀五千七百五十七兩八錢九分八釐又車輛處零星雜用共支湘平銀一百一十九兩九錢四釐又修理機車客車貨車各工料共支湘

140-6-1 218

平銀一萬八千四十一兩一錢一分五釐又管理物料員
司薪水伙食共支湘平銀四百八十四兩七錢九分又看
管物料丁役工食共支湘平銀二百七十八兩九錢七分
三釐又物料所油燭煤炭紙張筆墨一切雜用共支湘平
銀二百八十兩六錢二分九釐以上九個月共支湘平銀三萬
一百一十七兩二錢三分五釐以湘平一百兩合庫平九
十六兩統合庫平足銀二萬八千九百一十二兩五錢四
分五釐以散合總均屬相符擬准照銷

一册開養路處費用項下共支庫平足銀三萬四千三百二
十三兩九錢九分六釐

查前項係全路監工等薪水伙食共支湘平銀九百五十
五兩四錢三分五釐又全路巡修工人及柵夫橋夫等工

路政 經費詳核鐵路收支各款清單四

九

食共支湘平銀一萬四千五十九兩一錢四分六釐又全
路添換枕木鉤釘墊板及各項零星料件共支湘平銀一
萬八千六百四十一兩三錢三分五釐又全路工房所用
燈油等項共支湘平銀三百一兩八錢四分二釐又保路
紳士薪水伙食共支湘平銀一千三百六十九兩四錢三
分三釐又鐵路基地錢糧及租用礦局地租共支湘平銀
四百二十六兩九錢七分一釐以上九個月共支湘平銀
三萬五千七百五十四兩一錢六分二釐以湘平一百兩
合庫平九十六兩統合庫平足銀三萬四千三百二十三
兩九錢九分六釐以散合總均屬相符擬准照銷
一册開額外用款項下共支庫平足銀四千一百一十兩四
錢七分九釐

查前項係添造安源車站火車房司事住房廚房堆料廠
屋等工料共支湘平銀三千六百兩四錢三分六釐又光
緒三十四年十一月會勘涿昭路基川資伙食一切用費
共支湘平銀六百八十一兩三錢一分三釐以上共支額
外費用湘平銀四千三百八十一兩七錢四分九釐以湘
平一百兩合庫平九十六兩統合庫平足銀四千一百一
十兩四錢七分九釐以散合總均屬相符擬准照銷
以上通共准銷庫平足銀一十二萬四千九百二十二兩五
錢一分二釐

實在項下

一册開光緒三十四年十二月底止結存庫平足銀一十萬
三千六百五十三兩三錢四釐

查該册管收與支出兩抵合符前數所有結存銀兩應歸
入下年造報

宣統元年分

上年結存項下

一册開光緒三十四年年底結存庫平足銀一十萬三千六百五十三兩三錢四釐

查與上年年底存款相符

新收項下

一册開車脚進款等項共收庫平足銀四十萬五千七百一十七兩三錢九分九釐

查前項進款係宣統元年分車脚項下計收湘平銀四十一萬九千五百九十兩六錢一分八釐廢棄物出賣及

賠償毀傷物品收湘平銀一千六百八十六兩二釐餘業
租息收湘平銀一千三百四十五兩六錢七分一釐以上
共收湘平銀四十二萬二千六百二十二兩二錢九分一
釐以湘平一百兩合庫平九十六兩統合庫平足銀四十
萬五千七百一十七兩三錢九分九釐核校相符

開除項下

一册開車務局費用項下共支庫平足銀一萬四千二百一
十四兩二錢九分一釐

查前項係該路車務局員司薪水伙食等項共支湘平銀
九千九百四十二兩八錢六分八釐又親兵轎夫厨夫水
夫更夫公丁跟丁雜役等工食共支湘平銀一千六百一
十四兩四錢二分七釐又員司因公往來川資夫馬並專

差路費夫力飯食等共支湘平銀六百九十九兩五錢七分八釐又所用筆墨紙張等項共支湘平銀一百三十四兩一錢五釐又因公發出各處電報費及郵票等共支湘平銀三百一十六兩七錢一分一釐又添買零星器具什物等件共支湘平銀一百四十兩七錢九分九釐又零星修理房屋共支湘平銀八十五兩一錢三分七釐又所用油燭煤炭及年節員司便飯弁兵丁役賞犒一切零星雜用共支湘平銀一千四百四十一兩七錢三分一釐又鐵路地基應完錢糧及租用鑛局地租共支湘平銀四百三十一兩一錢九分七釐以上共支湘平銀一萬四千八百六兩五錢五分三釐以湘平一百兩合庫平九十六兩統合庫平足銀一萬四千二百一十四兩二錢九分一釐以

散合總均屬相符擬准照銷

一冊開行車處費用項下共支庫平足銀二萬九千八十五兩一錢四分

查前項係該路運輸處員司薪水伙食公費等項共支湘平銀七千四百二十九兩五分五釐又丁役工食共支湘平銀一千四百六十三兩二錢七分八釐又所用紙張筆墨等件共支湘平銀一百三十兩七錢三分九釐又添置零星器具什物等件共支湘平銀一百六十七兩六錢九分二釐又所用油燭煤炭及一切零星雜用共支湘平銀一百八十一兩四錢五分又司事病故撫卹及火車撞傷人民酌給醫藥等費共支湘平銀五十四兩二分一釐又各車站站長司票驗票等薪水伙食共支湘平銀六千一

百二十四兩二錢三分三釐又站丁分路夫工食共支湘
平銀二千五百八十二兩七分九釐又添購車票共支湘
平銀三百四十四兩一錢一分九釐又添置零星器具共
支湘平銀一百一十八兩四錢二分四釐又所用紙張筆
墨等件共支湘平銀一百九十四兩一錢六分六釐又所
用燈油共支湘平銀四百三十八兩六錢九釐又零星雜
用共支湘平銀四十四兩九錢四分七釐又安源兩站司
票二人病故郵費及撞斃湖北飢民棺殮等費共支湘平
銀一百四十八兩二錢五分四釐又電報房報生等薪水
伙食共支湘平銀二千三百兩七錢九分四釐又電報工
頭工食共支湘平銀二百六十兩一錢三分九釐又所用
電報材料並添置電機等共支湘平銀一千二百二十二

兩八錢一分八釐又所用抄報紙等共支湘平銀二百二十九兩二錢七分八釐又零星雜用共支湘平銀七十六兩四錢二分六釐又陽站報生一人病故給予撫卹湘平銀二十八兩三錢八分又警察各局分局長檢事等薪水公費共支湘平銀二千一百一十四兩九錢三分六釐又巡長巡兵等口糧共支湘平銀三千七百一十五兩四錢四分又所用燈油共支湘平銀一百六十五兩七錢二分二釐又置辦警帽警衣及辦靴等共支湘平銀五百七十四兩六錢四分三釐又修理房屋工料共支湘平銀四十四兩一錢九分八釐又零星雜用共支湘平銀九十七兩五錢三分又幫同巡路防營哨弁警兵病故受傷酌給棺殮醫藥等費共支湘平銀四十九兩六錢五分一釐以上共

支湘平銀三萬二百九十七兩二分一釐以湘平一百兩
合庫平九十六兩統合庫平足銀二萬九千八十五兩一
錢四分以散合總均屬相符擬准照銷

一册開版務處費用項下共支庫平足銀七萬四千九百六
十九兩二錢六分三釐

查前項係車輛處監工管料等司事薪水伙食共支湘平
銀一千二百一十八兩五錢五分九釐又所用零星料件
共支湘平銀二百五十九兩三錢四分九釐又修理房屋
工料共支湘平銀四百六十五兩一錢八分二釐又開車
匠役工食共支湘平銀七千六百六十二兩六釐又機車
升火夫工食共支湘平銀二千九百八十三兩七錢九分
二釐又火車廠擦車及全路添水夫等工食共支湘平銀

一	十	四	上	四	一	一	一	一	一	一	一
---	---	---	---	---	---	---	---	---	---	---	---

丁役工食共支湘平銀三百九十三兩一錢五分三釐又
修理房屋工料共支湘平銀二十五兩九錢四分九釐又
油燭煤炭紙張筆墨一切雜用共支湘平銀四百四十八
兩四分九釐以上共支湘平銀七萬八千九十二兩九錢
八分三釐以湘平一百兩合庫平九十六兩統合庫平足
銀七萬四千九百六十九兩二錢六分三釐以散合總均
屬相符擬准照銷

一册開養路處費用項下共支庫平足銀五萬五千八百四
十九兩六分九釐

查前項聘用洋工程司華繙譯及監工等薪水伙食共支
湘平銀八千四百六十八兩三錢七分二釐又洋工程司
監工等雜費共支湘平銀一百七十四兩二錢七分四釐

又全路軌道經用枕木墊板鈎釘石子等價值運費及巡
修工人工食共支湘平銀四萬一千二百六十一兩五錢
二分八釐又全路各橋梁修理工料並看橋夫工食共支
湘平銀一千八百六十四兩一分又修理各車站工料共
支湘平銀五百六十兩二錢二分五釐又修理沿路道房
工料並道夫燈油等共支湘平銀九百四十一兩九分五
釐又全路柵夫工食共支湘平銀二千二百六十四兩七
分四釐又修理電杆電綫小工工資共支湘平銀一兩八
錢六分一釐又修理軌道經用洋錫鐵鉗各器具共支湘
平銀七百二十二兩五分七釐又保路紳士薪水伙食共
支湘平銀一千九百一十八兩六錢八釐以上共支湘平
銀五萬八千一百七十六兩一錢四釐以湘平一百兩合

庫平九十六兩統合庫平足銀五萬五千八百四十九兩
六分九釐以散合總尙屬相符擬准照銷

一册開額外用款項下共支庫平足銀五萬二千四百四十
兩五分六釐

查前項係建造行車總管住房一所及安源車站添造房
屋四間工料共支湘平銀二千九百九十五兩又訂購大
貨車二十輛及電費滙水等共支湘平銀四萬四千八百
四十三兩一錢五分七釐又添置車牀一部及水脚共支
湘平銀六千七百八十六兩九錢一釐以上共支湘平銀
五萬四千六百二十五兩五分八釐以湘平一百兩合庫
平九十六兩統合庫平足銀五萬二千四百四十兩五分
六釐擬准照銷

一册開撥解部款項下庫平足銀一十萬一千五百二十五兩五錢六分一釐

查前項係光緒三十四年分行車餘利湘平銀一十萬五千七百五十五兩七錢九分三釐以湘平一百兩合庫平九十六兩共合庫平足銀一十萬一千五百二十五兩五錢六分一釐於宣統元年閏二月撥解到部轉撥給開徐海清鐵路作爲開辦經費核覆相符擬准照銷

以上統共准銷庫平足銀三十二萬八千八十三兩三錢八分

實在項下

一册開宣統元年年底共結存庫平足銀一十八萬一千二百八十七兩三錢二分三釐

查該冊管收與支出兩抵合符前數所有結存銀兩應歸
入下屆造報核銷

奉直地方驗疫完備派醫隨車查驗擬即次第開車摺

奏爲奉直地方籌辦驗疫完備臣部並已派醫隨車查驗擬即次第開車以期兼顧交通挽回權利而安人心恭摺具陳仰祈聖鑒事竊自上年東三省時疫流行蔓延關內迭奉諭旨嚴密防範當將籌辦方法並暫停京奉火車情形會同外務部民政部具奏陳明仰邀聖鑒伏思各國防疫之法治本莫要於清潔衛生治標莫亟於查驗消毒二者皆籌備於平時始克施行於臨事具有必須遮斷交通者乃令有疫人與無疫人隔斷居處實未嘗停止舟車來往並無疫者而悉禁絕之也誠以查驗既經實行則疫氣既無傳染之虞自有弭消之效此次東三省鼠疫發生祇以中國向來防疫機關不備不得不暫停火車以爲救急嚴防之計迄今數月內外臣工欽遵諭旨合力籌辦首以驗疫爲扼要方法直奉兩省

經該督臣奏明籌款設所分別留驗京城地方由民政部督率防疫局診驗兼施倍形嚴密比以北洋開凍在即直隸督臣復經訂定查驗船舶章程於水陸交通一律防範而京漢一路防疫南傳亦經湖廣督臣設立驗疫公所並臨時醫院分別辦理至車上驗疫之事係臣部專責已經延聘專科洋醫及各醫院西洋學生分派京奉京漢兩路隨車查驗如有疫病發見即送各該地方官醫院隔離診治沿途車站如有染疫未淨之處並飭停售車票祇裝貨物以昭慎重現據各處報告疫氣日漸消退詢之東西醫官僉謂天氣融和此疫自然衰滅但此類傳染疫症起伏無常殊難逆料故外國有常備防疫之謀而無久阻交通之法揆之周官月令亦言三時逆疫懲前愆後必須講求衛生防疫標本並治雖不免有經常之費而於國計民生兩有關係臣部計自京奉火車停駛

已將兩月僅就路利而言所失殆逾百萬提還洋債本利益苦不支即國家稅項人民商業隱被損害尤難縷計坐視俄日鐵路行駛自如長此阻停不特貽笑外人深恐以後動鑿前車則鐵路受損無窮必至貽累國家殊非淺鮮現在驗疫機關漸臻完備自應嚴飭在事人等分任責成切實辦理臣等與外務部民政部暨奉直兩省督臣往復籌商意見相同並據督臣陳夔龍函稱關內疫氣漸清除灤州昌黎北戴河三處暫停售票其餘各站一律售票開車至關外續行開車擬於瀋陽營口山海關各設留驗所驗明給照放行山海關係直督轄屬已飭據司局擴充布置其瀋陽營口兩處留驗所應由奉省辦理等語除已電奉天督臣錫良等籌備並飭京奉路局遵辦外所有奉直地方籌辦驗疫完備臣部並已派醫隨車查驗次第開車以期兼顧而定人心緣由理合恭摺

具陳伏乞皇上聖鑒訓示謹奏

宣統三年二月初七日具奏欽奉諭旨郵傳部奏奉直地方籌辦
驗疫完備並已派醫隨車查驗次第開車一摺知道了欽此

議覆東督奏請協助檢疫所經費摺

奏爲遵旨議奏恭摺仰祈聖鑒事宣統三年二月初十日軍機處片交欽奉諭旨錫良電奏籌辦檢疫所及以後額支經費爲數不資請飭郵傳部酌量協助等語著郵傳部議奏欽此欽遵到部原奏內稱鐵路爲營業性質設備不周疫氣傳染該處之損失必多是防疫之事鐵路固應擔負惟同屬國家之事原無畛域之見是以前經郵部電商京奉路局建築留驗所即引爲己責嗣因舟車水陸處處應設驗疫所同時並舉財力不繼今郵傳部奏定辦法自當遵照勉爲其難迅速籌備惟開辦以後額支經費爲數不資路局平時既獲利益有事似不能不爲分任可否飭下郵傳部酌量協助等語查防疫爲地方行政此次東省設備驗疫建築水陸各處檢疫所均需籌款辦理爲數甚鉅自係實在情形該督以經

費不支擬請酌量分任亦係萬不得已之舉京奉火車直達該省
關繫尤密如果臣部財力稍充可以挪撥斷無不設法協籌惟自
去冬京奉停車以後客貨不行損失殆逾百萬京漢亦因驗疫大
受影響現京奉雖經奏准開行而瀋陽溝幫子營口各處以及山
海關驗疫所至今尙未落成仍難照常開駛且欲沿途留驗耽擱
日期行人皆有戒心而南滿洲鐵路藉此竭力招徠已有叢爵淵
魚之象則我關外鐵路即使如常行車而損失之數尙不可以豫
計加以延聘專科洋醫及各醫院西學醫生購備器具藥料並分
派京奉京漢兩路隨車查驗人員需費亦屬不貲俱由兩路進款
暫行支撥現計京奉收入除營業支出外以之提還借款本息不
敷尙鉅尙不知如何籌措此次奉省防疫地方需用經費再四籌
思臣部實屬無從協助應請飭下該督仍遵臣部前奏另行籌款

辦理以重要政而衛民生所有違旨議奏緣由理合恭摺具陳伏
乞皇上聖鑒謹奏

宣統三年二月十七日具奏欽奉諭旨郵傳部議覆奉省防疫地
方需用經費實屬無從協助一摺著依議欽此

擬訂正金銀行借款合同摺附合同

謹將郵傳部與正金銀行擬訂借款合同繕具清單恭呈御覽現因大清國郵傳部爲清還鐵路官款需用日本金幣一千萬元定於宣統三年二月 日即明治四十四年三月 日在北京訂立此合同其訂立之人一面爲郵傳部代中國國家訂立合同一面爲橫濱正金銀行此後名爲銀行茲議訂條款如左

第一款 中國國家在銀行承辦五釐利息金幣借款數目日本金幣一千萬元此借款應自出售債票之日起算名爲宣統三年中國國家鐵路五釐利息借款債票

第二款 此項債票價值言明照虛數九五扣交納即每金一百元寔付金九十五元中國按附表還本仍照票面虛數交付即每金一百元寔付金一百元

第三款 此次借款利息按票面數目虛數常年五釐即每本金一百元支利金五元每半年一次交付銀行轉交執票人此項利息須俟銀行將收到債票之金元數目知照郵傳部歸入郵傳部存款項下之日起算由中國國家照此合同附表數目每半年一次先由京漢鐵路進項除光緒三十四年九月十四日即西歷一千九百零八年十月八號所定應還外債之本利又同日所訂應還收贖京漢鐵路公債之本利外按期按數交付倘或進款不敷應交之數即由中國國家以爲合宜之別項進款交付並於到期之十日前交付銀行此款及本合同各款所載各期限須照陽歷計算

第四款 此借款以二十五年爲期自出售債票之日起至第十一年止每年抽籤還本其應付之數須照此合同附表數目

每年一次先由京漢鐵路進項除光緒三十四年九月十四日即西歷一千九百零八年十月八號所定應還外債之本利又同日所定應還收贖京漢鐵路公債之本利外按期照數交付倘或此進款不敷應交之數即由中國國家以爲合宜之別項進款交付須於到期之十日前交付銀行

第五款 此次借款由出售債票之日起至第十年後無論何時若中國國家欲將合同附表所載未到期之股本全還或額外多還若干均可照辦但須第十一年起至二十年止須照債票上數目每日金一百圓給付日金一百零二元半第二十年後仍照票面之數交款惟每次預還若干中國國家應於六個月之前由郵傳部知會銀行以其預還之數在常年抽籤之日期多加抽籤號數

第六款 銀行爲經理此借款之機關其每年應還本利除第三款及第四款詳載外照此合同附表數目日期由郵傳部或在上海或在天津以上海規銀或天津紋銀交付俟新國幣通行即以國幣交付銀行足數按期應在日本交還金幣之數其匯價與銀行照當日市價訂定郵傳部亦可於前六個月之內任選一日或數日與銀行預行照市商訂匯價若中國國家遇有金幣實在存在日本或實在存在歐美欲提用交還本利亦可用金幣付還但不得爲此故由中國匯去每年付還借款之本利銀行每金一千元計收用金二元半即一萬分之二十五作爲經理費用

第七款 此借款本利中國國家保其全還若京漢鐵路進款不敷全還本利之數郵傳部奏明中國國家設法以別項款補

足按期交付銀行清還本利

第八款 此次借款言明以中國江蘇漕糧折價度支部進款庫平銀一百萬兩作爲頭次抵押並無轉轄如遇應付本利之期倘有不能照付中國國家當飭該管官府應將該進項交與銀行收受以保執票人之利此借款全未還或未還清之先以上所指抵押之款如有續行抵押仍須將此借款本利儘先償還不得在將來所訂一切借款債務之後將來若再訂立抵押此項進款之借款必須在合同內載明所有應付還本利等事俱在此借款之後辦理等語並於未訂合同之前須先向銀行知照

第九款 此借款全數准銀行印發債票其式樣由銀行商同中國駐日出使大臣酌定或用中日兩文或用中日英三文均

隨其便

簽字之名及其印信均摹刻於上又因在日本

辦理債票並由中國駐日出使大臣將其關防及其簽字之名摹刻於上以示中國國家允准及承認發售此項債票銀行代表人亦在債票上簽押作為發售此項債票經理人倘此借款發出之債票或遺失或被竊或經焚燬銀行隨即知照郵傳部及中國駐日出使大臣飭知銀行在新聞紙上刊發告白聲明已失之票不能憑以取金並設法按各國例章妥為辦理所需費用由銀行自備

第十款 所有此借款之債票息票以及收付各款在借款期內不納中國各樣釐稅

第十一款 所有借款招帖以及付利還本一切詳細辦法未經本合同詳載者由銀行會商中國駐日出使大臣酌定俟此

1907. 2. 29. 2. 071

合同簽字後即准銀行出此借款招帖中國國家飭中國駐日出使大臣遇有應會同辦理之事與銀行協同酌辦並可將此借款招帖簽字

第十二款 此借款債票俟此合同簽字後銀行應允從速一律全數出售自出售債票之日起銀行應將收到債票之金元數目知照郵傳部歸入郵傳部存款項下聽候郵傳部提用此款或隨時匯交中國或匯寄別國或暫存日本生息均聽郵傳部知會銀行經手隨時照辦

第十三款 銀行應允此合同簽字之日起一月之內先備款項以日金二百萬元為度聽憑郵傳部提用自提用之日起按週年六釐起息俟銀行第一次收到債票金元後即先將此款連息一併扣除若用此款匯寄存放統照第十二款後段辦理

第十四款 此合同於宣統三年二月 日即明治四十四

年三月 日欽奉諭旨允准 簽字並由外務部照會

大日本駐北京出使大臣

第十五款 本合同繕寫中日英文各五份中國國家存三份
銀行存二份

本合同如有意義可疑之處以英文爲準

宣統三年二月 日在北京簽定
明治四十四年二月

洛潼路線擬請援案穿過新安城垣摺

奏爲洛潼路線擬請援案穿過新安城垣恭摺會陳仰祈聖鑒事
據河南洛潼鐵路公司呈稱查洛潼鐵路當測標定綫之初原擬
穿過新安縣城東南隅循奎樓山麓置軌業經繪具綫圖分呈有
案在事諸紳以穿城究多周折另籌繞越辦法遂同原勘工程司
並工學專家再四履勘商由鳳嘴山依瀾河臨流而渡據稱瀾河
曲折紆迴底深流急於五華里之遙須連建長橋三處工艱費鉅
猶其餘事夏秋之交山水漲發實多危險旋又會商董事局及駐
京議事會僉稱權衡輕重請仍照原勘圖綫由新安縣城穿行擬
於東南兩面各闢一門爲火車出入之道再於城內一面築一高
墻以爲屏蔽既無損於城垣亦無礙於守禦擬請奏明遵辦等情
當經臣部咨由臣寶棻轉飭勸業道暨新安縣知縣詳細查覆茲

據詳稱查原勘圖綫係從新安縣城東南隅奎樓山下築土安軌
穿行之地均屬空曠該處並無居民房舍商之士紳亦皆意見相
同並於穿通兩面各開一門以嚴防守與地勢居民皆無妨礙等
情查軌綫所經與城相值苟可繞越自應設法遷就惟該城適當
路衝使必令其繞越鳳嘴山循河渡流不特勞費滋多亦恐行車
危險查四川川漢路綫由歸州城穴垣通過一案於宣統二年經
臣部核議奏奉諭旨允准在案洛潼路綫事同一律並亦查明均
無窒礙擬請准其援案辦理以順地勢而便交通所有洛潼路綫
擬照成案由新安城垣穿過緣由謹恭摺會陳伏乞皇上聖鑒訓
示再此摺係郵傳部主稿會同河南巡撫臣寶荃辦理合併聲明
謹奏

宣統三年二月二十七日欽奉諭旨

會核正太鐵路第二案收支各款摺

奏爲會核正太鐵路第二案收支各款繕具清單恭摺仰祈聖鑒
事竊准前督辦鐵路大臣唐紹怡將正太鐵路第二案收支各款
造具清冊送部請銷前來查正太第一案報銷截至光緒三十一年
十一月初四日止係臣宣懷督辦案內業經造冊咨部會核奏
銷在案此次接續前案計自光緒三十一年十一月初五日起至
三十二年十一月十六日止即西歷一千九百零五年十二月分
起至一千九百零六年十二月分止管收項下共公砵銀七百四
十九萬八千一百七十兩五錢九分支款項下共公砵銀五百三
十三萬七千七百七十四兩四錢實在項下共結存公砵銀二百
一十六萬三百九十六兩一錢九分臣等當即督飭司員按款覆
核惟查開除一項冊列第二十四號三十六號六十六號六十九

號及八十五號各支票散總間有不符業經飭局詳查據覆遵即逐一核對局存清冊底本尙無錯誤係重鈔送部之冊間有脫落字數或誤寫字數應請更正等情當即調取該局清冊底本按款覆核所有脫落誤寫均係實情已令更正以散合整均屬相符擬請開銷現該路隸屬郵傳部嗣後第三案報銷自應援照京奉路局辦法由郵傳部飭局直接報部轉咨度支部會核請銷此外尙有該大臣經手各路未經報銷等案仍應接續報部以重路款所有核覆正太鐵路第二案收支各款報銷緣由理合恭摺會陳伏乞皇上聖鑒再此摺係郵傳部主稿會同度支部辦理合併聲明謹奏

宣統三年三月初八日具奏欽奉諭旨郵傳部會奏正太鐵路第二案收支各款一摺知道了欽此

謹將核覆正太鐵路自光緒三十一年十一月初五日起至三十二年十一月十六日止即西歷一千九百零五年十二月分起至一千九百零六年十二月分止收支各款開具簡明清單恭呈御覽

計開

舊管項下

一據冊開接收前督辦盛大臣移交結存借款等項共公砵銀七百三十八萬九千三百六十五兩六錢六分

新收項下

一據冊開收試辦行車進款共公砵銀十萬零四千零四十五兩三錢六分查前項客貨車脚按月列表詳報以散合總數目相符

一據冊開收各項工頭寄存攬辦工程押款共公估銀四千七百五十九兩五錢七分查前項押款按冊核對逐月寄存之款除陸續撥還外現存數目相符

以上共收公估銀一十萬零八千八百零四兩九錢三分

管收共公估銀七百四十九萬八千一百七十兩零五錢九分

開除項下

一據冊開支該路全年用款請銷公估銀五百七萬二千三百四十五兩二錢二分查前項支款內法京公司洋員薪費及在路華洋員公費薪水路費日費暨借款利息併一切雜款共支公估銀二百十四萬五千二百二兩八錢三

分查該支款內工程洋員法迫應給炭費洋五元繙譯曾
毓嵩應給馬費銀十四兩均於騰寫清冊時脫落又公事
房聽差二名應給辛工洋七元筆誤作洋十元致散總不
合業經核對底冊更正適符前結之數購地等項共支公
砵銀七萬七千八百七十八兩九錢八分又土方共支公
砵銀三十七萬八千三十兩四分又各項工程共支公砵
銀五十三萬八千九百三兩二錢六分查該支款內洋監
工德威麥兒轄下修路小工九十八工共洋二十元五角
八分漏寫二十元藍粉五十三斤價錢四十二千四百文
漏寫四十千致總散不符業經核對底冊更正適符前結
之數又購電機葬器共支公砵銀九千六百二十三兩八
分又修造車站屯棧房屋共支公砵銀五萬六千一百七

十兩五錢六分又軌道工料共支公砵銀六十萬八千二百八十三兩二錢二分又購置機件共支公砵銀一百十四萬四千四百六十七兩一錢五分又行車器具共支公砵銀三萬一千二百五十兩八錢三分又購備用物件共支公砵銀六十三萬五千八十二兩九錢三分以上統共支公砵銀五百六十二萬四千八百九十三兩五錢八分除收回各款公砵銀五十五萬二千五百四十八兩三錢六分外實應支公砵銀五百七萬二千三百四十五兩二錢二分按照月報表冊逐一核對與總冊結算數目尙屬相符擬准開銷

一據冊開支法鑄佛郎兌價積虧共公砵銀二十六萬五千四百二十九兩一錢八分查前項鑄虧係自開辦起至西

歷一千九百零六年十二月底止支用各款所虧之數前該路借款訂立合同時以三佛郎三十三生丁零三分之一合公法銀一兩嗣因佛郎價值日見增長所有佛郎兌銀價值因之隨時漲落不同以後均照支數計加盈虧另行登帳前屆報銷冊內曾經聲明有案查係照案辦理應准支銷

以上共支公法銀五百三十三萬七千七百七十四兩四錢

實在項下

一據冊開結存公法銀二百一十六萬三百九十六兩一錢九分查收支相抵應存公法銀核符前數此項存款應歸入下屆造報再行核辦

--	--	--	--	--	--	--	--	--	--	--	--

懇准將京奉鐵路應撥北洋二成餘利暫行停解片

再查京奉鐵路餘利年撥二成爲北洋經費之用前於光緒三十三年二月由前北洋大臣袁世凱奏准在案歷年以來該路幸有盈餘故得按月撥解迄至宣統二年十一月即西上年十二月止均經陸續清解自宣統二年十二月即西本年正月起因關內外防避疫氣阻礙該路交通客貨驟減是月收支相抵計不敷洋十六萬餘元之多寔無餘利可以撥付當經京奉路局稟請緩撥有案查臣部官路補虧及展路工程修養各項僅資京漢京奉兩路餘利項下撥濟即此次辦理防疫各處皆請度支部協借鉅款臣部以近畿所在義無可辭悉索從公不敢請帑更以停車數月東三省直隸省搭客貨物悉讓南滿洲外路攬收以致京奉進款頓失大宗比較前屆虧損至二百萬之多目下關內疫氣雖已全消

而出關工人瀋陽尙復退回似此情形將來即使全路通行而大連灣已成熟路京奉元氣已傷規復寔非容易車價盈餘之數能否復如舊日恐無把握况洋債本息待償有期張綏工程指撥尤急事關邊防外債不能稍緩須臾凡此爲難情形當爲疆臣所共諒合無仰懇天恩飭下北洋大臣准將京奉鐵路西本年正月起應撥二成餘利暫行停解以紓重困而免貽誤所有擬請緩撥北洋經費緣由理合附片具陳伏乞聖鑒訓示謹奏

宣統三年三月初八日具奏奉旨依議欽此

奏陳張綏鐵路續辦情形並派員督理摺

奏爲張綏鐵路續辦情形並派員督理以專責成恭摺仰祈聖鑒事竊查張綏鐵路一綫係由京張展築關係西北交通臣部業將該路辦法迭次奏明並派京張總會辦詹天佑等一手經理各在案惟該路工費並無專款係擬就京奉車利項下提撥本屬不敷甚鉅而監工又無專員係派詹天佑兼辦先爲川路公司訂充總工程司繼爲粵路公司舉充總理呈由臣部奏派業於去年十月赴粵任事其手下工程司亦隨往數人且時當凍澁不易施工以致暫時停輟現在臣部勉籌的款並電調張工熟手二員值此天氣融和亟宜趕緊接續開工以速進步惟該總辦詹天佑粵路任事礙難調回自應遴員督理俾專責成查有臣部候補員外郎鄭誠諳習路工堪以派充張綏總辦仍兼京張會辦其京張總辦一

差即派關冕鈞改充並令會辦張綬鐵路藉收互相聯絡之效所
有續辦張綬鐵路暨派員督理緣由恭摺具陳伏乞皇上聖鑒訓
示謹奏

宣統三年三月二十八日具奏欽奉諭旨郵傳部奏張綬鐵路續
辦情形並派員督理一摺著依議欽此

四川川漢鐵路公司換給關防摺

奏爲四川川漢鐵路公司換給關防俾資信守恭摺仰祈聖鑒事
據四川川漢鐵路公司呈稱公司原領木質關防鈐用日久字迹
漸就磨滅難於辨認恐不足以資信守茲將原領總理四川川漢
鐵路事宜關防摹印式樣懇請另刊木質關防發交換用一俟頒
發到日再將舊用關防截角繳銷等情查四川川漢鐵路公司關
防業於光緒三十四年九月十四日由臣部奏明刊給在案現在
該關防鈐用日久字迹模糊呈請改刊應即由臣部按照原式原
文另刊木質關防一顆發交該公司祇領開用以資信守至舊關
防應飭該公司俟新刊關防頒到後即行繳部銷燬所有四川川
漢鐵路公司換給關防緣由謹恭摺具陳伏乞皇上聖鑒訓示謹
奏

宣統三年四月初八日具奏奉旨依議欽此

議覆石長信奏鐵路亟宜明定幹路枝路辦法摺

奏爲遵旨議覆事竊於四月初六日欽奉上諭給事中石長信奏鐵路亟宜明定幹路枝路辦法一摺該給事中所奏不爲無見著郵傳部按照所奏各節妥籌議奏欽此仰見朝廷慎重路政採納羣言之至意莫名欽服竊維辦天下大事難事必經實驗而後知其難易又必臨機定斷而後免其游移已故大學士張之洞老成謀國於粵漢川漢鐵路之事計畫最深幾經試驗乃恍然於書生空論難以實行重定國家籌款造路之策以赴事機而正從前築室道謀之誤此蓋有識之士大夫所共諒其苦衷也總以環球大勢皆以趕造鐵路爲治內禦外之惟一政策我國幅幘廣闊欲謀行政之統一必須路綫之交通又況天富中原饒於地利若無鐵路之風馳電掣朝發夕至則數萬里之膏腴沃壤其將何以保全

利益鞏固邦基然欲造路縱橫四達則非國家出以全力斷難辦到聞德國於數十年前民間亦欲造路而聚訟多年一路不成該政府洞見國家如此重大要政將爲民間牽掣所誤於是毅然定策悉歸國有不久即四通八達基布星羅今日德國餉源之最大者即鐵路進款是也此誠可爲中國前事之師矣近年以來邊防日亟疆臣輒以籌造邊陲鐵路爲救國第一策然欲修邊路必先通腹路若不有腹路徵調之神速何以固邊路之防護不有腹路營業之進款何以供邊路之修養今或置內地幹路爲不急之務而欲侈設國防是何異建高樓而不墊平地濬百川而不探河源也查各省商辦鐵路自批准之後苟能隨時集款隨時興工則六七年來亦必已有成就雖終不能化門戶鄉土之見他年再援日本之例買歸國有亦何不可而無如經理之人或植黨以營私或

蹈虛不務實集茲鉅款已由閩閩搜括而來乃猶不免虛糜坐耗甚至侵挪倒帳失之於董司之手者仍必索之於小民此皆苦於當局者程度不足副其責成以致路工濡滯耗費浩繁皆出於意料之外不知鐵路不能完工則所入必不敷所出遑論股分之息是欲利地方而適所以害地方也該給事中所奏利害間不容髮者速成之利國與民共之延誤之害實亦國與民共之也諭旨嘉其不爲無見臣等謹按原奏各節皆屬詳盡而其要尤在幹路收歸國有迅速籌辦枝路則仍可由商民量力辦理此爲要領臣部經與外務部度支部王大臣再四面商意見相同惟從前批准商辦各案並不分別幹路枝路且有已定官辦而又續准商辦又有已定商辦而又續改官辦更有一幹路而使官商錯雜其間不特將來路政無以收統一之效即目前馭下亦未免軒輊實不足以

成政策如該給事中所奏國計民生兼籌明定統一之法似不可
再事因循應請聖明裁斷並懇明降諭旨曉示天下俾臣民共知
遵守所有遵旨議覆緣由是否有當伏祈皇上聖鑒訓示謹奏

粵漢川漢鐵路借款正合同簽字難延請將前案取銷片

再光緒三十四年五月二十日奉上諭鐵路爲交通大政利商賑
災運兵轉餉以及開通風氣振興實業胥賴乎此近年來各省官
辦鐵路皆能剋期竣工成效昭著而紳商集股請設各公司奏辦
有年多無起色坐失大利尤礙交通著郵傳部遴派委員分往各
路確實查勘各路工程應分幾年告竣公司股本能否按年接濟
一面妥擬辦法嚴定期限倘所集股資不敷尙鉅或各存意見即
由該部會同該管督撫另籌辦法等因欽此當由臣部派員查勘
據實奏明在案又查接管卷內是年六月奉上諭大學士張之洞
兼充督辦粵漢鐵路大臣欽此十一月該大學士奏湖北湖南路
工緊要請調員來京議定借款十二月奉上諭張之洞兼爲督辦
鄂境川漢鐵路大臣欽此宣統元年六月草合同簽字名爲川粵

漢鐵路四國銀行借款數至英金六百萬鎊八月二十四日奉上諭粵漢鐵路鄂境川漢鐵路事宜着郵傳部妥協接辦欽此臣部自接辦以來見諸湖南巡撫及兩省京官以籌款有著力陳廢約情形奉旨交臣部知道者前後七次外務部轉到英德法美四國駐使以張之洞係國家代表草約已畫即爲成議催定正約者前後文咨不下十餘次所持之說大相逕庭臣部與外務部屢次熟商對內對外迄無兩全之策近日四國駐使照會外務部允將支路不包括在內此項正合同簽字之期毋庸再行延擱等語由外務部咨行臣部從速核復惟查臣部上年二月批准湖北京官設立公司招股立案四月照會湖南公司嘉許進行均經知會外務部有案本年三月十四日湖南巡撫電奏又堅持拒款奉旨郵傳部知道欽此欽遵臣部詳核案由尙屬兩歧若不將前案先行

取銷則借款合同似難簽字除咨復該部查核外事關大局勢難
久延究應如何辦理之處理合附片密陳伏乞聖明一併裁奪施
行謹奏

A large rectangular table with 12 empty columns and a header row. The table is oriented vertically on the page. The header row is at the top, and the 12 columns are empty. The table is enclosed in a double-line border.

2082

粵漢川漢鐵路借款合同磋商定議簽字蓋印摺

奏爲遵旨接辦粵漢川漢鐵路借款合同磋商定議恭摺會陳仰祈聖鑒事宣統元年八月二十四日欽奉諭旨粵漢鐵路鄂境川漢鐵路事宜著郵傳部妥協接辦欽此臣等查前大學士張之洞於光緒三十四年十一月十六日奏明詳察目前勢參以津浦鐵路借款章程條款並無流弊英公司經理人來京與臣定議已派令曾廣鎔高凌爵來京與該公司面議鄂湘兩省借款條規即可定議已與湖廣總督陳夔龍湖南巡撫岑春萱商妥等語奉旨依議欽此該大學士任內已定之借款草合同係於宣統元年四月簽字因病不及陳奏旋即出缺兩年以來各省拒款延擱至今而英德法美四國銀行屢至郵傳部催辦及本年該四國駐京使臣照會外務部均傳述各銀行之言以張之洞係國家代表草約已

畫即爲成議催促實行外務部郵傳部幾至難於應付臣等又查該鐵路倘若不歸國有取銷舊案則商民籌款辦工亦必延宕本年四月十一日欽奉諭旨郵傳部奏粵漢鐵路鄂境川漢鐵路借款正合同勢難久延請將該部批准前案取銷等語著依議欽此臣宣懷遵即按照草合同與英德法美四銀行代表再四磋商原議五厘息九五扣借款英金六百萬鎊一爲贖回前美國合興公司發售金元債票約計五十萬鎊一爲建造官鐵路幹綫由湖北省武昌府起經岳州長沙至郴州宜章縣爲止又爲建造幹綫由廣水起經襄陽荊門州至宜昌爲止又建造枝路自漢陽府起至荊門州止今改議將漢荊枝路六百里刪除以分枝幹界限並因宜昌以上山路崎嶇非用專門洋工程司不能妥速議將宜昌至蕪州難工約六百里抵補截去之漢荊枝路其建造工程自寔在

開工之日起限三年造竣惟宜夔路綫艱難期限准其稍長此合同畫押後六箇月內在武昌長沙廣水宜昌四處同時開工以赴幹路速成之宗旨又原議建造工程如有不敷則向銀行續借洋款其利息條款仍照現時合同而價值須九四五扣且須另加抵押之餉源今改議如不敷續借照本合同條款續售第二批債票毋庸多扣亦毋庸再加餉源抵押其數不逾四百萬鎊惟因不加抵押年限須改四十年仍訂明十年後無論何時均可還清第十七年以後仍無須加二鎊半則雖稱四十年之限仍與二十五年之限毫無分別又原議本合同第二款所言之鐵路將來或以爲有益或以爲須造枝路如須用外國資本則先儘銀行等商辦今改議爲第二款所言之鐵路如欲展長先以中國款項自行建造如須借外國資本倘銀行等所給之條款利益不少於別家則先

儘銀行等商辦
存於匯豐德華
指之交通銀行
鋼軌大宗亦言
皆應自行製造
料須由郵傳部
甚言津浦鐵路
太無限制已將
次辯論不止數
事實已無可再
司之疎密是在
勦察應將接議

傳部簽字蓋印請旨遵行再此摺例由郵傳部主稿臣等再三會議意見相同所有借款草合同實係宣統元年四月簽字其時資政院尙未開辦現在正合同係遵奉諭旨著歸郵傳部接辦之案並非目下始行定議惟此項借款將來如何用法甚關重要自應由郵傳部會同度支部屆時分造各項表冊即交資政院議決合併聲明所有接辦英德法美各銀行鐵路借款緣由理合恭摺會陳伏乞皇上聖鑒訓示謹奏

宣統三年四月二十二日具奏

此合同係宣統三年四月二十二日即西歷一千九百十一年五月二十號在北京訂立其訂立合同之人一係郵傳部大臣已奉旨允准訂立合同一係德華銀行滙豐銀行東方滙理銀行及美國資本家

國五銀行國立城市銀行四家合成者

以後即稱曰銀行等至美國資本家乃紐約開設之摩根公司屬勒貝公司第一

茲議定條款如左

第一款

大清政府准銀行等辦五釐利息金鎊借款數目係英金六百萬鎊此借款期限由發售債票之日起算名為大清政府一千九百一十一年湖廣鐵路五釐利息遞還金鎊借款

第二款

此借款係為籌備資本一為贖回前美國合興公司代大清

路政 粵漢川漢鐵路借款合同一

四十一

政府所發售而未贖回之金元債票計美金二百二十二萬
二千元並此票按每百分應加價二分半及應付之息一爲
建造官鐵路幹綫由湖北省城武昌府經過岳州湖南省城
長沙府至湖南省南界彬州境內宜章縣接連廣東省所造
粵漢路綫爲止此路綫以後名湖北湖南兩省境內粵漢鐵
路估計共約長一千八百華里約合九百啓羅邁當又官鐵
路幹綫由湖北省附近廣水京漢路綫之處經過襄陽荊門
州至宜昌估計約長一千二百華里合六百啓羅邁當又由
宜昌起至四川夔州府止此段路綫係補救去
之荊門州至漢陽路估計約長六百
華里合三百啓羅邁當以後名爲湖北省境內川漢鐵路二
共約長一千八百華里合九百啓羅邁當其勘量路綫均由
郵傳部核定以上所言金元債票一經銀行等稟請收回後

大清政府應允照辦其贖票需用之款銀行等由此次借款
撥項內撥用此項贖回之債票作廢後即呈交與大清政府
大清政府收到已贖回之債票後即將從前案內所訂以粵
漢鐵路作抵押之字樣全行註銷並函知銀行等現並聲明
贖取上開美國合興公司所售金圓債票所需虛數五十萬
鎊俟該票全數收回後倘尚有餘款此所餘之款應撥歸上
所載兩鐵路項內

第三款

此借款所備之資本除第二款內所載贖回金圓債票之用
款外其餘專爲建造以上指名各鐵路購辦地段車輛及一
切應備物料並經營行車又於造路期內付還借款利息均
在其內其建造工程自實在開工之日起估計約需三年造

據惟宜昌至蕪州路綫工程艱難期限准其稍長此合同畫押後於六個月內在武昌長沙廣水宜昌四處同時開工該銀行等亦于此期限內須備六十萬鎊知會郵傳部如有需用款項之時或測量路綫或建造工程或購訂材料或由大清政府收取該兩省已造之路聽其或在歐洲或在美洲或匯中國提用作爲銀行等代墊出售債票進款此六十萬鎊全數或經實在提用之數並其利息均由出售債票進款儘先扣除其利息按週年六釐計算此合同未畫押以前所有湖北湖南兩省已由各該省籌款築造之路綫並該兩省鐵路之產業應即收歸粵漢川漢鐵路官局管理及照第十五款所載將來郵傳部因建築湖北湖南兩省境內粵漢川漢幹路綫款項不敷之故續籌之款均作爲湖北湖南兩省境

內粵漢川漢幹綫項之成本惟此項成本應收之進款不得有妨礙此次借款歸還本利之慮

第四款

此項借款週年利息按票面本金虛數百分之五計算每半年一次交與執債票之人該利息自借款發售之日起算由大清政府付給于造路期內或由此次借款進項或由他款指撥鐵路工程告竣後先由該鐵路進項次由大清政府以爲合宜之他項進款交付自借款發行之日起算按本合同附表開列數目照西歷每半年應交付之日期前十二天交付

第五款

此項借款期限定爲四十年除後開第六款所載外自發行

借款之日期後第十一年始還本每年應付還之數由各該鐵路進項或由大清政府以爲合宜之他項進款交付每半年按照此合同附表數目于西歷日期前十二天交付銀行等

第六款

自發行借款之日起至第十年後無論何時若大清政府欲將借款還清或欲先還合同附表所載未到期之數若干均可照辦惟未滿第十七年以前照債票面額加價二鎊半即每一百鎊債票一張還一百零二鎊半第十七年後無須加價每次預還若干大清政府應于六個月之前用函知會銀行等其預還之數照借款招帖內載括圍日期多加圍數一俟借款全數還清本合同即時作廢其已發之債票息票由

銀行等順次收齊交與中國出使英德法美大臣所有已經
抽出之債票及息票自每次本息到期之日起三十年之內
不來領取則該項本息銀行等應悉數繳回大清政府

第七款

本合同第四五款所載每半年應還本利按照此合同附表
所訂數目日期前十二天由郵傳部或在上海以規銀或在
漢口以洋例紋銀及或新國幣一俟此項國幣行有實效足敷在歐美洲交

還金鎊之數均分交付銀行等其鎊價與銀行等同日訂定
郵傳部亦可于還本利期前六個月內無論何時皆可隨意
與銀行等訂定大清政府遇有金款實在存於歐美洲並非
爲還此款而匯去者亦可于到期前十二天在歐美洲用以
付還到期之本利每年付還借款之本利銀行等于每百兩

計收用銀二錢五分作爲經理費用

第八款

此合同借款之本利大清政府承認到期如數照付若各該鐵路進項或借款進項不敷到期還足本利之數郵傳部奏明由大清政府設法以他項款項補足按期交付銀行等清還本利

第九款

本合同內借款六百萬鎊並第十五款所載之第二批債票之本利以下列之款作爲頭次之抵押

湖北省百貨釐金每年關平銀約二百萬兩

湖北省川淮鹽局江防經費每年關平銀約四十萬兩

湖北省川淮鹽新加二文捐每年關平銀約三十萬兩

兩湖賑難捐鄂款每年關平銀計二十五萬兩

湖南省百貨釐金每年關平銀約二百萬兩

湖南鹽道庫正釐每年關平銀計二十五萬兩

以上各釐捐每年共計關平銀五百二十萬兩特此聲明並無牽連於他項借款征納抵押情事此項借款本利按期交付則不得干預各該省之釐捐惟其本利倘屆期無著除展緩公道時日外則應將湖北湖南足數歸還以上所開之釐捐及他項合宜之內地捐即行交與海關管理以保執票人之本利此項借款或全數或一分未還清以前倘再有將以上釐捐作他項抵押或作質保等用總須先儘此項借款本利還清除第十五款所載之本借款第二批債票外更不得有他項借款押款或征納各事加於此次借款之上亦不得

與平行無論如何不能損害其此借款之担保利權又在此借款之後他項借款押款或征納各事由指上文所開定各釐捐抵付者必先儘此借款有餘再及他款並須於在後他項借款押款或征納各事之約內載明以上第二節所載金元小票贖回以後此借款未還清以前不得將各該鐵路及其收款抵押他人此借款未還清以前倘遇大清政府議定修改海關稅則減免釐捐特彼此聲明一則不得因此借款係釐捐抵押而阻止修改稅則一則不得將此次所指釐捐減免如欲減免應先向銀行等商明務于新增關稅內如數撥足儘先補抵

第十款

此項借款准銀行等按總額數目發售金鎊債票與承購之

人其債票每張數目由銀行等斟酌定奪債票式樣文字由銀行等與郵傳部或中國駐柏林倫敦巴黎或華盛頓出使大臣核定並將郵傳部大臣簽名字樣及其關防均摹印于上以省其親自一一簽押未發售債票以前可聽憑銀行等請中國駐柏林或倫敦或巴黎或華盛頓出使大臣逐張蓋印並其簽名字樣加印于上以爲中國政府承認及允准發售此項債票之證據銀行等駐柏林倫敦巴黎或紐約之代表人亦須在債票上加簽以証其爲發售債票經理人倘此借款發出之債票或遺失或被竊或經焚燬資本家及或銀行或銀行等隨即知會郵傳部由中國駐柏林倫敦巴黎或華盛頓出使大臣飭知資本家及或銀行或銀行等在報紙刊登告白聲明已失之票不能憑以取款並設法按各該國

例章辦理倘所失之票已過資本家及或銀行等所定之期限仍未覓回則中國駐栢林倫敦巴黎或華盛頓出使大臣應照原數重發別票加蓋關防交資本家及或代表該票主之銀行或銀行等所需一切費用概由資本家及或銀行或銀行等代失票主擔任

第十一款

所有此借款之債票息票以及收付各款在借款期內不納中國各樣稅釐

第十二款

所有借款招帖以及付利還本一切詳細辦法未經本合同詳細載明者由銀行等會商大清國駐栢林倫敦巴黎及華盛頓出使大臣核訂茲允准銀行等於本合同簽押後將招

帖從速分發由大清政府飭知駐柏林倫敦巴黎及華盛頓
出使大臣遇有應會同辦理之事件即與銀行等協同酌辦
並簽押此項借款招帖

第十三款

此借款六百萬鎊俟本合同簽押後全數從速一次出售不
得延過十二個月外其價值係按照虛數九五折支付大清
政府銀行等在歐美洲及在中國招人購買中國人與歐美
洲人一律照章辦理若大清政府定購自應儘先照給但須
於未發出借款招帖以前至少四日定購發出借款招帖日
期由銀行等先七日告知大清政府

第十四款

借款進項或在中國或在柏林或在倫敦或在巴黎交付德

華滙豐滙理各銀行或在紐約交付美國資本家或在中國
交其現所指定之花旗銀行或以後隨時指定之他銀行收
存歸入湖廣官辦鐵路帳內至此款收帳辦法係按照購票
章程內所載購票人交付票款之日期辦理其在柏林倫敦
巴黎紐約所存之款項按週年三釐給發利息在中國所存
之款項作爲往來帳其利息隨後酌定借款進項暨生發之
利息除照本合同第二款第三款所載應先交付各款外所
餘淨數歸銀行等收存聽候郵傳部提用在中國所需款項
可由郵傳部定奪向德華滙豐滙理各銀行及美國資本家
現所指定之花旗銀行或隨後指定之他銀行滙至中國惟
每一禮拜不得逾二十萬鎊之數凡由歐美洲滙寄借款來
華以及在中國由銀行等撥交款項與以下所指定之中國

銀行等或其數目須設法使各銀行相等每次由歐美滙款其滙價由郵傳部與滙款之各銀行同於當日訂定郵傳部亦可隨意於滙款之日以前六個月之內任選一日或數日預先商定滙價由各銀行照撥款項倘難以使其數目均勻則郵傳部應與銀行等定一彼此以爲妥善之滙款辦法郵傳部可自行核奪將以上所載淨數之一半存於郵傳部所指定爲經理此事之交通銀行及或大清銀行歸入湖廣官辦鐵路帳內此項存於中國銀行之款全爲大清政府所担任在中國所存於銀行等及所指定之中國銀行之款隨時由郵傳部按照預估造路工程一月所需之款撥交德華銀行收入鄂境川漢造路帳內並交滙豐銀行收入湖南湖北二省境內粵漢造路帳內以期於造路工程無所間斷爲要

郵傳部每一季應將存於所指定中國銀行此次之借款報告於銀行等爲使下文所載之查帳員易於明瞭除爲撥入以上所言造路帳內外概不得提撥由此造路帳內提撥款項總辦應照下開辦法以銀兩提用至於提出之款如何由中國票莊分派於需款之處均聽總辦遵郵傳部命令辦理凡提用款項應按照建造鐵路工程隨時所需由各該鐵路總辦或其代辦出支款憑單向滙豐銀行或德華銀行提用並須將所提用之款先兩日另出兩單聲明緣由一單交該銀行一單交該查帳員如查帳員於所支款項有以爲不應開支之處可一面向總辦詳細詢商如總辦仍不能解決該查帳員可呈請郵傳部示遵各該鐵路帳目用中文及英文登記按照妥善新法辦理並佐以收支單爲據於造路期內

該帳目並收支憑單隨時任由銀行等自給薪水僱用之專漢川漢各查帳員查看該查帳員之責專爲銀行等查察此項借款是否按照本合同第三款所載提用開支並查明按照第十八款內載鐵路總局每月所購外洋材料帳目鐵路總局每一年結帳時將鐵路收支帳目及行車進款用中英文刊印以便任人取閱

第十五款

設若此次借款並發生之利息除附本合同第二款所載贖回金圓債票所需用之款并于建造鐵路期內付借款利息外所餘之款不敷修造第二款所言之各鐵路以及裝配一切其不敷之數允由中國款項提付以免延誤建造工程如有不敷則再由銀行等照本合同條款贖售此借款之第二

批債票其數不逾四百萬鎊此第二批債票即以本合同第九款所指內地餉源平行抵押至於發行該批債票日期准銀行等自行酌定倘以後尚須再借洋款以完該路工程其辦法各節屆時商訂倘若鐵路造成後鐵路項下尚有存款可將此未用之款移入後項第十款內所載借款利息公積項下以備大清政府撥還此合同承認應還之款或撥作於該各鐵路改良及有益各事之用

第十六款

倘于未發此次借款招帖以前遇有政治上或財政上意外之事以致大清政府現在市面之債票價值有礙銀行等以爲此次借款未能按章辦理准予銀行等展緩公道期限如于商准期限內仍未發行此次借款則本合同即行作廢大

清政府除按照本合同第三款應交還預支款及其應有之
息外毫無他項酬費

第十七款

此鐵路建造工程以及管理一切之費全歸大清政府獨自
辦理建造此項工程大清政府自行選用英國人一名爲建
造湖北湖南兩省武昌至郴州之宜章縣境內粵漢鐵路之
總工程司復自行選用德國人一名爲建造湖北省廣水至
宜昌境內川漢鐵路之總工程司又自行選用美國人一名
爲建造宜昌至夔州府境內川漢鐵路之總工程司一面知
照該銀行等若銀行等以所選之總工程司爲不合宜須將
其實在不合宜之理由聲明此總工程司一切自應聽命於
督辦大臣及總辦或其代辦所有布置造路各事須遵照郵

傳部之意辦理其平日行爲須尊重郵傳部與督辦大臣及總辦該總工程司合同由郵傳部訂立至鐵路上派用專門人員分派各該員應辦各事以及辭退各該員均由督辦大臣及總辦或其代辦與總工程司商酌若遇有意見不合可商請郵傳部判斷判定後彼此均不得有異言工程造竣後在借款未清還以前大清政府仍派歐洲人或美洲人作爲各該鐵路總工程司但其選派不須與銀行等商酌

第十八款

建造湖北湖南兩省境內粵漢鐵路及湖北境內川漢鐵路建造期內中英公司及德華銀行分別作爲購買外洋各材料機器什物之經理人除鋼軌一項并其附件等郵傳部與鐵廠比較他路歐美購運鋼軌之時值訂立惟不得遲誤倘

漢陽鐵廠不及按時供應該路所應需者即令該經理人由外洋購買不敷之軌所有購買一切緊要材料由督辦大臣或總辦招人投票若所購之材料貨物係購由外洋者該經理人須以於鐵路最合宜之價購買按照原買實價每百分加用錢五分惟定購材料及支取費用非經督辦大臣或總辦核准簽字不能照行中英公司及德華銀行既得上文所詳之用錢自應各在其路內代爲監購鐵路所需建造裝配各外洋材料此等材料須在於公共市場擇價值最廉而質料最佳者購買并用專門工程司之由郵傳部所選聘者驗看此項貨物此等專門之驗費由郵傳部及該經理人等均勻分給至英法德美所製貨物若質料及價值與他外國所製者相同應先儘由英法德美公平購買郵傳部鐵路總局

如或在中國或欲在外國招他人經理購買各項外洋材料以爲更覺合宜者可以有權照辦惟用錢仍照上所詳給該經理人其輪船運費及保險費等須選用最廉者並將其帳單及所有原來買貨單驗單等項呈送督辦大臣及各總辦查核所有各項回用扣頭均歸入鐵路項下所有該經理人購買各材料須有製造廠原賣單並驗單爲據該經理人除得上文所詳用錢外別無他項用錢惟遇有聘用工程顧問人員其酬費由鐵路總局鐵路項下提給中國材料及經在中國各廠製造之貨物若質料價值與英法德美或他外國材料相同者由郵傳部派用之驗貨料員會同總工程師商酌定奪儘先購買以鼓勵中國工藝購買中國材料不給用錢全路造竣後於此借款未還清以前鐵路總局若爲此兩

路內購買外洋材料應先儘向由中英公司及德華銀行經理購買其辦法章程嗣後彼此商酌辦理

第十九款

大清政府或將來爲有裨益於該地方起見以爲須將本合同第二款所言之鐵路展長自應由大清政府先以中國款項自行建造如須用外國資本倘銀行等所給之條款利益不少於別家則先儘銀行等商辦

第二十款

此合同未滿以前歷年除付借款本利外鐵路總局將本年鐵路淨進款盈餘之內酌提足敷交付來年到期借款利息之數在漢口或在上海存放銀行等所存放之款隨時按照市價情形給與利息

第二十一款

所有經理此項借款之費用如分給外國各行經紀費分售費分售經用電報告白郵票刊印招帖債票各費印花稅律師酬費等及其餘一切用項概由承辦銀行等擔認

第二十二款

此項借款係德華銀行滙豐銀行東方滙理銀行及美國資本家均分承辦惟彼此均無互相擔認之責

第二十三款

德華銀行滙豐銀行東方滙理銀行及美國資本家可將其本合同應有之權利及責任或全體或分別過割或付託與德國他公司英國他公司法國他公司美國他公司或董事等或經理人等接辦或再轉過割或付託代辦惟其接辦代

辦惟須先請郵傳部核准

第二十四款

本合同係宣統三年四月二十二日即西歷一千九百十一年五月二十號欽奉諭旨允准簽字並由外務部用正式公文照會德國英國法國美國駐京大臣

第二十五款

本合同繕寫華英文各八分大清政府執收華英文各四分銀行等執收華英文各四分如文意有疑難之處以英文爲准

宣統三年四月二十二日即西歷一千九百十一年五月二十號本合同兩造在北京簽押

--	--	--	--	--	--	--	--	--	--

四川鐵路公司虧倒鉅款遵旨查核辦理摺

奏爲四川鐵路公司虧倒鉅款遵旨查核辦理恭摺仰祈聖鑒事
宣統二年九月初七日奉諭旨內閣侍讀學士甘大璋等奏川漢
路款虧倒鉅款請亟按律查追並籌改良辦法一摺著郵傳部知
道欽此又十月十七日奉諭旨都察院代奏四川京官鄧鎔等爲
川路股款虧倒過鉅請撤銷總理仍督同經手追收欠款呈一件
著郵傳部查核具奏欽此又十二月初三日奉諭旨前據資政院
奏議決四川鐵路公司虧倒鉅款一案請旨裁奪一摺著郵傳部
查照前案妥籌辦理欽此由軍機處片交到部並據川路駐京公
司及四川京官杜德輿鄧鎔等以請追欠款及撤銷總理等情先
後呈請前來當以此案關係重要頭緒紛繁經兩次派員在上海
漢口宜昌等處嚴密訪查並迭次咨行四川總督分晰查復展轉

考核確得其詳謹爲我皇上陳之查該路虧倒滙款約分三項一爲正元等錢莊之款計正元倒銀五十一萬四千餘兩兆康倒銀三十九萬七千餘兩謙餘倒銀二十八萬五千餘兩元源倒銀一萬六千兩有奇晉益升倒銀四萬三千餘兩寶康倒銀三萬兩慶餘倒銀三萬兩德大倒銀八萬兩據臣部委員所查數目均與江督等覆奏相同此外尙查出有厚大倒款一萬八千兩裕源長倒款六千餘兩統計錢莊倒款共約銀一百四十萬兩以上各錢莊本非上等商號施典章分存多者一處至數十萬兩已屬不合然猶可諉爲疏忽乃臣部調查施典章除私以公司名義向正元借銀十萬兩又自借兆康銀十萬兩外並查有十七萬兩一款私自移存滙豐銀行且德大號於宣統元年八月倒閉而施典章於二年三月尙向該號存款厚大號於二年三月倒閉而施典章於四

月仍轉期交存參以江蘇督撫臣所查以正元遠期票掉換謙餘空票以圖朦飾一節尤爲詐僞顯然無從遁飾一爲利華銀行之款計銀六十萬兩此款本係施典章與陳逸卿私相授受暗立合同利華洋商亦未簽字現陳逸卿夥開各莊旣已虧歇誠如江督等所奏亦與被倒無異施典章以公司鉅款私自貸與洋行買辦查其合同旣云年息五釐又云如有溢利年終加付情節已極支離而臣部委員在慶餘號查得帳簿一冊此六十萬兩來往數目具列其中但註明係陳逸卿與川路來往款並無利華名目而此冊中又有由施子記即施典章經手放與高益謙二十萬兩一款施典章即以六十萬兩放與利華何以陳逸卿又在六十萬兩中撥付其二十萬兩殊堪詫異且據施典章稱高益謙係股分公司而查詢滬市皆不知有此牌號又其朦混侵蝕之顯然者也一爲

各項股票之款查施典章購蘭格志火油股票四百八十五股計價銀八十五萬二千餘兩事前雖經報明總公司而施典章聲明公司有虧則典章任其咎亦無悔等語其移交帳單列作抵押公司銀五十五萬兩復將股票在外押借銀兩現需公司備價二十九萬餘兩方能贖回且此項股票係華歷五月初買入其時滬市時價至多不逾一千四百兩而施典章報稱一千七百五十兩核其浮報之數從最少計已中飽十二萬餘兩之多此節江督等覆奏業已聲明據臣部所查施典章在路款撥付此項票價時內有二十萬兩即行收入已帳有正元兆康帳簿可據且施典章月存草底凡付蘭格志之價款莫不將原文塗改參考前後各情恐係將自有低價股票推與公司朦竊巨資此其居心貪詐行同棍騙尤爲可惡據該公司辦事員單開存滬路款共三百五十萬約

核計虧挪各款竟至二百萬兩而蘭格志股票一項八十五萬餘兩尙不在內甘大璋原奏此次路款係由川民按畝加捐蔽筋擊髓而來竭小民之脂膏汗血傾而付之東流非惟可惜抑亦可憫等語臣等詳加斷擬施典章濫放路局所存之畝捐公款及自向錢莊挪借銀二十萬兩誠不得例以商家勝敗之恒情至移存滙豐銀行之十七萬兩暨放與德大厚大兩款迹近吞蝕而洋行帳目難以詳查德大厚大款歸何處均應分別訊追尙難據以定罪惟虛報蘭格志票價一項已侵蝕公司存款至十二萬餘兩之多確有可憑查商律一百二十九條內載董事總辦或總司理人司事人等如有偷竊虧空公司款項或冒騙他人財物者除追繳及充公外依其事之輕重監禁少至一月多至三年並罰以少至一千元多至一萬元之數等語施典章除虧挪各款應責令擔任歸

還暨正元兆康之二十萬兩歸其自理業由江督等奏准辦理外其虛報股票價值侵蝕公司銀十二萬餘兩合依資政院議決辦法照商律一併追繳充公仍俟全案完結發交該管地方官監禁三年罰金即定爲一萬元繳清後方得釋放如蒙俞允應由臣部分咨江蘇督撫臣轉飭江海關道仍提施典章到案先行管押勒限嚴追究竟該公司單開存滬路款三百五十萬兩內施典章經手統計錢莊倒款約一百四十萬兩又利華洋行陳逸卿倒款六十萬兩又蘭格志價款八十五萬餘兩如何追結應請飭下四川總督派員督同該公司認真清理以重該省畝捐之公款至該公司駐京總理喬樹相於上年七月因倒款一事曾呈請臣部及蘇撫轉飭嚴追又查施典章與該路總理往來信函均有上海存放款項由其一人主持向未稟承各總理等語似喬樹相似不至扶

同串弊又濫舉私派各員濫用股款一節經咨據四川總督查復前年京官舉學部郎中曾培充駐宜總理時總會尙未成立係由總公司在省開各界股東會通過方請奏派去歲擬派施紀雲接管滬款係董事局暨駐宜總理等均表同情有往來函電可查似不得謂爲濫舉私派至京局用費上年除代宜昌局支撥工程各項二萬七千餘兩又股息川資電郵等項九千餘兩外專屬京局員司薪水僅支四千餘兩統共尙不至四萬兩並無生日宴客費用在內如鄧鎔等所言者等語是以上兩節已經川督查明尙無弊竇可指惟喬樹枏總司全局於滬款虧倒事前毫無覺察一任施典章所爲以致糜爛至此實屬無可辭咎應請撤銷四川川漢鐵路駐京總理至該公司所收畝捐等項作爲鐵路股分應責成上海宜昌成都三處辦事人員暫行會同經管現值奉旨幹路收

歸國有之時應由四川總督先行派員查核容臣等通盤籌畫另
將該路事宜奏明辦理所有違旨查核辦理緣由是否有當伏乞
皇上聖鑒訓示謹奏

宣統三年四月 日具奏

擬請釐定全國鐵路軌制摺

奏爲鐵路推行日廣擬請釐定全國軌制以昭畫一恭摺仰祈聖鑒事竊維肇域之基功昭同軌置郵之法事起傳車以鐵路代驛道而興倫軌制不克整齊即車制終多扞格政關統一寔非細故當我國創路之初原係借款興築其制各依所借款國之工程司而定迄未著爲通章以是津榆則取制於英蘆漢則取制於法沿至續建之正太汴洛萍洙道清滬甯京張及現建之廣九吉長張綏津浦粵漢川漢等路所有軌式軌量靡不互相參差即驗收鋼軌章程亦復淆雜紛歧莫衷一是若長此不予釐正將來各鐵路綫接通必有此路車輛不能駛于彼路軌轍者爲行軍起見征調固慮不靈即爲通商設謀運輸亦虞多阻與其日後改正必至巨款虛糜不如及早圖維猶足收無形之益查現各路定造之軌有

英式者有美式者有法式者其重量則有六十磅至八十五磅或二十八啓羅至四十一啓羅不等惟川漢預定軌式及京奉滬甯津浦南段同用英國軌式每碼大半八十五磅所差無幾均經英國工程會審慎核定尤以川漢預定之式爲最適宜至製軌之網西國通行原有貝色麻多麻馬丁三種論價則貝多貴而馬丁賤論質則馬丁純而貝多脆近年各國新廠用品早舍貝多兩種專用馬丁而我國尙有沿襲西人舊製指索貝色麻網者誠大悞也現在漢陽鐵廠不惜工本已將煉鋼爐悉改馬丁出數亦十倍於昔俾得供應各路取求以保本國利權而塞絕大漏卮以上各端經臣部飭令漢陽鐵廠總辦李維格切實具復並據呈送各種圖樣前來復經臣等督同部員及中外各工程司逐細研求灼見情形如此茲值奉詔明定鐵路政策之際擬請將幹枝各軌均按照

川漢所定之英式爲定式而鋼質皆取馬丁不得紛歧攙雜重量則幹軌定爲八十五磅枝軌定爲七十五磅其叉軌及附屬如魚尾片狗頭釘螺絲門等件各視其軌式軌量爲率凡從前各路軌制擬令于將來修理之際逐漸改歸一律俟奉俞旨即由臣部頒發圖式分別咨札通行庶幾九道同塵允就馳驅之範萬方合轍益宏坦蕩之規除車制歸入路律廠務編及驗軌章程應俟規訂完全再行陸續奏定外所有擬請釐定全國軌制以昭畫一緣由謹恭摺具陳伏乞皇上聖鑒訓示謹奏

宣統三年五月十八日具奏

A large rectangular table with 12 empty columns. A small black square is located on the right side of the table, approximately halfway down. The table is outlined with a thick border.

--	--	--	--	--	--	--	--	--	--	--	--

派員接充京奉洋務總辦片

再京奉鐵路向設洋務總辦一員統轄洋員綜理交涉前經奏明以候選知府盧祖華派充在案茲盧祖華因病辭差自應遴員接任以專責成查有花翎二品銜山東補用道李福全向充煙台招商局總辦並在東海關充當繙譯多年熟諳營業兼明外交事件堪以委令接充謹附片具陳伏乞聖鑒謹奏

宣統三年五月 日具奏

The image shows a large rectangular table with 12 empty columns. The table is oriented vertically on the page. On the right side of the table, there is a small tab-like protrusion near the bottom. The table is otherwise empty of any text or data.

違旨籌畫川粵漢幹路收回詳細辦法摺

奏爲違旨籌畫川粵漢幹路收回詳細辦理恭摺會陳仰祈聖鑒
事宣統三年四月十一日內閣奉上諭郵傳部奏遵議給事中石
長信奏鐵路亟宜明定幹路支路辦法一摺數年以來粵則收股
及半造路無多川則倒帳甚鉅參追無著湘鄂則開局多年徒資
坐耗竭萬民之脂膏或以虛糜或以侵蝕恐曠時愈久民累愈深
上下交受其害貽誤何堪設想用特明白曉諭昭示天下幹路均
歸國有定爲政策應如何收回之詳細辦法著郵傳部度支部凜
遵此旨悉心籌畫迅速請旨辦理該管大臣毋得依違瞻顧一誤
再誤如有不顧大局故意擾亂路政煽惑抵抗即照違制論將此
通諭知之欽此四月二十四日內閣奉上諭前經降旨鐵路幹路
收歸國有並派端方以候補侍郎充督辦川漢粵漢鐵路大臣迅

速前往妥籌辦理現既將鐵路改歸官辦著自降旨之日起所有川湘兩省租股一律停止其宣統三年四月以前已收之款著郵傳部督辦鐵路大臣會同該省督撫詳細查明妥擬辦法奏聞總不使有絲毫虧損失信吾民此外如有另立各項名目捐作修路之款一併查明請旨辦理欽此五月初六日內閣奉上諭王人文奏據四川諮議局呈稱川省紳民自奉鐵路改爲國有之命紛紛函請暫緩接收並請緩刊膳費等語覽奏深詫異鐵路改歸國有乃以商民集股艱難路工無告成之望川省較湘省爲尤甚且有虧倒鉅款情事殃民誤國人所共知朝廷是以毅然收爲國有並停收租股以恤民艱既經定爲政策決無反汗之理王人文著傳旨嚴行申飭仍著迅速刊刻膳費徧行曉諭至已收租股並著趕即查明由度支部郵傳部督辦鐵路大臣會同該署督妥籌切

實辦法請旨辦理欽此五月初三日奉上諭署大理院少卿王世琪等奏湘路加抽各股請一律停止一摺所奏頗能仰體朝廷德意俯察民生疾苦著即將湖南所有因路抽收米捐鹽捐房捐各股與前項租股概行停止其已收之款仍著郵傳部督辦鐵路大臣湖南巡撫恪遵前旨一併詳細查明妥擬辦法奏聞欽此五月十五日奉旨張鳴歧電奏幹路收歸國有請從速決定歸還股本辦法等語著度支部郵傳部督辦粵漢川漢鐵路大臣妥速議奏欽此五月十八日奉旨張鳴歧電奏粵民對於路事抗拒情形酌擬辦法請堅持國有政策准令商股悉領現銀等語著度支部郵傳部督辦粵漢川漢鐵路大臣歸併前案妥速議奏欽此同日又奉旨御史黃瑞麒奏借款官修幹路宜仍留商股一摺又片請飭將停收以前所收米鹽各款悉數解交公司不准挪用等語著度

支部郵傳部督辦粵漢川漢鐵路大臣悉心妥議具奏欽此各等因仰見朝廷通籌全局明定政策以造路爲統一行政之本原以停捐爲體恤民艱之要義恭讀之下欽服莫名臣等公同會議粵漢鐵路於光緒三十二年改歸商辦不惜鉅資贖銷美國借款合同同實係張之洞主之宣統元年又與四國訂立借款合同亦係張之洞主之豈好爲其難哉亦實見商辦之難見成效鄂湘商股固甚微薄瑞澂電稱鄂路並無尺土寸料湘路雖有米捐鹽捐田租房租然路綫甚長民計甚窘竭力搜索告成無期故張之洞絕不迴護前言遺摺尙言此次粵漢川漢鐵路關繫繁重必須官爲主持俾得早日觀成並准本省商民永遠附股藉爲利用厚生之資等語又查移交案內總理余肇康致張之洞函稱湘省財力有限斷難驟得大宗以之專造洙昭或可敷用此外工程自非多分數

國籌借不可惟盼早日定局以期從速開辦大工等語此張之洞奏請鄂湘借款紳士認可之情形也至川省則已收租股等項一千數百萬兩粵省則自丙午年起已亥年四月止商股已收第一期第二期銀一千數百萬兩六七年來果能切實進行粵路自黃沙至坪石不過六百里川路自宜昌至夔州亦僅六百里已可觀成將謀接綫乃六年之久粵路僅造成一百七十里尙有前用美款造成黃沙至高塘幹路棠涌以下六英里已安鋼軌棠涌以上六英里築基已成未安鋼軌共計十二英里合三十六華里在內又石圍塘行車處接收物料值銀九萬三千餘元又黃沙貨倉接收物料值銀九萬三千餘元又黃沙貨倉接收物料值銀四十四萬六千餘元又已買地價計銀十二萬三千餘兩一概估折移交詹天佑到粵新釘軌之路由黃石站至黎峒二十一里尙未開車自

黎峒至韶州二百二十九里內僅止築基過半而支出之款已一千四百七十七萬餘兩僅存材料價銀七十四萬八千餘兩去年六月郵傳部覆奏袁樹勛奏參粵路弊混一摺據候補參議龍建章等查粵路自丙午開辦起至己酉第五段通車止一百四十五里用銀六百二萬五千餘元每里攤四萬一千三百餘元核與梁誠電稱每里二萬暨鄺孫謀面稱二萬六千及二萬九千元數目不符造路如此之少用款如此之多且歲月遷延恐新路未成而一百七十里之枕木已朽爛矣又川路據道員馬汝驥電稱宜昌路工查得大概除北京滬漢成渝費用不計自光緒三十二年七月設局起至宣統元年十月止支開辦費約計三十三萬餘兩自元年十一月開工起至三年四月止共支出銀四百十餘萬兩現在材料約值六十餘萬兩內有未付之價十一萬餘兩購入地畝

計值十九萬餘兩現存錢莊生息十萬兩現銀二萬餘兩宜局向無多存款按月須在滬漢撥支又路工計由宜昌至歸州綫長二百八十餘里分十段均開工已成通車運料者三十餘橋峒未完未通車者八十餘里在工夫役四萬餘人俟接收之員到工後方能截數造報又據四川護督王人文電稱存款僅七百餘萬與宜昌所報合而計之共計一千一百數十萬其餘施典章上海倒帳約計三百萬前經四川京官甘大璋等嚴劾在案總之鐵路國有民有本屬無甚出入目下國計艱難果能實力舉行不致延曠虛糜亦可無庸遽歸官辦無如取諸民捐則如王人文所言催比追呼繁興訟獄閭閻愁歎不絕取諸商股則如袁樹勛所言糜費作弊工程草率股東概不與聞在商民受害無窮而國防關係尤鉅朝廷毅然收歸國有銷除商辦各案實亦出於萬不得已之辦法

今據御史黃瑞麒奏稱收回幹路而不將所收股款絲毫給還固爲失信但還股款而不使民間享修路之利仍不免爲失信且京奉鐵路至今商股未退幹路國有不必完全官股可知擬請明降諭旨將川漢粵漢以前所抽所招各股改換官辦股票仍照原定官利按時給息路成之後一律分給紅利其有不願領換股票即將原股如數給還不使有絲毫虧損且各項加征之股款雖當停止以恤民艱而全國富商未嘗不可招之使來以期衆擎易舉等語所陳不爲無見臣等於四月十二日電致各省督撫即是此意其所爲難者四省情形各有不同受弊輕重亦異臣等仰體聖意俯察輿情但求於國際力圖進行決不與民爭利應即准如該御史所請准將粵川湘鄂四省所招所抽之公司股票盡數驗明收回擬由度支部郵傳部特出國家鐵路股票粵漢川漢仍分兩種

照數更換仍照長年六釐支息安定歸還年限約以五年後分作十五年還本從前京奉鐵路所留商股不分餘利此次格外從寬如有餘利按股均分並准將此項股票向大清銀行交通銀行隨時酌量抵押以便流通惟該公司願領此項國家保利之股票者則悉照歷年路工支出之款除倒帳外不加折扣倘或願領資本不願換領國家保利股票者必應分別辦理以昭平允一粵路全係商股已收之第一批每股一元第二批每股一元五角近年因路工遲滯糜費過多票價每一元跌至二角刻因有人收買每一元漲至四五角現擬每股從優先行發還六成每二元五角先發現銀一元五角以路工及材料支款一千四百七十餘萬按里攤算實不止袁樹勛所奏每里費銀五萬七千餘元之數虛糜已達極點其餘每股四成久在虧耗之列此皆任事人及股東查帳員

應任其咎在出股者不無可原然所舉非人漫無覺察亦屬自失股東權利現擬格外從寬將四成一元之數另發國家無利股票俟路成獲利之日准在本路餘利項下分十年攤給以示體恤一湘路所收五百數十萬內有米捐鹽捐租股房股各項四百餘萬兩商股約一百萬左右支款內開修路購料約二百餘萬兩據余肇康電稱涿州至長沙一百餘里已經完工開車碼頭各項均已齊備約計其數耗費無多擬定將寔在商股一百萬兩照本發還其餘米捐鹽捐租股房股除美國贖約經費三百萬兩外准即另發國家保利股票長年息六釐五年後分作十五年攤還以充本省實業公用一鄂路所收商股粵川兩項共一百十四萬五千餘元據湖廣總督上年冬季冊開除已支用外尙存現銀三十二萬餘元向歸官局經理又該省上年所設公司共收新股九十七萬

餘元續據湖廣總督單開現尙存銀九十一萬餘元其真正商股應准湊足歸還現銀至川漢彩票股另發國家無利股票俟路成獲利之日准在本路餘利項下分十年攤還另有動用賑糶捐除美國續約經費不計外其餘如有實用者准照湖南米捐一律辦理一川路現存款七百餘萬如願入股應准悉數更換國家保利股票五年後仍分作十五年還本亦准隨時抵押並可分得餘利除倒帳外其宜昌已用之款四百數十萬准給發國家保利股票一律辦理又宜昌開辦經費三十三萬及成渝各局用費若干則發國家無利股票與粵股一律悉歸本省興辦實業之用此外粵漢未贖之美比小票二十二萬二千二百金元在此次借款內撥還前已奏明在案至所借贖約英款尙有本息五十七萬餘鎊未還三省路工既經收回官辦自應由郵傳部查照原約按期另行

籌還以上所擬辦法臣等研衡時局博采衆論似已仁至義盡大約以商股與公同不同實用與虛糜又不同故不得不稍示區別或還現款或給保利股票或給無利股票分作三項辦法而終不使其資本虧折絲毫仰副朝廷德意如蒙俞允應由臣部查明各督撫臣並會商臣端方迅速派員分往各省按照章程妥籌辦理一面由臣端方收路開工至於趕辦工程之法必須多分段落庶可尅期告竣擬請以武昌至長沙爲一大段以長沙至郴州爲一大段以郴州至廣州爲一大段以廣水至宜昌爲一大段以宜昌至蕪州爲一大段以蕪州至成都爲一大段其武長一段長郴一段郴廣一段均限三年完工郴廣一段本擬責成詹天佑一手辦理必令長郴一段同時完工俾得接軌如粵商欠繳之二批未繳之第三批股本如數照繳便可毋庸借款成蕪一段路綫甚長尙須

另行籌款限於
之法未免撥擱
段分局斷非一
郵傳部悉心遴
各派管理收支
人不爲彼所輕
各段總辦分往
之款飭令督同
並當由督辦大
地方交涉事件
加籌酌並與總
宜容臣等隨時

具奏是否有當伏乞皇上聖鑒訓示謹奏

宣統三年五月二十一日具奏

代奏四川京官甘大璋等呈請澈查川路租股片

再正在封摺間據四川京官裁缺內閣侍讀學士甘大璋等四十六人聯名呈稱爲川省租股籌集維艱懇請將收支虧存各款分別澈查一律畫歸國家路款以釋羣疑而留民利竊川路抽租作股比於加賦平日追呼敲剝竭致百萬家之膏血始裒集而成此鉅款時閱七八年僅築就宜境數十里耗費已數百萬虧倒又數百萬凡屬川民莫不椎心疾首呼籲同聲上月二十四日宸斷毅然收爲國有迭奉諭旨停止租股減輕小民負擔已收之款查明妥籌辦理不使絲毫虧損失信于民各等因仰見朝廷燭照萬里軫念邊黎膽黃之詔一頒保赤之心如見歡聲雷動禁令風行此後全路有告成之望即全款不致有無著之虞祇聆之下欽戴莫名職等以爲路歸國有自屬國家應行政策然民間疑慮旣失其

股東之利於前又將擔其借款之害於後前此已收租股或即如數發還而中飽侵漁層層剝削較初收時尤甚款未下逮已歸烏有仍與虧倒無異竊維該路收回國有本欲策路成功並非與民爭利查各國鐵路通則官辦國有之路可以不收民股亦可附收民股均由國家規定今租股係先集之民款自應予以共享利益且川路公司規定原有正式募股其願認股如數交款者亦應利益均沾現在國家帑藏空虛築路一事與其多借款于外曷若多分利與民停其按畝抽租仍存正式募股則隱寓寔行國債票之策即預爲借款贖路債之資爲國爲民兼全之計莫善於此應請飭令部臣暨督辦大臣四川總督轉飭各廳州縣各局所將宣統三年四月以前川路已收足支及現存之款未解之款分別查明冊報一律歸爲路股換給國家鐵路股票並請照官督創辦時定

章仍存正式募股招集商民認股售票以示朝廷與民共利至公無私之意一轉移間羣疑盡釋大信昭然抑更有請者從前公司失敗川紳商民尙有會議詰查之權今路歸國有則局用之浮濫經手之侵欺虧倒之催繳鄉人不能過問應請嚴旨按律勒追或另籌抵補務令出此千數百萬之民人均得處於完全鐵路股東之地位則全川士庶咸頌皇仁於無既矣爲此聯名環懇除具呈度支部外伏乞據情代奏等情臣等公同閱看核與臣部現籌辦法大致相同理合據呈附片代奏伏乞聖鑒訓示謹奏

宣統三年五月 日具奏

議覆滇省減收隨糧路股摺

奏爲遵旨議奏恭摺仰祈聖鑒事宣統三年五月初五日准內閣片交雲貴總督李經羲奏滇蜀騰越鐵路隨糧認股民力難支現擬酌量減收以紓民困一摺本日奉硃批該部查核具奏欽此欽遵到部原奏內稱滇省籌修滇蜀騰越鐵路因工鉅費艱將隨糧認股章程議改爲每糧一石收銀五兩以一年爲限前經奏明遵辦在案計自開辦以來如數完納者寥寥無幾臣詳加體察禁烟之後貧民自養尙苦不給何能勝此負擔業經擬定變通糧股議案札該省諮議局復議嗣據該局議決覆稱自宣統二年起一律實行減爲每糧一石隨收路股銀二兩至軍糧原係減半認股亦擬減爲每石收銀一兩官莊與永昌之七土司思茅之八猛臨安之十三板納新設之永康州等一律免收至鎮沅威遠鎮邊各廳

民情異常貧苦應照新章完納四分之一每糧一石收銀五錢惟議案決覆已在十月中旬距宣統二年開徵之時已久應完路股或有隨糧已收者或僅完糧而未完股者應將糧股均未完納之戶即照新章改納其已完糧而未完股者則於三四兩年分各帶征銀一兩以清前欠若已照舊章完納則所餘三兩之數准留抵來年應完之股其有軍糧地方及錦沈三廳所屬並照此類推辦理至宣統元年以前舊欠統俟十年期滿再行遞年補完等語查滇省自辦滇蜀騰越鐵路隨糧認股每糧一石收銀五兩原因路長工鉅故勉籌該款以爲挹注之資惟滇省僻在邊壤地瘠民貧歷年催征已不能如數完納近因禁種鴉粟生計尤艱該督所請自宣統二年起減爲每糧一石隨收股銀二兩軍糧減半收納官莊與永昌之七土司思茅之八猛臨安之十三板納新設之永康

州一律免收鎮沅威遠鎮邊各廳每糧一石收銀五錢各節自係
爲體恤民艱起見應請准予立案施行藉廣皇仁而紓民困至徵
收之法宣統二年未經交納之股應照新章三四兩年分別帶征
其已照舊章完納者所餘三兩之數准抵來年應完之股在元年
以前舊欠俟十年期滿再遞年補完各辦法亦屬切實可行應即
一併照准一面由該省將歷年已收股款造冊報部存查嗣後續
收亦應按年造報以重款項所有議復滇省減收隨糧路股緣由
謹恭摺具陳伏乞皇上聖鑒訓示再此摺係郵傳部主稿會同度
支部辦理合併聲明謹奏

宣統三年 月 日具奏

--	--	--	--	--	--	--	--	--	--	--	--	--

2150

改派吉長鐵路總辦片

再吉長鐵路半係借款興辦所有工程交涉事務繁多必須總辦得人方能因應咸宜工歸核實該路總辦存記道傅良佐辦事未能得力應即更換查有丁憂廣東候補道李鳳年才猷幹練向在東三省辦理外交尙稱熟悉堪以派令接充除札委外謹附片具陳伏乞聖鑒謹奏

宣統三年六月初一日具奏

The image shows a large rectangular area with vertical lines, which appears to be a redacted table or a placeholder for data. The lines are evenly spaced and run vertically across the entire width of the rectangle. There is a small dark mark on the right side of the rectangle, approximately halfway down.

駁覆京奉鐵路第七案收支各款摺

奏爲駁覆京奉鐵路第七案收支各款繕具清單恭摺仰祈聖鑒事竊查京奉鐵路收支各款至第六案止已由臣部奏銷在案茲據該路局第七案收支各款造具總散清冊二分呈送到部當將該冊一分轉送度支部會核外臣等即督飭司員按冊鈎稽冊中不符四條經札飭該局查明旋據申覆或因筆誤漏寫或由冊開未詳臣部覆駁無異應准更正並准度支部復稱會核相符查此案係自光緒三十三年十一月二十八日即西歷一千九百八年正月一號起至三十四年十二月初九日即西歷一千九百八年十二月底止管收項下共洋銀一千五百六萬二千一百四十三元一角二分支款項下共洋銀一千二百五十五萬五千一百四元七角一分實在項下共洋銀二百五十萬七千三十八元四角

一分以散核總均屬符合自應准其開銷謹繕具清單恭呈御覽
其光緒三十四年十二月初十日以後第八案收支各款當飭該
局接續造報以重路款所有覈覆京奉鐵路第七案報銷緣由理
合恭摺具陳伏乞皇上聖鑒謹奏

宣統三年六月 日具奏

謹將核覆京奉鐵路自光緒三十三年十一月二十八日起
至三十四年十二月初九日止第七案收支各款繕具清單
恭呈御覽

計開

舊管項下

一據冊開上屆銷案截存洋銀二百九十二萬四千七百四
十八元四角二分

新收項下

一據冊開收關內外客票貨票價脚洋銀一千九十萬七千
二十五元九角八分查前項車價按照數目查核相符
一據冊開收新易路客票貨票價脚洋銀一萬三千一百四
十二元三角九分查前項車價按照數目查核相符

一據冊開收北平輪船裝載客貨水脚洋銀一萬九千三百四十五元四角六分按照數目查核相符

一據冊開收本路各報房代遞商報報費洋銀六千六百四十八元四角七分按照數目查核相符

一據冊開收京張路局解還撥用本路材料并代造車輛價值洋銀四十萬二千五十一元八角按照數目查核相符

一據冊開收唐山製造等廠代各處製造機器并售出各項材料價值洋銀三十二萬一千一百六元六角五分查該路所設唐山製造等廠代各處製造機器等件照章估價繳局上屆列收有案此次報冊所列數目查核相符

一據冊開收該路沿途等處房屋租金并材料變價等項洋銀十七萬七千九百四十二元八角九分查該路所有空

間房地由洋工程師隨時出租廢棄材料變價售出并代
外人製造工程等項備值照章由該洋員等分別繳回上
屆列收有案此次按照數目查核相符

一據冊開收各處繳還煤噸價值洋銀一萬二千三十七元
六角八分查各站及附近鐵路各局領用該路用剩大小
塊煤照章繳價解局上屆列收有案此次報冊數目查核
相符

一據冊開收各處撥還借墊雜款暨各廠站小工罰款存款
利息等項洋銀十六萬一千五百二十八元六角九分查
此項各款以散合總均屬相等

一據冊開收售與礦務局唐山舊廠房屋價值洋銀七萬五
千元查唐山向有新舊機器廠兩處舊廠係向礦務局租

出地基起蓋現因該處開挖煤斤地面凹陷必須遷移且
與新廠遠隔搬運不便故將所建房間售與礦務局此項
價目查核相符

一據冊開收售賣北泰輪船價值洋銀四萬一千五百六十
四元六角九分查北泰輪船吃水稍深行駛不便局請出
售此項價目查核相符

以上新收共洋銀一千二百十三萬七千三百九十四元七
角

以上管收統共洋銀一千五百六萬二千一百四十三元一
角二分

開除項下

一據冊開支津局各車站暨報房薪水公費等項共請銷洋

銀五十三萬八千八百四十二元四角七分查此項支款
內支津局總辦提調員司薪水公費洋銀二十萬三千十
六元一角七分又支關內外各車站站長人等薪水工食
洋銀二十五萬四百八十三元五角五分又支各車站電
報房司事人等薪水工食洋銀七萬二千八百七十七元
五角五分又支新易路材料廠支應局暨車站報房機車
處員司站長工役人等薪工雜費洋銀一萬二千四百六
十五元二角查此項開支各款以散合總數目相符所有
開支均接續上屆隨時酌量增減自應准其照銷
一據冊開支各洋員暨華洋醫生巡警各製造材料車頭等
廠電報路礦各學堂薪水川資雜費等項共請銷洋銀一
百五十九萬六千二百八十三元二角六分查此項支款

內支各洋員薪水洋銀三十九萬三百八十元八角七分
又支各洋員房租川資雜費等項洋銀二萬五千六百七
元五角二分又支各醫院并華洋醫生薪費等項洋銀三
萬五千五百十元一角八分查册開洋醫生摩海西十二
個月支英金五百二十鎊按時價每二先令六本土八七
五合銀一兩共合行平銀四千一百四十七兩九錢照此
核算鎊數銀數折合不符經札飭該局查復旋據復稱係
二先令六本土下漏寫零字以致不合應請更正核銷據
此復核確與原數相符又支關外鐵路巡警官弁兵丁薪
餉洋銀六萬一百四十三元九分又支鐵路巡警官弁兵
丁津貼並彈壓文武員弁薪水洋銀三萬一千四百十五
元五角二分又支唐山等處製造廠司事匠役人等薪工

洋銀五十八萬七千七百七十四元八角三分又支各站
車頭廠機車處司事匠役人等薪工洋銀二十九萬一千
五百七十七元五分又支該路電報學堂教習司事學生
人等薪費洋銀三千三百三十三元又支唐山路礦學堂
監督教習員司學生薪工膏火並建造學舍購置傢具雜
支等項洋銀十一萬五千六百九元一角七分又支北平
北泰兩輪船買辦船主管輪水手人等薪工等項洋銀二
萬六千五百七十七元二分又支試辦新坵煤礦購運機
器材料薪工價脚等項洋銀二萬八千三百五十五元一
分查上開各款總數相符自應准其照銷

一據冊開支購買外洋內地機器材料道木煤炭洋紙傢具
等項共請銷洋銀一百九十八萬七千七百七十二元二分

查此項支款內支購買外洋內地機器材料並驗收裝運各項料物費用共洋銀三十五萬三千五百二十八元六角六分查冊開西五月分買印票機器六個價英金十三鎊五先令按二先令六本土六二五折合應銀一百五兩七錢八分照此核算鎊數銀數折合不符經札飭該局查覆旋據覆稱係二先令六本土下漏寫零字以致不符應請更正又西九月購漢陽鐵廠生鐵一百二十五噸購天祥行棉紗四百二十六担六成六二共規銀一萬一千四百一兩五錢此數覆核不符四錢五分經札飭該局查復旋據復稱係原冊尾零五分誤寫五錢筆誤應請更正均經復核確與原冊相符又支購置道木橋梁木價值洋銀三十一萬九千八百三十五元四角一分又支購買煤炭

價值洋銀六十二萬四千八百二元七角又支購買華洋紙張繪圖顏色並刷印章程等件洋銀二萬三千一百七十一元四角五分又支各站購辦傢具物件等項洋銀一萬六千五百九十五元一角又支唐山製造廠製造車輛並購買材料洋銀四十九萬八千九百元一分又支鐵路巡警兵隊製辦號衣靴帽等件價值洋銀七千四百九十九元三角一分又支電報歲修並各報房添購器具洋銀一萬一千七百六十元八角又支天津鐵路局房伙食雜支等項洋銀十萬四千八百六十八元二角二分又支新易路購用煤炭撥付各路車脚暨電報雜費洋銀四千六百十四元七角又支北平北泰兩輪船購用煤斤材料修理雜費等項洋銀二萬二千一百三十五元六角六分以

散合總數目均符既據按月詳開應准照數支銷

一據冊開支添修各項工程暨關內外養路工程等項經費
共請銷洋銀九十八萬二千七百六十六元八角八分查
此項支款內支豐台洋工程司牛麻治勒比等經支歲修
養路工程等項洋銀七萬八千九百七元七角六分又支
關內洋工程司德基喀克司經支養路歲修工程並就地
購料價值洋銀二十八萬六千五十四元二角又支山海
關洋工程司李吉士經支歲修養路工程並就地購料價
值洋銀十一萬三千八百五十九元五角五分又支溝帮
子工程司勒比經支歲修養路工程並就地購料價值洋
銀五萬七千十九元五角六分又支營口工程司喀克司
葛畢森等經支歲修養路工程並就地購料價值洋銀四

萬一千一百十一元一角二分查冊開營口小輪船僱用
船主一名月支洋八十五元除守凍三個月扣支外共支
洋九百六元二角一分舵夫二名月支洋三十四元除守
凍扣支外共支洋三百四十七元五角九分照此核算不
符經札飭該局查復旋據復稱守凍期內不免時常工作
按工支薪原冊未將扣支詳數開列以致不符自應查明
聲叙據此復核尙與原冊相符又支新民府工程司葛畢
森李區經支歲修養路工程並就地購料價值洋銀十二
萬一千六百七十元七角又支山海關橋梁廠總管洋員
郝烏經支歲修橋梁工程並就地購料價值洋銀七萬二
千七十九元二分又支新奉路工程司曲尾辰二郎經支
新收工程並就地購料價值洋銀十萬四千六百九十五

元八角八分又支包造前門車站房屋等項工程洋銀六萬八千五百七十一元四角四分又支新河材料廠總管洋員白臘克經支員司小工薪水等項洋銀三萬六百四十二元一角八分又支新易路養路歲修工程並就地購料價值洋銀八千一百五十五元四角七分按册核算散總相符查各工程司督率匠夫修養各路工程係按工給價及經支繙譯監工司事工匠人等薪工等項均照前案接支隨時酌量增減所用各料亦核實開報既據詳開應准支銷

一據册開支籌還大批借款本息商股本息提撥各部經費北洋二成餘利修造京張鐵路暨購置房地雜項卹賞等項共請銷洋銀七百四十四萬九千五百元八分查此項

支款內支籌還大批借款本息英金合洋銀一百八十六萬三千三百九十五元八角九分據稱係光緒二十四年清還各項借款及接修關外路工向滙豐銀行息借英金之款每月應付利息業經照付在案本屆自西一千九百八年正月分起月息照案續支至十二月底止共英金十萬五千四百四十鎊七本士又付還原本自西歷一千九百八年正月分起至七月分止還第四批第六次至十二次原本連行用共英金三萬三千六百二十五鎊十先令五本士又自西八月分起至十二月分止還第五批第一次至第五次原本連行用共二萬四千十八鎊四先令七本士英鎊支付均照時價先折合行平銀再由銀折洋核與支數相符又支撥還商股本息洋銀二萬一千八百二

十二元四角二分據稱關內開平一段創自商股至接收
全路時尙存股本銀二十八萬四千餘兩按年六釐行息
並准將本隨時收還在案此次按册核算付還前項股息
數目相符又支撥付北洋各局所股款利息洋銀一萬四
千五百七十一元四角三分據稱該路前因創造津沽一
段借北洋各局所公款除還外尙欠淮軍銀錢所行平銀
四萬兩海防支應局行平銀三萬五千兩直隸賑撫局行
平銀二萬五千兩均常年六釐行息此次按册核算付還
前項股息數目相符又支奉撥民政部光緒三十四年分
經費洋銀七萬一千四百二十八元五角八分據稱前奉
部札以民政部經費經奏准由津榆鐵路餘利款內每年
酌撥銀五萬兩在案此次册報所撥之款將銀合洋數目

相符又支撥解郵傳部辦公薪費洋銀七萬二千九百三十四元三角八分據稱該路前解督辦鐵路大臣薪費後改解郵傳部計西歷本年分即光緒三十三年十二月起至三十四年十一月底止計十二個月共解薪費四萬八千兩又三十三年終加給一個月薪費銀四千兩共五萬二千兩按照時價合洋數目相符又支提撥二成餘利解交北洋經費洋銀五十九萬四千一百七十元五角四分據稱前奉部札以直督奏准酌提餘利藉濟各項新政第六案報銷案結至西一千九百七年十一月止其十二月份並無餘利提撥本屆自西一千九百八年正月至九月止共撥行平銀四十一萬五千九百十九兩三錢八分折合洋銀數目相符又提撥修造京張鐵路第四年經費洋

銀一百八十五萬七千一百四十二元八角七分據稱京張鐵路進款餘利項下每年酌提餘利一百萬兩嗣因不敷每年添撥銀三十萬兩自光緒三十一三十二三十三三年業經提撥報銷在案此次所撥之款以銀合洋折算相符又支籌解度支部坐糧廳通關稅款洋銀二萬一千三百八十二元四角二分據稱該路告成商貨多由火車裝運業經奏准在天津黃村設立通關議定每月由鐵路撥解通關稅釐銀一千一百兩計西歷本年分即光緒三十三年十一月起至三十四年十一月底止共十三個月共解庫平足銀一萬四千三百兩照時價折合洋銀數目相符又支協撥奉天工程局修築瀋陽車站馬路經費洋銀三萬元據稱前奉部札協撥奉省工款三萬元以備興

築馬路之用所撥之款數目相符又支提撥盈餘歸部撥用洋銀二百二十八萬四千二百八十五元七角二分據稱此款係前後奉部飭提盈餘歸部撥用以銀折洋數目相符又支奉撥道清路借款利息洋銀二十一萬七千九百八十二元九角三分據稱前奉部飭於西六月間撥交倫敦福公司英金一萬九千九百四十四鎊十四先令九本士除扣道清進款四萬兩外實支銀十一萬七千五百八十八兩五分西八月間撥交福公司三萬五千兩兩次銀數折洋數目相符又支購買新民府至奉天鐵路佔用旗民各地價值等項洋銀十四萬八千一百七十五元八角六分據稱新奉鐵路原係日本修築佔用民地均未發價該路接收後分等給價冊開數目查核相符又置購買

唐山等處地畝價值等項洋銀一萬八千四百一十一元九分查該畝均係展拓該路廠站所需隨時添購按畝給價數目相符又支付給怡和洋行暨中英公司津貼及各商站押款洋銀虧水等項共洋銀六萬三千九百五十四元三角九分查係列銷有案此次冊報查核相符又支本路租用旗民各地洋銀一千四百九十二元六角九分查係列銷有案此次冊報查核相符又支撥還代收京漢路裝運客貨腳價並京張路車租等款洋銀十一萬四百九元四角查此項支款逐月核算數目相符又支卹賞養傷等費洋銀一千五百六十元四角七分查係列銷有案此次冊報查核相符又支唐山客籍學堂第三年經費洋七百元查該路局遞年應撥該堂經費准銷有案此次撥款查

核相符又支滙存英金倫敦滙豐銀行往來存款帳內收
用英金合洋銀五萬五千六百八十元據稱此款係倫敦
滙豐銀行存款無多商明滙付英金四千六百四十鎊每
鎊照定價十二元鎊數合洋數目相符查上開各款既經
按條詳報自應准其照銷

以上全冊共應准銷洋銀一千二百五十五萬五千一百四
元七角一分

實在項下

一截存洋銀二百五十萬七千三十八元四角一分查收支
相抵應存洋銀核符前數此項存款應歸下屆造報再行
核辦

福建鐵路舉員暫管並籌善後事宜摺

奏爲福建鐵路公司應行舉員暫管並籌善後事宜恭摺仰祈聖鑒事竊查福建鐵路前於光緒三十一年七月經該省同鄉京官光祿寺卿張亨嘉等公舉前內閣學士今候補侍郎陳寶琛承充總理呈請商部奏准立案嗣經該侍郎親赴南洋各島招集華僑股本百七十餘萬元復咨請閩浙總督援照各省已辦成案籌辦糧鹽兩捐以爲保息一面按照商律召集股東組織公司公舉總協理董事查帳各員該侍郎仍被舉爲公司總理因就漳廈一綫先將首段開工歷經咨呈臣部有案宣統元年二月臣部派員蒞廈勘查據委員復稱已開各工路綫平直工程堅固一切佈置亦尙得宜惟款項業將不繼其時適該侍郎奉召來京仍爲駐京總理商由臣部交通粵行息借銀洋五十萬元約明以保息之糧鹽

兩捐作抵現准該侍郎咨稱首段五十六里雖已完工開車營業而路線過短客貨所入不足以供行車養路之用至交通銀行借款除已還十萬元外尙短四十萬元益以本屆收入以之抵還債款並補助行車尙爲有贏無絀寶琛現奉恩命入直內廷擬難兼任他差自應呈部奏明開去閩路總理差使先行舉員由部電派暫行接管仍准該公司召集股東會另舉總理承充但公司善後事宜自應預爲清理擬請由部奏明飭下閩浙總督將欠款四十萬元由閩路糧捐清算明白按月撥解交通粵行以清債務其鹽捐一款專充補助公司營業之費仍按月認解若干分別責成福建財政局鹽法道如期撥付等情請爲分別奏咨前來臣部查陳寶琛總理閩路頗著成績現因入直內廷礙難兼顧所請開去總理差使委係寔在情形應由臣部咨請閩浙總督轉飭該公司召

集股東會另舉總理接充至現辦漳廈一綫集股百七十萬元開車達五十六里尙以股款不敷而糧鹽兩捐又解不如額致須借款接濟今該侍郎咨稱就閩路應得之款應公司各項之需先求可以維持庶還款有著不至重累公家即接辦有人亦可稍紓商力且係奏准有案斷難任其延欠擬請旨飭下閩浙總督責成福建財政局鹽法道會同該公司承辦人員將歷年欠解之糧鹽兩捐迅速清理照案按期移撥以重部款而維路政所有該侍郎應行開去閩路總理差使並舉員暫管兼籌善後事宜緣由理合恭摺具陳伏乞皇上聖鑒訓示謹奏

派員充京漢鐵路總會辦片

再京漢鐵道爲本部管轄最要之一路乃近來甚屬廢弛亟宜認真整頓以爲諸路表率總辦道員鄭清濂已准其請假開去差使查有該路會辦直隸存記道孫鍾祥堪以暫署總辦候選道王壽昌堪以充補北路會辦候選道施肇曾堪以充補南路會辦以上三員均係鐵路熟手將來能否勝任臣等自當隨時督察總當爲地擇人不敢爲人擇地以副朝廷實事求是之至意理合附片陳明伏祈聖鑒謹奏

宣統三年閏六月初六日具奏

--	--	--	--	--	--	--	--	--	--

遵訂鐵路鋼軌驗收章程摺

奏爲遵訂鐵路鋼軌驗收章程並繪呈軌制圖式恭摺仰祈聖鑒事竊本年五月十八日臣部具奏擬請釐定全國軌制一摺原奏內稱幹軌定爲八十五磅附屬各件視其軌式軌量爲率驗軌章程應俟規訂完全再行奏定等語奉旨依議欽此欽遵當經札飭漢陽鐵廠總辦李維格詳細核議茲據將八十五磅鋼軌及附屬品製造驗收通行規則酌擬稟復前來臣等伏查軌制爲全國路政所關其製造之法至爲精微非徵之圖列爲章程不足垂爲定式現在擬各辦法大要以其國通行章程爲本當未製造以前先由承造人照所頒發圖樣製備樣板交由鐵路總工程師或驗收員核定存查爲比對之券及既製造以後則由總工程師或驗收員逐一試驗如法選擇或抽取化分以查其所含質料之純駁鋼

軌則較視其全體之是否平直重量長度之是否適宜及其懸重
受擊之若何變態夾板鈎釘則視其鑽孔之是否脗合或鋼質之
拉力及灣頭力之是否堅韌其不如格者剔退更造以期益精以
上各節經部飭由專門人員悉心覆核均尙細密在製造家既足
爲楷模之助在驗收者尤足爲依據之資自應奏奉允准由部頒
行俾資遵守現川漢粵漢鐵路尅日開工急須訂造軌件擬即飭
令迅速照章辦理其餘各路應俟奏奉俞旨即行分別咨札通行
以歸一律所有違訂鐵路鋼軌驗收章程並繪呈軌制圖式緣由
理合繕具清單恭摺具陳伏乞皇上聖鑒訓示再此摺係郵傳部
主稿會同內閣辦理合併聲明謹奏

謹將鋼軌驗收製造章程繕具清單恭呈御覽

計開

八十五磅鋼軌及附屬品

樣板

承造人須照圖樣製備樣板交鐵路總工程司或驗收員核定後仍寄回承造人然後由承造人照製樣板三分內刻奏定八十五磅軌製字樣寄交總工程司或驗收員存查另製樣板一分交驗收員收執前項樣板核定後須造軌樣一條交與驗收員查驗核准給函爲憑然後方可開工製造

製造法

鋼軌係用馬丁鹽基法所煉之鋼製造

化驗

製軌每爐之鋼須由承造人化驗內含之炭質及磷質如炭質不及一千分之四(○·四○)或過於一千分之六(○·六○)磷質過於一萬分之七五(○·○七五)則此爐之鋼即不能
能用

驗收員可以隨時到化驗房查視並可索取每爐鋼質之化驗憑單如有時須完全化驗亦應照辦

有時並可於每五百噸鋼軌內抽出一條交由局外冶金專家完全化驗

此項鋼軌化驗後其含各質分數須如左開

炭 至少○ 四○不得過○·六○

磷 不得過○·○七五

硫 不得過○·○六

磅

不得過〇·一〇

錳

不得過〇·九〇

如有鋼軌化驗不照以上分數再取一樣化驗亦然則是爐之鋼即不能用

如因化驗爭執可由總工程師或驗收員另雇冶金專家化驗其所化分數彼此作準不能異議其化驗費承造人認付剪裁

所有製造軌條或魚尾板之鋼胚須剪去兩頭以取堅實整齊

鋼軌須全體一律整齊與樣板符合無差質堅體直無裂縫起泡等弊如有彎曲須用壓機壓平不得用錘兩端必須平正刀鋸所留粗迹亦須刮光

鋼軌須照核定之樣板製造其重量每碼八十五磅愈近愈好每條重量出入不得過百分之二而全數鋼軌之通扯重量不得與定量上下多過百分之一如出入在此百分之一之內即照磅見通扯重量付價

長度

鋼軌每條以三十英尺爲度內百分之十五分可作短軌計百分之五分必須二十九尺十一寸爲彎路之用兩端塗以白漆其餘百分之十分可作二十七尺二十四尺或他尺寸臨時特別議訂惟以少爲尙以上三十英尺長軌可以彼此商酌加長但須視運往何處船隻是否能裝長軌之兩端有疵者可鋸成短條但須用冷軌

軌條不得重烘

軌條與所定尺寸上下相差過於一寸之四分之一熱度尙有法倫海六十度者則不能照收

短軌須用顏色分記以便與長軌易於分辨

鐵路如要又軌所用之軌亦由承造人供應照所開長短尺寸以完善之軌剪裁

鑽孔

軌之兩端須鑽圓孔二口徑一寸一分爲安裝螺絲釘之用第一孔之中心點與鋼軌盡頭處相距一寸之三十二分之二十九第二孔之中心點與第一孔之中心點相距九寸兩孔務須光滑平正兩邊無稜並與圖樣指定之點無差其孔須與規矩脗合此規矩由承造人製就交與驗收員核對凡與定點相差一寸之三十二分之一或孔之大小不符則此

軌可以別退

標誌

軌之一面須軋成每碼重量及承造人之名其文曰奏定八十五磅軌制漢陽鐵廠造字樣以一寸半高爲度

試驗法

鋼軌照下開之法試驗

(一)製成鋼軌每五十噸抽取一條六尺長擺於兩鐵墩之上兩墩相距三尺六寸鋼軌兩端與鐵墩距離相同然後以二十八墩之重物懸於鋼軌中央半點鐘之久其彎曲度數按兩墩中心相距遠近不得過一寸之十六分之五解除重物之後鋼軌須不變形

(二)又將以上所試驗之軌如前法安置然後以一墩重之生

鐵球由二十尺高下墜鋼軌中央如此墜擊兩次鋼軌須毫無破裂之形否則將同爐之鋼軌另取兩條如前法試驗如其滿意則此爐之鋼軌可以照收

第一次鐵球墜擊後鋼軌彎度不得過四寸第二次後以兩墩中心相距遠近而量之不得過八寸照以上試驗既畢然後再以鐵球墜擊至斷裂爲止所斷之處其紋須堅實一色爲驗收員所許可

如有鋼軌照以上各法試驗不能及格則該爐之鋼軌必須剔退每軌兩端須印出爐號數以便分別

鋼之出爐號數及何月所製字樣須顯明列印於軌之兩端
試驗器具

試驗鋼軌之器具由承造人出費備置其安置之地位基脚

建造與夫試驗之法均須驗收員愜意所有用此器具之費用及試驗所耗之軌亦由承造人擔任承軌之墩須以生鐵或鋼質製成地脚須堅實穩固至鋼軌僅於形式上有疵者可由承造人移作試驗之用

出鋼號數及日期登記

每班拉造之鋼軌長短多寡鋼之出爐號數何日製造註明日班或夜班均須登記專簿每早鈔錄一分交與驗收員鋼軌未交驗收員驗看以前須由承造人派人先自驗過如自驗有不妥之軌須分別另行堆存凡未經驗妥之軌不作備交

試驗費

驗收員試驗鋼軌所需器具及工人均由承造人供給出費

其化驗試驗等費亦歸承造人承認

剔退鋼軌記號

凡有剔退之鋼軌兩端須塗以紅漆另存他處未經知照驗收員以前不得遷移

八十五磅軌之魚尾板

樣板

魚尾板之樣板由承造人按照附圖製備交與總工程司或驗收員核定後由驗收員寄回承造人然後由承造人照製樣板二分內刻八五磅字樣寄交總工程司收存另製樣板一分交驗收員收執

魚尾板樣

前項樣板核定後須造魚尾板樣一對交與驗收員查驗核

定給函爲憑然後方可開工製造必須前後一律不可與作樣者稍有分別

用料

魚尾板須用特別馬丁鋼製造

鑿孔

魚尾板須鑿孔四個缺口兩個鑿須以機器一擊即成然將板熱壓使直其壓機須與板同一長度造成之板尾端須方正所有鋒稜必須刮去邊沿亦須勻淨板與軌對口之處及板脊須如綫直不得有凸起之處所鑿之孔大小須與圖樣相符鑿孔之法須得驗收員許可並查明所用冷鑿不致將鋼質損傷或邊沿有凸起之處方可

魚尾板之重量

魚尾板須與核定之樣板磨合絲毫不差每對估計重五十七磅其上下不得過百分之二

標誌

魚尾板須標誌八五磅並承造人之名此等字樣鑄於鋼印安於壓直機之上乘熱壓直標誌字樣即在板脊外面螺絲孔之間顯明印出如驗收員以標誌不明承造人須另製新印

鋼質

鋼質拉力每方寸不得少過二十八噸或多過三十二噸每十寸須拉長每百分不得少過二十三分魚尾板未鑿孔以前每堆由驗收員隨取五塊冷彎度內徑不得過於該板之厚度倘此五塊之中內有一塊尚未彎至直角以前顯有裂

紋則此堆之魚尾板即須剔退

製魚尾板之鋼胚須先取樣由承造人化驗內含之炭質磷質如炭質過於一千分之一八〇·一八或不及一千分之一〇·一〇磷質過於一萬分之七五〇·〇七五則此爐之鋼胚即不能用

化驗

魚尾板須由承造人不時完全化驗如化出各質之分數不妥則此項魚尾板驗收員即可剔退

此項魚尾板化驗後其含各質分數須如左開

炭

不得過〇·一八

磷

不得過〇·一〇

硫

不得過〇·〇六

燐

不得過○·○六五

錳

不得過○·六○

如用化驗爭執可由總工程師或驗收員另僱冶金專家化驗其化驗費由承造人認付

出鋼號數登記

出鋼每爐號數及每爐所製之魚尾板何日製造註明日班或夜班均須登記專簿每早鈔錄一分交與驗收員

選擇

魚尾板未交驗收員驗看以前須由承造人派人先自驗過如自驗有不妥之板須分別另行堆存凡未經驗收員驗過者不能先行捆紮

魚尾板之樣模

承造人須製備生鐵樣模圍成鋼軌接口之樣並照圖樣位
置於中心線安配一寸徑大之鋼鈕四個此樣模須由驗收
員核定所有魚尾板須一一與樣模相比以試螺絲眼是否
準對倘有與樣板或樣模不能準對或試驗不合格即須別
退所有試驗所需器具及工人均由承造人預備其試驗及
化驗等費亦由承造人認付

別退之魚尾板

所有別退之魚尾板兩端須塗以紅色另堆一處未經知照
驗收員以前不能遷移

擦油

魚尾板驗收後均須擦油然後捆紮

鈎釘

料質

造鈎釘之鋼須用特別馬丁實心軟鋼條照圖樣製成無鋒稜泡鱗裂口等弊所用鋼條每方寸須有二十五至二十八噸之拉力每八寸長須伸長至少一百分之二十五分其鋼條或冷或熱或櫻桃紅時冷以法倫海八十二度之水須彎折兩層中墊一圓條其對徑不得過於試驗之條之厚度兩倍彎折處須毫無裂紋無論冷熱或浸水並須能彎折兩層兩頭緊貼不裂再釘頭熱時須能打平至於釘身三倍之闊而無破裂方爲合格

試驗條

驗收員可以隨時索取鋼條或鋼片之樣試其拉力及彎折力如試不及格則其餘同等之鋼料一律剔退

標誌

鈎釘頭須印入八十五磅字樣

蘸油

鈎釘製成於驗收刷淨後須蘸以胡麻子熱油俟其乾燥以堅實木箱裝之外加以鐵箍每箱滿裝不得重過五百六十磅外面須標明箱內之件及重量或照驗收員所指加以號記

螺絲釘

螺絲釘徑大七分除頭長四寸自脚起車螺絲一寸六分螺絲母六角形兩平相距一寸半厚七分

螺絲須準以便無論何釘皆能配合

螺絲釘須用特別馬丁軟鋼製造其試驗片須於兩倍大之

同徑鐵條外冷彎一折

螺絲公母蘸油裝箱悉如鈎釘辦法

A large rectangular table with 10 empty columns. A small black square is located on the right side of the table, approximately halfway down. The table is otherwise empty.

--	--	--	--	--	--	--	--	--	--

2200

議覆籌修歸化城至包頭鎮鐵路摺

奏爲遵旨議覆恭摺會陳仰祈聖鑒事宣統三年六月二十二日
准內閣片交陝甘總督長庚奏請籌修歸化城至包頭鎮鐵路一
摺欽奉硃批該部議奏欽此欽遵到部原奏內稱山西包頭鎮濱
臨黃河水陸綰轂東通歸化城西通新疆古城西南通甘肅甯夏
等處向來行旅皆由包頭以赴歸化今欲使甘肅土產各物暢銷
他省必須有輕快之火車鐵路與河埠相接始能利商運而廣招
徠迭經派員查勘由歸化經薩拉齊廳至包頭鎮共計三百二十
里皆平垣無高山大澤之阻礙附近亦多煤礦木植若能籌款修
築趕速勘定路線購地庀材與張綏工程東西並舉期以數年之
間聯成一氣即可直達京津不惟甘省之商務可望振興即纏金
一帶開墾事宜亦當大有起色將來展築蒙古及新疆之路皆可

以此爲始基是一舉而數利兼備擬請飭下度支部郵傳部會同核議可否由大清交通銀行湊借銀四百萬兩以充經費分爲十五年本利還清如兩銀行難於通挪則請酌借外債亦可暫資周轉等語郵傳部查該督前次奏辦歸新鐵路當經臣部會同度支部議以路線太長籌款不易奏覆在案此次該督請先辦歸化至包頭鎮爲蒙古新疆路線基礎誠以包頭鎮濱臨黃河爲晉省西北交通孔道新疆甘肅各處商貨大都出於其塗且與臣部現辦張綏路線聯接自係爲聯絡交通振興商務起見應即迅速籌辦惟建築鐵路邊境較腹地爲難而購辦材料尤非按段遞運不可故欲收交通之益必須由內及外由近及遠殊難同時並舉查宣統元年七月臣部奏據工程司所勘張綏一綫以邊地早寒每歲施工祇六個月約計八年方能完竣所擬綫路六百八十九里估

需銀一千六百餘萬兩去年因款絀暫停本年自天鎮向前接築計明年秋季方能修至大同由大同至歸化尙有三百八九十里大致雖已勘估迄今尙未詳細測繪歸化以上原議展至河口聞河口不及包頭爲黃河運道利便糧貨聚會自應改由歸化至包頭鎮該督原奏計三百二十里即當一併派員勘估若照原議俟歸化路工八年告竣再行接展而西似太迂滯籌大局固宜從速以營業論亦非造至包頭必不能敷修養之費現擬遴派工程司自大同達歸化以至包頭鎮逐細測勘估價凡遠購重料黃河難分運天時寒凍土工亦難兼施擬將前途山洞橋座艱難工作無待轉輸重料可以人力趕造者一面分段辦理總期縮短年限早觀厥成至於需款多少一經估定似不必因此耽誤查張綏工款係指撥京奉餘利而餘利多所分撥不能專供一路之用故始事

程功略以八年爲限而由歸化至包頭三百餘里之工尙不在內
若專指餘利恐十年難成至借款一節臣部交通銀行本係營業
性質往來借貸多屬短期比年臣部應辦要政甚多周轉尙不敷
用殊難爲其挹注且該路未經勘路究竟四百萬兩足敷與否更
無把握似應俟勘估之後另行會同核奏度支部查歸化至包頭
一路西通甘新聯貫水陸之樞紐自應及早籌辦惟該路需款若
干必待郵傳部勘估以後方有確數原奏擬向大清銀行湊借一
節該銀行亦係營業性質若令擔任十五年長期借款似未合宜
應統俟路線工款勘估定後再會同郵傳部妥籌詳酌奏明辦理
所有違議緣由謹恭摺會陳伏乞皇上聖鑒訓示再此摺係郵傳
部主稿會同度支部辦理合併聲明謹奏

派充三佛枝路總辦片

再粵漢三佛枝路約九十餘里原借美款官辦合同贖廢之後暫歸三省董事派人經理事權紛雜損失甚多現在該路奉旨收歸國有其未還美國借款尙有二百數十萬元業由臣部籌還自應遴派妥員管理一切查有四川候補道羅崇齡熟悉情形擬即派充三佛枝路總辦並責成核寔整頓以免目下虛糜漫無歸宿將來接綫頭緒方清謹附片具陳伏乞聖鑒謹奏

滙陳川路情形摺

奏爲滙陳川路情形恭摺仰祈聖鑒事本月二十一日奉旨趙爾豐電奏川路股東會會長顏楷等爲部臣弊通分公司總理分別糾劾錄呈代奏等語原奏著鈔給督辦粵漢川漢鐵路大臣郵傳大臣閱看欽此欽遵由內閣鈔交前來詳閱原奏持論有三一以川路駐宜總理李稷勳來部呈商辦法臣部探其條陳咨照川督目爲私相授受一以李稷勳條陳接收以前關於工程材料及工程司去留各事項如何辦法目爲專擅害公由股東會議決辭退一以接收以前工程照常開支目爲收路不已更奪其資臣部查四月十一日奉上諭幹路國有定爲政策如何收回著度支部郵傳部凜遵此旨悉心籌畫請旨辦理等因欽此彼時以收回詳細辦法商議尙須時日現辦各工程夫役星散則遇事滋生變端兩

水時行而未完之工恐壞特於次日電致四省督撫轉飭各公司無庸停工原用員司一概仍舊嗣接鄂督瑞澂復稱宜昌現在工役約四萬餘人每月開支需款甚鉅鄂蜀之間本多伏莽工款兩項一不應手變即隨之等語是工既不停即須籌款應付而部未接收界限不清又不能動支借款李稷勳請遵照部札一切用款自五月初一日起會同部派之員專冊登記以清界限此項用款應俟全路工程交由官局接收後始能截數清算寔爲慎重民款維持路政起見臣部准其所請咨行川督按之四月間臣部加札四川道員馬汝驥赴宜查帳札開所有該公司進出款目自接辦之日截止其本部與督辦大臣委員未到以前工程動用款目即准馬道會同李參議專冊登記以便接收之日一併由部核算等語並將札文咨行川鄂兩督查照是既聲明將用款逐項登記即

爲認還川款之根據此時暫用川款他日川路股東議決如以餘款入股自可領回國家鐵路保利股票即欲劃歸本省興辦實業亦可由部按照登記專冊如數撥還毫無虧損何以謂既收其路又奪其資至李稷勳於宣統元年七月間由四川總督奏派川路駐宜總理奉旨允准在案查奏定公司章程公司重大事件仍稟承督部辦理是李稷勳此次來都以總理資格向臣部直接呈商亦屬應有之權限何以謂私相授受臣部前接鄂督瑞澂電稱宜昌前以公司停工停款謠言頗盛賴李稷勳尙能維持不如仍請用李又接護川督王文電稱總理李稷勳爲川人所信仰似可留用藉以羈攬衆情並請迅電李總理勿令停工以免夫役分散是李稷勳於該路深洽人心當此紛擾之際正須藉以鎮壓既爲川鄂疆臣所深許又曾爲在京川紳聯名電致公司所公舉前任

川督趙爾巽所奏派此次來京並聞川省京官兩次開會衆皆認爲正當辦理今乃以向不任事之臨時特別股東會議決任意開除奏派之總理限於十日內交卸不知是何居心在平日公司總理之去留原可全憑股東決議現值官商交接之間若任令改新換舊恐經手工程款項必多推諉掩飾而鄂督所慮謠言四起有礙治安亦所難免此誠非部臣所能臆度者也總之查明進出帳目方能辦理接收事宜此一定之理而川路自四月奉旨之日起即由臣部咨請川督派員到局查帳據護督電係派勸業道往查數月以來尙無咨報督辦大臣端方到鄂已久亦尙未能派員接收當此之時停工既虞其滋事不停工復目爲奪資臣與端方往返電商一切仍當凜遵迭次諭旨辦理應請飭下四川督臣轉飭奏派路工總理李稷勳仍駐宜歸暫管路事督辦大臣未接收以

前勿許離工並即責成該督遵照五月二十一日上諭迅速會同督辦粵漢川漢鐵路大臣將所有收款分別查明細數實力奉行俾得按照所擬辦法早日決定請旨派員接收趕緊進行庶以保路政而維大局所有瀝陳川路情形緣由謹具摺恭陳伏乞皇上聖鑒訓示謹奏

宣統三年閏六月二十五日具奏奉旨盛宣懷奏瀝陳川路情形一摺所有請飭四川總督轉飭李稷勳仍駐宜歸暫管路事督辦大臣未接收以前勿許離工並責成該督遵照前旨迅速會同端方將所有收款分別查明細數實力奉行俾得按照所擬辦法早日決定等語均著照所議辦理本日又據瑞澂端方電奏各節應由端方就近迅速會商趙爾豐懍遵疊次諭旨妥籌辦理嚴行彈壓毋令滋生事端並將詳細情形隨時查明電奏欽此

核覆萍株鐵路收支各款摺

奏爲核覆萍株鐵路收支各款繕具清單恭摺仰祈聖鑒事竊查萍株鐵路收支各款至宣統元年十二月底止業經報銷在案茲據該局將宣統二年分全年收支各款造具清冊二分呈送到部當經督飭司員按冊鈎稽即將該冊一分轉咨度支部會核在案查此案係自宣統二年正月日起至十二月底止管收項下共庫平銀六十四萬一千六百八十九兩四錢六分四釐支款項下共庫平銀三十九萬三千七百一十一兩二錢三分一釐餘利項下共庫平銀二十四萬七千九百七十八兩二錢三分三釐內須補給宣統元年分並提給二年分該路員司花紅共八千七十八兩六錢六釐查此項花紅係照鐵路通則提存公積周息外所贏淨利抽出十分之一獎給本路員司該路元年餘利已全數解交臣部

撥作開徐海清鐵路開辦費其應領花紅自應在此案補給其本年花紅一項亦應照案准給以上餘利除支花紅外計寔在庫平銀二十三萬九千八百九十九兩六錢二分七釐以散合總均屬相符並准度支部咨復無異自應准其開銷謹繕具清單恭呈御覽其結存銀兩當飭該路局接續造報以重款項所有核覆萍株鐵路報銷緣由理合恭摺具陳伏乞皇上聖鑒訓示謹奏

宣統三年七月 日具奏

謹將核覆萍株鐵路收支各款繕具清單恭呈御覽

計開

舊管項下

一册開宣統元年分餘利庫平銀一十八萬一千二百八十七兩二錢二分三釐

新收項下

一册開車脚進款等項共收庫平銀四十六萬四百二兩一錢四分一釐

查前項進款車脚項下計收湘平銀四十七萬四千九百七兩七錢三分六釐廢舊物出賣收入湘平銀一千六百五十一兩九分二釐賠償毀損物品修配機件罰款收入湘平銀一千六百八十一兩六錢四分八釐餘業租息收

入湘平銀一千三百四十五兩八分七釐共收湘平銀四十七萬九千五百八十五兩五錢六分三釐以湘平銀一百兩合庫平銀九十六兩統合庫平銀四十六萬四百二十四兩一錢四分一釐核覆相符

開除項下

一册開車務局費用項下共支庫平銀一萬四千六百七十九兩四錢七分四釐

查前項係車務局員司薪水伙食公費等項共支湘平銀一萬三百一兩三錢二分一釐又親兵轎夫廚夫水夫更夫雜役等工食共支湘平銀一千四百五十五兩九錢四釐又員司因公往來川資夫馬并專差路費夫力飯食等項共支湘平銀四百八十六兩三錢七分五釐又紙張筆

墨等項共支湘平銀二百七兩八錢四分七釐又支因公
發出各處電費及郵票等共支湘平銀五百四十七兩九
錢一分五釐又添置傢具等件共支湘平銀二百三兩七
錢二分六釐又零星修理房屋共支湘平銀四十五兩三
錢三分一釐又油燭煤炭及年節員司便飯弁兵丁役犒
賞一切零星雜用共支湘平銀一千四百二十二兩三錢
七分又鐵路基地應完錢糧及租用萍鄉礦局地租并補
完萍界縣界內光緒三十四年宣統元年分耗羨及學堂
練兵各經費共支湘平銀六百二十兩三錢二分以上共
支湘平銀一萬五千二百九十一兩一錢一分九釐以湘
平一百兩合庫平九十六兩統合庫平銀一萬四千六百
七十九兩四錢七分四釐以散合總均屬相符擬准照銷

一册開行車處費用項下共支
八兩八錢六分三釐

查前項係運輸處員司薪水
七千二百八十五兩六錢四分
平銀一千三百六十四兩三錢
件共支湘平銀一百四兩四錢
器具共支湘平銀一百二十二
房屋共支湘平銀一百八十二
及年節員司便飯年終車守
五十六兩一錢二分三釐又
支湘平銀一十九兩四錢一分
等薪水伙食共支湘平銀五千

各站站丁分路夫等工食共支湘平銀二千三百八十一
兩一錢四分三釐又添購車票共支湘平銀一百六十九
兩二錢九分七釐又紙張筆墨等件共支湘平銀一百三
十五兩八錢八分九釐又添置零星器具共支湘平銀一
百二十九兩一錢一分三釐又各站燈油共支湘平銀三
百九十一兩四錢二分一釐又各零星雜用及年節站長
司票便飯等項共支湘平銀一百七十四兩三錢三分八
釐又電報房報生等薪水伙食共支湘平銀二千三百一
十五兩七錢五分二釐又電報工頭工食共支湘平銀二
百四十三兩三錢二分九釐又電報材料共支湘平銀六
百九十二兩三錢二分一釐又雜費共支湘平銀一十兩
一錢八分八釐又警察各局分局長檢事等薪水公費共

支湘平銀一千九百五十三兩一錢三分四釐又各局巡
長警兵等口糧共支湘平銀三千四百三十八兩九錢二
分又各局燈油共支湘平銀一百五十三兩八錢三分二
釐又添置警帽警衣及褲靴等共支湘平銀五百六十九
兩六分三釐又零星雜用共支湘平銀九十六兩三分五
釐以上共支湘平銀二萬七千五百九十二兩五錢六分
六釐以湘平一百兩合庫平九十六兩統合庫平銀二萬
六千四百八十八兩八錢六分三釐以散合總均屬相符

擬准照銷

一册開版務處費用項下共支庫平銀九萬四百八十五兩
五錢一釐

查前項係車輛處監工管料等司事薪水伙食共支湘平

銀九百三十六兩四錢一分三釐又零星料件共支湘平
銀一百八十一兩九錢六分五釐又擴充機廠改築墻垣
換用鐵瓦及零星修理各工料共支湘平銀四千四十一
兩二錢四分五釐又紙張筆墨油燭煤炭一切雜用共支
湘平銀五百七十五兩八錢一分四釐又開車匠役工食
共支湘平銀八千八百三十八兩八錢五分九釐又機車
升火夫工食共支湘平銀二千九百七十六兩二錢五分
六釐又火車廠擦車匠役及全路添水夫等工食共支湘
平銀三千七十七兩五錢四分六釐又機車所用煤炭共
支湘平銀三萬八百九十二兩五錢六分又行車所用機
油汽油茶油洋油等共支湘平銀五千三百五十二兩一
錢二分一釐又行車所用絲頭棉絮等共支湘平銀一百

四十六兩五錢六釐又修理機車工料共支湘平銀一萬四千三百六十九兩六錢二分六釐又修理客車工料共支湘平銀三千九十五兩九錢三分三釐又修理貨車工料共支湘平銀一萬六千四兩六分三釐又修理機廠修車器具共支湘平銀二千二百九十兩二分又管理物料員司薪水伙食共支湘平銀六百二十一兩三錢三分四釐又看管物料丁役工食共支湘平銀四百四十三兩二錢六釐又物料所油燭煤炭紙張筆墨一切雜用共支湘平銀四百一十二兩二錢六分三釐以上共支湘平銀九萬四千二百五十五兩七錢三分以湘平一百兩合庫平九十六兩統合庫平銀九萬四百八十五兩五錢一釐以散合總均屬相符擬准照銷

一册開養路處費用項下共支庫平銀五萬八千一百三十四兩四錢六分九釐

查前項係洋工程司及華籍譯監工等薪水伙食共支湘平銀七千六百一十二兩五錢二分四釐又洋工程司監工等雜用共支湘平銀三百七十八兩八錢七分三釐又全路軌道經用枕木鋼軌墊板鈎釘分路機石子等價值運費及全路巡修工人工食共支湘平銀四萬三千二百四十三兩八錢六分七釐又修理橋梁工料並看橋夫工食等共支湘平銀二千八百三十兩二錢七分七釐又修理沿路道旁工料並道夫燈油等共支湘平銀一千二百二十七兩三錢四分一釐又全路柵夫工食共支湘平銀二千九十四兩三錢六分三釐又修理轉車盤工料共支

湘平銀七十五兩五錢三分二釐又修理水塔工料共支
湘平銀二百二十五兩五錢九分九釐又修理軌道經用
洋鋤鐵鉗各器具共支湘平銀四百一兩五錢九分七釐
又保路紳士薪水伙食共支湘平銀一千五百一十二兩
一錢一分三釐又清丈餘業催收租息等費用共支湘平
銀一百二十三兩九錢九分三釐以上共支湘平銀六萬
五百五十六兩七錢三分九釐以湘平一百兩合庫平九
十六兩統合庫平五萬八千一百三十四兩四錢六分九
釐以散合總均屬相符擬准照銷

一册開額外用款項下共支庫平銀二萬六千五十五兩一
錢八分八釐

查前項係改造磅秤房安置磅秤車務局展造局屋及修

理油漆等工料共支湘平銀七千三百六十三兩七錢又
添置磅秤一架二十五馬力電機一部銼磨輪盤機一部
備用寶沙輪十二個雙料安梅雷磨機一部安梅雷磨輪
機十二副價值及水脚保險等費共支湘平銀五千三百
六兩四分六釐又付出上年訂購大貨車二十輛由德國
運到水脚關稅裝配工料及本年添購車輪軸盤彈簧等
價值水脚保險等費共支湘平銀一萬三千九百九十二
兩九錢一分四釐又添置水龍二架及車務局辦公桌椅
卷櫃卷箱共支湘平銀四百七十八兩一錢六分一釐以
上共支湘平銀二萬七千一百四十四兩八錢三分一釐以
湘平一百兩合庫平九十六兩統合庫平銀二萬六千五
十五兩一錢八分八釐以散合總均屬相符應准照銷

一册開撥解部款項下共支庫平銀一十七萬七千八百六十七兩七錢三分六釐

查前項係宣統元年分行車餘利項下湘平銀一十八萬五千二百七十八兩八錢九分二釐以湘平一百兩合庫平九十六兩共合庫平銀一十七萬七千八百六十七兩七錢三分六釐於宣統二年三月滙交臣部撥作開徐海清鐵路開辦經費此項餘利中以庫平銀一十五萬八千九百八十四兩六錢四分三釐爲申解宣統元年分行車餘利以庫平銀一萬八千八百八十三兩九分三釐作爲預解宣統二年分行車餘利核算均屬相符擬准開銷

以上共支庫平銀三十九萬三千七百一十一兩二錢三分一釐出入相抵應餘庫平銀二十四萬七千九百七十

八兩二錢三分三釐

又册開員司花紅項下共支庫平銀八千七十八兩六錢六釐

查前項係支給宣統二年分員司花紅庫平銀六千九百八十二兩二錢八分六釐又補支宣統元年分員司花紅庫平銀一千九十六兩三錢二分兩項共支庫平銀八千七十八兩六錢六分六釐核算相符擬准照銷

以上統結共准銷庫平銀四千七百八十九兩八錢三分七釐

實在項下

一册開宣統二年分年底共結存庫平銀二十二萬九千八百九十九兩六錢二分七釐

查全册管收與支出兩抵合符前數所有結存銀兩應歸
下屆造報核銷

議覆西潼鐵路請改歸官辦摺

奏爲遵旨議覆恭摺會陳仰祈聖鑒事竊准內閣鈔交陝西巡撫奏西潼鐵路商辦尙無成效擬請改歸官辦一摺宣統三年七月初六日奉硃批該部議奏欽此欽遵到部原奏內稱西潼鐵路自光緒三十一年擬歸官辦三十三年變通辦法議由紳商合辦官爲主持迄今五年屢經催飭先後據稱招募股款八十餘萬並未開收本年五月四川招股分處議定開收亦無多日後效難期可否准照幹路章程收回歸官辦理敕下度支部郵傳部會籌指定收回辦法以重路政而卹商艱等語查西潼鐵路近聯汴洛遠達甘新實爲東西緯幹之樞紐光緒三十一年前陝西撫臣曹鴻勳奏請籌款修築期與豫省之洛潼一氣呵成惟該省風氣晚開商股無從招集奏辦數年迄未興作宣統元年臣部奏准該路設立

公司並於分年籌備要政案內奏明限令自開辦之日起於三年內集股鳩工每年須有三分之一報部查明始能准其接續籌築屆時倘不及半即由臣部籌措鉅款代爲建造該路約長二百餘里估計約須四百萬兩以上每年招股三分之一須有一百數十萬兩左右現在已逾二年僅報招股八十餘萬並未開收四川招股分處收股亦無成效按照原奏案該路久在應行撤銷之列自應准其收歸官辦惟該路介居腹地目下與他路不相毗連必須全幹通籌乃能收一氣貫注之效伏查潼關以東已成之路雖有汴洛未成之路尙有洛潼洛潼一日不成則西潼之運料施工俱難着手而洛潼一段自光緒三十二年奏准商辦宣統元年又於分年籌備要政案內奏定招股鳩工期限應較西潼更早一年現在期限將屆迄無成功亦應妥籌辦法擬由臣部先行派員勘估

通盤核計一俟籌款定綫議有端倪再行奏明辦理度支部查西
潼一綫銜接洛潼並西通甘新等處係屬西幹正軌關係交通至
爲重要現郵傳部既經議准西潼收歸官辦洛潼亦擬勘估自應
俟估有確數後遵照宣統元年奏案由郵傳部籌措鉅款會商臣
部核明具奏再查光緒三十二年間據前陝西撫臣曹鴻勳奏稱
由西安至臨潼分爲第一段刻期修築所費不過數十萬金一面
由司庫騰挪一面集股增益旋由臣部於議覆該撫加抽土釐案
令將司庫騰挪動支何款並數目若干查明聲覆等因在案此次
奏稱籌給開辦經費六萬兩並由司續籌保息等款其動用何款
續籌數目均未聲叙應仍令該撫詳細查明咨報臣部查核所有
遵議西潼鐵路收歸官辦緣由謹恭摺會陳伏乞皇上聖鑒再此
摺係郵傳部主稿會同度支部辦理合併聲明謹奏

宣統三年 月 日

京張鐵路兼辦鷄鳴山煤礦情形摺

奏爲京張鐵路兼辦鷄鳴山煤礦謹將歷年辦理情形恭摺具陳
仰祈聖鑒事竊京張從前係由關內外鐵路局撥款興築光緒三十一年間據關內外鐵路局詳稱由京至張家口沿路各處煤礦甚多應由京張鐵路開採以免利權外溢擬請嗣後無論華洋官商稟請在沿路兩旁與附近地方擬辦礦務須先向京張局商詢願否自行開辦如鐵路不願開採始准該官商辦理等語經前督辦大臣袁世凱等據咨前商部准予立案旋由該局派員前往直隸宣化府屬之鷄鳴山一帶勘驗礦苗擬就鷄鳴山八畝地收買舊峒另開新井先爲試辦所需經費即由路工經費項下墊撥復經前督辦大臣批准照辦光緒三十四年冬間該局詳稱據礦師勘報鷄鳴山玉帶山八寶山山勢毗連煤質尙佳均爲鐵路經過

附近之所必須聯絡一氣方能日久見功擬請劃歸官辦經臣部轉咨農工商部准給開礦執照三紙並以各該礦地係部飭由京張局兼辦自與商辦有殊應免交納地稅又所出之煤如係部轄各路官局取用應免繳煤餉出井稅先後咨明農工商部各在案隨將開礦工程及運煤枝路次第布置其附近小窰有礙新井者則商由地方官給價收回封閉自上年起每日出煤約四五十噸惟尙在浮面一層煤質未能盡合火車之用加以水火塌陷在在隄防程工致難尅定今年春間臣部派臨城礦務局總辦鄺榮光兼充該礦礦師會同京張鐵路總辦切實整頓據報近來發現煤綫二處頗爲深厚逐加化驗灰少質佳今冬當可深透大槽日出之煤以供該局鐵路取用似可有盈無絀所有歷年動支經費行化銀四十七萬餘兩擬請作爲成本俟出煤暢旺分籌撥本又玉

帶八寶兩山實爲鷄鳴山後來補助之要應俟該礦辦有成效隨時妥籌擴充懇予奏明立案等情查歐西各國凡欲創修鐵路靡不注意煤礦誠以煤爲行車所需路惟運輸是賴二者相輔而行方能歷久不敝京張鐵道係完全官款自辦之路沿途礦苗豁露開辦伊始即經前商部立案准由該局儘先開採俾鐵路既無缺煤之患而礦產亦少覬覦之憂試辦以來歷有年所近始畧具規模雖非上等煤礦亦當有舉莫廢將來倘能推廣礦區預籌銷路或可日有起色容由臣部督率該路總辦礦師等認真籌畫設法保持以收路礦相維之利至玉帶八寶兩山旣與鷄鳴山相連且經農工商部給照有案擬即劃作該局官辦礦區留爲將來擴充地步庶足以垂久遠而給取求除將該礦歷年動支款項飭由京張路局另案造報再行核銷外所有京張鐵路兼辦鷄鳴山煤礦

緣由理合恭摺具陳伏乞皇上聖鑒謹奏

京漢鐵路贖回後第二年營業收支大數摺

奏爲陳明京漢鐵路贖回後第二年營業收支大數恭摺仰祈聖鑒事竊京漢鐵路自光緒三十四年冬間向比公司贖回之後所有第一年營業自光緒三十四年十一月二十日起至宣統元年十一月十九日止即西一千九百零九年分收支大數經臣部於上年八月奏明在案茲據京漢路局將該路第二年營業清結自宣統元年十一月二十日起至宣統二年十一月三十日止即西一千九百一十年分收支大數呈送前來查是年收數較前尙旺惟因改展工程一切支款較前亦多統計全年客貨進款共銀圓一千二百二十四萬圓有奇行車養路經常支款共銀圓三百九十八萬圓有奇改展工程及利息公積共銀圓四百零二萬圓有奇實得餘利銀圓四百二十三萬圓有奇比較上年餘利計多銀

圓五十九萬圓有奇業經於本年分陸續提用除將該路收支報銷細冊暨撥用餘利數目另行奏報外理合先將收支大數恭摺具陳伏乞皇上聖鑒謹奏

道清鐵路總辦派員代理摺

奏爲道清鐵路派員代理恭摺仰祈聖鑒事竊臣部接准升任湖廣總督袁世凱咨稱准內閣電開九月初二日奉旨袁世凱電奏擬請調降補奉天勸業道黃開文隨營差遣等語黃開文著准其調營差遣該衙門知道欽此等因到部當即飭知該員即日前赴營次聽候差遣惟該員現充道清鐵路總辦該路介居晉豫際茲軍務倥傯路事較爲殷繁總辦有管理全路之責亟應派員代理以專職任查有臣部鐵路總局課員分省直隸州知州程世濟曉暢路政精通外國文字堪以派往代理該路總辦除札飭外理合恭摺具陳伏乞皇上聖鑒謹奏

宣統三年九月二十三日奉旨知道了欽此

請派署鐵路總局局長片

再郵傳部鐵路總局爲管理借款各路特設機關前由左侍郎李經方暫行兼辦局長事現李經方業經離部軍事運輸事務復極繁要自應改派專員接充局長以一事權查有鐵路總局提調郵傳部參議上行走僉事葉恭綽堪以署理郵傳部鐵路總局局長謹附片具陳伏乞聖鑒訓示謹奏

請賞給各路洋員寶星摺

奏爲請賞給洋員寶星恭摺仰祈聖鑒事竊郵傳部管轄官辦各
路向均參用洋員凡深資得力者歷經隨時擇尤奏請獎給寶星
奉旨允准在案茲查有正太總工程司法國人米來哈辦理工程
歷有年所正太本係窄軌去年改用新式活軸車輛與京漢互通
往來多由該員規畫以致此次晉省兵變該路寔居要衝保全路
綫轉運軍糈亦不無微勞足錄又京奉總會計員英國人韓德森
經理帳目綜覈無訛深資贊助擬請將正太總工程司米來哈賞
給二等第三寶星京奉總會計員韓德森賞給三等第一寶星以
資鼓勵如蒙俞允即由郵傳部將該洋員履歷咨行內閣欽遵辦
理所有擬請賞給洋員寶星緣由理合恭摺會陳伏乞皇上聖鑒
訓示謹奏

宣統三年十一月

日具奏

請賞各路辦事出力洋員寶星摺

奏爲各路辦事出力洋員擬請賞給寶星以資鼓勵恭摺仰祈聖鑒事竊自數月以來路事紛繁全賴迅赴機宜藉收效益茲查各路洋員等或司行車廠務或管養路工程辦事均資得力自應擇尤給獎用昭激勸謹將尤爲出力各員分別次第酌擬獎給寶星等級繕具清單恭呈御覽如蒙俞允當由內閣照章製造發交郵傳部轉飭祇領所有請給洋員寶星緣由謹恭摺具陳伏乞皇上聖鑒訓示謹奏

2246

議將各路出力洋員職名及擬給寶星緒單恭呈御覽

三等第一寶星京奉車務總管英國人佛類擬請賞換二等
第三寶星

京奉副總工程司英國人喀克士擬請賞給三等第一寶星
京漢廠務總管法國人馬存養路總管希臘國人窩法尼得
士行車總段長法國人白來窩士車務長法國人何圖總段
長法國人辣克華行車總文案法國人郭斐窩京奉副車務
總管英國人史梯爾分段工程司牛麻治英國人勒比均擬
請賞給三章第二寶星

行車段長法國人法過南廠務段長比國人挨錫朋養路段
長比國人若尼窩均擬請賞給三等第三寶星

會核滬甯鐵路第一案收支摺

奏爲會核滬甯鐵路第一案收支各款繕具清單恭摺仰祈聖鑒
事竊准前督辦滬甯鐵路大臣唐紹怡咨行郵傳部稱滬甯鐵路
工程收支自光緒二十九年九月十三日起至三十一年十二月
初四日止均盛大臣督辦期內之事所有經收經支各款業由盛
大臣移歸本大臣彙案報銷此案應自光緒二十九年九月十三
日即西歷一千九百零三年十一月分起至光緒三十二年十一
月十六日即西歷一千九百零六年十二月分止盛大臣及本大
臣督辦期內工程購地行車收支各款造具表冊分咨郵傳度支
兩部察核奏銷等情前來當即督率司員按款覆核計冊開工程
項下收款共規銀一千六百九十一萬五千二百六十三兩八錢
一分支款共規銀一千三百一十八萬二千四百二十三兩一錢

五分結存規銀三百七十三萬二千八百四十兩六錢六分行車
項下收款共規銀六十五萬二千一百四十六兩三錢四分支款
共規銀六十五萬一千七百七十九兩八錢五分結存規銀三百
六十六兩四錢九分又購地冊內結存規銀五萬六千九百零七
兩八錢六分三釐四毫共計三款總共結存規銀三百七十九萬
零一百十五兩零一分三釐四毫以散合總尙屬相符間有數目
差錯業經札局駁查據覆實係筆誤應准更正其借款一項凡在
倫敦收支均用金鎊按照時價折合規銀列帳係總管理處房邊
照合同辦理亦經札局飭取歷年在英收支帳略詳細核對亦相
符合以上請銷各款自應准其開銷惟購地冊內收款項下尙有
數條未甚明晰亦經行查尙未據覆其支款項下既經覆核無訛
亦應准其開銷仍令由該路局將前查收款數條查覆存案謹繕

具清單恭呈御覽其結存銀兩應由郵傳部轉飭該路局歸入下屆接續造報再行核銷所有覆核滙甯鐵路第一案報銷緣由理合恭摺會陳伏乞皇上聖鑒謹奏

A large rectangular table with 10 empty columns. A small black triangle is located on the right side of the table, approximately halfway down. The table is otherwise empty of text or data.

謹將發覆滬甯鐵路工程行車收支各款繕具清單恭呈御覽

計開工程項下

查此項工程係自光緒二十九年九月十三日起至三十二年十一月十六日止收支各款

舊管無項

新收項下

一據冊開收借款售價小票規銀一千五百七十萬七千五百五十五兩二錢一分查此項小票發售虛數二百二十五萬鎊照合同九扣實收二百二萬五千鎊照時價折合規銀核算無誤

一據冊開收銀公司暫借款規銀七萬兩查此項係未售

小票以前銀公司墊借總管理處用款已於小票售後全數清還列入支款

一據冊開收存款利息規銀六十六萬九千五十六兩三錢八分查此項利息內滙豐銀行計五十八萬四百三十九兩三錢八分中國通商銀行計八萬八千五百九十五兩五錢五分暫存各處備用零款利息計二十一兩四錢五分以散合總核算相符

一據冊開收未還怡和洋行墊款規銀二千一百四十九兩二分查此項係怡和洋行前後墊支工程處用款四萬二千二百六十九兩二分西一千九百零四年十二月分還四萬一百二十兩尙欠此數已於零五年正月清還列入支款

一 據冊開收繳還退回雜款規銀三千八兩八錢八分查此項係收回先墊預支暫借之款

一 據冊開收匯兌銀洋溢水規銀四千三百九兩九錢三分查此項係匯兌銀洋溢價收入之款

一 據冊開收淞滬路行車帳撥存滙豐銀行款規銀二萬一千二百六十九兩五錢八分查此款係購買淞滬時淞滬行車帳撥來結存滙豐之款

一 據冊開收淞滬路暫存款規銀一萬兩查此係淞滬路交來暫行代存款已於西一千九百零五年六月清還列入支款

一 據冊開收淞滬路移撥工程材料價規銀七萬五千四百五十六兩七錢四分查此項係淞滬路繳還工程材

料處代該路購置材料之款

一據冊開收行車處行車餘利規銀五萬七千二百五十五兩二錢一分查此項係行車進款

一據冊開收行車處撥來各款規銀三十萬二千二兩八錢六分查此項係行車處撥還工程代墊各款

以上新收項下共收規銀一千六百九十一萬五千二百六十三兩八錢一分

開除項下

一據冊開支測勘門規銀一萬八千九百三十一兩三錢三分查此項係測量費用購買器具等項用款

一據冊開支購地門規銀一百八十四萬五千六百六十五兩八分查此項係支付購地局款項細數支銷另由

購地局造報

一據冊開支土木水利門規銀八十萬六千四百六十四兩二錢七分查此項係工程土方山洞河渠溝漚道路等項用款

一據冊開支橋工門規銀一百三十七萬六千六百十五兩三錢六分查此項係橋工工料涵洞水溝等項用款
一據冊開支築界立號門規銀八千二百五十九兩九錢三分查此項係築界立號工料用款

一據冊開支電報門規銀四萬三百五十二兩五錢查此項係裝設電報工料用費

一據冊開支軌路門規銀二百四十二萬四千六百二十六兩六錢三分查此項係軌路石渣鋼軌枕木及工食

等項用款

一據冊開支車站廠屋門規銀八十五萬二千八百九十八兩六錢查此項係起蓋房屋車站材料機器工食等項用款

一據冊開支工程處動用機器船隻車輛門規銀一百三十萬四千三百十六兩三錢七分查此項係購置汽車船隻及工程動用機器汽車動用機器及一切船隻裝置修理等項用款

一據冊開支普通門規銀一百十二萬二千二百八十六兩一錢八分查此項係工程各處所薪水津貼器具裝飾及川資醫藥費等項用款

一據冊開支購料行用門規銀二十四萬二千七百五十

九兩六錢查此項係購買中外物料行用費

一據冊開支他項行用門規銀五千一百十兩二錢查此項係未售小票以前怡和洋行借款行用倫敦還息行用等費

一據冊開支轉運門規銀十五兩八錢一分查此項係零碎轉運器具碼頭費八折費車力等費

一據冊開支墊款門規銀五千九百九十四兩九錢六分查此項係代墊電報暫借預支等項費用

一據冊開支還款門規銀一萬二千一百四十九兩二分查此項係撥還淞滬路暫存一萬兩怡和洋行墊款二千一百四十九兩二分應與收款項下兩相抵銷

一據冊開支還銀公司借款門規銀七萬兩查此項係清

還未售小票以前暫借銀公司款應與收款本項抵銷

一據册開支利息門規銀一萬二千七百三十七兩查此項係一千九百零四年怡和洋行代墊各款利息及支督辦大臣提用所存中國通商銀行購地款項之利息

一據册開支借款利息門規銀一百七十二萬九千七百四十三兩五錢查此項係支借款小票利息

一據册開支銀公司墊款利息門規銀五千一百四十七兩七錢五分查此項係支西一千八百九十八九年初次測量各工程司薪費旅費及開工後工程司等薪工電報費及未售小票以前墊支銀兩等項墊款利息

一據册開支滙兌貼水門規銀三萬二千一百四十三兩二分查此項係各段工程處用款貼水費

一據冊開支捐助南洋公學學費門規銀五千兩查此項係捐助南洋公學派往外洋留學生學費

一據冊開支淞滬鐵路門規銀一百萬兩查此項係收買淞滬鐵路銀兩

一據冊開支淞滬鐵路移用工程材料門規銀三萬三千九十四兩九錢四分查此項係工程處代購材料用款

一據冊開支撥歸行車處行車餘利門規銀三萬八千九百六十一兩一錢查此項係撥還行車處交來行車進款

一據冊開支移撥行車處各款門規銀十八萬九千一百五十一兩查此項係代行車處墊支薪水公費物料等款

以上開除項下共支規銀一千三百十八萬二千四百

二十三兩一錢五分均經按照表冊逐一核對尙屬相符應准照銷中有不符之處業經飭局駁查據覆聲明實係筆誤自應准其更正

實在項下

一據冊開收支相抵共結存規銀三百七十三萬二千八百四十兩六錢六分查核相符

計開行車項下

查此項行車係自光緒三十年九月初一日起至三十二年十一月十六日止收支各款

舊管無項

新收項下

一據冊開收客票貨票價脚共規銀三十六萬五千九百

七十八兩七錢八分查此款按照冊開月收數目以散
台總尙屬相符

一據冊開收存款利息規銀共一百六十五兩四分查按
照冊開光緒三十年十月二十五日起至十一月二十
五日止收存款利息規銀二十四兩五錢並光緒三十
一年四月二十九日起至五月二十八日止收存款利
息規銀一百四十兩五錢四分兩數相加核與前數相
符

一據冊開收雜項規銀共六萬二千八百四十八兩一錢
六分查此項係收回房屋地租貨車汽車租車捐變售
舊物洋銀貼水等款冊開各數以散合總核算相符
一據冊開收各廠站罰款押存款暨暫存未領薪水辛工

等項共規銀九百零八兩四錢二分查此款按照冊開各數核算總數相符

一據冊開收工程處撥來各款規銀十八萬九千一百五十一兩查冊開各數以散合總核算相符

一據冊開收工程處撥來材料規銀三萬三千九十四兩九錢四分查此款按照冊開各數散總相符

以上新收項下共收規銀六十五萬二千一百四十六兩三錢四分逐一核算均屬相符

開除項下

一據冊開支養路項下門規銀一萬五千九百六十三兩七錢二分查此款係行車以後管理員司薪水暨修理路基橋梁房屋各項之用既據冊內分晰開報自應准

銷

一據册開支汽車門項下規銀一十三萬七千四百一十一兩三錢九分查此款係汽車門員司等薪水暨汽車匠火夫等辛工柴煤物料修理各種機器之用以散合總覆核無誤應准照銷

一據册開支客貨車門項下規銀一萬八千七百九十八兩六錢查此款係客貨車門員司薪水暨修理車輛雇用工匠等項之用既經分晰開報自應准銷

一據册開支車務門項下規銀六萬五千四百一十五兩三錢二分查此項係管理車務員司薪水工役辛工與津貼公費暨車務物料印刊車票各雜費之用按月按款分晰開報應准照銷

一據冊開支普通門項下規銀二萬三千一百七十一兩九錢七分查此款係總管理處帳房薪水津貼巡捕工食房租地租刊登告白電報處薪費修理各項費用開列尙屬明晰自應照銷

一據冊開支特別費用門項下規銀七千七百二兩七錢八分查此款係撫卹賠償捐助銀洋貼水等項之用核算明晰應准照銷

一據冊開支工程處撥用材料門項下規銀六萬二千五百九十一兩三錢二分查此款係由工程處移用材料之需按月列款尙屬明晰惟係何項材料價值若干尙未逐條開列未免簡略應令嗣後將此款詳細開報以

醒眉目

一據册開支存款利息撥用門項下規銀一百六十五兩四分查此款係西一千九百零三年十二月分及一千九百零五年六月分存款利息撥歸工程處移用項下准其照銷

一據册開支暫記門項下規銀一百三十一兩四錢查此款係支各車站備存找換規銀應准照銷

一據册開支罰款門項下規銀七錢三分查此款係支發還打掃夫西一千九百零五年十一月分罰款之自用應准其照銷

一據册開支押存各款門項下規銀一百二十九兩六錢一分查此款係西一千九百零六年七月分九月分十月分押存各款既經分別支取應准照銷

一據冊開支行車餘利門項下規銀一萬八千二百九十五兩一錢一分查此款係由工程處撥付自西一千九百零六年正月日起至六月底止之半年行車餘利應准照銷

一據冊開支移撥工程處各款門項下規銀三十萬二千二兩八錢五分查此款係購買材料器具建築房屋溝渠暨員司車匠人等薪工既據分款開報應准照銷
以上開除項下共支規銀六十五萬一千七百七十九兩八錢五分照冊所開逐一核算散總相符

實在項下

一據冊開收支相抵共結存規銀三百六十六兩四錢九分查核相符

又另冊開購地項下計共收工程處撥來規銀一百八十四萬五千六百六十五兩零八分此外又收繳回鎮江段骨鐸價規銀四百三十兩一錢零六釐又息借通商銀行規銀六萬兩又存款利息規銀一萬九千四百四十八兩五錢零五釐又十道領存款項存放錢莊利息規銀五百五十兩四錢二分二釐以上統計共收規銀一百九十二萬六千零九十四兩一錢一分三釐查所收各款內有息借通商銀行規銀六萬兩此係何時向借何時歸還又存款利息據工程冊只有一萬一千五百餘兩其盛宣懷經營期內有無此項利息自應札行該局嚴查又繳回鎮江段骨鐸二款分冊列入何項又翁道第六及第十第十一批銀元虧水規銀十一兩零

因何補虧册內均未聲叙明晰業已行查尙未登覆其
開除項下計購買地價及遷墳拆屋等款共支規銀一
百七十三萬七千八百四十九兩七錢一分零一毫五
絲購地局及各段員司薪水伙食差費雜費共支規銀
十二萬一千三百九十兩三錢二分零五絲置買器具
雜款並洋元兌虧鎊虧共支規銀九千九百四十六兩
二錢一分九釐四毫以上統共支規銀一百八十六萬
九千一百八十六兩二錢四分九釐六毫按册核對尙
屬相符應准開銷除支外應結存規銀五萬六千九百
零七兩八錢六分四釐三毫其收款項下行查數條仍
令由該路局登覆存案

以上三款共結存規銀三百七十九萬零一百一十五

兩零一分三釐四毫應歸入下屆收支各項彙報再
行核銷

郵傳部奏議分類續編目錄

電政 宣統元年正月起宣統三年十二月止

裁撤上海電政局督辦等名目片

覈銷贖電收支款目摺

請賞給洋員寶星摺

覈減電局經費用款摺

擬裁電局雜費片

擬將各省官電歸併部辦摺

改良電話購換新機以利交通摺

請撥琉璃廠廢窖餘地建立電話局片

接收南滿洲日本電綫完竣請援案給予日員寶星摺

覈銷新疆三十一年分電報收支用款摺

懇請分別改獎洋員寶星摺

駁銷新疆三十二年分電報收支款目摺

駁覆吉江兩省暨新齊腹地電綫工程用款摺

擬派上海電政局總辦片

遵旨議設密雲電局摺

駁覆新疆電報收支款目摺

覆駁電報第二十七屆收支款目摺

陳明推廣修理電綫並整頓大概情形摺

駁覆奉省營鳳奉臨等處電綫工程用款摺

駁覆山東黃河兩岸創設電綫經費摺

展設廣東潮州至嘉應州電綫摺

大修山東廣東等處電綫片

展設安徽蕪湖至甯國府及徽州屯溪電綫摺

展覆山東省城至西關商埠安設電話工程用款摺

覆覆電報第二十八屆收支款目摺

各省官辦電報歸部辦理摺

山東沿河電綫仍准循舊管理摺

擬訂大東大北電報兩公司預付報費合同摺

酌擬廣西官電辦法摺

請派電政總局局長各差片

請賞給大北電報公司總理寶星片

彙案覈銷廣東東三省等處展設電綫支用各款摺

請援案獎給洋員寶星摺

裁撤上海電政局督辦等名目片

再江蘇候補道汪嘉棠經臣部於光緒三十三年十一月奏准派充上海電政局督辦在案查該局督辦月支薪銀一千兩又有檢查一員月支薪六百兩襄辦一員月支薪四百兩未免員多費濫今擬將前三項名目概予裁撤酌留一員名爲總辦月支薪六百兩局中用人用款即責成該總辦切實裁減稟部存案其汪嘉棠一員應令銷差仍回原省候補謹附片陳明伏乞聖鑒謹奏

宣統元年二月初八日奉旨郵傳部奏請將汪嘉棠等督辦上海電政局各差撤銷並酌留一員名爲總辦汪嘉棠應令銷差仍回原省候補等語知道了欽此

核銷贖電收支款目摺

奏爲核銷贖電收支款目繕具清單恭摺仰祈聖鑒事竊臣部於上年五月具奏收贖電股摺內聲明所有贖電款項擬由臣部籌借開單核銷欽奉允准在案茲據上海電政局呈稱所有電報商股收購用款截至光緒三十四年十二月底止共收二萬一千五百六十七股給付票價三百八十八萬二千零六十元合規銀二百八十八萬四千七百四十兩九分三釐又各局經理收股用款外洋華僑滙票保險各公司洋電等費共支規銀三萬一千二百三十八兩一分開單呈請核銷前來查此次收購電報經臣部分飭電政各局經理收股交通各分行經理付款均尙得力茲據該局呈報核銷各款與交通銀行所列數目尙屬相符應請准其照銷至贖電之款係向路局及交通銀行等借撥當經於收購京漢

鐵路借款摺內附片陳明撥給二百八十五萬兩以爲贖電之需
所有路局及交通銀行等借撥各項擬即以此款清償其贖路借
款未清撥以前各處息項仍舊支給不敷之款以電報局應交二
十六屆官息餘利抵支毋庸續借以清款目核計商電尙有四百
餘股散布內地外洋一時不能掃數收清其有隨時交繳零股者
應歸各該年電報收支帳冊內核銷不必另行造報以歸簡易理
合繕具清單恭呈御覽除咨度支部外所有奏銷贖電用款緣由
謹恭摺具陳伏乞皇上聖鑒謹奏

謹將光緒三十四年分贖電收支款目開具簡明清單恭呈
御覽

計開

新收

一借用鐵路總局規銀一百萬兩

一借用交通京行公債三十萬兩合規銀三十一萬三千八百兩

一借用交通京行規銀二十萬兩

一借用交通滬行庫平十五萬兩合規銀一十六萬四千四百兩

一借用交通滬行規銀十八萬兩

一借用交通滬行規銀三十萬兩

一借用交通漢行規銀二十萬兩

一借撥上海電政局規銀五十五萬七千七百七十八兩一錢三釐

以上共收規銀二百九十一萬五千九百七十八兩一錢

--	--	--	--	--	--	--	--	--	--

以上共支規銀二百九十一萬五千九百七十八兩一錢
三釐

實在

收支兩抵無存

查此次贖電欸項前經奏明在贖路借款內撥給二百八十五萬兩在案茲以此欸清還前項支借各數實在不敷規銀六萬五千九百七十八兩一錢三釐應歸入三十四年分電報收支冊內核銷合併聲明

宣統元年二月十八日奉諭旨郵傳部奏核銷贖電收支欸目開單呈覽一摺著度支部知道單併發欽此

請賞給洋員寶星摺

奏爲懇請賞給洋員寶星恭摺仰祈聖鑒事竊光緒三十四年二月間葡京舉行萬國電政會疊准外務部來咨轉據駐京英法各使照請赴會當由臣部咨明外務部派委電政局總辦候選道周萬鵬主事吳桂靈洋員德連陞前赴該會聽講並飭就近分赴丹馬那威英法德美日本各國大東大北各公司考求電政在案茲據該道等稟稱在葡京時極承公會會長厚遇大東大北兩公司素與我電局聯合辦事交誼尤深迨至丹馬那威兩國並各承該國主贈給寶星派員款待若論酬酢之文宜尙往來之禮擬請給予各該洋員寶星以敦邦誼謹繕具清單呈請酌核前來臣等查該道等此次周歷各邦極承優待考查電務備得參觀現在整頓電政仿照各國辦法深資裨益所有各該洋員自應酌量給予寶

星以篤邦交而敦睦誼謹將各該洋員擬給寶星按章分別等第繕具清單恭呈御覽籲懇恩施照擬賞給如蒙俞允即由臣部咨明外務部照章製造並填具執照資送過部分別發交祇領所有擬請賞給洋員寶星緣由謹恭摺具陳伏乞皇上聖鑒訓示謹奏宣統元年三月初九日奉諭旨郵傳部奏懇請賞給洋員寶星開單呈覽一摺著照所請外務部知道單併發欽此

謹將擬給各國電政交涉各洋員寶星分別等第繕具清單
恭呈御覽

計開

葡國郵電督辦畢利雷一千九百八年充電報公會會長擬
請賞給二等第三雙龍寶星

葡京東電報公司辦事督辦兼大東電報公司督辦篠泥生
烹德擬請賞給二等第三雙龍寶星

大東電報公司英京總辦海西擬請賞給三等雙龍寶星

大東電報公司派駐中國總辦蒲勒德擬請賞給三等雙龍
寶星

丹京大北電報公司總辦散秩大臣史溫生擬請賞給三等
雙龍寶星

丹京大北電報公司總工程師古斯答德擬請賞給三等雙龍寶星

丹國駐華總辦比德生擬請賞給四等雙龍寶星

那威外部大臣克理斯都福森擬請賞給二等第一雙龍寶星

那威商部大臣亞白拉亨生擬請賞給二等第三雙龍寶星

那威工部大臣尼爾斯意倫擬請賞給二等第三雙龍寶星

日本郵電督辦小松擬請賞給二等第三雙龍寶星

日本電話總工程師大井擬請賞給三等雙龍寶星

核減電局經費用款摺

奏爲核減電局經費用款恭摺仰祈聖鑒事竊本年二月初八日臣部具奏裁撤電政局督辦片內聲明用人用款責成總辦切實核減等語業經奉旨允准並札飭電政局欽遵在案茲據電政局總辦候選道周萬鵬稟稱查用人一項電局向章局店設有總辦委員一名報房只有領班兼管尙屬核實近來各局或有添設會辦稍辦稽查內外文案名目均經迭次裁減省費甚鉅現在應裁之員爲數尙少而電局用款以巡弁巡丁費用爲一大宗查原定章程每綫路一百里准用巡丁三名巡弁一名嗣因各省風氣不同綫路逐漸加增有每百里用巡弁丁五六名亦有不止五六名糜費甚鉅亟應改歸劃一擬將舊有巡綫成例一概刪除按照各該局現轄綫路酌分單綫雙綫三綫以上並沿鐵路綫共爲四項

單綫每百里派工巡二名工頭一名雙綫每二百里派工巡五名
工頭二名三綫以上每百里派工巡三名工頭一名其沿鐵路之
綫巡修較便一律不用巡丁酌派工頭所有各路工頭工巡除照
常核巡外兼辦小修工程如此辦理歲省經費不少而於綫路仍
無窒礙等情臣等查電報綫路共長四萬五百餘里立桿二十五
萬餘根而開支巡綫費用歲約洋十七萬八千餘元今將舊例刪
除概照新章辦理祇須歲支洋十二萬餘元每年計可節省洋五
萬六千餘元於巡綫並無窒礙而公款不無裨益自應准其照辦
此外用人用款有應行整頓之處仍由臣等飭令隨時核議以資
樽節所有核減電局經費用款緣由謹恭摺具陳伏乞皇上聖鑒
訓示謹奏

宣統元年三月十九日軍機大臣欽奉諭旨郵傳部奏核減電局

經費一摺又奏停止各項雜款一片均知道了欽此

The image shows a large, empty table with 12 columns and a header row. The table is oriented vertically on the page. The header row is at the top, and the remaining 11 rows are empty. The table is enclosed in a thick black border. There is a small black mark on the right side of the table, approximately halfway down.

擬裁電局雜費片

再電報前歸商辦每年報效北洋暨農工商部經費及捐助上海商會善舉津貼京外衙門報房名目甚多爲數亦鉅現在電報改歸官辦所有款項即與庫帑無異且電報收費自減價以來歲約短收銀六十餘萬元而添設綫路工程需款尤屬不貲自應裁省浮費而濟要需以上各項雜款應請一律停止以重公帑而歸核實所有裁節電局雜費緣由謹附片具陳伏乞聖鑒訓示謹奏

宣統元年三月十九日軍機大臣欽奉諭旨郵傳部奏核減電局經費一摺又奏停止各項雜款一片均知道了欽此

The image shows a large rectangular table with 10 vertical columns. The table is mostly empty, with some faint, illegible markings. At the bottom right corner of the table, there is a small, empty rectangular box. The table is enclosed in a thick black border.

擬將各省官電歸併部辦摺

奏爲擬將各省官電歸併部辦以昭畫一而便統計請旨遵行恭摺仰祈聖鑒事竊電報爲交通要政東西各國均設立專官督理其事舉凡關於電政事宜靡不由部管轄用是事權歸一而策應較靈上年臣部收贖商電改歸部辦原係仿照各國辦法欲爲統一電政起見而各省所設僅湖北一處於上年據湖廣總督以湖北官局每年賠累甚鉅咨送臣部接收其餘各處仍由該督撫自行管理殊非斟酌畫一之道查各省官電當創辦之初半因邊防軍務而設報費收入無多不敷支用商力不逮是以由官籌辦今商電業已收回既無官商之分更不必再有部省之別自應將各省官電統歸臣部管理以一事權而便統籌惟臣部自收贖商電所需款項已近三百萬兩本年核減報價又驟短五六十萬元而

添設各省綫路推廣各處電話用款繁多尙待籌畫收回官電以後每年修養之費必須預行籌措免致臨時竭蹶查各省官電開支經費除以所收報費抵支外其不敷之款均由各省作正報銷歷經度支部核准有案此外官電改歸部辦擬請所有各該省原有撥補官電之款仍舊照解即以光緒三十四年撥解之數作爲定額如有不敷由臣部另行籌墊此項撥款以三年爲期以後分年遞減六年減盡凡協款各省所發官電半費准在協撥項下扣除毋庸另行納費如此辦理在各省並無絲毫之損而電政實獲交通之益所有擬將各省官電歸併部辦緣由是否有當謹恭摺具陳伏乞皇上聖鑒訓示謹奏

改良電話購換新機以利交通摺

奏爲改良電話購換新機以利交通恭摺仰祈聖鑒事竊查北京電話於光緒三十年向丹商收回自辦原爲挽回利權開通風氣起見時以用戶無多購置機器僅敷五百家之數租賃民房權爲開辦近年用戶日增陸續敷設至一千五百餘家器小用多已形竭蹶而掛號未設者尙有一千餘戶實因機器太小苦難徧設勢非籌換新機改訂辦法無以爲擴充之用上年電政局總辦候選道周萬鵬本部司員吳桂靈前赴荷京萬國電政會當經臣部飭令便道考查東西各國電話辦法以圖改良並令北京電話總局將東西各洋行開具機件價單詳細比較呈候核奪在案旋據該局稟稱查那威電氣會社德國西門司會社莊孫斐利布會社英國費魯斯卑會社美國電氣會社及泰昌瑞記等洋行所開總局

暨南分局需用交換新機價目各有不同當即督飭洋工程司辻野朔次郎詳細比較以美商西洋電氣社會爲最廉將各帳單彙呈核辦前來臣等查電話一項最便交通於行政商業均有關係亟應改良完備以贖人意當即飭令電政局與美商詳細選訂機件磋商價目核減再四八折之後復扣九五所有回用使費一律刪除以歸核實現在議定總分兩局機器電纜話匣綫筒及裝設各項費用計實價銀二十八萬餘兩將來可敷六千家之用查核現在用戶情形可得三千家之數以月租五元算之常年應收十八萬元將來逐漸推廣約計二三年後尙可倍增此項電話係具營業性質子母相權實在有盈無絀購機經費不至無著又北京電話原有總局一處分局四處現除總局照舊設立外其餘四分局擬擇一適中之地歸併一處以節糜費其購買機器改蓋房屋

應用款項即由臣部飭令電政局設法籌措分年由電話收費項下歸還以清款目除咨明度支部外所有改良電話購換新機以利交通緣由謹恭摺具陳伏乞皇上聖鑒訓示謹奏

宣統元年四月三十日軍機大臣欽奉諭旨郵傳部奏改良電話購換新機以利交通一摺又奏請撥琉璃廠廢窖餘地建立電話局一片均著依議欽此

請撥琉璃廠廢審餘地建立電話局片

再現在京師電話改換新機歸併局所自宜擇一適中之地以便肆應查有琉璃廠廢審地基甚大適當南城之中曾經學部順天府建立師範學堂中學堂及工藝局等數處此外餘地尙多足敷建蓋房屋之用擬請恩准撥給該審餘地一隅俾得建立話局於電務實有神益謹附片具陳伏乞聖鑒訓示謹奏

宣統元年四月三十日軍機大臣欽奉諭旨郵傳部奏改良電話購換新機以利交通一摺又奏請撥琉璃廠廢審餘地建立電話局一片均著依議欽此

接收南滿洲日本電綫完竣請援案給予日員寶星摺

奏爲接收南滿洲日本電綫完竣擬請援案給予日員寶星繕具清單恭摺仰祈聖鑒事竊查上年九月間臣部派電政局總辦候選道周萬鵬在日本東京與日員議訂接收南滿洲電綫合同業經臣部於是年十二月奏明奉旨允准在案查合同第九款內載凡日本所造南滿洲鐵路界外電綫應於合同施行之時全數交與中國等語臣部當即飭由電政局派東三省電報總管魏鴻鈞上海電政局總管洋員畢德森前往接收茲准東三省總督咨稱該委員等自本年正月二十日在大連灣地方與日員會議接收辦法所有日本應交回中國各綫分日按段接收歷時三月始克竣事計長春昌圖開原鐵嶺新民府奉天遼陽營口安東南尖等共十處綫路六百餘里業經一律妥收鐵路界外日本電局數十

處均即日關閉至善後設局借綫各事宜皆已妥籌辦理此次日本政府所派交綫各員辦事和衷諸臻妥協開單咨請援案奏請賞給寶星等因前來查上年與德國訂立青煙滬電綫合同曾由臣部奏請賞給德員寶星欽奉俞允在案此次事同一律而頭緒紛繁交涉轉輾則又過之自應援案給予寶星以敦睦誼謹分別等第繕具清單恭呈御覽籲懇恩施如蒙俞允即由臣部咨明外務部欽遵辦理所有擬請賞給洋員寶星緣由謹恭摺具陳伏乞皇上聖鑒訓示謹奏

謹將擬給日本各洋員寶星分別等第繕具清單恭呈御覽
計開

日本遞信書記官兼外務書記官勳五等田中次郎

日本關東都督府通信管理局長勳五等加藤順次郎

以上二員擬請賞給三等第一寶星

日本關東都督府通信技師勳六等牧直二

日本通信事務官勳六等牛澤爲五郎

以上二員擬請賞給三等第三寶星

日本關東都督府通信書記水川富平

日本關東都督府通信書記勳七等澤田千熊

日本關東都督府通信書記勳七等武井輔

以上三員擬請賞給四等雙龍寶星

宣統元年五月初十日軍機大臣欽奉諭旨郵傳部奏接收奉天省日本電綫完竣擬請援案給予日員寶星開單呈覽一摺著照所請外務部知道欽此

駁銷新疆三十一年分電報收支用款摺

奏爲核覆新疆電報收支各款銀兩恭摺仰祈聖鑒事宣統元年二月十三日內閣鈔出新疆巡撫聯魁具奏光緒三十一年分善後收支各款繕單飭部核銷一摺奉硃批該部知道欽此旋據該撫將善後案內電報收支清冊咨送到部臣部查新疆電報各局房十有八處學堂一處其常年經費除以所收報費抵支外不敷之款由善後項下提撥歷經辦理在案茲據奏報光緒三十一年分善後案內電報收支款目計冊開新收報費洋四萬一千五百元二角四分八釐每元以七錢折合湘平銀二萬九千五十兩一錢七分三釐六毫開支各項經費雜支等款共湘平銀四萬九千六百三十五兩九分三釐一毫內除局房學堂員司薪工川資郵賞等銀三萬七千七百三十五兩一錢照章應歸度支部核銷外

其修理電桿採辦電料製造紙張信封摺膠材料腳價裝箱包皮等項共湘平銀一萬一千八百九十九兩九錢九分三釐一毫臣等督飭司員逐款鉤稽除電料運費多列銀七釐六毫應令照章刪除外其餘各款比較成案尙無浮冒應請准其照銷以上開支各款共計四萬九千六百三十五兩八分五釐五毫除所收報費湘平銀二萬九千五十兩一錢七分三釐六毫抵支外其不敷銀兩據稱由善後款內動支應由度支部核辦以清款目所有核覆新疆電報收支款目緣由謹恭摺具陳伏乞皇上聖鑒謹奏

宣統元年六月二十一日具奏

懇請分別改獎洋員寶星摺

奏爲懇請分別改獎洋員寶星恭摺仰祈聖鑒事竊查上年電政局總辦候選道周萬鵬前赴東西洋考查電政歷承各國優待又本年春間電政局會同日員交收奉天省日本電綫完竣均由臣部據電政局所擬奏請援案給予各洋員寶星奉旨允准欽遵在案茲據電政局稟稱查日本遞信省通信局長小松謙次郎日本遞信省通信局工務課長大井才太郎日本遞信書記官兼外務書記官田中次郎日本關東都督府通信管理局長加藤順次郎以上四員在日本官職較崇比較同品級之他日員所得中國寶星未免稍抑且加藤順次郎一員係奉天日局局長岩崎直英之長官岩崎曾蒙賞給二等第三寶星該員所得似不能再在岩崎之下職局前次稟請擬給等第係按照各國電員品級普通酌擬

惟日本各員既有此項情節可否酌核奏請改獎又丹國大北電報公司工程司考福一員前稟漏未聲叙擬請一併奏請加獎各等情前來臣等查向來請賞給洋員寶星必與其地位相符典重酬庸亦以藉資聯絡茲據電政局所稟各情自應酌量分別辦理謹擬定等第繕具清單恭呈御覽懇恩施如蒙俞允即由臣部咨明外務部欽遵辦理所有擬請分別改獎各洋員寶星緣由謹恭摺具陳伏乞皇上聖鑒訓示謹奏

宣統元年七月十一日具奏

謹將擬給日本丹國各洋員寶星分別等第繕具清單恭呈御覽

計開

日本遞信省通信局長小松謙次郎擬請賞給二等第二寶

星

日本遞信省通信局工程課長大井才太郎

日本遞信書記官兼外務書記官田中次郎

日本關東都督府通信管理局長加藤順次郎

以上三員擬請賞給二等第三寶星

丹國大北電報公司工程司考福擬請賞給三等第三寶星

--	--	--	--	--	--	--	--	--	--	--	--	--	--

2312

覈銷新疆三十二年分電報收支款目摺

奏爲覈覆新疆電報收支各款銀兩恭摺仰祈聖鑒事宣統元年三月二十六日內閣鈔出新疆巡撫聯魁具奏光緒三十二年分善後收支各款繕單飭部核銷一摺奉硃批該部知道單併發欽此欽遵旋據該撫將善後案內電報收支清冊咨送到部臣部查新疆電報各局房十有八處學堂一處其常年經費除以所收報費抵支外不敷之款由善後項下提撥歷經辦理在案茲據奏報光緒三十二年分善後案內電報收支款目計冊開新收報費洋四萬七千八百四十五元九角四分每元以七錢折合共湘平銀三萬三千四百九十二兩一錢五分八釐開支各項經費雜支等款共湘平銀四萬四千零三十四兩四錢零九釐九毫內除局房學堂員司薪工川資等項共湘平銀四萬零五百四十二兩三錢

應歸度支部核銷外其修理電杆工料製造紙張信封鐵鈎瓷碗並採辦筆墨材料腳價裝箱包皮出洋報費等項共湘平銀三千四百九十二兩一錢零九釐九毫臣等督飭司員逐款鉤稽比較成案尙無浮冒應請准其照銷以上開支各款除以所收報費湘平銀三萬三千四百九十二兩一錢五分八釐抵支外其不敷銀兩據稱由善後欸內動支應由度支部核辦以清款目所有核復新疆電報收支款目錄由謹恭摺具陳伏乞皇上聖鑒謹奏

宣統元年七月二十一日具奏

核覆吉江兩省暨新齊腹地電綫工程用款摺

奏爲併案核覆吉江兩省暨新齊腹地電綫工程用款恭摺仰祈
聖鑒事宣統元年三月十六日東三省總督徐世昌等會奏請銷
修設吉江兩省電綫工程用款一摺又附奏請銷展修新齊腹地
電綫工程用款一片奉硃批該部知道欽此欽遵由內閣鈔出到
部並據該督撫造冊請銷前來臣等查冊開勘路委員工匠薪水
銀二萬九千三百八十九兩二錢一分一釐五毫員司伙食油燭
銀二千三百二十兩一錢六分川資銀二千七百五十二兩五分
購買電料器具等物價值銀五萬六千五百七十一兩六錢八分
九釐四毫二絲八忽六微收回俄綫桿鈎碗估價銀三千八十兩
七錢運儲電綫鈎碗及各項機器材物火車價值三萬六千三百
二十九兩三錢一釐桿木價值銀九萬四千三百九十七兩二錢

五分機料桿木裝運大車脚價銀十三萬四千四百五兩六錢二分五釐八毫五絲搬運夫力銀一千三百三十兩三分五釐運船脚價銀三千五百七十四兩九錢內除員司工匠薪水火食油燭川資等項銀三萬四千四百六十一兩四錢二分一釐五毫業據度支部咨稱查核相符准銷在案其餘料物桿木大車火車脚價等項銀三十二萬九千六百九十兩四錢九分一厘二毫八絲八忽六微臣等督飭司員逐款鉤稽總散各數均屬相符應請准其照銷所有併案核復吉江兩省暨新齊腹地電綫工程用款緣由謹恭摺具陳伏乞皇上聖鑒再此案係臣世昌在東三省總督任內具奏之件例不列銜合併聲明謹奏

宣統元年八月二十二日具奏

擬派上海電政局總辦片

再查上海電政局統轄各分局二百四十餘處責任綦重從前設有督辦一員以資管理本年二月間經臣部奏請將督辦撤銷改爲總辦奉旨允准並經臣部遴派電政局襄辦候選道周萬鵬先行試署在案查該員係電學出身歷充電局總管襄辦等差二十餘年深資得力此次自任差以後一切節省經費整頓電務經理尙屬得宜擬即派充電政局總辦所有電報電話各局總辦委員均歸管轄以一事權所有擬派電政局總辦緣由謹附片具陳伏乞聖鑒謹奏

宣統元年八月二十二日具奏

A large rectangular table with 12 empty columns. A small black square is located on the right side of the table, approximately halfway down. The table is outlined with a thick black border.

--	--	--	--	--	--	--	--	--	--	--	--

2318

遵旨議設密雲電局摺

奏爲遵旨議奏事內閣鈔出密雲副都統德麟奏密雲滿城請接
綫設電報分局一摺宣統元年八月三十日奉硃批郵傳部議奏
欽此欽遵到部原奏內稱電報循密雲而過局設古北口距密城
百里之遙每遇部署司局電報至該局譯訖折回又逆行百里程
途始到密城則是求速反緩誠恐貽誤軍機惟有請旨飭下北洋
大臣派一電生攜帶機器來密添設枝綫電局等語臣等查古北
口等處電綫係由北洋籌款設立專備收發官報之需茲據該副
都統奏請在密雲滿城添接枝綫係爲迅速官報慎重邊防起見
自當照准辦理所有需用桿綫鈎料並修養經費爲數無多即由
北洋大臣核實開支歸併北洋官電案內報部核銷以昭劃一至
該處應否設立分局或改爲報房以期撙節之處應由北洋官電

局酌核情形辦理所有遵議緣由理合恭摺覆陳伏乞皇上聖鑒
訓示謹奏

宣統元年九月十二日具奏

核覆新疆電報收支款目摺

奏爲核覆新疆電報收支各款銀兩恭摺仰祈聖鑒事宣統元年五月二十三日內閣鈔出新疆巡撫聯魁具奏光緒三十三年分善後收支各款繕單飭部核銷一摺奉硃批該部知道單併發欽此欽遵旋據該撫將善後案內電報收支清冊咨送到部臣部查新疆電報各局房十有八處學堂一處其常年經費除以所收報費抵支外不敷之款由善後項下提撥歷年辦理在案茲據奏報光緒三十三年分善後案內電報收支款目計冊開新收報費洋四萬四千七百四元八角七分七釐每元以七錢折合共湘平銀三萬一千二百九十三兩四錢一分四釐開支各項經費雜支等款共湘平銀三萬六千四百三十三兩三錢四分內除局房學堂員司薪工川資等項共湘平銀三萬四千七百八十五兩一錢二

分五釐應歸度支部核辦外其修理電桿工料採辦桿木鉤碗製造紙張信封並材料腳價裝箱出洋報費等項共湘平銀一千六百四十八兩二錢一分九釐五毫臣等督飭司員逐款鉤稽均與歷辦成案相符應請准其照銷以上開支各款除以所收報費湘平銀三萬一千二百九十三兩四錢一分四釐抵支外其不敷銀兩據稱由善後款內動支應由度支部核辦以清款目所有核覆新疆電報收支款目緣由謹恭摺具陳伏乞皇上聖鑒謹奏

宣統元年十月初二日具奏

覆核電報第二十七屆收支款目摺

奏爲覆核電報第二十七屆收支款目繕具清單恭摺仰祈聖鑒
事竊查電報前歸商辦每屆截止之期均以上年三月至次年二
月爲一屆計自開辦以來業已結至二十六屆即光緒三十四年
二月底爲止上年臣部贖回商電改歸官辦所有每屆報銷擬自
第二十七屆始改爲每年十二月底截止年清年款仍接連前屆
核計由臣部開單奏銷等因於光緒三十四年九月初四日奏陳
在案茲據電政局總辦候選道周萬鵬將光緒三十四年三月分
起至十二月分止第二十七屆帳略呈請核銷到部計開舊管洋
八百六十四元一角六分二釐新收本棧官商報費洋二百萬八
千三百六十三元七角三分四釐存款息銀洋一萬一千四百十
七元八角七分各項雜費洋一萬九千七百四元七角一分四釐

開除電政局經費洋十四萬七千六百五十二元九分六釐各局
經費洋九十二萬四千六百九十元三角四分九釐洋公司代辦
水陸綫經費洋七萬六千七十八元五角七釐滬烟沽正副水綫
拔本付息洋九萬六千三百五十六元一角五分四釐造修水陸
綫路工程洋二十七萬五千四百十三元二角五分一釐購置木
桿電料洋二十萬六千二百七十九元八分六釐因公報費及帳
房報費洋七萬八千八十一元八角四分六釐電話成本洋八萬
六千五百三十九元二角一分七釐票本官利洋三十九萬六千
元華洋員司川薪洋四萬四千七百九十七元一角九分四釐高
等實業學堂經費洋三萬元雜項經費洋十一萬四千一百三十
二元六分二釐又提撥專備修造綫路購置話料二十四萬元又
各局員司獎勵洋三萬元又提撥東三省東清鐵路過綫費撥入

贖電項下洋五萬八千一百五十四元九角八分提撥贖電項下
洋三萬一千六百二十六元五角八分五釐實存無項當經臣部
咨送度支部查核去後茲據度支部咨稱按款核算數目均屬相
符等語臣等查電報收支各款均係按照歷屆成案辦理尙屬核
實既經度支部核算相符自應准其照銷以清款目所有核銷電
報二十七屆收支款目緣由謹恭摺具陳並繕具清單恭呈御覽
伏乞皇上聖鑒訓示謹奏

宣統元年十二月初三日具奏

陳明推廣修理電綫並整頓大概情形摺

奏爲推廣修理電綫並整頓大概情形恭摺仰祈聖鑒事竊惟電政爲交通機關東西各國均特設專部管理其事論者至以電綫之短長視國勢之強弱要政攸關中外一致我國家注重交通設立專部原期與各國政治並駕齊驅臣部職掌所在責無旁貸頻年籌畫漸臻進步謹將辦理情形爲我皇上縷晰陳之查電報之要首重綫路多展一處之電綫即多通一處之消息外洋電綫星羅棋布是以呼應靈通瞬息千里中國電報自光緒八年創辦以來已逾二十餘載綫路所布不過五萬餘里近則嶺之廣饒萍泉豫之光汝許信皖之穎亳太湖蘇之宜荆浦口均已次第增設新綫一律通電而沿邊各省兩粵則有佛山至陽高及龍州東西路並柳邕之綫湘黔則有貴陽興義黃草壩洪江玉屏之綫山陝則

有歸綏太原包頭運城三原涇陽之綫東三省爲根本重地關涉交涉邊防則有奉天至臨江並輯安懷仁等縣又吉林至延吉廳秀甸至哈爾濱並展至齊齊哈爾復由齊齊哈爾展至奉天新民府之綫統計展長新綫一萬二千餘里增設局店報房一百餘處較之原有綫路計增十分之二此推廣電報之實在情形也又查報務之發達全恃綫路之通暢綫路通則聲息自靈聲息靈則官商交益是以修理舊綫尤爲改良之急務查由京至漢由漢至粵五千餘里爲南北直接之幹綫張家口至恰克圖四千餘里爲中俄陸綫之孔道餘如山西陝西湘鄂閩贛或與商務相關或爲邊防所繫徒以年久失修傳報時形不暢現在大加修整次第竣工期後隨時巡修認真保護可期一律暢行無虞阻滯此修理綫路之實在情形也其餘整頓各節如裁併巡丁考核工程以期撙節

浮費磋商日俄電約收回德俄軍綫以期挽回主權添用快機以捷傳遞籌設電學以養通材凡此設施均爲商務政治上起見惟是締造經營全資財力外洋辦理電政專主擴張經費悉由國家統籌是以措施較易中國電款僅恃報費一項補助既乏良圖挹注更無他術非認真稽核逐漸擴充無以節虛浮紓財力臣等惟有隨時考核實力推行酌內外財政之盈虛效尺寸涓埃之裨益以冀興利除弊宏此遠謨仰副朝廷整飭電政之至意所有近年推廣修理電報綫路並整頓各緣由謹恭摺具陳伏乞皇上聖鑒訓示謹奏

宣統元年十二月十三日具奏

核覆奉省營鳳奉臨等處電綫工程用款摺

奏爲核覆奉省營鳳奉臨等處電綫工程用款恭摺仰祈聖鑒事
宣統二年正月二十四日東三省總督錫良等會奏請銷展設營
鳳奉臨等處電綫工程用款一摺奉硃批該部知道欽此欽遵由
內閣鈔出到部並據該督撫造冊請銷前來臣等查冊開勘路員
匠人等薪水工食車脚銀五百三十四兩三分一釐九毫二絲勘
路員匠人等川資銀五百三十四兩六錢五分購買上海電料器
具等物價值銀七千二百八十兩一錢九分六釐八毫六絲七忽
三微添購外洋電料器具等物價值銀一萬六千五百四十二兩
七錢六分四釐六毫九絲一忽九微購買電桿銀四萬一千五百
十七兩一錢七分二釐八毫五絲購買物件價值銀三百九十二
兩六錢六分四釐分運電綫鉤碗電桿屯積沿途工次脚價銀二

萬三千七百二十八兩一分八釐五毫員司工匠人等薪水工食銀七千七百四兩三錢九分三釐二毫工程大車脚價銀二千五百八十七兩二錢伙食油燭紙張筆墨銀六百七十二兩內除員司工匠薪水伙食油燭川資等項銀八千九百五十兩五錢七分五釐一毫二絲應由度支部查核辦理外其餘料物桿木大車脚價等項銀九萬二千五百四十二兩五錢一分六釐九毫九忽二微臣等督飭司員逐款鉤稽總散各數均屬相符應請准其照銷所有核覆奉省營鳳奉臨等處電綫工程用款緣由謹恭摺具陳伏乞皇上聖鑒謹奏

宣統二年四月初九日具奏

覈覆山東黃河兩岸創設電綫經費摺

奏爲覈覆山東黃河兩岸創設電綫經費恭摺仰祈聖鑒事內閣鈔出山東巡撫孫寶琦奏銷創設山東黃河兩岸電綫工程用款一摺宣統二年三月初八日奉硃批該部知道欽此欽遵到部原奏內稱山東黃河南北兩岸電綫自光緒二十八年開辦起至宣統元年止統計上中下三游共設桿綫一千五百九十三里共支銀四萬五千七百兩三錢六釐二毫等語並據該撫造冊請銷前來臣等查冊開舟車脚價銀三千四十兩四錢九分九釐輪船火車運脚銀五百八十三兩八錢九分九釐八毫購買機料等項銀一萬九千三十六兩八錢四分六釐二毫桿木價值銀一萬四千二百二十七兩九錢五分四釐五毫油燭紙筆等項銀四百三十四兩二錢五分五釐設局經費及置備器具銀四百十五兩八錢

八分六釐五毫安設德律風經費銀五兩三錢九分八釐內除司
員工匠薪水火食川資等項銀七千九百五十五兩五錢六分七
釐二毫應由度支部核銷外其餘舟車脚價輪船火車運脚機料
桿木油燭紙筆設局經費安設德律風等項銀三萬七千七百四
十四兩七錢三分九釐臣等督飭司員逐款鉤稽總散各數均屬
相符應請准其照銷所有駁覆創設山東黃河兩岸電綫工程用
款緣由謹恭摺具陳伏乞皇上聖鑒謹奏

宣統二年五月三十日具奏

展設廣東潮州至嘉應州電綫摺

奏爲展設廣東潮州至嘉應州各屬電綫派員勘估興修恭摺仰
祈聖鑒事竊查廣東嘉應州轄有四縣爲閩贛往來孔道該處向
未通電遇有要務動多濡滯自應展設電綫以利交通飭據電
局總辦候選道周萬鵬稟稱嘉應州屬之興甯縣物產甚富松口
圩商賈輻輳而鎮平平遠兩縣又與福建汀州江西贛州交界現
已派員勘估計由潮州府城經松口圩小河口展設至嘉應州城
復由嘉應州城分東西兩路東至小河口經鎮平分設至平遠縣
城西經官塘分設至興甯縣城計應造雙綫五十五里單綫七百
九十八里共綫路八百五十三里於嘉應州設一子局興甯鎮平
平遠及松口圩等四處各設報房應需木桿綫料運費工資並施
工器具設局機料暨薪水川資伙食各項統共估洋四萬三百五

十餘元並據稱將來可由平遠與贛州接綫於閩粵電務尤有裨益等情繕具清單圖說呈請核辦到部臣等查核所稟勘估各節尙無浮冒除飭熟悉工程人員購備料件撙節辦理所需經費即在電政局報費內陸續撥用工竣核實報銷外應請飭下兩廣總督轉行經過各該地方官妥爲照料保護以重工程所有展設潮州至嘉應州各屬電綫派員勘估興修情形理合恭摺具陳伏乞皇上聖鑒謹奏

宣統二年五月三十日具奏奉旨知道了欽此

大修山東廣東等處電綫片

再山東濟南至德州濟甯至開封四川瀘州至叙州廣東石龍至沙面及河南之鄭州湖北之老河口各該處電報桿綫年久失修又安徽之六安州河南之武安縣尙未通電均應分別修理展設以利交通當經臣部飭令電政局總辦候選道周萬鵬遵員分別勘估現據稟報以上各路共計二千八百七十餘里應需各項經費估洋六萬七千三百餘元除飭撥節辦理工竣核實分別報銷外其工程到境之時應由各該省督撫轉飭所屬切實保護照料恭候命下由臣部分咨遵照理合附片具陳伏乞聖鑒謹奏
宣統二年五月三十日具奏奉旨知道了欽此

展設安徽蕪湖至甯國府及徽州屯溪電綫摺

奏爲展設安徽蕪湖至甯國府及徽州屯溪電綫派員勘估興修
恭摺仰祈聖鑒事竊臣部推廣各省電綫所有安徽省之潁州毫
州太湖六安等處業已陸續添設先後奏陳在案上年冬間准安
徽巡撫朱家寶咨稱甯國府及徽州之屯溪商務均稱繁盛惟向
未設立電報消息難通據諮議局呈明推廣電綫議案飭據勸業
道查明甯國徽州物產殷富屯溪尤爲商務薈萃之區請分籌展
設以利交通至設綫經費仍照穎毫成案部省各半攤認等因當
經臣部札飭電政局總辦候選道周萬鵬派員前往詳細勘估茲
據稟稱查由蕪湖展設至甯國府以達徽州之屯溪共綫路四百
八十里於甯國府設一支店屯溪暫設報房應需木桿綫料運費
工資并施工器具設局機料暨薪水川資伙食各項統共估洋二

萬八千五百五元九角六分二釐繕具清單圖說呈請核辦到部
臣等查核所稟勘估各節尙無浮冒除飭熟悉工程人員購備料
件樽節辦理所需經費咨行安徽巡撫將應攤一半經費先行撥
解以資應用外餘款由電政局報費內撥用工竣核實報銷至工
程開辦之時應由安徽巡撫轉行經過各該地方官妥爲照料保
護以重工程恭候命下由臣部分咨遵照辦理所有展設蕪湖至
宿國府及徽州屯溪電綫派員勘估興修情形理合恭摺具陳伏
乞皇上聖鑒謹奏

宣統二年七月十一日具奏

核覆山東省城至西關商埠安設電話工程用款摺

奏爲核覆山東省城至西關商埠安設電話工程用款恭摺仰祈
聖鑒事宣統二年六月十九日山東巡撫孫寶琦附奏請銷山東
省城至西關商埠安設電話工程用款一片奉硃批該部知道欽
此欽遵由內閣抄出到部並據該撫造冊請銷前來臣等查冊開
機料價值銀七千二百六十五兩一錢六分六釐桿木價值銀一
千七百九十兩機料桿木運費銀五百五十兩五錢四分二釐三
毫工程雜支銀三十七兩四錢四分五釐設局經費及置備器具
等項銀六十三兩二錢八分內除工程工價銀四百九十三兩二
錢已准度支部咨准其照銷外其餘機料桿木運費等項銀九千
七百六兩四錢三分三釐三毫臣等督飭司員逐款鈎稽總散各
數均屬相符應請准其照銷所有核覆山東省城至西關商埠安

設電話工程用款緣由謹恭摺具陳伏乞皇上聖鑒謹奏

宣統二年八月 日具奏

覆核電報第二十八屆收支款目摺付清單

奏爲覆核電報第二十八屆收支款目繕具清單恭摺仰祈聖鑒
事竊查電報收支款目前經臣部奏明每屆報銷自光緒三十四
年起以每年十二月爲截止之期年清年款開單奏銷等因所有
光緒三十四年三月至十二月分止第二十七屆報銷業於上年
十二月由臣部奏銷在案茲據電報局總辦候選道周萬鵬將宣
統元年正月分起至十二月止第二十八屆帳略呈請核銷到部
計開舊管存洋二十四萬元新收共洋三百五十六萬七千九百
六十二元八角四分八釐開除共洋三百九萬四千七百九元三
角八分八釐實在存洋七十一萬三千二百五十三元四角六分
並據稱實存款項留備下屆修造綫路購置電話材料等項之用
當經臣部咨行度支部會核去後現據度支部咨稱按款核算數

目相符等語臣等復詳加查核逐款鉤稽所有收支各款均屬核實既經度支部覆核無異自應准其照銷以清款目謹繕具清單恭呈御覽所有核銷電報二十八屆收支款目錄由理合恭摺具陳伏乞皇上聖鑒謹奏

宣統二年十一月十二日具奏

謹將電報第二十八屆宣統元年正月分起至十二月分止
收支各項細數繕具清單恭呈御覽

計開

舊管

一收第二十七屆各項提款洋二十四萬元

共收洋二十四萬元查上屆實在項下本係無項而提
撥張恰詔石浙閩江西黃河北岸歸太等六處工程經
費以及改良北京電話暨添購電話材料各項費用計
洋二十四萬元均由本屆照帳開報與原撥之數互有
增減多寡不齊特將該款重行列收以清眉目

新收

一收各局本綫官報費洋三十七萬五千二百二十二元七

角六分七釐

一收各局本綫商報費洋二百十二萬六千一百七十六元七角六分二釐

一收中東北三公司攤分應得聯合公司齊價報費洋三十五萬二千五百九十九元七角四分

一收中北二公司齊價攤分報費洋六萬三千九百七十二元三角九分

一收東北公司水綫傳遞滬福厦互相往來報費洋二萬三千一百二十一元八角

一收本綫傳遞滬福厦與香港互相往來報費洋九千九百六十八元

一收東北公司代收上海煙台等局由滬煙沽水綫傳遞報

費洋十五萬三千四十七元五角二分

一收北京局由滬烟沽水綫傳遞報費洋六萬八千六百四十五元一角三分

一收天津局由滬烟沽水綫傳遞報費洋二萬八千八百一十八元四角四分

一收上海局傳遞南洋各島及日本等處來報本綫費洋一萬七千九百二十五元六角七分

一收恰克圖本綫傳遞日本等處報費洋六萬二千八百一十四元八角九分

一收德國水綫貼還滬烟往來商報半費洋三千三百三十四元六角八分

一收中法四季過綫費洋四百七十四元六角八分

一收中英通綫費洋三千二百九十二元二角八分五釐

一收東三省俄國東清鐵路過綫費洋七萬六千九百三十四元四角六分

一收東三省日本南滿洲鐵路過綫費洋九千六百四十三元七角七分

一收鐵路過綫費洋一千五百九十三元七角一分九釐

一收各局代收報費及回報費洋二千一百八十七元四角一分三釐

一收存款息銀洋一萬八千五百十一元八角七分二釐

一收購料回扣洋九千一百九十七元四角九分

一收轉售材料洋五千八百三十五元四角四分六釐

一收變賣舊桿洋五千四百六十九元一角四分四釐

一收各局鈔費洋六百十元六角六分

一收各局專力洋六十四元一角五分八釐

一收各局綫阻罰薪洋六十四元三角六分三釐

一收青威至烟台水綫設機租費洋二百元

一收電話租費洋五萬二百八十二元二角五分

一收局產房租洋二千三百十七元一角七分三釐

一收韓國還欸洋八萬九千四百二十五元九角六分

一收廣東善後局賠欸洋三百元

一收滬甯鐵路攤還養綫費洋五千九百元二角二分六釐

共收洋三百五十六萬七千九百六十二元八角四分

八釐

以上管收兩項總共收洋三百八十八萬七千九百六十

二元八角四分八釐

開除

一支電政局經費洋十五萬四千九百三十九元五角九分
六釐

一支各局經費洋一百十六萬九千五百五十一元一角九分

一支洋員薪費洋三萬二百九十五元

一支華洋員川資洋三千四百三十六元四角六分

一支局員保款利息洋二百七十七元八角

一支東北公司代辦水陸綫經費洋九萬四千七百五十四元一角四分三釐

一支東北公司本綫傳遞滬福厦與香港互相往來報費洋

九千九百六十八元

一支東北公司暨滬烟沽水綫應支各費洋三千九百七十
三元四角四分

一支中俄過綫報費洋九百四元九角二分

一支因公報費洋一萬七千二百三十八元二角五分

一支郵傳部官報半費洋一萬七千七百四十三元五角八
分三釐

一支陸軍部報費洋一萬一千六百九元七角三分

一支賑務報費洋一萬八千八百五十五元五角九分七釐

一支滬烟沽正副水綫撥本付息款洋十九萬六千一百一
元八角四分九釐

一支修造綫路工程經費洋十八萬二千三百四十九元三

角二分七釐

一支修理滬烟沽及烟大水綫費用洋三萬九千九十四元

二角三分

一支查勘綫路費用洋四千六百六十七元三角七分五釐

一支購置材料洋十六萬四千六百四十五元九角四分四

釐

一支採辦木桿洋六千十三元三角五分

一支運料水脚保險等費洋一萬六千二百六十三元七角

八分二釐

一支材料關稅洋四千一百五十九元三角九分二釐

一支天津工程局存款息銀洋一千二百九十二元四角六

分五釐

一支郵傳部高第

元九角

一支郵傳部高第

角九分

一支李文忠公

一支洋總管謝

一支滇省洋總

一支改員郵薪

一支各項捐款

一支購置房產

一支購回藏地

三角九分

一支購回匯中無線電機價值洋一萬七百五元

一支裝設無線電報工料費洋一千五百八十五元七角三分

一支電話成本洋二十九萬五千七百八十九元二分

一支收贖商股項下官利洋三十九萬六千元

一支收贖電股借款息銀洋十三萬五千三百二十三元六角七分

一支員司報生等獎賞洋三萬六千元

共結支洋三百九萬四千七百九元三角八分八釐

收支兩抵結存洋七十一萬三千二百五十三元四角六分

各省官辦電報歸部辦理摺

奏爲遵旨將各省官辦電報歸部辦理以昭畫一謹酌擬辦法恭摺仰祈聖鑒事竊准憲政編查館咨稱會奏覆核各衙門簽注行政綱目一摺宣統二年十月初四日奉旨著依議欽此恭錄咨行到部查行政綱目郵傳部職掌內開各省現辦之官電局應一律歸部辦理等因伏維電報之設義重交通必須有居中馭外之樞機乃能收指臂相聯之實效攷諸東西各國辦理電報靡不集權中央用能界限分明事權歸一中國電報向係官商分辦商電業經臣部收回官電仍由各省自辦彼此畛域未能畫一是以臣部具奏分年籌備要政摺內曾將官電歸併妥籌布置陳明在案現在釐定職掌各專責成既經憲政編查館奏定一律歸部辦理自應遵照實行惟是官電散布各省綫路之長幾與原有商綫道里

相埒經費向多不敷酌劑尤非易事何況劃分日久合併較難當此接管之初若不竭力經營妥籌善法恐不免支絀紛更之弊臣等公同商酌謹擬辦法爲我皇上陳之一官電綫路現計四萬餘里歷年既久朽壞居多雖經各該省隨時整頓而應行大修之處仍復不少本年臣部派員調查兩廣綫路業將亟須修理情形咨行該省核辦至今尙未興工其餘滇桂之綫與英法相接東三省之綫與日俄相接管理偶疏即生交涉而川藏回疆陝甘等處又係關涉邊防應俟接收後由臣部遴派妥員實力查勘酌量財政之盈虛分別工程之緩急分年修理逐漸布置以期日臻上理一臣部自收贖商電以來每年推廣綫路絡繹不絕需用經費動逾累萬良以要政攸關不得不勉爲籌畫一經接收官電展綫工程事更繁於往昔若專就電款挹注辦理必形竭蹶查近年添設歸

太阿綏費洪各綫或係臣部與該省分成攤認或由度支部撥款協濟嗣後遇有展綫工程擬仍由臣部酌核情形照案辦理庶較易集事不致貽誤要工一臣部所轄電局凡傳報等次及收費辦法向有一定章程而一等官電半價惟紫花印各衙門有寄發之權其餘官報概列四等收取全費原以示限制而分緩急立意至爲深遠惟官電省分收費既有參差等次亦不免紊亂稽核甚難關係於款項者固鉅影響於報務者尤大擬自接收後凡官電省分督撫以下發遞因公官報核定等次分別納費並請准其作正開銷庶與臣部定章相符以杜紛歧而昭一律一官電省分邊陲居其多數既鮮商報收款必絀是以局用修養諸費悉由各省另籌官款以資彌補嗣後不敷之款既經歸部直轄臣等總當勉爲籌畫極力維持以免貽誤至從前官商劃分之時各省互有欠借

北洋東三省等處有借用電政之款商電有欠解天津工程局之款現在悉歸部辦部省款項同關國帑應俟接收以後概將舊案撤銷以清糾葛一官電敷設區域如直隸江南廣東山東等省會均經臣部設有電局而各該省又復另設總局當時雖因官商分辦不得不各清界限而同在一地分立兩局情形等於駢枝經費亦不免虛耗擬自接收後酌核歸併如有各分局子局收費無多綫路非關緊要可以遞改報房之處亦當酌量改設實力撙節一官電常年收支經費如新疆陝甘廣東山東等省均有冊報到部其餘各省互有遲早廣西則歷年均未造報所有未報各案截至宣統二年年年底止應由各該省趕緊清理造銷自接管以後由臣部將一切表冊格式頒發各局明定期限飭令分別填報俾得按年奏銷以清款目此外整頓各節如鄭重接轉綜覈收支造就學

生選派工頭與夫一切管理稽查方法皆爲電政切要之圖應俟接收後由臣等察核情形切實辦理如蒙俞允恭候命下由臣部分行各省督撫遵照即自宣統三年正月起一律辦理所有違旨將各省官電歸部辦理酌擬辦法緣由謹恭摺具陳伏乞皇上聖鑒訓示謹奏

宣統二年十一月 日具奏

--	--	--	--	--	--	--	--	--	--

2360

山東沿河電綫仍准循舊管理摺

奏爲遵旨查核具奏恭摺仰祈聖鑒事內閣鈔出山東巡撫琦奏河工官電請循舊管理一片宣統二年十二月二十二日批郵傳部查核具奏欽此原奏內稱東省河工從前報水前撫臣周馥於光緒二十八年奏明設立官電專司報水報與鐵路附設電綫無異與他省官電不同改歸部辦必多窒無仰懇天恩俯念河工爲保衛民生關係至重飭下郵傳部省河工官電仍准循舊管理至接綫收費一切均當遵部章奉辦等語臣等伏查電報爲軍國要圖必須事權統一乃能咸宜今山東巡撫以河工電綫改歸部辦必多窒礙爲言因重宣防起見但臣部統轄交通京外要政靡不由電傳達經理立法綦嚴河工祇要政之一端改隸臣部自不至遽生空

該省電綫創設之時係專指沿河兩岸近年以來復在東昌曹州鉅野鄆城濟甯等處展拓綫路增設局房已越河堤範圍核與鐵路專遞路務電報不收商報者又復不同惟臣等詳考各國成法凡關於水利天文等事有准令民間私設專綫受國家法律之規定者東省本係官電綫原非私設可比惟是黃河關係鉅工與各國水利專綫同爲保衛治安自可變通辦理擬請將山東沿河大堤專司報水電綫准其仿照各國私設專綫之例由該省循舊管理其非沿黃河之電局仍必隸部以清界限至接綫收費各節容臣部核定章程咨行辦理恭候命下即由臣部行知山東巡撫遵照所有查核東省沿河電綫循舊管理緣由謹恭摺具陳伏乞皇上聖鑒謹奏

宣統三年二月初七日具奏奉旨知道了欽此

擬訂大東大北電報兩公司預付報費合同摺

奏爲擬訂大東大北電報兩公司預付報費合同恭摺會陳仰祈
聖鑒事竊郵傳部統籌電政光緒三十四年奏請收贖電報商股
計共需銀二百八十餘萬兩迄今尙未清還近來推廣電綫改良
電話所費尤鉅加以接管各省官電亟應大修桿綫以期暢達臣
等通籌全局目前電政入款僅敷常年經費之用自應另行設法
以濟要需飭據電政局總辦候補道周萬鵬稟稱大東大北公司
向在中國辦理海綫訂有接綫合同該兩公司允將中國電局應
得攤分外洋報費預付英金五十萬鎊年息五釐分二次交付第
一次付英金三十萬鎊於合同簽立之日起一個月內交付第二
次付英金二十萬鎊於第一次款交清後六個月內交付每半年
均勻付還公司一次其第一期還款訂明於宣統四年五月十六

日交付共十九年分三十八期每期本息英金二萬一千十八鎊
礎擬合同七款呈部前來臣等詳查合同大旨係將電局應得攤
分外洋報費由該兩公司提前預付即將攤分報費擔保似與別
項借款另索抵押者情形不同其以十成交款不折不扣亦尙合
算至分期還款數目核與按年所得攤分報費之數不相上下計
算此十九年中本息必可如期清償既應目前之急需復杜將來
之干涉自可照擬辦理當將合同擬稿咨行外務部查核茲准覆
稱合同擬稿業已查核等因謹繕具擬訂合同七款清單恭呈御
覽候命下之日即由郵傳部欽遵辦理並分咨外務部照會駐京
英國及俄丹公使查照所有擬訂大東大北兩公司預付報費合
同緣由謹恭摺會陳伏乞皇上聖鑒再此摺係郵傳部主稿會同
度支部辦理合併陳明謹奏

宣統三年三月初八日具奏欽奉諭旨郵傳部會奏擬訂大東大
北電報兩公司預付報費合同繕單呈覽一摺著依議欽此

謹將擬訂大東大北電報兩公司預付報費合同繕具清單

恭呈御覽

大清國郵傳部郵傳部於宣統三年 月 日即西

歷一千九百十一年 月 號與大東電報公司及

大北電報公司稱下公司均訂此合同郵傳部爲整頓及擴充中

國各處電報電話故不久須用巨款

按照大清國電報局與公司現行合同有公司經理中國應

得之某款項按季付與電局

此款項公司現願預先付與郵傳部以備以上所列各用是

以彼此議允所有各款條列於後

第一款

公司允將英金五十萬鎊預付郵傳部按照後開各條辦理

第二款

此項預付之款不扣不折年息五釐

第三款

此項預付之款英金五十萬鎊分兩次交付第一次付英金三十萬鎊於西歷一千九百十一年五月一號即宣統三年四月初三日由公司交與郵傳部第二次付英金二十萬鎊於第一次款交清後六箇月內交付均付與郵傳部指明之銀行兌收

第四款

此項預付之款連總共利息應由郵傳部每半年均分英金二萬一千零十八鎊付還公司一次其第一期每半年還款應於宣統四年五月十六日即西歷一千九百十二年六月

三十號交付末期則於西歷一千九百三十年十二月三十一號或十二月三十一號之前交付此項還款應將金鎊或合成金鎊之數在倫敦或上海付與公司指定之銀行兌收如遇還款之期適有無論何種不及預知之事郵傳部不能如期交付當將應付之數全按周年五釐認息付與公司自到期之日起至付款之日止本合同應付之款若到期不付或短付則公司可查明電局與東北兩公司或一公司所立合同於公司應付電局之款項內扣除

第五款

大清國政府今承允擔保英金五十萬鎊本利全按照第四款清還並許公司於中國應得之歐美攤分報費及中北報費儘先索取以爲預付款之擔保至電局與公司現行之合

同內公司凡有應得之款仍照辦理此項報費今特聲明別無他項借款及抵押之事所謂歐美攤分報費者即西歷一千九百四年七月二十六號電局與公司所訂合同序中第六節內所指之報中北報費者即西歷一千八百九十七年五月十三號電局與大北公司所訂合同第一款內所指之報及西歷一千九百二年十月二十二號合同第七款內所指之報

第六款

以上所云之擔保於此項預付之款未還清以前不能再以之借款或抵押郵傳部及電報局於本合同施行期內不得另設他法或另訂合同使以上所云中國所得之歐美攤分報費及中北攤分報費爲之減色

第七款

本合同係宣統三年 月 日奉旨照准由外務部
照會駐京英國及俄丹國公使查照下列簽押之員係奉委
派將本合同簽訂用華英文各六分俱經校對無訛郵傳部
外務部駐京英公使俄丹公使及公司各執一分於宣統三
年 月 日即西歷一千九百十一年 月

號簽立

宣統三年三月 日

酌擬廣西官電辦法摺

奏爲酌擬廣西官電辦法請旨遵行恭摺仰祈聖鑒事宣統三年四月初二日准軍機處交片奉旨沈秉堃電奏桂省邊瘠局勢艱危請准將道府廳州縣及各營隊發遞本省衙署暨兩廣總督官電仍一律免費並照部咨以邊防軍務拿匪交涉災賑及查辦事件六項爲限等語著照所請該部知道欽此欽遵到部伏查臣部上年十二月奏請將各省官辦電報歸部辦理酌擬辦法一摺內開督撫以下因公發遞官報核定等次分別納費等語通咨各省遵照一律辦理旋准護理廣西巡撫魏景桐電稱廣西軍務學務警務賑務交涉查辦緊要事件均用電報向章紫花印官電發遞兩廣者列作一等免費發遞他省者列作一等收半費又省城司道發遞本省官電無論明密均一律按四等明碼收費發遞他省

者亦按四等收費又省城府縣及省外各衙署營防因公發遞本省及兩廣總督官電不問何項事件均列一等免費現既改歸部辦桂省預算不敷請仍照舊章辦理當經臣部以官電分等費京外各署循行已久均列預算官綫省分未便兩歧現擬將紫花印電不論本省他省照一等半價省城司道仍照舊章府縣營隊發遞邊防軍務拿匪交涉災賑及查辦事件六項官報專遞本省衙署暨粵督署者暫照同府報價核收作正開銷列入追加嗣據廣西追加電費估計銀二十餘萬兩由度支部片行臣部核復臣部比較各省官電數目核定廣西官電報費按照七八萬兩之數准其追加片行度支部核准各在案今廣西巡撫請將道府廳州縣及各營隊發遞本省衙署暨兩廣總督官電仍一律免費並照部咨以六項爲限等語查臣部此次接辦官電共計十省餘省報費

關係全局未便於一隅之地遽行免費且向來官電省分狃於免費積習或冗長詞費或任意濫發而緊要官報反被積壓臣部擬定分等納費辦法原爲各省冗長濫發等弊略示補救廣西邊瘠與各省微有不同故臣等於前護撫電商後即將府廳以下六項電報暫按同府價目核收不徒視尋常電價少納一倍有餘即較紫花印電亦復輕減似於鄭重報務之中仍寓輕而易舉之意現該省追加電費已經度支部核准果能斟酌字句分別緩急按照追加之數尙可節省自不至有碍行政惟廣西近日伏莽滋多電報繁重自以軍務爲最此案既經奉旨批准應否將該省府縣營隊發遞本省衙署及兩廣總督軍務電報准其暫行免費事平仍即停止其餘仍暫照同府價目核收之處自應請旨裁奪恭候命下臣部咨行廣西巡撫遵照辦理所有酌擬廣西官電納費辦法

謹恭摺具陳伏乞皇上聖鑒訓示謹奏

請派電政總局局長各差片

再電報前歸商辦向在上海設立總局原爲便於策應起見現既歸部辦理情形不同而本年接收各省官電以來綫路愈廣事務亦倍形繁曠凡考驗工程調遣員司慎重收支接轉報務諸大端均屬行政樞紐責任綦重必有統一之規模乃期推行之盡利現鐵路已在臣部設立總局郵政收回亦當照辦電報事同一律自應將上海電政局移設到京由臣部就近督飭辦理庶幾事權歸一免致紛歧惟電政爲四政之一總局管轄二十一省電局數百所必須派一局長方能承上啓下收效將來此項人材實非專門難期勝任查有現充電政局總辦二品銜候選道周萬鵬係肄業美國學生出身隨臣宣懷創辦電報已三十年諳練電學資勞最深中國電報與英丹俄法日各國水陸接綫交涉極繁該道於此

中竅要已能操縱自如擬請恩准賞給四品卿銜派充電政總局局長以期得力而資臂助所有上海電政局應即改稱上海電報分局該局事繁任重亦非熟習洋務電務人員難期勝任查有該局提調候選知府唐元湛堪以總辦原有附屬之洋報核算處電報物料處以及電報學堂仍留上海派員辦理悉歸電政總局管轄俾臻妥洽是否有當恭候命下臣部遵照辦理謹附片具陳伏乞聖鑒訓示謹奏

請賞給大北電報公司總理寶星片

再大東大北電報公司自光緒初年臣宣懷督辦電政任內即與之訂立接綫齊價攤分合同其辦事洋員歷經奏蒙恩准賞給寶星在案茲查有大北電報公司總理白森任事有年遇有電政交涉均能和衷商辦此次臣部與該公司籌議預付報費該洋員頗能出力自應援案請獎合無仰懇天恩賞給該員三等第一雙龍寶星以敦睦誼而酬勞勩如蒙俞允恭候命下即由臣部咨明外務部欽遵辦理謹附片具陳伏乞聖鑒謹奏

宣統三年四月二十四日具奏

彙案核銷廣東東三省等處展設電綫支用各款摺

奏爲彙案核銷廣東東三省等處展設電綫支用各款恭摺仰祈
聖鑒事竊查宣統二年九月十四日欽奉諭旨憲政編查館奏請
將各省循例具奏事件酌擬改咨由各衙門分別彙奏專奏開單
呈覽一摺所有單開各條硃圈者仍行具奏餘依議欽此查清單
內開各省電綫等用款報銷及歲修應歸彙奏事件等因自應欽
遵辦理上年十一月據前署兩廣總督袁樹勛咨稱廣東德慶州
至羅定州城展設電報杆綫計程一百八十五里支過工料各費
銀兩造冊請銷前來臣等查冊開支用銀兩共八千八百二十兩
零八錢九分五釐一毫零三忽九微二纖內除員司工匠人等薪
水火食川資等銀二千二百零一兩五錢三分七釐二毫應歸度
支部核銷外其餘電綫料物及設局料價銀四千零六兩四錢四

分四釐九毫零三忽九微二纖杆木價值銀一千六百九十七兩零四分運送料物杆纜夫馬船價銀八百七十七兩一錢五分油燭紙張筆墨銀三十八兩七錢二分三釐共銀六千六百十九兩三錢五分七釐九毫零三忽九微二纖臣等督飭司員逐款鉤稽總散各數尙屬相符應請准其照銷又內閣抄出東三省總督錫良奏銷奉榆奉營臨長等處電綫工程用款一摺宣統三年三月三十日奉硃批該部知道欽此欽遵並據該督造冊請銷到部臣等查冊開奉天至溝帮子立杆挂纜又自溝帮子至山海關加挂電綫共計纜路八百零八里支過庫平銀二萬一千一百三十三兩二錢九分五毫三微又展設奉天至遼陽電綫並遼陽至營口挂纜計路纜二百七十三里海城至營口添挂纜路一百十三里支過庫平銀一萬八千九百五十八兩八錢二分八釐六毫六絲

二忽二微展設臨江至長白電綫計綫路三百七十三里支過庫平銀九千六百零二兩二錢五分三毫八絲九忽九微內除員司工匠薪水工食川資等項銀六千五百五十六兩六錢一分五釐應歸度支部核銷外其餘大車驢駝分運料物脚價銀八千七百三十四兩八錢二分五釐二毫五絲購買外洋內地各種材料器具價值銀二萬四千八百六十七兩六錢九分九釐四毫五絲四忽四微購買電杆價值銀七千七百十二兩九錢五分火車脚價銀一千八百二十二兩二錢七分九釐八毫四絲八忽共銀四萬三千一百三十七兩七錢五分四釐五毫五絲二忽四微臣等督飭司員逐款稽核總散各數尙屬相符應請准其照銷所有彙案核銷廣東東三省電綫工程用款緣由謹恭摺具陳伏乞皇上聖鑒謹奏

宣統三年 月 日具奏

請援案獎給洋員寶星摺

奏爲擬請援案獎給洋員寶星恭摺仰祈聖鑒事竊大東大北電報公司自光緒初年即與訂立接綫合同向由該公司遴員駐滬經理其事俾與電政局接洽其辦事洋員歷經前電政大臣暨臣部奏獎寶星奉旨允准在案茲據電政總局稟稱查有大東電報公司駐華代理總辦史格道大東電報公司駐華前代理總辦倍克大北電報公司總工程師欣納等均係與電政局共事有年遇事持平無所偏倚交通要政裨益良多又各省電報局訂用洋員如北京電話工程師辻野朔次郎天津電報局總管畢得生雲南電報局前總管孟納爾等均係供差有年辦事得力擬請併案一律給予寶星俾昭獎勵等情前來臣等查該洋員等或遇事和衷深資贊助或供差勤奮積有歲時自應量予酬庸以資勸勉業經

咨明內閣查核相符謹將各該洋員擬給寶星按章分別等第繕具清單恭呈御覽如蒙俞允即由臣部咨明內閣照章辦理所有擬請援案獎給寶星緣由理合恭摺具陳伏乞皇上聖鑒謹奏

謹將擬給大東大北電報公司暨電政局訂用各洋員寶星
分別等第繕具清單恭呈御覽

計開

英國駐華大東電報公司代理總辦史格道

英國駐華大東電報公司前代理總辦倍克

丹國駐華大北電報公司總工程師欣納

以上三員擬請賞給三等第一雙龍寶星

北京電話局工程師辻野朔次郎日本國人

天津電報局總管畢得生丹國人

雲南電報局前總管孟納爾丹國人

以上三員擬請賞給三等第三雙龍寶星

--	--	--	--	--	--	--	--	--	--

郵政 宣統元年正月 起宣統三年十二月止

派員赴奧肄業情形摺

接收郵政並分年籌備辦法摺

派前安徽布政使連甲兼考察郵電片

請將驛站歸勸業道兼管片

會奏郵政訂期接管以歸統一摺

統籌郵政經費懇將六關認定款項照數撥給摺

各衙門照郵政向例納資片

郵政應用物料請照案免稅片

定期接收驛站並擬隨時變通辦理摺

直省驛站應用經費一時尙難裁減摺

請改派署理郵政總局局長摺

請獎日本郵員寶星摺

派員暫代郵政總局局長摺

派員赴奧肄業情形摺

再查奧國郵政及郵便儲金規制精詳最爲世界所推重上年冬間由臣部咨行出使奧國大臣雷補同商允奧外部招待中國學生入局練習郵政及郵便儲金俾資應用並准該大臣咨稱此項學生以能通德法文者易於教授旋由臣部考選德文生譯學館畢業分省補用知縣馮農陸軍部主事龍綬慈內閣中書謝世瑾民政部七品小京官陳履祥農工商部七品小京官陳廷馥霍澍霖福建高等學堂預科畢業生鄭義琛大學堂預科畢業生分省補用通判李景言陸軍部筆帖式孟錫祉福州鶴齡書院畢業生林文瀚南洋方言學堂肄業生沈承澗等十一名法文生譯學館畢業大理院七品小京官陳柏年福建高等學堂預科畢業生余翔麟漢口法文書院畢業生錢春祺京師法文學堂畢業生魯彥

本等四名另有唐文啓唐榮漢黃國俊三名向在德國留學劉世尊一名向在法國留學均令就近赴奧聽講並以英國財政學堂畢業生保用知縣徐秀鈞派充學長業於四月間帶同該生等前往現在已抵奧京一同肄習共二十名除來往川資及治裝各費外全年學費約合銀三萬一千兩該款在各路餘利項下湊撥開支預定二年畢業回國後歸部効用其已有職官之各該生應請援照定章准予免扣資俸恭候命下由臣部分咨各衙門欽遵辦理所有派員赴奧肄業緣由理合附片具陳伏乞聖鑒謹奏

宣統二年七月十一日具奏

接收郵政並分年籌備辦法摺 附清單

奏爲分年籌辦郵政繕具清單恭摺仰祈聖鑒事竊查臣部職掌交通凡船路電郵四政在在均與推行憲政有密切之關係必期交通機關完備而後庶政敏活消息靈通所有路政分年籌辦事宜及關於船政電政辦理情形均經陸續奏報在案郵政一項爲無形交通之大端於憲政關係尤鉅東西各國近數十年於此項政務銳意講求竭力推廣一國大小郵局多至數萬處所旣以宣達上下之情消除隔閡之弊且於滙兌儲蓄等事罔不周備國家人民交受其益我國郵政開辦之初權由稅務司兼理十餘年來規模粗具查憲政編查館奏定行政綱目規定臣部郵政司掌全國郵政注明郵政局現在由稅務司辦理亟應改歸臣部又查上年八月憲政編查館會同覆核各衙門九年籌備清單內開郵政

附屬稅務司本在未設專部以前風氣未開暫歸兼轄今既有專官自應責成該部堂官會商稅務大臣籌備收回方法以符名實各等因均經奉旨允准是臣部職司所在責無旁貸當此籌辦憲政之時自應力圖推廣以臻完備惟其事務繁多整理不易且與各衙門多有關涉事件所有交涉次序權限劃分對於國內推廣局所及匯兌儲蓄辦法對於國外行駛郵船及定約入會等事非一一預爲籌計不足以臻完密自應酌量情形分別緩急將一切應辦事宜按年籌備開列清單及時陳定以便與各處互相接洽而臣部亦可按期程功免致貽誤庶冀郵務日有起色於憲政前途實多裨益所有分年籌辦郵政情形除咨憲政編查館並俟接管後將辦理事宜隨時具奏外謹繕具清單恭摺具陳伏乞皇上聖鑒訓示謹奏 宣統二年九月初二日具奏

謹將分年籌辦郵政清單恭呈御覽

計開

宣統二年

籌辦接管郵政事宜

各國郵政前及現在辦理情形並經費等項又

原郵

與稅務處協商交接郵政事宜

編訂郵律及一切規則 採各國通行之郵律先行編訂奏明辦理

設郵電班於交通傳習所

派學生赴奧學習郵政 以上二項均已奏明辦理

籌畫郵政經常及推廣所需經費

按每年郵稅所入以四分之三充一切辦公雜費以其餘

一分爲推廣經費

宣統三年

頒布郵政新章 以後按年修改訂價出售

釐定各省總分局設立處所

從前多係按稅務區分應照行政區域改設

派員赴萬國郵政公會並考察各國郵政

購郵信蓋印機器以具發交工廠仿造

便發交各省總局應用

釐定郵政職分並薪俸考試任用章程

奏設畫一郵政應用圖記各項物料所

籌辦郵局儲蓄事宜 儲蓄一門在我國為尤急

籌辦外洋郵船

宣統四年

入萬國郵政公會 與各國提議裁撤客局

宣布郵律

裁撤各處民信局

推廣各府州縣二等郵政局

訂無法投遞信件辦法

各國特設有專司以辦此事並付以拆信權此外無論何員均不得拆閱訂為專律

籌辦蒙古西藏郵局

開辦外洋郵船

開辦各省郵局儲蓄

宣統五年

推廣各郡縣鄉鎮三等郵政局

設郵報

專辦郵局事實每七日一發行不出售

開辦郵局電匯

宣統六年

與各國分別訂立保險郵件及滙兌條約

推廣蒙古西藏郵局

設機器工程局

各局需用機器甚夥非專設局製造必有供不應求之勢

宣統七年

開行郵政特別快車於通商口岸

凡經過零星小站車用機器收發包封而車不停亦名機器

局

推廣四等郵政局於京外各街衢

由殷實鋪戶代辦

推廣滙兌儲蓄兩項於各省二三等郵政局

宣統八年

發行立憲紀念郵票

推廣郵政火車局附設於各路特別快車後

推行郵局電滙並保險信件於五洲郵會諸國

派前安徽布政使連甲兼考察郵電片

再臣部丞參上行走前安徽布政使連甲自備資斧親赴東西各國考察財政業經憲政編查館奏明奉旨允准欽遵在案查該員明敏篤實體用兼賅於時務尤能悉心研究此次出洋擬派令兼調查電郵合一辦法暨各國郵便儲金情形以資採擇似於要政有裨理合附片具陳伏乞聖鑒謹奏

宣統元年九月初二日具奏奉旨知道了欽此

A large rectangular table with 12 empty columns. The table is oriented vertically on the page. On the right side of the table, there is a small black mark.

--	--	--	--	--	--	--	--	--	--	--	--

2400

請將驛站歸勸業道兼管片

再查各省驛站向係由按察使兼理嗣於光緒三十四年七月經憲政編查館奏定俟各省按察使改爲提法使時即將驛站事務劃歸勸業道接管在案現在各省按察使既已奉旨一律改爲提法使自應遵照奏案將各省驛站事務劃歸勸業道兼理查勸業道職隸臣部則所有關於驛站各事應即由臣部經理以一事權再查本年七月十三日庫倫辦事大臣以各台驛遞廢弛奏裁驛站改設文報局轉送郵局投遞業經陸軍部核准在案此外南北洋暨東三省亦改設文報局交郵局轉遞先後均已通行可見裁撤驛站歸併郵局原爲及時應辦之事如蒙俞允即由臣部咨照陸軍部應如何接洽裁改之處妥商辦理其輪船未通地方於郵局未設之先仍飭勸業道將驛站照常辦理遞送文件隨時將辦

理情形兼報陸軍部以符奏案所有裁改驛站擴充郵政緣由理
合附片陳明伏乞聖鑒訓示謹奏

宣統二年九月初二日具奏

會奏郵政訂期接管以歸統一摺

奏爲郵政定期由郵傳部接管以歸統一而符名實恭摺仰祈聖鑒事竊查憲政編查館奏定行政綱目規定郵傳部郵政司掌全國郵政注明郵政局現在由稅務司辦理亟應改歸郵傳部又查宣統元年八月憲政編查館會同覆核各衙門九年籌備清單內開郵政附屬稅務司本在未設專部以前風氣未開暫歸管轄今既有專官自應責成該部堂官會商稅務大臣籌備收回方法以符名實各等因均經奉旨允准郵傳部即於上年奏陳分年籌辦郵政繕具清單恭呈御覽宣統二年九月初二日奉旨依議欽此本年四月咨商稅務大臣將郵政事宜定期移交以便接管旋據覆稱定於本年五月初一日移交已札行代理總稅務司將交替事宜先期準備等語臣宣懷即與代理總稅務司安特生面議交

接大概情形查郵政始於光緒二十二年二十四年先後奉旨推行沿江沿海各省暨內地水陸各路名爲大清郵政救下外務部轉飭總稅務司赫德兼司其事經赫德遴派稅務司帛黎爲總辦歷十數年各省通行郵政共有六百餘局又代辦四千二百餘處並與數國訂立往來互寄之合同與郵傳部所辦之電報相似辦理頗有成效總稅務司並因郵政進款入不敷出請外務部核准由新闢項下每年指撥協濟款七十二萬兩每年寔交不過三十餘萬兩據報宣統元年止海關寔墊銀一百七十八萬餘兩而臣等查總稅務司兼辦以來寔屬著有勞勩其所用稅務司帛黎專辦郵政井井有條尤爲難得之人才此次歸部收回尤須認真推廣務使驛站由漸裁撤郵局由漸加增並欲試辦儲蓄爲裕國足民之計歐亞各國郵政與電報儲蓄本屬鈎連惟茲事重大全在

得人力杜因循苟且之習自不難收與年俱進之功夫行政必先具大綱乃可徐籌細目郵傳部奉旨設立四政奏明各設總局照章奏派局長各專責成郵政關係二十二行省與船路電三政以及驛站銀行皆有互相維繫之處歸部以後既不歸總稅務司兼轄自應在部設立郵政總局照章派一局長以資承接局長之下應派總辦一員會辦一員總司其事所有郵政總局局長一時不易得人署郵傳部左侍郎李經方淹貫西學出使多年兼綜鐵路總局將及半載悉心整頓不辭勞怨措置裕如今不得已擬請仍援鐵路局辦法即由李經方暫行兼署其郵政總辦一員擬以二品銜三等第一寶星帛黎派充其稅務司原缺並由郵傳部知照外務部轉飭開除會辦一員擬俟選擇有人再行奏派臣宣懷與帛黎數次接晤稔知其爲人具有忠心所辦郵政有條不紊以之

派充總辦實爲資其創始熟手起見至該總局用人辦事大概均可酌量摹仿海關遞升章程應如何釐定科目詳細規則容俟臣宣懷與局長督同總辦及郵政司員妥慎籌畫再行陸續陳奏請旨核定其郵政款項自接收之日起應即歸部設法籌備海關以前墊款若干俟稅務處將款項帳冊移交過部之後郵傳部再由度支部會商如何分年陸續籌還之法另行會奏所有定期接收郵政緣由理合會同恭摺具奏是否有當伏乞皇上聖鑒訓示再此摺係郵傳部主稿臣等一再會商意見相同合併聲明謹奏

宣統三年五月 日具奏

統籌郵政經費懇將六關認定款項照數撥給摺

奏爲統籌郵政經費懇將六關認定款項照數撥給恭摺具陳仰祈聖鑒事竊臣部責任交通郵政欲事擴張經費乃形短絀亟應統籌併計以爲先事之圖據寔陳明以立進行之則臣部自五月初一日接辦郵政督率員司黽勉從事郵政總局業已遷移部內由臣經方兼署局長督飭洋員總辦帛黎悉心經理數月以來京外各郵局酌量事之繁簡準定局之等差已與臣部舊設之電政路政各局規畫一律布置漸臻周密惟查中國幅員遼廓郵政事業又必期於普及當郵政由海關代辦時直省繁盛之區固已星羅棋布至邊遠荒蕪處所尙多缺略如新疆祇有迪化等局西藏祇有喇薩等局蒙古祇有庫倫恰克圖等局際茲邊地外交方亟若不急圖補救將何以謀抵制而利交通故新疆雲貴川藏各督

撫大臣皆以郵政收歸部辦亟事擴充或以電簡郵政辦法或以提塘議改文報以立郵政基業或以台站裁兵騰餉議改郵夫立言均有確當之理由實按尙無指定之的款查郵政一項關係全國交通尙無地方經費祇有光緒三十年四月外務部與戶部核定津海等六關每年協濟銀七十二萬兩又以歷年解不足數海關墊款積至一百五十八萬餘兩目下虧款必欲分償而入項別無增益臣等討論辦法實與海關代辦徵有不同一從前房屋占用各關業已劃分自應擇城市適中區域酌量分租一從前設局及代辦郵政合計四千七百有餘處隱涵營業性質現歸部辦無論地方衝僻無論政務繁簡均須交通完密無有缺遺明知該地設局必致賠累爲交通計即不能爲贏虧計也有此數端則所用經費爲數尤鉅現稅務處文移臣部允照前解三十二三萬兩之

數按年撥給臣等籌思至再如不擴充或可勉強敷衍倘欲於邊遠地方酌量設局即使六關認定之七十二萬依期解足統計所虧尙多祇可視經費之多寡爲進行之標準果如各督撫大臣電商各節欲令多設分局而六關解不足額則所有購票寄件等入款萬不能敷長年郵政之支用可否懇請諭令度支部稅務處飭下六關監督將前認關平七十二萬兩照數解足以期無誤全國交通要政此外不敷各項再由臣部竭力籌措勉爲其難至海關以前墊用各款當於三五年內設法分期歸還不得於協濟款內劃撥以清界限臣等爲統籌郵政起見是否有當伏乞皇上聖鑒訓示謹奏

宣統三年閏六月十七日具奏

各衙門照郵政向例納資片

再臣部接收郵政正在規定畫一章程以免各省自爲風氣查外洋郵便法規凡關於未交之郵費郵局得依國稅遲交處分之例徵收之又云關於郵便郵便滙兌電報電話事務之郵件得不收費可見外人注重郵政各費等於國稅有先取特權凡不屬於郵政者皆須收費臣等督飭洋員籌商辦法嗣後如逢廷寄以至上用各項及頒賞等物由郵報處往來者概行免費其餘各衙門均有辦公經費自應仍照郵政向例納資庶于推行交通政策兩無妨礙俟新章訂定以後再行奏明辦理謹附片陳明伏乞聖鑒訓示謹奏

宣統三年閏六月 日

A large rectangular table with 12 empty columns and a thick border. The table is oriented vertically on the page. The columns are of equal width and are separated by thin vertical lines. The table is currently empty of any data or text.

2412

郵政應用物料請照案免稅片

再查郵政購運華洋物件從前隸屬海關時與海關物件合運均係免稅歷經辦理在案現在郵政遵旨改歸臣部接管擴充辦法需款甚鉅正宜設法維持臣等查郵政應用物料即如郵票之類多係購自外洋而本國所產足資應用者亦屬不少以後所有本國已經製造或可以製造之品尙宜陸續斟酌採用暨暫時仍須取資外洋者購運之時均應援照免稅既與從前辦法相同亦省郵政支銷之費相應請旨敕下稅務大臣以後購運郵政華洋物料持有臣部執照者仍照隸屬海關成案一併免稅以免更張而資利便謹附片具陳伏乞聖鑒訓示謹奏

定期接收驛站並擬隨時變通辦理摺

奏爲定期接收驛站事宜並擬隨時變通辦理恭摺仰祈聖鑒事
竊查上年十二月二十日陸軍部奏將驛站事宜改歸郵傳部管
理一摺奉旨依議欽此欽遵抄奏咨行到部臣等當以驛站根於
郵政應俟郵政接管後方克定期接收等因咨復陸軍部去後今
臣部已將郵政收歸部辦驛站事宜擬即定於七月初一日接歸
臣部管理以符統一交通行政之旨伏維驛站之設原以軍報爲
重軍塘台站一切差派遞送各項多與軍事相關故向隸兵部陸
軍部掌管今既改歸臣部自當與郵政合籌通計交通利便之區
亟應咨商各督撫如何改革如何銜接即邊遠荒蕪各處尤宜注
重添補郵局力謀擴充漸圖裁併惟是甫經接辦頭緒紛繁似非
詳慎酌核恐不足以資完善茲擬自接收後暫行仍照舊章辦理

其有應行改革之處隨時計畫量爲變通以收循序漸進統一事
權之效所有臣部接收驛站事宜並擬隨時變通辦理各緣由理
合恭摺具陳伏乞皇上聖鑒訓示謹奏

直省驛站應用經費一時尙難裁減摺

奏爲直省驛站業經收管謹將籌畫情形暨應用經費一時尙難裁減恭摺仰祈聖鑒事竊維臣部管理郵政總以次第擴張漸臻完備爲宗旨所有驛傳事宜業於上月二十九日奏歸臣部接管當日奉旨知道了欽此欽遵在案查驛站經費向由直省分期咨報陸軍部奏銷今各項事宜既歸臣部照舊辦理則向來應支一切經費自應劃歸臣部以爲統籌郵驛辦法近年各省窘於經濟往往各自爲政將原有驛站錢糧或改作郵寄等費或隨時裁減提作別用似此辦法紛歧既與臣部前次奏內漸減驛站增加郵局之議不符而於將來設施尤多窒碍臣等公同商酌現當時事艱難財力窘絀非統一政策酌劑盈虛無以籌目前之進行即無以備將來之挹注查各省驛費原定額設銀三百萬兩嗣經歷次

裁減現計歲收銀不足二百萬兩開支銀共一百七十六萬餘兩目下輪航鐵路交通如果完密自不難概行裁撤以節用費無如西北等處並各省偏僻地方輪軌既未通行郵政亦未普設即東南輪路已達各處所有馳驛等要差尙未安定辦法一時均難盡裁嗣後擬擇已通鐵軌及已設郵局處所舊有驛站由臣等隨時體察情形分別奏明裁改其交通未便之區凡夫驛台軍邊各站仍須按照例章妥慎經營以期無誤交通俾驛遞郵傳輔車相依藉可啣結一氣將來航路兩項通至何處即驛站文報裁至何處而經費視此亦可停至何處時時咨商各督撫事事咨報度支部庶內外風氣不致紛更而事實亦極融貫惟驛站有未克議裁之各省即經費有不能議減之實情所以新疆巡撫以資政院上年議裁驛站經費不能不會同陝西督臣奏請追加揆其情形固不

獨一省爲然應請旨飭下各督撫將歲支驛站文報局一切錢糧經費統報臣部酌核動支如有應行改併之處臣部亦當隨時知照各督撫實行裁撤庶此增彼減無畸輕畸重之衡而酌盈劑虛有漸推漸廣之效現在直省驛站錢糧各項經費既不得移作他用亦不能輕議改章臣部咨商度支部業經覆准按照陸軍部成案辦理如蒙俞允由臣部通咨各督撫欽遵核辦所有籌議驛站情形暨經費尙難裁減緣由謹恭摺具陳伏乞皇上聖鑒訓示謹奏

請改派署理郵政總局局長摺

奏爲援案改派大員接署郵傳部郵政總局局長以重職守恭摺
仰祈聖鑒事宣統三年四月二十八日內閣會同郵傳部奏明定
期接管郵政以歸統一並派署郵傳部左侍郎李經方暫行兼署
郵政總局局長一摺本日奉旨依議欽此欽遵在案現在組織內
閣暫照海陸軍部成案改設各部副大臣李經方業經裁缺亟應
派員接充以專責成查郵政總局自郵傳部接管後裁併行省驛
站互通各國郵函半年以來經郵政總辦帛黎隨同商辦正資整
頓總局局長有綜核全局督率洋員之責署郵傳部副大臣左參
議梁士詒品端守潔心細才長擬請援案派令暫行兼署至該總
局用行政諸大端即由臣士詒隨時與該局長督同總辦以下
接續進行俾臻完備所有援案改派大員接署郵政總局局長緣

由理合恭摺具陳伏乞皇上聖鑒訓示謹奏

請獎日本郵員寶星摺

奏爲援案請獎日本郵員寶星恭摺具陳仰祈聖鑒事竊中日互訂代寄郵件包裹章程於宣統元年十二月三十日訂定嗣准稅務處咨據總稅務司稱中日互訂此項章程於中國前途關係匪尠迭承格外通融日本郵員不無勞勩應奏請賞給寶星以敦睦誼等語經咨由外務部與日本駐使商議等第等因旋准外務部咨行郵傳部奏明辦理臣等查所擬請獎該郵員小松謙次郎等寶星等第與歷辦成案相符自應量予酬庸以篤邦交謹將各該郵員擬給寶星分別等第繕具清單恭呈御覽候旨施行所有援案請獎日本郵員寶星緣由理合恭摺具陳伏乞皇上聖鑒訓示謹奏

A large rectangular table with 10 empty columns. A small black square is located on the right side of the table, approximately halfway down. The table is otherwise empty.

--	--	--	--	--	--	--	--	--	--

謹將擬給日本各郵員寶星分別等第繕具清單恭呈御覽
計開

日本國遞信次官小松謙次郎

以上一員擬請賞給二等第一寶星

日本國遞信省通信局長田中次郎

日本國遞信技師大井才太郎

日本國遞信管理局長加藤順次郎

以上三員擬請賞給二等第二寶星

日本國通信技師牧直二

日本國前遞信省外信課長二上兵治


以上二員擬請賞給二等第三寶星

日本國駐京郵便局長杉野耕三郎

日本國通信事務官補牛澤爲五郎
以上二員擬請賞給三等第一寶星

派員暫代郵政總局局長摺

奏爲派員暫行代理郵傳部郵政總局局長恭摺仰祈聖鑒事宣
統三年十月二十一日內閣會同郵傳部具奏派令臣士詒兼署
郵傳部郵政總局局長奉旨依議欽此欽遵在案現在臣士詒蒙
恩簡署郵傳大臣亟應派員代理郵政局長以專責成查有郵傳
部參議上行走二品銜候選道袁長坤熟悉外情才具開展堪以
暫行代理所有派員暫行代理郵政總局局長緣由理合恭摺具
陳伏乞皇上聖鑒訓示謹奏



A large rectangular table with 12 empty columns and a thick border. The table is oriented vertically on the page. There are no rows of data or text within the table cells.

諭旨補遺

總務 宣統元年正月起宣統三年十二月止

議覆張光照條陳四政摺

宣統元年七月十一日具奏奉旨知道了欽此

臚陳本部第二屆籌備成績摺

宣統元年九月二十二日具奏奉旨著憲政編查館知道欽此

試辦交通研究所整頓圖書通譯局摺

宣統元年十月十二日具奏奉旨知道了欽此

遵查上海交通銀行李厚祐被參各款摺

宣統元年十一月十二日具奏奉旨著依議欽此

遵章預陳次年籌備憲政實情摺

宣統元年十二月十七日具奏奉旨著憲政編查館知道欽此

擬訂四政專律奏報開辦情形摺

宣統元年十二月十七日具奏奉旨著依議欽此

遵設憲政籌備處情形摺

宣統二年二月十八日具奏奉旨著憲政編查館知道欽此

創設交通傳習所開辦情形摺

宣統二年二月二十八日具奏奉旨依議欽此

請派交通傳習所監督並刊刻國防片

宣統二年二月二十八日具奏奉旨依議欽此

請派交通銀行協理片

宣統二年二月二十八日具奏奉旨依議欽此

臚陳第三屆憲政籌備成績摺

宣統二年三月初八日具奏奉旨著憲政編查館知道欽此

編訂第一次交通統計表摺

宣統二年五月初十日具奏奉旨著憲政編查館知道表冊併發
欽此

報銷宣統元年分收支經費款目銀數摺

宣統二年五月二十日具奏奉旨度支部知道欽此

報銷宣統元年鐵路辦公經費項下收支款目銀數摺

宣統二年五月二十日具奏奉旨度支部知道欽此

臚陳第四屆憲政籌備成績摺

宣統二年十月初二日具奏奉旨著憲政編查館知道欽此

預陳次年籌備實情摺

宣統二年十二月二十五日具奏奉旨著憲政編查館知道欽此

改派交通銀行幫理片

諭旨補遺

宣統三年三月初八日具奏奉旨依議欽此

奏銷本部宣統二年收支經費欸目銀數摺

宣統三年四月初八日具奏奉旨知道了欽此

叙明四政經費不敷應行追認摺

宣統三年六月十二日具奏奉旨著度支部知道欽此

臚陳本部第六屆籌備成績摺

宣統三年十一月二十日具奏奉旨內閣知道欽此

船政 宣統元年正月起宣統三年十二月止

接收招商局日期摺

宣統元年七月十一日具奏奉旨知道了欽此

陳明輪船招商局歷年官督商辦情形摺

宣統元年十二月十三日具奏奉旨知道了欽此

謹擬各省大小輪船公司註冊給照章程摺

宣統二年三月二十八日具奏奉旨依議欽此

恭報輪船招商局宣統元年分營業盈虧情形摺

宣統二年六月初十日具奏奉旨知道了欽此

審定商辦輪船招商局股分有限公司章程摺

宣統三年七月二十三日具奏奉旨依議欽此

路政 宣統元年正月起宣統元年十二月止

查明湖北川漢鐵路資本情形片

宣統元年二月初八日具奏奉旨知道了欽此

覆陳勘查西潼鐵路路綫股資大概情形摺

宣統元年二月二十八日具奏奉旨知道了欽此

匪徒竊毀鐵路要件請明定治罪專條及承緝處分摺

宣統元年五月二十日具奏奉旨着該部議奏欽此

擬飭各鐵路察看情形統籌添派巡警並劃一名目片

宣統元年五月二十日具奏奉旨着該部安定章程咨商有路各省切實辦理欽此

覆陳勘查山西同蒲鐵路路綫股資情形摺

宣統元年六月初一日具奏奉旨知道了欽此

遵擬陸海軍鐵路輸運詳細章程摺

宣統元年六月初一日具奏奉旨著照所請該衙門知道欽此

議覆籌修錦齊鐵路摺

宣統元年六月十一日具奏奉旨留中

派員查勘廣西鐵路摺

宣統元年七月二十一日具奏奉旨著依議欽此

改派廬祖華充京奉鐵路洋務總辦片

宣統元年七月二十一日具奏奉旨依議欽此

派陸緒聲充京奉鐵路總辦楊士驥回部並充鐵路總局財

政議員片

宣統元年七月二十一日具奏奉旨依議欽此

驗收京張鐵路工程摺

宣統元年八月十二日具奏奉旨著准其酌保數員毋許冒濫欽此

特參鐵路貪劣職員摺

宣統元年九月十二日具奏奉旨郵傳部奏特參鐵路貪劣職員一摺分省補用知府陸錫珪前充京奉鐵路總辦譯磨大妄爲貪污無恥候選同知王慶麒前充汴洛鐵路總辦譯貪鄙嗜利勒索

諭旨補遺

四

包工直隸候補直隸州知州羅春煦前充京奉鐵路文案行爲卑鄙勒索有據知縣用分省補用縣丞林秉璋前充京奉鐵路站長居心險詐私索規費均著革職永不叙用其陸錫珪一員並著地方官驅逐回籍不准逗留滋事該部知道欽此

接辦粵漢鐵路鄂境川漢鐵路事宜摺

宣統元年九月二十二日具奏奉旨知道了欽此

請賞給洋員濮蘭德寶星摺

宣統元年十月初二日具奏奉旨著照所請外務部知道欽此

吉長鐵路派總會辦片

宣統元年十月初二日具奏奉旨著依議欽此

吉長鐵路開工日期片

宣統元年十月初二日具奏奉旨依議欽此

恭備陵差開支款項援案核銷摺

宣統元年十月十二日具奏奉旨知道了欽此

湖北賑糶米捐備還粵漢贖路本息暨充鐵路經費請飭仍照原案支付摺

宣統元年十月二十二日具奏奉旨著度支部妥議具奏欽此

附奏擬隨時親詣各路查看片

宣統元年十月二十二日具奏奉旨著依議欽此

請給獎牌以勵勤能摺

宣統元年十一月初二日具奏奉旨依議欽此

查辦粵漢鐵路摺

宣統元年十一月初二日具奏奉旨著依議欽此

汴洛鐵路裁併員司更定職掌摺

諭旨補遺

五

宣統元年十一月十二日具奏奉旨知道了欽此

吉長張綏兩路擬請援案免稅片

宣統元年十一月二十二日具奏奉旨著該衙門議奏欽此

核覆京奉鐵路第四案收支各款摺

宣統元年十一月十二日具奏奉旨知道了欽此

議覆陝西延長油鐵修築運路摺

宣統元年十二月十三日奉旨提倡商業爲當務之急著該撫體查情形廣籌行銷一俟火油較旺即行議修運路以興實業而濟利源欽此

粵漢鐵路候派員查復安定章程併案復奏片

宣統元年十二月十三日具奏奉旨知道了欽此

核覆黑龍江鐵路交涉局用款片

宣統元年十二月十七日具奏奉旨知道了欽此

路政 宣統二年正月 起宣統二年十二月止

勘明開徐海清路綫情形籌擬及時興辦摺

宣統二年正月二十七日具奏奉旨知道了欽此

奏派水鈞韶充汴洛總辦並留部補用片

宣統二年二月初八日具奏奉旨依議欽此

擬請改派安徽鐵路公司總理摺

宣統二年二月初八日具奏奉旨依議欽此

遵議黃河培修隄岸碍難由路款協濟摺

宣統二年二月初八日具奏奉旨著依議欽此

體察勸修蒙疆鐵路情形摺

宣統二年二月十八日具奏奉旨著依議欽此

派左參議赴粵察看廣九鐵路片

宣統二年三月初八日具奏奉旨知道了欽此

派開徐海濟鐵路總辦片

宣統二年三月初八日具奏奉旨知道了欽此

呈進京張形勝全圖摺

宣統二年三月初八日具奏奉旨知道了圖留欽此

覆陳勘查福建潮汕新甯惠潮鐵路路綫股資摺

宣統二年二月二十八日具奏奉旨知道了欽此

江蘇總協理留辦照章核准摺

宣統二年三月十八日具奏奉旨知道了欽此

洛潼鐵路購買機器材料准予免稅摺

宣統二年三月二十八日具奏奉旨著該衙門議奏欽此

正太鐵路製造活軸車輛洋員請給寶星片

宣統二年三月二十八日具奏奉旨著外務部議奏欽此

前往山東查看津浦鐵路片

宣統二年四月初九日具奏奉旨知道了欽此

請賞承辦陵差出力洋員寶星片

宣統二年四月十九日具奏奉旨依議欽此

查明浙路公司擬造江橋被參各節並籌擬辦法摺

宣統二年四月十九日具奏奉旨著依議欽此

議結京漢贖路交涉及收撥款項摺

宣統二年四月二十九日具奏奉旨知道了欽此

請改派山西同蒲鐵路總理摺

宣統二年五月初十日具奏奉旨依議欽此

諭旨補遺

七

議覆滇省籌辦鐵路情形摺

宣統二年五月初十日具奏奉旨著依議欽此

報銷勘路各員用過銀數片

宣統二年五月二十日具奏奉旨度支部知道欽此

核覆京奉路第五案收支各款摺

宣統二年六月二十日具奏奉旨知道了欽此

遵查粵路弊混情形摺

宣統二年七月初一日具奏奉旨著依議欽此

裁汰正太鐵路華洋員司摺

宣統二年七月二十一日具奏奉旨知道了欽此

派員往湖南北勘路摺

宣統二年七月二十一日具奏奉旨知道了欽此

川漢路綫擬請撥案穴垣通過摺

宣統二年八月初一日具奏奉旨著依議欽此

聲明鐵路公司與普通公司情形不同摺

宣統二年八月二十一日具奏奉旨依議欽此

奏派粵路總協理摺

宣統二年九月初二日具奏奉旨依議欽此

開徐海清鐵路購用機器材料請照成案准予免稅摺

宣統二年九月初二日具奏奉旨該衙門知道欽此

酌議吉長南滿聯絡行車摺

宣統二年九月初二日具奏奉旨知道了欽此

查明湘鄂路工暨股捐各款情形摺

宣統二年九月十二日具奏奉旨知道了欽此

議覆汴撫奏派員充洛潼總稽查坐辦等差摺

宣統二年九月十二日具奏奉旨依議欽此

清還英公司借款一百萬兩片

宣統二年九月十二日具奏奉旨知道了欽此

陳明正太鐵路上年營業情形暨收支大數摺

宣統二年九月二十二日具奏奉旨知道了欽此

萍昭鐵路改名萍株刊給關防片

宣統二年九月二十二日具奏奉旨知道了欽此

擬親往汴洛京漢津浦查視路務片

宣統二年十月初二日具奏奉旨知道了欽此

核覆京奉鐵路第六案收支各款摺

宣統二年十月十二日具奏奉旨知道了欽此

奏派京奉鐵路總辦片

宣統二年十月二十二日具奏奉旨知道了欽此

新甯鐵路購運材料撥案酌展免稅年限摺

宣統二年十一月初二日具奏奉旨依議欽此

籌備路政擬令民間仿行族葬以利交通片

宣統二年十一月初二日具奏奉旨依議欽此

陳明道清鐵路上年營業情形暨收支大數摺

宣統二年十一月二十二日具奏奉旨知道了欽此

奏報汴洛鐵路上年收支款目大數片

宣統二年十二月初二日具奏奉旨知道了欽此

陳明滬甯鐵路上年營業情形暨收支大數摺

宣統二年十二月十二日具奏奉旨知道了欽此

彙陳宣統元年份鐵路項下經收撥用各款大數摺

宣統二年十二月二十五日具奏奉旨著度支部知道欽此

陳明京漢鐵路上年營業收支大數摺

宣統二年十二月二十五日具奏奉旨知道了欽此

路政 宣統三年正月起宣統三年十二月止

洛潼路線擬請援案穿過新安城垣摺

宣統三年二月二十七日具奏奉旨依議欽此

議覆石長信奏鐵路亟宜明定幹路枝路辦法摺

宣統三年四月十一日具奏內閣奉上諭郵傳部奏遵議給事中石長信奏鐵路亟宜明定幹路枝路辦法一摺所籌辦法尙屬妥協中國幅員廣闊邊疆遠袤延數萬里程途動需數閱月之久朝廷每念邊防輒勞宵旰欲資控禦惟有速造鐵路之一策况憲

政之諮謀軍務之徵調土產之運輸胥賴交通便利大局始有轉機熟籌再四國家必得有縱橫四境諸大幹路方足以資行政而握中央之樞紐從前規畫未善並無一定辦法以致全國路政錯亂紛歧不分枝幹不量民力一紙呈請輒行批准商辦乃數年以來粵則收股及半造路無多川則倒賬甚鉅參迫無著湘鄂則開局多年徒資坐耗竭萬民之脂膏或以虛糜或以侵蝕恐曠時愈久民累愈深上下交受其害貽誤何堪設想用特明白曉諭昭示天下幹路均歸國有定爲政策所有宣統三年以前各省分設公司集股商辦之幹路延誤已久應即由國家收回趕緊興築除枝路仍准商民量力酌行外其從前批准幹路各案一律取銷至應如何收回之詳細辦法著度支部郵傳部稟遵此旨悉心籌畫迅速請旨辦理該管大臣毋得依違瞻顧一誤再誤如有不顧大局

故遂擾亂路政煽惑抵抗即照違制論將此通諭知之欽此

粵漢川漢鐵路借款正合同簽字難延請將前案取銷片

宣統三年四月十一日具奏奉旨著依議欽此

粵漢川漢鐵路借款合同磋商定議簽字蓋印

宣統三年四月二十二日具奏奉旨著郵傳大臣簽字餘依議欽此

四川鐵路公司虧倒鉅款遵旨查核辦理摺

宣統三年四月二十四日具奏奉旨著依議欽此

擬請釐定全國鐵路軌制摺

宣統三年五月十八日具奏奉旨著依議欽此

派員接充京奉洋務總辦片

宣統三年五月十八日具奏奉旨著依議欽此

遵旨籌畫川粵漢幹路收回詳細辦法摺

宣統三年五月二十一日具奏奉 上諭度支部會奏遵旨籌畫川粵漢幹路收回詳細辦法各摺片鐵路收歸國有固以維持路政實以體恤民艱前經降旨停收川湘等省各項股捐並累次諭令將已收之款妥籌辦法茲據奏稱請將粵川湘鄂四省所抽所招之公司股票盡數驗明收回由度支部郵傳部特出國家鐵路股票常年六釐給息嗣後如有餘利按股分給倘願抽本五年後亦可分十五年抽本未到期者並准將此項股票向大清交通銀行照行規隨時抵押其不願換國家鐵路股票者均准分別辦理以昭平允粵路全係商股因路工遲滯糜費太甚票價不及五成現每股從優先行發還六成其餘虧耗之四成並准格外體恤發給國家無利股票路成獲利之日准在本路餘利項下分十年攤給

湘路商股照本發還其餘米捐租股籌款准其發給國家保利股
票鄂路商股並准一律照本發還其因路動用賑糶捐款准照湖
南米捐辦理川路宜昌實用工料之款四百數十萬兩准給國家
保利股票其現存七百餘萬兩願否入股或歸本省興辦實業仍
聽其便等語籌畫尙屬妥協著督辦粵漢川漢鐵路大臣迅速前
往會同各該省督撫遵照所擬辦法將所有收款分別查明細數
實力奉行朝廷於此事審慎周詳仁至義盡經此次規定後倘有
不逞之徒仍藉路事爲名希圖煽惑滋生事端應由該督撫嚴拿
首要盡法懲辦毋稍寬徇以保治安欽此

議覆滇省減收隨糧路股摺

宣統三年六月初一日具奏奉旨著依議欽此

改派吉長鐵路總辦片

宣統三年六月初一日具奏奉旨知道了欽此

駁覆京奉鐵路第七案收支各款摺

宣統三年六月二十四日具奏奉旨知道了欽此

福建鐵路舉員暫管並籌善後事宜摺

宣統三年閏六月初六日具奏奉旨著依議欽此

派員充京漢鐵路總會辦片

宣統三年閏六月初六日具奏奉旨知道了欽此

遵訂鐵路鋼軌驗收章程摺

宣統三年閏六月十七日具奏奉旨著依議欽此

議覆籌修歸化城至包頭鎮鐵路摺

宣統三年閏六月十七日具奏奉旨知道了欽此

派充三佛枝路總辦片

諭旨補遺

十二

宣統三年閏六月二十

覈覆萍株鐵路收

宣統三年七月十二日

議覆西潼鐵路請

宣統三年八月十八日

京張鐵路兼辦鷄

宣統三年八月二十九日

京漢鐵路贖回後

宣統三年九月十一日

請派署鐵路總局

宣統三年十月二十一日

請賞給各路洋員

宣統三年十一月二十六日具奏奉旨依議欽此

請賞各路辦事出力洋員寶星摺

宣統三年十二月十五日具奏奉旨依議欽此

電政 宣統元年正月起宣統三年十二月止

裁撤上海電政局督辦等名目片

宣統元年二月初八日具奏奉旨知道了欽此

覈銷新疆三十一年分電報收支用款摺

宣統元年六月二十日具奏奉旨知道了欽此

懇請分別改獎洋員寶星摺

宣統元年七月十一日具奏奉旨著照所請外務部知道單併發
欽此

覈銷新疆三十二年分電報收支款目摺

宣統元年七月二十一日具奏奉旨知道了欽此

核覆吉江兩省暨新齊腹地電綫工程用款摺

宣統元年八月二十二日具奏奉旨知道了欽此

擬派上海電政局總辦片

宣統元年八月二十二日具奏奉旨依議欽此

遵旨議設密雲電局摺

宣統元年九月十二日具奏奉旨著依議欽此

核覆新疆電報收支款目摺

宣統元年十月初二日具奏奉旨知道了欽此

覆核電報第二十七屆收支款目摺

宣統元年十二月初三日具奏奉旨知道了欽此

陳明推廣修理電綫並整頓大概情形摺

宣統元年十二月十三日具奏奉旨知道了欽此

核覆奉省營鳳奉臨等處電綫工程用款摺

宣統二年四月初九日具奏奉旨知道了欽此

覈覆山東黃河兩岸創設電綫經費摺

宣統二年五月三十日具奏奉旨知道了欽此

展設安徽蕪湖至甯國府及徽州屯溪電綫摺

宣統二年七月十一日具奏奉旨知道了欽此

核覆山東省城至西關商埠安設電話工程用款摺

宣統二年八月二十一日具奏奉旨知道了欽此

覆核電報第二十八屆收支款目摺

宣統二年十一月十二日具奏奉旨知道了欽此

各省官辦電報歸部辦理摺

宣統二年十二月初二日具奏奉旨著依議欽此

酌擬廣西官電辦法摺

宣統三年四月二十四日具奏奉旨著依議欽此

請派電政總局局長各差片

宣統三年四月二十四日具奏奉旨候選道周萬鵬著賞給四品卿銜充電政總局局長餘依議欽此

請賞給大北電報公司總理寶星片

宣統三年四月二十四日具奏奉旨著外務部查核辦理欽此

彙案核銷廣東東三省等處展設電綫支用各款摺

宣統三年六月初一日具奏奉旨知道了欽此

請撥案獎給洋員寶星摺

宣統三年十一月二十六日具奏奉旨依議欽此

郵政 宣統元年正月 起宣統三年十二月止

派員赴奧肄業情形摺

宣統二年七月十一日具奏奉旨知道了欽此

接收郵政並分年籌備辦法摺

宣統二年九月初二日具奏奉旨著依議欽此

請將驛站歸勸業道兼管片

宣統二年九月初二日具奏奉旨著陸軍部覈議具奏欽此

會奏郵政訂期接管以歸統一摺

宣統三年四月二十八日具奏奉旨著依議欽此

統籌郵政經費懇將六關認定款項照數撥給摺

宣統三年閏六月十七日具奏奉旨著度支部督辦稅務大臣議

奏欽此

各衙門照郵政向例納資片

宣統三年閏六月二十九日具奏奉旨知道了欽此

郵政應用物料請照案免稅片

宣統三年閏六月十七日具奏奉旨著度支部督辦稅務大臣議奏欽此

定期接收驛站並擬隨時變通辦理摺

宣統三年閏六月二十九日具奏奉旨知道了欽此

直省驛站應用經費一時尚難裁減摺

宣統三年七月十二日具奏奉旨著依議欽此

請改派署理郵政總局局長摺

宣統三年十月十二日具奏奉旨著依議欽此

請獎日本郵員實星摺

宣統三年十一月二十日具奏奉旨依議欽此

派員暫代郵政總局局長摺

宣統三年十一月二十六日具奏奉旨知道了欽此

勘誤表

總務

頁碼

行數

勘誤

二十

二十四

改誤效

二十四

六

平誤年

三十四

二十四

糜誤糜

三十八

二十

僱誤催

三十八

二十二

湘誤湖

四十二

七

允誤充

四十三

二十三

落議字

四十四

六

緣誤緣

四十六

二十一

落船字

勘誤表

四十九

二十

註誤注

四十九

二十三

緣誤緣

五十一

十九

緣誤緣

五十七

二十三

愛誤受

六十

二十二

蘊誤蘊

六十七

一

樓誤樓

七十二

十七

落所字

七十六

五

先誤光

七十七

十六

與誤於

八十九

十六

千誤十

九十九

十二

正誤止

路政 宣統元年分

四	二	勻誤均
五	四	該誤成
五	八	軍誤運
五	十五	錢誤兩
七	二十四	十誤千
十	二十二	前誤南
二十三	二	方誤芳
五十一	十六	糜誤糜
七十九	十五	蹟誤頤
一百零一	七	壤誤壤
一百二十六	二十四	落段字
路政		

宣統二年分

勘誤表

二一

